


續修四庫全書

《續修四庫全書》編纂委員會編

續修四庫全書



上海古籍出版社

一〇三四・子部・天文算法類

欽定天文正義八十卷（卷十一至卷八十）

天象源委二十卷〔清〕張永祚輯

五七七

月令

史記天官書月行中道安寧和平陰間多水陰事外北三尺陰星北三尺太陰大水兵陽間驕恣陽星多暴獄太陽大旱喪也索隱案中道房室星之中間也房有四星若人之房三間有四表然故曰房南為陽間北為陰間則中道房星之中間也故房是日月五星之常行道然黃道亦經房星若月行得中道故陰陽和平若行陰間多陰事則人主驕恣若歷陰星陽星之南迫太陰太陽之道則有大水若兵及大旱若喪也太陽亦在陽間之南各三尺也太陰太陽皆道也月行近之故有水旱兵喪也

按史記天官書月行有中道陰間陰星太陰陽間陽星太陽陰星太陰皆北三尺陽星太陽不言尺索隱為中道為房室星之中間房有四星若人之房三間有四表然南為陽間北為陰間月行得中道故陰陽和平陰間多陰事陽間則驕恣若歷陰星陽星之南迫太陰太陽之道則有大水若兵及大旱若喪太陽亦在陽間之南各三尺今按天文家以一尺為一度蓋據人目所視而言日月在天全徑約皆半度視之有若五寸是也以月道考之古歷月道出出黃道南北各六度則太陰在中道北六尺為月行極北之道太陽在中道南六尺為月行極南之道索隱謂歷陰

星陽星之南迫太陰太陽之道當時歷陰星之北陽星之南脫之北二字也又以星度考之房宿四星相距約各三度則所謂各三尺者是已但最北一星在黃道北一度三分中則北一星在黃道南一度五十七分中則南一星在黃道南五度二十六分最南一星在黃道南八度三十三分是中道不在房星中間而在陰間月行北道能至陰星之北月行南道不能至陽星之南則天官書于陽星太陽不言尺者或為對待之文而非寔有其事索隱謂太陽亦在陽間之南各三尺者亦第據文義云然而非寔有考證也又以交行考之月道與黃道斜交其入黃道北之點為正交猶日道之春分也入黃道南之點為中交猶日道之秋分也然日道與赤道交有定位在而月道與黃道之交無定所每年退行十九度有奇約以二百三十月有奇周而復始今房宿距星在鼎宮二十九度恒星有歲差每歲降兩宿年房宿第一星在鼎宮二十九度退行五十一秒乾正交自寅宮二十一度退行至卯宮十七度此三十四度內計二十一月有奇月皆行房宿陰間正交自卯宮十七度退行至申宮十二度此一百五十五度內計九十九月有奇月皆行房宿陰星北至於太陰正交自申宮十二度退行至酉宮八度此三十四度內計二十一月有奇月復行房宿陰間正交自酉宮八

度退行至寅宮二十一度此一百三十七度內計八十七月有奇月皆行房宿中間南至陽間是十九年之內月離房宿南北各有時未必寔有水旱兵喪之事蓋自北齊張子信以前未知交道有行度又以房宿為農事之候故月行或南或北皆以為占然其曰水曰旱則亦取乎陰陽之義也今東北郡人相傳十一月下旬候月離房宿南北占來歲水旱又於十二月下旬月離房宿時候風占霜早晚視雲氣占五穀所宜或者即天官遺意也

漢書天文志月有九行者黑道二出黃道北赤道二出黃道南白道二出黃道西青道二出黃道東立春春分月東從赤道立秋秋分西從北道立冬冬至北從黑道立夏夏至南從赤道然用之一決房中道青赤出陽道白黑出陰道若月失節度而妄行出陽道則旱風出陽道則陰雨

按漢書天文志云月失節度而妄行出陽道則旱風出陰道則陰雨今以月緯考之正交入陰歷行黃道北中交入陽歷行黃道南距交近則南北行疾距交遠則南北行緩驗之交食凌犯皆無違失則是月之南北有常行不得有失度者蓋自唐李淳風始言月行白道道有交行前此以八節分九道其疎故未能與月行密合其失原不在月然其曰旱風曰陰雨則亦猶是史記陰陽之義也

漢書五行志京房易傳曰晦而月見西方謂之朧朔而月見東方謂之仄隱仄隱則侯王其肅朧則侯王其舒

按漢書五行志云晦而月見西方謂之朧朔而月見東方謂之反隱天文諸家則凡月行之朧朔望日時晦朔隱見之早遲以及月鈞升降之仰偃皆有古今以日月行度考之日行有盈縮月行有遲疾日行縮而月疾則望必早矣日行盈而月行遲則望必遲矣又黃道升降有斜正月行緯度有南北黃道正升正降而月行緯北則月必朔後早見晦前遲隱矣黃道斜升斜降而月行緯南則必朔後遲見晦前早隱矣正升正降者月鈞皆仰而向上

斜升斜降者朔後斜向東南晦前斜向西南斜之甚而幾平者則橫而向正南獨無正偃向下橫斜向北者蓋朔後晦前日在月下光不得在上也日在月北光不得在南也詳見考漢代以前未知日月有盈縮遲疾之差概以二十成上編九日半有奇四分之為晦朔望之率往往差之至二日有奇故月見西方已是朔後謂晦而月見西方者非月行之失速乃所謂者遲也月見東方尚是晦前謂朔而月見東方者非月行之失遲乃所謂朔者早也天文家不知其為推步之躒轉以此為月行之過拘牽傳會不可勝言史志所載特其較著者也故叙錄史文而附論于其後至於

占驗則惟取暈適抱珥雲氣變色等類著於編其他盈縮遲速理漢書而日循其常與夫正偃反月之屬西漢望後東缺謂之反月亦晦見名益恆而寔無是理者皆概置不錄云

晉書天文志月為太陰之精以之配日女主之象以之比德刑罰之義列之朝廷諸侯大臣之類月變色將有殃月晝明姦邪並作君臣爭明陰國兵強中國飢天下謀僭月生齒天子有賊臣羣下自相殘宋史天文志月變色為殃青飢赤兵旱黃喜黑水月生齒則下有叛臣生足則后族專政

觀象玩占月變色其國有殃青為憂為飢赤為爭為兵白為喪為旱黑為水為疫疾為死喪黃潤而明則有喜黃燥為風為旱月始生而色青其分有疾五穀貴色赤其君分憂色黃其分有立王色白其分亡地色黑其分有水月滿而色赤為兵為旱月赤如赭大將死野兩軍相當月生而色黃主人受其殃月二十八日色黃客受殃月無光臣作亂其下國有死王一日君令不行民飢國憂正月月無光兵起人多死二月月無光國有災變事三月月無光水災四月月無光大早五月月無光有火災六月月無光六畜貴七月月無光蟲災歲凶八月月無光兵起九月月無光布帛貴十月月無光

六畜貴十一月月無光魚豨大貴十二月月無光五穀大貴
 月光如張炬火其下國之王 月生三日其中變纒纒如絲
 布狀其野餘兵盡出在外主人不勝 月闕其下有血流凡
 兩月三月以至十月以皆有物如月非昏真月也 月中有
 如人行者有兩主爭客勝 月望而月中蟾兔不見者所宿
 國大水城陷民流亦為女主宮中不安 月生彗其國昏亂
 月生芒后族擅權天子有憂 又占軍在外者敢向北北軍
 敗向南南軍敗東西亦如之若有氣出用兵者當隨其氣所
 向攻之勝一曰月垂芒其國亂月上有黃芒皇后有喜月生
 角天下兵起國受殃月上角大主勝下角大賊勝月生牙齒
 荆州占曰王者備左右一曰有刺客月生足其下軍憂月生
 赤足臣有得罪者月生爪有刺客在其分荆州占曰月爪所
 指其方煩擾有土功事月生兵起備不虞有奸人用兵無功
 月生刺其宿國君防刺客若有兵在外則將防之常以月十
 四夜候月中有氣如鳥其地無居者 月中有黑子黑氣大
 如桃李臣有蔽主明者 月薄女主憂大臣失所志曰凡軍
 行而過日月薄宜收軍不遇有謀反無而蝕曰薄或近望陰
 氣侵迫赤黃無光者慝氣薄月也 月無雲而波影昏暗
 謂之夜冥法令不行將有死亡之兆若雜以殺氣寒慘者必
 有大咎三日內雨則不占 月中有神龍玉兔忽神龍倚玉

兔者洪水滔天人民流散千里荒涼國亂連年不止
 月旁雲氣占

隨書天文志月暈黃色將軍益祿得位月暈有兩珥白虹
 貫之天下大戰月暈而珥兵從珥攻擊者利月暈有蛇雲乘
 之以戰從蛇所往者大勝月暈紅蛇直指暈者至月者破軍
 殺將

宋史天文志月旁瑞氣一珥五穀登兩珥外兵勝四珥及生
 戴氣君喜國安終歲不暈天下偃兵白暈貫月下有廢主白
 虹貫之為大兵起月珥背瑞暈而珥六十日兵起珥青憂赤
 兵白喪黑國亡黃喜有折瑞臣下弛縱欲相殘賊不和之氣

暈三重兵起四重國亡五重女主憂六重國失政七重下易
 主八重亡國九重兵起亡地十重天下更始

月暈大微垣天子以兵自衛一月三暈有敵月暈角其分兵
 起右角右將災左亦然或曰主水色黃有大敵月暈三重入
 天門及兩角兵起將失利月暈亢其分先起兵者勝在冬大
 人憂月暈辰大將山人疫在冬為水主危以散解之月暈房
 為兵三宿主敵及五舍不出百日敵月暈心為旱穀貴燕生
 將凶月暈尾有疫大敵將相憂其分有水災后妃憂月暈箕
 為風穀貴大將易又王者納后月暈斗大將死穀不生月暈
 牛在冬三月百四十日外有柱暈中央大星大將被戮月

暈女有兵謀不成月暈虛有兵謀風起則不成又為民飢月
 暈危有兵喪先用兵者敗月暈室為水為風月暈壁為風而
 其公有憂月暈金兵敗雜貴將教人疾疫月暈婁在春百八
 十日有赦又為雜貴三日內雨解之月暈胃兵先動者敗姓
 婦多死又曰天多雨或山崩有破軍歲星在暈內天下有德
 令月暈在四孟之月有赦熒惑在暈中為兵月歲三暈鼎弓
 弩貴民飢月暈畢兵亂飢喪暈三重邊有叛者七日內風雨
 解之又為陰國有憂天下赦正月月暈箭有赦外軍不勝大
 將憂偏裨有死者月暈參將死人之亂戰不利月暈井為旱
 為兵為民流國有憂一曰國有赦陰陽不和則暈暈及三重
 重在三月為大水在十二月日壬癸為大赦月暈鬼為旱為
 赦月暈柳林苑有兵天下有土功厨獄官憂又為兵為飢為
 旱疫月暈星其地旱獄官凶月暈張為水災陳卓曰五穀魚
 益貴月暈軫有兵歲旱多大風 觀象玩占月有戴不出
 百日人主有喜戴且珥占同 月有珥色青為憂白為喪赤
 為兵黑為亡地黃為喜月有兩珥下國喜兵在外則勝月有
 四珥其下國安有喜高宗占月十日有兩三珥其國有喜四
 珥女主憂不則天子有立諸侯月昏而珥天下兵起不出六
 十日荆州占月昏而珥有半喜月夜半而珥邊地有恐月有
 白珥其下城降 月冠而珥有大風人主有喜 月有背珥

欽定天文正義 卷一一

臣下縱放相殘天子宜備左右月有四珥不暈臣下有謀不
 成月有抱為順有背為逆抱且背為不和臣有欲為忠者亦
 有欲為邪者 月有四提其下國有憂有六提天子遊行天
 下 月始生有黑雲貫月名曰緞雲或一或二不出三日有
 暴雨月始出時有雲居其中狀如禽獸其名曰恭甲乙日見
 東方受其害丙丁日南方受其害壬癸日見北方受其害月
 下有氣如人相隨是謂惡成其下國分侯王當之月下有氣
 如飛鳥其分無君月上有赤黑雲氣臨月當其地有亡軍青
 雲刺月是謂賊害主受其殃五穀不成青雲刺月是謂仇賊
 黃月刺月女主有憂白雲刺月其下君亡黑雲刺月是多陰
 雨黑氣繞月女主災黑氣似暈圍月或射月皆為女主不安
 七日內雨不占 月暈謂之邊巡人君之政和平則終歲不
 暈天下又安月暈者臣下專權之象月暈則受禪及所在國
 皆不安月暈七日無風雨則兵起土工興月暈赤而有先天
 子起兵攻城城降月暈中赤外青羣臣親附外赤中青臣有
 外心月暈闕者其國君背約月暈東向風敗五穀西向且雨
 風害五穀北向為水南向者旱風月暈明王者自將兵 月
 暈一重下缺不合上有冠戴旁有兩珥白雲連環貫珥國有
 大兵大戰流血其地紛紜期不一年月暈在重有赤雲繞之
 或如杆衡之有軍在外大戰萬人死其下月暈再重有背有

有反者背在內私成於內背在私成於外月暈三重其外赤而中濁不散者軍聚會一月暈三重天下兵起土工興相死女主憂月暈三重赤雲貫之其下國亡月有交暈赤色有光其國不出三年被兵月色黃有交暈所宿國受兵月色黃白有交暈一黃一赤所宿國益地不出一年交暈貫月有軍相并從貫擊者勝殺將月暈如連環兵起爭地月暈連環一二至四五皆為女主昌月有白暈連環接北斗其國大兵大戰流血其下七地一曰月暈連環貫北斗魁大臣下獄流千里月暈而冠天子有喜多大風月暈而珥兵起戰從珥所擊勝一曰大水有女喪月暈一珥得珥之國失地月暈兩珥先起者勝月暈有白珥上將戰死月暈兩珥有白雲如虹或白虹貫之天下有大戰以日宿占國月暈有抱珥在暈外外人戰勝在內內人勝月暈有珥臣叛兵起月暈一重下珥上冠旁有珥兵起月暈有虹蜺彗之以戰從虹所往勝月暈有虹蜺直指破暈至月破軍殺將月暈而有赤雲如火其地圍城降月暈有白氣從外入攻城者勝從內出城中兵出勝月暈有雲橫貫之起兵者勝一曰左右吏死月暈有雲如布或三或四貫暈及月有兵從之未勿當之戰當之者必敗月暈有白氣交橫貫月大將暴亡軍敗月暈有白雲如梓派月不出其年有女喪月暈有雲貫暈蔽月不出其年國有喪月

暈而陰亂風四起欲雨不雨士卒謀其將帥月暈有流星出暈中其國貴人走有流星入暈中臣走在外者逐月暈天無雲有流星過月天下其國有喜月暈而橫流星橫度暈中諸侯有亡國失地者亦曰其分有五侯之喪流星從月暈中出其國有憂赤色有拔城黑色破軍月環暈有流星入之外國有使來出之天子後宮得子孫流星色黃白明潤為喜月暈有客星在月北北國勝在月南南國勝軍在外月暈暈上光色鮮明者戰必勝月以正月三日暈所宿國小熟五日暈大熟二日暈有土功荆州占月以正月八日九日十六日十八日夜有暈者其年三月有德令十一日夜暈大旱十二日夜暈蜚蟲多死二十三日二十四日夜暈五穀不成二十五日二十六日夜暈泉費月正月上旬一暈樹木落二暈禾穀熟三暈雷振物武家占曰有大赦在明年五暈天下更王六暈有亡國七暈八暈道路多死人一曰月正月三暈民闕歲惡月正月甲乙日暈人疾憂丙丁日暈旱以己日暈大水土功起庚辛日暈大兵壬癸日有暈皆為大水荆州占月一月三暈王者自將出行一月五暈至九暈其國亡地十暈以上天下更改五月中月至九暈道上多熟死人月春暈本日夏火日秋金日冬水日四季土日皆為其分有殃月暈五星其國主死武家曰此謂五星相近而月暈畫及之也

凡月暈五星皆為兵。星色明容勝，不明主人勝，暈色明不明亦如之。月暈四星大水傷，五穀一曰粟，貴人相食，一曰兵起，一曰有赦，一曰有女憂，一曰其國主不安。月暈木星在辰有赦，令軍在外。月暈木星星色赤，主人戰敗。月暈木星而月食，天下飢，有大戰。月食木星而暈亦如之。月暈回大星，星所守國主亡。一曰兵在野，大戰，無兵大旱，兵起。一曰客兵入境，寇掠。月暈火星而又化之，將軍以憂死。月暈火星而攝提在，在其中，天子之兵橫行天下。亂。月暈火星而食，其分國七月食火星而暈亦如之。又曰其下有破軍亡地。月暈回土星其國有土工。巫咸曰：旱，高宗占曰：所在國兵起，戰不勝。月暈土星在參五車有赦。月暈土星而食為兵，長其國。土工與月食土星而暈亦如之。月暈金星其國受兵，戰不勝。一曰所宿國兵起，或曰為旱災。月暈金星而月食有大兵，戰。一曰大將有二心。月食金星而暈亦如之。月暈回水星所宿國有水災。河圖帝覽嬉曰：月春夏暈水，民病寒熱，熱在秋冬，憂兵起。月暈水星在角亢二重如連環，大臣有謀。月暈水星而食為大水。大饑，月蝕水星而暈亦如之。凡月春夏暈木，夏暈火，四季暈土，秋暈金，冬暈水，而其星色惡者皆為其分國亂。大山凡月暈五星諸占多以為凶，而間有言吉者，大抵觀象要在察色。若暈得五色或五色相生，鮮明潤澤，而月與星皆不失常色，光

明溫潤，大小相承，色不違時，行不失次，則為吉。無若月光昏昧，星色異常，進退舛差，芒角極怒，暈色枯燥，刑克黯如，死灰則當以凶禍言之，要在詳審而已。月暈天市垣兵起，又占月暈環天市房心貫索，市有火，天子宮中防火。月暈回大微箕軫少微三台，女主大盛，喜在後宮。月暈回紫微垣門至文昌有赦令。月暈角宮宿，蟲多死。一曰有兵先起者不勝。海中占曰：民飢多風雨。石氏曰：月入角中而暈，王者喜。又曰有大赦，暈一角小赦。甲乙日為春，丙丁為夏，庚辛日為秋，壬癸為冬。又占月暈回角亢大將軍有憂。月暈於亢有兵在外，八十日罷，無兵。後八十日兵起。月以秋三月暈亢，兵起，大戰水中，大臣有死者。郝萌曰：有赦，再暈亢，大水，雨，民流千里。郝萌曰：冬雷而水，十月月暈亢，兵起，民流。月暈于辰人多病。郝萌曰：有治道路，一曰水蟲多死。正月月暈辰，兵起，武密占曰：月與歲星同在辰而暈，有赦令。月暈房宿，郝萌曰：財寶出，穀貴。荆州占曰：月暈圍房，四方兵起，暴骨于野。又曰：其地大疫，水蟲多死。月暈于心，石氏曰：有大戰，大水出，山崩，谷塞。一曰有火災，荆州占曰：主憂，郝萌曰：月暈在心，三日不風，不雨，有喪，有奇。令月以正，月暈心，籙不滿，月暈心三重，赤雲貫之，國有喪。魏侯五月圍心，暈中有赤雲，若白雲如杆，貫月，大人當之，有大兵起。月暈尾，其分益地。郝萌曰：歲不登，月暈心

尾無骨及四足蟲為害麥貴月暈于箕五穀以風傷荆州
占曰大風發屋有坐口死者又曰北夷燕趙皆飢月暈于斗
人流千里郝萌曰大將牛馬大病陳卓曰大臣免大將為亂
五穀不成月暈箕斗兵從東北方來者勝從西南方來者
不勝月暈于牛小兒多死軍暴將死郝萌曰五穀不成荆州
占曰牛羊貴武寇占有水災月暈于女婦女多死有大風起
石氏曰月暈圍女有兵進而不關一曰不占而降荆州占曰
布帛貴一曰民多去其居室絲綿貴又占月暈圍女牛女
工絲巢時貴牛多暴死又曰有土工一曰宗臣黜否則家宰
黜月暈於危郝萌曰民多病亡有兵謀不成河圖帝覽嬉曰
軍所止民多去其宅月暈營室婦人多病死天下有謀姦臣
起亂不成海中占兵起有屠城郝萌曰宮室敗月暈室壁風
起大水月暈於壁其分有兵海中占工後大興黃帝占軍在
外者敗巫咸曰賢士囚殺庫藏火災月暈于奎大臣多死荆
州占曰魯國兵大敗絮大貴武寇曰其年有妖月暈于婁郝
萌曰大人憂難多死帛貴月暈婁在四五有赦一曰等
相疑大臣黜宗臣救月暈婁畫圍三星有赦若不星在暈中
必有大赦兩軍相當而月暈婁軍俱解月暈于胃軍不戰而
歸一曰穀大貴巫咸曰倉廩有改令河圖帝覽嬉曰民多腹
疾貴臣死月暈于昂黃帝占曰天下大饑北夷為亂一曰

貴人多死有兵有暴令有流言者又曰大水穀不收人雜其
鄉多病腹疾一曰畜多死巫咸曰鬼多死郝萌曰月暈昂一
歲一暈小赦再暈中赦三暈大赦不出其年月暈于畢邊兵
起一曰遣將囚一曰徵官黜月一歲三暈畢天下中外有兵
有大赦又占月暈畢有風雨月暈于觜河圖帝覽嬉曰大將
死弓弩貴一曰其分有赦者月暈參伐郝萌曰其國兵弱戰
不勝荆州占其國客軍大恐月暈于井海中占曰胡兵起月
暈井一重四夷不和月暈井及鬼其年旱禾不收月暈于鬼
石氏曰黍貴一曰歲惡多霖雹霜雪多死人月以夏三月
暈鬼多雨水有蟲災一暈為寒再暈小水三暈大水五穀
不成月暈于柳郝萌曰有獄事又曰穀貴飛蟲多死巫咸曰
月暈柳三重大臣有死者兵起不戰有水災民流徙一曰有
赦月暈于星巫咸曰大臣憂一曰有獄事天文論有小兵戰
蜚蟲多死月暈于張黃帝占蜚鳥多死郝萌曰其地旱月
暈於翼郝萌曰大旱有大風黃帝占士卒多遁走荆州占
天下兵起庫兵悉出一曰有軍軍罷巫咸曰士卒大聚有大
戰民去室宅車馳馬走貴人多死京房曰軍在外失偏將天
文論曰多風霧郝萌曰月以二月暈翼則五月有赦月暈軫
宿黃帝占曰大將戰死郝萌曰先起兵者不勝武寇占曰大
臣黜一曰諸侯盜兵夷狄入境月暈圍軫三重戎狄滿野月

暈軫及角大赦。月以二月暈軫及角五月大赦。月以正月暈軫和萌曰大飢。公子死車貴。月以四月暈軫天子有德。令月以十二月暈軫內兵盡出。有軍在外則罷。

天文會通。月暈大微。廷天子以兵自衛。一月三暈。有赦。月暈大微。廷周匝不啟。門中有黑雲蔽覆者。天子有憂。一曰有喪。月暈三重。周大微。廷王者憂。人臣有離心。月暈七重。周大微。王者憂。兵起禁衛。大臣有逆謀。月暈左右角。春甲乙日。其野有兵。喪大人當之。夏丙丁日。女主干政。秋庚辛日。人主憂。有兵。一曰國有內變。冬壬癸日。其國水災。毀城邑。歲數四季。戊己日。其國與大後下民勞怨。月暈亢。開口。期五日。有暴雨。月

暈亢再重。大雨雪。水月暈一重。在辰不周者。期五日。有急雨。月暈二重。中有黑氣者。其國有政。政月在房。暈左右及丙舍。內黃赤外青白者。有急兵。亦曰大將以兵叛。月暈心。四星。為害。牛馬多死。與金星合。其國有兵。喪與火星合。有大火。與水星合。國君有喜。月暈尾。一曰再暈再重者。主後宮疾。疫。月暈箕。歲旱。風雨不時。月暈斗。相國死。與歲星合者。大臣進秩。賢人在位。與火星合者。大臣被斥。其地民飢。與金星合者。其野大水。國飢。月暈牛。將有謀。月暈牛與歲星合者。其國有喜。慶事。與火星合者。其分有兵。喪與土星合者。道路有阻。與金星合者。其國大飢。民為盜。與水星合者。其分有水患。月暈女

兩軍相當。有風則不戰。無風則不利。先舉者。與木星合者。后妃有儲嗣之慶。與火星合者。從宮有逆謀。與金星合者。其國有兵。急亦曰后族叛。與土星合者。女主不務節儉。與水星合者。其國女主有陰謀。月暈虛。內有白氣。與如連環相貫者。其國家寧。有憂。月暈危。人多疾病。月暈室。與歲星合者。其國益地。與火星合者。其國有大火。與土星合者。其國與土工百姓。因為亂兵。與水星合者。其野有大雨水。五穀不成。國飢。月暈壁。宿內白黑相間。外赤青黃紫。其下賢臣坐事。亦曰忠良被斥。逐。月暈奎。一重至五重。其下有兵。憂與歲星合者。其國武事備。與火星合者。其下武庫有大火。與土星合者。其野有溝瀆之事。以後事勞民。與水星合者。其下有大水患。江河暴溢。月暈婁。宿至五重者。其國苑牧犧牲多死。傷。月暈婁與木星合者。其國君德通于天。祭祀以時。宗廟以禮。與火星合者。其野有兵。變亦曰內苑有大火。與土星合者。其國有大微事。與金星合者。其國兵盡行。與水星合者。其野衛士有匿謀。月暈胃。天倉有起兵。其野歲凶。有兵。喪。月暈昂。有苑。苑起。又曰有臣死。獄。其國兵叛。月暈畢。一重。期三日。有風雨。與木星合者。人君好畋獵。與土星合者。其野有失。邊。與火星合者。邊地有兵。火。與金星合者。邊將為亂。一曰外夷內侵。與水星合者。

有坐法合之臣月暈^三重出戰先舉者利一曰其野有水有疾疫與木星合者其國有兵威與火星合者其下有兵喪與土星合者其國有禁兵作亂與水星合者其野有水患月暈參水旱為災民飢米貴其下兵起月暈三日有暴風雨月暈并有暴死陰貴人月暈鬼其國有兵喪一曰民飢流亡月暈柳主大風雨月暈星宿天都有兵謀庫藏有火起災其國多憂下民有衣服之僭月暈張宿不周徧者期五日有風雨周徧其野臣下有憂若暈三重內黑外白則其野有兵月暈翼宿若一重及兩重不及他星其野人君好樂臣下多諂諛月暈再重周匝在軫內赤黃外青白者其野有死相一曰輔臣被誅月暈周軫車騎不備

月旁星占

宋史天文志彗星入月或犯之兵期十二年大饑貫臣叛主流星犯之有兵入無光有亡國在月上下國將亂觀象玩占彗星入月大兵大饑天下亂月無光其年國亡入而不出國遂亡出之亡國復立彗字觸月臣叛主彗字拂月兵火起臣專政有逐君死將亡國彗字出月兵起將死四夷來侵彗星出月左右不出三年有兵喪大臣倡亂彗觸月暴兵起 客星入月中有兵喪破軍殺將一曰內亂大臣死又占將軍謀逆客星食月其國相死軍破客星與月同先臣

作威民非其上主令不行兩星夾月近臣謀逆不成受誅眾星圍月賊入宮二星在月上左右角臣伐君兵亂三年月出而有星在其背有奸人入城期五日若星在月下者吉有黑星在月角上臣謀逆在月角下士卒亂星多則有大亂月行有星圍繞之多至十數其分覆軍有大喪月暈有雙星捧之色明潤者其國昌月四旁有星環之其國大昌我軍守壁月有一明星防奸人入壘攻城之際月左有星占上角者城不攻敵人守壘我軍攻之月下有星相近防有突兵我軍圍敵壁壘月背有星其城當潰若月背有三星如連珠城不攻而自破若三星環抱月背則不可攻軍圍敵壘月下三星橫列者城內詐降宜備之軍行有三星橫列在月上不利進戰宜固守防潰亂 流星衝月大臣有爭賊黜流火背月光天子將遣大使之他國流星五色映天奪月光者大使發流星雙貫月宰相為將所殺大兵起公卿受死流星四面一時刺月大兵起一曰四方有使還其使叛心離上流星入月君夏失地女主疾月無光兵起四夷入侵中國海中占曰流水入月中不出其分國亡若星復出則亡國復立天無雲流星過月上下月光明潔者其國有喜有流星墜日月旁其國先喪後兵

欽定天文正義卷十二

月食占

月食占

詩小雅彼月而食則惟其常傳曰月食非常也此之日食猶常也

史記天官書月食始日五月者六六月者五五月復六六月者一而五月者凡五百一十三月而復始故月食常也日食為不癘也甲乙四海之外日月不占而丁江淮海岱也戊己中州河濟也庚辛華山以西壬癸恒山以北日食國君月食將相當之索隱始日謂歷始起之日也依此文計惟有一百二十一月與元數甚為懸校既無太初歷術不可得而推定以漢志三統歷法計則五月者七六月者一又五月者一六月者五五月者一凡一百三十五月而復始耳或術家各異或傳寫錯誤故此不同無明知也

隋書天文志張衡云對日之衝其大如日日光不照謂之闇虛闇虛逢月則月食值星則星亡今歷家月望行黃道則值闇虛矣值闇虛有表裏深淺故食有南北多少

按月行當日之衝為地所隔日光不照故食張衡闇虛之說蓋地在天中日照其半背生闇影故闇虛必與日衝名曰地影月入闇虛則自失其光西術又曰地食日徑大於地徑五倍故闇虛成尖圓體下徑如地而上銳第二卷其長過於月而上不及星故星不為食月天值闇虛之徑約為

月徑三倍日體大月體小能日遠月近故視徑皆約半度張月天所值則虛之閏在則約一半年度有半

衡謂閏虛之大如日值星則星亡其義猶未密也月道與

黃道有兩交日一歲而一周天月一月而與日會故月一

歲必兩次交隋志月望行黃道則值閏虛之說是其入交

而不食者或距交稍遠故不食或望時月在地下雖食而

而不見耳天官書云月食始日五月者六六月者五月復

六六月者一而五月者九五百一十三月而復始索隱謂

依此文計唯有一百二十一月與元數甚為懸校以漢志

三統法計則五月者七六月者一又五月者一六月者五

五月者一凡一百三十五月而復始今按天官書文當以

五月者凡五作句或凡字在五字下則與索隱一百二十

一月相合其所謂百一十三月者誤也索隱以三統法計

當是以五月者七六月者五又五月者七六月者五五月

者一則與一百三十五月相合其六月者一之一字乃五

字之誤又五月者一之一字乃七字之誤也以今時憲法

考之月始食自正交始日起算六月者三五月者一六月

者四如是者三周又六月者二五月一六月者七五月者

一六月三凡二百二十三月而復始日未復正交僅二

可與太初三統法皆不同以月交行度考之當以今法為

是蓋月行交道一周凡十二月而過八度自正交至中交

凡六月而過四度月距交前後十五度以內皆入交故凡

六月者或六或七而五月者一無兩閏五月之理漢天志

嘗有月食非其月者則其法之疎可見也又按日月視徑

皆約半度故日月兩星相距半度以內方見日食又因地

半徑差能視高為下故月在黃道南者多不見食而閏虛

之徑約一度半故月與閏虛兩心相距一度以內即見月

食又無地徑半差無有當食而不見食者故日食不數觀

而月食鮮虛歲故日月食常也其占亦較日食為輕天官

書云月食將相當之以日子占分野其說必有所本而後

世所傳占家之言又各不同今擇其有引據者具于編至

於理數所無與拘牽傳會顯然可見者則附辯於後云

開元占河圖帝覽嬉曰月食所宿國貴人死又曰女王當之

荆州占曰月蝕盡大人憂又曰羅貴又曰蒙族滅勢家絕

甘氏曰月行宿歲星而蝕民相食粟石于大司農憂帝覽

嬉曰月犯熒惑暈而食破軍亡地大將有憂甘氏曰月行

宿填星而蝕其國以伐亂亡巫咸占曰月當填星而食其

國有土功之事甘氏占曰月蝕三日有雨事解不占

觀象玩占月蝕者陽侵陰臣下有咎董仲舒曰月蝕之宿

其國貴人死或曰月蝕則果貴荆州占曰月食則失刑之國

當其咎又月蝕人主宜嚴號令省刑罰月食後三日內有

大雨則災降乙巳占九月蝕其鄉有拔邑大戰之事凡師出門而月蝕當其國之野軍大敗將死月食大半以上大水以日支占國月食而青色人多死五穀傷黃色有立諸侯國者白色其國有喪或失地其食盡者五穀貴其分國當之一日月已食而色青為憂赤為兵黃土功白喪黑水月食而赤如血有反臣月食而闕且暈有軍必戰無軍兵起一曰隨所食伐之利月食而有氣從外來入月中主人不利從中出外客不利氣從南行軍不利北行北軍不利東西亦如之氣所之方敗也月食而有霧氣蒼色蟲蝗生大臣災有大水民流亡以日辰占其地月食盡在陽

占在大臣陰日占在妃夫人

管窺輯要月蝕慧芒射入將相灾有兵從射方擊之大捷月蝕雜氣射入兵亂將凶急防冲擊

月食四時占

觀象玩占月蝕食歲惡將軍死國有憂一曰穀貴夏食旱一曰國有憂一曰蟲生秋禾不成秋食兵起一曰邊有兵民不安西方灾冬食其國飢有女喪一曰將有憂一曰春多潦女主憂已上皆以日辰占其野

月食十二月占

開元占帝覽嬉曰十二月月蝕不盡是謂當其數不占荆州占曰十二月月食吳國受灾一曰有流民盡乃以日辰占其野

觀象玩占武密占曰月正月食有灾早一曰人灾齊國惡米貴二月食貴人病魯國惡畜貴三月食大人憂楚國惡絲綿貴四月食人飢周國惡按庶徵典引武密占作四五月食早梁國惡六畜貴六月食旱沛國惡六畜貴七月食兵起

陳國惡絲綿貴八月食兵起鄭國惡魚鹽貴九月食兵起韓國惡十月食兵起衛國惡十一月食趙國惡燕國惡十二月食有大水秦國惡

二月食有大水秦國惡

按十二月占分野惟十月衛國十二月吳國係本建之分武密占十二月秦國則係本建之衝二月魯八月鄭國則係本建之合餘皆無義可尋至河圖帝覽嬉云不盡不占荆州占云盡乃以日辰占其野雖據十二月為言大抵亦月食占通例也

月食十月占

史記天官書甲乙四海之外日月不占丙丁江淮海岱也戊己中州河濟也庚辛華山以西壬癸恒山以北日食國昌月食將相當之

開元占洛書曰月以丙丁日蝕年飢

觀象玩占月以甲乙日蝕年多魚禾麥傷丙丁日年豐戊

己日下田凶庚辛日高田凶壬癸日歲祀

按日食以六十花甲占月食止占十干亦曰為輕之應也

月食宿分三

月食在角

觀象玩占月在角食刑罰之臣有當黜者黃帝占曰將吏

憂

天文會通月食在左右角其國執法者有憂若食近左角則

左輔有缺食近右角先舉者死大將一曰主將惡之

月食在亢

觀象玩占月在亢食民人疫一曰刑罰之官憂 天文會通

其野君有憂其國大臣有繫獄者

月食在辰

觀象玩占月在辰食石氏曰大臣死後宮多疾病荆州占曰

治耕之臣有黜者

天文會通公卿大夫有當黜者又曰其地有疾疫一曰雜貴

月食在房

觀象玩占月在房食石氏曰臣專政一曰大臣有黜者

天文會通公卿大夫有當黜者又曰治耕之臣有黜者

月食在心

觀象玩占月在心食石氏曰三公有黜者海中占曰國有兵

喪 天文會通其下有喪

月食在尾

觀象玩占月在尾食御乘人有黜者廿氏曰后族若御妾

有坐法者一曰貴臣犯法

月食在箕

觀象玩占月在箕食大風為災郝萌曰車騎發陳卓曰人

相食 天文會通御者樂人有當黜者一曰其野車騎滿道

路有水旱民飢

月食在斗

觀象玩占月在斗食國飢有小兵天文錄曰妃嬪有黜者一

曰將相有憂

月食在牛

觀象玩占月在牛食其國叛兵起天文論曰其分飢

管窺輯要津梁塞牛多疫死

月食在女

觀象玩占月在女食女主憂天下女工廢武裝占有兵旱石

氏曰女主弱國有憂

月食在虛

觀象玩占月在虛食郝萌曰民飢去其室家一曰有兵戰一曰典衣服刀劍金玉之臣有坐罪者天文會通其邦有喪

月食在危

觀象玩占月在危食石氏曰宮廟有驚一曰大臣死尚服之官有黜者天文會通其分有兵喪不爾大臣憂

月食在室

觀象玩占月在室食年飢民絕糧一曰去功興天下之

月食在壁

觀象玩占月在壁食大臣憂文士執天文會通民多疫

月食在奎

開元占月食奎度中魯國凶一曰邦君不安白衣之會

觀象玩占月在奎蝕大臣憂海中占曰大將有謀邊將有黜者一曰兵之糧一曰聚斂之臣有黜者

月食在婁

開元占月在婁婁而食聚斂之臣有黜者

觀象玩占月在婁食民飢一曰有聚斂事

天文會通有冤獄一曰大臣有繫獄者

月食在胃

觀象玩占月在胃食甘氏曰聚斂之臣憂郝萌曰天下飢一曰有倉廩賦斂之事天文會通倉廩有水毀

月食在昴

觀象玩占月在昴食邊兵起郝萌曰人飢趙地殃又曰主微臣黜天文論曰門戶之臣有事諸侯有黜者武密占曰將軍死胡不安

月食在畢

觀象玩占月在畢食甘氏曰邊使凶一曰邊臣誅京氏占有小兵郝萌曰人相食一曰胡人大疫

月食在觜

觀象玩占月在觜食早有臣子被枉殺者一曰貴臣大將有憂一曰主兵之臣當黜一曰刑罰濫

月食在參

觀象玩占月在參食其分大飢臣下有謀天文錄曰兵在外大將死其國憂一曰其分大兵田荒粟貴石氏曰大旱己占主兵之臣當黜

月食在井

觀象玩占月在井食大臣有謀五穀傷己占水衡五祀之官有憂大臣誅食盡則兵起以日占國

月食在鬼

開元占石氏曰月在井鬼而食主人官五祀之官憂觀象玩占月在鬼食貴人憂

月食在柳

觀象玩占月在柳食大臣有憂甘氏曰虞水官黜郝萌曰人
飢天文會通御庖當有黜者

例也

月食在星

開元占郝萌曰月在七星而食主道橋門戶之臣有當黜者
觀象玩占月在星食冀州大飢又曰主祠之官憂黜

月食在張

觀象玩占月在張食大水魚行人道郝萌曰其地旱石氏曰
虞人有黜者

月食在翼

開元占郝萌曰月在翼而食主車駕之臣有黜者
觀象玩占月在翼食北夷有兵文籍壞滅一曰蜚蟲多死
天文會通其野期日有遠人來

月食在軫

觀象玩占月在軫食貴死郝萌曰車騎發又曰主車駕之臣
有黜者天文會通不及二分者主大風不為殃五分以
上者臣下被黜亦主大臣有憂

按月食宿分占各以宿分及所屬各星聚義而亦不能盡
合今不可考天文會同云月在軫食不及二分者主風不
為殃五分以上臣下被黜雖據軫宿為言大抵亦月食占通

欽定天文正義卷十三
五星占

五星占

史記天官書。夫自漢之爲天數者。星則唐都。氣則王朔。占歲則魏鮮。故甘石歷五星法。唯獨熒惑有反逆行。逆行所守。及他星逆行。日月薄蝕。皆以爲占。余觀史記考行事百年之中。五星無出而不反逆行。反逆行。嘗盛大而變色。日月薄蝕。行南北有時。此其大度也。水火金木填星。此五星者。天之五佐。爲經緯。見伏有時。所過行。羸縮有度。歲星所在。五星皆從而聚於一舍。其下之國可以義致天下。五星皆從熒惑而聚於一舍。其下之國可以禮致天下。填星所居。五星皆從而聚於一舍。其下之國可重致天下。五星皆從太白而聚乎一舍。其下之國可以兵從天下。居實有得也。居虛無得也。行勝色。色勝位。有位勝無位。有色勝無色。行得盡勝之。五星分天之中。積於東方。中國利。積於西方。外國用者利。五星皆從辰星而聚於一舍。其所舍之國可以法致天下。

漢書天文志。凡五星所聚宿。其國王天下。從歲以義。從熒惑以禮。從填以重。從太白以兵。從辰以法。以法者。以法致天下也。凡五星歲緩則不行。急則過分。逆則占。熒惑緩則不出。急則不入。違道則占。填緩則不建。急則過舍。逆則占。太白緩則不出。急則不入。逆則占。辰緩則不出。急則不入。非時則占。五星不失行。則年穀豐昌。

晉書天文志凡五星有色大小不同各依其行而順時應節色變有類凡青皆比參左肩赤比心大星黃比參右肩白比狼星黑比奎大星不失本色而應其四時者吉色害其行凶凡五星所出所行所直之辰其國為得位得位者歲星以德熒惑有禮填星有福太白兵強辰星陰陽和所行所直之辰順其色而角者勝其色害者敗營室為清廟歲星廟也心為明堂熒惑廟也南斗星為文太室填星廟也亢為疏廟太白廟也七星為員官辰星廟也五星行至其廟謹候其命凡五星盈縮失位其精降于地為人歲星降為貴臣熒惑降為童兒歌謠嬉戲填星降為老人婦女太白降為壯夫處于林麓辰星降為婦人吉凶之應隨其象告凡五星見伏留行順逆遲速應歷度者為得其行政合于常違歷錯度而失路盈縮者為亂行亂行則為天矢彗孛而有亡國革政兵饑喪亂之禍云隋書天文志五星為五德之主其行或入黃道裏或出黃道表猶月行有陰陽也其東行曰順西行曰逆順則疾逆則遲通而率之終為東行矣不東不西曰留與日相近而不見曰伏伏與日同度曰合其留行順逆掩合犯陵變色芒角凡其所主皆以時政五常五官五事之得失而見其變水火土三星行逢夜半經天其初皆與日合度而後順行漸遲追日不及晨見東方行去日稍遠朝時近中則留留經旦過中則逆行逆行至夕時近中則又留留而

又順先遲漸速以至於夕伏西方乃更與日合金水二星行速而不經天自始與日合之後行速而先日夕見西方去日前稍遠夕時欲近南方則漸遲遲極則留留而近日則逆行而合日在于日後晨見東方逆極則留留而後遲遲極去日稍遠旦時欲近南方則速行以追日晨伏于東方復與日合此五星合見遲速逆順留行之大經也昏旦者陰陽之大分也南方者太陽之位而天地之經也七曜行至陽位當天之經則虧是留逆而不居焉此天之常道也三星經天二星不經天三天兩地之道也古歷五星並順行秦歷始有金火之逆又甘石並時自有差異漢初測候乃知五星皆有逆行其後相承罕能察至後魏末清河張子信學藝博通尤精歷數因避葛榮亂隱于海島中積三十許年專以渾儀測候日月五星差變之數以算步之始悟日月交道有表裏遲速五星見伏有感召向背言日行在春分後則遲秋分後則速合朔月在日道裏則日食若在日道外雖交不虧月望值交則虧不問表裏又月行過木火土金四星向之則速背之則遲五星行四方列宿各有所好惡所居遇其好則留多行遲見早過其惡者則留少行速見遲與常數並差少者差至五度多者差至三十許度其辰星之行見伏尤異晨應見在雨水後立夏前夕應見在處暑後霜降前者並不見啟蟄立夏立秋霜降四氣之內晨夕去日前後三十六度內十八

度外有水火土金一星者見無者不見後張胃玄劉孝孫劉焯等依此差度為定入交食分及五星定見定行與天密會皆古所未得也

開元占五星各受制而司無道之國故審五星逆順變色留守觀其喜怒變色所加宿之左右前後遠近疏數害剋陰陽及見五氣相賊王者而救之轉禍為福石氏五星讚曰五星更出司不祥應節守道不為殃日滿不入其事興過時不出陰謀行以星所守占其方芒角變動非常審察五色別青黃各以事類知其殃

觀象玩占歲星為穀主熒惑為旱主填星為土主太白為兵主辰星為水主凡五星超舍而前為贏退舍而後縮一曰失次而上二三宿曰贏躁急之象也失次而下二三宿曰縮畏退之象也光色潤澤溫和曰喜順慶之象也光芒奮發威猛曰怒暴鬪之象也光體震閃明滅曰動不安之象也光耀外出生鋒曰芒一曰五寸以下謂之芒芒長四出曰角一曰七寸以上謂之角長而偏出曰彗芒謂之正旗正旗所指者受殃戰則順旗所指擊之勝凡五星同度曰合石氏曰光芒相及曰合巫咸曰相宿曰合荊州占曰相去一尺內曰合同宿曰聚亦謂之會一曰光相逮曰會郝萌曰留三日曰會行而造其中曰入入宿度而居曰舍石氏曰行度所居曰舍入此宿曰宿石氏曰留二十

日以上曰宿處其所曰居石氏曰依度至而不去曰居不東不西曰留郝萌曰住不移曰留來其旁而居曰守郝萌曰二十日以上曰守甘氏曰徘徊不去其度曰守行而侵之曰犯石氏曰經過其星而光曜侵之曰犯古占七寸以內曰犯未央曰相去雖五寸而光芒不接為灾亦輕若相去雖一尺以外而光氣相射亦以犯占先犯而遂留居之曰犯守東西正當曰中自上而下壓之曰乘自下而上真徃冒之曰陵相衝而止曰觸一曰兩動直前相抵曰觸一曰行而直前衝之曰觸相陵曰觸甘氏曰合復離離復合曰闕韋昭曰相擊曰闕行而掩之曰襲行而隨其後曰從西入東出口貫相切曰磨周之一匝曰環環之而不

周曰繞迫而侵之曰薄兩體相着曰薄勾者左去右迴如勾字之狀也己者徃而復復而徃如己字之形也甘氏曰去而復返曰勾再勾曰己石氏曰東西為勾南北為己郝萌曰行如勾字曰勾己字為己刺者過其旁而光射之也掩者冒而滅之也蝕者侵其邊而漸及其中如蠶食葉之狀也吞者從上直下吞之也戴者頂之於上也同光者二體相合不辨其孰為彼孰為此也牝牡者以五行相剋而論夫在陽而妻在陰是謂牝牡相承也月食星者月至而星沒也經天者昏旦出於午地木火土陽星不忌金水陰星經天則為妖也晝見者白日出見與日爭明也李淳風曰聚者自三星以上為聚聚者集會之象福集則

吉刑集則凶德先至則吉刑先至則凶從者遲疾次第相及於一處也次序從就之象離者雖同宿共度而南北乖隔不和之象徙者雖同在宿分不相停待離越移避相背之象也舍者經其宿度而行舍其宿而遲也宿者經其舍而過徑去不遲也侵者越理而進以大迫小自上逼下漸漸損害之也陵者以小逼大自小犯上直往陵之也抵者一動一靜而動者直至其所也歷者以次相及而過也經者由其中過而無所犯也貫者直經其中過也五星芒刺殺害之象角者長大於芒興立誅伐之象大者大於常體興建開拓之象小者小於本體亡敗感之象又曰吉星大者吉凶星大者凶吉星小者凶凶星小者吉以分位斷之逆者違逆之象順者和順之象遲者和緩之象疾者急迫之象福德出則失善之象妖禍入則亂亡之象福入刑出則吉刑入福出則凶合者二星相遠同處一宿之中而順而合則吉乖逆而合則凶一逆一順一遲一疾相逢于一宿之中為會德會則福與刑會則禍作留者刑禍妖異久住其宿興作勃亂之象守者留住也附近列宿伺察政治而為妖祥也中者中傷之象乘者駕御壓伏之象凌者陵小辱大之象也觸鬪主攻擊戰犯刺主侵奪傷害掩蝕主兼并吞滅乘陵主脅迫暴橫戴者主有所立星戴月為死喪貫者兵出入之象凡五星守犯列宿皆為凶咎若逆行或環繞勾已之則其禍尤大也 凡五星合聚

福德先至者吉刑禍先至者凶其去也刑禍先去者吉福德先去者凶福德者木土也刑禍者火水也一曰福德刑禍皆以所合聚之地言之若在水鄉則木為福德火鄉土為福德其福彌深或木在金鄉土入木鄉為福亦淺又得以次相生乃為全吉如土先在巳午之地而金水木火相次而從之其禍必大反此者未可言吉四星五星則以此論三星不用此占

按五星占大抵以行為重色次之位又次之行者其度如遲速順逆之類合聚犯守凌歷鬪食則其行之與他曜相值者也五星各有本色又有四時四方之色芒角則色之發動者也位者所居之舍十二辰二十八宿分屬五行旺相為實休因為虛星家有喜樂廟旺之類是也古歷五星皆順行故遲速逆留皆為星變漢初測候知五星皆有逆行矣而天文家猶以為占者蓋亦仍古之說也晉志以五星伏見留行逆順遲速應歷度者為得其行違歷錯度而失路盈縮者為亂行蓋知有遲留伏逆而推步尚疏非五星有錯度失路也隋志言五星伏見順逆之節其說皆是其言當天之經逆留不居則非張子信用渾儀測候其言日行春分後遲秋分後速則是其言月行有向背五星有好惡則非今業時憲法日月五星各有小輪其輪心皆循本天順行有常度謂之平行日月五星循輪周亦順行有常度在輪上半周順輪心行則見其

速在輪下半周逆輪心行則見其遲日月輪小而輪心之行
度多故有遲速而無留逆五星輪大而輪心之行度少故輪
周逆行之度與輪心順行之度等則見其留輪周逆行之度
過於輪心順行之度則見其速此七政遲留順逆之大經也
五星近日則伏遠日則見在日後則晨見在日前則夕見木
火土三星平行皆遲於日自合伏與日同度後日行向前星
距日後晨見東方順行至距日九十度晨見南方則留留而
漸退積而距日一百八十度則夜半經天夕出於東晨入於
西過此則為夕見積而距日二百七十度夕見南方則又留
留而復順速日漸及於星則夕不見而又與日合金水二星
本輪以日為心自合伏與日同度後星行向前夕見西方順行
至距日極遠則留留而漸退退行漸近於日則夕不見而與
日合速退行至於日後則晨見東方至距日極遠則又留留
而復順順行漸及於日則晨不見而復與日合木火土三星
距日前後皆過九十度至一百八十度故經天金水二星距
日前後不過四十五度故不經天此五星伏見順逆之常度
也今七政時憲書按法推步驗諸懸象皆無違失則不可以
變言故叙錄史文而附辯於其後至於合聚犯守凌歷闔食
雖亦常度使然而天文家以相值為占與日月交食近似若
夫色之喜明而忌暗固三光之常經位之喜旺而惡衰亦五

行之正理雖休咎未必果驗而自成一家之言今採錄以
其謹

五星行色變異占

史記天官書五星色白圓為喪旱赤圓則中不平為兵青圓為
憂水黑圓為疾多死黃圓則吉赤角犯我城黃角地之爭白角
哭泣之聲青角有兵喪黑角則水意行窮兵之所終五星同色
天下偃兵百姓寧昌春風秋雨冬寒夏暑動搖常以此

開元占黃帝占曰五星逆行變色出入不時則王者宜變俗更
行起毀宗廟立無後賑貧窮恤孤寡寬刑罰賞有功舉名士禮
賢者順天道四時發藏財物虛府庫薄賦歛則日月五星妖孽
虹彗不為禍害矣 巫咸曰二十八舍各有國分水旱之災皆
相應故旱之歲其國火星赤水星黑 孝經右秘曰五星冠珥
臣下逐

觀象玩占五星之色皆欲其順四時春青夏赤秋白冬黑四季
之月黃則吉其於列國也則明勝暗喜勝怒 五星色忽變常
其占青為憂赤為旱為爭黃為喜白為兵黑為疾病死喪五星
木色白火色黑土色青水色黃其國必敗木為饑火為旱火災
土為土功金為兵水為水災巫咸曰吉凶憂患各以色變言之
將有兵金星變將有喪土星變將有饑木星變將有旱火星變
將有水水星變 五星守二十八舍各以其色占其禍敗歲星

守木星其色白熒惑守火星其色黑填星守土星其色青太白
守金星其色赤辰星守水星其色黃必敗 五星皆出中道天
下太平出陽道則旱出陰道則水中道者兩角之間房之中間
畢之天街南北河戌之間皆是也五星皆逆行臣且謀君五星
並晝見天下別造中國元君諸侯裂土為王五星與日月爭光
臣與主爭 五星變色進退喜怒皆與時氣相應金不可怒於
火之鄉巳午是也木不可怒金之鄉申酉是也水不可怒於土
之鄉辰戌丑未是也火不可怒於水之鄉亥子是也土不可怒
於木之鄉寅卯是也怒者形色猛盛芒角四出也皆為兵災其
變色之日亦以此占之木為饑兵火為旱兵土為土功兵起地
震金為兵水為大水疾疫兵喪五星起怒芒角四達其形未達
是謂戒兵其星形變而銳上小下大狀如拔劍是謂成形不可
後救堅甲利兵以待不祥 五星有三角者兵息有五角兵行
多角則戰 五星反羽其下國不可久處反羽者光芒上大下
小狀如反羽也郝萌曰五星之常形行即乘芒下大上銳及其
倒行而反芒向下謂之反羽 五星起怒陵犯留守列舍察其
守犯審其始留之日觀其時氣相和相賊以決其事視其色變
以知吉凶之情別其光芒所指以知兵起所加之鄉芒多而短
者謀而未成芒少而長者其謀已成其氣專而上行芒從一至
四是謂道極或指東或指西或指南或指北四芒已具其下必

有七國芒過四以上未可命也
五星守二十八舍其中外官星亦各有五行所屬不相賊害為
吉若有賊害各以其官占其事五星守木星有木異守火星有
火異守土星有土異守金星有金異守水星有水異 五星歲
守木星熒惑守火星填星守土星太白守金星辰星守水星是謂
五重守并氣之象也法曰并氣是謂重施過節則民多疾疫五
穀不成災害並生一曰天下旱萬物不成 五星歲守土星熒
惑守金星填星守水星太白守木星辰星守火星是謂守所勝
上克下之象也法曰賊飲重徭役繁下民屈竭莫之能供故下
皆惡其上則強凌弱眾暴寡是故盜賊眾多兵革並起 五星
歲守火星熒惑守土星填星守金星太白守水星辰星守木星
是謂母守其子陽不施之象治曰陽氣不足故多水災五穀不
成 五星歲守金星熒惑守水星填星守木星太白守火星辰
星守土星是謂守所不勝下克上之象治曰臣民侵陵其主君
弱臣強主威不振故姦臣賊子有謀上之心 五星歲守水星
熒惑守木星填星守火星太白守土星辰星守金星是謂子守
其母陰氣不成之象法曰陰氣不足故旱多火災萬物不成
五星王則光芒相則光實休則光而無角不動囚則無光芒死
則色微小也五星之變以王時則王者之事以相時則將相大
臣之事以囚時則囚徒之事以休時則萬民之事

五星合關占

史記天官書歲星與太白關其野有破軍 木星與土合為亂
 饑主勿用戰敗水則變謀而更事火為旱金為白衣會若木金
 在南曰牝牡年穀熟金在北歲偏無火與水合為燁與金合為
 鏢為喪皆不可舉事用兵大敗土為喪主孽卿大饑戰敗為北
 軍軍困舉事大敗土與水合穰而擁關有覆軍其國不可舉事
 出亡地入得地金為疾為內兵亡地三星若合其宿地國外內
 有兵與喪改立公王四星合兵喪並起君子憂小人流五星合
 是謂易行有德受慶改立大人奄有四方子孫蕃昌無德受殃
 若亡五星皆大其事亦大皆小事亦小蚤出者為羸羸者為客
 晚出者為縮縮者為主人必有天應見于杓星同舍為合相凌
 為關七寸以內必之矣 金木星合光其下戰不合兵雖起而
 不關合相毀野有破軍 水繞環太白若與關大戰客勝
 漢書天文志辰與太白合則為變謀為兵憂九歲熒惑填太白
 四星與辰星關皆為戰兵不在外皆為內亂土與水合為雍沮
 木與金合關國有內亂 三星若合是謂驚立絕行四星若合
 是謂大湯

開元占易坤靈圖曰王者有至德之萌則五星若連珠荆州占
 曰五星皆聚於一舍填星在其中天下興兵詩緯曰五緯聚房
 為義者受福行惡者亡海中占曰五星合亢為五穀頻不成考
 靈曜曰帝起受終五緯合軫黃帝曰填星與五星俱聚於一舍
 而填星亡焉所舍之國亡填星在烏大如狼星而黃天下之兵
 雖合其國不亡郝萌曰五星關相貫抵觸光耀相及有兵大戰
 覆軍殺將荆州占曰五星相與合關及列宿乘凌抵觸磨靡及
 入貫刺犯守句己環繞所在之國皆有兵喪 荆州占曰四星
 若合於一舍其國當王有德者繁昌保有宗廟無德者喪 海
 中占曰三星合其國外有兵喪人民數改立侯荆占曰三星合
 於一舍其國可復修德者強無德者受殃郝萌曰熒與熒惑太
 白關殺大將近環之貫之殺邊將一曰火金水俱在斗有殺將
 若死相在東井內外有兵一曰木金水三星合軫為白衣會
 歲星與熒惑合柳歲星色赤兵起黃白五穀傷黑為憂青而角
 亦有兵起石氏曰熒惑與攝提再合宿相不死出走又曰熒惑
 與歲星合其國水歲星填星合以合日占其國色蒼為水赤為
 兵黃為旱白為喪又曰其國孰若主吏死又曰有軍在外戰不
 勝失地荆州占曰太白居歲星南南國敗居歲星北北國敗又
 曰木星逢太白曰關有土功歲早天下大饑先舉兵不勝必受
 其殃文耀鉤曰填星與火合大旱一曰熒惑與太白合主人兵

不勝巫咸曰太白與熒惑鬪不出其年兵起一日熒惑與太白鬪多口舌若戰殺大將歲饑熒惑與辰星合鬪其國內亂有兵起其分凶一日地侯與太白合所合之宿國亡地一日填星與太白合相守為兵饑疾疫一日澆星與填星合內亂饑勿用戰海中占曰辰星與填星合在虛中秋水出一日齊國地動一日太白與辰星合太白為主人辰星為客則有兵戰客勝若辰星環繞太白大戰主人偏將死抵太白主人大將死廿氏曰辰星與太白合鬪亢旱

觀象玩占凡五星之內二星同宿為合三星以上為聚凡聚合之宿相生則吉事興相克則凶事起聚則以福德先至為吉刑禍先至為凶福德先去為凶刑禍先去為吉一吉一凶兩事俱發但當修德以待之而已五星所聚其下起兵若五星聚於一舍而芒角其中所聚之國亡五星聚惟土有芒角者所合之國凶五星相薄天下分爭甲兵作有大戰相去三尺破軍殺將流血滂滂百姓饑亡相近愈甚五星相去三尺以外七尺之內相望相守十日以上至四十日天下兩主爭國期三年遠七年有德者勝五星相聚而皆逆行者其事逆臣奪主國五星聚而鬪天下大戰寇賊並起民庶流離四星合是謂大盪盪猶滌也其國兵喪並起君子憂小人流荆州占曰有德者昌無德者亡又曰四星合相去三尺以內留守七日以上天下兵起國易

姓九州謀殺人民大殘三星合鬪天下動木火土合郝萌曰在一舍為旱饑有土功一日國分土相去三尺以內守七日以上天下兵起五穀大傷人相食火土水合女子為天下害大臣逆木金土合其國兵起不戰填星色赤黃為旱蒼民疾疫春多死亡荆州占曰木土金參會同舍相去三尺國有女喪有白衣會兵起大戰火土金合天下有大謀木火金合殺大兵天下有兵其分國亡金水土合其國戰不勝亡地火木水合用事者當之天下開牢大赦二星合為更改革令其分有兵君憂人愁歲星熒惑陽也太白辰星陰也陽主中邦陰主外邦陰與陽合中外連兵陽與陽合兵謀在中國陰與陰合兵謀在外國又曰相近曰犯其殃大相遠曰合其殃小木與火合為饑為旱一日相出走一日大臣匿謀有反者主亡地國有水郝萌曰火木同舍相去三尺以內相守七日以上其國有反臣五穀傷民不安木火合而相守其國君憂有大赦相守十日以上國貴人作亂木火合火在木北有軍軍戰火在木南偏將戰客軍憂木火合於一舍火在木上名曰子母同光其國大強留之一百日不變色失次其國且以重德致天下木火合於宿之陽母子同鄉其國安合於宿之陰兵起木火合行疾兵從之戰不勝荆州占曰熒惑當出見而近歲星出其北天下有急兵出其南有匿謀在中一日木土合歲不和有大水其分國不可戰木土合相守十

日天且降禍不義者受其殃木與土合一舍木在下土在上名曰雌雄間客軍大敗主人勝金木同在一舍其分有蝗蟲生木金合相去一尺天下有兵不出四十日必戰星色青東方勝色赤南方勝色黃中央勝色白西方勝色黑北方勝武密曰木金合相去五尺有兵戰三尺有破軍二尺有拔城一尺治兵光芒相接大戰無軍在外則兵大起木金合相去三尺相守七日以上將軍誅死木金合三尺以內七寸以外木出金左有年出金右年饑以合之日占五穀之有無甲乙為麥丙丁為黍戊子為粟庚辛為稻壬癸為豆木金合於東方木在北金在南陰陽和為年豐木金合於西方木在金位其名曰伐其國凶有白衣會年饑木水合為其國多水民饑一日水水合為內亂有軍在外不利先起者若相守七日至四十日人流亡火土合大旱石氏曰火土所合宿國饑戰不勝火土合土在火上名曰逆其國防外兵土在火下各不動名曰子母同光其國得地益強火金合金在火上所在之國且以義致天下一日金居火上其國用兵金火合金在火左右其國必大敗火金合火入金光芒中火在南有大旱戰則小將死火在金北為水火與金合金從火有兵兵眾火從金兵大起火從金而金無光火赤而光所入宿受兵國亡一日火金合而金起芒角居火上其國用兵戰勝火入金出其陰不有分軍必有他急火水合大旱秋合有兵冬合有喪

火與水合石氏曰在他時為淫在冬為刑刑占占曰水火同行若不有兵疾疫流行土與金合為疾為喪為內兵國亡地一日土金合為水土在金北去之寸寸母子同光其歲大豐民安人主壽昌金土合土色青多死喪赤為兵黃旱土與金同出其分國得地土水合為變謀更事又為旱為有陰謀一日有兵為戰其分軍敗將死無兵為內亂一日若有兵戰則客軍敗水合為兵憂為變謀又為邊兵戰金水俱出西方水居金前相近間可容劍在西北陰國有兵謀以戰主人勝在西南陽國有兵謀以戰則客勝太白辰星合在西南南國之事在西北北國之事正有為中國之事太白先出辰星出太白南潦出太白北旱太白辰星同出辰星移而南水移而北旱木與火鬪殺大將其分不可舉兵一日兵饑並作荆州占曰不出其年強國易相有內亂木與金鬪有大兵一日國有內亂野有破軍又曰其國旱饑不可舉兵木與土鬪不出其年亡地將軍死之又曰有易相一日星色青為喪赤為旱兵白為兵黑為水黃為土功木與水鬪有軍在外則戰軍不在外為內亂將死火與金鬪其野有破軍殺將一日有戰兵不在外而在內大將戰死歲饑火水鬪將死其野有大水火與土鬪巫咸曰不出其年有亡國荆州占曰有叛臣作亂兵起一日王者亡地將軍死之一日其下有圍邑土與金鬪期九十日有憂王者亡地一日有兵喪金與水鬪其

國內兵起軍在外者破大將死一日先起兵者凶若環繞之大
戰甘氏曰金水關其分國早一日有大戰無兵在外則兵大起
土與水關軍在外則戰有死將無軍為內亂兵起一日水土關
關梁不通

欽定天文正義卷十四

歲星占

歲而周天出常東方以晨入於西方用昏畢於闕歲歲陰
在卯星居子以二月與婺女虛危晨出曰降入大有光其失
次有應見張名曰降入其歲大水執徐歲歲陰在辰星居
亥以三月居與營室東壁晨出曰青童青青甚章其失
次有應見軫曰青童歲早早晚水大荒駭歲歲陰在巳
星居戌以四月與奎婁胃昂晨出曰斫墮熊赤色有光
其失次有應見亢致祥歲歲陰在午星居酉以五月與
胃昂畢晨出曰開明炎炎有光偃兵唯利公主不利治
兵其失次有應見房歲早早晚水叶洽歲歲陰在未星居
申以六月與觜簡參晨出曰長列昭昭有光利行兵其失
次有應見箕涪灘歲歲陰在申星居未以七月與東井與
鬼晨出曰大音昭昭其失次有應見牽牛作鄂歲歲陰在酉
星居午以八月與柳七星張辰出曰為長王作作有甚國其
昌熟穀其失次有應見危曰大章有旱而昌有女喪民疾
閏茂歲歲陰在戌星居巳以九月與翼軫晨出曰天睢白
色大明其失次有應見東壁歲水女喪大淵獻歲歲陰在
亥星居辰以十月與南亢晨出曰大章集解徐廣曰一日天皇
索隱天文志亦作天皇
蒼蒼然星若躍而陰出且是謂正平起師旅其率必武其國
有德將有四海其失次有應見婁困敦歲歲陰在子星居
卯以十一月與房心晨出曰天泉元色甚明江池其昌不

利起兵其失次有應在外赤奮若歲歲陰在丑星居寅以
十二月與尾箕晨出曰天皓黥然黑色甚明其失次有應
見參當居不居居之又左右搖未當去去之與他星會其圖
凶所告外國有德厚其角動乍小乍大若色數變人主
有憂其失次舍以下進而東北三月生天棓長四尺末兌進
而東南三月生彗星長二丈顛彗退而西北三月生天攬長
四丈末兌退而西南三月生天槍長數丈兩頭兌謹視其所
見之國不可舉事用兵其出如浮如沈其國有土功如沈如
浮其野亡色赤而有角其所居國昌迎角而戰者不勝星色
赤黃而沈所居野大穰色青白而赤灰所居野有憂歲星入
月其野有逐相與太白闕其野有破軍歲星一曰攝提曰重
華曰應星曰紀星營室為清廟歲星廟也
漢書天文志歲星曰東方春木於人五常仁也五事貌也仁
虧貌失逆春令傷木氣罰見歲星
晉書天文志歲星盈縮以其舍命國其所居久其國有德厚
五穀豐昌不可伐其對為衡歲乃有殃歲星安靜中度吉
盈縮失次其國有憂不可舉事用兵又曰人主之象也色欲
明光潤澤德合同又曰進退如度姦邪息變色亂行主無福
主大司農主齊兵主司天下諸侯人君之過主歲五穀
宋史天文志石申曰歲星所在國不可伐如歲在卯不可東

征甘德曰所去國凶所之國吉退行為凶災主泰山徐青究及角亢房心尾箕君令不順則歲星退行入陰為內事入陽為外事行陰道為水行陽道為旱星火則喜小則牛馬多死疾疫初見小而日益大所居國利初出大而日小國耗荆州占歲星色黑為喪黃則歲豐白為兵青多徵君暴則色赤

開元占甘氏曰歲星凡十二歲而周皆三百七十日而夕入於四方三十日復晨出於東方視其進退左右以占其妖祥觀象玩占歲星東方青帝靈威仰之使蒼龍之精木德之宿歲星行一次十二年一周天與太歲相應故謂之歲星主春其日甲乙其辰寅卯其卦震巽其音角其數八其帝大暉其神句芒歲星所在其國有福送之則怒為殃尤甚

按木星每日行十二分度之弱每年行三十度三分度之一強十二年一周天而過四度三分度之一八十四年行七周天而過一宮如乾隆十一年太歲在寅歲星亦在寅積八十四年太歲在寅則歲星在丑積一千零八年則太歲復與歲星合天官書云攝提格歲歲陰在寅歲星在丑蓋據一歲為言非寅年歲星必在丑也其伏見順逆之節依今時憲法推算自合伏後東行十二度百四十四日反逆行逆行十度百二十日後東行東行十二度百四

十日而復與日合合後後約十五日晨見合復前約十五日夕不見四百日而一周與甘氏說同天官書蓋有脫誤至其行度盈縮多者十七日度一由本天高卑一由距日遠近詳見不得有失次者天官書云失次則生妖星漢書天文志亦載甘石二家之言是蓋古有其說今案歲星進退有常度而彗星不數見不得謂彼職于此也若夫去留久暫雖亦常度使然而天文家以歲星為福故以所之進氣為吉所去退氣為凶陰陽家以太歲前一星位為太陽後一位為病符義亦類此至于色之常變以五行四時為說其義亦通究之星體本自先芒天官書以赤而有角為吉晉書云色欲明光非為本星為然蓋亦五星通例也

歲星行色變異占

史記天官書歲星所在五穀逢昌其對為衝歲乃有缺宋史天文志歲星色光明潤君壽民富開元占歲星色青白是其常色赤則主有憂色黃有喜色白為旱喪色黑多疾病有水災歲星色青黑期六十日有喪歲星色黃白歲穰歲星在春其色當蒼黃而光潤澤其變而白秋有喪變而赤者夏有兵海中占曰歲星色蒼黃吉赤芒澤有子孫喜立王黃得地白有兵青黑有德令荆州占曰歲星王時當有芒角若無芒角者王者無威勢在

臣下

觀象玩占廿氏曰歲星在春王色比左角大而青精光立春後滿七十二日後十八日色黃仲春之時有芒色角在冬相其色精光而無芒角在夏休其色青黃無精光在四季囚其色青微黑在秋死其色細小不明此其常也如其常則天下和平歲星當王時而有相色主弱臣強有休色人主病有囚色宜赦有死色喪其進舍也有德令其退舍也有惡令其留守之舍有逆法有逐臣當相時而有王色其國主弱臣強有休色相罷有囚色相囚有死色相死有此色者其面守之舍國凶其進舍也有兵其退舍也相有逆謀不成當休時而有王色其國有憂兵有相色大水大臣誅有囚色百果傷有死色五穀傷當囚時而有王色王政不行下及上有相色臣專政六月降霜有休色謀不遂有死色貴臣誅有此色者其面守之舍國有禍傷其進舍也有兵其退舍也將軍亡當死時而有王色草木再榮有相色木枯更生有休色國有土功有囚色大赦 歲星主齊魯東吳之國青徐州及楊充之域其色蒼如左角及參左角肩十二芒若變色而白有喪黑有疾疫亦有兵黃有喜歲星色黃赤而明潤或黃白而明潤其歲大熟其分國有喜慶之事青為蟲蝗黃女主持政一曰歲星色青多為微事白多為兵色青白而不光潤

兵微並起焦贛曰歲星色黃而澤立竿見影大熟一曰正月歲星色黃赤光澤所居之野大穰黃白有慶賞赤色正白有喪 歲星變色而赤芒角其國大旱暖氣早來蟲蝗為害人多疾疫歲饑有兵變色而青芒角有土功白芒角淫雨為災人大疾疫黑芒角水潦為災霜雪殺物種不入土國有憂一曰木變色人主有怒有芒角為誅殺為兵無芒角有軍戰不勝歲星在東方宿中色宜青而白角為兵青而黑為喪在南方宿中色宜赤而青為憂白角而怒有兵黑為喪在西方宿中色宜白而青有憂赤黑皆為兵在北方宿中色宜黑而青有憂赤為兵白角而怒亦為有兵起歲星赤黃而角所居國昌人主以武強若戰歲星無芒角不勝歲星芒角所指者敗迎角而戰者亦敗歲星角且芒皆為征伐四方 歲星出氣為青穰明日大寒有小雨不出三旬黃魚鹽貴不過二十日止所在之國苗傷物少寔民徙其鄉不出二年布帛貴歲星出穰長尺不出三日雨不則大霧

月犯歲星

史記天官書月蝕歲星其宿地飢若亡歲星入月其野有逐相

開元占荆州占曰月與歲星光明相連飢三年糴貴民流亡歲星入月中臣賊其主月犯歲星其國民飢又曰其國疾河

圖帝覽嬉曰月貫歲星有流民不出十二年國飢七月蝕
歲星其鄉大戰板邑

觀象玩占月犯歲星其分歲飢人流黃帝占曰刑獄煩多
盜賊一曰有邊兵又為民疫一曰相有凶月與歲星同宿其
年有疾疫月與歲星同宿而食粟貴農官憂月蝕歲星
軍飢一曰大臣誅月食歲星而暈女主凶其國大飢有大
戰歲星八月不出一旬天下有大火粟大貴不出二年天下
亡徒為亂有野兵歲星逆行犯月法令散

歲星熒惑相犯

宋史天文志歲星熒惑相犯為大戰相去方寸為犯戰客
勝食大國亡邊侵月食守之為賊居之不去為守觸火則國
亂兩體俱動而直曰觸

開元占歲星與熒惑接芒於西方諸侯君臣有憂期明年
春害農事與歲星會于東方不出二年宰相亂歲星與熒
惑同舍相去三尺以內相守七日以上至四十日其國有友
臣五穀傷百姓不安期一年

觀象玩占歲星熒惑相犯為旱為飢有兵大戰歲星守熒
惑地動一曰赦

歲星填星相犯

宋史天文志歲星守填星其下城敗

開元占填星所在歲星從之伐者利歲星所在填星從之伐
者不利
觀象玩占歲星犯填星太子憂歲星觸填星太子疾有赦
歲星守填星大臣相滅天下交爭一曰有兵戰主人吏死其國
大穰一曰木土交行必有破傷

歲星太白相犯

宋史天文志歲星太白相犯大臣黜觸太白則四邊來侵守
太白為四存不論

開元占正歲曰太白犯木星為飢期三年荆州占曰太白犯
歲星為旱為兵若環繞與之並光有兵戰破軍殺將石氏
曰太白與歲星相犯而有滅者諸侯相滅所受之國受之歲
星所在太白從之伐者利有功太白所在歲星從之伐者不
利無功歲星與太白過有兵兵罷

歲星辰星相犯

觀象玩占歲星太白相犯有兵大戰一曰相死一曰其分
草再生將軍誅無將軍則不出四十日有拜將歲星乘太
白有戰備將死守太白蠻夷叛四序不順陰陽爽和

宋史天文志歲星辰星相犯太子憂觸辰主憂守復賊

開元占荆州占曰辰星與歲合而犯之為殞霜

觀象玩占歲星辰星相犯有兵一曰大臣誅民多病漢辰

星掩歲星有兵戰客將死滅之殺大將賁之薄之殺偏將
觸之主有病守辰星主憂有賊水退國不安不退賊敗

欽定天文正義卷十五
熒惑占

歲星雜干犯占

宋史天文志他星犯歲星主不安客星犯守主憂流星犯
之色蒼黑大農死赤為飢疫黃則歲豐振之臣叛主

開元占巫咸曰他星守歲星越有憂

觀象玩占歲星與客星合有賊歲星與客星闕其國易
相流星犯歲星其分使者被殺荆州占曰流星入歲星色
黑相死其國農荒色赤大疫天下飢色黃白足食流星赤
直刺歲星其分使被殺流星貫歲星其分守臣被害流
星色黃潤緩緩而行首尾端直去歲星一二寸沒其分君有
福

熒惑占

史記天官書察剛氣以處熒惑曰南方火主夏日丙丁禮失
 罰出熒惑熒惑失行是也出則有兵入則兵散以其舍命國
 熒惑熒惑為勅亂殘賊疾喪飢兵反道二舍以上居三
 月有殃五月受兵七月半亡地九月大半亡地因與俱出入
 國絕祀居之殃還至雖大當小久而至當小反大其國為文
 夫北為女子喪若角動統環之及乍前乍後右左殃益大
 與他星關光相連為害不相連不害五星皆從而聚于一舍
 其下國可以禮致天下法出東行十六舍而止逆行二舍六
 旬復東行自所止數十舍十月而入西方伏行五月出東方
 其出西方曰反明主命者惑之東行急一日行一度半其行
 東西南北疾也兵各聚其下用戰順之勝逆之敗熒惑從太
 白軍變離之軍却出太白陰有分軍行其陽有偏將戰當其
 行太白速之破軍殺將其入守犯太微軒轅熒室主命惑
 之心為明堂熒惑廟也謹候此

晉書天文志熒惑曰南方夏火禮也視也禮虧視失送夏
 令傷火氣罰見熒惑熒惑法使行無常出則有兵入則
 兵散以舍命國為亂為賊為疾為喪為飢為兵所居國受
 殃環統鉤已芒角動操變色乍前乍後乍左乍右其為殃
 愈甚其南丈夫北女子喪周旋止息乃為死喪寇亂其野亡

地其失行而連兵聚其下順之戰勝又曰熒惑主大鴻臚主
 死喪主司室又為司馬主楚吳越以南又司天下羣臣之過
 司驕奢亡亂妖孽主歲成敗又曰熒惑不動兵不戰有誅
 將其出色赤怒逆行成鉤已戰凶有圍軍鉤已有芒角如鋒
 刃人主無出宮下有伏兵芒大則人眾怒又為理外則理兵
 內則理政為天子之理也故曰雖有明天子必視熒惑所在
 其入守犯太微軒轅熒室房心主命惑之

宋史天文志熒惑為南方為夏為火于人五常禮也五視
 也晉灼曰常以十月入太微受制而出行列宿司天道出入
 無常二歲一周天出則有兵入則兵散逆行一舍二舍為不
 祥所舍國為亂賊疾喪飢兵或環統鉤已芒角動操變色
 乍前乍後為殃愈甚逆行一舍天下有大灾五舍大臣叛
 星經曰主霍山揚州荆交州又與鬼柳七星

開元占淮南天文問詁鴻烈曰南方火也其帝祝融其佐朱
 明執衡而治夏衡平也其神為熒惑其獸為朱雀其音徵
 其日丙丁

觀象玩占熒惑一曰赤星一曰罰星曰執法曰天侯南方赤
 帝赤燥怒之神朱雀之宿火之精也其行無常出則有兵入
 則兵散熒惑居東方為懸息西方為天理南方為熒惑進
 退無恒蹊急促疾故曰熒惑主歲成敗明照四方察過失

以謹告人主者也主憂患過惡

按火星每日平行三分度之一強每歲平行一百九十一度十分度之四強二年一周天過二十三度弱自晨見東方後東行一百七十一度三百二十七度反逆行逆行四十度七十六日復東行一百七十一度三百二十七度而夕不見五十日復晨見東方凡七百八十日而復始天官書所言出入次舍數約略近之惟云行五月出東方月字當是旬字之誤其盈縮差多者至六十度半強其行疾也每日一度半強木土火三星皆常見周天而惟火星最速故甘石歷五星法惟獨熒惑有反逆行天官書

始紀其伏見順逆之節而于占不加深辨今以時憲法推之其盈縮進退皆有常度未嘗有失行者則不可以變言矣故其占不錄其留守變色芒角暈彗之屬兩相值而不常有者則採輯於編云

熒惑行色變異占

晉書天文志熒惑出色怒逆行成鉤已戰凶有圍軍鉤已有世角如鋒刃人主無出宮下有伏兵芒大則人衆怒開元占熒惑逆行環繞屈曲成鉤已守之三月不下其分國有喪熒惑逆行二舍半有火災一曰有女喪一曰為大水荊州占曰熒惑若無光先起兵者大敗熒惑秋出色黃

兵而和又曰熒惑色白為飢為兵熒惑色青圓為水為憂為創一曰色青者多雨甘氏曰熒惑芒名正旗正旗所指破軍殺將正旗而伐之大勝郝萌曰熒惑色正黑多無所居之野有妖惑者又曰兩軍相當雲厚掩熒惑必有逐軍巫咸曰熒惑白暈大臣背其主其角也兵氣赤色也國有憂

觀象玩占甘氏曰熒惑在夏曰玉色比心大星大而赤精光仲夏有芒角在春曰相其色精光無芒角在四季曰休其色赤黃無精光在秋曰囚其色青白不明在冬曰死其色黃黑細而不明其常也色如其常則天下和平當王時而有相色相蔽主聰有休色政令不行有囚色讒臣用事有死色國有喪其留守之舍不可舉事用兵其進舍也其國不祥其退舍也其國有旱當相時而有玉色其所居國受殃有休色讒臣在旁有囚色國有捕囚有死色大臣亡其留守之舍其國兵起其進舍也有蝗其退舍也赤地千里當休時而有相色其邦亂臣不從令有玉色其國受殃有囚色有小兵有死色盜賊橫行廟堂有火其留守之舍受殃其進舍也火傷其退舍也利口危邦當囚時而有玉色大臣有憂有相色臣下毀傷有休色使者道路項領相望有死色丁壯從軍其留守之舍道入路不通其進舍也有兵其退舍也有

妖言當死時有五色宗廟缺享有相色大臣攝政有休色宗廟有火有凶色丁壯多死于兵其留守之舍其下有兵其進舍也多風其退舍也流水湯湯熒惑主荆楚以南荆州衡陽南盡南海其色比心中央大星及畢右股大星為正若變色而白雨水數至五穀不滋四鄙入堡民多疾有喪變色而青蝗蟲為災有暴風五穀晚熟國飢民流變色而黑有大水有死喪凍雹傷穀暴兵至海中占熒惑色赤國有憂白亦有憂色蒼天下多死傷其國尤甚熒惑春色赤百姓有憂冬色白大臣多辱熒惑色蒼細小而無精明名曰進賊讒臣入國荆州占曰熒惑色黃而不明為變色其時不昌春不生夏不榮秋不成冬不藏四時皆變其色天下大荒又曰熒惑色蒼黑凶蒼多黑少有喪蒼少黑多有水蒼黑等喪且水期六十日遠則三年熒惑正黑其國有水殃又曰熒惑一赤一黃王公有缺缺萌曰熒惑赤芒南方國利之白芒西方國利之青芒東方國利之黑芒北方國利之黃芒中國利之色黑而芒所居之野有殃又曰熒惑色大赤而芒不出二年兵喪並起色黃所居之野有土功色變正白冬有喪白圓而光其野旱疫正白無芒所居所女喪多芒所居有男喪色蒼黑有水青角其國有兵憂未春五穀草木補殺又曰熒惑色青有大兵旱色變正赤其秋有兵又

曰熒惑始出色蒼多芒所居國飢有妖色赤而芒兵在外大戰無兵兵起色黃多芒所居國主憂又曰赤芒主憂赤角主怒熒惑赤大燁然而芒其野有兵大而赤角有兵出攻戰客利熒惑有芒角以戰背之利隨其指而擊破軍殺將熒惑始出大而日益小者其國不利始出小而日益大者其國利兩敵相當其日大以其日利其日小以其日不利上旬為陽國中旬為中國下旬為陰國若星大赤兵出有功小赤無功以日占國熒惑小於常其國有兵喪熒惑赤白而光其所居野有兵亂青光為雨黑光為水無光兵亂熒惑出而有角行疾用武行遲用文 熒惑逆行有所守其宿為旱為飢應在其年若復還順行而色正者雜貴還賊熒惑所在之國不利起兵石氏曰熒惑留久其禍三年熒惑以庚辛日留天下有大兵喪荆州占曰熒惑出東方若西方遲留者其國不利留一月以上為飢為兵又為喪四孟之月侯王受之四仲之月大臣受之四季之月百姓受之熒惑出入進退用兵者符之勝逆之敗芒角所指破軍殺將隨其所指大勝乙巳占曰熒惑行在鶉火之次宜背午以戰及以月加時宜背勝先以戰大勝 熒惑出芒其下國亡地熒惑出氣為赤穰明日大熱至夕大雨一曰不出五日有賊有五十日旱魚鹽貴二倍乃止熒惑

出氣長丈四尺有旱長一丈百日旱傷物大臣作亂其國飢
荒 熒惑晝見臣謀主所在分兵起大旱水竭 常以夏
丙丁日候熒惑變色則為災

月犯熒惑

史記天官書月蝕熒惑也亂

開元占荆州占曰月與熒惑合光世相及其國有內亂兵

三年廿次曰月行宿熒惑而蝕天下有憂

觀象玩占月犯熒惑有亂臣一曰其國有兵貴人出巫

咸曰有兵戰小吏死荆州占曰戰勝之國大將死一曰貴人

兵死月犯熒惑而暈或食亡地太半將軍憂月食熒惑河

圖帝覽嬉曰其國以兵致飢月與熒惑合海中占曰其國

不可以有為貴人傷有內兵月與熒惑同光有叛臣內

亂且飢

熒惑歲星相犯

宋史天文志熒惑與歲星相犯主冊太子有敵嗣歲星有

子守之太子危

觀象玩占熒惑犯歲星有兵戰一曰大臣有匿謀一曰蟄

蟲冬出雷早行示不成荆州占曰有戰火出木北天下急出

其南有謀在中一曰奸臣為謀殺大將火貫木殺小將火

木相拂天下有爭言

熒惑填星相犯

宋史天文志熒惑填星相犯兵大起入填星將為亂簡之

有刀兵守之有內賊太子危

開元占荆州占曰熒惑與填星合而犯大將軍為亂春秋

緯曰熒惑干填星大旱文耀鉤曰主善不失政則熒惑與

填星相扶熒惑守填星為憂喪

觀象玩占熒惑犯填星兵起有大戰或曰大犯土土在下

火在上其國吉土在上火在下大臣憂火與土合已去而復

未還統之有暴獄

熒惑太白相犯

宋史天文志熒惑與太白相犯兵起守北太子憂南庶子

憂環繞偏將憂

開元占荆州占曰熒惑太白相犯為兵喪又為逆謀又曰

太白與熒惑遇是謂金入火有兵兵罷國安無禍又曰

熒惑所在太白從之伐不利無功太白所在熒惑從之伐

者利有功石氏曰太熒惑與太白會為煤其下之國不可

舉事用兵必受其殃又曰熒惑與太白相隨西行熒惑合

天門西太白舍天門中一曰舍天津人主無出國門又曰熒

惑往從太白聚于一舍太白為失明熒惑赤色而光統太

白所并之國大兵起又曰熒惑薄太白亡偏將海中占曰太

白熒惑合金從之火有兵罷火從金兵大起又曰熒惑太白合野有破軍將死黃帝占曰熒惑太白俱入斗不出其年國亂有夏又曰熒惑入東井太白隨之兵喪並起陳卓曰熒惑入東井太白隨之百川皆溢韓揚曰熒惑太白接皆赤而芒三十日合天津閭河不渡諸侯不通

觀象玩占熒惑太白相犯天下憂兵起大戰金在南南邦敗在北北國敗 熒惑乘太白兵起不用其國且以武致天下熒惑觸太白有暴賊熒惑入太白中上出破軍將客勝出太白左左軍勝出太白右右軍勝熒惑環太白成句已大將死熒惑抵太白不入亦不去客將死熒惑摩

太白而過有數萬人戰有破軍主人將死金火相守流血

滿野

熒惑辰星相犯

宋史天文志熒惑與辰星相犯兵敗與辰星相會為旱秋為兵冬為喪守之太子憂

開元占陳卓曰熒惑所在辰星從之伐者利有功辰星所在熒惑從之伐者不利又曰熒惑與辰星相遇是謂不祥不可用兵命曰自伐

觀象玩占熒惑辰星相犯其國不可舉事用兵一曰野有兵不戰一曰兵在外者敗熒惑觸辰星有異姓王

熒惑雜干犯占

宋史天文志他星犯熒惑兵起祿星犯之為兵為火開元占石氏曰熒惑與他星會而鬪者皆為禍荆州占曰熒惑與他星合相凌而鬪二星相近者其殃大相遠其殃小

觀象玩占熒惑與客星命鬪天下兵起熒惑出東方行而西有小星觸之即去所宿之國受兵熒惑之陰有小星相去四寸以內諸侯陰謀熒惑之陽有小星相去四寸以內有小星流星衝熒惑其分君有福流星光映熒惑鄰國有大使至此雄猛之使也有奸謀若刺客宜察而防之流星穿熒惑而過熒惑無光其分國飢流星抵熒惑其國旱飢一曰天子有大行或曰國多諂臣一曰天子宮中備火

欽定天文正義卷十六

填星占

填星占

史記天官書歷斗之會以定填星之位曰中央土主季夏日戌巳黃帝主德女主象也歲填一宿其所居國吉未當居而居若已去而復遂遷居之其國得土不乃得女若當居而不居既已居之又西東去其國失土不乃失女不可舉事用兵其居久其國福厚易福薄其一名地侯主歲歲行十二度百十二分度之五日行二十八分度之一二十八歲周天其所居五星皆從而聚于一舍其下之國可重致天下禮德義殺刑盡失而填星乃為之動搖贏為王不寧其縮有軍不復填星其色黃光芒音曰黃鐘宮其失次上二三宿主曰贏有主命不成不乃大水失次下二三宿曰縮有后威其歲不復不乃天裂若地動斗為文太室填星廟天子之星也填星出百二十日而逆西行西行百二十日反東行見三百三十日而入入三十日復出東方太歲在寅鎮星在東壁故在營室

晉書天文志填星曰中央季夏土信也思心也仁義禮智以信為主貌言視聽以心為正故四星皆失填乃為之動一曰填為皇帝之德女主之象主德厚安危存亡之機司天下女主之過

宋史天文志星經曰填星主嵩山豫州又主東井

開元占填星所宿者其國安大人有喜增土吳龔天官星占曰
填星所居國有德不可以有兵加也

觀象玩占填星中缺黃帝含樞紐之使句陳之神土之精也
常晨出東方夕伏西方填星主四季其日戊己其辰丑未辰
戌其卦坤艮其音宮其數五其帝黃帝其神后土主德福女
主之衆所在國有福不可伐又主聚衆主土功主正綱紀主
周梁主太常主司天下女主之過

案土星每日平行三十分度之一強每歲平行十二度四
分度之一弱三十年一周天而過七度一百二十年行四
周天而過一宮一千五百年行五十周天而不及七度太

歲于支復合天官書云太歲在甲寅填星在東壁亦據古
曆始起之歲為言非甲寅年填星必在東壁也二十八
宿度數多者如井三十餘度少者如甫不及一度其云填
一宿亦據甲寅年在東壁而言其舊年則在營室行過
十二度也其伏見順逆之節依時憲法推算自晨見東
方後東行百七日而逆西行百三十六日復東行東
行百七日而夕不見凡見三百五十日而入三十日復
晨見東方其盈縮進退多者不過十二度其行疾也不過
數分故又名鎮星天文家以土木二星為福故所居皆吉
贏縮則占星經云德贏則加福刑盈則不復德縮則

迫感刑縮則不育其曰德刑者蓋以所次之方位宿分
為言是盈縮又非為定論也自漢以來疏知盈縮有
常而推步日益加密則行皆應度而為福其義
不尤勝歟

填星行色變異占

宋史天文志填星盈則超舍以德盈則加福刑盈則不復
縮則退舍而不及常德縮則迫感刑縮則不育星經曰行
中道則陰陽和調退行一舍為水二舍海溢河決經天退
行天下更政地動巫咸曰光明歲熟大明主昌小暗主憂
春青夏赤女主喜春色蒼歲大熟色赤飢有芒兵

開元占都顏曰填星色有常黃比參右肩又曰填星色赤
有芒其野謀兵黃帝占曰填星色白多為微又曰填星始出
小而日愈大所在國利禮緯斗威儀曰君乘土而王其政太
平則填星黃而多輝荆州占曰填星色春青夏赤秋白冬黑
色順四時其國強女主昌又曰填星在四方宿當如其方色
吉失色而角青為憂赤為旱白為兵黑為死喪填星黑角則
水亦角有兵若旱黃角有土功東海中占曰填星色白芒澤
有子孫喜立王

觀象玩占甘氏曰填星在四季之時曰王其色正黃比北極
中央大星而精明有芒角在夏曰相其色黃大而精明無芒

角在秋曰休其色黃白無精明在冬曰囚其色黃黑不明在
春曰死其色青白細小而不明其常也如其常則天下和平
當王時而有相色其國女主宗族有休色政在公卿有囚色
女主不昌有死色女主之族不祥其留守之舍有厚德其進
舍也其國得土其退舍也失土當相時而有王色其分主弱
女主持政有休色土功興有囚色女主不昌有死色其國貴
人多喪其留守之舍其國女主微其進舍退舍皆有土功憂
事當休時而有王色其國臣下縱橫有相色女主請謁有囚
色女主宗族有喪有死色國有女喪其留守之舍國人流亡
進舍退舍皆有殃當囚時而有王色國有赦令四時不和多
風雨五穀不成盜起野多囚人有相色臣下有謀謀及司空
有休色女主與妾訟有死色國有怪有土功其留守之舍及
進舍其國嗣子憂退舍有德當死時而有王色下勝上臣專
政枯木更生有相色地泄其藏有休色五穀暴貴邑人流亡
有囚色霜雹為災其留守之舍國有凶殃其進舍也地動若
有蛇怪其退舍也人多流亡 填星主中國周三河梁宋之
國豫州之地其色黃潤而沈所居有福一曰填星光明潤澤
其國大熟天下歲豐又曰填星黃潤女主有喜色青有憂青
圓女主疾赤國飢期三年填星色黑女主多疾一曰天下有
水災填星色青白不出五月國兵起不則微事起又曰青多

為兵白多為微青白等兵微俱起皆以所宿命國填星變色
於戌巳之日及辰戌丑未之月或寅卯之月皆為凶 填星
失色而角國有憂一曰填星生角其國爭地填星黃而角土
功興荆州占曰填星出角為旱若失色五角則有兵戰亡軍
填星動搖其國有土功女主不寧有山崩若地動江河決又
曰土動天下叛 填星出北方宿中其國不用兵出東方宿
中所出之國兵強出南方宿中其下用兵者亡地出西方宿
中其國兵起 填星晝見臣謀君女主憂上相死 填星出
彗所受居國受兵亡地有喪填星自暈土功興國有喪填星
出氣為黃穰明日大熱且霧夕雨不出五日穀賤不三旬民
病多死填星出氣四丈有三月之雨土功起填星旁有獨雲
如狗狀有土功期一年 填星守列宿色青為敗常以四季
月戌巳日候之變色則為災

月犯填星

史記天官書月蝕填星也下犯上
宋史天文志填星與月相犯有兵
開元占河圖帝覽嬉曰月犯填星為亡地期不出十二年其
國以創亡一曰有喪荆州占曰月犯填星其國貴人兵死一
曰先舉事者敗若有大風
觀象玩占月食填星其地人民流亡女主憂又曰為兵飢為

喪月與土合其下國飢填星入月中臣賊其主一曰不出四
十日有土功事填星貫月國內亂

填星歲星相犯

宋史天文志填星與歲星相犯相關為內亂

開元占石氏曰地侯與攝提所合之宿大戰不勝亡地填星
與歲星合相犯為內亂不可舉事用兵土在木下利為主人
土在木上利用為客六十日不下其國失地

觀象玩占填星歲相守有兵守後木退歲歎土退年豐有
賊

填星熒惑相犯

宋史天文志填星熒惑相犯為兵喪

開元占荊州占曰熒惑入填星中將軍為亂又曰填星與熒
惑合相守其下國失地若有圍邑

觀象玩占填星熒惑相犯大人忌之若二星皆色赤或俱無
光或土在火芒內火在土芒內皆為其國大臣死旱潦不節
民災物不成

填星太白相犯

宋史天文志填星太白相犯為內兵有大戰一曰王者失地

開元占石氏曰太白干填星五穀不熟

觀象玩占填星太白相犯為兵一曰大水草木死

填星辰星相犯

宋史天文志填星辰星相犯為兵為旱

開元占石氏曰辰星逐填星會者國有土功田後非法都萌
曰填所在辰星從之伐者不利荊州占曰辰星所在填星從
之伐者利有功

觀象玩占填星辰星相犯為旱為變謀更事一曰將有危一
曰土犯水冬雷虹出來年夏寒隕霜雨雹

填星雜干犯占

宋史天文志祿星犯填星下臣謀上流星犯填星則民多事
開元占黃帝占曰流星抵填星后忌之

觀象玩占填星旁有小星守之臣逆小星去臣利填星往復
小星臣伏誅小星在東方則事在東方西南亦如之各以所
在宿命國流星抵填星填星光明不動其分君有福國昌流
星光潤絳行將至填星一二寸而沒霸王之使也占同歲星
流星犯填星色赤黑外國有奸人入色黃黃秋未貢流星拂
填星而過色赤其分有兵白有喪黑有水青有疫且飢黃潤
吉

欽定天文正義卷十七

太白占

太白占

史記天官書察日行以處太白曰西方秋司兵月行及天矢日庚辛主殺殺失者罰出太白太白失行以其舍命國其出行十八舍二百四十日而入東方伏行十一舍百三十日其出西方伏行三舍十六日而出當出不出當入不入是謂失舍不有破軍必有國君之篡其紀上元以攝提格之歲與營室晨出東方至角而入與營室夕出西方至南而入與角晨出入畢與角夕出入畢與畢晨出入箕與畢夕出入箕與晨出入柳與箕夕出入柳與柳晨出入營室與柳夕出入營室凡出入東西各五為八歲二百二十日復與營室晨出東方其大率歲一周天其始出東方行邊率日半度一百二十日必逆行一二舍上極而反東行行日一度半一百二十日入其庠近日曰明堂星柔高遠日曰大器剛其始出西行疾率日一度半百二十日上極而行避日半度百二十日旦入必逆行一二舍而入其庠近日曰太白柔高遠日曰大相剛出以辰成入以丑未嘗出不出未嘗入而入天下偃兵兵在外入未嘗出而出當入而不入下起兵有破國其當期出也其國昌其出東為東入東為北方出西為西入西為南方所居以其鄉利疾其鄉凶出西逆行至東正西國吉出東至西正東國吉其出不經天經天天下革政小以角動兵動起始

出大小後兵弱出小後大兵強出高用兵深吉淺凶庫淺吉
深凶日方南金居其南日方北金居其北曰贏侯王不寧用
兵進吉退凶日方南金居其南北日方北金居其南曰縮侯
王有憂用兵退吉進凶用兵衆太白太白行疾疾行遲遲行
角敢戰動操躁躁國以靜靜順角所指吉反行之皆凶出則
出兵入則入兵赤角有戰白角有喪黑角有憂青角
小角憂有木事黃角和角有土事有年其已出三日而後有
徵入入三日乃復徵出是謂與其下國有軍敗將北其已入
三日又復徵出出三日而復徵入其下國有憂師有糧食兵
草遺人用之卒難衆將為人慮其出西失行外國敗其出東
失行中國敗其色大圓黃澤可為好事其圓大赤兵勝不戰
太白北白北狼赤北心黃北參左肩蒼北參右肩黑北奎大
星五星皆從太白而聚于一舍其下之國可以兵從天下居
寔有得也居虛無得也行勝色色盛勝位有位勝無位有色
勝無色行得盡勝之出而留桑榆間疾其下國上而疾未盡
其日過參天疾其對國上復下下復上有反將其八月將傷
金木星合光其下戰不合兵雖起而不關合相殺野有破軍
出西方昏而出陰陰兵彊暮食出小弱夜半出中弱雞鳴出
大弱是謂陰陷于陽其在東方乘明而出陽陽兵之彊雞鳴
出小弱夜半出中弱昏出大弱是謂陽陷于陰太白伏也以

出兵兵有缺其出外南南勝北方出外北北勝南方正在外
東國利出西北北勝南方出西南南勝北方正在西西國勝
其與列星相犯小戰五星大戰其相犯太白出其南南國敗
出其北北國敗行疾武不行文色白五芒出祭為月蝕晚為
天矢及彗星將祭其國出東為德舉事左之迎之吉出西為
刑舉事右之背之吉反之皆凶太白光見景數勝晝見而經
天是謂爭明疆國弱小國強女主昌亢為疏廟太白廟也
太白大臣也其號上公其他名辰星太正營星觀星宮星明
星大衰大澤終星大相天浩序星月緯大司馬位謹候此
宋史天文志太白為西方為秋為金於人五常義也五事言
也常以正月甲寅與大晨出東方二百四十日而入八四十
日又出西方二百四十日而入八三十五日而復出東方出
以寅戌入以丑未也一年一周天星經曰主華陰山梁雍益
州又主奎婁昂畢皆參又曰主大臣
開元占五行傳曰太白者金精也于五常為義舉動宜于五
事為言號令民從義虧言失道秋令則太白為變動為兵為
殺荆州占曰太白出東北為觀星出東方若東南為明星出
西方太白也甘氏曰太白金主大將主秦鄭巫咸曰太白金
草誅伐正刑法
觀象玩占太白一曰殷星一曰大正曰熒頭曰明星曰觀星

曰大威曰太魄曰眾星曰相星曰大竄曰大彗曰存星晨見東方曰啟明夕見西方曰長庚西方白帝白招拒之使白虎之神全之精也大而色白故曰太白其日庚辛其辰申酉其卦乾兌其音商其數九其帝少昊其神蓐收出以辰戌入以丑未其出入也必以風雨太白金主威主斷割殺伐故用兵必占之

按金星小輪以日為心每日平行一度弱歲一周天星循小輪周每日平行十分度之六自合伏與日同度後八日夕見西方二百六十四日而留退退行十二日夕不見又八日退與日合又八日晨見東方又十二日而留順順行二百六十四日夕不見又八日復與日合凡五百八十四日而復始八歲積二千九百二十日星行小輪五周小輪心行天八周故出入東西各五復與原宿同度天官書為八歲二百二十日復與營室晨出東方及順逆行舍日數皆微有不同今無太初歷術不可得而推定其云歲一周天伏十六日而出及高卑遠近之說則與今法合至其占驗大抵多兵家之言蓋自重泰義和之法失傳而唐李甘石諸家各因時務立論又以太白金主殺故用兵占之司馬氏已謂機祥不法無可錄者則天官所載亦姑仍舊說耳夫四時五行一不能成歲至治之世金星亦反逆行

占家之言果可為典要乎今採其近似者具於左
太白行色變異占

漢書天文志太白兵象也出而高用兵深吉淺凶堙淺吉深凶角散戰言不敢戰凶擊角所指吉逆之凶進退左右用兵進退左右吉靜凶圍以靜用兵靜吉燥凶出則兵出入則兵入象太白吉反之凶赤角戰凡太白所出所直之辰其國為得位得位者戰勝所直之辰順其色而角者勝其色害者敗

宋史天文志平歲曰太白金光明見影戰勝歲熟狀矣然而上兵起光如張蓋下有立王凡太白至午位避日而伏若行至未即為經天其災異重也開元占石氏曰太白行疾前用兵者善行遲後用兵者善又曰太白伏外有軍則罷將起兵則止國勿攻戰又曰太白出東方黃而明旱黃而不明此常色也又曰太白在陽陽國利其以陽時出于陽重利太白在陰陰國利其以陰時出于陰重利又曰太白金赤白而潤有喜又曰太白之色赤也將者勝其白無角不勝又曰太白黃而角有土功色白而角不可以戰一曰哭泣之聲色黑而角大水有兵在外戰言不戰凶海中占曰太白十二芒鉤不可以戰

觀象玩占甘氏曰太白在秋曰王其色比狼精明而有光伴

秋之時有芒角在四季曰相其色猶光而芒角在冬曰休其色精明而無光在春曰囚其色青黃而不明在夏曰死其色赤黑細小而不明其常也如其常則天下和平當王時而有相色主弱將強權勢縱橫天下有兵有休色臣有謀主者有囚色所任官者囚有死色大將野死其留守之舍兵起其進舍也其下兵歸之其退舍也兵弱不用當相時而有王色主弱將強有休色將不用命有囚色將謀不成有死色將死其留守之舍有兵其進舍也是謂趣兵其退舍也兵出不行當休時而有王色其野多賊軍死于野其留守之舍有逐將其進舍也武吏從橫其退舍也文吏弄權當囚時而有王色其分國有叛將有相色下化其上有休色其野多暴兵有死色有妖言不祥其留守之舍不可舉事用兵其進舍也歲多霜雪其退舍也冬暖不藏當死時而有王色流水湯湯有相色野火煌煌有休色錢幣不行有囚色國多虎狼其留守之舍野獸食人其進舍也白刃鏘鏘其退舍也兵不成行 太白至西維秦晉已曷羗髻諸國梁雍以西之地其體大而色白光明而潤澤所在之分兵強國昌體小而味單敗國亡太白色德赤次白而蒼悴而不光是謂失色其所在國雖得地擊之必克太白色黃黑軍在外者宜罷太白色蒼黑期六十日有水若喪黑多為水蒼多為喪蒼黑若有

水且有喪太白始出色黃白其國吉黃亦吉色赤有兵主人勝國不傷色白歲熟色黑有水色青有憂太白色蒼白而靜天下默兵太白色黑而澤有芒天子有孫喜有主王太白色黑而大青芒角陰國大勝戎兵乃來風災數起國多盜賊有大獄大兵太白色青而暗小國旱君有憂草木生條非時五穀不實太白色赤而怒兵起國多火災寒熱失節民多瘧疾螽蟊不滅甘氏曰太白色赤者武也利以戰色白者文也不利以戰太白芒出而銳大利攻戰順芒所指擊之勝巫咸曰太白黃而角其國瘦白而角其國旱青而角多死夜 太白初出大而後小其國兵弱先勝而後亡初出小而後大其國其國兵強先敗而後成荊州占曰太白出小而後大在東方陽國兵起在西方陰國兵起 太白晝見有兵兵止無兵兵起一曰為兵喪為不臣為更王強國弱弱國強一曰太白晝見各以宿占其國兵起又曰太白秦星也晝見秦國兵強武靈占曰太白經天不出三年有喪大臣有秩各以其宿占國太白自暈天下有赦有兵不出二十日其國失軍太白出氣長數丈多風雨所指處兵大起太白出穰氣三丈大水兵起太白出氣白穰明日大風道上無灰塵不出五日糴貴不出三年中有兵一曰歲多大霧傷五穀婦人多殺傷其子者滿十月乃止太白出彗在西南維中國受兵亡地太白出

出彗在西北維胡狄受兵亡地 太白守列宿色赤為敗常以秋三月庚午日候之變色則為災

月犯太白

史記天官書月蝕太白也強國以戰敗

宋史天文志太白入月其下兵犯月角兵起在左則中國勝在右則外國勝

開元占荆州占曰太白與月并先軍大戰相去一寸有拔城二寸有謀春夏有大水秋冬有大雪牛馬疾疫穀貴觀象玩占月犯太白有兵大戰一曰將有二心河圖帝覽嬉曰強侯作難以戰則不勝一曰太白與月相犯國多寇

盜月掩太白王者亡地月吞太白其分有兵戰月戴太白有梓兵期五日太白出月下芒相及民流月生三日刺太白之陽陽國勝小邑損月生三日之陰刺太白之陰兵在外者未及入在內者不及出南方為陽北方為陰月與太白會月在南南國凶在北北國凶太白入月中其國戰不勝亡地荆州占曰有分國立王又曰軍出主將死已占曰太白入月中不見星臣為逆月柱太白入柱中侯王死太白貫月期不出六年國有大兵戰敗亡地 海中占曰太白出月右陰國有謀出月左陽國有謀

太白歲星相犯

宋史天文志太白與歲星相犯兵敗失地

開元占歲星太白相去尺若不能天下有兵不出四向中戰色青則東方勝赤則南方勝黃則中央勝白則西方勝黑則北方勝太白與歲過木金也命曰伐其野發戰入太白次中大將死

觀象玩占太白歲星相犯有賊一曰為飢一曰兵起一曰為旱甘氏曰草再生再死海中占曰金出木北谷利木出金北主人利太白守歲星后爇觸歲星女主病

太白熒惑相犯

漢書天文志太白者宿軍也而熒惑憂也故熒惑從太白軍憂離之軍舒出太白之陰有分軍出其陽有偏將之戰當其行太白環之破軍殺將

宋史天文志太白犯熒惑客敗主勝

開元占熒惑出太白之左左軍戰左將勝出其右右軍戰右將勝又曰出太白之左小戰出太白右去之三尺軍小敗又曰太白居熒惑之後而相及破軍殺將

觀象玩占太白犯熒惑主病有大兵大戰客敗太白在南南國敗在北北國敗東西亦如之太白乘熒惑客軍敗隨之軍憂太白觸熒惑內有賊臣太白守熒惑太子憂其間客指血滿其野太白貫熒惑主人亡偏將

太白填星相犯

宋史天文志太白犯填星太子不安失地

觀象玩占太白犯填星國有咎一曰五穀不熟國飢人流

太白觸填星主憂一曰大臣相殘賊兵起太白守填星

金在土北失地守後金退臣憂土退主憂有賊

太白辰星相犯

漢書天文志辰星殺伐之氣鬪之象也與太白俱出東

方皆赤而角夷秋敗中國勝與太白俱出西方皆赤而角中

國敗夷秋勝辰星不出太白為客辰星出太白為主人辰

星與太白不相從雖有軍不戰辰星出東方太白出西方若

辰星出西方太白出東方為格野雖有兵不戰辰星入太白

中五日乃出及入而上出破軍殺將客勝下出客亡地辰星

未抵太白不去將死正其上出破軍殺將客勝下出客亡地

視其所指以名破軍

宋史天文志太白犯辰星主兵

開元占太白出辰星北客利辰星出太白北主人利並出東

方利以西伐并出西方利以東伐又曰辰星居太白前則兵

罷居後則兵起居陽則客利居陰則主利

觀象玩占太白犯辰星國不安兵起太白觸辰星殺宰相太

白并辰星國憂太白未守辰星向日不去客將死

太白雜干犯占

宋史天文志他星犯太白其事急祿星犯邊城有戰客星

犯主兵將死

開元占黃帝占曰彗星出入太白長可五六丈金火之兵大

用大戰流血天下更政期三年遠五年石氏曰有星入太白

中強國以戰亡都訥曰流星抵太白有喜令

觀象玩占太白旁有小星相去數寸若尺邊地有戰五

歲曰太白夕出西方以入月四日候之旁有小星附之若去

之一尺若二尺客軍在外者罷一曰客軍敗有死將太白在

東方有小星去之二三尺兵在外者罷太白出有小星隨而

環之命曰趨兵遂臣亂國都訥曰太白在西方有小星近

太白軍在外戰又曰軍在外有小赤星出太白陰相去四

寸陰國伐利去太白陽相去四寸陽國伐利皆為戰取將

荆州占曰太白出有小星見其陰相去四寸以內者諸侯有

陰謀流星犯太白其分兵弱無兵則兵起太白無光將

帥有憂一曰大將死軍大敗流星明潤前後光銳穿太白

而過王者德令行邦國寧軍有功大將遂

欽定天文正義卷十八

辰星占

辰星占

史記天官書察日辰之會以治辰星之位曰北方水太陰之精主冬日子癸刑失者罰出辰星以其宿命國是正時四仲春春分夕出郊奎婁胃東五舍為齊仲夏夏至夕出郊東井與鬼柳東七舍為楚仲秋秋分夕出郊角亢氐房東四舍為漢仲冬至晨出郊東方與尾箕斗牽牛俱西為中國其出入常以辰戌丑未其蚤為月蝕晚為彗星及天矢其時宜效不效為失正義故見也追兵在外不戰一時不出其時不和四時不出天下大飢其當效而出也色白為旱黃為五穀熟赤為兵黑為水出東方大而白有兵于外解常在東方其赤中國勝其西而赤外國利無兵于外赤兵起其與太白俱出東方皆赤而角外國大敗中國勝其與太白俱出西方皆赤而角外國利五星分天之中積於東方中國利積于西方外國用者利五星皆從辰星而聚于一舍其所舍之國可以法致天下辰星不出太白為客其出太白為主出而與太白不相從野雖有軍不戰出東方太白出西方若出西方太白出東方為格野雖有兵不戰失其時而出為當寒反溫當溫反寒當出而不出是謂擊卒兵大起其入太白中而上出破軍殺將客軍勝下出客亡地辰星來抵太白太白不出將死正旗上出破軍殺將客勝下出客亡地視旗所指以命



破軍其統環太白若與關大戰客勝免過太白間可滅劍

集解按音 小戰客勝免居太白前軍罷出太白左小戰摩

太白有數萬人戰主人吏死出太白右去三尺軍急約戰青

角兵夏黑角水赤行窮兵之所終免亡命曰小正辰星天

擴安周星細爽能星鈎星其黃而小出而易處天下之

文變而不善矣免五色青園慶白園喪赤園中不平黑

園吉赤角犯我城黃角地之爭白角號泣之聲其出東

方行四舍四十八日其數二十日而反入于東方其出西方

行四舍四十八日其數二十日而反入于西方其一候之管

室角畢箕柳出房心間地動辰星之色春青黃夏赤白

秋青白而歲熟冬黃而不明即變其色其時不昌春不見

大風秋則不寒夏不見有六十日之旱月蝕秋不見有兵

春則不生冬不見陰雨六十日有流邑夏則不長七星

為員官辰星廟蠻夷星也

晉書天文志辰星曰北方冬水智也聽也智虧聽失逆

冬令傷水氣罰見辰星辰星見主刑主廷尉主燕趙又

為燕趙代以比宰相之象亦為殺伐之氣戰鬪之象又曰

軍於野辰星為偏將之象無軍高刑事和陰陽應效不效

其時不和出失其時寒暑失其節邦當大飢亦曰辰星出

入躁疾常主夷狄又曰蠻夷之星也亦刑罰之得失色黃

而小地大動

宋史天文志星經曰辰星主常山冀并幽州又主斗牛女

虛危室壁又曰主燕趙代主廷尉以比宰相之象石申曰色

黃五穀熟黑為水蒼白為喪

觀象玩占辰星一曰安調一曰細極一曰熊星曰鈎星曰司

農曰兌星曰小武曰伺晨曰鼎星曰小爽北方黑帝叶光紀

之使元武之宿水之精也其曰壬癸其辰亥子其帝顓頊其

神元冥其音羽其穀六其卦坎主刑獄險阻之事辰星所在

有權智用兵為主辰星出入必以陰雨不則陰風

按水星小輪以日為心每日平行一度弱歲一周天星循

小輪周每日平行三度十分度之一強自合伏後見西方

順行率四十日而留退行十二日而復又十二日晨見

東方退行退而復順行四十六日復與日合凡百十

六日而復始凡此皆據平行度而言加以星行有盈縮黃

道有斜正緯度有南北其伏見順逆之節又微有不同

天官書出四十八日入二十日其數近是但云四十八

日者乃自合伏而言非自出時而言也其差距日前後多

者不過二十七度五緯惟水星體小距近而行速故見不

久而即伏一歲率三伏三見凡五百八十四日與金星同

出其出也夕見西方必在日東三舍晨見東方必在日西

三舍其曰春分夕出奎婁東五舍云云者乃約舉四時列舍為言太陽四時各行七舍孟月晨出必在七宿前季月夕出必在七宿後非必四仲月而後出也天文家以辰星出四五四季為占非知歷者至於失時而出當效不效則推算之誤五星皆然辨見前卷

辰星行色變異占

開元占荆州占曰辰星色比織女大星為正色青比左角赤比參右肩黑比亢北晨星之常色也又曰辰星經天凶又曰辰星出穰氣一丈大水

觀象玩占甘氏曰辰星在冬曰王色比奎大星青白精明而有光仲冬之月有芒角在秋曰狗其色精明無芒角不搖在春曰休其色青黃微小無精光在夏曰囚其色黃黑小而不明在四季曰死其色青赤小而不明其常也不失其常則天下和平當王時而有相色大臣專政君令不行有休色冬旱不冰有囚色冬無霜有死色冬雨霧日不明雷電行其留守之舍國不祥其進舍也與五星合天下有謀其退舍也五行星及之不可舉事用兵當相時而有王色主弱臣強有休色政令不行有囚色秋不霜有死色穀不成雷不藏其留守之舍其國破亡其進舍也與五星合其國有殃其退舍也五星及之不可舉事用兵當休時而有王色人主政弊大臣從橫

有相色將相君臣不和有囚色夏旱有死色六月疫作有土功其留守之舍其國多死小兒其進舍也與五星合天下有水其退舍也五星及之其國不可舉事用兵當囚時而有王色夏雨雪霜雷電不行有相色秋有暴兵有囚色流水湯湯有死色暴獄與大臣殃其留守之舍五穀不生其進舍也與五星合有德令其退舍也五星及之不可舉事用兵當死時而有王色貴人疾病有相色臣疾病有休色民疾病有囚色大旱其留守之舍有疫其進舍也與五星合其年穀不登其退也國有兵不成行辰星正色春當青黑夏當赤黑四季黃黑秋白冬黑則吉其變色也青為憂刑獄起生殺不當蝗蟲為災民多疥胎有妖色赤而昧刑禍並起其國旱又多暴風冬不雪而有雷色白而大威刑並作獄訟繁多霜雪不時大臣戮兵起色黑大水色黃而小地動辰星黑而圓而明潤吉黑角憂水有小戰甘氏曰辰星色黑三芒天下有兵兵止無兵兵起有水災黃潤有福辰星怒芒角有暴獄不則水損城郭傷禾苗辰星晝見其國亂一曰刑獄繁兵大起辰星出孛天下大水鄰萌曰不出三月兵聚其下辰星出氣長一丈大雨水辰星出氣為黑穰其夕不大雨則明日大霧不出六十日其所在之野大水牛馬羊皆貴辰星白暈巫咸曰邊有兵一曰有水兵為患三年乃止

辰星守烈宿色黃小則為敗常以冬至癸日候之變色則剛為災

月犯辰星

晉書天文志辰星光明與月相遠其國大水

觀象玩占月犯辰星兵起上卿死或曰廷尉夏之月與水

薄京房曰天下大水月蝕辰星其國有女夏有水飢一

曰所當之國戰不勝月與辰星會合其宿國雨水敗物一

曰兵起其國亡地又曰其分人流亡辰星入月中臣叛主荆

州占曰有水有刑事起一曰其下大戰亡國不利先舉者又

曰內謀起冬大雪又曰辰星入月人主戰敗亡地一曰牛馬

疫粟貴

辰星歲星相犯

開元占歲星與辰星合先起兵者凶後起兵者吉辰星與歲

星合其分有水兵飢並起

觀象玩占辰星犯歲星其國外野不安守歲星天非時降霜

辰星熒惑相犯

開元占澆星與熒惑會冬為刑他時為泮其下之國不可舉

事用兵必受其殃荆州占曰辰星與熒惑合而相守國有兵

喪若不有兵疾疫流行又曰澆星與熒惑合其國大旱赤地

千里又為飢將行舉事大敗有覆軍殺將又曰熒惑博辰

星抵之貫之殺偏將

觀象玩占辰星犯熒惑上妨太子下妨大尉司馬辰星觸

熒惑太子不安若離而復合大水漂山

辰星填星相犯

宋史天文志填星犯辰星兵敗

觀象玩占辰星犯填星甘氏曰夏寒妨女主荆州占曰春

雨守填星霜雹秋多雨

辰星太白相犯

宋史天文志辰星太白相犯兵敗

開元占石氏曰辰星來抵太白不去將死荆州占曰辰星與

太白相去二尺若一尺破軍殺將辰星與太白相薄戰其先

起兵凶

觀象玩占辰星犯太白兵起有戰破軍殺將辰星在上客勝

在下客負守太白為變謀為兵憂守之旬日不去主將人

兵不利將死

辰星雜干犯占

宋史天文志辰星與他星光耀相連為害客星流星相犯

主內患

觀象玩占辰星與客星合天下亂辰星與客星闢大國宮

中有事石氏曰天下亂兵起客星入辰星正歲曰天下大

水大理御史官死荆州占曰刑獄事大興流星犯辰星天
子令行一曰大水至水官憂流星入辰星天下大水御史獄
官多死流星犯辰星辰星失光外邦有使至論得失欲
行直言

欽定天文正義卷十九

紫微垣占

紫微垣占

史記天官書中宮天極星環之匡衛十二星藩臣皆曰紫宮
晉書天文志紫宮垣十五星其西藩七東藩八在北斗北一曰
紫微大帝之坐也天子之常居也主命主度也一曰長垣一曰
天營一曰旗星為蕃衛備蕃臣也宮闕兵起按宋史作旗旗星
直天子出自將宮中兵

宋史天文志紫微垣東蕃八星西蕃七星東蕃近闔闔門第一
星為左樞第二星為上宰三星曰少宰四星曰上弼五星曰少
弼六星為上衛七星為少衛八星為少丞其西蕃近闔闔門第
一星為右樞第二星為少尉第三星為上輔第四星為少輔第
五星為上衛第六星為少衛第七星為上丞其占欲均明大小
有常則內輔盛垣直天子自將出征門開兵起宮垣兩蕃正南
闔如門曰闔闔

按紫宮兩藩史記作十二星晉隋天文志丹元子步天歌皆
作十五星而通志釋步天歌又引張衡之說亦作十五星則
是漢時已作十五星矣今測同

觀象玩占紫微宮垣十五星東西列以衛北極為藩屏之臣在
北斗之北太乙之常居土官也又曰紫微宮垣在北极三十六
度之內日月五星所不至若有入其中者皆為失行當有易姓
改王亂兵並作之應占書不具載者以為非常之變也

按月五星凌犯必係近黃道之星在黃道南北十度以內今
云北極三十六度之內乃據中州北極出地恒星常見不隱
之界而言月五星循黃道右旋月距黃道不過六度土星距
黃道不過三度木星距黃道不過二度火星距黃道不過五
度金星距黃道不過十度水星距黃道不過四度故黃道南
北十度以外皆月五星所不及凌犯者也至於五星失行古
雖有其說推步家不取則其所謂占亦不足據矣

彗孛客星見紫微

漢書天文志客星在紫宮中斗樞極間占曰為兵後漢書天文
志彗所以除穢紫宮天子之宮彗加其藩除宮之象也 闔道

紫宮天子之宮也客星犯入為火為大喪

晉書天文志星孛於紫宮占曰外臣陵主 客星在紫宮占曰
為兵喪

宋史天文志客星守有不臣國易政國皇星兵

彗星犯有異王立

開元占感精符曰星孛於紫宮將有陰謀反者陳卓曰有大變
觀象玩占彗孛入掃紫宮若出之皆為除舊布新有德者昌無
德者亡 客星入紫微宮中宮中有大變兵起主憂赤星入垣
中天下亂兵入天子之都列大夫多死者入其傍多亂臣赤黑
星入垣從陽入有客兵期六十日從陰入有走王黃星入垣天

子得地有喜客星犯垣有喪以所中命之

天文會通彗星出紫微垣犯東西蕃星有內變亦曰有陰謀逆上彗星光芒及尋丈直抵紫微垣有自立諸侯亦曰諸侯擅天子柄彗星抵紫宮芒角自西蕃出東蕃禁衛有變客星正圓如拳及如獸狀出紫微垣天子用璧玉賜諸侯玉客星犯東西左右驂樞人臣擅兵柄犯上少宰當易宰相期一年犯東西少輔則權臣被黜亦曰宰相有憂犯東西上少衛則禁兵有急犯東西上少丞則羣臣有憂客星入紫宮色黃潤王者有喜慶事亦曰邊陲益地色青白而怒角有叛臣在君側色黑赤而芒角輔臣有憂

流星出入紫微

宋史天文志流星自闔闔門出四野者當有中使銜命視其所往分野論之不依門出入者外蕃國使也犯之爲兵喪水旱不調使星入北方兵起

觀象玩占流星入紫微宮使者來復命色青黑使者有憂一曰諸侯有使來以所起言其國以色言其吉凶荆州占曰流星自兩門出者天子使也其入則爲使入不從門出入者內則后妃諸王外則藩國使也出則使出入則使入隨色占之天文會通流星出紫宮天子之使也色青言憂色赤言兵色黃土功色白言義色黑言水事皆以所往之國命其野

雲氣出入紫微

後漢書天文志白氣生紫宮中爲喪

觀象玩占雲氣如鷄雛出紫宮中此子孫之氣也天子有子孫之喜黃白氣潤澤狀如刀劍入紫微宮中御女星上天子有男子之喜狀如帚生女子黃白氣正圓如盃椀入紫宮中有立侯王一曰天子得璧玉喜黃白氣如旗有光起紫宮上天子有大喜延年益壽黃白氣狀類走獸飛鳥或如龍如鳳出入紫宮天子有喜黃白氣如獸出紫宮天子以畜賜諸侯玉若自外入之則有貢奇獸者赤黃氣出紫微宮有立王赤黃氣出紫宮東西藩天子有賜侯王一曰兵起赤黃氣潤澤入紫宮天子得寶劍赤黃氣如帚出紫宮中天子有賜後宮赤氣出紫宮中兵起赤氣入紫宮或指之外兵入蒼白氣入紫宮中宮中有憂出之禍除蒼白氣如走獸入紫宮有反者赤黑氣若蒼白黃赤雜氣狀如蛇如蛟龍在紫微庭中宮闕上者有白衣之會若徘徊周章環繞紫宮而入之此姦臣亂賊之氣也白氣入紫微宮有喪黑氣入紫微宮宮中有疾病入兩藩兵起

北極

史記天官書中宮天極星其一明者太乙常居也索隱北極謂之北辰又春秋合誠圖云北極其星五在紫微中宋史天文志北極五星在紫微宮中北辰最尊者也其紐星爲

天樞天運無窮三光迭耀而極星不移故曰居其所而眾星共之第一星主月太子也二星主日帝王也亦太一之坐謂最赤明者也第三星主五行庶子也北極中星不明主不用事右星不明太子憂左星不明庶子憂明大動搖主好出游色青微者凶

觀象玩占北極五星一曰天極一曰北辰天之最尊星也其第一星主月太子也第二星主日帝王也第三星主五行庶子也第四星后宮也第五星天極也張衡二星並為后宮天子有道則北極齊明不明則人君耗

按北極五星其最南一星亦在黃道北六十七度強月五星皆不及犯

彗孛客星見北極

宋史天文志客星入為兵喪

觀象玩占彗孛出北辰臣謀君天下亂有立王犯北辰若指之天下兵起有大喪 客星出北極旁石氏曰帝王暴驚宗室亂宜修郊祀奉宗廟行德令以禳之客星入北極天下道塞入天樞人主有非常之變客星守天極天下憂國易政若犯太子則太子憂犯庶子則庶子憂后宮亦然赤星出北極天下兵車盈野都謂曰星所之國大敗 天文會通彗星本近北辰芒角怒炸垣外長可尋犬主有內變

星孛北辰紐星國有兵喪

流星出入北極

宋史天文志流星入兵起地動

觀象玩占流星出北極天子使出入之使入黃帝占日地動石氏曰兵在外者罷又曰常以戌日視北辰有流星出之則天子有德令

雲氣出入北極

觀象玩占蒼白雲氣入天樞中天子憂疾出之則禍除黃白氣入天樞中外方入貢出則天子有賜於諸侯黑氣入天樞天子憂赤氣入天樞天下兵起出天樞宮中有兵

天文會通蒼白氣入天樞中兵起青雲氣入紫宮繞天樞上盤覆不散者天子憂國用黑氣掩北極五穀不登水傷禾稼亦曰有急兵

北斗

史記天官書北斗七星所謂璇璣玉衡以齊七政杓攜龍角衡殷南斗魁枕參首用昏建者杓杓自華以西南夜半建者衡衡殷中州河濟之間平旦建者魁魁海岱以東北也斗為帝車運於中央臨制四鄉分陰陽建四時均五行移節度定諸紀皆繫於斗 輔星明近輔臣親彊斥小疏弱 晉書天文志北斗七星在太微北七政之樞機陰陽之元本也

故運乎天中而臨制四方以達四時而均五行也魁四星爲璇璣杓三星爲玉衡又曰斗爲人君之象號令之主也又爲帝車取乎運動之義也又魁第一星曰天樞二曰璇三曰璣四曰權五曰玉衡六曰開陽七曰搖光一至四爲魁五至七爲杓樞爲天璇爲地璣爲人權爲時玉衡爲音開陽爲律搖光爲星石氏玉第一曰正星主陽德天子之象也二曰法星主陰刑女主之位也三曰令星主中禍四曰伐星主天理伐無道五曰殺星主中央助四旁殺有罪六曰危星主天倉五穀七曰部星亦曰應星主兵八一主天二主地三主火四主水五主土六主木七主金又曰一主秦二主楚三主梁四主吳五主燕六主趙七主齊

輔星傳乎開陽所以佐斗成功丞相之象也七政星明其國昌輔星明則臣強

宋史天文志魁第一星曰天樞正星主天又曰樞爲天主陽德天子象其分爲秦漢志主徐州天象占曰天子不恭宗廟不敬鬼神則不明變色二曰璇法星主地又曰璇爲地主陰刑女主象其分爲楚漢志主益州天象占曰若廣營宮室妄鑿山陵則不明變色三曰璣爲人主火爲令星主中禍其分爲梁漢志主冀州若王者不恤民驟征役則不明變色四曰權爲時主水爲伐星主天理伐無道其分爲吳漢志主荆州若號令不順四時則不明變色五曰玉衡爲音主土爲殺星主中央助四方殺有

罪其分爲燕漢志主兗州若廢正樂務淫聲則不明變色六曰開陽爲律主木爲危星主天倉五穀其分爲趙漢志主揚州若不勸農桑峻刑法退賢能則不明變色七曰搖光爲星主金爲部星爲應星主兵其分爲齊漢志主豫州王者聚金寶不修德則不明變色又曰一至四爲魁魁爲璇璣五至七爲杓杓爲玉衡是爲七政星明其國昌第八曰弼星在第七星右不見漢志主幽州第九曰輔星在第六星左常見漢志主并州晉志輔星傳乎開陽所以佐斗成功丞相之象也其色在春青黃在夏赤黃秋爲白黃冬爲黑黃變常則國有兵殃明則臣強斗旁欲多星則安斗中星少則人恐

觀象玩占石氏曰北斗第一星曰正星二曰法星三曰令星四曰伐星五曰殺星六曰危星七曰部星亦曰應星北斗正星色赤有兵色白爲水色青春至夏馬牛金石物貴夏至秋黍麥貴秋至冬粟麥魚鹽貴冬至春新菜貴而雜賤法星色赤有兵色青君有暴疾色青白有白衣會色黃黑更幣色黑有大水色黑而白角環之有暴風水令星色青黑更法令天下不寧青黃有兵伐星色青若赤大臣有憂色黃人主有喜殺星色青米粟貴色赤菽貴色赤黑麥貴色白禾黍貴色黑糴賤危星色青有離國色赤有兵應星色赤有兵色青有徙民色黃君益地色白有憂色黑有水春色赤則有喜 輔一星主輔正匡危矯不平丞

相之象也其星欬小而明明近則輔臣親疏則輔臣非其人大而明則臣奪君政小而不明則臣不任職斗明而輔不明主強臣弱輔明而斗不明則臣強主弱輔星明與斗齊則國兵暴起輔亡不賤相死若近臣合黨排賢用佞則輔生角臣擅國權欲謀社稷則輔生翼一曰輔星生翼大將謀天子驚輔星生角江河潰決

按北斗七星輔一星其最南一星亦在黃道北四十五度強月五星皆不及犯

琴字星見北斗

晉書天文志有星字於北斗占曰彊國發兵諸侯爭權

宋史天文志星字於北斗主危 客星犯為兵

觀象玩占琴字入北斗諸侯結謀一曰天下起兵相伐琴字出北斗國易政兵起大戰先起者亡中起者殃後起者昌一曰臣謀叛宮中火起都萌曰琴出北斗長八九丈名曰勉功出則天下更政 客星入北斗魁中都萌曰貴人有繫獄者一曰人主左右有囚者色黃白釋免青憂黑死赤誅死一曰大臣諸侯憂客星出北斗魁中天子自將兵甘氏曰有死君色赤楚當之色青齊當之色黃衛當之色白秦當之色黑燕當之都萌曰有赦星大有大赦小則小赦客星出北斗正星為政者易出法星主當之出令星執法者遂於諸侯出伐星天子與蠻夷和親出殺

流星出入北斗

宋史天文志流星犯主客兵

觀象玩占流星入北斗魁中大發兵將軍出期一年或曰大臣有係獄者以五色占吉凶一曰流星入北斗外國有使以金玉來貢大流星入北斗魁中大臣有叛者奔星入北斗中國遣使之匈奴流星入北斗應星中天下有赦流星出北斗人主使人於諸侯色黃白有賀事青黑有憂事赤兵事期二年流星出北斗魁中兵起將出亦曰有赦一曰色赤其年兵起色黃則有赦流星出北斗東行齊魯鄭負兵南行吳楚負兵西行秦晉負兵北行燕趙負兵不出三年

雲氣出入北斗

觀象玩占雲氣五采入北斗立太子青雲氣奄斗明日雨青雲氣加北斗法星有大水狀如刀劍馬牛大損青雲氣在伐星下有兵國有憂期五月青雲氣長竟天其末有星加伐星天下有

大水有大獄青雲壓北斗大雨即至赤雲氣覆斗上兵起氣多
兵大氣小兵小赤氣入北斗大旱兵起防火災赤氣入北斗魁
中將相有受戮者亦為兵起赤雲若霧掩北斗大熱黃氣出北
斗魁中天子出德令黃雲霧蔽北斗明日雨白雲氣壓北斗不
過三日有雨白氣濛濛然有光自地起接連北斗大風即至黑
雲氣集北斗旁大如席狀如禽獸不出三日必雨黑氣入北斗
如烏鳥如龍蛇變化為疾病人死亡不宜乳婦黃白氣入北斗
有使從外來出北斗天子遣使於諸侯黃白氣橫北斗上下或
出入北斗皆為國有喜蒼白氣入北斗多大風天無雲而北斗
上下獨有雲五日內大雨 黃白雲氣集輔星相有喜赤氣入
輔星相受斧鉞之誅蒼白氣入輔星相有憂白氣入輔星相點
黑氣入輔星相死

勾陳

史記天官書後句四星按後指上文未大星正妃餘三星後宮
之屬也索隱援神契云辰極橫后妃四星從大妃光明又按星
經以後句四星名為四輔其勾陳六星為六宮亦主六軍與此
不同也

宋史天文志勾陳六星在紫宮中五帝之後宮也太帝之正妃
也大帝之帝居也樂緯曰主後宮巫咸曰主天子護軍荊州占
主大司馬或曰主六軍將軍或曰主三公三師為萬物之母六

星比陳象六宮之化其端大星曰元妃餘星乘之曰庶妾在北
極配六輔其占色不欲甚明明即女主惡之星盛則輔強主不
用諫佞人在側則不見

按勾陳六星其最南一星亦在黃道北六十五度強月五星
皆不及犯

彗孛客星見勾陳

宋史天文志客星入勾陳色蒼白將有憂白為立將赤黑將死
客星出而色赤戰有功守之後宮有女使欲謀 彗星犯之后
宮有謀近臣憂

觀象玩占彗孛入勾陳幸臣亂宮中有誅者一日臣為逆 客

星守勾陳兵起軍破將軍有凶赤星出勾陳兵起大戰將有功
赤星入勾陳有劫主者若犯之宮中有變一日兵亂司馬死黃
星出勾陳兵在外者罷入之天子命大司馬黑星入勾陳大司
馬溺水死蒼白星入勾陳大司馬死

天文會通彗孛犯守勾陳主兵動將軍戮 客星黃色出勾陳
旁後宮有喜

流星出入勾陳

宋史天文志流星入為迫主
觀象玩占流星出勾陳後宮有憂乙巳占流星衝入勾陳使還
見天子以色占其吉凶

雲氣出入勾陳

宋史天文志青氣入大將憂

觀象玩占雲氣蒼白入勾陳中大司馬憂死出勾陳將憂軍破

赤雲氣出勾陳中兵起大將有功赤雲氣入勾陳內亂大司

馬戮死白氣入天子立宗廟黃白氣入天子立大司馬兵在外

不戰黃白氣出兵告罷黑氣入大司馬軍中死事出則禍除青

氣入大司馬憂黃氣光潤入之天子立后

天皇大帝

宋史天文志天皇大帝一星在勾陳口中其神曰耀魄寶主御

羣靈軌按晉書作執萬神圖大人之象也

觀象玩占天皇大帝一星常隱隱不明明則為災若光動有芒

則失常人君行不中度

按天皇大帝一星在黃道北六十八度月五星皆不及犯

琴字客星見天皇大帝

宋史天文志客星犯之為除舊布新 琴字犯大臣叛

流星出入天皇大帝

宋史天文志流星犯國有憂

觀象玩占流星出大帝坐天子使出

雲氣出入天皇大帝

宋史天文志雲氣入之潤澤吉

天文會通雲氣入紫宮犯掩帝座潤澤吉黃白氣入紫宮連大帝座臣有獻貢黃氣在大帝側不散天子有喜慶事亦曰邊陲益地蒼白氣若匹練竟天掩天皇座者天下有憂

四輔

宋史天文志四輔四星又名四弼在極星側是曰帝之四鄰所以輔佐北斗而出度授政也武容曰光澤而動凶明小吉暗則不理

不理

觀象玩占張衡曰四輔為輔臣之位主贊萬機星小而明則吉明大芒角則臣逼君暗則輔臣失職政事不理星亡則君臣失禮輔臣有誅死者

禮輔臣有誅死者

按四輔四星其最南一星亦在黃道北六十三度弱月五星皆不及犯

琴字客星見四輔

宋史天文志客星犯之大臣憂 琴字犯權臣死

觀象玩占琴字犯四輔輔臣有戮者石氏曰有殺一曰兵喪

客星犯四輔人主憂宰相死一曰三公大臣有殃巫咸曰近臣

死

天文會通琴字干犯四輔貴相當之

流星出入四輔

宋史天文志流星犯大臣黜

觀象玩占流星出四輔宰相出使流星橫貫四輔外國使來
天文會通流星抵四輔大臣出鎮

雲氣出入四輔

宋史天文志黃白氣入四輔有喜白氣入相失位

觀象玩占黃白雲氣潤澤入四輔輔臣有喜赤氣入之輔相者
憂兵白氣入相失位或疾病

天文會通黃氣繚繞四輔而不掩久而不散者宰相進秩青赤
氣如戟狀入四輔中則輔弼之臣爭權黑氣貫四輔則輔臣死
五帝內座

宋史天文志五帝內座五星在華蓋下設叙順帝所居也色正

吉變色爲災

觀象玩占五帝內座五星斧辰之象所以備宸居者其星明正
則吉變動則宸居不安

按五帝內座五星其最南一星亦在黃道北五十六度月五
星皆不及犯

孛字客星見五帝內座

宋史天文志客星犯紫宮中座占爲大臣犯主

孛字犯之民饑大臣憂三年有兵起

流星出入五帝內座

宋史天文志流星犯爲兵起臣叛出爲有誅戮

觀象玩占流星出帝座邊兵出一日天子有大使出一日大將
軍出一日倖臣誅不則自殺凡流星出諸座大抵皆爲天子使
出入則爲使入以色言吉凶三垣帝座其占同

天文會通流星干犯五帝座主移宮室

雲氣出入五帝內座

觀象玩占雲氣蒼白色入帝座有喪赤氣入之人主立廟又曰
防姦人黑氣入帝座人主憂病黃白氣狀如盃椀正圓入紫宮
帝座有獻璧者

天文會通赤黃氣出五帝座有喜蒼白氣掩蔽五帝座禁衛有
兵變

六甲

宋史天文志六甲六星在華蓋扛旁主分陰陽配節候故在帝
旁所以布政教授農時也明則陰陽和不明則寒暑易節星亡
水旱不時

按六甲六星其最南一星亦在黃道北五十四度弱月五星
皆不及犯

孛字客星見六甲

宋史天文志客星犯之色赤爲旱黑爲水白則人多疫 孛字
犯女主出政令
觀象玩占孛字犯六甲人君廢園史

天文自通彗孛干犯六甲政教失國易政犯守六甲太史官災
客星守六甲色黃潤耀賤五穀豐客星干犯六甲農事廢寒暑
相反

流星出入六甲

宋史天文志流星犯為水旱術士誅

觀象玩占流星抵六甲術士憂巫咸曰流星貫六甲太史廢一
曰水潦不節農失其時寒暑易候一曰大旱乙巳占流星犯六
甲賢良用

雲氣出入六甲

宋史天文志雲氣犯色黃術士興蒼白史官受爵

觀象玩占黃白氣入太史受爵賜黑氣入太史憂

天文會通青白氣出六甲術士有奸謀黑氣貫六甲或明或沒
天下惑邪道

柱史

宋史天文志柱史一星在北極東主記過左右史之象一云在

天柱前司上帝之言動星明為史官得人不明反是

天文會通柱史一星明則言路不塞上下情達暗及變色則邪
佞在位

按柱史一星在黃道北八十五度弱月五星皆不及犯

彗孛客星見柱史

宋史天文志客星犯之史官有黜者 彗孛犯太子憂若百官

黜

天文會通彗孛干犯柱史言路塞諫官受誅 客星干犯柱史
色黃言官直色赤白有怒角諂諛在位

流星出入柱史

宋史天文志流星犯君有咎

觀象玩占流星入柱史君自示其咎一曰柱史受刑
天文會通流星干犯柱史左右史有讒言

雲氣出入柱史

宋史天文志雲氣犯色黃史有爵祿蒼白氣入左右史死

觀象玩占黃白氣入柱史左右史有邊

女史

宋史天文志女史一星在柱史北婦人之微者主傳漏

觀象玩占女史一星主傳漏記時漢有侍史其象也張衡曰婦
官主記宮禁動靜之事星明則記其實微暗則婦官失職

按女史一星在黃道北八十四度月五星皆不及犯

彗孛客星見女史

觀象玩占彗孛犯女史女史受誅大抵占同柱史 客星犯女

史婦道憂

天文會通彗孛干犯女史宮中有異謀 彗孛女史宮嬪失序

客星干犯女史宮中有匿謀亦曰有狂巫惑衆

雲氣出入女史

天文會通黃雲氣入女史后妃生子黑氣入後宮失寵

天柱

宋史天文志天柱五星在東垣下一云在五帝左稍前

觀象玩占天柱五星在紫微宮中華蓋左旁近東垣北隅主

建政教縣法禁又主晦朔晝夜之職星明正則陰陽和天下平

不明則寒暑失節變動則司歷有殃

按天柱五星其最南一星亦在黃道北七十一度月五星皆

不及犯

孛孛客星見天柱

宋史天文志客星犯之國中有賊 孛孛犯君憂一曰三公當

之

觀象玩占客星犯天柱大臣爲變守天柱君臣皆憂

流星出入天柱

觀象玩占流星抵天柱石氏曰有更政三公憂衝入天柱人主

憂大使還衝出天柱天子發大使出振威天下

雲氣出入天柱

觀象玩占雲氣赤黃入天柱天子喜有封陵廟之事出天柱三

公錫爵天下受賜黑氣入三公災

天文會通黑氣繞天柱政令不施於下亦曰有冤獄

女御

宋史天文志女御四星在大帝北一云在勾陳腹一云在帝座

東北御妻之象也星明多內寵

觀象玩占女御四星主禮儀侍帝宴寢

按女御四星其最南一星亦在黃道北八十度強月五星皆

不及犯

孛孛客星見女御

宋史天文志客星犯之後宮有謀一云自殘 孛孛後宮有誅

觀象玩占客星守女御後宮有廢黜者

流星出入女御

宋史天文志流星犯後宮有出者一云外國進美女

觀象玩占流星犯女御後宮有黜者一曰天子以宮女賜人

雲氣出入女御

宋史天文志雲氣色黃爲後宮有子喜蒼白多病

觀象玩占赤黃氣入后妃受賜黑氣入死喪

尚書

宋史天文志尚書五星在紫微東蕃內大理東北晉志在東南

維一云在天柱右稍前主納言風夜咨謀龍作納言之象

觀象玩占尚書五星八座大臣之象其星小而明則吉明大芒

角則臣強逼君時則臣失職星亡不見則輔臣誅

按尚書五星其最南一星亦在黃道北八十度月五星皆不及犯

及犯

琴孛客星見尚書

宋史天文志琴孛犯之官有叛或太子憂

觀象玩占琴孛犯尚書大臣有以家事坐罪者

客星犯尚書大臣死不則有貶黜守之八座下有獄受誅者

流星出入尚書

宋史天文志流星若出則尚書出使犯之諫官黜八座憂

觀象玩占流星入尚書八座官憂黜

雲氣出入尚書

宋史天文志雲氣入黃為喜黃而赤尚書出鎮黑尚書有坐罪者

觀象玩占黃雲氣入尚書八座官受賜赤黃氣入尚書八座官

有受土地出鎮者黑氣入尚書尚書掌刑法者坐罪期百八十

日

大理

宋史天文志大理二星在宮門左一云在尚書前主平刑斷獄

明則刑憲平不明則獄有冤酷

觀象玩占大理二星在紫微宮內垣門之左近陰德平獄之官

也

按大理二星在黃道北六十四度月五星皆不及犯

琴孛客星見大理

宋史天文志客星犯之貴臣下獄色黃赦白受戮赤黃無罪守

之則刑獄冤滯或刑官有黜 琴犯獄官憂

觀象玩占琴孛犯大理大臣有以家事坐罪者

天文會通琴孛干犯大理貴人犯法琴本出大理光芒炸他星

以所當星命之假令光衝尚書則輔臣受刑光滅柱史則史官

繫獄

流星出入大理

觀象玩占流星出大理刑法之官出使犯大理刑獄官憂抵大

理決獄不平刑獄之官黜入大理貴人下獄

天文會通流星抵觸大理星不見刑獄濫執法者非其人

雲氣出入大理

宋史天文志雲氣入黃白為赦黑法官黜

觀象玩占黃雲氣入大理刑法官有遷

天文會通赤氣入大理刑罰不中蒼白氣出之法官有憂

陰德

史記天官書前列直斗口三星按前承上文隋北端若見若

不曰陰德或曰天一

宋史天文志陰德二星巫咸圖有之在尚書西廿氏云陰德外
坐在尚書右陽德外坐在陰德右太陰太陽入垣翊衛也天官
書則以前列直斗口三星隋北端兌若見若不見曰陰德謂施
德不欲人知也主周急振撫明則立太子或女主治天下

觀象玩占陰德二星或曰二星一曰陰德一曰陽德

按陰德二星其最南一星亦在黃道北五十七度強月五星
皆不及犯

彗孛客星見陰德

宋史天文志客星犯之為旱饑守之發粟振給 彗孛犯後宮有
逆謀

觀象玩占彗孛犯陰德太子有謀

天文會通彗孛干犯陰德太子干政 客星干犯陰德五穀不
登

流星出入陰德

宋史天文志流星犯君令不行

觀象玩占流星入陰德輔臣領錢穀者黜

天文會通流星出陰德國用乏

雲氣出入陰德

宋史天文志雲氣入黃為喜青黑為憂

觀象玩占黃白氣入陰德諸侯受賜青白氣黑氣出入陰德太

子憂

天文會通黃氣入陰德國用富

天牀

宋史天文志天牀六星在紫微垣南門外主寢舍解息燕休一
曰在二樞之間備幸之所也

觀象玩占天牀六星在紫宮闔闔門外其星明大平正則吉傾
側則人主不安暗則人主憂

天文會通天牀六星黃潤喜芒角天子有憂暗則宮庭有火災

按天牀六星其最南一星亦在黃道北六十九度強月五星
皆不及犯

彗孛客星見天牀

宋史天文志客星入宮中有刺客或內侍憂 彗孛犯之主憂
大臣失位

觀象玩占彗孛犯天牀巫咸曰御寢火災天子防刺客

天文會通彗孛天牀奸邪在禁庭 客星守天牀有叛謀

流星出入天牀

觀象玩占流星抵天牀天子易內寢

天文會通流星干犯入天牀宮中不安

雲氣出入天牀

宋史天文志雲氣入色黃天子得美女後宮喜有子蒼白主不

安青黑憂白凶

觀象玩占黃氣入天牀君有疾一曰后宮有子喜蒼白氣入天

牀君寢疾出之疾愈青黑氣入天牀人主憂且疾

華蓋 扛

宋史天文志華蓋七星扛九星如蓋有柄下垂以覆大帝之座也在紫微宮臨勾陳之上正吉傾則凶

按華蓋七星其最南一星亦在黃道北五十一度半月五星皆不及犯扛九星其最南一星亦在黃道北四十九度半月五星皆不及犯

琴字客星見華蓋

宋史天文志客星犯之王室有憂兵起 琴字犯兵起國易政

觀象玩占客星守之執法臣有黜者

天文會通琴字干犯華蓋宮中有火災

流星出入華蓋

宋史天文志流星犯兵起宮內以赦解之貫華蓋三公災

觀象玩占流星出華蓋內使發不過三日乙巳占流星犯華蓋

還使有功慶

天文會通流星貫華蓋光芒掩星不見有叛臣在宮中

雲氣出入華蓋

宋史天文志雲氣入黃白主喜赤黃侯王喜

觀象玩占赤黃氣出華蓋天子方鎮官皆有賜白氣入華蓋有喪赤氣入華蓋防姦客

天文會通黑氣入華蓋天子有憂

傳舍

宋史天文志傳舍九星在華蓋上近河賓客之館主北使入中國

觀象玩占傳舍九星主備姦使水官也

按傳舍九星其最南一星亦在黃道北三十五度強月五星皆不及犯

琴字客星見傳舍

宋史天文志客星犯邦有憂一曰客星守之備姦使亦曰北地

兵起 琴字犯守之亦為北兵

觀象玩占客星守傳舍大使轉粟自河之東有劍戟之憂

雲氣出入傳舍

宋史天文志黑雲氣入北兵侵中國

八穀

宋史天文志八穀八星在華蓋西五車北一曰在諸王西武密曰主候歲豐儉一豆二黍三大麥四小麥五大豆六小豆七粟八麻廿氏曰八穀在宮北門之右司親耕司候歲司尚食星明吉一星亡一穀不登八星不見大饑

觀象玩占八穀八星明則八穀成暗則八穀不成一星不具一穀不登三星不具民食不足八星皆亡大饑

按八穀八星其最南一星亦在黃道北二十九度半月五星皆不及犯

琴字客星見八穀

宋史天文志客星入穀貴 琴星入為水

觀象玩占客星犯八穀兵以饑起

天文會通星字八穀國用匱乏盜賊掠民財

流星出入八穀

天文會通流星抵觸八穀若光芒有聲如雷天康有火災

雲氣出入八穀

宋史天文志黑雲氣犯之八穀不收

內階

宋史天文志內階六星在文昌東北天皇之階也一曰上帝幸

文館之內階也明吉傾動憂

觀象玩占內階六星在紫微垣外主明堂

按內階六星其最南一星亦在黃道北三十八度半月五星

皆不及犯

琴字客星見內階

觀象玩占客星守內階有姦臣在君側

天文會通琴字犯內階防內變 客星犯之外夷遣使入朝
流星出入內階

觀象玩占流星犯之使者至一日有陰謀事

雲氣出入內階

天文會通黃氣入內階百官有喜黑氣入之朝臣有憂

文昌

史記天官書斗魁戴匡六星曰文昌宮一曰上將二曰次將三

曰貴相四曰司命五曰司中六曰司祿

宋史天文志文昌六星在北斗魁前紫微垣西天之六府也主

集計天道一曰上將大將軍建威武二曰次將尚書正左右三

曰貴相太常理文緒四曰司祿按觀象玩司中司祿賞功進五

曰司命司怪太史主滅咎六曰司寇按觀象玩大理佐理實所

謂一者起北斗魁前近內階者也明潤色黃大小齊天端臻四

海安青黑微細則多所殘害動搖三公黜

觀象玩占文昌六星如筐形主集計禍福明天道經緯天下黃

帝占曰文昌宮者天府之離宮也不明則道術隱藏其色黃潤

光明則萬民安青黑細微則天下多憂

按文昌六星其最南一星亦在黃道北三十三度半月五星

皆不及犯

琴字客星見文昌

宋史天文志客星守大臣叛 彗孛犯大亂

觀象玩占彗孛犯文昌輔臣災一日三公下獄有急兵易政出

文昌天下亂大臣受殃國易政 客星犯文昌石氏曰輔臣有

殃一日有兵

天文會通彗孛文昌大臣犯主又曰文士災

流星出入文昌

觀象玩占流星入文昌宮邊目入朝出文昌宮三公出鎮一日

貴臣出師又曰貴臣將相有下獄貶出者

雲氣出入文昌

觀象玩占黃白雲氣入文昌三公受賜一日文章之士進用赤

黃氣入將相有黜者蒼白氣入將相有憂黑氣入三公死或廢

黜赤氣入術士有謀反舉兵者黑氣入司命司中司祿天下嬰

兒多死

三公

宋史天文志三公三星在北斗杓南及魁第一星西一云在斗

柄東按步天歌及今測三公在斗柄東為太尉司徒司空之象在魁西者名三

師占與三公同皆主宣德化調七政和陰陽之官也移徙不吉

居常則安

按三公三星其最南一星亦在黃道北五十一度弱月五星

皆不及犯

彗孛客星見三公

宋史天文志客星犯三公愛 彗孛犯之三公死

天文會通彗孛出三公將相下獄 客星守三公奸臣害宰相

流星出入三公

天文會通流星抵觸三公大臣被黜

雲氣出入三公

天文會通黃氣干犯三公三公受賞赤氣入之三公有出鎮者

黑氣入臣下有匿謀不成

三師

天文會通三師三星三公之位主理七政宣德化和陰陽星明

大有芒角則大臣侵主柄星微小色黃潤則吉

按三師三星其最南一星亦在黃道北四十七度半月五星

皆不及犯

彗孛客星見三師

天文會通彗孛犯三師大臣憂 客星犯三師三公失職

流星出入三師

天文會通流星入抵三師宰相出使

雲氣出入三師

天文會通黃白氣入三師相愛黑氣入三師目下爭權黃氣繚

繞三師久而不散宰相進秩

天牢

宋史天文志天牢六星在北斗魁下貴人之牢也主繩愆禁暴
廿氏云賤人之牢也

觀象玩占天牢六星其中無星則天下安有星則賢士傷星眾
則貴人多下獄明大動搖則王侯有繫者天子有憂

按天牢六星其最南一星亦在黃道北三十度月五星昏不
及犯

彗孛客星見天牢

宋史天文志客星彗星犯之三公下獄或將相憂

觀象玩占彗孛出天牢諸侯相賊一曰大臣下獄 客星入天

牢斧鉞用諸侯有納土者海中占有德令郝萌曰赦有戮臣荆
州占貴人有囚繫者出天牢王者賜諸侯地荆州占曰失土守

天牢石氏曰大魚死人相食守二十日以上大赦荆州占曰鉞
鉞用以初守日命國

天文會通彗孛客星犯守天牢大臣憂天下獄多寃
流星出入天牢

宋史天文志流星犯之有赦宥之令

雲氣出入天牢

觀象玩占黃白氣入天牢大赦黑氣入天牢三公將相受誅貴
人親屬有憂白氣大圍長二三丈出天牢中天下不安五穀貴

勢

貴人及親戚有斬者赤雲氣入天牢有反獄者一曰獄中火起

宋史天文志勢四星在太陽守西北一曰在璣星北勢腐刑人
也主助宣王命內常侍官也以不明為吉明則闖人擅權

按勢四星其最南一星亦在黃道北二十一度月五星昏不
及犯

彗孛客星見勢

觀象玩占客星彗孛犯勢星中官受誅

天文會通彗孛在勢星內官受辱星孛勢星內侍竊主柄 客
星干犯勢星中官有憂客星守之中官有暴貴者一曰內侍擅

權

流星出入勢

天文會通流星抵觸勢星中官惡之

雲氣出入勢

觀象玩占黃氣入四勢中官受賜赤氣出入中官反黑氣入中
官憂

天文會通赤黃氣入勢星中則中官受寵青白氣貫之貴人坐
法紫氣下覆勢星則內官有叛謀

天理

史記天官書在斗魁中貴人之牢

宋史天文志天理四星在北斗魁中貴人之牢也星不欲明其中
有星則貴人下獄

觀象玩占天理四星執法之官決獄之職巫咸曰天理水官也
主司三公紀貴人明則法令峻急獄事煩多

按天理四星其最南一星亦在黃道北四十七度月五星皆
不及犯

孛字客星見天理

宋史天文志客星犯多獄 孛字犯之國危

觀象玩占客星犯天理天下多獄廷亦坐之入天理法令不明
大臣有誅者

天文會通孛字干犯天理大臣以家事下獄入曰大臣跋扈將
相憂 客星干犯天理廷尉有暴進者

流星出入天理

觀象玩占流星入天理貴人下獄一日人多繫獄者

天文會通流星出天理刑獄之官出使

雲氣出入天理

宋史天文志赤雲氣犯之兵大起將相行兵

天文會通黃白氣壓天理天下有冤獄蒼黑氣遮掩天理貴臣
獄死

相

宋史天文志相一星在北斗第四星南總百司集眾事掌邦典
以佐帝王一日在中斗文昌之南在朝少師行太宰者明吉暗
凶亡則相黜

觀象玩占相一星在北斗南天之丞相也主衣服文章其星明
大則天子明忠臣用

天文會通相一星主冢宰位星小明而黃潤則宰相論道經邦
天下和懌星大明而怒角則君臣不同道天下不理

按相一星在黃道北四十八度月五星皆不及犯

孛字客星見相

觀象玩占孛字犯相星輔臣憂 客星出天相天子有變令

天文會通孛字干犯相星貴相當之一曰臣下有陰謀 客星
干犯相星輔相憂

流星出入相

觀象玩占流星犯天相三公將相有憂

天文會通流星出入相輔臣出使

雲氣出入相

觀象玩占黃白氣入天相將相有喜黑氣入將相憂死

太陽守

宋史天文志太陽守一星在相星西北斗第三星西南大將大
臣之象主設武備以戒不虞一日在下台北太尉官也在朝少

傳行大司馬者明吉暗凶

觀象玩占太陽守一星明則人主威服四方天下治安不明則主令不行天下不治

天文會通太陽守一星明潤吉明大有怒角大將有叛謀

按太陽守一星在黃道北四十一度半月五皆不及犯

彗孛客星見太陽守

宋史天文志彗孛犯之為易政將相憂兵亂

流星出入太陽守

觀象玩占流星抵太陽守兵起將出

天文會通流星入太陽守臣下被逐

雲氣出入太陽守

宋史天文志雲氣入黃為喜蒼白將死赤大臣憂

觀象玩占黃氣入之大臣受賜三公有喜蒼白氣入將軍戰死

赤氣入宰相憂

天文會通黑氣入大將不利出師

內厨

宋史天文志內厨二星在紫微垣西南外主六宮之內飲食及

后妃夫人與太子燕飲

按內厨二星其最南一星亦在黃道北六十一度弱月五星

皆不及犯

彗孛客星見內厨

宋史天文志彗孛犯之飲食有毒

觀象玩占客星守內厨天下饑一日食官有變

流星出入內厨

宋史天文志流星犯之飲食有毒

觀象玩占流星入內厨有進飲食者色青黑有毒

天文會通流星干犯內厨糴貴民饑

雲氣出入內厨

觀象玩占黑氣入內厨飲食防毒

天文會通赤氣入內厨年凶黃氣入內厨天子燕樂飲食

天厨

宋史天文志天厨六星在扶筐北一曰在東北維外主盛饌今

光祿厨也星亡則饑不見為凶

觀象玩占天厨六星主御膳星見則吉

天文會通天厨六星明則天下和平五穀熟星暗失色年穀不

登

按天厨六星其最南一星亦在黃道北七十七度半月五星

皆不及犯

彗孛客星見天厨

宋史天文志彗孛犯之為饑

觀象玩占客星守天厨食官有變

天文會通彗孛干犯天厨雜貴

流星出入天厨

宋史天文志流星犯之為饑

雲氣出入天厨

觀象玩占黑氣入天厨飲食中防有置毒者

天文會通黃氣入天厨天下豐熟白雲氣入之兵起爭食

天一

宋史天文志天一星在紫微宮門右星南天帝之神也主戰

闕知吉凶明則陰陽和萬物盛人君吉亡則天下亂

觀象玩占天一星光明潤澤則天子吉

按天一星在黃道北六十五度半月五星皆不及犯

彗孛客星見天一

宋史天文志客星犯五穀貴彗孛犯之臣叛

觀象玩占彗孛犯天一石氏曰白衣會聚兵大起

天文會通彗孛干犯天一天子無出宮客星犯天一色赤大

旱色黑大水色白兵起色黃萬物各得其宜色青有喪

流星出入天一

宋史天文志流星犯兵起民流

觀象玩占流星抵天一海中占冬滯夏旱

雲氣出入天一

宋史天文志雲氣犯黃君臣和黑宰相點

天文會通赤氣入天一賢士危

太乙

宋史天文志太乙一星在天一南相近一度亦天帝神也主使

十六神和風雨水旱兵革饑饉疫災害所在之國也明吉暗

凶離位有水旱

按太乙一星在黃道北六十四度強月五星皆不及犯

彗孛客星見太乙

宋史天文志客星犯兵起民流火災水旱饑饉彗孛犯兵喪

觀象玩占彗孛干犯太乙水旱俱起

天文會通彗孛干犯太乙大臣亮不然則點客星守太乙貴

相慶

流星出入太乙

宋史天文志流星犯宰相史官點

雲氣出入太乙

宋史天文志雲氣犯黃白百官受賜赤為旱兵蒼白民多疫

觀象玩占黑氣入出太乙大水

天槍

史記天官書紫宮左三星為天槍

宋史天文志天槍三星在北斗杓東一曰天鉞天之武備也故在紫微宮左右所以禦難也明吉暗小兵敗芒角動兵起

觀象玩占天槍三星在北斗璣光之旁一曰天鉞天之武備以守衛紫宮金宮也其星欻忽不明明大則斧鉞用伏兵行小而不明則兵敗移徙則君失御石氏曰天槍以備非常攻城襲邑當視槍星大而明不可出兵小而明則兵可出城可襲

按天槍三星其最南一星亦在黃道北五十九度弱月五星皆不及犯

孛孛客星見天槍

宋史天文志客星孛星犯皆為兵饑

觀象玩占客星犯天槍斧鉞用入天槍荆州占曰有大戰出天槍石氏曰兵起大將出期一年

流星出入天槍

宋史天文志流星犯為兵饑

觀象玩占流星犯天槍邊防有憂

雲氣出入天槍

觀象玩占赤雲氣入天槍天子驚蒼白氣入兵起

天文會通黑氣入天槍衛士有匿謀

天槍

史記天官書右三軍曰天槍按右承上文指紫宮而言

宋史天文志天槍五星在女牀北天子先驅也主分爭與刑罰藏兵亦所以禦難備非常也一星不具其國兵起明有憂細微吉

觀象玩占天槍五星在紫微垣外主禁暴防不虞又主爭訟其星微明而靜則天下戢兵明大動搖則兵起不明亦為兵起石氏曰明大則斧鉞用

按天槍五星其最南一星亦在黃道北六十九度強月五星皆不及犯

孛孛客星見天槍

宋史天文志客星入兵喪 孛星入兵起

觀象玩占孛孛出天槍兵大起有亡國 客星出天槍貴人有戮者

天文會通孛孛干犯天槍禁衛為亂 客星守天槍外奸入寇

流星出入天槍

宋史天文志流星犯諸侯多爭

雲氣出入天槍

宋史天文志雲氣犯蒼白黑為凶

觀象玩占蒼白氣入天槍國有喪出之則禍除一曰蒼白氣出天槍則先驅有拜賜者黑氣入大人憂之赤氣出天槍兵大起將軍戮死入大人憂之黃氣入天子先驅有拜賜者出之有除

出者

元戈

宋史天文志天戈一星又名元戈在招搖北主北方芒角動搖則北兵起

觀象玩占元戈一星微而小明則天下安石氏曰色赤天下有兵

按元戈一星在黃道北五十四度半月五星皆不及犯

孛孛客星見元戈

宋史天文志客星守之北兵敗 孛孛犯之占同

天文會通孛孛犯元戈干戈滿目國多盜 客星犯元戈車騎

盈野

流星出入元戈

宋史天文志流星犯之北兵敗

雲氣出入元戈

宋史天文志雲氣犯黑為兵退蒼白北人病

觀象玩占赤氣出兵起

太尊

宋史天文志太尊一星在中台北貴戚也不見為憂

觀象玩占太尊一星亦名天尊守常則吉細微失色則貴戚有

憂芒角動搖則貴戚恣橫星亡不見則貴戚有誅死者

按太尊一星在黃道北三十五度半月五星皆不及犯

孛孛客星見太尊

宋史天文志客孛犯之為貴戚將敗之徵

流星出入太尊

觀象玩占流星犯太尊貴戚有憂

雲氣出入太尊

觀象玩占黃白氣入太尊貴戚受賜青黑氣入貴戚有死者赤

氣入貴戚有以罪受誅者

欽定天文正義卷二十

太微垣占

太微垣占

史記天官書南宮朱鳥權衡衡太微三光之廷匡衡十二星藩臣西將東相南四星執法中端門門左右掖門

晉書天文志太微天子庭也五帝之座也十二諸侯府也其外藩九卿也一曰太微為衡衡主平也又為天庭理法平辭監升授德列宿受符諸神考節舒情稽疑也南藩中二星間曰端門東曰左執法廷尉之象也西曰右執法御史大夫之象也執法所以舉刺凶姦者也左執法之東左掖門也右執法之西右掖門也東藩四星南第一星曰上相其北東太陽門也第二星曰次相其北中華東門也第三星曰次將其北東太陽門也第四星曰上將所謂四輔也西藩四星南第一星曰上將其北西太陽門也第二星曰次將其北中華西門也第三星曰次相其北西太陽門也第四星曰上相亦曰四輔也東西藩有芒及搖動者諸侯謀執法移刑罰尤急

觀象玩占太微宮垣十星在翼軫之北天子之廷上帝之所治一曰天庭一曰保舍巫咸曰太微土官也黃帝占曰太微東西藩各四星南北列南藩兩星東西列十星齊明則將相同心天下治安差戾則輔臣乖違不明則臣失職動搖則諸侯謀芒角則大臣專恣執法怒則威刑急移徙則刑罰不中月五星犯太微垣

史記天官書月五星順入軌道司其出所守天子所誅也其
逆入若不軌道以所犯命之中坐成形皆羣下從謀也金火
尤甚

漢書天文志太微者天廷也太白行其中宮門當閉大將被
甲兵邪臣伏誅 歲星入太微逆行於右執法占曰大臣有
憂執法者誅若有罪

後漢書天文志太白贏而北入太微是大兵將入天子廷也
出太微為中宮有兵 熒惑出太微為亂臣入太微亂臣在
廷中 鎮星犯左執法有誅臣 長星入太微為大水一日
後宮有憂 歲星入太微犯左執法將相有誅者

晉書天文志五星入太微從右入三十日以上人主有大憂
一曰有赦又日月五星犯左右執法大臣有憂一曰執法者
誅金火尤甚 熒惑守太微六十日占曰諸侯三公謀其上
必有斬臣熒惑逆行入太微占曰為兵喪熒惑犯上將星占
曰上將憂犯右執法占曰執政者憂逆行犯太微西上相占
曰天子戰於野上相死 辰星入太微占曰為內亂一曰羣
臣相殺 太白入太微犯上將占曰天子自將上將誅太白
入太微右掖門從端門出占曰貴奪勢一曰有兵又曰出端
門臣不臣

隋書天文志歲星犯太微上將占曰天下大將憂大臣死逆

行掩太微上將占曰天下大驚四輔有誅者 太白入太微
占曰為天下驚又曰近臣起兵大臣相殺國有憂

宋史天文志月犯太微垣輔臣惡之又君弱臣強四方兵不
制犯執法海中占云將相有免者期一年月入東西門左右
掖門而南出端門有叛臣君憂入西門出東門君憂大臣假
主威月中犯乘守四輔為臣失禮輔臣有誅 歲星入有赦
犯之執法臣有憂入東門天下有急兵守之將相執法憲臣
死入端門守天庭大禍至入南門出東門早入南門逆出西
門國有喪逆行入東門出西門國破亡 填星熒惑犯之逆
行入為兵喪犯上將上將憂守端門國亡或三公謀上有戲
臣犯西上將天子戰於野上相死入太微色白無芒天下饑
逆行不正有大獄犯太微門左右將死入天庭在屏星南出
左掖門左將死右掖門右將死直出端門無咎入太微凌犯
留止為兵入二十日廷尉當之留天庭十日有赦犯太微東
南馭歲饑執法大臣憂犯上相大臣死填星犯入太微有德
令女主執政若逆行執法四輔守之有憂守太微國破守西
蕃王者憂 太白犯入太微為兵大臣相殺留守有兵喪
辰星犯太微有內亂入天庭後宮憂大水守左右執法入兵
起有赦入西門後宮災大水入西門出東門為兵喪水災
觀象玩占月入太微荊州占曰有所犯則隨其所中之官命

之郝萌曰有奸人伺主之廷亦曰有喪月入太微中四夷有詐不可信月入太微庭有所干犯皆為臣下謀逆宜急求賢人用之月犯太微四輔輔臣誅犯執法執法誅從其所中命之 歲星以甲子日入太微天庭中天帝所使也黃帝占曰木入太微色白潤澤期百八十日有赦齊伯占曰木入太微由軌道而出諸侯有受封者木東行入太微庭歲不登人民饑木從太微南門入而逆行西門出國有大水木逆行入太微玉歷曰強臣凌主諸侯起兵 熒惑入太微天下不安甘氏曰臣謀逆一曰有立王一曰宮中有亂又曰賊入宮一曰火入天庭天下饑一曰後三年有喪色白潤澤期百八十日 有赦火犯太微門右星大將死犯門左星次將死大臣憂執法者誅火以丙子順入太微廷中天帝所使也順去不留不為殃火守太微垣門外之左廷尉有事守門外之右丞相御史有事守端門中二十日臣作亂火逆行天廷中不留天下有獄 填星犯太微強臣執權土入太微中大人憂入太微天廷中天子驚有兵色白潤澤則有赦土入太微有所中犯乘守皆為天子所誅土入太微太陰西門出太陰東門天下亂有喪且有大水土守太微石氏曰有七國土逆行太微四輔左右執法而環繞守之所當者死亡土逆行天廷貴臣有匿謀 太白以庚子日順入太微天廷中天帝所使也不以

庚子日入非天帝所使也太白入太微行天廷中司馬彪曰有大兵入又曰丞相御史廷尉有憂荆州占曰近臣起兵又曰天子之廷太微西藩第一星至東藩第一星東下是也五星皆不當行其中石氏曰太白入微留守之及有凌犯皆為兵喪太白入太微出左掖門大將出東南代出右掖門大將出西北伐皆不出其年太白入左右掖門出太陽東門強臣誅太白入西華門出東華門大臣作亂謀其主若諸侯不從王命太白順行當太微端門為受制當左右執法為受辜留太微門三日以下為受賜三日以上為兵為亂為賊為饑辰星以壬子日順入太微天帝所使也不以壬子日非帝所使也則為殃咎辰星入太微荆州占天下驚有兵一曰天下有聖女子出陳卓曰羣臣相殺一曰大水傷人物水入左右掖門而出東門天下有憂辰星犯四輔輔臣誅若死喪以所中命之 天文會通白虹貫月犯太微庭則天子無出宮月入中華西門出左掖門有大水 木星入太微宮天下有喜木星順入西藩留而不出楚國憂木星犯守太微色黃潤天下安靜期五十日有德音木星退入犯將相有兵國亂主憂 火犯太微留二十日以上及芒角則天下興大獄久舍不出忠良亡佞臣祿 土星中犯守左右執法執法者有罪 金星逆行

入太微垣留十日以上則王者憂兵起禁衛若變色逆犯太微上次相則大臣受禍犯上次將則大將受刑犯左右執法則廷尉惡之犯守端門久而不去則臣有逆謀 水星守太微西藩臣有憂犯東藩大將受戮水星逆犯太微垣光芒變色則王者憂歲饑糶貴色白則天子自將兵色黃赤則大臣爭權逆犯左右執法則廷尉受辱亦曰執法者受殃犯將相則大臣亡天子誅有罪

按太微垣垣牆十星左執法一星在黃道北一度半右執法一星在黃道北半度強西上將一星在黃道北一度半強月五星皆及犯之東上相一星在黃道北三度弱月與土火金水四星皆及犯之惟木星不及犯西次將一星在黃道北六度月與金星及犯之土木火水四星皆不及犯西次相一星在黃道北十度弱東次相一星在黃道北八度半惟金星及犯之月與土木火水四星皆不及犯其餘三星在黃道北十四度外月五星皆不及犯

彗孛客星見太微垣

史記天官書客星出天廷有奇令

晉書天文志客星出太微國有兵喪又曰入太微兵入天子庭

宋史天文志客星犯入太微色黃白天子喜出入端門國有

憂出天庭有奇令兵起入太微三十日有赦犯四輔輔臣凶彗星犯太微天下易出太微宮中憂火災犯執法執法者黜犯天庭王者有立 孛於翼近太微上將為兵喪 觀象玩占彗孛入太微人不安女主憂彗孛干犯太微天下

亂有兵喪大人惡之彗孛干歷太微所歷者亡彗如粉絮入太微守帝坐國有喪天下亂兵起有所犯各以其官命之彗孛出太微天下亂宮中火災兵起大人死國易政 客星出太微天廷中黃帝占曰人主憂臣謀反一曰執政臣有戮者海中占曰大水入城郭若有所犯守各以其所中者命之客星入太微端門而出西門天下大水大饑入端門而出東門天下大旱五穀不成入端門而復出端門其國有大患天下亂客星入太陰門後宮有賊一曰兵起天下動入太陰西門出太陰東門大水天下亂客星入太微中乙巳占曰兵大起有賊客入國守之十日不出其災成在陽為男在陰為女客星入太微色白潤澤有赦色赤黃火大起有客賊入國客星入太微中守天廷三十日宮中有賊大人憂之

天文會通孛星出太微垣東藩則有陰謀逆命者抵太微垣西藩則百官憂亦曰蕃衛有異謀孛星干犯西蕃上相掩星不見則其野有死將干犯天庭則天子有憂色赤黃則天子出奇令青黑則天下大亂孛星直抵太微垣三公九卿星則

人臣爭權又曰大臣擅天子柄星孛大微垣環繞東西蕃抵觸不已則禁園有變亦曰有內兵起 客星入大微垣留五十日以上則天廷有奸人客星大如椀有芒角四出乍東乍西乍南乍北入大微垣留五十日以上則天下大亂國大憂客星出角抵端門諸侯不受制於天子一曰強臣挾天子以令諸侯

流星出入太微

宋史天文志流星出太微大臣有外事出南門甚衆貴人有死者縱橫太微宮主弱臣強由端門入翼光照地有聲有立王

觀象玩占流星出太微端門者天子使也以所之野命其所往之國星來為使復命以五色言其事及其吉凶石氏曰流星出太微兵起大將出奔星出太微中有立王若徒王流星入太微有內亂兵起近西相也近東將也一曰流星入太微廷中外邦以急有使來不出其年流星犯抵太微四輔左右執法各以其所中者言其死以其日命國不出三年流星大而赤狀如浮舟數出入天廷有賊臣欲謀主人君戒出游天文會通流星觸上相有奸謀大臣觸上將有刺殺將軍一曰奸寇入營流星出入端門直抵中座反從端門出則異域有奸使亦曰匈奴入寇

雲氣出入太微

宋史天文志青白黑雲氣入左右掖為喪出無咎赤氣入東掖門內起兵黃白雲氣入太微垣人主喜年壽長入左右掖門天子有德令黑及蒼白氣入天子憂出則無咎黑氣如蛇入垣門有喪

觀象玩占太微垣中有雲氣如鳥諸侯有謀青氣起五帝坐徑出南門天下不安出左右掖門兵起將憂赤雲氣出太微兵起一曰有立王赤氣如杯椀正圓出太微中天子用璧賜諸侯赤氣直指太微帝坐左右有內亂兵起天子驚赤氣出東西掖門兵起將受令入東西掖門內亂兵起赤氣如彗帚出太微天子宮中財寶出黃白氣入東西掖門天子有喜出東西掖門天子出德令黃白氣出太微有立王黃白氣如蛟蛇及龍形在太微宮闕上有白衣之會若環太微天廷則為逆亂死喪赤黑青氣同此皆亂臣讒賊之氣也黃白氣狀如杯椀正圓入太微有貢璧王者黃白氣如獸出太微天子以畜賜諸侯王入之則為有貢奇獸者黃白雲氣出太微宮上如旗有光人主壽昌赤黃氣潤澤入太微中天子有喜事白氣入太微宮中兵自外入有喪蒼白氣入太微東西掖門天子憂喪事出則禍除蒼白氣如人及走獸入太微坐旁有反者黑氣入東西門若左右掖門大人憂虹入太微有謀逆者

視其所起占之

五帝座

史記天官書其內五星五帝坐按其承上文指五諸侯而言正義黃帝坐

一星在太微宮中舍樞紐之神四星夾黃帝坐蒼帝東方靈

威仰之神赤帝南方赤燥怒之神白帝西方白招矩之神黑

帝北方叶光紀之神五帝並設神靈集謀者也占五座明而

光則天子得天地之心

宋史天文志內五帝坐五星內一星在太微中黃帝坐舍樞

紐之神也天子動得天度止得地意從容中道則明以光不

明則人主當求賢以輔法不則奪勢四帝星夾黃帝坐黃帝

坐明天子壽威令行小則反是勢在臣下若亡大人當之

觀象玩占五帝座五星在太微宮中天子之位帝坐明大光

澤則天子有道天下歸心

金星犯五帝座

宋史天文志太白入有強臣兵在宮中

觀象玩占金入帝坐天子憂賊

天文會通金星抵帝座有大土功

按五帝座五星第一星在黃道北十二度強第二星在黃

道北十四度第三星在黃道北十度半第四星在黃道北

十四度弱月五星皆不及犯第五星在黃道北九度半惟

金星及犯之月與土木水火四星皆不及犯

彗孛客星見五帝座

宋史天文志客星色黃白抵帝坐臣獻美女 彗星入宮亂

抵帝坐或如粉絮兵喪並起

觀象玩占彗孛出帝坐兵起有亡國死君有立王天下亂

彗刺帝坐宮中亂兵起有喪 客星入太微犯黃帝坐天子

憂臣謀主至坐而還謀不成反受其殃抵帝旁臣謀反赤星

銳如鈞抵帝坐天子兵驚一日火驚

天文會通彗星如帚抵帝座兵起內亂彗孛抵犯五帝座尾

掃左右執法則強臣擅兵柄 客星入五帝犯中座則人主

有憂客星色黃潤出五帝座天子出德令安天下客星色赤

抵中座則車騎滿野客星犯五帝座及乘守中座大人當之

一曰大喪又曰大臣有叛者客星干犯乘守四帝座則天子

失股肱乘守中座及有芒角相犯射則天子憂兵禁衛兵起

流星出入五帝座

宋史天文志流星犯之大臣憂抵四帝坐輔臣憂人多死

觀象玩占流星犯四帝坐執政者憂

天文會通流星自端門直入抵五帝座色黃則天子謀外國

使色青赤黑則外國奸使有變謀色白則兵四起一曰禁衛

兵變

雲氣出入五帝座

宋史天文志蒼白氣抵帝座有喪青赤近臣欲謀其主黃白天子有子孫喜

觀象玩占蒼白氣抵帝坐旁有反臣赤氣如劍指帝坐天子有兵驚赤氣出太微中直指帝坐內亂兵起氣自外入指帝坐防外兵入黑氣抵五帝坐左右諸侯有死者赤黃氣出五帝坐天子有賜於諸侯黃白氣正圓如杯椀抵帝坐左右諸臣有喜黃白氣潤澤狀如刀劍抵坐旁天子有男喜
天文會通蒼白氣如走獸入抵帝坐天子有憂赤黃氣入之天子用錢帛賜諸侯赤氣出帝座兵起有自立者

太子

宋史天文志太子一星在帝坐北帝儲也儲有德則星明潤按太子一星在黃道北十七度月五星皆不及犯
彗孛客星見太子

觀象玩占客星彗孛犯太子太子不死則廢

天文會通彗星自左掖門入抵太子星東宮有火災 客星

蒼白色犯太子星則東宮有憂一日太子親戎服

流星出入太子

天文會通流星從太子旁出端門則儲君出宮一日太子親政事

雲氣出入太子

宋史天文志雲氣入黃為喜黑為憂五諸侯

史記天官書門內六星諸侯正義內五諸侯五星列在帝庭其星並欲光明潤澤若枯燥則各於其處受其災變大至誅戮小至流亡若動搖則擅命以干主者審其分以占之則無惑也又云五諸侯五星在東井東北近北河主刺舉戒不虞又曰理陰陽察得失一曰帝師二曰帝友三曰三公四曰博士五曰太史此五者為天子定疑議也占明大潤澤大小齊等則國之福不然則上下相猜忠臣不用

宋史天文志內五諸侯五星在九卿西內侍天子之不國按志作不也乾象新書在卽位南辟雍禮得則星明亡則諸侯點

觀象玩占內五諸侯五星在太微宮中天子畿內之諸侯也主刺姦

按五諸侯史記天官書作六星各史志占書與今測皆作五星其最南一星亦在黃道北十五度強月五星皆不及犯

彗孛客星見五諸侯

觀象玩占客星彗孛犯五諸侯或守之皆為諸侯有誅死者

不則有敗黜者

天文會通彗掃五諸侯諸侯以兵死 星孛五諸侯近帝座 天子有憂諸侯被黜一日旬服不庭

客星色蒼白犯五諸侯諸侯專恣客星色青黃守五諸侯諸侯握兵

流星出入五諸侯

觀象玩占流星犯之宰相被辱

天文會通流星干犯諸侯星則諸侯不臣謀起兵戈亡地失職

雲氣出入五諸侯

天文會通蒼白氣入五諸侯則諸侯以兵竊天子柄黃氣下覆五諸侯則天子以玉帛賜諸侯黑雲氣掩諸侯則諸侯以兵叛

從官

宋史天文志從官一星在太子北侍臣也以不見為安一日不見則帝不安如常則吉

天文會通從官一星侍衛之臣也星微明而黃潤則吉明大臣擅有芒角則大臣擅權侍臣被黜則從官星亡

按從官一星在黃道北十七度半月五星皆不及犯彗孛客星見從官

天文會通彗孛干犯從官星權臣有誅一日輔臣當之 彗掃從官人臣失職 星孛從官旁天子失輔臣 客星抵觸從官八坐惡之亦曰從官黜

流星出入從官

天文會通流星出從官星旁經端門而出則使臣受命出疆雲氣出入從官

天文會通蒼白雲氣犯從官侍臣失職黃雲氣入從官天子以束帛賜侍從臣黑雲氣掩從官天子失侍從赤黃氣犯從官則從官專恣終以事敗

幸臣

宋史天文志幸臣一星在帝坐東北常侍太子以暗為吉新書在太子東

按幸臣一星在黃道北十七度月五星皆不及犯彗孛客星見幸臣

天文會通彗孛客星犯幸臣近侍有異心伏誅

流星出入幸臣

天文會通流星抵觸幸臣親愛之臣辱雲氣出入幸臣

宋史天文志青赤氣入之近臣謀君不成 天文會通黑雲氣出太微掩幸臣寵臣有憂蒼白雲氣掩幸

臣權臣受戮黃雲氣覆幸臣上近臣受賜

內屏

宋史天文志內屏四星在端門內近右執法屏者所以擁蔽帝庭也

觀象玩占屏四星內屏在太微門中五帝坐南主執法刺舉其星明潤則君臣有禮不明則法律舛謬

月五星犯內屏

觀象玩占月犯乘內屏君臣失禮輔臣有誅黜者五星中犯乘守內屏君臣失禮下謀上一曰大臣有戮死者太白入太微至屏而留有兵在官中

天文會通太白經天由端門近中座乘守內屏則近臣被黜

火星逆行乘守內屏則君臣失禮執法者被逐 水星乘守屏星權臣失位

按內屏四星第一星在黃道北六度第三星在黃道北六度月與金星及犯之土木火水四星皆不及犯第二星在黃道北四度半月與火金二星及犯之土木水三星皆不及犯第四星在黃道北八度半月與金星及犯之月與土木火水四星皆不及犯

彗孛容星見內屏

觀象玩占彗孛出內屏守衛之臣有以罪誅者一曰執法者

當之 容星犯守屏星輔臣有誅若黜者一曰君臣失禮輔臣有諫而被貶黜者赤星出屏星有僭位者

天文會通彗星干犯內屏近臣有憂 彗孛犯守內屏執法者憂兵起宮中 容星干犯內屏色白奸寇入廷禁衛有兵起

流星出入內屏

觀象玩占流星犯內屏尚書憂

天文會通流星干犯內屏近臣失職 雲氣出入內屏

天文會通黃氣入內屏侍臣受賜蒼白氣入禁兵起赤氣入有冤獄黑氣入執法者逐

左右執法

宋史天文志左右執法各一星在端門兩旁左為廷尉之象右為御史大夫之象主舉刺凶姦君臣有禮則光明潤澤乾象新書在中台南明則法令平

月五星犯左右執法

宋史天文志月五星犯守則君臣失禮輔臣黜 熒惑太白入為兵

觀象玩占月行左右執法大臣憂 木犯執法大臣專命

火犯左右執法不誅則死 土逆行左右執法而環繞守之

所當者死亡 太白當左右執法為受辜 辰星犯左右執法若守之皆為兵起有赦

天文會通月犯左右執法將相有免黜者 木星守左右執法憲臣有死者犯左右執法將相執法臣有憂 火星犯左右執法則執法者憂誅 土星犯左右執法則執法者死

金星變色逆犯左右執法則廷尉惡之 水星犯左右執法廷尉御史災

彗孛客星見左右執法

宋史天文志客星犯守則君臣失禮輔臣黜

天文會通彗孛犯左右執法執法者黜 客星犯左右執法執法者有罪

流星出入左右執法

宋史天文志流星犯之尚書憂

天文會通流星抵左右執法廷尉將命達於四方平理冤獄

郎位

史記天官書後按後承上文指聚一十五星蔚然曰郎位按漢書作哀

宋史天文志郎位十五星在帝坐東北一曰依烏郎府也周

之元士漢之光祿中散諫議郎郎中是其職主衛守也其

星不具后妃災幸臣誅星明大大臣為亂元士憂

觀象玩占郎位十有五星在太微帝坐東北張衡曰今之尚

書郎也其星大小均齊光潤有常則吉明或角動則臣有劫

主者星不具則侍臣誅微暗黑小則郎官失職

按郎官位十五星其最南一星亦在黃道北二十度月五

星皆不及犯

彗孛客星見郎位

宋史天文志客星入之大臣為亂元士憂 彗孛犯郎官失

勢 彗星枉矢出其次郎佐謀叛

觀象玩占彗孛出郎位郎官有謀叛者犯郎位郎官憂 客

星犯郎位大臣失勢入郎位大臣為亂石氏曰多死者赤星

入兵起黑星入郎官多犯罪者蒼白星入郎官為亂出郎官

位郎官出將一曰守衛臣有謀人主憂將相有誅者外夷反

叛守郎位元士憂荆州占曰將有憂

天文會通彗孛干犯郎位郎官失職一曰近臣有異志天子

失朝弼 客星中郎位則大臣有逆謀一曰禁衛兵起

流星出入郎位

觀象玩占流星犯郎位郎官有貶黜者出郎位郎官出使色

赤為將兵出

雲氣出入郎位

宋史天文志赤氣入兵起黃白吉黑凶

觀象玩占蒼白氣入郎位兵起一日中郎有內亂者出郎位則禍除赤氣入郎位中兵起出郎位多用兵遠出行黃白氣潤澤入郎位中郎受賜黑氣入郎位中郎多以罪死天文會通黑氣掩郎位近臣有死喪

郎將

史記天官書傍一大星將位也按傍承上文指郎位而言

宋史天文志郎將一星在郎位北主閱具以為武備也若今之左右中郎將新書曰在太微垣東北明大臣叛觀象玩占郎將一星武衛之官也星明大則將專恣明而角動則將為亂

天文會通郎將一星執金吾之職也星明光潤則武備修侍衛得人暗則反是芒角則武臣專恣

按郎將一星在黃道北三十度月五星皆不及犯

彗孛客星見郎將

宋史天文志客星犯守郎將誅

觀象玩占彗孛出郎將大將反兵起犯之將軍不誅則死

客星入郎將若守犯之大臣為亂君令不行客星出郎將色

青黑郎將不死則黜色黃有遷白受賜

天文會通彗星入郎將則天子左右有陰謀不成以事坐誅

彗孛抵觸郎將炸若火炬及五十日不滅天下亂客星

明大色赤白出四角守郎將大將以兵敗伏法色黑大將握兵叛主色蒼白將士自相殘

流星出入郎將

宋史天文志流星犯將軍憂

雲氣出入郎將

宋史天文志黃白氣入則受賜

天文會通蒼白雲氣入郎將三軍不和一曰兵破將亡黃雲氣入之大將受賜黑氣入之衛士叛赤氣入則大將有憂

常陳

宋史天文志常陳七星如畢狀在帝坐北天子宿衛虎賁之

士以設強禦也星搖動天子自出將明則武兵用微則弱

按常陳七星其最南一星亦在黃道北三十八度弱月五星皆不及犯

彗孛客星見常陳

宋史天文志客星犯王者行誅

觀象玩占彗孛出常陳天子殺守衛之臣一曰防守者有死

客星出常陳守衛者有謀兵起左右天文會

天文會通彗掃常陳衛士散徙星孛常陳帝宿衛兵起

客星乘守常陳衛士通外奸謀以兵變

九卿

宋史天文志九卿三星在三公北主治萬事今九卿之象也

乾象新書在內五諸侯南占與天紀同

觀象玩占九卿三星在太微宮中九卿朝會之內坐也

天文會通九卿三星主弼帝也明則朝廷治四海安寧暗則

百官失職

按九卿三星其最南一星亦在黃道北十一度月五星皆不及犯

彗孛客星見九卿

觀象玩占彗孛出九卿九卿有反者犯之九卿受誅

天文會通彗孛干犯九卿公卿受辱一曰大臣下獄干犯

九卿近中座天子憂公卿以兵變一曰公卿以事坐法客

星抵觸九卿公卿有爭訟

流星出入九卿

天文會通流星出九卿天子遣公卿出使

雲氣出入九卿

天文會通蒼白氣入九卿則朝廷以兵柄付公卿黃氣入之

天子以玉帛賜公卿黑氣入之公卿坐法

三公

宋史天文志三公三星在謁者東北內坐朝會之所居也乾

象新書在九卿南其占與紫微垣三公同

觀象玩占三公三星在太微宮中所以輔德謀事

按三公三星第一星在黃道北九度弱第三星在黃道北

八度惟金星及犯之月與土木火水四星皆不及犯第二

星在黃道北十度半月五星皆不及犯

彗孛客星見三公

觀象玩占客星彗孛犯乘三公有憂不則將相大臣有誅若死者

天文會通彗星出入三公將相下獄 星孛三公客星守三

公三公當之有殺誅事

流星出入三公

觀象玩占流星犯乘三公有憂不則將相大臣有誅若死者

天文會通流星從三公出端門則三公出使

雲氣出入三公

天文會通黃氣入三公三公受賞赤黃氣入之三公出鎮黑

雲氣出之臣下有陰謀不成

謁者

宋史天文志謁者一星在左執法東北主贊賓客辨疑惑乾

象新書在太微垣門內左執法北明盛則四夷朝貢

觀象玩占謁者一星在太微宮中星明則四夷來賓不見則

外國不服

月五星犯謁者

天文會通火星逆行犯謁者外國不賓 金星逆行犯謁者外國有奸使入境

按謁者一星在黃道北五度月與火金二星及犯之木土水三星不及犯

彗孛客星見謁者

天文會通彗孛干犯謁者突厥侵境 客星守謁者有奸使入中國若色青赤有光芒乍東乍西則盜賊四起

雲氣出入謁者

天文會通黑氣入謁者外奸通內謀以害朝政白雲氣入之外國奸使入境

三台

史記天官書魁下六星兩兩相比者名曰三能三能色齊君臣和不齊為乖戾索隱紫漢書東方朔願陳秦階六符孟康曰秦階三台也台星凡六星六符六星之符驗也應劭引黃帝泰階六符經曰秦階者天子之三階上階上星為男主下星為女主中階上星為諸侯下星為卿大夫下階上星為士下星為庶人三階平則陰陽和風雨時不平則稼穡不成 宋史天文志三台六星兩兩而居起文昌列抵太微一日天

柱三公之位也在人曰三公在天曰三台主開德宣符西近

文昌二星曰上台為司命主壽次二星曰中台為司中主宗室東二星曰下台為司祿主兵所以昭德塞違也又曰三台為天階太一躡以上下所以和陰陽而理萬物也又曰上台上星主兗豫下星主荆揚中台上星主梁雍下星主冀下台上星主青下星主徐三階平則陰陽和風雨時穀豐世泰不平則反是三台不具天下失計色明齊等君臣和而政令行微細反是一曰天柱不見王者惡之司命星亡春不得耕司中不具夏不得耨司祿不具秋不得穫一曰三台色青天下疾赤為兵黃潤為德白為喪黑為憂

觀象玩占三台六星一曰三衡一曰三奇一曰天柱一曰天階一曰秦階三公之位也諸侯農人之象也上台起文昌中台對軒轅下台抵太微上台曰太尉司命為孟中台曰司徒司中為仲下台曰司空司祿為季

按三台六星其最南一星亦在黃道北二十四度半月五星皆不及犯

彗孛客星見三台

宋史天文志客星入之貴臣賜爵邑出而色蒼臣奪爵守之大臣黜或貴臣多病 彗星犯三公點 觀象玩占彗孛出三台有陰謀宮中火起彗孛出上台兵起

三公大臣有憂出中台，奸臣有謀，兵大起，貴人出，出下台，近臣以憂死。客星入三台，色黃白，貴人有賜爵者，客星合三台，天子左右有不正之臣，守三台有兵喪，一曰水災，客星入司命，甘氏曰：臣有坐罪者，色黃白，自解，黑死，石氏曰：客星入司命，色蒼，民多死，喪黃白，婦女多傷，黑，嬰兒多死，客星出司命，天子憂，客星入司祿，大臣爭榮，色黃白，潤澤，近臣賜爵，色青有抵罪而走者，黑則死。

天文會通：彗孛干犯三台，朝廷有兵變，大臣惡之。客星出三台，若守之，大臣黜，或貴人多病死。

流星出入三台

宋史天文志：流星入，天下兵將憂，抵中台，將相憂。觀象玩占：流星入上台，司命，大臣有生罪者，出之，近臣有黜者，流星入中台，司中，姦臣來，出之，姦臣出，流星入下台，司祿，大臣有賜爵封者，出之，臣有罪，出走，色黑者，死，期二年，黃帝占曰：流星出三台，大將出師。

雲氣出入三台

天文會通：流星出三台，大臣受命出疆，抵三台，三公失勢。宋史天文志：雲氣入蒼白，民多傷，黃白潤澤，民安，君喜，黃將相喜，赤為憂，青黑憂，在三公，蒼白三公黜，觀象玩占：赤氣入三台，多敗傷，臣有謀，黑氣入三公，憂將相。

死蒼白氣入，民多死，喪出，則禍除。

天文會通：黑雲氣出三台，大臣有陰謀，黃雲氣如蓋覆三台，主天子有喜，青主饑，赤主火災。

長垣

宋史天文志：長垣四星在少微星南，主界域及北方。

觀象玩占：長垣四星在少微南，西北列，主邊界城邑，其星有變色，動搖，則邊城不安。

月五星犯長垣

宋史天文志：熒惑入之北，人入中國，太白入，九卿謀，邊將叛。

觀象玩占：歲星入長垣，強臣陵主，一曰叛臣伏誅，熒惑犯守長垣，兵入，出之，兵出，太白入長垣，邊將叛，犯之，兵犯邊守之，邊兵大起，辰星犯長垣，兵入，邊城憂。

天文會通：土星犯長垣，邊城有土功，木土水星犯守長垣，疆界擾亂。

按長垣四星，第一星在黃道北四度半，月與火金水三星及犯之，土木二星皆不及犯，第二星在黃道北六度弱，月與金星及犯之，土木火水四星皆不及犯，第三星在黃道北三度弱，月與土火金水四星及犯之，惟木星不及犯，第四星在黃道南二度弱，月五星皆及犯之。

彗孛客星見長垣

宋史天文志彗孛犯之北地不安

觀象玩占彗孛出長垣大臣反兵起一曰邊兵起 客星入長垣兵犯邊守之邊兵起邊城憂

流星出入長垣

宋史天文志流星入北方兵起將入中國

雲氣出入長垣

觀象玩占蒼白氣入長垣兵起赤氣入兵入亦為火

天文會通黑雲氣入長垣其國有陰謀黃雲氣如傘蓋長垣不掩其星中外交驩白雲氣入兵起青赤氣如人形抱長垣

邊地糴賣百姓流亡

少微

史記天官書廷藩西有隋星五曰少微士大夫正義少微四星在太微南北列第一星處士也第二星議士也第三星博士也第四星大夫也占以明大黃潤則賢士舉不明反是

宋史天文志少微四星在太微西士大夫之位也一名處士或曰博士官一曰主衛掖門

觀象玩占少微四星主賓賢才弼教化黃帝占曰少微主藝能道術之士星明而行列正則王者任賢良舉逸天下治安微小不明則反是

安微小不明則反是

按少微四星其最南一星亦在黃道北十度強月五星皆不及犯

彗孛客星見少微

宋史天文志客星孛星犯之王者憂奸臣眾 彗星犯功臣有罪一曰法令臣誅

觀象玩占彗孛犯入少微白衣聚道術不用智士逃 客星

守少微處士憂入少微奸臣聚出少微道術工巧之士用一曰有方伎之士以術進媚於天子者

天文會通彗星掃少微大臣專恣 星孛少微其野有大臣以兵叛 客星干犯少微賢士心離

流星出入少微

宋史天文志流星出賢良進道術用

觀象玩占流星出少微賢士出視其所之入抵少微賢良集道術用能人多來者

天文會通流星出少微掩星不見輔臣有憂處士受辱

雲氣出入少微

宋史天文志雲氣入色蒼白賢士憂大臣黜

觀象玩占蒼白氣入少微賢士憂一曰大臣黜赤氣入少微宰臣謀叛

天文會通黃雲氣如蓋回旋少微上而不掩星賢人進諂佞

死青白雲氣相間少微有急兵

靈臺

宋史天文志靈臺三星在明堂西神之精明曰靈四方而高

曰臺主觀雲物察符瑞候災變也武家曰與司怪占同

觀象玩占靈臺三星不見則司天之官失其守陰陽不和

月五星犯靈臺

觀象玩占五星犯靈臺水旱不時一曰厯官有憂

天文會通月暈靈臺臣下有匿謀 木星守靈臺國饑 金

星犯靈臺國有兵喪 土星犯靈臺其野有土功 水星犯

靈臺其國大水荒 六曜干犯靈臺道術廢九流災

按靈臺三星第一星在黃道北一度強第二星在黃道南

十三分第三星在黃道南二度半月五星皆及犯之

流星出入靈臺

天文會通流星抵觸靈臺天官失職

雲氣出入靈臺

觀象玩占青黑氣入靈臺有大風雨黃雲入太史喜赤白氣

太史有憂

虎賁

宋史天文志虎賁一星在下台星南一曰在太微西蕃北下

台南靜室旄頭之騎官也明則臣順與車騎星同占

觀象玩占虎賁一星在太微西蕃之外上相之西下台之南

主宿衛侍從變色或搖動則兵車大動

按虎賁一星在黃道北十六度半月五星皆不及犯

彗孛客星見虎賁

觀象玩占彗孛出虎賁守衛之士為亂

天文會通彗星掃虎賁天子兵盡行彗抵虎賁內亂 星孛

虎賁兵變 客星抵虎賁車騎滿野

流星出入虎賁

天文會通流星犯虎賁天子遣大將出

雲氣出入虎賁

天文會通黑雲氣入虎賁內有兵變黃雲氣入之大將受賜

青赤氣入之三軍之殺蒼白氣入之侍衛有叛者

明堂

宋史天文志明堂三星在太微西南角外天子布政之宮明

吉暗凶

觀象玩占明堂三星主宗祀先王朝覲萬國其星明則王道

行暗小則反是

月五星犯明堂

宋史天文志五星犯明堂主不安其宮

天文會通月暈明堂三日內有急雨 火逆犯明堂王庭有

火災 木星守明堂王者德澤下施天下和平 土星逆犯

欽定天文正義卷二十一

明堂興後以營宮室下民怨 水星逆守明堂有急令一曰

天市垣占

興大獄

按明堂三星第一星在黃道南半度弱月五星皆及犯之

第二星在黃道南三度月與土火金水四星皆及犯之惟

木星不及犯第三星在黃道南五度半月與火金二星及

犯之土木水三星皆不及犯

彗孛客星見明堂

天文會通彗星掃明堂強臣擅命 星孛明堂有苛令 客

星犯明堂色白如粉絮王庭有刺客一曰外臣有匿謀

流星出入明堂

天文會通流星出明堂中人君遣使布政四方

雲氣出入明堂

天文會通黃氣覆明堂法政宣布下民悅豫

天市垣占

史記正義天市垣二十二星在房心東北主國市聚交易之所一曰天旗明則市吏急商人無利忽然不明反是市中星衆則歲實稀則歲虛

晉書天文志天市垣二十二星主權衡主聚衆一曰天旗庭主斬戮之事也市中星衆潤澤則歲實

宋史天文志天市垣二十二星在房心尾箕斗內官之內

東藩十一星南一曰宋二曰南海三曰燕四曰東海五曰徐

六曰吳越七曰齊八曰中山九曰九河十曰趙十一曰魏西

藩十一星南一曰韓二曰楚三曰梁四曰巴五曰蜀六曰秦

七曰周八曰鄭九曰晉十曰河間十一曰河中象天王在上

諸侯朝王王出臯門大朝會西方諸侯在應門左東方諸侯

在應門右其率諸侯幸都市也亦然天文錄曰天子之市天

下所會也星明大則市吏急商人無利小則反是忽然不明

糴貴中多小星則民富

觀象玩占天市垣二十二星一曰天府一曰長城天子之市

也又曰天市者都市也天下之所會也石氏曰天市垣二十

二星主四方邊國其星芒角搖動光色異常即為其國有不

臣有叛謀微小失色則其國弱黃帝占曰天市垣星欲其光

明潤澤則吉其星不明若市中星少皆為歲虛五穀傷糴貴

人飢

太白犯天市垣

宋史天文志太白入天市兵起糴貴

觀象玩占太白入天市海中占曰國有兵謀將相有死者文曜鈞曰市驚斧鉞用兵起一曰大臣有謀太白入天市而守之相坐之一曰兵起貴人憂

天文會通金星守天市將軍憂

按天市垣最南東藩一星曰宋在黃道北七度強惟金星及犯之月與木火土水四星皆不及犯其餘垣內諸星距黃道北尤遠月五星皆不及犯也

彗孛客星見天市垣

史記正義彗星出入天市當從市入都 客星入天市兵大起出之有貴喪也

後漢書天文志彗星出天市為外軍 客星見天市中為貴

人喪

宋史天文志客星守天市度量不平星色白市亂出天市有

喪 彗星守天市穀貴豪傑起徙易市都掃帚出天市除舊

布新

觀象玩占彗犯天市地震又以所犯者言之守天市五穀大

貴 彗孛出天市內外豪傑俱起執令者死 客星入天市

兵起大臣謀色黑市侯死色青白市侯憂以入日占國郝萌曰犯外城雜貴居市大貴遊市旁小貴赤星入市人多棄市者黃白星入天市普夫不遷即有賜黑星入市普夫死白星入市市中亂容星犯天市所犯者坐之

天文會通彗星出天市尾掃東西垣諸侯有兵喪各以星命其國若彗光芒掩星不見其國有革政各以所掩星命之星亭天市垣商賈不通貨湯貴

流星出入天市垣

宋史天文志流星入天市色蒼白物貴赤火災民疫一曰出天市為外兵

觀象玩占流星入天市石氏曰市吏有憂巫咸曰度量不平天文會通流星入天市色蒼黃外國大商入都市一曰外國貴貨入都市流星出天市垣中天子將易都市

雲氣出入天市垣

宋史天文志雲氣入天市色蒼白民多疾蒼黑物貴出物賤黃白物賤黑為普夫死

觀象玩占蒼白氣入天市市中疾疫市吏遇賊出則禍除蒼黑氣入天市中萬物賤一曰入之萬物貴出則萬物賤赤雲氣入天市兵器貴一曰斧鉞用如波揚市有大憂赤氣出天市兵出弓弩大貴黃白氣入天市有奇物自外入出之市中

奇物出赤氣入天市市有火憂

帝座

宋史天文志帝座一星在天市中天皇帝外座也光而潤澤主吉威令行微小大人憂

觀象玩占帝座一星在天市垣中候星之西天庭也巫咸曰神農所居石氏曰天位也天之貴神張衡曰帝座者帝王之位也星明潤則天子威德行微小則天子暗弱

按帝座一星在黃道北三十七度強月五星皆不及犯

彗孛客星見帝座

宋史天文志客星入色赤有兵守之大臣為亂

彗孛犯人民亂宮廟徙

觀象玩占客星犯帝座人民亂一曰臣侵君赤星守之朝廷有兵

天文會通彗星如粉絮犯帝星兵喪並起彗本天市外末掃天市中抵帝星宮中及天子庭有匿謀彗孛凌掩帝座不見有大喪客星色蒼白犯帝星有喪若抵帝星旁臣有叛者若色赤而銳如劍天子以兵驚一曰以火驚客星色黃出帝座旁天子出德令以安天下

流星出入帝座

宋史天文志流星犯諸侯兵起臣謀主貴人更令

觀象玩占流星出帝座天子使出以色占其事以星所之占國

天文會通流星色蒼白抵帝座星有暴兵

雲氣出入帝座

天文會通蒼白氣抵帝星有喪抵帝座旁臣有叛者青赤氣抵之近臣有謀氣明者謀成氣不明者謀不成黃白氣環繞

帝星旁天子有子孫喜

候星

宋史天文志候一星在帝座東北主伺陰陽也明大輔臣強細微國安

觀象玩占候一星在天市中土官也主候陰陽伺遠國夷狄又主時變貨財

按候星一星在黃道北三十七度弱月五星皆不及犯

彗孛客星見候星

宋史天文志客彗守之輔臣黜 彗犯臣謀叛

觀象玩占彗孛犯候星兵起 客星入天候士卒疲人有急

行出天候天下人起相攻守之外客欲為主

流星出入候星

觀象玩占流星抵候星夷狄內侵

官者

宋史天文志官者四星在帝座西南星微吉失常官者有憂按官者四星其最南一星亦在黃道北三十三度半月五星皆不及犯

彗孛客星見官者

觀象玩占彗孛出官者官者謀作亂犯之官者誅 客星犯官者官者滅亡

天文會通彗星守官者侍臣有憂干犯官者官者官竊權

星孛官者中官失勢一曰內侍謀逆不成坐法死又曰內侍秉政 客星干犯官者中使有憂客星守官者中官有暴貴

者

流星出入官者

觀象玩占流星入官者官者憂

天文會通流星干犯官者近侍有憂

雲氣出入官者

觀象玩占黃氣入官者官者受賜赤氣入官者誅黑氣入官者死

天文會通青白氣入官者內侍犯法紫氣盤覆官者上內官以兵謀叛

斗星

宋史天文志五星在官者南主平量乾象新書在帝座西

觀象玩占斗五星在天市中星明則吉不明則五穀不成

按斗星五星其最南一星亦在黃道北二十九度弱月五星皆不及犯

彗孛客星見斗星

宋史天文志客彗犯為饑

觀象玩占彗孛出斗斛斗斛不用人饑流凶

天文會通彗孛干犯斗星其下大荒星孛於天市觸斗星

有水旱之災客星色蒼白犯斗星市吏急商賈怨客星色

黃犯斗星斗斛均平五穀熟穰賤

流星出入斗星

觀象玩占流星抵斗斛權量不平市吏有憂

天文會通流星抵觸斗星歲熟色黃災淺色青白赤黑尤甚

雲氣出入斗星

天文會通黃雲氣入斗星年穀豐市安寧青白氣入斗星暴

兵起都市年凶黑氣入斗星大水入市赤氣入斗星有火災

亦主旱

斛星

宋史天文志斛四星在斗南主度量分銖算數其星不明凶

凶則年饑一日在市樓北名天斛

觀象玩占斛四星在市樓北斗星南亦曰天斛主度量占與

斗同

按斛星四星其最南一星亦在黃道北二十九度半月五星皆不及犯

列肆

宋史天文志列肆二星在斛西北主貨金玉珠璣

觀象玩占列肆二星主市貨星移徙則市肆不安

天文會通列肆二星明則吉暗則商賈不通

按列肆二星其最南一星亦在黃道北二十二度強月五星皆不及犯

星皆不及犯

彗孛客星見列肆

天文會通彗星出列肆寶玉耗國財匱乏星孛列肆財用

不足市司災客星色蒼白守列肆則珍寶入兼并家色赤

黃有巨商入都市色黑則歉色純白為兵喪

流星出入列肆

天文會通流星抵列肆色黃則海外巨商入都市一日貴貨

入市並資國用流星直入抵觸列肆色赤都市有火災

雲氣出入列肆

天文會通黃氣入列肆寶玉珠璣充府庫赤氣入列肆寶玉

為反爐黑氣入之民貧困

屠肆

宋史天文志屠肆二星在帛度東北主屠宰烹餼

觀象玩占屠肆二星微暗則魚肉貴

天文會通屠肆二星明大則肆多宰殺明大光芒四出乍東

乍西屠宰有刺客以光芒所指命其國

按屠肆二星其最南一星亦在黃道北四十五度強月五

星皆不犯

彗孛客星見屠肆

天文會通彗本在屠肆尾掃帝座庖宰進毒不掩星則謀不

成 星孛屠肆天下多屠宰 客守屠肆庖人受爵賞

流星出入屠肆

天文會通流星色蒼白自天市入抵屠肆則外國進珍錯

雲氣出入屠肆

天文會通蒼白氣入屠肆天下多傷生命

車肆

宋史天文志車肆二星在天市門中主百貨星不明則車蓋

畫行明則吉

觀象玩占車肆二星在天市南門內主車駕又為衆賈之區

天文會通車肆星明而黃潤商賈集都市星暗而搖動商賈

不通百貨滂貴

按車肆二星其最南一星亦在黃道北十一度半月五星

皆不及犯

彗孛客星見車肆

宋史天文志客星彗星守之天下兵車盡發

觀象玩占彗孛客星犯守車肆天下兵車大動

天文會通彗孛干犯車肆道路不通兵車滿野

流星出入車肆

天文會通流星干犯車肆道路不通兵車滿野

雲氣出入車肆

天文會通黑雲氣入車肆關市有寇又曰百貨不入市黃氣

入之市吏公忠百貨平易商賈行赤黑雲氣入之百貨滂貴

宗正

宋史天文志宗正二星在帝座東南宗大夫也武密曰主司

宗得失之官乾象新書在宗人西

觀象玩占宗正二星帝宗也主宗人星明大則帝宗強失色

則宗正有事

天文會通宗正星明潤天子親睦九族暗及變色宗族不和

宗正有變

按宗正二星其最南一星亦在黃道北二十六度強月五

星皆不及犯

彗孛客星見宗正

宋史天文志彗星守之若失色宗正有事 客星守之更號令也犯之主不親宗廟 星守其分宗正黜

觀象玩占彗守出宗正宗人謀亂犯宗正宗正有事 客星出宗正若守之不去宗族羣臣多死

天文會通彗出宗正旁司宗族者惡之 星守宗正旁宗正以事逐一日主司宗正者亡 客星守宗正親屬有變一日貴人死

流星出入宗正

觀象玩占流星入宗正左右帝宗有黜者

天文會通流星出宗正親族出使

雲氣出入宗正

天文會通黃氣入宗正宗正受賞黑雲氣入之親族離散白

雲環繞宗正近族受兵權以兵事坐廢

宗人

宋史天文志宗人四星在宗正東主錄親疏享祀宗族有序則星如綺文而明動則天子親屬有變

觀象玩占宗人四星小宗之象星明大方正則族人有序人主康寧動搖則宗族不和

按宗人四星其最南一星亦在黃道北二十五度弱月五星皆不及犯

彗守客星見宗人

宋史天文志客星守之貴人死

觀象玩占彗守出宗人占同宗正 客星出宗人宗人不和天文會通彗星出天市尾掃宗人宗室有匿謀彗在宗人星旁尾掃近帝星宗族有陰謀 客星乘守宗人不下則宗族有驚憂

流星出入宗人

觀象玩占流星入宗人親戚離

雲氣出入宗人

天文會通黃雲氣入宗人親屬有錫賚蒼白氣掩宗人宗族散亡黑氣尤甚青白氣入宗人天子以兵征叛族

宗星

宋史天文志宗星二星在候星東宗室之象乾象新書在宗人北

觀象玩占宗星二星在宗人東北候星之東主先人祠享主別親疏宗室之象也其星明而相近則帝宗相親離拆則宗人攜貳若有謀者又曰宗星明則族人有序暗則宗室衰弱按宗星二星其最南一星亦在黃道北四十一度強月五星皆不及犯

彗守客星見宗室星

宋史天文志客星守之宗支不和暗則宗支弱

觀象玩占彗孛客犯宗星占同宗正

天文會通彗孛犯宗星宗人黜 彗星出宗星光芒掃帝星

則宗室強盛有陰謀 星孛宗星則宗人被黜一曰貴臣薨

客星抵宗星親疏尊卑相踰不循禮法

流星出入宗星

天文會通流星起宗星流自天市門出色青白者則強宗在外以兵叛

雲氣出入宗星

天文會通蒼白雲氣掩宗星宗室披甲冑黃雲氣宗星下覆

不散亦不掩星皇族受賜

帛度

宋史天文志帛度二星在宗星東北主度量買賣平貨易者

乾象新書在屠肆南星明大尺量平商人欺

按帛度二星其最南一星亦在黃道北十四度強月五星皆不及犯

彗孛客星見帛度

彗孛客星見帛度

宋史天文志客星彗孛守之絲綿大貴

天文會通彗星出帛度絲帛湧貴尺度不平 星孛帛度百貨貴市吏不公欺商賈 客星蒼白色守帛度外國巨商入

境若色黃潤則商通行百貨平易客星色青白出芒角犯帛

度寇盜入市

流星出入帛度

天文會通流星蒼白色抵帛度市都交易多欺弊流星色黃抵帛度有珍貨入市

雲氣出入帛度

天文會通黑氣入帛度商賈不行黃氣入之巨商入都市市樓

宋史天文志市樓六星在天市中臨箕星之上市府也主市

賈律度其陽為金錢陰為珠玉變見各以其所之占之乾象

新書主關闔度律制令在天市中星明吉暗則市吏不理

觀象玩占市樓六星太明則賦徵重太暗則市吏不理星移

動則市價殊不具則兵作於市

按市樓六星其最南一星亦在黃道北十度強月五星皆不及犯

彗孛客星見市樓

宋史天文志彗星客星守之市門多閉

觀象玩占彗孛客星犯守市樓皆為市中有兵亂

天文會通星孛市樓中市吏不公市井有怨言財賄不入市 客星如杯椀乘守市樓五十日不下則闕市兵起客星赤

色守市樓，闌閣有火災。

流星出入市樓

天文會通：流星抵市樓，外國有巨商奇貨入境，色黃則吉，餘色俱凶。流星抵市樓陽，則金錢入市，抵其陰，則珠玉入市。

雲氣出入市樓

天文會通：黑氣入市樓，闌閣兵起，蒼白氣入市樓，市井衣甲。青赤氣入市樓，百貨湧貴，市吏不公。黃雲入市樓，奇貨珠玉，金帛併入都市。

七公

宋史天文志：七公七星在招搖東為天相，三公之象也。主七

政明則輔佐強大而動為兵，齊則國法平，戾則獄多，囚連貫

索則世亂入河中，羅貴民飢。

觀象玩占：七公七星橫列貫索之口，天之輔相，主疑議。石氏

曰：七公者，三公廷尉之象，主執法，別善惡之官，星大而齊明

則議臣忠，國法平，差戾則獄多，冤微細不明，則疑議不決，人

主憂。

天文會通：七公七星明則吉，暗則大臣失職。

按七公七星，其最南一星亦在黃道北四十九度，月五星

皆不及犯。

彗孛客星見七公

宋史天文志：客星守歲儀，主危。

觀象玩占：彗孛犯守七公，巫咸曰：宰相三公受誅，一日忠言者受殃。客星出七公，將相憂議，臣坐罪，直言者凶。守七公，天下飢君不安。

天文會通：彗星掃七公，天子失輔。星孛七公，大臣死。客星出守七公，三公有異志，一日輔臣當之。

流星出入七公

宋史天文志：流星出其分，主將黜。

觀象玩占：流星出七公，石氏曰：兵將出。

天文會通：流星犯七公，輔臣失勢，亦曰宰相有憂，流星出七

公，大臣出使。

雲氣出入七公

天文會通：黑雲入七公，大臣受辱，蒼白雲氣入之，大臣出征。

黃氣覆七公，上大臣受寵。

貫索

史記天官書有句園十五星，屬杓曰賤人之牢，其牢中星實

則囚多，虛則開出，索隱其形如連環，即貫索星也。正義：貫索

九星在七公前一曰連索，一曰連營，一曰天牢，主法律，禁暴

強，故為賤人牢也。牢口一星為門，欲其開也。九星悉見，則獄

事繁，不見則刑務簡。動搖則斧鉞用，中虛則改元，口開則有

赦人主憂若閉口及星入牢中有自繫死者常夜候之一星不見有小喜二星不見有則賜祿三星不見則人主德令且赦遠十七日近十六日

宋史天文志貫索九星石申曰一星亡則有賜爵三星亡大赦入河中為飢中星衆則囚多

觀象玩占貫索九星在天市垣外七公之前主繩姦律暴其口北開謂之牢戶中央大星牢監也牢中小星不欲其多星多則囚多少則囚少牢中無星則天下獄空牢戶開則有赦迫促不開則刑獄煩酷又曰恒以五子日夜候貫索一星不見則有小赦二星不見則有賜祿三星不見則人主德令行且赦

按貫索九星其最南一星亦在黃道北四十四度強月五星皆不及犯

彗孛客星見貫索

史記正義有客出貫索視其小大大有大赦小亦如之

宋史天文志彗星出其分中外豪傑起客星入有枉死者色黃諸侯獻地青為憂赤為兵白乃為吉

觀象玩占彗孛出貫索大臣有反者有大赦客星犯貫索有赦石氏曰不有大赦必有大獄客星入貫索天下多死人色黃諸侯有以土地坐法者

天文會通彗星掃貫索宰相當之星孛貫索與大獄一曰大臣下獄又曰獄事煩天下有冤獄客星入貫索有枉死者出貫索有赦

流星出入貫索

宋史天文志流星入女主憂或赦出則貴女死

觀象玩占流星入貫索天下有大獄天文會通流星犯貫索使者以事坐法流星出貫索大臣有罪以赦原

雲氣出入貫索

宋史天文志雲氣入色蒼白土地青兵起黑獄多枉死白天子喜

觀象玩占赤氣入貫索兵起出貫索兵出黃白氣入之天子有喜赤白氣入獄多枉死者黑氣入大人惡之天文會通蒼白氣入貫索將以軍事坐獄黃氣環繞貫索不入不掩天下刑措民無冤枉餘色俱凶

天紀

晉書天文志天紀九星在貫索東九卿也主萬事之紀理怨訟也明則天下多詞訟亡則政理壞國紀亂散絕則地震山崩

宋史天文志天紀九星九卿之象萬事綱紀主獄訟

觀象玩占天紀九星又為九河。曰天緯。主紀萬事。理冤訟。九星齊明。則王法無偏。天下不怨。暗小。則天下獄訟多不理。按天紀九星。其最南一星。亦在黃道北五十一度半。月五星皆不及犯。

彗孛客星見天紀

宋史天文志。客星守之。主危民飢。客星犯諸侯舉兵。彗孛犯之地震。客星彗星合守。天下獄訟不理。

觀象玩占彗孛犯天紀地震國相代。客星入天紀黃帝占曰。諸侯舉兵。天下亂。

天文會通彗星掃天紀。朝廷有弊政。彗星出天紀。有逐臣。

客星抵觸天紀。百官有憂。客星出天紀。有奸臣在君側。

流星出入天紀

觀象玩占流星入天紀。臣為亂。

天文會通流星抵觸天紀。貴人繫獄。一日廷尉出使治冤獄。

雲氣出入天紀

天文會通蒼白雲氣入天紀。百官失職。黑雲氣入之。朝廷有憂。黃氣入之。赦。

女牀

宋史天文志。女牀三星。在天紀北。後宮御女侍從官也。主女事。明則宮人恣舒。則妾代女主。不動則吉。不見女子多疾。

觀象玩占女牀三星。其星大小相承。則后妃安。後宮吉。微暗則後宮不安。

天文會通女牀三星。明靜。御女賢淑。大而光明。則宮人恣。

按女牀三星。其最南一星。亦在黃道北五十九度半。月五星皆不及犯。

彗孛客星見女牀

宋史天文志。客星彗星守之。宮人謀上。客星入。女子憂。後宮恣。動女謁行。

觀象玩占彗孛犯女牀。後宮有凶。客星犯女牀。貴人誅入女牀。荆州占曰。天下女子有憂。

天文會通彗孛出掃女牀。嬪御有犯法者。一日後宮有匿謀。

客星入女牀。色黃。則外國有進美女入宮。

流星出入女牀

天文會通流星抵觸女牀。後宮有黜者。流星入女牀。外女入宮。有暴貴者。

雲氣出入女牀

宋史天文志。雲氣出女牀。色黃。後宮有福。白為喪。黑凶。青多。

女多疾

觀象玩占黃氣入女牀。後宮有子。喜。白氣入。有喪。黑氣入。有死者。青氣出入。有病。赤氣入。有兵。

欽定天文正義卷二十二

角宿占

角宿占

史記天官書左角李右角將索隱曰李即理法官也故元命苞云左角理物以起右角將率而動又石氏云左角爲天田右角爲天門也 蒼帝行德天門之開索隱曰謂王者行春令布德澤被天下則上應感威仰之帝而天門爲之開以發德化也天門即左右角間也

宋史天文志東方角宿二星爲天關其間天門也其內天庭也故黃道經其中七曜之所行也左角爲天田爲理主刑其南爲太陽道右角爲將主兵其北爲太陰道蓋天之三門猶房之四表星明大吉王道大平賢者在朝動搖移徙王者行左角赤明獄平暗而微小王道失陶隱居曰左角天津右角天門中爲天關

觀象玩占角二星蒼龍角也一曰維首一曰天陳一曰天相一曰天根一曰天田金星也主造化萬物布君威信兩角之間陽氣所升左角爲理主刑其南三尺曰太陽道右角爲將主兵其北三尺曰太陰道七曜由其中則天下安寧入陽則爲旱入陰則爲水角星直指辰即是耕始以爲農官角星明大則王道平賢人用天下安微暗則王道失輔臣不言德令不行天下有兵動搖則人主憂移徙則人主出角動則國不安垂芒則天下亂天文會通角二星明潤而光澤主天子以德化治天下王道平

朝廷左右角星光浮而數動搖者人主憂左右角明而色赤黃主兵寢刑措天下大治若星明而色白主黷武

月五星犯角宿

史記天官書角天門十月爲四月十一月爲五月十二月爲六月水發近三尺遠五尺索隱曰謂月行入角與天門若十月犯之當爲來年四月成災十一月則主五月也 火犯守角則有戰

晉書天文志月犯左角占曰天下有兵左將軍死 太白犯角天下大戰又占羣臣有謀不成

隋書天文志太白逆行與鎮星合在角占曰爲白衣之會又曰所合之國爲亡地爲疾兵

唐書天文志歲星犯左角天下之道不通

宋史天文志月犯角大臣憂獄事法官憂黜 歲星犯角爲饑

熒惑犯角國衰兵敗犯左角有赦右角兵起守之讒臣進政

事急居陽有喜 填星犯角爲喪一曰兵起 辰星犯角爲小

兵守之大水

開元占郝萌曰月乘左角爲旱右角爲水 辰星守左右角黑

爲水赤爲旱青爲憂白爲喪

觀象玩占月犯角海中占曰其國有憂乙巳占曰有獄事荊州

占曰月犯左角大臣誅天下有大獄國有大水犯右角兵起一

曰胡王死一曰天下多雨 歲星犯角有兵將相憂一曰民多

疾疫木蝕角天下女子多死木守角石氏曰五穀熟歲善守之

百日兵起甘氏曰木守角七日有赦忠臣用守之久有兵一曰

木留守兩角間久不下關梁不通郝萌曰木守角處其北五穀

不收又曰木守角一南一北宜黍稷木逆行角其君出入不時

逆行守角政事急人君有千里之行荊州占曰木守右角有大

德令又曰木守右角北大水五穀半收守右角南大饑一曰木

守右角右賢士用木守左角左大赦海中占曰木守左角其色

黃白小旱逆行即旱還則雨郝萌曰木乘右角爲水爲兵乘左

角爲旱 熒惑犯角大人憂有赦石氏曰有兵火行角中道天

下和平出陽道旱出陰道水火逆行角火災火守角有大戰荊

州占曰大饑火守左角有喪色白爲兵黃土功青憂赤旱黑刑

官死縑繒倍價石氏曰左將軍憂甘氏曰廷尉憂火守右角兵

起將死石氏曰右將軍憂甘氏曰太尉憂一曰五穀不熟荊州

占曰火以夏三月中守角若出角入角中外不通火經兩角多

雨乘左角旱乘右角水 填星犯角大人忌之甘氏曰臣不臣

有更令土犯左角有大戰將軍死郝萌曰土乘左角爲旱乘右

角爲水爲兵土星出入天門中兵在外者罷黃帝占曰土星行

角中道天下平出陽道旱出陰道多雨土守角石氏曰萬物不

成甘氏曰后有喜巫咸曰水災兵起海中占曰五穀傷人流亡

郝萌曰將有憂有土工事土守角色潤澤歲熟色黃白小旱土逆行角大旱其遂即雨 太白犯左角大戰不勝將死犯右角兵起將軍憂有旱災郝萌曰太白犯角道路不通金逆行左右角間有刺客太白乘兩角大臣有以家坐罪者郝萌曰乘左角早乘右角水太白守角國有急道路不通天下兵大戰黃帝占曰太白守右角歲大水五穀不成守左角芒不成兵不用芒成兵所向無前海中占太白守左角色黃白小旱逆行大旱其復也即雨太白守左角填星來國有忠將歲星來會國有福德辰星來會龍下淵池巫咸曰太白犯守左右角與熒惑合有大戰破軍殺將若犯守左右角而熒惑從之則災不成 辰星行角中道天下和平出陽道旱出陰道水一曰多雨又曰多陰謀辰星來左角旱乘右角水一曰有水兵戰辰星留兩角間關梁阻塞邊境不通辰星守角刑罰急大水滂滂人民往來舟船相望五穀不成天下有殃辰星入角獄有善令 天文會通月乘左角法官誅乘右角將軍有坐法者兩軍相當月犯左角大戰將軍死之犯右角太尉死之 火犯左右角有征伐火逆行犯左右角其國有逆臣伏誅火星守角出其南多病出其北多死亡又曰火守角忠臣賢相憂征戰四起若退行成勾已環繞者國內必有奸人其君無出宮火守天門中二十日國有喪大臣誅 土星出入角留舍六十日天下多暴獄

土星逆行成勾已環繞角宿關梁不通破軍殺將 水星逆行犯角邊境不寧

按角宿二星第一星在黃道南二度月五星皆及犯之第二星在黃道北八度惟金星犯之月與木火土水四星皆不及犯一星在黃道南一星在黃道北宋志謂黃道經其中是也 孛孛容星見角宿

漢書天文志容星居左右角間東南指長可二尺色白占曰有姦人在宮庭間

晉書天文志孛孛見兩角間色白者軍起不戰邦有喪

宋史天文志孛星犯角色白為兵赤所指破軍出角天下兵亂

星孛於角白為兵赤軍敗 容星犯角兵起五穀傷守左角色赤為旱守右角大水

觀象玩占孛孛出兩角天下亂一曰天子起兵於王庭一曰米貴一曰暴兵起有戰孛孛入兩角有陷地孛孛犯兩角色白軍起不戰并有喪色赤者戰所指有破軍拔城 容星出角巫咸

曰臣謀君賊從外來天下亂將相有誅者武容占容星出兩角

間色白兵起不戰國有喪色青有憂色赤兵起有軍在外大戰

有破軍有拔城色黃有土功色黑軍破容星出左角刑官易與

角星相迫大如缶赤如血名曰禍星三日三夜不入三年國亡

以其出日命國容星出右角石氏曰有驚色赤戰不勝色青有

憂色黃白不戰而去色黑將死海中占曰大赤星出右角國兵出黃星出右角國有驚兵不戰受地白星不戰而退青黑星戰不勝客星出右角入左角將有攻吏者國有驚其星搖散撓絕者兵自敗客星入角夏氏占曰蝗蟲生五穀傷客星守左角色赤天下大旱五穀不成獄多寃守右角色黑有大水色赤多暴虐事黃星守兩角間有赦白星守兩角間天下中隔不通客星止兩角間天下有陷地郝萌曰黃星出止天門中兵在外者罷天文會通彗出於角有水災星孛於左右角間其下有急兵色黃白者不戰人君有驚憂色赤者不有破軍必有屠城色青白有芒角其下有更王

流星出入角宿

宋史天文志流星犯角外國使來入犯左角兵起觀象玩占流星出兩角間天子使出視其色以言其事及其吉凶視其所止以命國流星入兩角間有外使兩視其所止以言何所其星色黃有貴客來言土地事若納土色青言憂色赤言兵白言義黑言死喪之事流星色赤大如岳入兩角間止有來言軍事者星前赤後黑兵敗將死視其所起以知其所從來者天文會通乙巳占流星春犯角疾疫夏犯口舌妖言秋犯死喪冬犯賢良用事

雲氣出入角宿

宋史天文志雲氣黃白入右角得地赤入左有兵入右戰勝黑白氣入於右兵將敗

觀象玩占雲氣如刀劍出兩角間有陰謀天子無出殿廷青氣入角天子有疾出之禍除赤氣入左角兵起右角國兵驚戰不利赤氣入角而波揚者有火災如行者將奔命赤氣從兩角過入亢有過兵赤氣從北斗直過兩角間迴有過兵白氣出入角戰不勝白氣從兩角過入亢者有過兵蒼氣入左角有兵兵敗蒼雲氣出右角兵在外者戰有憂蒼白雲氣出入兩角兵有大憂黑雲氣出入兩角用兵偏將敗有水災黑氣從兩角過入亢有過喪黃氣入兩角間天子有祠祀事黃白氣潤澤入角王者得地

南門

史記正義南門二星在庫樓南天之外門占明則氏羗貢暗則諸夷叛

宋史天文志南門二星主守兵禁中有小星兵動觀象玩占南門二星明則人主昌執法正遠人入貢不明則臣不忠兵起

按南門二星其北一星亦在黃道南三十九度半月五星皆不及犯

彗孛客星見南門

史記正義客星守之外兵且至也

宋史天文志客星守之兵起

觀象玩占彗孛出南門道路不通 客星出南門若守之關梁

塞道不通人民憂石氏曰南門中有小星三芒出兵車大出

天文會通彗星出南門朝廷不安 星孛南門有內變 客星

入南門外兵入境

流星出入南門

觀象玩占流星入南門四夷兵起關梁不通出南門大臣有外

事

天文會通流星犯南門外寇交侵

雲氣出入南門

天文會通黑雲氣入南門外寇入疆一日夷狄內侵白氣入之

外兵至青赤氣入之則禁衛不嚴黃氣入南門禁兵不備以戒

不虞

庫樓 柱 衛

宋史天文志庫樓十星六大星庫也南四星樓也在角宿南一

曰天庫兵車之府也旁十五星三三而聚者柱也中央四小星

衛也芒角兵起星亡臣下逆動則將行實為吉虛乃凶

觀象玩占庫樓十星一日天庫金官也主陳兵

按庫樓十星其最北一星亦在黃道南二十一度半月五星

皆不及犯

彗孛客星見庫樓

宋史天文志彗孛入兵饑 客星入夷兵起

觀象玩占彗孛出庫樓兵動驚主石氏曰天下兵起庫兵大發

客星入庫樓饑兵起一日邊郡兵起天子有事於夷犯庫樓五

穀貴

天文會通彗孛掃庫樓不有破軍必有屠城 星孛庫樓中則

失地星孛五柱中天子自將兵 客星犯庫樓外寇暴入境若

守衛星則兵勢不振犯五柱則兵車滿野

流星出入庫樓

宋史天文志流星入兵盡出

觀象玩占流星出庫樓兵起隨星所之

天文會通流星出庫樓中則兵車陳於野流星抵衛柱則外寇

入畿甸

雲氣出入庫樓

宋史天文志赤雲氣入內外不安

觀象玩占赤氣衝庫樓兵大動中外震驚武庫官憂

天文會通蒼白雲氣入庫樓中兵暴起黑氣入之掩柱衛星則

兵變有匿謀黃氣出之則天子兵強青赤氣入之則外寇入侵

平星

宋史天文志平星二星在庫樓北角南主平天下法獄廷尉之象正則獄訟平

天文會通平星二星明則刑法平暗則枉法酷民亦曰天下有冤獄

按平星二星其北一星亦在黃道南十三度月五星皆不犯
及
平星容星見平星

宋史天文志彗星犯政不行執法者黜

觀象玩占彗孛出平星執法臣憂石氏曰以竣法為威天下亂

客星出平星庫吏廢黜石氏曰賦歛之臣憂

天文會通彗星掃平星天下法令廢 星孛平星中臣下竊主

柄 客星入守平星大臣枉法

流星出入平星

天文會通流星犯平星天下有冤獄流星出平星色黃天子遣

廷尉治獄各以其所之命其國

雲氣出入平星

天文會通黑氣入平星執法者下獄白雲氣入之天下有冤獄

黃氣入之執法者進秩青赤氣入之皆凶

平道

宋史天文志平道二星在角宿間主平道之官武容曰天子八達之衢主轍軌明正吉動搖法駕有虞

觀象玩占平道二星在左右角間主道路月五星犯平道

宋史天文志歲星守之天下治 熒惑太白守之為亂

觀象玩占甘氏曰歲星守平道天下隱士并用

天文會通五星犯守平道治亂不常

按平道二星在黃道北一度半強月五星皆不及犯之

彗孛容星見平道

宋史天文志客星守車駕出行

觀象玩占彗孛出平道天子戒行幸 客星犯平道諸侯不朝

姦人橫行天子戒行幸

天文會通彗孛干犯平道則車亂行 孛星犯平道中天街有

火災又曰星孛平道天衢有兵起 客星犯平道夷使入境又

曰客星犯平道兩星之間則天街有兵起若乘凌平道則法駕

有憂虞素之不去去而復居之則天子無出宮亦曰王有憂

流星出入平道

宋史天文志流星守去賢用姦

天文會通流星出入平道中則使者往來接踵於天街

雲氣出入平道

天文會通蒼白雲氣掩平道星天衢有兵起青赤氣掩平道天

街有火災黑氣掩平道天下道路不通

天田

宋史天文志天田二星在角北主畿內封域武密曰天子藉田也

天文會通天田星明則歲豐國富暗則水旱傷稼

按天田二星其南一星亦在黃道北十二度半月五星皆不及犯

彗孛客星見天田

宋史天文志客星守旱蝗

觀象玩占客星入天田天下焦旱五穀不生多蝗蟲

天文會通彗星出天田尾掃大角則天子自將兵畿甸擾王者

憂彗孛干犯天田歲饑多饑殍 客星蒼白色大如五升器乘

守天田則王畿轉粟糴貴若乘守三十日不下者天下大荒人

相食彗孛客星干犯天田水旱相仍兵革起

流星出入天田

天文會通流星犯天田夷狄遣使入畿甸一日外國遣使貸粟

入境

雲氣出入天田

天文會通蒼白雲氣犯天田王畿兵起黑氣入之夷狄入寇

天門

宋史天文志天門二星在平星北武密云在左角南朝聘待客

之所星明則萬方歸化暗則外兵至

觀象玩占天門二星在左角南不見則兵革起關梁不通

月五星犯天門

宋史天文志月暈其外兵起 熒惑入關梁不通守之失禮

太白守有伏兵

按天門二星第二星在黃道南六度強月與火金二星及犯

之木土水三星不及犯第一星在黃道南八度弱惟金星及

犯之月與木火土水四星皆不及犯

彗孛客星見天門

宋史天文志客星犯有謀上者

天文會通彗星犯天門諸侯入寇 星孛天門諸侯兵起侵中

國亦曰強臣挾天子以令諸侯 客星犯天門百辟不順王命

流星出入天門

觀象玩占流星入天門有諸侯之使來

天文會通流星抵觸天門星外國來聘色黃則吉餘色皆凶

雲氣出入天門

天文會通黑氣入天門諸侯匿謀白雲氣入之四夷起兵青赤

氣入之有兵兵罷無兵兵起黃雲氣入之天子朝聘有禮諸侯

各以職來貢

進賢

宋史天文志進賢一星在平道西主卿相舉逸材明則賢人用暗則邪臣進

月五星犯進賢

宋史天文志太陰歲星犯之大臣死 熒惑犯為喪賢人隱

太白犯之賢者退 歲星太白填星辰星合守之其占為天子

求賢

觀象玩占月暈進賢野人獻策 五星犯食進賢賢人廢棄

木星守之文士大用 火星守之野人多誹 土星守之野逸

舉用 金星守之野逸誅

按進賢一星在黃道北二度強月五星昏及犯之

彗孛客星見進賢

天文會通彗星如帚掃進賢賢人去國 星孛於進賢天子失

賢輔臣 客星抵進賢星其國遣賢一曰失賢士心客星守進

賢星色白如粉絮主賢臣失職一曰賢受辱

流星出入進賢

天文會通流星犯進賢星其國賢臣出使受辱外國若色白有

聲隱然如雷賢臣死於他方流星抵觸進賢星賢臣黜流星出

入進賢遠夷來貢色黃國家任賢青黑文士死亡

雲氣出入進賢

宋史天文志黃白紫氣貫之草澤賢人出

觀象玩占蒼白雲氣入進賢賢相黜野逸慶白氣入之賢士喪

黑氣入之賢士憂黃氣入之賢士有恩賜

天文會通黑雲氣犯進賢星賢臣有憂若黑氣如人狀抱進賢

人君失賢白氣如兵器賢人去國

周鼎

宋史天文志周鼎三星在角宿上主流亡星明國安不見則運

不昌動搖國將移

觀象玩占周鼎三星左攝提西南國之神器也

按周鼎三星其最南一星亦在黃道北三十二度弱月五星

皆不及犯

彗孛客星見周鼎

天文會通彗本出周鼎光芒不及他者王者失御 星孛於周

鼎人臣竊天子權亦曰臣僭上 客星犯周鼎臣下叛謀

流星出入周鼎

天文會通流星出周鼎外國侵境

雲氣出入周鼎

天文會通白氣犯周鼎大將有陰謀

欽定天文正義卷二十三

亢宿占

亢宿占

史記天官書亢為䟽廟主疾索隱元命苞云亢四星為廟廷主曜鉤為䟽廟宋均以為䟽外也廟或為朝也正義聽政之所也其占明大則輔臣忠天下寧不然則反是也

宋史天文志亢宿四星為天子內朝總攝天下奏事聽訟理獄錄功星明大輔忠民安動則多疾為天子正坐為天符秋分不見則穀傷糴貴

觀象玩占亢四星為天庭為䟽廟為天子之府其下八尺日月五星所行之中道火星也海中占曰亢者天帝廟宮天子內朝下者地也中央丞相也主享祀主疾亢星齊明則宗廟有敬朝廷有序輔臣納忠民無疾病亢星不明則輔臣失職君令不行有內亂垂亡則國政錯亂

天文會通亢四星天子之朝也星明赤怒角天下旱星明色青白出怒角天下水災

月五星犯亢宿

晉書天文志月犯亢占曰兵起將軍死 熒惑犯亢占曰臣有亂 填星犯亢距星占曰諸侯有失國者 太白犯亢距星占曰逆臣為亂人君憂

宋史天文志月犯亢君憂或大臣當之左為水右為兵 歲星犯亢有赦殺有成守之有兵人多病留三十日以上有赦入日

犯則逆臣爲亂 營惑犯亢居陽爲喜有芒角大人惡之守之
久民憂多雨水又爲兵 填星犯亢穀傷民亡逆行女專政逆
臣爲謀守之有兵 太白犯亢國亡民災逆行爲兵亂有芒角
貴臣戮守之有水災旱或爲喪 辰星犯亢爲水又爲大兵守
之米貴民疾歲旱盜起民相惡

觀象玩占月犯亢黃帝占曰將軍亡旗鼓海中占曰其國亡地
荊州占曰朝臣有事一日大人憂人多病 歲星犯亢石氏曰
君側有奸臣荊州占曰有蜚蟲或曰大臣憂木入亢巫咸曰歲
旱絲綿貴乙巳占曰木數入亢其國疾疫木守亢石氏曰年大
熟國有忠臣又曰下田豐魚十倍有小兵海中占曰地動都明

曰木守亢七日以上至四十日王者更號大赦巫咸曰木守亢
三十日以上兵起年饑一日木守亢十日而去國大豐久守民
多病石氏曰木守亢處其南其歲地動處其東有狗妖處其北
米大貴人流徙處其西鳥生妖處其中羊生牛海中占曰木守
亢北貴人爲妖祥多疾病大人亡都萌曰木守亢左星焦旱物
不生多蟲守右五穀水傷有大兵木出入留舍亢六十日不下
十月有兵進守之兵臣死兵不用退守之有外兵來木逆行亢
其君不親政事朝廷多非其人逆行守亢中國兵起逆行乘滅
亢右星大人憂逆行乘滅亢左星天下有奇令木乘亢右星萬
物不成有大兵木經亢韓鄭有兵木火同守亢五穀不成米貴

人災木水同守亢水災人死 營惑犯亢有白衣會天下疫有
芒角則災大火乘亢右星爲兵爲水粟貴一日有奇令乘亢左
星大人憂火入亢有水災石氏曰火數入亢其國疫東官侯曰
火入亢北星五穀貴火入環繞之成勾已都萌曰有謀主之臣
有亡國火逆行於亢有火災逆行守亢有兵火守亢甘氏曰天
下樂民受爵一日五穀不熟民病死又曰有土事巫咸曰天下
旱海中占曰天下易政道路不通一日大將有喜一日天下多
火災都萌曰貴人病死留十日天下病頭疾東官侯曰米貴民
憂水船急用芒角凌犯白衣暴聚麻麥倍價守亢三十日疾病
大作火舍亢其歲小水火留亢都萌曰天下憂焦旱物不生蟲
蝗起 土入亢國多盜賊萬物不成人多疾疫土逆行亢徙倚
亢前後荊州占曰春夏爲火秋冬水災土守亢石氏曰五穀傷
人流亡甘氏曰早有土功都萌曰田宅賤又曰五穀以水敗蟲
生人疫巫咸曰土守亢南多火災人疫有中兵物不成守亢北
有水或曰土守亢色青有兵黃有土功乙巳占土守亢天下安
土乘亢右星水災乘左星兵起穀貴一日土乘滅亢右星大人
憂天下有奇令土出入留舍亢有失地之君一日其國以威致
天下一曰國有兵果實賤 太白犯亢有兵行疾期一月行遲
八十日太白入亢中國有兵喪石氏曰其國多疾病又曰金數
入亢其國疾疫金出入留舍亢鄭地無年多亡民一日五穀霜

死金守亢為兵天下道不通一曰天子自將兵於野石氏曰宜收斂邊城嚴兵以備北胡巫咸曰國有水君愛荊州占曰有兵牛馬急有奸吏郝萌曰為焦旱多蝗蟲有亡國一曰五穀水傷多盜賊一曰有水賊金行亢宿北兵起行亢南下道大旱亦曰兵起 辰星犯亢名曰陰閉三光大水洋洋無有立墻或曰諸侯有失國者一曰民多流徙一曰逆臣為亂犯亢右星有兵國有奇令萬物不成穀貴辰星守亢國有憂天下亂久守之人疫水災多盜賊兵起人民交惡水逆行守亢大人憂主令不行兵起一曰為中兵水入亢其國疫水舍亢歲有水且旱

天文會通火守亢佞臣在朝又曰多雨水火與金同守亢盜賊兵起 土犯守亢左星三十日不去春夏為旱火災秋冬為水大饑犯守亢右星春夏為水災為大荒秋冬為火災為旱金星凌犯亢出四怒角光芒乍東乍西邊將為亂金星經天逆行犯亢天子將兵伐無道之邦 水星逆犯亢左星為水災逆行右星為兵為歲歉守亢之陽春夏主旱守亢之陰秋冬大水按亢宿四星第一星在黃道北三度弱月與火土金水及犯之惟木星不及犯第二星在黃道北七度強惟金星及犯之月與木火土水皆不及犯第三星在黃道北十一度半強月五星皆不及犯第四星在黃道北半度月五星皆及犯之觀象玩占謂其下八尺日月五星所行之中道蓋在天之一度

人視之可一尺許北為上南為下日行黃道月五星之行出入於黃道南北故黃道為日月五星中道其口其下八尺蓋指第二星而言也

彗孛客星見亢宿

宋史天文志彗星犯亢國災出則有水兵疫臣叛白為喪 星孛犯亢國危為水為兵入則民流出則其國饑 客星犯亢國不安色赤為兵旱黃為土功青黑使者憂守之穀傷一云有赦令黑民流

觀象玩占彗孛出亢天下大饑人相食大疫期不出三年一曰天子更法令彗孛入亢民流亡彗孛犯亢國有大災夷狄寇亂中國不安兵起臣叛武氏占曰大饑 客星犯亢甘氏曰政亂兵起期一年客星出亢石氏曰有出使者以色占一曰多兵郝萌曰愛臣以口舌自殺海中占曰其國大旱穀傷貴人去其鄉若有芒角地動期三年客星黃白色出亢中人有受賜者客星入亢夏氏占曰人流亡郝萌曰天下亂又曰有旱期三十日一曰有小水傷八穀又曰士卒出有戰期不出九十日荊州占曰客星入亢天子有德令色黃期六十日青色春期赤期夏白期秋黑期冬海中占曰客星入亢有疾疫復出之則疾已或曰有來使受命於廟黃帝占曰客星入亢廊廟間有兵武氏占曰后宮有暴亂客星出氐入亢中而散人主有病大赤星從角之

亢人主遇賊客星與亢合宰相反國易政客星守亢巫咸曰有德令黃帝占曰國臣有不祥者郝萌曰臣謀主不成而敗天下不通多蝗蟲米帛貴有奇令一曰下田傷海中占曰國多妖東官候曰五穀頻不成荊州占曰客星守亢色赤為旱青饑人流亡黃白無害芒角地動

天文會通彗星抵亢星百姓有離心彗星光芒長可丈所犯亢亢中其下有匿謀 星孛於亢陰其國大水災星孛於亢陽其國大旱 客星干犯亢宿之陽大臣竊主柄犯亢宿之陰朝廷有陰謀客入亢中外國有使客出怒角外使懷奸

流星出入亢宿

宋史天文志流星入亢外國使來穀熟出為天子遣使赦令出李淳風曰流星入亢幸臣死 觀象玩占流星入亢石氏曰有使來受命於廟乙巳占曰大兵有戰流星色黃白入角亢間有貴客采見君廟流星入亢中大臣走死流星出亢天子遣使清獄有赦令流星犯亢在春夏妖言興秋冬盜賊起水災

天文會通流星入亢色黃外國有使入天下雨水調五穀豐流星出亢天子遣使寬息清獄

雲氣出入亢宿

宋史天文志雲氣犯亢色蒼民疫白為土功黑水赤兵一云白

民瘡疾黃土功

觀象玩占雲氣青色入亢人疫出氏入亢人君有疾黑雲氣入亢有水災荊州占曰人多瘡疾赤雲氣入亢廊廟間有陳兵赤而揚波大人憂大疫白雲氣入亢有土功人疾病

大角

史記天官書大角者天王帝廷索隱援神契云大角為坐候宋均云坐帝坐也

宋史天文志大角一星在攝提間天王坐也又為天棟正經紀也光明潤澤為吉青為憂赤為兵白為喪黑為疾色黃而靜民安動則人主好游

觀象玩占大角一星一日格一日天棟一日天幢主正紀綱其星色赤而明甘氏曰大角光澤明大揚芒奮角則強臣伏誅天下安寧芒之所指兵從之往吉石氏曰大角明則天子威行天文會通大角一星人君之象明則天下太平天子禮樂法度備暗則王道不振

按大角一星在黃道北三十一度月五星皆不及犯

彗孛客星見大角

宋史天文志彗孛出大角主更改或為兵天子失仁則守之孛星犯為兵守之主憂 客星犯守臣謀上出則人主受制 觀象玩占彗孛出大角除舊布新先起者亡一曰有易主失德

者亡 客星出大角兵出天下亂大水入臣郭

天文會通彗孛犯守大角亂兵四起 客星如杯椀犯大角大

臣以妖言害政坐法

流星出入大角

宋史天文志流星犯大角邊兵起

觀象玩占流星觸破大角兵眾四合天下有急出大角天子使

出盛明光曜大將出師視其所之以占所伐

天文會通流星犯大角兵起王庭流星抵大角將有出者刺之

邊兵起一曰貴人死

雲氣出入大角

宋史天文志雲氣青主憂白為喪黃氣出有喜

觀象玩占黑氣掩大角久而不散主命者惡之蒼白氣入有喪

黃白氣如月近大角乍明乍暗兵起

天文會通蒼白雲氣入大角兵起天廷一曰大臣有陰謀黃雲

氣入之大臣進秩

折威

宋史天文志折威七星在亢南主斬殺斷軍獄

天文會通折威七星主獄情偽主斬殺星明潤軍獄不煩暗則

軍獄煩有枉刑

月五星犯折威

宋史天文志五星犯將軍叛

天文會通金火守犯折威則邊將斬

按折威七星第一星在黃道南十三度弱月五星皆不及犯

第二星在黃道南十度第三星四星五星在黃南九度惟金

星及犯之第六星七星在黃道南七度半火金二星及犯之

餘皆不及犯

彗孛客星見折威

宋史天文志彗孛犯折威邊將死

天文會通彗孛掃折威邊將奪兵柄一曰大將擅命 星孛折

威大將死 客星犯折威軍政不一賞罰不明軍士離

流星出入折威

天文會通流星抵觸折威將軍失勢

雲氣出入折威

宋史天文志雲氣犯折威蒼白兵亂赤臣叛白為和親出則有

赦黑氣入人主惡之

天文會通黃氣入折威天子以珠玉幣帛賜將軍

攝提

史記天官書其兩旁各有三星昂足句之曰攝提按其承上丈指大角而言

攝提者直斗杓所指以建時節故曰攝提格集解晉灼曰如昂

之句曲索隱元命包云攝提之為言提携也言能提斗携角以

接於下也正義攝提六星夾大角大臣之象恒直斗杓所指紀
八節察萬事者也占色溫溫不明而大者人君吉

宋史天文志攝提六星左右角各三直斗杓南主建時節伺機
祥其星為楯以夾擁帝座主九卿星明大三公恣主弱色溫不
明天下安近大角近威有謀

觀象玩占攝提六星在亢北直斗柄之南一日環樞一日天樞
一日闕邱一日致法一日三老一日天鉄一日天獄一日天盾
一日天武一日天兵巫咸曰天盾色欲黃而潤明大則鉄鉞用
微暗則臣失職

按左攝提三星其最南一星在黃道北二十七度右攝提三
星其最南一星在黃道北二十五度月五星皆不及犯

琴字客星見攝提

宋史天文志琴字入攝提主自將兵出主受制

觀象玩占琴字出攝提天下大亂帝自將兵於野 客星入天
盾謀臣在側客星當攝提口將受主祿不為主用客星舍攝提
角不去天下有開倉者河圖曰客星出攝提若守之天下亂臣
謀君人主自將

天文會通琴字犯攝提大臣有以罪坐法者 星字攝提中人
君受制於權臣 客星乘守攝提留二十日不去三公擅權
流星出入攝提

宋史天文志流星入攝提有兵出有使者出犯之公卿不安
觀象玩占流星入攝提外國以兵為使來若有急出之王者以

兵出使

天文會通流星出攝提三公出使抵左攝提三公專恣抵右攝
提九卿匿謀

雲氣出入攝提

宋史天文志雲氣入攝提赤為兵九卿憂色黃喜黑大臣戮
觀象玩占青雲氣入攝提九卿有憂黃雲氣入之九卿有賞赤
氣入戈盾用事黑氣入大臣誅

天文會通蒼白雲氣入攝提貴臣握兵叛不掩帝席謀不成

陽門

宋史天文志陽門二星在庫樓東北主守隘塞禦外寇

觀象玩占陽門二星主邊塞險要動搖移徙則邊地有變

天文會通陽門二星主邊塞明則邊境無虞若明大而光浮芒
角而動搖則邊陲失守

按陽門二星其北一星亦在黃道南十八度強月五星皆不
及犯

琴字客星見陽門

宋史天文志琴星守陽門外夷犯塞兵起

觀象玩占客星出陽門夷狄犯塞入陽門五兵藏

天文會通彗孛干犯陽門掃星不見軍破將死 客星蒼赤色
守陽門外寇侵境亦曰邊庭失守

流星出入陽門

天文會通流星出入陽門邊兵交戰

雲氣出入陽門

宋史天文志赤雲氣入陽門主用兵

觀象玩占赤氣入陽門邊兵起有戰

天文會通黑氣入掩陽門兵變邊隅殺主將蒼白雲氣如人馬

狀出陽門外夷入寇黃氣入之王者兵威強外兵衰息

頓頑

宋史天文志頓頑二星在折威東南主考囚情狀察詐偽也星

明無咎暗則刑濫

觀象玩占頓頑二星獄官也其星明則獄平暗則獄濫

天文會通頓頑二星明則獄事煩暗則獄事簡星小不明為得常

有芒角是謂反常執法者在刑加良善星有光芒則天下有冤

獄

按頓頑二星其北一星亦在黃道南十三度月五星皆不及

犯

彗孛客星見頓頑

宋史天文志彗孛犯頓頑貴人下獄

天文會通彗星犯頓頑則冤獄加善良亦曰曲法及人 星孛
於頓頑則大獄四起執法者用私情 客星犯頓頑臣下失刑
善良受辱

流星出入頓頑

天文會通蒼白氣掩頓頑有冤獄光觸若火炸有獄死貴人

雲氣出入頓頑

天文會通蒼白氣掩頓頑天下刑獄煩赤氣掩之圉圉防火災

欽定天文正義卷二十四

氏宿占

氏宿占

史記天官書氏為天根主疫索隱星經云氏四星為路寢聽朝所居其占明大則臣下奉度春秋合誠圖云氏為宿宮也爾雅云天根氏也孫炎以為角亢下繫於氏若木之有根宋均云疫疾也三月榆莢落故生疾疫也然此時物雖生而日宿在奎行毒氣故有疫疾也正義氏房心三宿為火於辰在卯宋之分野宋史天文志氏宿四星為天子舍室后妃之府休解之房前二星適也後二星妾也又為天根主疫後二星大則臣奉度主安小則臣失勢動則徭後起

觀象玩占氏四星曰天根一曰天府土星也主皇后妃嬪其北二尺為日月五星中道氏又主徭後其星明大則臣妾奉法人君安天下無汗馬之勞暗小則君失勢臣妾不度動搖則徭後不時

月五星犯氏宿

漢書天文志氏天子之宮熒惑入之有賊臣
晉書天文志太白犯氏占曰國有憂
唐書天文志太白入氏中占曰有哭泣事 辰星見氏中小而不明占曰負海之國大水
宋史天文志月犯氏左右即將有誅一曰有兵盜犯右星主水掩之有陰謀將軍當之 歲星犯氏有赦或立后守之地動年

豐逆行爲兵 熒惑犯氐臣僭上一云將軍憂守有赦 填星犯氐左右即將有誅守之有赦色黃后喜或冊太子留舍有兵齊明赦 太白犯氐即將誅或云拜將入氐其分疾疫乘右星水災 辰星犯氐貴臣暴憂守之爲水爲旱爲兵入守貴人有獄乘右星天子自將

觀象玩占月犯氐兵起一曰其國有憂有軍在外將死一曰宮中有事大人女主不安天文論曰盜起 歲星犯氐石氏曰國無儲荊州占曰木犯氐左星左中即將誅犯右星右中即將誅若環繞句己之其國饑木乘氐左星天子自將兵於野乘氐右星大水大兵五星同木入氐中不出其年有赦木舍氐其國歲熟賤人有疾木居氐海中占曰五穀以旱傷都萌曰木處氐西歲多饑傷處北有小賊貴人多徒牛多死其肉殺人處南馬多死人多病寒熱木出入留舍氐石氏曰其國有急令其歲則吉木守氐石氏曰皇后有喜甘氏曰君有喜守之二十日以上其國大利陳卓曰五穀蟲蝗木逆行犯守氐乙巳占曰國饑人流多病 熒惑犯氐後宮有火災荊州占曰火犯氐左星左中即將誅犯右星右中即將誅期三年火入氐甘氏曰氐天子之宮罰星不宜入之是謂不祥守之其國君死荊州占曰火入氐留二十日大發兵戰火逆行氐國失地一曰多火災荊州占曰地動火守氐石氏曰大人憂強國當之甘氏曰大臣相譖有兵大

戰火守氐已去後還守之其色黃白有赦火守亢而入氐中三十日大人當之其遠氐者大將病火入天門至氐前進退人主無出國無之遠宮其門有伏兵火出入留舍氐天下大疾火與氐合國失地 土入氐中果實賤賤女暴貴一曰其國有兵喪失地土徙倚前後於氐女主左右有匪人土出入留舍氐天下用兵更立侯王一曰有亡地之國土守氐皇后有賀事一曰有土功事石氏曰國有大賢武氏占曰歲安土星色赤則天下大疫一曰天下徭役田宅大貴都萌曰土守氐色黃潤澤天下安寧荊州占曰奸臣有謀 太白犯氐甘氏曰天下徭役兵起一曰有兵兵罷無兵兵起荊州占曰太白犯氐有芒角有大兵一曰其分君亡太白入氐石氏曰霜雨不時都萌曰春雜大貴又曰大人憂太白入氐而守之兵加其國五星同太白守氐兵起將軍受封爵荊州占曰有喪海中占曰兵起而不行甘氏曰大臣受賜太白守氐房間荊州占曰饑六畜死 辰星守氐大水巫咸曰多惡風海中占曰大旱五穀不收水犯氐甘氏曰有獄事天下疫國易政 天文會通木星明潤以時出順守氐中其國人君有德令下施於民木星逆行逆犯氐中其下有奢侈之君不恤下民 火星守氐強國之君死貴人饑一曰大臣亡火星與木星同守氐賊臣爲亂 土星犯氐其下有亡國土守氐色赤裂地之象四夷

不服天下疫 金星有芒角凌犯氐王者亡地有兵一曰其分有喪 水星入氐法官有獄事退行入犯氐兵革起

按氐宿四星第一星在黃道北半度弱第二星在黃道南二度弱月五星皆及犯之第三星在黃道北四度半月與火金水三星及犯之第四星在黃道北八度半惟金及犯之餘不及犯觀象玩占謂其北二尺爲日月五星中道蓋指第二星而言也

彗孛客星見氐宿

宋史天文志彗星犯氐有大赦糴貴滅之大疾入有小兵一云主不安 孛星犯氐糴貴出則有赦入爲小兵或云犯之臣干主 客星犯氐牛馬貴色黃白爲喜有赦或曰邊兵起後宮亂五十日不去有刺客

觀象玩占彗孛出氐有赦一曰有徙宮有易政一曰其國大疫米貴兵起彗孛入氐兵起一曰後宮有暴兵 客星出氐人主憂病有德令或曰君有憂於外國客星守氐石氏曰國易政荆州占曰木器布帛倍價又曰麻麥羊貴黃帝占曰黑星守氐大水白星守氐廊廟有憂黃星守氐後宮有喜赤星守氐近臣謀逆客星入氐黃帝占曰地震粟貴色白郎將受賜色黃遷青黑不死則黜一曰色黑大水客星逆行乘氐若守之諸侯有坐法者逆行貫氐中臣執權徭役起

天文會通彗孛犯氐臣有謀 孛星出氐間如霞霓狀如冬木無葉此歲星之精凡則人有疾疫 客星入氐邊邦有獻女者客星入氐而散中外不通大臣恣

流星出入氐宿

宋史天文志流星犯氐宿祕閣官有事在冬夏爲水旱乙巳占後宮有喜色赤黑後宮不安

觀象玩占流星入氐兵起有水一曰上鄉憂石氏曰民饑疫流星出氐有使出布天子令

天文會通流星抵氐宿國多怨女犯氐臣下貶黜

雲氣出入氐宿

宋史天文志雲氣入氐黃爲土功黑主水赤爲兵蒼白爲疾疫白後宮憂

觀象玩占黑氣入氐房間天子遣使於諸侯有口令

天文會通白氣入氐不散後宮有憂

天乳

宋史天文志天乳一星在氐東北當赤道中明則甘露降

觀象玩占天乳一星主雨露

天文會通天乳一星在天主甘露在人主和氣星明天子有德以名和氣又曰天子德至於天則天乳星明暗則人君失德百姓流離星光浮而數動搖歲歉糴貴人民饑考異云天乳乃國

家祥瑞之物正所謂甘露降醴泉出是也

按天乳一星在黃道北十六度月五星皆不及犯

孛字客星見天乳

宋史天文志孛客入天乳天雨

天文會通孛星犯天乳天下荒孛字見守災妖駢集 客星出

天乳人多疾疫若守五十日以上歲荒民饑

流星出入天乳

天文會通流星抵觸天乳色黑白水荒

雲氣出入天乳

天文會通黑氣入天乳大水赤氣入大旱

騎陣將軍

宋史天文志將軍一星騎將也在騎官東南總領車騎軍將部

陣行列色動搖兵外行

觀象玩占騎陣將軍一星明則將威微小則將弱不能禁止士

卒

天文會通騎陣將軍一星潤而光澤騎將進秩明大出怒角騎

將竊兵柄

按騎陣將軍一星在黃道南二十九度月五星皆不及犯

孛字客星見騎陣將軍

宋史天文志客星犯騎陣將軍大兵出天下亂

天文會通孛星掃騎陣將軍天子親戎服 孛字騎陣將軍有

暴兵一日有死將 客星入守騎陣將軍騎將有憂

流星出入騎陣將軍

天文會通流星抵觸騎陣將軍禁兵不肅出之天子遣將禦外

寇色黃即勝餘色皆凶

雲氣出入騎陣將軍

天文會通黑雲氣干犯騎陣將軍破軍殺將蒼白雲氣入之有

兵變色黃騎將受寵

招搖

史記天官書杓端有兩星一內為矛招搖集解孟康曰近北斗

者招搖招搖為天矛

宋史天文志招搖一星在梗河北主北兵芒角變動則兵大行

明則兵起若與揀星梗河北斗相應則北方當來受命於中國

色青為憂白為君怒赤為兵黑為軍破黃則天下安

觀象玩占招搖一星次北斗杓端一日常陽一曰天庫一曰天

矛主兵又為矛楯之象主夷狄星明大而角動則胡兵起又曰

矛楯動則近臣恣

天文會通招搖一星主胡兵星明則胡兵強暗則胡兵衰

按招搖一星在黃道北四十九度月五星皆不及犯

孛字客星見招搖

漢書天文志容星守招搖蠻夷有亂民死君

宋史天文志彗星犯招搖北邊兵動出其分夷兵大起 彗星

犯蠻夷亂 容星出招搖蠻夷來貢一云北地有兵喪

觀象玩占彗字出招搖胡寇入犯招搖胡兵敗星守招搖兵起

蠻夷國亂 容星犯招搖胡寇入入招搖南夷來降出招搖歲

早多風守招搖將不為主用

天文會通容星彗字犯守招搖蠻夷有兵有喪

流星出入招搖

宋史天文志流星出招搖有兵

觀象玩占流星起招搖兵起視其所之知兵所之黃帝占曰流

星出招搖胡大敗人招搖四夷兵來

雲氣出入招搖

宋史天文志雲氣犯招搖色黃白相死赤為內兵亂色黃兵罷

白大人憂

觀象玩占蒼白氣入天子正中之將死一曰相死三夜不去大

人憂出之其禍除赤氣入天子正中之兵內起大將為亂赤氣

出天子兵起大戰黃白氣入天子正中之有軍罷無軍有獻

兵者 天文會通黑氣入招搖夷狄有兵喪黃氣入招搖胡兵強盛出

之有兵罷君喜

帝席

宋史天文志帝席三星在大角北主宴獻酬酢星明主公災暗

天下安星亡大人失位動搖主危

觀象玩占帝席三星天子燕樂獻酬之所也星明大則臣外其

心

按帝席三星其最南一星亦在黃道北三十五度月五星皆

不及犯

彗字容星見帝席

宋史天文志彗犯帝席主憂有兵亂 容星犯主危

觀象玩占彗字犯帝席天下大亂 容星出帝席或守犯之天

子不可出宮

天文會通彗字出帝席光芒四指以其所指之方占之其國有

不順王命者 容星彗字干犯帝席臣下謀上亂兵起人君憂

流星出入帝席 天文會通流星出帝席天子有憂

雲氣出入帝席

天文會通黑雲氣入帝席兵起蒼白氣入衛兵有變黃氣入天

子有喜赤氣入有火災

亢池

宋史天文志亢池六星在亢宿北亢舟也池水也主渡水往來

送迎微細內散則天下不通

觀象玩占亢池六星主水道

天文會通亢池六星明則負海之賓至舟航通暗則舟楫不通

按亢池古謂六星今只四星其最南一星亦在黃道北二十

五度月五星皆不及犯

彗孛客星見亢池

宋史天文志客星犯亢池水蟲多死

觀象玩占客星出亢池宗廟有盜

天文會通彗星抵亢池畿甸暴水 彗孛守亢池百川溢 客

星犯守亢池大水傷禾稼國饑

流星出入亢池

天文會通流星抵觸亢池憂水寇

雲氣出入亢池

天文會通黑雲氣入亢池大水白雲氣入之舟船有武備色黃

則吉餘色凶

騎官

宋史天文志騎官二十七星在氐南天子虎賁也主宿衛星眾

天下安稀則騎士叛不見兵起

觀象玩占騎官二十七星天子宿衛騎士二日輕能金官也主

守衛防不虞若角動搖則兵起

按官古謂二十七星今只十星其最北一星亦在黃道南二
十一度月五星皆不及犯

彗孛客星見騎官

宋史天文志客星守騎官將出有憂士卒發

觀象玩占彗孛出騎官甘氏曰騎卒發犯守之將軍有死者

客星出騎官車騎大發入守之同

天文會通彗出騎官衛士亂掃騎官天子自將衛兵禦外寇

星孛騎官宿衛亂 客星犯守騎官禁衛有警

流星出入騎官

宋史天文志流星入騎官兵起色蒼白將死

觀象玩占流星入騎官馬多死出騎官石氏曰兵出從星所之

雲氣出入騎官

觀象玩占蒼白氣入騎官騎將死赤氣出兵大起赤氣入騎士

憂黑氣入軍中有疾病

天文會通黑雲氣青赤雲氣入騎官宿衛禁兵為亂黃氣入禁

兵嚴肅衛士忠義

梗河

史記天官書正義曰星經云梗河星為戟劍之星若星不見或

進退不定鋒鏑亂起將為邊境之患也

宋史天文志梗河三星在帝席北天矛也一日天鋒主北邊兵

又主喪故其變動應以兵喪

觀象玩占梗河三星在大角北主矛鋒以備天子不虞一日天盾一曰天鋒天之劍戟主誅罰星明而不動邊鄙安天下寧明大芒角動搖邊夷兵起胡人為寇

按梗河三星其最南一星亦在黃道北四十度月五星昏不及犯

彗孛客星見梗河

宋史天文志彗星犯梗河非兵敗 客星入梗河兵出陰陽不和一曰北兵侵中國

觀象玩占彗孛犯梗河胡兵起出梗河天子誅四夷 客星犯

梗河胡入中國為亂荊州占曰天下兵起客星舍梗河石氏曰

強凌弱胡兵起海中占曰大風拔木

天文會通彗孛客星凌犯梗河陰陽不和大風損物胡兵侵擾

星孛梗河其國有兵喪

流星出入梗河

宋史天文志流星出梗河為兵

觀象玩占流星犯梗河王者誅四夷一曰胡兵起胡王死

天文會通流星自外抵觸梗河中原設備以防邊寇色黃則勝

餘色皆凶

雲氣出入梗河

宋史天文志赤雲犯梗河兵敗蒼白將死

觀象玩占黑氣出梗河兵起大戰 天文會通蒼白雲氣入梗河胡兵起黑氣入之匈奴有兵喪黃氣入之兵強入寇青赤氣入之内外交兵

車騎

宋史天文志車騎三星在騎官南總車騎將主部陣行列變色動搖則兵行

觀象玩占車騎三星金官也為都車馬之將

天文會通車騎三星主天子騎兵及騎將也星明將佐精勇暗則兵弱

按車騎三星其最北一星亦在黃道南三十二度月五星昏不及犯

彗孛客星見車騎

宋史天文志客星犯車騎大兵出天下亂

觀象玩占客星守車騎西羗來降

天文會通彗星掃車騎其下有兵亂 星孛車騎天子憂兵

客星守車騎亂兵入禁衛

流星出入車騎

天文會通流星出車騎外兵暴至抵犯之將有憂

雲氣出入車騎

天文會通黑雲氣入車騎兵車暴至蒼白氣入之有急兵青赤氣入之車騎滿畿甸

陣車

宋史天文志陣車三星在氐南一云在騎官東北車車也

觀象玩占陣車三星在氐南星動則兵車動

按陣車三星其最北一星亦在黃道南十度半月五星皆不及犯

彗孛客星見陣車

觀象玩占客星守陣車兵車滿野內兵無禁

天輻

宋史天文志天輻二星在房西斜列主乘輿若周官巾車官也

近尾天下有福一作天福

觀象玩占天輻二星主鑿駕

金星犯天輻

宋史天文志太白犯天輻輦轂有變

按天輻二星第一星在黃道南八度半第二星在黃道南十

度惟金星及犯之月與木火土水四星不及犯

彗孛客星見天輻

宋史天文志客彗犯天輻輦轂有變

天文會通彗孛干犯天輻法駕出狩若奄星不見法駕有虞

客星出天輻光芒相守外寇至

流星出入天輻

天文會通流星出天輻天子將出狩以其所之野命其國色黃車駕無虞餘色凶

雲氣出入天輻

天文會通黑雲氣入天輻法駕驚憂蒼白雲氣入之天子親戎服黃雲氣入之上下迴環不奄天子安法駕備

欽定天文正義卷二十五

房宿占

房宿占

史記天官書房為府曰天駟其陰右驂索隱爾雅云天駟房也詩紀歷樞云房為天馬主車駕宋均云房既近心為明堂又別為天府及天駟也正義房星君之位亦主左驂亦主良馬故為駟王者恒祠之是馬祖也

宋史天文志房四星為明堂天子布政之宮也亦四輔也下第一星上將也次次將也次次相也上星上相也南二星君位北二星夫人位又為四表中為天衢為天閔黃道之所經也南間為陽環其南曰太陽北間為陰環其北曰太陰七曜由乎天衢則天下和平由陽道則早喪由陰道則水兵亦曰天駟為天馬主車駕南星曰左驂次左服次右服次右驂亦曰天廐又主開閉為畜藏之所由星明則王者明驂大則兵起星離則民流左驂服亡則東南方不可舉兵右亡則西北不可舉兵

觀象玩占房四星曰天林總管四方一曰天旗一曰天事一曰天龍一曰天倉一曰天表一曰天衡一曰天府木星也房星動外則財寶出動內則財寶入

管窺輯要房居外分亦曰天廐王者祠房星謂其為馬祖也又為蠶祖蓋蠶為龍精月建卯則浴蠶種又房星為農祥國語曰龍祥辰正所謂辰正者立春日晨見正南方也

其占百穀熟

月五星犯房宿

史記天官書犯四輔輔臣誅索隱案謂月犯房星也四輔房四星也房以輔心故曰四輔也

後漢書天文志房右驂為貴臣歲星犯之為見誅

晉書天文志月犯房第二星占曰將軍有憂月犯房上星

占曰將相憂日奄房南第二災在次相月犯房占曰將相

憂 熒惑犯房占曰房四星股肱臣將相位也月五星犯

守之將相有憂 歲星守房占曰將相憂一云有大赦歲

星犯房占曰豫州有災 填心守房心占曰填守房多禍

喪守心園內亂天下赦 太白犯房上星占曰上相憂太

白入房心為兵喪

唐書天文志歲星掩房占將將相憂又宋分也

熒惑犯房占曰君有憂一曰有喪 太白守房占曰白衣

會

宋史天文志太陰犯房陽道為旱陰道為雨中道歲終又

占上將誅當天門天駟穀熟 歲星犯房更改令又為兵

為飢民流守之大赦天下和平一云良馬出 熒惑犯房

馬貴人主憂色青為喪赤為兵黑將相災白芒火災守之

有赦令十日句己者臣叛 填星犯房女主憂句己相有

誅守之土功興一曰旱兵一曰有赦令 太白犯房四邊從守之為土功出入霜雨不時 辰星犯房有殃守之水災一云北兵起將軍為亂

觀象玩占月犯房四足蟲多死荆州占曰月中犯乘陵房星君有憂色亦兵戰青喪黑將相誅九候水旱專司月行

至房若由中道則時和歲豐若行陽環小旱行太陽大旱且有喪行陰環小水行太陰大水且有兵 歲星守房有

德令海中占曰他國有獻馬者魚鹽貴都萌曰倉粟虛又曰飢荆州占曰王者心平百姓得情石氏曰吏民相傷木

犯將相憂其分有災石氏曰有暴貴者木入房天子有子

一曰有更令荆州占曰五穀熟天下安一曰大將受封木

經房南而犯守之大旱由房北犯守之火水木與房合都

萌日有兵戰木舍房南五穀旱傷民多寒熱病舍房非多

雨五穀水傷牛多死舍東馬多死舍西民飢木逆行犯守

乘凌房以其所中命之又曰臣有陰謀木星順行留房中

道其色明潤而無所犯人主將相俱有喜人和歲豐王夫

大行守之愈久國祚愈長 熒惑犯房春秋文耀鉤曰將

軍為亂黃帝占曰火犯房芒角怒有大兵火入房天子憂

兵起一曰有白衣之會一曰馬貴出之則還賤一曰地動

火入房出其北主憂出其南臣憂出中道而留有喪又曰

火行房南旱行非道水火逆行於房宮中失火一曰地動
火賁房中央兵起出其南男子災出其北女子災火守房
大臣作亂石氏曰天下更政黃帝占曰貴人疾有兵喪一
曰火災又曰大飢良馬出巫咸曰多水災一曰土功興荆
州占曰秦燕趙殃郝萌曰火以九月守房兵車滿野又曰
火守房非燕趙凶守房中魯衛凶守房南吳楚凶 填星
犯房荆州占曰國君死右服為秦魏左服為楚右勝為齊
左勝為趙土入房天子有子海中占曰土入房若犯之其
分有兵土之房五穀豐土守房甘氏曰旱火守有兵石氏
曰更起宮室工役煩興又曰國有女喜巫咸曰有獻馬者
一曰貴人多死一曰地動人疫一曰胡兵發大飢土逆行
象守左右勝臣有陰謀土中犯陵乘房左勝左服所中將
誅中犯乘陵右勝右服所中相誅一曰土星中犯陵乘房
皆為君憂 太白守房臣脅君土功大興布帛貴火守之
大飢黃帝占大臣有戮死者石氏曰良馬出廐兵車滿野
巫咸曰國有更令又曰旱多火災五穀不成郝萌曰有奸
謀荆州占曰六畜多死黃帝占曰太白守房南旱天子有
良輔守房非水天子有良友太白逆行守房多死喪太白
中犯陵乘房四夷起謀中國有憂李筌曰有兵戰一曰將
相誅牛馬疫 水守房甘氏曰大臣相讎暴誅臣佐郝萌

曰人多暴死一曰良馬出廐天下道不通一曰大水石氏
曰兵發一曰有白衣會一曰馬貴辰星犯房有款穀貴人
飢奸臣有謀辰星入守房心之間地動
天文會通木星犯房五穀豐治太平民無疾疫有德令
土星犯房主有喜不爾有款犯守成勾己相讎 金星凌
犯房君有憂色青憂喪色赤憂兵色黑將相死色白芒角
有喪 水星守房夏大潦運行干犯將相憂
按房宿四星中南為第一星在黃道南五度半月與火
金二星及犯之木土水三星不及犯最南為第二星在
黃道南八度惟金星及犯之中北為第三星在黃道南
二度最北為第四星在黃道北一度月五星皆及犯之
又宋志云房四星中為天衢黃道所經南間為陽環
北間為陰環七曜由乎天衢則天下和平由陽道則旱
喪由陰道則水兵今測房宿四星惟最北一星在黃道
北餘三星皆在黃道南是黃道經其所謂陰環而不得
經其所謂天衢也日行黃道則常由陰道不能經天衢
更不能由陽道月與火金二星能由天衢及陰道陽道
木土水三星則能由天衢及陰道不能由陽道也觀象
玩占云木經房南而犯守之大旱火行房南旱若謂南
間為房南則木星不及行若竟謂房宿之南則火星亦

不及行也占家未察星度大率皆然則其所謂占殆亦不足據故錄其說而辨之觀者當知所取材矣又紫房星為農祥今東三省相傳每年十一月下旬觀房宿占來歲美惡以月末至房宿前一日占春正過房宿之日占夏已過房宿次日占秋月從房陰間行有風雲歲旱從房無風雲歲和從房中間行有風雲歲善無風雲旱從房陽間行有風雲微旱無風雲大旱占秋日北風霜早南風霜遲十二月下旬月離房宿日觀天色風雲占來歲種植所宜天將明時色青宜稗色紅宜梁色黃宜黍色白宜蕎麥色黑宜豆亦猶存古意云

彗孛客星見房宿

漢書天文志客星見于房占曰為兵起
宋史天文志彗星犯房國危人亂其分惡之 孛星犯房有兵民飢凶災 客星犯房歷陽道為旱陰道為水因空氏飢色白有攻戰入為糶貴
觀象玩占彗孛出房諸侯舉兵甘氏曰天下水旱人民飢死鄰萌曰兵戰不止蚩蚩交下一曰各山崩宮中有火天下有喪彗孛犯房若貫之有兵亂石氏曰天下相殘有亡國 客星犯房甘氏曰兵起客星出房郗萌曰名寶出黃帝占曰客星出房若守之在陽為旱為喪為飢在陰為兵

為飢為水客星入房米貴人流徙郗萌曰大臣為逆天下有急令亦有更令荆州占曰有德令有賊臣天文論曰客星入房左右服有獻馬者若出之人君以馬賜諸侯客星守房米貴馬疫客星舍房左右羣臣有奪爵色者客星出房心間地動
天文會通彗星出房所宿之國徐舊買新入房禍患相殘又禍患至彗守房其國危 星孛於房有強臣孛星干犯房兵潰大將受誅一曰人主憂亂一曰兵革起中國災山崩地動 客星在表之南多旱去高田耕下田在表之北多水去下田耕高田

流星出入房宿

宋史天文志流星犯房在春夏為土功秋冬相憂入有喪乙巳占其分天子恤民下德令
觀象玩占流星出房天子有使出朕飢一曰流星出房左右服天子遣使之諸侯流星如蛇曲行入房臣為逆流星抵房外國有獻異獸名馬者一曰宰相出鎮流星衝房水災流星犯房將相有難者
天文會通流星入房國昌忠臣用色黑君憂
雲氣出入房宿
宋史天文志雲氣入房赤黃吉如人形后有子色赤宮亂

蒼白氣出將相憂

觀象玩占雲氣入房亦黃潤澤名寶入出房國寶有出者
黃雲氣入房外國入貢黑雲氣出房宮中有憂黑雲氣入
房將相憂白氣如大道入房有水
天文會通黃雲氣入房諸侯獻寶

鍵閉

史記天官書北一星曰牽按北承上文正義說文云牽車
軸端鍵也兩相穿背也星經云鍵閉一星在房東北掌管
籥也占不居其所則宮閉不禁居則反是也
宋史天文志鍵閉一星在房東北主閑籥明吉暗則宮門
不禁

月五星犯鍵閉

宋史天文志月犯鍵閉大臣憂火災 歲星填星守鍵閉
王不宜出 太白犯將相憂 熒惑犯主憂
觀象玩占月犯鍵閉有兵 五星犯守鍵閉兵起天子憂
土犯之王者不宜出宮
天文會通木星逆犯鍵閉王者有憂 火星逆犯之禁庭
有虞 金星犯之兵起 土星入犯有土功 水星入之
大水

按鍵閉一星在黃道北一度半強月五星皆反犯之

彗孛客星見鍵閉

宋史天文志彗星客星守鍵閉道路阻兵起一曰兵滿野
觀象玩占彗孛出犯鍵閉道路不通
天文會通彗孛干犯鍵閉有兵喪 客星犯鍵閉暴兵起
客星大如杯守鍵閉五十日不去喉舌之官惡之

流星出入鍵閉

天文會通流星抵觸鍵閉外國有奸使入禁庭出鍵閉喉
舌腹心之臣有匿謀

雲氣出入鍵閉

天文會通黃雲氣入鍵閉天子安黑氣入之禁兵有虞蒼
白氣入之有急兵赤氣往來掩星不見有火災

鈎鈐

史記天官書旁有兩星曰鈐按旁承上文索隱元命包曰
鈎鈐兩星以閑防神府閭舒為主鈎鈐以備非常也正義
占明而近房天下同心鈎鈐房心之間有客星出及疎抃
者皆地動之祥也
宋史天文志鈎鈐二星在房北房之鈐鍵天之管籥王者
至孝則明
觀象玩占鈎鈐二星在房東近右服右勝兩星之間天子
之腹心喉舌也

月五星犯鈞鈴

漢書天文志熒惑守房之鈞鈴鈞鈴天子之御也占曰不

太僕則奉車不黜即死也

晉書天文志月掩鈞鈴占曰喉舌臣憂

宋史天文志月犯鈞鈴大人憂車駕行 歲星守之為飢

熒惑守之有德令 太白守喉舌憂

填星守王失土

觀象玩占五星犯守鈞鈴大臣誅一曰太僕奉車當之

火逆行犯鈞鈴王者憂

天文會通月犯鈞鈴有邊寇 木星犯鈞鈴太僕死 火

星犯之喉舌臣有憂 金星經天犯鈞鈴有喪 土星犯

之王者有憂 水星犯之有強臣。

金火守之將相黜

按鈞鈴二星北為第一星在黃道北十六分南為第二

星在黃道北五分月五星皆及犯之

彗孛客見鈞鈴

宋史天文志彗星犯鈞鈴宮庭失禁 客星犯之王有奔

馬之敗

觀象玩占彗孛犯鈞鈴宮亂 客星出鈞鈴地動

天文會通彗星掃鈞鈴失政一曰有兵喪 星孛鈞鈴喉

古有變謀一曰有兵變 客星犯鈞鈴腹心有陰謀守之

喉舌之臣有陰謀

流星出入鈞鈴

宋史天文志流星犯鈞鈴王有奔馬之敗

天文會通流星犯鈞鈴宮門不禁

雲氣出入鈞鈴

天文會通黑雲氣入鈞鈴天子宮禁有暴兵起蒼白氣入

之天子有兵憂黃氣入之天下同心赤氣入之有火災

東咸西咸

宋史天文志東咸西咸各四星東咸在心北西咸在房西

北日月五星之道也為房之戶以防滯決也明則信吉

觀象玩占東咸西咸一曰大明房之戶扇常為帝側之屏

以表障後宮星明而行列正王者威令行妃后安微小不

正防守者憂

月五星犯東西咸

宋史天文志月五星犯東西咸有陰謀民飢 熒惑犯之

臣謀上與太白同犯兵起 歲星填星犯之有陰謀

觀象玩占月犯東西咸有賊 五星犯守東西咸臣有不

從今者 火守之兵起一曰女主憂 天文會通木星逆犯東咸道路有阻 火星犯東西咸有

火災 金星逆犯東西咸有兵喪 土星逆犯東西咸興
土功民勞 水星犯東西咸大雨水傷木稼糴貴民飢

按東咸四星最北一星在黃道北五度強月與火金
二星及犯之木土水三星不及犯次第二星在黃道北
三度強惟木星不及犯次第三星在黃道北一度半次
第四星在黃道北半度月五星皆及犯之西咸四星最
北第一星在黃道北九度強惟金星及犯之次第二星
在黃道北六度月與金星及犯之木火土水四星皆不
及犯次第三星在黃道北三度半惟木星不及犯第四
星在黃道北四度木土二星不及犯月與火金水三星
皆及犯之

彗孛客星見東西咸

宋史天文志客星犯東西咸主失禮后妃恣
觀象玩占彗孛出兩咸宮門不禁貴女有憂 客星入東
西咸人主失道一曰貴人女有憂若有執者
天文會通彗孛客星犯守東西咸人君失禮后妃專橫臣
有憂客星犯東西咸臣下有奸謀兵起

流星出入東西咸

宋史天文志流星犯東西咸王者憂
天文會通流星抵觸東西咸有兵流星出入則閣臣出

雲氣出入東西咸

天文會通黑雲氣干犯東西咸有兵不然有水
罰星

宋史天文志罰三星在東西咸正南主受金罰贖曲而糾
列則刑罰不中

觀象玩占罰三星南北列主誅罰

天文會通罰三星主刑罰法令之事以金贖罪星不欲明
明則法令不平小明而潤天下無枉法星明出怒角則有
冤獄

月五星犯罰星

觀象玩占月犯罰誅貪臣 金水犯貪臣誅

天文會通火金水入犯罰星冤獄起

按罰三星北第一星在黃道北十三度月五星皆不及
犯次第二星在黃道北八度惟金星及犯之次第三星
在黃道北四度木土二星不及犯月與火金水三星皆
及犯之

彗孛客星見罰星

宋史天文志彗星客星犯罰星國無政令憂多枉法

觀象玩占彗孛出或守罰星天下多枉法

天文會通彗掃罰星貴臣繫獄 星孛干犯法令絕良民

天下亂 客星犯罰星執法者有私心

流星出入罰星

天文會通流星抵觸罰星刑獄不公

雲氣出入罰星

天文會通黃氣入罰星刑措不用白氣入之軍法加大將

黑氣入之執法者死

日星

宋史天文志日一星在房宿南太陽之精主昭明令德明

大則君有德令

觀象玩占日一星在房中道前

月五星犯日星

宋史天文志月犯日星下謀上 歲星守之主得忠臣陰

陽和四夷賓五穀豐 太白熒惑犯之主有憂

觀象玩占月掩日星臣謀君 熒惑犯日星有大戮

天文會通水土犯守日星下僭君權

按日一星在黃道北二分月五星皆及犯之

彗孛客星見日星

宋史天文志彗星客星犯日星主失位

天文會通彗掃日星除舊真新之象天下有更玉 星孛

日星側諸侯不受制于天子 客星犯守日星臣下有陰

謀

流星出入日星

天文會通流星抵觸日星外國入寇流星出入使也色青

黑人君有憂色黃白人君有喜

雲氣出入日星

天文會通黑雲氣干犯日星其野有兵喪白雲氣入之兵

起黃雲氣覆日星天子德施于民天下安餘色皆凶

從官

宋史天文志從官二星在房宿西南主疾病巫醫明大則

巫者擅權

按從官二星其北一星亦在黃道南十三度月五星皆

不及犯

彗孛客星見從官

宋史天文志彗孛犯從官巫臣作亂

天文會通彗孛犯從官巫醫通外奸有臣謀 客星乘守

從官巫醫干政

流星出入從官

天文會通流星掩從官醫卜之官失勢

雲氣出入從官

宋史天文志雲氣犯從官黑為巫人戮黃則受爵

天文會通蒼白雲氣入從宮巫醫掌兵黑氣入之術士有
匿謀

欽定天文正義卷二十六
心宿占

心宿占

史記天官書東宮蒼龍房心心為明堂大星天王前後星
 子屬不欲直直則天王失計索隱李巡曰大辰蒼龍宿體
 最明也春秋說題辭云房心為明堂天王布政之宮鴻範
 五行傳曰心之大星天王也前星太子後星庶子
 宋史天文志心宿三星天正位也中星曰明堂天子位
 為大辰主天下之賞罰明大天下同心天下變動心星見
 祥搖動則兵離民流
 觀象玩占心三星曰大火亦曰大辰一曰天司空一曰天
 相火星也其北四尺為日月五星中道心者木中火故其
 色赤心為天之閔梁中央大星欲赤而明則天子明德服
 天下暗小青黑則天子微弱三星欲其俱明前後星不欲
 過其中星而後星又不欲過其前星芒角則天下有大兵
 色異則國有喪旁多小星則天下爭後星為庶子亦為
 親密大臣之位動搖則庶子大臣死
 天文會通心三星為天下海內主置積卒位也心星明大
 天下同心前後星光明赤黃者太子庶子各有賜賞賀事
 月五星犯心宿
 史記天官書火犯守房心王者惡之也正義熒惑守房心
 及房心生芒角則王者惡之也

漢書天文志月犯心星占曰其國有憂若有喪

後漢書天文志心為天子明堂熒惑逆行守之為反臣

太白犯心前星為兵喪

晉書天文志月犯心大星占曰心為天王位王者惡之月

犯心前星太子有憂又曰豫州有災 填守心國內亂天

下赦

隋書天文志月犯心占曰有亂臣不出三年有亡國

宋史天文志太陰犯心大臣憂犯中央及前後星主惡之

出心大星北國旱出南君憂兵起 熒惑犯心大臣憂貴

心為饑與太白俱守為喪又曰熒惑居其陽為喜陰為憂

又曰守主易政犯為民流大臣惡之守心南為水北為旱

逆行大臣亂

太白犯心雜貴將軍憂有水災不出一年有大兵舍之色

不明為喪逆行環繞大人惡之 辰星犯明堂則大臣當

之在陽為燕在陰為塞非不則地動大雨守之為水為盜

觀象玩占月犯心其國有憂若有喪乙巳占曰有內亂宮

中有逆臣石氏曰月犯心大星國人為亂犯前星太子不

得立憂賊臣有亡國犯後星庶子惡之月乘心石氏曰其

國相死萬民備火月掩心三星俱躡國內亂賊臣起兵大

將死大飢 熒惑犯心戰不勝大將闕死海中占貴人有

餓死者都萌曰有反臣巫咸曰萬物不成土功興民憂火災犯太子太子憂犯庶子少子憂火乘心石氏曰其國相死火守心有流血其國兵悉出入死大旱布大貴都萌曰火守心南有男喪守非有女喪火守心已去復還守之有大赦火守心色怒赤芒角廷中有伏兵色黑有亂兵事不成而敗一曰火守心色赤兵起青有喪在心東為齊魯在西為秦晉在中為周宋在南為楚在北為燕趙又曰火守心色赤臣謀主色白臣有賜爵者色青大人憂色黑兵在外敗火逆行而守心石氏曰有喪都萌曰早有火災地震火與心關有暴喪火中犯乘乘守心巫咸曰大臣當之在陽為燕在陰為胡一曰有火異大白守心大飢黃帝占曰天下有大怪國有喪一曰多蟲巫咸曰有逆臣石氏曰中國有殃兵車滿野有軍在外客軍大敗一曰人多死喪其年蝗虫敗穀太白中犯陵乘星為旱天下多火災一曰相為亂兵四起辰星中犯乘陵心有亡國辰星犯心或乘之大雨水地動甘氏曰水旱俱作甲兵動石氏曰辰星犯心水滅火三日不去主憂臣戮百川溢水守心布帛貴巫咸曰播役煩賦斂重一曰色赤為兵旱色水且喪天文會通月犯心之陽其國大旱犯心之陰其國大水水星逆行乘陵心內亂賊起下謀其上

按心宿三星第一星在黃道南四度第二星在黃道南三度半月與火土金水四星及犯之第三星在黃道南六度月與火金二星及犯之餘不及犯觀象玩占謂其下四尺為日月五星中道蓋指第一星而言也

彗孛客星見心宿

宋史天文志彗星犯心大臣相疑守之而出為蝗飢又曰為兵星孛於心其分有兵喪民流客星犯心為旱守之為火災舍之則糴貴民飢觀象玩占彗孛出心蝗虫作五穀傷人流亡彗孛入心有喪石氏曰大臣造亂兵起一曰大臣相戕天下被甲客星出心石氏曰君遣使于諸侯以色占其事及其吉凶以其所主命所之國都萌曰客星出心左右或上下有抵罪而走者色黃白無事青黑死赤以兵隨之客星入心石氏曰諸侯有使來以五色占何事以所起占何國夏氏占曰有德令一曰相憂疾黑星入星近臣謀主赤星入心兵起宮中青黑星入心天子憂入右星太子憂入左星庶子憂黃白星入心天子有喜入右星太子受賜入左星庶子受賜客星犯乘心大旱天下慎火一曰米貴兵起近臣叛大人憂國易政客星掩滅心有賊臣客星守心黃帝占曰有善令巫咸曰乘貴人飢兵起有奸臣都萌曰土功興有大

人喪天下人病

天文會通彗星犯心宿君失政彗守心大臣謀上彗長可

人所出心宿中其國有更政彗星如帚掃心宿不見其國

有陰謀 彗星犯心宿有戮臣一曰劍戟用兵起國亂

守心大臣詐謀以亂國其國有兵星孛於心中星色白天

子有憂色青國飢色赤內廷有災色黃天子有慶賀事

心宿上有一星去心一尺許中有謀心下一尺許外有謀

星多謀多星少謀少上下俱有星中外俱有謀星遠入遠

星近人近

流星出入心宿

宋史天文志流星犯心臣叛入之外國使來色青為兵為

憂黃有土功黑為凶

觀象玩占流星入心有喪流星出心大臣出使以五色占

之流星犯心兵起一曰大人憂流星春夏犯心有火災

天文會通流星入心外國有使來色黃有喜又為土功白

言義青憂黑凶赤言兵一曰遠國夷狄入貢

雲氣出入心宿

宋史天文志雲氣入心色黃子孫喜白亂臣在側黑太子

有罪

觀象玩占雲氣出心青色天子使人於諸侯赤色有兵將

出亦黃氣出心王就國黑雲氣入心天子憂入左星庶子

憂入右星太子憂白氣入心天子左右臣作亂兵起黃氣

入心天子有子孫喜入右星太子喜黃白雲氣潤澤如匹

布正抵心下外國有來歸者

天文會通黃氣如蓋覆心天子有大慶又曰太子受賜

積卒

宋史天文志積卒十二星在房西南五營軍士之象主衛

士掃除不祥星小為吉明則有兵一星七兵少出二星七

兵半出三星七兵盡出

觀象玩占積卒一曰衛士金官也所以守衛明堂其星細

小而明則吉明大動搖則君臣不寧朝廷起兵芒角動則

有聚兵事

按積卒古謂十二星今只二星其北一星亦在黃道南

十五度月五星皆不及犯

彗孛客星見積卒

晉書天文志他星守積卒近臣誅

宋史天文志彗星客星守之禁兵大出天子自將

觀象玩占彗出積卒為謀星去疾則謀不成若守之大將

有憂一曰彗出積卒衛士為亂禍不成

客星出入積卒主兵之臣憂石氏曰兵士為亂近臣有謀

受誅士卒多死者

流星出入積卒

觀象玩占流星入積卒兵起將死

雲氣出入積卒

宋史天文志雲氣犯積卒青赤為大臣持臣欲論兵事

天文會通黃雲氣入積卒禁兵強盛餘色俱凶

欽定天文正義卷二十七

尾宿占

尾宿占



史記天官書尾為九子曰君臣片絕不積索隱宗均云屬後宮場故得兼子子必九者取尾有九星也元命包云尾九星箕四星為後宮之場也正義尾為析木之津於辰在寅燕之分野尾九星為後宮亦為九子星近心第一星為后妃次三星夫人次九嬪末為妾占均明大小相承則后宮叙而多子不然則不若明暗不常妃嬪非亂妾媵失序宋史天文志尾宿九星為天子後宮明則后有喜穀熟不明則后有憂穀荒

觀象玩占尾九星蒼龍尾也一曰天雞一曰析木一曰天狗一曰風后一曰天廟一曰天司空一曰龍尾一曰九子水星也其非十尺為日月五星中道主八風箕尾之間謂之九江口故尾星又曰九江主水蓋天曰蒼龍之尾陰陽之所交雷風之所興也主禁密祭祀蔣養之事明則五穀成熟不明則五穀大傷

按尾宿九星其最北一星亦在黃道南十一度月五星皆不及犯觀象玩占謂其北十尺為日月五星中道較今測差少一度

彗孛客星見尾宿

晉書天文志客星在尾中占曰燕有兵喪

宋史天文志彗星犯尾宮人出兵起宮門多土功出入貴臣誅有水災 孛星犯尾多土功大臣誅 守之宮人出出為大水民飢 客星犯入尾宮人惡之守之賤女暴貴出則為風為水後宮惡之兵罷民飢多死

觀象玩占彗孛出尾歲多惡風暴雨大水大飢后相貴臣皆有憂 客星入尾甘氏曰天下飢人相食流徙他鄉疾病死亡男不得耕女不得桑春秋聖洽符曰大水石氏曰北夷大飢來降又曰國多土功有尾之禽大災一曰多風雨宮人災白星入尾邊城有兵司空死之一曰備賊臣客星出尾君使人於諸侯

天文會通彗出尾中其下有死君彗掃大星後宮有女喪彗星乘犯尾宮人黜彗本可文所奄星其下有暴兵一曰不有死將必有屠城 孛星干犯尾宮人黜後宮有憂又曰君臣不協孛星色白言兵色赤後宮災色青有憂色黑後宮有陰謀色黃則吉孛星出入尾貴人憂孛星犯尾宿兵敗將亡

流星出入尾宿

宋史天文志流星入犯尾色青舊臣歸在春夏後宮有口去秋冬賢良用事出則後宮喜有孛星色白後宮妾死出入風雨時穀熟入后族進祿

觀象玩占流星出尾色青黑臣有逃者流星入尾賤女暴貴一曰故臣有歸國者流星衝犯尾按臣受誅

天文會通流星入尾諸侯有來使流星出尾君使人賚諸侯色黃後宮有喜亦為有子孫之喜

雲氣出入尾宿

宋史天文志雲氣入尾色青外國來降出則臣有亂赤氣入有使來言兵黑氣入有諸侯客來

觀象玩占青雲氣入尾故臣有來歸者出尾臣有死者赤黃氣入尾有使來言兵事黑氣出尾人民流亡

神宮

宋史天文志神功一星在尾宿第三星旁解衣之內室也

按神功一星在黃道南十九度月五星皆不及犯

天江

史記天官書天潢旁江星江星動人涉水正義天江四星在尾北主太陰也不欲明明而動水暴出其星明大水不禁也

宋史天文志天江四星明動為水兵起星不具則津梁不通參差馬貴

觀象玩占天江四星明大則天下水災微小如常則陰陽和水旱調明而動則水暴出江河溢五穀不熟民以水飢

天文會通天江四星主江淮河海關津道也明大出怒角關津不通

月五星犯天江

晉書天文志熒惑守天江有立主按隋書犯天江占曰河津不通太白犯天江占曰河津不通 歲星犯天江占曰有兵亂河津不通

隋書天文志填星守天江占曰有江河塞有決溢有上功宋史天文志月犯天江為兵為臣彊河津不通 熒惑犯大旱 太白犯暴水

觀象玩占月犯天江大水入城郭民飢去其鄉 熒惑守天江賊起水中巫咸曰天下有水乙巳占赤地十里民流亡

天文會通月犯天江天下川溢月暈天江五日內有雨則災解無雨則大旱 木星守天江五穀登雜賤 土星犯之大旱 金星入之有暴兵 水星犯之為水歲不登

按天江四星第一星在黃道南四度弱土木二星不及犯月與火金水三星皆及犯之第二星在黃道南三度半惟木星不及犯第三星在黃道南二度弱第四星在黃道南一度弱月五星皆及犯之

彗孛客星見天江

宋史天文志彗星犯天江為大兵 客星入天江河津不通

觀象玩占彗字犯天江有大兵出天江大水五穀不成

客星入天江閔津絕道路塞一曰河津吏有憂

天文會通彗星犯天江江河有兵變 星字天江江海兵

起為亂 客星犯天江舟楫不通若守之五十日以上水

寇起兵

流星出入天江

宋史天文志流星犯天江為水為飢

天文會通流星抵觸天江有水賊通內奸

雲氣出入天江

宋史天文志赤雲氣犯天江車騎出青為多水黃白兵起

入則兵罷

觀象玩占赤氣出天江將軍出野黃白氣入天江天子用

兵出之兵罷

天文會通黑雲氣入犯天江大水入飢白雲入之有兵黃

氣入之國有喜

傳說

隋書天文志傳說一星在尾後傳說主章祝巫官也章請
號之聲也主王后之內祭祀以祈子孫廣求脩嗣詩云克

禮克祀以弗無子此之象也星明大王者多子孫

宋史天文志傳說一星明大則吉王者多子孫輔佐出不

明天下多禱祠

按傳說一星在黃道十三度半月五星皆不及犯

彗字客星見傳說

宋史天文志彗星客星守之天子不享宗廟

觀象玩占彗字出傳說祠非其神一曰巫祝起

客星出傳說少子孫

天文會通彗星掃傳說妖言害政 星字傳說有巫祝掌

兵權一曰淫巫害政 客星犯傳說巫祝妖言流毒天下

流星出入傳說

觀象玩占流星入傳說有子孫之憂出之有子孫之喜

天文會通流星抵觸傳說巫祝官災

雲氣出入傳說

宋史天文志赤雲氣入傳說巫祝官有誅者

天文會通黑雲氣干犯傳說巫祝有權一曰淫祀興民有

妖言蒼白氣氣入之巫祝為法師

魚

宋史天文志魚一星在尾後河中主陰事知雲雨之期明

大則河海水出不明則陰陽多魚亡則魚少動搖則大水

暴出

觀象玩占魚星一曰據星一曰蒙星主雲旗統陰事其狀如星如雲忽忽不明黃帝占曰魚星居河東旁近箕為常所若中河而居則兵起海中占曰大水若出河外大旱五穀不成

按魚一星在黃道南十一度半月五星皆不及犯

彗字客星見魚

觀象玩占彗字出魚星大水海魚出守之魚行人道 客星出魚星魚鹽貴一曰有大水

天文會通彗字犯魚星有兵喪不爾旱荒 客星犯守魚

星陰三日內有雨守五十日以上天下大澇守魚星陽無

雨守五十日以上天下大旱

流星出入魚

觀象玩占流星抵魚星大水魚鹽貴

天文會通流星抵觸魚星百川漲溢

雲氣出入魚

宋史天文志赤雲氣出魚星兵起將受入兵罷黃白氣出

兵起

天文會通黑雲氣入魚星大水傷禾稼黃氣入之百穀順成蒼白氣入之不水即兵

龜

漢書天文志龜鼈星不居漢中川有易者

宋史天文志龜五星在尾南主卜以占吉凶星明君臣和

不明則上下乖

觀象玩占龜五星在尾南漢中一曰連珠主贊明神定吉凶

天文會通龜星五星主河中陰事星明則天下和平君臣有道明大出怒角水旱為災

按龜五星其最北一星亦在黃道南三十度強月五星皆不及犯

彗字客星見龜

宋史天文志客星入龜星為水憂

觀象玩占客星入龜星小憂無傷倉粟發出之珠玉貴若守之則上下乖離

天文會通彗星掃龜星有兵變 彗星出龜星兵起不爾

大水 客星犯龜星陽則為旱犯陰則水入中央其下兵

起

流星出入龜

宋史天文志流星出龜星色赤黃為兵青黑為水各以其國言之

觀象玩占流星出龜星卻萌日色青黑所之國水色黃赤
所之國旱

欽定天文正義卷二十八

算宿占

天文會通流星犯龜星河防決

雲氣出入龜

宋史天文志赤雲氣出龜星卜祝官憂

天文會通黑雲氣干犯龜星大水蒼白氣入之兵起

箕宿占

史記天官書箕為教客曰口舌索隱宋均云教調弄也箕以簸揚調弄為象箕又受物有去去來來客之象也詩云維南有箕載翕其舌又緯緯云箕為天口主出氣是箕有舌象說言故詩曰哆兮侈兮成是南箕謂為教客行請謁也正義箕主八風亦后妃之府也移徙入河國人相食宋史天文志箕宿四星為後宮妃后之府亦曰天津一曰天雞主八風又主口舌主蠻夷星明大穀熟不正為兵難徙天下不安中星眾亦然雜貴凡日月宿在箕壁翼軫者皆為風起吉動三日有大風

觀象玩占箕四星曰天津一曰天漢主津梁一曰風口一曰風星主八風一曰孤星主孤格一曰天雞主時亦曰天陣金星也又為女相主口舌又曰天后後宮之別府也其北六尺為日月五星中道又主蠻夷戎貊四夷將動必占於箕箕星明大則五穀蕃熟讒說不用四夷來庭暗小不明則君違國亂四夷不服內外有悞動則蠻夷有使來并則大風為且有口舌相殺事就聚細微則歲凶粟貴其中小星少亦如之箕前二星謂之天舌芒動則有大風不出三日

管窺輯要尾而受之以箕示婦道也字書云女執帚為婦

周禮春枕皆掌於女奚箕承帚掃除糞穢又為簸揚五穀之器木杵主春而糠者穀粒也箕止糠杵二星屬之可以知婦無外事矣天子后妃之寢殿於此者嗣續無窮之意東方屬春產萬物者也故太子謂之東宮又主太子問安視膳以孝養其親也亦謂天津以其近河也故主高麗諸國箕星好風蓋東方主風此星簸揚故主八風凡日月水曜箕則風起正義云土氣為風水氣為雨木克土為妃故箕星好風是尚妃之所好也蓋風為土之沖氣而木克之則飛騰之象應之是以好風

月五星犯箕宿

史記正義月宿其野為風起 金火入守箕宿天下亂 晉書天文志月犯箕占曰國有憂又曰國有兵 宋史天文志月犯箕多風雜貴為旱女主憂君將按隋志作將軍 死後宮干政 熒惑犯箕地動入為旱出則有赦久守為水逆行諸侯相謀 太白犯箕女主喜入則有赦出為土功雜貴守之為旱為風民疾出入留箕五穀不登多蝗 觀象玩占月犯箕有境臣君臣不和 熒惑犯箕后妃有憂郝萌曰天下國相擊男不得耕女不得織牛馬死火來箕非夷大飢來降火入箕中天下亂民莫居其室春秋緯曰兵起荊州占后族有口舌事一曰倉粟發一曰盜起人

多闕死又曰歲凶乙巳占火入箕大旱穀貴又曰火入箕中若守之天下兵起吏人相攻士卒半死人民流亡又曰國失地火守箕郝萌曰有赦黃帝占火守箕左歲惡天下勞其分君有疾國有內變甘氏曰火入守及環繞成勾已大臣誅有水且旱孝經緩神契火守箕多土功霜雨不時郝萌曰貴臣亂國政急地動又曰胡貉有憂又曰火守箕前其國惡守箕後糴貴三倍火以十月守箕海中占曰是謂火入水民飢火舍箕郝萌曰用事者坐之火留止箕口中若有兵器無兵起火入箕去復還守之巫咸曰大臣亂國土功興貴人死大水道不通 太白犯箕石氏曰天下飢一曰王者失地一曰後宮有喜金守箕兵起巫咸曰多土功民疾疫海中占曰有兵郝萌曰歲多水金守箕口民多誹謗太白逆行箕成勾已石氏曰大臣為亂兵起天下憂金火相隨而變火舍天門西金舍天津中人主無出門若之遠宮

天文會通月至箕則風揚月在箕有變則有暴風雨月倚箕前則歲旱倚箕後則歲水 火星守箕燕王有疾一曰貴人多病若十月守箕天下火 金星經天犯箕中其國有女喪亦曰後宮有急兵起又曰其野有暴兵若守本色犯箕其國有廢后亦曰有暴貴暴

點頰御金星犯守箕環繞成勾已禁衛有陰謀

按箕宿四星第一星在黃道南七度弱第三星在黃道南六度半日與火金二星及犯之木土水三星不及犯第三星在黃道南十一度第四星在黃道南十三度強月五星皆不及犯觀象玩占謂其北六尺為日月五星中道蓋指第二星而言也

彗孛客星見箕宿

宋史天文志彗星犯守箕東夷自滅出則為旱為兵北方亂 孛星犯箕為外夷亂糴貴守之外夷災出為穀貴民死流亡春夏犯之金玉貴秋冬土功興入則多風雨色黃外夷來貢 客星入犯箕有土功宮女不安民流守之為饑色亦為兵守其北小熱東大熱南小饑西大饑出其分民飢大臣有棄者一云守之秋冬水災 觀象玩占彗孛出箕大水出人大飢一曰夷狄入中國兵起且有旱海中占曰天下多死喪詩含神霧曰彗孛出箕若守之東夷下濕與水居將為亂 客星出箕民飢一曰出箕南旱出箕北水客星入箕天下飢一曰北夷飢來降荆州占多暴風雨客星守箕工役大興 天文會通彗出箕穀貴夷狄有亂若出箕中其野有亂兵亦主燕趙有更王入箕中其國有革政亦曰有新令彗本

在箕芒角奄前二星不見者后妃有疾貴女惡之彗星掃箕其下有廢后亦主有女喪彗星犯守箕四夷相攻大旱兵起 孛星守箕東夷水災星守於箕中其野有大寇掠良民不利主將亦主大旱星守於箕燕趙旱色青飢色赤後宮災色白急兵色黑大水糴貴色黃則吉主中外通和好 客星出箕中色青白者其野有急兵有死將客星入箕外國有使來客星守箕中奄前相不見女相有憂亦曰內謀通外奸宮中有變

流星出入箕宿

觀象玩占流星出箕宮人有出者一曰大臣有棄捐者流

星入箕多暴風雨若色黃外國入貢流星犯箕春夏金玉貴秋冬土功興流星交對箕多疾病口舌流星大如斗沒箕中其下有流血

天文會通流星出箕中主其野兵出先舉者不利流星入箕若色黃大臣出使流星抵觸箕色蒼白主寇起燕趙色青赤主嬪御有憂入抵箕中其國有死將亦主東夷起兵雲氣出入箕宿

宋史天文志雲氣出箕色蒼白國災除入則蠻夷來見出而色黃有使者出 觀象玩占黃白雲氣入箕蠻夷有使來蒼白雲氣入箕其

國有災出之災除黃白雲氣出箕天子使者出一曰宮中美人有出者赤雲氣出箕兵出入之兵入

糠

宋史天文志糠一星在箕舌前杵西北明則豐熟暗則民飢流亡

觀象玩占糠一星主簸揚給犬豕糠粃

天文會通糠一星主歲之豐凶每以歲首上甲日及冬至日候之明則歲豐暗則歲飢黃潤而明則五穀登人安天下和平明大出怒角天下荒歉

月五星犯糠

天文會通月犯糠星年穀不登民有菜色 火星入糠星大旱五穀不登

按糠一星在黃道南六度半月與火金二星及犯之本土水三星不及犯

彗孛客星見糠

天文會通彗星掃糠星人民飢荒散徙 星孛糠星斗米十錢民糠粃 客星守糠星天下饑其國流亡

流星出入糠

天文會通流星干犯糠星歲飢

雲氣出入糠

欽定天文正義卷二十九

天文會通黑雲氣入糠星天下無糧黑氣奄糠星米貴黃
金賤黃氣入之天下大熟白氣入之兵起有喪

斗宿占

杵

宋史天文志杵三星在箕南主給庖春動則人失釜甑縱
則豐橫則大飢亡則歲荒移徙則人失業

觀象玩占杵三星木官也主春曰之用星小而明則五穀
成天下安不明則歲惡明而動則有兵杵曰用事軍糧急
天文會通杵三星主歲之豐歉

按杵三星其最北一星亦在黃道南二十三度月五星
皆不及犯

彗字客星見杵

宋史天文志彗字犯杵有急兵 客星犯守杵歲飢

觀象玩占彗字出杵歲飢兵起 客星出杵而守之天下
兵起有稅米粟之事

天文會通彗星掃杵星飢民為寇 星字杵星中民窮為
盜 客星犯杵星穀大貴

流星出入杵

觀象玩占流星入杵五穀貴杵不用
天文會通流星抵觸杵星盜賊為亂

斗宿占

史記天官書南斗為廟其北建星正義南斗六星在南也斗建之間七曜之道亦主旗輅占動搖則人勞不然則不

宋史天文志北方南斗六星天之賞祿府主天子壽算為宰相爵祿之位傳曰天廟也丞相太宰之位褒賢進士稟受爵祿又主兵一曰天機南二星魁天梁也中央二星天相也北二星天府廷也又曰南星者魁星也北星杓也第一星曰北亭一曰天關一曰鐵鎖石申曰魁第一主吳二會稽三丹陽四豫章五廬江六九江星明盛則王道和平帝王長齡將相同心不明則大小失次芒角動搖國失忠臣兵起民愁

觀象玩占南斗六星曰天廟一曰天邱一曰天關一曰天機一曰天府一曰天庫一曰天同元龜之首木星也日月五星貫之為中道主酌量政事其南首二星曰魁為天庫又為天梁主兵中二星為天相主爵祿北尾二星曰杓為天府主壽命斗北大星亦曰天關天子之正旗也土官也六星欲其均明明盛則君臣同心天下安寧爵祿不替風雨順時人主壽康五穀蕃昌暗小則天下不安芒角動搖則忠臣失勢天下愁怨變色失常則陰陽不調宰相憂之

月五星犯斗宿

漢書天文志水火合於斗占曰為淬不可舉事用兵必受其

殃一曰為北軍用兵舉事大敗斗吳也又為粵

後漢書天文志金入斗口中為大將死又曰為貴相凶斗為貴相為揚州熒惑犯入之為兵喪

晉書天文志太白犯斗國有兵大臣有反者又曰為喪天下受爵祿太白晝見在斗占曰吳有兵喪熒惑入南斗占曰宰相死兵起月入南斗占曰有兵月犯南斗第五星占曰將軍死近臣去

隋書天文志熒惑守南斗占曰糴貴五穀不成大旱多火災吳越有憂熒惑出入留舍南斗中有賊臣謀反月入南斗大人憂

唐書天文志太白入南斗有赦辰星入南斗魁中占曰大赦

宋史天文志月犯斗將臣黜風雨不時大臣誅一歲三入大赦又占入為女主憂趙魏有兵色惡相死歲星犯斗有赦久守水災殺責守及百日兵用大臣死熒惑犯斗有赦破軍殺將火災入二十日糴貴四十日有德令守之為兵盜久守災甚出斗上行天下憂不行臣憂入內外有謀填星犯斗為亂入則失地逆行地動出入留二十日有喪守之大臣叛又占逆行先水後旱守之國多義士太白犯斗有兵臣叛留守之破軍殺將與火俱入曰燦臣子為逆久則禍大

辰星犯斗水穀不成有兵守之兵喪

觀象玩占月入南斗大臣失位荆州占吳越有災期不出三年陳卓曰兵起大赦月入斗魁中大人憂宮中有賊黃帝占月以四月十月入斗中天下大赦近期六十日中六月遠一年月宿斗有風雨歲星守南斗吳越有福其歲大豐守之六十日臣有增爵祿者木犯南斗春秋合誠圖曰大臣有逆謀歲飢木入南斗荆州占曰有大水陳卓曰歲旱卿相有憂一曰絲麻賤木經南斗吳國大稔木逆行入南斗陳卓曰有亡國春秋感精符曰大臣為逆木出入留舍南斗大飢若有兵來伐其國則客軍大敗歲星居南斗海中占曰五穀以旱傷居其北不利小兒一曰牛多死居其西歲多飢傷居其南人多病寒熱居其東馬多死一曰歲星居南斗北其歲早水晚旱熒惑守南斗國有憂相不安兵起黃帝占有亡國失地又曰穀出若有諸侯客來見天子者一曰雜貴一曰吳越有憂五行傳曰為亂為賊為喪為兵守之久海中占曰旱多火災郝萌曰大人憂有赦一曰五穀不成地動嬰兒多死關梁不通有廢臣乙巳占曰火守斗二十日有大赦又曰宰相出已去而復還守之宰相死火以十月守南斗三十日民介胃火犯南斗海中占曰有反臣丞相有事火入南斗郝萌曰國飢火逆行南斗土工與火出入留舍斗魁中天下起兵火

舍斗西木果不實舍斗東大戰填星入斗中郝萌曰天下受爵祿春秋聖洽符曰填星入斗口而守之人皆其主天下壅蔽荆州占曰將軍戮司馬彪天文志曰貴臣將相死或曰外國有使來見土守南斗王者封賞諸侯土官有受賜者郝萌曰地裂山崩有大赦荆州占曰大臣逆姦人謀在陽田宅貴在陰田宅賤一曰大臣有黜者一曰有暴水至土出南斗兵起西方若西南方土居南斗河戎間郝萌曰道路不通太白守南斗黃帝占曰大人當之國易政一曰所守之國凶一曰將戮一曰夷狄內侵有兵戰太白犯斗小人在位一曰有喪太白犯斗而守之國有兵事大臣有反者誅死太白入斗石氏曰大人守禦有兵在外罷太白入犯南斗已去復還守之有兵戰將死一曰大臣反名士憂金火同入南斗臣子為逆久留則禍遲而事久去速則禍速而易平辰星守南斗水災郝萌曰有兵陳卓曰五穀傷歟洪範傳曰其國不可舉事用兵必受其殃石氏曰辰星守斗在北民凍死在西狼虎入邑在南狗多死在東女子多死甘氏曰辰星守斗角動而青黑色天下大水橋梁不通辰星犯南斗其分有災辰星入犯斗而留守之有兵大戰破軍殺將

天文會通木星在斗則君賞賜木星經南斗其色光潤明大其國有福豐稔如有變則其分有憂木守南斗大臣受封木

星居南斗俱明天下有年五禮興若既去而復還居之久不易其色常光明者天下同心 火逆行斗天下驚火逆行三芒入南斗中其下國主惡之 金星入南斗外國有使來見 一曰將相有黜者

按斗宿六星第一星在黃道南四度弱月與火金水三星及犯之木土二星不及犯第二星在黃道南二度第三星在黃道北二度強月五星皆及犯之第四星在黃道南三度半弱惟木星不及犯第五星在黃道南五度第六星在黃道南七度強月與火金二星及犯之木土水三星不及犯觀象玩占謂日月五星貫之為中道蓋謂斗六星一星

在黃道北五星在黃道南七曜皆能經其中也

彗孛客星見斗宿

漢書天文志客星大如瓜色青白在南斗占曰為水飢

唐書天文志有星孛於斗牛占曰越有自立者

宋史天文志彗星犯斗國主憂出則其分有謀又為水災官中火下謀上有亂兵入則為火大臣叛 孛犯入斗下謀上有亂兵出則為兵為疾國憂 客星犯南斗兵起國亂入則諸侯相攻多盜大旱官廟火穀貴七日不去有赦 觀象玩占彗星出南斗甘氏曰大臣反兵水並起天文錄國主憂 彗孛犯斗主爵祿臣憂王者疾上下無禮諸侯不通

大亂兵起一曰吳越兵起有自立者三年而滅一曰吳越有大水 客星守南斗大水盜賊起國有喪郝萌曰諸侯有謀工役興軍士走一曰大旱人疲土官憂文曜鈞曰客星守斗五十日巨謀主大兵起色青白大水色赤大將戰死客星出斗石氏曰天子使人於諸侯色青憂事赤兵事黃土功事白義事黑凶事又曰天下亂關梁不通客星入南斗石氏曰諸侯有來見天子者以五色言其事陳卓曰穀不登人相殺黃帝占曰客星入斗中三日不去道路不通貴人受殃外兵殺傷外國來而不降

天文會通彗星若滅斗其國主亡若星明反臣殃 星孛於南斗其國大飢星孛南斗中大臣奪主柄孛星犯守斗人主憂大臣災易政更令 客星入南斗外國來降赤白星出魁中將死宮室兵起

流星出入斗宿

宋史天文志流星入斗蠻夷來貢犯之宰相憂在春天子壽夏為水秋則相黜冬大臣逆色赤而出斗者大臣死 觀象玩占流星入南斗穀貴民勞一曰外國有使來色赤言兵黃言土功白言義青言憂黑言死喪事流星出斗天子使出以色占其事以星所抵之宿占其所之之國流星從南斗起入北斗有赦

雲氣出入斗宿

宋史天文志雲氣入斗蒼白多風赤旱出有兵起言廟火入有雨赤氣兵黑主病

觀象玩占赤雲氣入南斗兵起如波揚大旱多火災黃白雲

氣入斗諸侯來見天子不則有使者來貢出斗天子使人於諸侯

天文會通白雲氣入南斗有雨五色氣奄斗吳地有兵

鼈

宋史天文志鼈十四星在南斗南主水族不居漢中川有易者

觀象玩占鼈十四星在南斗南水蟲也常居漢中星微而不

明則雨澤時天下和不居漢中則陰陽不和天下旱且有水災

天文會通鼈十四星司水火雨暘屬太陰星不欲明明則有

水患河防決

按鼈古謂十四星今只十一星其最北一星亦在黃道南

十四度強月五星皆不及犯

彗孛客星見鼈

宋史天文志客星守鼈為水

觀象玩占客星守鼈有白衣之會犯之有水一曰有水令

天文會通彗本出鼈其下有屠城 星孛鼈星其下有白衣

之會亦曰有兵火暴起 客星光芒奄鼈星暴水至又曰急兵至

流星出入鼈

觀象玩占流星入鼈國有大水出之色青黑大水赤黃大旱視其所以命地犯衝鼈星水蟲死魚大貴

天文會通流星奄犯鼈星外寇入境

雲氣出入鼈

天文會通蒼白氣犯鼈星有水患青氣奄之水怪出赤氣奄之大水暴至白氣犯之有兵亦主有賊

天淵

宋史天文志天淵十星一曰天池一曰天泉一曰天海在鼈星東南九坎間又名太陰主灌溉溝渠

觀象玩占天淵十星主海中魚鼈

天文會通天淵十星明大出怒角則洪水泛溢守常則吉

按天淵古謂十星今只三星其最北一星亦在黃道南十

八度強月五星皆不及犯

彗孛客星見天淵

宋史天文志客星入天淵海魚出 彗星守之川溢傷人

觀象玩占彗孛犯守天淵百川流溢人多徒死 客星守天

淵地動水出

天文會通彗星出天淵洪水入都市 星孛於天淵國憂水

荒一曰江淮河濟有兵變 客星犯天淵河津不通舟楫阻

流星出入天淵

觀象玩占流星犯天淵大水出天淵色青黑所之地大水色

赤黃所之地大旱

天文會通流星抵天淵有水賊蒼白色大如瓜犯天淵兵起

水官被黜

雲氣出入天淵

天文會通黑雲氣入犯天淵大水赤雲氣出入天淵大旱人

飢白雲氣入天淵有兵兵止無兵兵起黃雲氣往來於天淵

天官受賞賜或進秩

狗

宋史天文志天狗二星在南斗魁前主吠守以不居常處為

災

觀象玩占狗二星守禦星失其常所戒在守禦之臣

天文會通狗二星主守禦防奸之職星明為守常則吉暗則

凶

月五星犯狗

宋史天文志熒惑犯天狗為旱

觀象玩占熒惑舍狗星旱災羣狗鳴天下驚 太白守狗星 守衛之臣作亂

天文會通月犯狗星將相誅戮月星暈狗星陰人為奸 五 星犯守狗星姦臣得志

按狗二星第一星在黃道南三度月與木火金水四星及 犯之第二星在黃道南二度半弱月五星皆及犯之

彗孛客星見狗

宋史天文志客星入天狗多土功北邊飢守之守禦之臣作

亂

天文會通彗孛犯狗星外兵作亂內寇不消光芒及尋夫則

內有侵凌之患 客星犯狗星有芒角闕梁失守外侮不禦

流星出入狗

天文會通流星抵觸狗星其野有急兵色黃殃淺餘色皆凶

雲氣出入狗

天文會通白氣奄狗星其野兵暴至赤氣環繞狗星其國武

庫有火災青氣閉狗星外寇內侵黑氣掩狗星內禁不除失

守禦

建星

史記天官書建星者旗也

宋史天文志建六星在南斗魁東北臨黃道一日天旗天之

都關為謀事為天鼓為天馬南二星天庫也中二星市也鐵
鎖也上二星為旗跗斗建之間三光道也主司七曜行度得
失十一月甲子天正冬至大歷所起宿也星動人勞役
觀象玩占建六星巫咸曰土官也為天之府庭斗建之間三
光之道陰陽終始之門七政所起其星均明則大臣忠王者
得天心不明則忠臣不用動搖則民勞

天文會通天建六星主建都邑定謀作事

月五星犯建星

隋書天文志月犯建星占曰大人惡之 歲星掩建星占曰
有反臣

宋史天文志月犯建星臣更天子法奄之有降兵 月暈大
將死五穀不成蛟龍見牛馬疫月與五星犯之大臣相譖有
謀亦為闕梁不通大水 歲星守為旱雜貴死者眾諸侯有
謀入則有兵 熒惑守之臣有黜者諸侯有謀雜貴入則闕
梁不通馬貴守旗跗三十日有兵 填星守之王者有謀

太白守外國使來 辰星守為水災米貴多病

觀象玩占月犯建星易相 木星守建星都萌曰天下多暴
貴一日牛貴一日貴人多死 火星守建星貴人死宰相憂
一日旱一日有兵一日有叛臣石氏曰色赤大旱民流色青
黑有水犯建星上下相疑兵起都萌曰嬰兒多死 土星守

建星居其陽田宅賤居其陰田宅貴 太白入建星兵起闕
梁不通

天文會通月犯建星謀臣坐法月暈建星若內白外赤人民
災 木星犯建星大臣惡之 火星干建星臣下有離心

土星犯建星其國興土功以勞民 金星犯建星其野有兵
喪 水星犯建星其國有女喪

按建星六星第一星在黃道北一度半強第二星在黃道
北一度弱第三星在黃道北一度半月五星皆及犯之第
四星在黃道北三度強月與火土金水四星及犯之第五
星在黃道北四度強月與火金水三星及犯之第六星在

黃道北六度強月與金星及犯之餘不及犯

彗孛客星見建星

宋史天文志彗孛客星犯建星王失道忠臣黜 客星守之
道路不通多盜

觀象玩占彗孛出建星多盜賊道路不通有大兵 客星犯
建星忠言者誅賢士逃亡出建星有兵在外戰海中占曰君
臣不和入建星年穀熟又曰水大出橋梁不通

天文會通彗星掃建星光芒可大所其野有大臣不順王命
守建星將軍出行 孛星犯建星其野亡君一日有革政彗
孛犯守建星大臣相譖朝廷失政水旱俱興 客星犯建星

姦臣在位客星大如斗器色蒼白如粉絮犯建星其國有刺
客入境

流星出入建星

宋史天文志流星入建星下有謀

觀象玩占流星入建星關梁不通多盜賊

天文會通流星犯建星其野大臣以事被斥

雲氣出入建星

天文會通黑雲氣犯建星其野有坐事臣白雲氣如馬奔犯

建星其兵野有兵變白雲氣如兵器犯建星其國有死臣黃

氣如蓋覆建星上朝廷尊天下治

天弁

宋史天文志天弁九星在建星北市官之長主列肆闡闡市

籍之事以知市珍也明盛則萬物昌不明雜貴

觀象玩占天弁九星入河中主商賈賦稅明大則市中物盛

不明則萬物衰耗

天文會通天弁九星主天市

按天弁九星其最南一星亦在黃道北十四度月五星皆

不及犯

彗孛客星見天弁

宋史天文志彗孛犯天弁雜貴久守之囚徒起兵

觀象玩占彗孛出天弁寶玉大貴穀貴國大飢 客星犯天
弁若出之囚徒起兵五穀大貴

天文會通彗星尾掃天弁其國空都市 星孛於天弁商旅

為盜 客星干犯天弁商賈不行道路梗塞列肆空虛抵天

弁外商懷奸入都市出天弁富商去國百姓流離

流星出入天弁

觀象玩占流星入天弁雜貴人飢若犯抵之兵起

天文會通流星干犯天弁外國大賈入境色黃有懷奇珍色

白隱然有聲如雷其賈懷匿謀以伺國事抵觸天弁其國列

肆無人亦曰有火災

雲氣出入天弁

天文會通黑雲氣如人持天弁其國列肆有大水黃雲氣如

飛鳥集天弁其國多奇貨一日國大富青雲氣如獸狀其野

大荒歉赤雲如火燒天弁其國大旱白氣如劍戟列肆有急

兵

天雞

宋史天文志天雞二星在牛西一在狗國上主異鳥一日主

候時

觀象玩占天雞二星動移失常則多大水

天文會通天雞二星主察時令伺晨昏乃司晨之職也星不

如常雞多夜鳴星明潤四時序明大出怒角則兵起

月五星犯天雞

宋史天文志熒惑舍天雞為旱雞多夜鳴 太白熒惑犯之為兵 填星犯之民流亡

天文會通木星水星犯天雞異鳥集於京師 金火犯之兵火為災

按天雞二星第一星在黃道北五度強月與火金二星及犯之木土水三星不及犯第二星在黃道北一度半月五星皆及犯之

彗孛容星見天雞

宋史天文志容星犯天雞水旱失時入為大水

觀象玩占彗孛出天雞雨暘失節水旱不時 容星入天雞

西北夷來降守之大水山摧都萌曰雞夜鳴天下驚

天文會通彗星如帚掃天雞其國有內變 星孛天雞其野有兵彗孛犯守之天下荒 容星犯天雞其國有異政百姓嗟怨

流星出入天雞

觀象玩占流星犯天雞兵起方伯

天文會通流星抵觸天雞外兵內侵

雲氣出入天雞

天文會通黑雲氣犯天雞冬多水災青雲氣入之春令雜貴赤雲氣入之夏多旱亦主兵起黃雲出入天雞上下往來曰覆其國多喜事四時之氣不傷歲穰民悅豫

狗國

宋史天文志狗國四星在建星東南主三韓鮮卑烏桓獫狁沃沮之屬星不具天下有盜不明則安明則邊寇起

月五星犯狗國

宋史天文志月犯狗國烏桓鮮卑國亂 熒惑守之外夷兵起 太白守之鮮卑受攻

觀象玩占火星犯狗國東夷兵起 太白犯守狗國荊州占

曰太白順行天子出兵伐鮮卑烏桓太白逆行則其國為寇

亂

天文會通火星成句已於狗國其野有死君 金星守狗國守衛之臣作亂

按狗國四星其最北一星在黃道南五度半其最南一星在黃道南七度月與火金二星及犯之木土水三星不及犯

彗孛容星見狗國

宋史天文志容星守狗國其王來中國

觀象玩占容星狗犯守狗國有大兵入之夷人貢奇物一曰

客星犯之有大盜

天文會通彗星干犯狗國外夷有更王 星孛於狗國夷狄之君受殃

流星出入狗國

天文會通流星干犯狗國主中國出師問罪夷狄出狗國主夷狄遣使入中國

雲氣出入狗國

天文會通黃雲氣入狗國外服順命黑雲氣入之夷兵寇邊青赤雲氣如臺如殿在狗國中外夷有自立侯王白雲氣如劍加狗國外夷寇邊以擾中土

天籥

宋史天文志天籥八星在南斗杓第二星西主開閉門戶明則吉不備則闕籥無禁

天文會通天籥八星主天子宮禁闕籥司啟閉者也

月五星犯天籥

天文會通六曜入犯天籥官禁憂災

按天籥八曜星第一星至第六星在黃道南北二度內月五星皆及犯之第七星在黃道南三度弱月與土火金水四星及犯之第八星在黃道南四度半弱月與火金水三星及犯之餘不及犯

彗孛客星見天籥

宋史天文志客星彗星守天籥闕梁閉塞

天文會通彗星掃天籥其國有兵一曰邊寇犯塞 星孛天籥其野有殃一曰為兵亂 客星守天籥盜賊梗路

流星出入天籥

天文會通流星抵觸天籥外奸通內謀

雲氣出入天籥

天文會通黑雲^氣入天籥盜起白氣入之禁兵為亂黃氣入之闕梁通赤氣入之禁度有火災

農丈人

宋史天文志農丈人一星在南斗西南老農主稼穡者又主

先農農正官星明歲豐暗則民失業移徙歲飢

按農丈人一星在黃道南十二度半月五星皆不及犯

彗孛客星見農丈人

宋史天文志客星彗星守農丈人民失耕歲荒

觀象玩占彗孛客星守犯農丈人天下不耕

天文會通彗星掃農丈人耕桑失時民飢 星孛農丈人天下凶荒農人失業 客星犯農丈人五穀不登

流星出入農丈人

天文會通流星抵觸農丈人田畷失職

續修四庫全書 子部 天文算法類

一五四

雲氣出入農丈人

欽定天文正義卷三十

天文會通黑雲氣干犯農丈人天下潦米貴黃氣入之天下
大熱赤氣入之大旱白氣入之農夫執干戈

牛宿占

牛宿占

史記天官書牽牛為犧牲正義牽牛亦為闕梁其北二星一曰即路一曰聚火又上一星主道路次二星主闕梁次三星主南越占明大闕梁通不通天下牛疫死移入漢中天下乃亂也

宋史天文志牛宿六星天之闕梁主犧牲事明大則王道昌闕梁通牛貴怒則馬貴動則牛災多死始出而色黃大豆賤赤則豆有蟲青則大豆貴星直耀賤曲則貴

觀象玩占牛六星曰牽牛一曰天鼓木星也陽氣始于牽牛日月五星常貫之為中道中央大星七政之始七曜之行起

于此其上二星一曰即路一曰聚火主道路次二星主闕梁次三星主南越其中大星主牛牛星明大則王道昌闕梁通天下寧不明則五穀不成牛多災其小星大明則牛貴小而明則牛賤色怒則馬貴

天文會通牽牛六星明大則牛貴細微不明牛賤又曰星不欲明大而貴明潤貴光澤而不喜出怒角若星明潤而光澤則天下和平年穀豐登星光浮而數動搖其野闕梁不通過路多阻亦主南越有小兵

月五星犯牛宿

晉書天文志月犯牽牛中央星占曰大將憂月犯牽牛宿月

掩牽牛南星占曰左將軍死又曰天下有大謀

隋書天文志月犯牽牛吳越之野占曰其國君有憂

唐書天文志太白犯牽牛占曰將軍凶

宋史天文志月犯牽牛有水牛多死其國有憂歲星入犯

牛則諸侯失期留守則牛多疫五穀傷在牛東不利小兒西

主風雪北為民流逆行宮中有火居三十日至九十日天下

和平道德明正熒惑犯牛諸侯多疾臣謀主守則穀不成

兵起入或出守其南敵填星犯牛有土攻守之雨雪民人

牛馬病太白犯牽牛諸侯不通守則國有兵起入則為兵

謀人多死辰星犯牛敗軍移將臣謀主

觀象玩占月犯牛牛疫馬牛羊暴貴犧牲之官憂將軍奔道

路阻闕梁塞穀貴大國憂月乘牛天下有水人相棄于道一

曰兵起馬多死武密占曰犧牲傷歲星守牽牛天下和平

石氏曰守之三十日至九十日四夷來朝海中占木守牛米

貴三月乃復正咸曰馬災五穀多傷一曰陰陽不和農人死

野陳卓曰木守牛南五穀以早傷守牛東萬物不成人流止

六畜多疫死牛為甚大臣有謀事守牛北人多凍死守牛西

地氣發洩歲多水天文論木守牛光明潤澤則粵人來貢木

犯牛而留守之有兵戰一曰牛多死木入牛荊州占曰歲多

水虎狼害人又多寒一曰民飢貴人小兒多死木經牽牛筋

革貴木逆行牛火災木逆行犯守牛環繞句己之水災道路不通 熒惑守牽牛牛貴人飢兵起將軍死大水津梁不通 黃帝占曰民為亂貴人多死巫咸曰多火災牛大疫海中占 曰早一日有急行一日有犧牲之事都萌曰火以十月守牛 六十日兵大起一日越王死米大貴火犯牛甘氏曰諸侯將 兵人飢國亂大人憂之火犯牛而守之有破軍殺將火出入 留舍牛居其陽無咎居其陰為憂海中占曰春旱秋水 填 星守牽牛在陽田宅賤在陰田宅貴都萌曰土守天關氣洩 貴人多死穀貴春秋合誠圖曰大人有疾牛馬疫海中占兵 起夏寒人疾又曰山崩地震冬雷陳卓曰鹽貴土乘牛天下 大水兵起土入牛天下牛車大動一日有盜賊土出入留舍 牛有失地之君土犯牛天下工役興犯牛而守之甘氏曰有 兵戰破軍殺將 太白守牛土氣洩有兵人多死黃帝占曰 吳越兵起牛多死十日不下牛大貴石氏曰有急令海中占 有大赦巫咸曰五穀不成兵革起人多妖言甘氏曰將為亂 大人憂國易政一日闕梁不通石氏曰太白守牛北民流亡 守其西虎狼入邑守其南多狂狗守其東嬰兒多死又曰金 入牛而守之將軍失眾民飢金犯牛海中占有兵金犯牛而 守之有破軍殺將 水守牛湧水為敗守之久牛多死一日 人既有凍死者一日虎狼害人巫咸曰五穀不成一日牛疫

犧牲死海中占曰大水民棲邱陵齊燕尤甚都萌曰人流凶 荆州占闕梁不通水犯牛有敗軍將為亂貴人死民多死喪 水乘牛大水大飢

天文會通張平子通例曰月犯牽牛主犧牲事月犯牛中央 大星犧牲暴貴凌乘者多疫犯上星闕梁不通亦主大將犯 下星主南越受禍月倚牽牛前則歲大旱月倚牽牛後則歲 大水 火星犯守牛宿諸侯多感火逆行守牛則有老臣叛 牛貴 土星順度守牽牛其分多忠臣義士有赦天下有急 令守牛太南大臣惡之守牛太北庶人多憂患土逆行守牛 賊臣謀主有失土之君土逆行犯牽牛中央大星其野有兵 憂亦曰有兵叛主又曰有強臣 金星逆行牽牛及留守之 久而不去者其國大人憂亦曰國失賢將 水星犯牽牛順 行五穀小登水星乘牛有犧牲之事逆行犯牽牛其國大水 毀城邑溺人民未稼為魚解水星逆行守牛久而不去大臣 有陰謀入守中央大星其國大人有憂亦曰南越有奇禍 按牛宿六星第一星在黃道北四度半強月與火金二星 及犯之第二星在黃道北七度第三星在黃道北七度強 惟金星及犯之第四星五星六星在黃道北一度內外月 五星皆及犯之 觀象玩占謂日月五星常貫之為中道今測牛六星皆在

黃道北則太陽不能貫之月五星行至黃道北能貫之然
不得謂之為中道也

彗孛客星見牛宿

隋書天文志星孛於牽牛內不有大亂則外有大兵

宋史天文志彗星犯牛吳分兵起出為羅貴牛死 孛星犯
改元易號羅貴牛多死吳越兵起下當有自立者 客星犯
守牛宿牛馬貴越地起兵出牛多死地動馬貴

觀象玩占彗孛出牛天下有更改之事一曰四夷兵起人主
憂乘貴彗孛犯牛中國起兵吳越有亂人災彗孛行歷牽牛
其分國亡 客星守牛有兵石氏曰越人有獻犀象者一曰

水賊起甘氏曰赤星守牽牛民為亂客星犯牛石氏曰吳越
兵起有自立者客星入牛有諸侯之客來以四足為幣以色
言其吉凶大臣郝萌曰大臣外交諸侯其色赤黃白謀成青
黑敗乙巳占曰臣謀主五穀不登歲多水客星出牛兵起大
將出闕梁阻塞海中占人多死郝萌曰兵北行或曰諸侯有
反者

天文會通彗守牛北夷將死彗星如帚掃牽牛國君有憂若
彗本在中央南越受禍彗星拂牽牛國有兵喪彗星指牽牛
南二星光芒相奄者其國下謀上又曰政在強臣 孛星出
牛牛大貴或死又曰亮兵侵中國

流星出入牛宿

宋史天文志流星犯牛主欲改事春夏穀熟秋冬穀貴色黃
牛馬昌闕梁通

觀象玩占流星犯牛其地將死一曰大將出一曰有四足蟲
來一云水災流星出牛民流亡入牛色黑牛馬瘦色黃牛馬
昌闕梁通四夷入貢乙巳占赤流星入牽牛將受命出之將
軍出從星所之

雲氣出入牛宿

宋史天文志雲氣蒼白橫貫牛宿有兵喪赤亦為兵黃白氣
入牛蕃息黑則牛死

觀象玩占蒼白雲氣入牛牛多死出之則災消黃白雲氣入
牛諸侯有以四足蟲入貢者赤氣如波揚入牛有兵大戰牛
馬大損白氣入牛有兵喪

天田

宋史天文志天田九星在斗南一曰在牛東南天子畿內之
田其占與角北天田同

天文會通天田九星主農器星明則農耕以時微暗則農事
失節明則歲豐國富暗則水旱傷稼

月五星犯天田

觀象玩占火守天田旱五穀不成 太白出入天田郝萌曰

大水一曰五穀霜死

天文會通金星犯天田水旱相仍

按天田古謂九星今只四星第一星在黃道南十一度月

五星皆不及犯第二星在黃道南九度第三星在黃道南

八度惟金星及犯之第四星在黃道南七度月與火金二

星及犯之餘不及犯

彗孛客星見天田

容宋史天文志客星犯之天下憂 彗孛犯守農夫失業

觀象玩占客星入天下飢

天文會通彗星干犯天田王畿多饑殍 星孛天田天子自

將兵畿甸擾 客星犯守天田農人失所五穀大貴

流星出入天田

天文會通流星犯天田外國遣使貸粟出天田抵他舍天子

遣使出疆

雲氣出入天田

天文會通蒼白雲氣犯天田王畿兵起黑雲氣如人馬狀入

之外夷入寇

河鼓

史記天官書其北河鼓按其承上文指牽牛而言河鼓大星上將左右左

右將正義河鼓三星在牽牛北主軍鼓蓋天子三將軍中央

大星大將軍其南左星左將軍其北右星右將軍所以備關
梁而拒難也占明大光潤將軍吉動搖差矣戾亂兵起直將
有功曲則將失計也

宋史天文志河鼓三星在牽牛西北主天鼓蓋天子及將軍
鼓也一曰三鼓主天子三軍所以備關梁而拒難設守險阻
知謀徵也鼓欲正直而明色黃光澤將吉不正為兵憂星怒
則馬貴動則兵起曲則將失計奔勢有芒角將軍凶猛象也
動搖差戾亂兵起

觀象玩占河鼓三星一曰天鼓一曰三武一曰三將軍巫咸
曰金官也主軍鼓又主斧鉞主外關主軍喜怒芒角則將雄
猛石氏曰河鼓不正或變色皆為兵憂

按河鼓三星其最南一星亦在黃道北二十七度弱月五
星皆不及犯

彗孛客星見河鼓

宋史天文志彗星客星犯將軍被戮

觀象玩占彗孛出河鼓兵起大將旗鼓出入河鼓將有憂犯
之有死將以所中命之 客星出河鼓巫咸曰旗鼓大用穀
貴軍乏糧石氏曰大星出河鼓所之國將驚入河鼓三軍出
野黃帝占曰色赤有兵戰色黃軍安色蒼軍不用希萌曰赤
星入河鼓大將驚蒼憂黃更地黑入之將死守河鼓軍食絕

一書二山四身廣多日長三書五 1 之上下

將軍戰死

天文會通彗星如帚掃河鼓主將軍以失職被逐一日將軍
叛主 星守于河鼓大將有陰謀 客星犯河鼓主有刺客
入軍營于犯河鼓中央大星大將軍有陰謀一日大將擅軍
權

流星出入河鼓

宋史天文志流星犯諸侯作亂

觀象玩占流星入河鼓兵起大將出若抵之有死將以所中
命之郝萌曰大將失其旗鼓出河鼓石氏曰旗鼓出犯河鼓
乙巳占曰雷非時鳴水蟲死

天文會通流星于犯河鼓主大將舉兵討逆有星抵河鼓中

中央大星主將宜班師

雲氣出入河鼓

宋史天文志黃白雲氣入之天子喜赤為兵起出則戰勝黑
為將死青氣入之將憂出則禍除

觀象玩占蒼白氣入河鼓將有憂軍在外軍敗將死出之則
禍除黃白氣入之有以衆來降者出之將有喜

天文會通黃氣如人捧河鼓中央大星主天子以功賞大將
黑雲氣如人馬狀踐履河鼓其野有潰兵殺將白氣如兵器
狀加河鼓上主有囚將赤雲氣入河鼓主大將軍有火恐一

曰軍營有火災

左右旗

史記天官書東北曲十二星曰旗按東北承上文正義兩旗
謂鍵閉之東北者左旗九星在河鼓左也右旗九星在河鼓右也皆天之鼓
旗所以為旌表占欲其明大光潤將軍吉不然為兵憂不居
其所則津梁不通動搖則兵起

宋史天文志左旗九星在河鼓左旁右旗九星在牽牛北河
鼓西南天之鼓旗旌表也主聲音設險知敵謀旗星明大將
吉

觀象玩占左旗九星右旗九星明則旗幟出以其日占國慶
則軍政亂士卒相凌

按左旗九星其最南一星亦在黃道北三十四度右旗九
星其最南一星亦在黃道北十二度月五星皆不及犯

彗守客星見左右旗

觀象玩占彗守客星守犯左右旗將死兵在外者敗

天文會通彗守客星犯守左右旗兵革大起破軍殺將

流星出入左右旗

天文會通流星出左右旗則兵出入則兵入色黃兵將有功
雲氣出入左右旗

天文會通黑雲氣如人馬形奔左右旗其野有死將黃氣如

總在左右旗下其下有受賞大將青赤氣繞左右旗其國飢民為盜白雲氣出入左右旗其野有失勢將軍

織女

史記天官書其北織女按其承上文指婺女織女天女孫也集解徐廣曰孫一作名索隱荊州占云織女一名天女天子女也正義織女三星在河北天紀東天女也主果蓏絲帛珍寶占王者至孝于神明則三星俱明不然則暗而微天下女工廢明則理大星怒而角布帛踊貴

宋史天文志織女三星在市垣東北陶隱居曰常以十月朔至六七日晨見東方色赤精明者女工善星止兵起女子為

役織女足常向扶筐則吉不向則絲綿大貴

觀象玩占織女三星一曰東橋一曰天女天帝之女也主經緯布帛絲枲之事制衣裳成文繡天之水官也一曰大星為母后二小星為女子

按織女三星其最南一星亦在黃道北六十度強月五星皆不及犯

彗孛客星見織女

宋史天文志彗星犯后族憂 星孛則有女喪 客星入色青為飢赤為兵黃為旱白為喪黑為水 觀象玩占彗孛犯織女后族為亂貴女有誅者 客星犯織

女陳卓曰后族為亂入織女布帛五采貴天下旱守其南方貴東西北皆然荊州占曰有兵出織女宮人逃海中占有戮臣一曰貴女有誅者守織女石氏曰有嫁娶之事

天文會通彗星出織女女主干政亦曰外戚擅權 星孛織女女主有憂 客星犯織女絲綿貴亦內治不修 流星出入織女

後漢書天文志織女天之真女流星出之女主憂 宋史天文志流星入有水盜女主憂

觀象玩占流星犯衝織女女主不寧入之石氏曰有水出之有兵民流

天文會通流星大如椀抵織女天下女功不修

雲氣出入織女

宋史天文志雲氣入蒼白女子憂赤則為女子兵死色黃女有進者

觀象玩占蒼白雲氣入織女女主憂病出則禍除黑氣入女子多病死

天文會通白氣圍繞織女女不事絲枲青氣女功廢赤氣犯之國多不逞之女不事蠶桑蒼白氣遮掩女子災黃氣官女陞遷

漸臺

宋史天文志漸臺四星在織女東南臨水之臺也主晷漏律呂事明則陰陽調而律呂和不明則常漏不定

天文會通漸臺四星四方高曰臺下有水曰漸主晷漏律呂候陰陽之職

按漸臺四星其最南一星亦在黃道北五十五度月五星皆不及犯

彗孛客星見漸臺

宋史天文志客星彗星犯之陰陽反戾

觀象玩占彗孛客星犯漸臺陰陽舛逆

天文會通彗星犯漸臺其國變理者坐法 客星犯漸臺其

國大臣無變理功若雪白如粉絮五穀不熟大飢

流星出入漸臺

觀象玩占流星犯漸臺火災

天文會通流星犯漸臺陰陽失序國飢民死

雲氣出入漸臺

天文會通黃雲氣如飛鳥進漸臺旁其野得賢相論道經邦

變理陰陽人君端拱黑雲氣如獸狀奔漸臺主陰伏久雨百

川漲溢傷禾雜貴白雲氣出入漸臺其國有暴死貴人

輦道

宋史天文志輦道五星在織女西主王者遊戲之道漢輦道

通南北宮其象也

觀象玩占輦道五星動搖則天子戒出遊

天文會通輦道五星張衡曰輦道清塵而俟駕其星明大衛路通遠出怒角則天衛有逆謀

按輦道五星其最南一星亦在黃道北五十四度弱月五星皆不及犯

彗孛客星見輦道

觀象玩占彗孛出輦道御路中有伏兵宜戒改遊備不虞

天文會通彗星掃輦道御路兵起 星孛于輦道其國車騎

滿野 客星犯輦道刺客入禁庭一曰外奸通內謀

流星出入輦道

觀象玩占流星犯衝輦道天子出獵

天文會通流星犯輦道外兵入寇

雲氣出入輦道

天文會通黑雲氣入輦道外國起兵以寇中土白雲氣如鈎

戟犯輦道關津不通盜賊梗路青赤氣如猛獸犯輦道王者

慎出宮防陰謀之臣

九坎

宋史天文志九坎九星在牽牛南主溝渠導引泉原疏瀉盈

溢又主水旱星明為水災微小吉

觀象玩占九坎九星在天田南水官也主水旱之事星小而明則陰陽和川澤通流不明則百泉不通天下旱人飢

按九坎古謂九星今只四星其最南一星亦在黃道南二十一度強月五星皆不及犯

彗孛容星見九坎

宋史天文志容星入天下變

觀象玩占彗出九坎南大旱北大水 容星出九坎在陽為旱在陰為水

天文會通彗孛犯九坎其野有大水 容星犯九坎暴雨入

城邑

流星出入九坎

觀象玩占流星入九坎從南入早北入水

天文會通流星出九坎水傷五穀

雲氣出入九坎

宋史天文志雲氣入青為旱黑為水溢

觀象玩占赤雲氣入九坎天下大旱黑氣入大水

天文會通黃雲氣如人形扶九坎其國大穰蒼白雲氣入之其國有溺民

羅堰

宋史天文志羅堰三星在牽牛東拒馬也主隄塘壅蓄水源

以灌溉也星明大則水泛溢

觀象玩占羅堰三星主渠堰其星明大則大水為災

天文會通羅堰三星貴小明不喜明大明大動搖其野有暴雨入市井

按羅堰三星第一星在黃道北三度半弱第三星在黃道

南三度半弱月與火土金水四星及犯之第二星在黃道

北十六分月五星皆及犯之史志占書未載象占

彗孛容星見羅堰

天文會通彗星犯羅堰其國有水虞 星孛羅堰有水寇為

亂 容星犯羅堰其野有暴雨至灌溉民田若色白如粉絮

守五十日不去者其國江河暴決一曰有水寇

流星出入羅堰

天文會通流星抵觸羅堰有水賊入境有暴雨至

雲氣出入羅堰

天文會通黑雲氣犯羅堰國有水荒白雲氣如劍戟在羅堰

中有寇據水為亂黃雲氣如樓閣狀在羅堰上下國有喜一

曰水利興青雲氣入之國飢

天桴

宋史天文志天桴四星在牽牛東北橫列一曰在左旗端鼓

桴也主漏刻時暗則刻漏失時武密曰主桴鼓之用動搖則

軍鼓用

天文會通天桴四星明潤則天下偃武

按天桴四星其最南一星亦在黃道北十九度弱月五星皆不及犯

彗孛客星見天桴

宋史天文志客星犯之主刻漏失時

天文會通彗掃天桴不有叛軍必有亡國 星孛天桴中其

野有暴死主將 客星犯天桴軍鼓棄

流星出入天桴

天文會通流星犯天桴其野有盜亦曰有急兵

雲氣出入天桴

天文會通黃雲氣如蓋覆天桴將士有軍功餘色皆凶

欽定天文正義卷三十一

女宿占

女宿占

史記天官書：女，索隱爾雅云：須女謂之務女，或作嫠。正義：須女四星，亦嫠女。天少府也。南斗牽牛，須女皆為星紀。於辰在丑，越之分野，而斗牛為吳之分野也。須女賤妾之稱，婦職之卑者，主布帛，裁製嫁娶。

觀象玩占：女四星，曰須女，亦曰嫠女。一曰天女，一曰天少府。一曰臨官女，水星也。主布帛，為珍寶庫藏。其下九尺為日月五星中道，其星明則天下豐，女功就，府庫充，暗小則女功失。職府藏空虛，國用不足，郝萌曰：女星不明，則法令易。甘氏曰：女星動則天下有嫁娶事，須女又主麻，其色青則麻以蟲傷。天文會通：女四星明潤，則女功以絲枲為事，后親蠶以先女功不約而勸，星小不明，女功不修，布帛貴。一曰星明潤，則國多貞女，烈婦星光浮而數動，操及變色者，巫女以妖言惑眾。亦曰國尚妖言，以賤女為師巫，四星俱出，怒角賤妾有暴貴者，不見而小明，主布帛貴，婚姻不以時也。

太白犯女宿

史記正義：太白守須女，兵起。宋史天文志：太白犯須女，布帛貴，兵起，天下多寡女，留守，有女喪軍發。觀象玩占：太白守女，臣下謀上，兵起，天下多寡婦，府藏發，布

帛珍寶貴，巫咸曰：萬物不成，有嫁娶事。一曰起兵於內，太白入女中而守之，庫藏金帛珍寶出，太白出入留舍，女其國指木貴，三十日不下，兵起，太白逆行，守陵乘須女，大臣有疾，有女令。

天文會通：金星入女中，婦人多寡，民災，庫藏出金帛，金星出入女，其國有兵，臣有憂，金星經天，犯守女宿，其國有女喪。按女宿四星：第一星，第二星在黃道北八度，強惟金星及犯之，第三星，第四星在黃道北十一度，外月五星皆不及犯，觀象玩占，謂其下九尺為日月五星中道，蓋指其第一二星而言也。

彗孛客星見女宿

宋史天文志：彗星犯須女，兵起，女為亂，出為兵亂，有水災，米鹽貴。星孛於女，其分兵起，女為亂，有奇女來，進出入國有憂。客星犯須女，兵起，女人為亂，守之，宮人憂，諸侯有兵，江淮不通，糴貴。

觀象玩占：彗孛犯女，陳卓曰：有進奇女者，國以女亂，乙巳占曰：妾為后，國亂，黜之，則禍消。又曰：女主為政，將軍戮死，若以戰亡，期不出三年，彗孛出女，有水災，鹽米大貴，入女，其國憂，蠶麻不成。客星犯女，鄰國有進奇女者，武密占曰：宮中有出女，客星守女，女暴貴，一曰有女喪，布帛絳綿貴，甘氏曰：人

民為亂妻勝為妻有急兵大飢人有自賣者一日宮人憂貴

人有死者客星入女麻桌貴都萌曰天下諸侯有不通者荆

州占天下有嫁娶事一日人君因納女亂國若入女而留不

去天下阻塞青星入女天下女子多以兵死赤星入女有女

喪客星出女宮人有謀女主憂或曰女御有出者石氏曰有

女事色黃白吉青黑凶赤憂客星舍女留不去有奇令

天文會通彗星出女其邦大夫起兵女主為亂一日布帛貴

彗星出入女宿其國有憂 孛星犯守女宿其邦亂女人起

兵戰敗將亡 客星犯守女宿則美女進賤女暴貴

流星出入女宿

宋史天文志流星犯須女天子納美女又曰有貴女下獄拯

須女女主憂乙巳占曰出入而色黃潤立妃后白為後宮妾

死

觀象玩占流星犯女天下驚麻不成布帛貴春夏犯之大雨

潦流星出女宮人有出者流星入女天子納美女北地有兵

一日色黃白天子立后色黑天下工女多死色白宮妾死

雲氣出入女宿

宋史天文志雲氣入須女黃白有嫁女事白為女多病黑為

女多死赤則婦人多兵死者

觀象玩占黃雲氣出入須女天下女子多喜事

天文會通黃雲氣入女宿則女主有慶賀事

十二國

宋史天文志十二國十六星在牛女南近九坎各分土居列

國之象九坎之東一星曰齊齊北二星曰趙趙北一星曰鄭

鄭北一星曰越越東二星曰周周東南北列二星曰秦秦南

二星曰代代西一星曰晉晉北一星曰韓韓北一星曰魏魏

西一星曰楚楚南一星曰燕有變動各以其國占之陶隱居

曰越星在婺女南鄭一星在越北趙二星在鄭南周二星在

越東楚一星在魏西南燕一星在楚南韓一星在晉北晉一

星在代北代二星在秦南齊一星在燕東

觀象玩占十二國合十有六星列國象也其星有變動失常

或他星守犯各以其國言災

天文會通十二國星明潤則所在國有喜星暗有憂

月五星犯十二國

天文會通月犯十二國有陰謀 木星順守其野歲穰民安

火星逆犯其野有兵喪 土星逆守其國有土役民勞怨

金星逆犯其野有兵變 水星逆犯其野有大水民飢

按十二國共十六星周二星其第二星在黃道南半度秦

二星第一星在黃道南半度第二星在黃道南二度強代

二星其第一星在黃道南一度半弱越一星在黃道南半

度

度鄭一星在黃道南二度弱月五星皆及犯之周之第一星在黃道南三度趙二星其第一星在黃道南三度半強月與火土金水四星及犯之趙之第二星在黃道南四度弱齊一星楚一星俱在黃道南四度半月與火金水三星及犯之代之第二星在黃道南五度半魏一星在黃道南五度強韓一星在黃道南五度半弱晉一星在黃道南六度半燕一星在黃道南七度弱月與火金二星及犯之餘不及犯

彗孛客星見十二國

天文會通彗孛守之其野有更玉 客星守之其野有刺客入境

流星出入十二國

天文會通流星抵之其野有奸使入

雲氣出入十二國

天文會通黃氣入之其國有喜餘皆凶

離珠

宋史天文志離珠五星在須女北須女之藏府女子之星也又曰主天子旒珠后夫人環佩去陽旱去陰潦 觀象玩占離珠五星主後宮之藏府后夫人環佩之飾巫咸曰離珠女子之星也石氏曰離袿衣也珠環佩玉珠也后夫

人之盛飾也主進王后之衣服星明如常則后妃安微暗易處則後宮不安又曰離珠居危之陽大旱居危之陰大水 天文會通離珠五星主後宮府藏星明則後宮府藏盈實暗則後宮有憂

按離珠古謂五星今只四星其最南一星亦在黃道北十五度半月五星皆不及犯

彗孛客星見離珠

宋史天文志客星犯之後宮有憂

觀象玩占彗孛出離珠後宮有亂犯之官人有誅者守之居陽大旱居陰大水五穀不登人飢 客星犯離珠官人有以罪誅者

天文會通彗孛犯離珠後宮有火災亦曰府藏有火災也角掩離珠有女喪 星孛犯離珠後宮有內變亦曰有陰謀 客星犯離珠有暴客入府藏亦曰後宮有憂

流星出入離珠

觀象玩占流星犯離珠或入之官人有誅者

天文會通流星抵觸離珠後宮有憂

雲氣出入離珠

天文會通黑雲氣犯離珠其野有女喪出離珠其國有陰謀黃氣入之後宮有喜

奚仲

宋史天文志奚仲四星在天津北主帝車之官
觀象玩占奚仲四星天子之車正也其星變動失常則車駕不安

天文會通奚仲四星主兵車古車正也星明潤則車馬修器械備星暗及動搖則人君失車騎將

按奚仲四星其最南一星亦在黃道北六十九度半月五星皆不及犯

彗孛客星見奚仲

天文會通彗星掃奚仲天子兵出芒角所指軍破 星孛奚仲人君憂兵變亦主國有喪 客星犯奚仲其野有兵謀一

曰主將有異謀客星大如杯梳守奚仲其國君有兵憂亦主有急兵

流星出入奚仲

天文會通流星犯奚仲天子遣兵車出征亦曰以兵禦侮流星有聲如雷犯奚仲大將以兵叛

雲氣出入奚仲

天文會通黑雲氣入奚仲兵車不備一曰有兵變黃氣入奚仲大將受斧鉞之權青赤氣入之三軍乏食白雲氣如兵器入之有急兵

天津

史記天官書旁有八星絕漢曰天潢按旁承上文索隱元命謂王良之旁包曰潢主河渠所以度神通四方宋均云天潢天津也天津湊也主計度也

宋史天文志天津九星在虛宿北橫河中一曰天潢一曰天江主四清津梁所以度神通四方也一星不備津梁不通明則兵起參差馬貴大則水災移則水溢

觀象玩占天津九星在女虛之北一曰天潢一曰潢中一曰江星一曰水王柱一曰格星一曰橫星一曰天潢主河梁以度百神通四方其星明正則吉明而動則兵起不明亦為兵起黃帝占曰天津星有變水賊稱王水道不通

天文會通天津九星主濟渡之事星明潤天下和平暗則關津不通明大及動搖大水一曰兵起明大出怒角百川溢糴貴

按天津九星其最南一星亦在黃道北四十四度弱月五星皆不及犯

彗孛客星見天津

宋史天文志彗孛犯之津敗道路有賊 客星犯橋梁不修守之水道不通船貴

觀象玩占彗孛出天津甘氏曰河津不通守天津天下亂大

早犯天津賊斷道入漢中則有亡國 客星入天津津梁不通闕津吏憂

天文會通彗星干犯天津江淮有兵變一曰有水寇星守天

津其國有亂兵彗守天津江河橫流覆陷郡邑道路有

賊貴臣憂災 客星干犯天津舟航阻水寇為害

流星出入天津

宋史天文志流星出必有使出隨分野占之

觀象玩占流星出天津大水犯天津有水災入天津水道不

通閘梁塞津波有憂流星入天津入漢不出士卒不可度水

度者必不返若絕漢則可度荆州占曰流星入漢中貴人溺

水

天文會通流星出入天津皆為大水

雲氣出入天津

宋史天文志赤雲氣入為旱黃白天子有德令黑為大水色

蒼為水為憂出則禍除

觀象玩占蒼白氣入天津有水憂赤氣入大旱黃氣入天子

有德令赤氣出兵起黑氣入大水天津漢中有黑氣獨居大

如席名曰雲漢不出五日必雨黑氣狀如船若一疋布圍河

津間不出十日大雨

天文會通黑雲氣犯天津其野大水黃雲氣入之闕津通白

雲氣出之水寇為害赤氣入之大旱黃白氣入之天子有德令蒼氣入之有水憂

匏瓜

史記索隱荆州占云匏瓜一名天雞在河鼓東匏瓜不明則歲

大熟也正義匏瓜五星在離珠北天子果園占明大光潤歲

熟不則色果之實不登

宋史天文志匏瓜五星一作在離珠北天子果園也其西皆

星主後宮不明則后失勢不具或動搖為盜光明則歲豐暗

則果實不登

觀象玩占匏瓜五星一日天雞一日天馮主司中以和五味

又主陰謀一日主掌瓜果星明則果實成歲豐不明則果物

惡歲不登有水黃帝占曰匏瓜明則後宮多子孫

天文會通匏瓜五星明潤而光澤則後宮有喜一日果實大

熟星暗則飢饉

按匏瓜五星其最南一星亦在黃道北三十二度弱月五

星皆不及犯

彗守客星見匏瓜

史記天官書匏瓜有青黑星守之魚鹽貴

宋史天文志彗守犯之近臣僭有殺死者 客星守之魚鹽

貴山谷多水犯之有游兵不戰

觀象玩占彗孛犯匏瓜食官憂守之果實不成魚鹽貴 客星犯匏瓜近臣相譖宮中有殘死者入匏瓜獻食官有憂石氏曰入匏瓜色青果實有毒不可食色赤人主攻一邑殘之色白有喪色黑魚鹽貴出匏瓜人主防毒藥一曰掌膳者有憂

天文會通彗星如帚掃匏瓜其國有廢后 星孛匏瓜中其國大荒民流亡 客星抵犯匏瓜其國有飢民

流星出入匏瓜

觀象玩占流星入匏瓜若有獻瓜果者中有毒不可食出匏瓜食官有憂

天文會通流星犯觸匏瓜其國飢

雲氣出入匏瓜

宋史天文志蒼白雲氣入之果不可食青為天子攻城邑黃則天子賜諸侯果黑為食果而致疾

天文會通黑雲氣干犯匏瓜後宮有匿謀白雲氣入之後宮起兵黃雲氣出之後宮有子孫喜赤雲氣入之後宮有火災

敗瓜

宋史天文志敗瓜五星在匏瓜星南主修瓜果之職與匏瓜同占

觀象玩占敗瓜五星占亦與匏瓜同

天文會通敗瓜五星主瓜果蔬菜魚鹽星明則歲熟暗則不稔一曰敗瓜主種蒔主陰謀主後宮明大有芒角則後宮有憂星微則后失勢

按敗瓜五星其最南一星亦在黃道北二十七度半月五星皆不及犯

彗孛客星見敗瓜

天文會通彗星出敗瓜則后失勢又曰有更立妃后 星孛敗瓜中外戚干政亦曰后族權重 客星犯敗瓜後宮有進

美女者客星有怒角侵敗瓜後宮有陰謀客星乘凌敗瓜則瓜果不熟不五穀不登人飢糴貴又曰彗孛客星犯守敗瓜歲饑魚鹽貴

流星出入敗瓜

天文會通流星犯敗瓜果實湧貴菜蔬不熟抵敗瓜光芒奄星魚鹽暴貴

雲氣出入敗瓜

天文會通蒼白雲氣奄敗瓜雨水傷果實不收青氣蔽敗瓜虫食果實黃氣氤氳乘敗瓜後宮有喜事黑氣環繞敗瓜水災魚鹽貴

扶筐

宋史天文志扶筐七星為盛桑之器主勸蠶也一曰供俸后

與夫人之親蠶明吉暗凶移徙則女工失業

欽定天文正義卷三十二

觀象玩占扶筐七星在紫微宮東藩之外近天廚主采桑勸

虛宿占

蠶又主藏蓋量入知息耗量星明則蠶吉暗及移徙則絲綿

不成女工失業星不正則府藏空虛

天文會通扶筐七星明則天下布帛賤商賈通女功有絲某

為事變色有芒角則女功不修布帛湧貴

按扶筐七星其最南一星亦在黃道北七十五度弱月五

星皆不及犯

彗孛客星見扶筐

宋史天文志彗星犯將叛

觀象玩占彗孛客星犯扶筐蠶不成絲綿大貴

天文會通彗孛干犯扶筐女主失勢星孛扶筐桑蠶不收絲

桑貴客星干犯扶筐大如瓜色赤有芒角則女功廢桑蠶

失時布帛貴

流星出入扶筐

宋史天文志流星犯絲綿大貴

天文會通流星抵觸扶筐布帛貴府庫虛

雲氣出入扶筐

天文會通黃氣出扶筐則女功務苟簡后妃不親蠶天下物

帛貴

虛宿占

史記天官書北宮元武虛危虛為哭泣之事正義虛二星危三星為元枵於辰在子齊之分野亦天之冢宰主平理天下覆藏萬物占動則有死喪哭泣之應索隱姚氏案荊州占以為其宿二星南星主哭泣虛中六星不欲明明則有大喪也宋史天文志虛宿二星為虛堂冢宰之官也主死喪哭泣又主北方邑居廟堂祭祀祝禱事明則天下安不明為旱歉斜上下不正享祀不恭動將有喪

觀象玩占虛二星曰元枵一曰顛項一曰北陸一曰天節一曰臨宮一曰鄉中一曰申宮水星也主死喪哭泣墳墓祭祀又主黃鐘律管其下九尺為日月五星中道又主風雲將有死喪哭泣葬祭之事則占於虛郝萌曰虛星動則有更田制者

天文會通虛二星貴明潤而光澤喜齊明不喜小有差若星明潤主天子祭祀之禮得其宜星暗而不明其野有喪葬哭泣之事大人惡之星大小不齊而失常色者其國有喪

太白犯虛宿

史記正義金守虛宿臣下兵起
宋史天文志太白犯虛宿下多孤寡兵喪出則政急守之臣叛君入則大臣下獄

觀象玩占太白守虛國政急兵起甘氏曰是謂母覆其子有封拜賞賜者巫咸曰民疾疫天下亂萬物不成一曰有兵兵罷一曰天子將兵農人荷戟海中占東北胡為寇吳楚兵起石氏曰太白守虛去之一尺粟貴太白犯虛兵起從齊始或曰有喪金入虛海中占有赦郝萌曰多土功民流亡太白出入留舍虛其國君有疾大人有陰謀太白在虛出芒角如劍空國起兵

天文會通金星經天抵虛其國有急兵亦曰無兵兵起又曰為貴臣以兵叛主為裨將以兵叛大將金星觸虛其下有兵起若經天觸虛軍覆將死金星逆行會虛下星其國有女喪亦曰宗廟失祭祀

按虛宿二星第一星在黃道北八度半強惟金星及犯之月與木火土水四星不及犯第二星在黃道北二十度強月五星皆不及犯觀象玩占謂其下九尺為日月五星中道蓋指第一星而言也

彗孛客星見虛宿

宋史天文志彗星犯虛宿國凶有叛臣出為野戰流血出入有兵起芒諛所指國必亡 星孛虛宿有哭泣事出則為野戰流血國有叛臣 客星犯虛宿糴貴守之兵起近期一年遠則二年有哭泣事出為兵喪

觀象玩占彗孛出虛天下亂兵大起國易政陳卓曰天子自將兵有大戰彗孛犯虛天下哭泣一曰多大雨無立垣彗孛出虛危之間有叛臣起於其國兵大起 客星出虛大臣為亂兵大起國有喪天下多哭泣期三年一曰天子使人於諸侯客星入虛黃帝占曰兵在外大饑將死兵散郝萌曰米大貴荆州占曰國亂政急天下饑大人憂石氏曰客星入虛色赤有遊客入國色青黑有哭泣一曰色赤有赦粟貴色白有客以白幣至客星犯虛有改田制天文錄曰有赦陳卓曰天下有謀若環繞勾己之國亂兵起客星守虛兵起有亂臣一曰國君憂之甘氏曰有戮臣石氏曰夏三月視虛有二客星將死三星相死四星軍敗五星國亡

天文會通彗星干犯虛有哭泣事彗薄虛其國相拘執之亦曰有被戮冢宰彗星留守虛妖異不常 孛星犯虛其國憂又曰兵喪並起孛星出入虛有兵起孛星薄虛其國有大亂大臣專恣以事坐孛星襲虛其國祭享失禮 客星犯守虛其國有喪

流星出入虛宿

宋史天文志流星犯虛宿光潤出入則冢宰受賞有赦令色黑大臣死入而青色有哭泣事黃白有受賜者出則貴人求醫藥

觀象玩占流星入虛海中占兵聚其下一曰君使出外出虛色黃而光澤有德令相有喜 天文會通流星出虛有大臣出使四方者流星抵虛其國失賢一曰大臣失職

雲氣出入虛宿

宋史天文志雲氣入虛宿黃為喜蒼為哭赤火黑水白有幣客來

觀象玩占黃雲氣入虛天子以喜起廟祠祀黃白氣入虛享氣也天子敬祀宗廟赤雲氣入虛有兵在廟中出虛有兵在廟外黑氣入之有水災一曰廟祀雲氣如立虹出虛天下大虛多火災

天文會通青氣入虛有哭泣事

司命

史記天官書危東六星兩兩相比曰司空正義比近也危東兩兩相比者是司命等星也司空唯一星耳又不在危東恐命誤為空也司命二星在虛北主喪逆

宋史天文志司命二星在虛北主舉過行罰滅不祥又主死亡逢星出司命王者憂疾一曰宜防杖惑

觀象玩占司命二星主百鬼主生死 天文會通司命二星主刺舉奸邪以罰過失以殄不祥星明

潤主刑中暗則濫刑

管窺輯要司命二星主掌生算死喪事言舉人之過行天之罰消滅不祥生算算在生之壽命占曰司命如常則天下人壽天子壽失常天下夭折

按司命二星其南一星亦在黃道北十三度強月五星皆不及犯

彗孛客星見司命

觀象玩占彗孛出司命妖惑起王者憂之

管窺輯要彗孛守天子命討有罪

司祿

史記正義司祿二星在司命北主官

宋史天文志司祿二星在司命北主增年延德又主掌功賞

食料官爵

管窺輯要司祿居常則朝廷爵祿平天下諸侯王奉法百官

有司奉職

按司祿二星皆在黃道北十五度強月五星皆不及也

彗孛客星見司祿

管窺輯要彗孛犯守司祿則公侯宰相有叛逆者

雲氣出入司祿

管窺輯要黃雲氣入之則公侯宰相有封爵受賜之喜

司危

史記正義司危二星在司祿北主危亡

宋史天文志司危二星主矯失正下又主樓閣臺榭死喪流

亡

觀象玩占司危二星主察驕逸

按司危二星皆在黃道北二十一度半月五星皆不及犯

彗孛客星見司危

天文會通彗孛干犯司危其國君失德星孛守司危其國有死

君又曰有自立王侯彗孛客星犯守其分危亡

流星出入司危

天文會通流星抵觸司危其國有荒政

雲氣出入司危

天文會通黑雲氣如戟狀掩司危其國有隱政白雲氣劍戟

狀掩司危人君親戎服青雲氣入之國有廢事赤雲氣入之

國異政黃雲氣入之人君有喜慶事

司非

史記正義司非二星在危北主憊過命祿危非皆冥司之職

占大為君憂常則吉也

宋史天文志司非二星在司危北主司侯內外察愆尤主過

失乾象新書命祿危非八星主天子已下壽命爵祿安危是

非之事明大為災居常為吉

觀象玩占司非二星制天下死生之命福善禍淫皆其所司
天文會通司非二星主枉法不公之事暗則曲法光浮而數
動搖則天下有冤獄罪及忠良

按司非二星其南一星亦在黃道北二十五度弱月五星
皆不及犯

彗孛客星見司非

天文會通彗孛客星干犯司非是非混雜賢否不分

流星出入司非

天文會通流星抵觸司非刑罰不中

雲氣出入司非

天文會通黑雲氣犯司非其國有曲法黃雲氣出之法官受
賜又曰御史受賞白雲氣掩司非刑罰加大將

哭星 泣星

宋史天文志哭二星在虛南主哭泣死喪 泣二星在哭星

東與哭星同占

觀象玩占哭二星主號哭泣二星在哭東危南主怨泣其星
皆不欲明明則天下多死喪國多哭泣事

天文會通哭二星明大出怒角則多貴人喪泣二星微暗則
吉明大則有死亡若星不見則國有喜

月五星犯哭泣

晉書天文志太白犯哭星占曰有大哭泣事 歲星犯哭泣
星占曰有哭泣事 熒惑犯哭泣星占曰有哭泣事
宋史天文志月五星犯之為喪

觀象玩占月五星犯哭泣皆為有死喪哭泣事

天文會通木星犯哭泣憂兵喪 火星犯泣星在陰有女喪
在陽有男喪 金星經天或逆行犯之主兵喪

按哭二星皆在黃道南半度月五星皆及犯之泣二星第

一星在黃道北二度半月五星皆及犯之第二星在黃道
北二度半強月與火土金水四星及犯之木星不及犯

彗孛客星見哭泣

宋史天文志彗孛犯之為喪

觀象玩占客星守哭泣人主有哭泣事

天文會通彗星掃泣星人君憂兵喪一曰其下有亡國 孛
星出哭星其野有大戰有屠城星孛於泣星其野有屠城

客星犯之其國有大哭泣事客星出之有外喪守之有外寇
暴起

流星出入哭泣

觀象玩占流星出哭泣有使者以死喪事出入之有以死喪
事來者

天文會通流星抵觸之兵戰其下一日有伏尸流血

雲氣出入哭泣

天文會通蒼白雲氣入哭泣星有大喪出之禍除黑氣入有女喪赤氣入主兵青氣入君有憂白氣出泣星戰不利為客為主者勝

天壘城

宋史天文志天壘城十三星在泣南園如大錢形若貫索主鬼方北邊丁零類所以候興敗存亡

天文會通天壘城十三星主夷狄之國星暗則吉明則中國有邊警

月五星犯天壘城

宋史天文志熒惑入守夷人犯塞

觀象玩占金火入守天壘夷人犯塞

天文會通五星入犯夷人入寇中國兵動

按天壘城十三星第一星在黃道北六度第十二星在黃道北六度弱月與金星及犯之第二星在黃道北四度強第三星第九星在黃道北四度弱月與火金水三星及犯之餘不及犯第四星第五星在黃道北二度弱第六星在黃道北二度強第七星在黃道北一度弱月五星皆及犯之第八星在黃道北三度半弱月與火土金水四星及犯

之第十星在黃道北五度弱第十三星在黃道北五度強月與火金二星及犯之第十一星在黃道北六度半弱惟金星及犯之餘不及犯

彗孛客星見天壘城

宋史天文志客星入北方侵

觀象玩占彗孛出天壘校尉以軍反客星入天壘北胡操

騎馬進中國若守之北狄侵邊

天文會通彗孛掃天壘城外夷強盛入寇邊陲星孛天壘

城其下有死君一曰有易主客星入天壘城邊城有警又

曰中國起兵伐外客星出天壘城不有破軍必有死將

流星出入天壘城

天文會通流星抵觸天壘城外國有奸使入中國一曰邊將

出境

雲氣出入天壘城

宋史天文志赤雲氣掩之北方驚滅有疾疫

天文會通黑雲氣入天壘城中外交侵中國邊擾黃雲氣入

之夷狄順命白雲氣入之有急兵

離瑜

宋史天文志離瑜三星在十二國東乾象新書在天壘城南

離圭衣也瑜玉飾皆婦人見舅姑衣服也微則後宮儉約明

則婦人奢縱

觀象玩占離瑜三星主婦人服飾占與宋志同

按離瑜三星其最北一星亦在黃道南十五度強月五星皆不及犯

彗孛客星見離瑜

宋史天文志客星彗星入之後宮無禁

流星出入離瑜

天文會通流星衝抵離瑜財寶損失

雲氣出入離瑜

天文會通黃雲氣犯離瑜後宮有喜赤雲氣入之有火災一

曰後宮災

敗白

宋史天文志敗白四星在虛危南兩兩相對主敗亡災害石

申曰一星不具民賣餽釜不見民去其鄉

觀象玩占敗白四星在北落師門之南主凶災其星温温然

微而不明則天子吉人民安明大動搖則人主有憂疾天下

多災凶人愁苦多死喪

天文會通敗白四星主北夷又主敗亡災害主伺災凶星暗

則北夷順命星明大則北夷犯塞

按敗白四星其最北一星亦在黃道南十九度半月五星

皆不及犯

彗孛客星見敗白

宋史天文志客星彗星犯之民饑流亡

觀象玩占彗孛出敗白天下有急兵年饑 客星守犯敗白

天下兵起軍糧急石氏曰兵以飢起

天文會通彗星如帚掃敗白外夷寇中土 星孛敗白蒼白

色者其下有死君有屠城 客星犯敗白外夷有兵謀一曰

邊陲有暴兵起

流星出入敗白

觀象玩占流星入敗白天下有急發米粟事

天文會通流星抵觸敗白其國有奸使入境

雲氣出入敗白

宋史天文志黑氣入主憂

觀象玩占黑氣入敗白天下人災

危宿占

危宿占

史記天官書北宮元武虛危危為葢屋正義危為宗廟祀事主天府天市架屋占動則有土功索隱宋均云危上一星高旁兩星階下似乎葢屋也

宋史天文志危宿三星在天津東南為天子宗廟祭祀又為天子土功又主天府天市架屋受藏之事不明容有誅土功興動或暗營宮室有兵事

觀象玩占危三星曰天府一曰天市土星也主墳墓宮室祭祀主架屋天子之廟堂也又為百姓市其南下九尺為日月五星中道虛危者虛危者天子之禮堂亦為冢宰之官主天下死喪哭泣之事星明則天下安暗而動則天子作宮室興工役失色則容有誅者動搖則天下大動天文會通危宿三星明潤而光澤則天子德至於天祭祀時宗廟固天下和平暗及變色則其國有土功更造事百姓勞怨天下苦之

按危宿三星其最南一星亦在黃道北十一度弱月五星皆不及犯觀象玩占謂南下九尺為日月五星中道較今測差少二度

彗孛客星見危宿

宋史天文志彗星犯危宿下有叛臣兵起出則將軍出國

易政大水民饑 字星犯國有叛者兵起 客星犯危宿 有哭泣 一曰多雨水穀不收入之有土功或三日有赦 出 則多雨水五穀不登守之國敗民饑

觀象玩占彗星出危土功興天下亂有叛臣兵起大水人 饑流亡彗孛犯危其國有叛臣兵大起有哭泣 客星出

危甘氏曰大臣誅刑官憂多水災工役興赤星出危中以 火廢國客星守危穀大貴甘氏曰王者遷都其地更立侯

王又曰大風有所危敗又曰人流國危 天文會通彗星指危中其國多更造百姓苦役為亂 字

星守危上星其國有急兵一曰天子憂兵 李星抵危後宮 有憂亦曰宮中有哭泣事 客星守危諸侯有憂又曰王

侯有憂客星變色有芒角抵危其下有覆軍死將亦曰兩 軍相當不利先舉者

流星出入危宿

宋史天文志流星犯危宿春夏為水災秋冬為口舌入則 下謀上抵危北地交兵乙巳占流星出入色黃潤人民安

穀熟土功興色黑為水大臣災 觀象玩占流星入危武密占曰君子憂小人流一曰小人

居居子之位一曰流星入危左右皆為有兵一曰流星入 危色青黑水災白有四足蟲為害黃有土功赤為兵流星

抵危色青赤為兵白喪黑有分國流星交對抵危中國與 北狄交兵天下騷動流星有發屋事色赤火發色黑水發 色青以憂發色白以兵發色黃以好發 天文會通流星抵觸危其下暴兵起一曰外奸入境又曰 奸使來所之野各以其色占之

雲氣出入危宿

宋史天文志雲氣入危蒼白為土功青為國憂黑為水為 赤為火白為憂為兵黃出入為善

觀象玩占蒼白雲氣入危大造宮室青氣入之國憂有損 屋赤氣入之有土功葢屋之事大作一曰宮中有兵憂亦

氣出危以火發屋黑氣出危北鄉多水人流亡東鄉其國 君死百菓不實西鄉人主憂死喪南鄉有疾疫黑氣入危

自北來大水西來君憂東來稻粟不實南來有兵白氣出 入危其國有兵黃雲氣出入危皆為土功興一曰黃氣出

危國有喜青黑氣出入危皆有水災

虛梁

宋史天文志虛梁四星在危宿南主園陵寢廟禱祀非人 所處故曰虛梁一曰宮宅屋幃帳寢

觀象玩占虛梁四星主鬼神之神 天文會通虛四星不欲明大而喜微明星細明而黃潤不

夫其常因祚安人主壽若光浮而動搖其國兵喪大人惡之

月五星犯虛梁

宋史天文志太白熒惑犯之為兵

天文會通月犯虛梁其下有女喪一曰興土功

火星犯之寢廟有火災 金星犯之其國有內亂

月五星干犯虛梁兵火起

按虛梁四星第一星第二星在黃道北五度弱月與金

火二星及犯之第三星在黃道北四度強月與火金水

三星及犯之餘不及犯第四星在黃道北二度弱月五

星皆及犯之

彗孛客星見虛梁

宋史天文志彗孛犯兵起

天文會通彗孛客星犯守虛梁兵革興

流星出入虛梁

天文會通流星抵觸虛梁其國有外喪一曰暴死貴人流

星犯抵虛梁山陵不安

雲氣出入虛梁

天文會通黑雲氣入虛梁其野有內亂白雲氣入之有兵

發

天錢

宋史天文志天錢十星在北落師門西北主錢帛所聚為

軍府藏明則庫盈暗為虛

按天錢古謂十星今只五星其最北一星亦在黃道南

十六度強曰五星皆不及犯

彗孛客星見天錢

宋史天文志彗孛犯之庫藏有賊

觀象玩占彗孛犯天錢盜賊焚府庫

天文會通彗星掃天錢國用耗之 星孛天錢中其國失

利源 客星犯天錢國蠹損民財又曰財帛耗散

流星出入天錢

天文會通流星犯天錢賊劫庫藏

雲氣出入天錢

天文會通黑雲氣入天錢中奄星不見國貧民窘白雲氣

入之其野有兵爭黃雲氣出入天錢國用富府庫充青赤

雲氣出入之其國府庫多火災

墳墓

宋史天文志墳墓四星在危南主山陵悲慘死喪哭泣大

曰墳小曰墓

觀象玩占墳墓四星縱危星下如墓形主山陵喪葬之事

星不欲其明明則多死人

天文會通墳墓四星主死喪之事星明大則有喪事微明

則吉

金星犯墳墓

宋史天文志金星守犯為人主哭泣之事

墳墓四星第一星在黃道北九度弱第二星三星在黃道

北八度強惟金星及之月與木火土水四星不及犯第

四星在黃道北十度月五星皆不及犯

彗孛客星見墳墓

觀象玩占彗犯之山陵有變

天文會通彗孛客星犯守墳墓主死喪星孛墳墓其國有

死王

流星出入墳墓

天文會通流星出墳墓其兵喪國有兵喪

雲氣出入墳墓

天文會通黑雲氣入墳墓其國有喪出之有兵起黃雲氣

入之外國有喪天子遣弟使

杵星

史記天官書杵曰四星在危南正義杵曰三星在丈人星

旁主軍糧占正下直曰吉與曰不相當軍糧絕也

宋史天文志杵三星在人星東一云在白星北主春軍糧

不具則民賣乾釜

觀象玩占杵三星在人星東主春糧不明則歲凶天文會

通杵三星明潤則三軍足食暗則軍餉不繼

按杵三星其最南一星亦在黃道北三十八度弱月五

星皆不及犯

彗孛客星見杵星

觀象玩占彗孛出杵曰有急出粟天下大饑 客星守杵

曰歲饑民急於財黃帝占曰天下會聚粟米一曰民失杵

曰客星犯之歲歉有兵入之有急兵起

天文會通彗星掃杵星國有急兵一曰有死將

星守杵星其野大凶民爭食為亂 客星干犯杵星外寇

掠糧又曰盜賊爭食

流星出入杵星

天文會通流星出杵星其野有急兵又曰國出師十里饋

糧

雲氣出入杵星

天文會通黑雲氣犯杵星其國大水民饑亦曰軍乏糧白

雲氣出入之其野有急兵青赤氣入之其國有兵喪黃雲

黃雲氣為喜軍勝

白星

史記正義白星在南主春其占覆則歲大饑仰則大熟也
宋史天文志曰四星在杵星下一云在危東杵曰不明則
民饑星眾則歲樂疏為饑動搖亦為饑

觀象玩占曰四星在杵南占與杵同

天文會通曰四星主歲之豐凶主春事明潤則歲豐暗微
則穀不熟

按白四星其最南一星亦在黃道北三十四度強月五星
皆不及犯

彗孛客星見白星

宋史天文志彗星犯之民饑兵起

天文會通星字白星中倉庫空 客星犯曰中有急兵掠
民食

流星出入白星

天文會通流星入白中有貨泉事至隆隆有聲所之國起
兵爭食

雲氣出入白星

天文會通黑雲氣出白中盜賊掠民食入白中其國兵起
白雲氣如兵器覆白上其國有急兵或喪
黃雲氣出入白星為歲豐

蓋屋

宋史天文志蓋屋二星在危宿南九度主治宮室
觀象玩占蓋屋二星在危南天子治宮室之官也其星明
大動搖則工役大作

金星犯蓋屋

宋史天文志金星犯之兵起

觀象玩占金星犯之中兵起工役興兵大起

按蓋屋二星第一星在黃道北九度強惟金星及犯之
第二星在黃道北十度強月五星皆不及犯

彗孛客星見屋屋

宋史天文志彗孛犯守兵災尤甚

天文會通彗孛客星守蓋屋兵革起宮室壞 客星干犯
蓋屋其野以土木勞民上下胥怒

流星出入蓋屋

天文會通流星出入蓋屋火燒屋宇

雲氣出入蓋屋

天文會通黑雲氣入蓋屋上役民失業黃雲氣入之主君德
造父

宋史天文志造父五星在傳舍南一曰在滕蛇北御官也
一曰司馬或曰伯樂主御營馬廐馬乘營勒移處兵起馬

貴星亡馬大貴

觀象玩占造父五星在傳舍南河中御馬之官也

一曰西橋明則吉

天文會通造父五星主御車馬奉御之職

按造父五星其最南一星亦在黃道北五十九度半日

五星皆不及犯

彗孛客星見造父

宋史天文志彗客入之僕御謀主有斬死者一曰兵起守

之兵動廐馬出

觀象玩占彗孛犯入造父御馬官誅 客星入造父財官

騎士出入之兵起地動赤星入車馬貴

天文會通彗孛客星犯守造父兵車用廐馬出騎官愛災

流星出入造父

天文會通流星抵觸造父奉御不安職

雲氣出入造父

天文會通黑雲氣入造父為內兵若出之則為外兵白氣

出入之天下不安黃氣入之奉御受賞

人星

宋史天文志人五星在虛北車府東如人形一曰主萬民

柔遠能通又曰卧星主夜行以防溢人星亡則有詐作詔

者又為婦人之亂星不具王子有憂

觀象玩占人五星一曰卧星土官也

按人星古謂五星今只四星其最南一星亦在黃道北

二十九度月五星皆不及犯

彗孛客星見人星

宋史天文志彗孛守犯人多疾疫

觀象玩占彗孛犯守人星天下兵疫饑荒人大災彗星出

之尚書反 客星入人星天下有詐詔符傳相驚事

天文會通彗孛干犯人星其國有妖言下民為亂

客星干犯人星外國人至亦曰人習外教以惑眾

流星出入人星

天文會通流星犯人星其下民失業

雲氣出入人星

天文會通黑雲氣入人星耕夫為盜白雲氣如人狀其國

有民為亂黃雲氣如蓋覆人星民在其國有暴貴者

車府

宋史天文志車府七星在天津東近河東西列主車府之

官又主賓客之館星光明潤澤必有外賓車駕華潔

觀象玩占車府七星在天津東近河首抵司非尾指天鈞

主宮車之府賓客之館也其星動搖則兵車大動

天文會通車府七星主兵車之官星明則車府有備星暗則革車不修

按車府七星其最南一星亦在黃道北四十五度半月

五星皆不及犯

彗孛客星見車府

宋史天文志彗客犯之兵車出

觀象玩占彗孛犯車府天下兵車悉出

天文會通彗孛客星犯車府兵革興車馬亡 星孛車府主

車馬器械不備其國憂兵災 客星干犯車府主軍營有

暴客懷奸謀

流星出入車府

天文會通流星抵觸車府外寇內侵利害不利主

雲氣出入車府

天文會通黑雲氣入車府兵出不以律蒼氣入之車府不

修青赤氣入之其國兵車滿野

鉤星

宋史天文志鉤九星在造父西河中如鉤狀星直則地動

他星守占同一曰主輦輿服飾明則服飾正

觀象玩占鉤九星一曰天鉤在紫微宮東藩之外傳舍之

秉造父之北主儒服法式星明法服正不明則儀服失度

天文會通天鉤九星主掌輿服之官百工之職也

按鉤九星其最南一星亦在黃道北六十一度半月

五星皆不及犯

彗孛客星見鉤星

天文會通彗孛星犯鉤星地震 星孛鉤星年穀不登衣服

之備 客星犯鉤星色赤黃其國有衣服之備又鉤衣服

備上則客星犯鉤星

流星出入鉤星

天文會通流星出犯鉤星異國有進御衣者又曰流星干

犯鉤星衣服不正

雲氣出入鉤星

天文會通黃雲氣犯鉤星郵傳無虞黑氣入之兵起車駕

滿道路青白赤氣犯之俱主兵起

欽定天文正義卷三十四

室宿占

室宿占

史記天官書營室為清廟曰離宮閣道索隱爾雅云營室謂之定郭璞云定正也天下作宮室皆以營室中為正也宋史天文志營室二星天子之宮也一曰元宮一曰清廟又危軍糧之府主土功事一曰室一星為天子宮一星為太廟為王者三軍之廩故置羽林以衛又為離宮閣道故有離宮六星在其側一曰定室定之方中也星明國昌不明而小祠祀鬼神不享動則有土木事不具憂子孫無恙不動天下安

觀象玩占室二星曰營室一曰定星一曰元宮一曰清廟一曰元冥一曰天宮一曰天庫一曰休宮木星也其下九天為日月五星中道

天文會通室二星明則天子造宮室得其時制暗則國多土功動搖則有兵出星疏圻則軍儲不備就聚國多興造百姓苦土功

按室宿二星其南一星亦在黃道北十九度半弱月五星皆不及犯觀象玩占謂其下九尺為日月五星中道較今測差少十度

室宿客星見室宿

宋史天文志彗星出營室兵先起者敗或犯之則弱不能

戰出入犯之則先起兵者勝一曰出室為大水 孛星犯
營室或出入先起兵者勝出有水災後宮亂武密曰孛出
其分有兵喪道藏所載室專主兵 客星犯入營室天子
有兵事軍饑將離外兵來出於室兵先起者敗

觀象玩占彗見室中後宮有亂一曰有赦 彗孛出室國
亂有大水大喪有兵先起者敗一曰人疫 客星出室國
有土功人饑大臣作亂兵起士卒亡其星色赤黃貴人多
死將軍用事都頭曰客星出元宮城廓有壞者赤星出元
宮廟中兵起白星出室中人有受賜者客星入室諸侯有
使來以五色占之一曰國亂盜賊起巫咸曰人流亡一曰
多陰雨北宮候曰版築事興客星入室宗廟有事天子憂
客星舍室其國作宮廟多土功留之不去注黃兵入客星
守室甘氏曰有軍則客軍降主人得地

天文會通彗星守室兵動不戰牛馬驚彗星貫室宿中其
國車騎滿野彗星起而在室指墳墓不出五年有喪 孛
星出室有兵喪人多疾疫其國有哭泣事一曰陵廟興土
功孛星干犯室其野有內亂室中有暴兵孛星犯室其
國君有憂亦曰後宮有憂若色青白有怒若者國有大變
客星入室中有刺客入國境客星出室中曰破室其野有
大變

流星出入室宿

宋史天文志流星犯營室軍之糧在春夏將軍敗秋冬水
溢己占曰流星出入色黃潤軍糧豐五穀成國安民樂
觀象玩占流星入室有外使以所使起占其所從來以五
色占其事流星出室天子使出以五色言其事以星所之
言其所往之國流星犯室有土功工事大奔星抵室其國
貴人死流星以冬至前後三日內出室國有急事

天文會通流星犯入室有使自外邦來者色黃言土工白
言義青言憂黑言凶赤言兵

雲氣出入石宿

宋史天文志雲氣入營室黃為土功蒼白大人惡之赤色
為兵民疫黑則大人憂

觀象玩占黃白雲氣潤澤入室諸侯有使來若出室天子
有使出皆言宗廟之事亦雲氣如大道來室上下人主不
可出宮有逆臣有疾病不出三年其土大饑有軍在外則
有大戰流血青色入室其國憂離氣入室人多暴死有氣
明潤光澤如日月之形出入室中男子之祥黃氣光明潤
澤出入室國有喜

雷電

宋史天文志雷電六星在室南明動則雷電作

觀象玩占雷電六星主興兵雷動蟄其星明大動搖則歲多雷電不明則否

天文會通雷電六星主天之雷電君之號令星明大有芒角則冬多雷電星動搖則其國有急令

按雷電六星其最南一星亦在黃道北十四度弱月五星皆不及犯

彗孛客星見雷電

天文會通彗星掃雷電其國政事廢星孛於雷電其

野有新令一曰國有改君客星干犯雷電臣下擅政亦

曰政事改

流星出入雷電

天文會通流星犯雷電其國有政令出自大臣流星抵觸

雷電其國有犯法大臣

雲氣出入雷電

天文會通黃雲氣犯雷電其國有德令天下和平黑雲氣

犯之其野有急政白雲氣犯之人君法令不行

離宮

宋史天文志離宮六星兩兩相對為一座夾附室宿上星

天子之別宮也主隱藏止息之所動搖為土功

觀象玩占室上六星兩兩而居曰離宮后妃六宮之位

天文會通離宮六星明潤宮闕無虞

按離宮六星其最南一星亦在黃道北二十五度弱月五星皆不及犯

彗孛客星見離宮

宋史天文志彗星犯離宮有修除之事

天文會通彗星如帚掃離宮主後宮有急兵彗星掃離宮

其國有更王易政星孛離宮犯室宿中其國有女喪又

曰有兵喪客星干犯離宮主刺客入禁庭亦曰大人惡

之一曰外奸通內陰謀客星抵離宮大如五升器及五十

日不下者禁庭有兵起

流星出入離宮

天文會通流星如蛇行委曲入離宮主後宮有好謀

雲氣出入離宮

天文會通黑雲氣入離宮天子無出宮防外奸青氣入之

主後宮陰殺無辜

壘壁陣

史記天官書軍西為壘或曰鉞正義壘壁陣十二星橫列

在營室南天子之垣壘

宋史天文志壘壁陣十二星在羽林北羽林之垣壘主天

軍營星明國安移動兵起不見兵盡出將死

觀象玩占壘壁陣十有二星在室壁南橫列其中四星其
兩端各四星四方羽林軍壘也動搖則軍不安移徙則將
死

天文會通壘壁陣一十二星主軍伍營陣星明潤則軍營
無虞暗則兵起

月五星犯壘壁陣

史記天官書五星入壘壁陣皆兵起

宋史天文志五星入犯皆兵起太白辰星尤甚

天文會通火星犯壘壁陣軍營有火災 土星犯入之軍

營有土役 金星逆犯之其國兵起 水星逆犯之其野

三軍有水厄

按壘壁陣十二星第一星二星在黃道南五度弱第十

一星十二星在黃道南六度弱月與火金二星及犯之

第三星四星在黃道南二度半第五星在黃道南二度

強第六星在黃道南一度強第七星在黃道南半度弱

第八星在黃道南一度月五星皆及犯之第九星在黃

道南三度強第十星在黃道南三度弱月與火土金水

四星及犯之

彗客星見壘壁陣

宋史天文志彗星入兵大起將吏憂

天文會通彗星犯壘壁陣其國有死將不然大將被戮又

曰破軍殺將 彗星干壘陣其國有兵殺主將以叛一

天子憂兵 客星犯壘壁陣有暴客入軍營一曰有刺客

入營以圖主將兩軍相當有客星犯壘壁陣其先舉者勝

後舉者敗一曰先至者勝後至者敗

流星出入壘壁陣

天文會通流星犯壘壁陣外奸入軍營以害大將色白者

謀成色黃者謀不成餘色皆凶流星抵觸壘壁主大將潰

走若流星有聲如雷犯之不有破軍必有屠城

雲氣出入壘壁陣

天文會通黑雲氣入壘壁陣其國有兵憂黑氣如獸狀三

軍有逆匿謀青白氣如波狀其軍容有驚恐赤氣入之軍

營有火災黃氣入之其下有將受賞

騰蛇

宋史天文志騰蛇二十二星在室宿主水蟲居河漢明而微

國安移向南則旱向北大水

觀象玩占騰蛇二十二星若盤蛇之狀一曰天蛇蛇之北

與龜鼈交水蟲之長也主水族水中之蟲皆屬焉星明則

水族茂魚鹽賤不明反是石氏曰天蛇徙而南則兵起徙

而北則大水一曰天蛇明大動搖則水蟲為孽天下有水

天文會通騰蛇二十二星主水蟲之事亦主水旱星喜微明不喜大微明為常明大為變星年半隱半顯主雨勝不日

按騰蛇二十二星其最南一星亦在黃道北四十一度月五星皆不及犯

彗孛客星見騰蛇

宋史天文志彗孛犯之水道不通 客星犯水物不成

觀象玩占客星守騰蛇雨水為災石氏曰水蟲為敗

天文會通彗如足線光芒若火炬長可數丈犯騰蛇其國

大水毀城邑一曰百姓失業人君徙都

星孛於騰蛇主大水入國都民流徙天子徙都

彗孛干犯騰蛇旱蝗水火相仍人民捐室 客星入騰蛇

其國水溺都市井邑行舟

流星出入騰蛇

觀家玩占流星出天蛇水旱俱作地震有兵喪入之雨水

為雪水物不成魚鹽貴

天文會通流星抵觸騰蛇中主水溺木稼亦曰有水寇流

星入騰蛇主水出騰蛇主旱流星入抵騰蛇有聲如雷主

連陰

雲氣出入騰蛇

觀象玩占黑氣出入騰蛇天下大水

天文會通黑雲氣入騰蛇其國大水傷木白雲氣入之其野有水寇青赤氣入之水旱不常

土公吏

宋史天文志土功吏二星在壁宿南一曰在危東北主營造宮室起土之官動搖則版築事起

觀象玩占土公吏二星在營室西南主設備司過失其星

明動則工役大起

天文會通土公吏二星明潤則百姓無犯非禮暗則民多過失

按土工吏二星其南一星亦在黃道北十七度強月五

星皆不反犯

彗孛客星見土公吏

天文會通彗掃土公吏主野將擅權聚民為盜

星孛於土公吏其國民多犯法又曰民亂 彗孛客星衝

犯土公吏土木之役起百工之官災

流星出入土公吏

天文會通流星委曲入土公吏百姓流

雲氣出入土公吏

天文會通赤雲氣入土公吏國有急令民失其業

白氣出土功吏下民為盜蒼白氣如劍戟狀入土公吏其野民不思法

北落師門

史記天官書旁有一大星為北落按旁承上文北落若微謂羽林軍旁亡軍星動角益希及五星犯北落入軍軍起火金水尤甚火軍憂水患木土軍吉

晉書天文志北落師門一星在羽林西南北者宿在北方也落天之藩落也師眾也師門猶軍門也長安城北門曰北落門以象北主非常以候兵

宋史天文志北落師門一星明大芒角兵起

觀象玩占北落師門一星在羽林西南天軍之門也明大則將武兵精天下安細微則兵羸將弱武備不修芒角動搖則兵起

天文會通北落師門一星主天軍門以候兵其星明大將軍安靜暗而動搖將弱兵亂

按北師師門一星在黃道南二十一度月五星皆不及犯史記天官書謂五星犯北落寔不能及也

彗孛客星見北落師門

宋史天文志客星犯之光芒相反為兵大將死守之邊人入塞

觀象玩占彗出北落兵起大戰殺將一曰四夷作亂人主自將客星犯守北落兵大起出之邊夷兵起入塞閔吏憂黃白星入天子有喜黃星出天子使出軍中有喜赤星出兵出

天文會通彗星干犯北落師門邊兵叛一曰虜寇犯邊陸

星孛於北落師門邊陸失土客星抵北落師門中外

夷寇塞客星大如杯光色純白北落師門其國邊有兵

變一曰破軍殺將

流星出入北落師門

宋史天文志流星出而色黃天子使出入則天子喜出而

色赤或犯之皆為兵起

觀象玩占流星抵北落有兵或夷入色大將出鉄鉞用

雲氣出入北落師門

宋史天文志雲氣入蒼白為疾疫赤為兵黃白喜黑雲氣

入邊將死

觀象玩占赤氣出兵出入之外兵入黃氣入中使至軍有

喜

天文會通黑雲氣入北落師門其國有邊警蒼白雲氣入

之邊兵有叛謀赤氣入之其野邊將死不然被黜青雲氣

入之邊塞饑黃白氣入之天子有喜中使出

八魁

宋史天文志八魁九星在北落東南主捕張禽獸之官也

天文會通八魁九星主設機陷阱張羅亦以候兵之出入

星明大有芒角則兵起微明則吉星暗動搖禽獸多死

按八魁在謂九星今只六星其最北一星亦在黃道南

十度強月五星皆不及犯

琴字客星見八魁

宋史天文志客琴入多盜賊兵起

天文會通琴字犯八魁其國人君廢政事 客星犯八魁

其國有兵謀亂

流星出入八魁

天文會通流星抵觸八魁其野張禽獸之官失職

雲氣出入八魁

天文會通黑雲氣入之魁其國有暴兵蒼白氣如劍戟加

八魁其國斧鉞用青赤氣入之其國有大臣犯法者黃氣

入之張禽獸者受賞

天網

宋史天文志天網一星在北落西南一曰在危南主武帳

宮舍天子游獵所會

按天網一星在黃道南二十三度半月五星皆不及犯

單于軍衛士之象主翼玉巫咸曰羽林為天軍水宮也主

守衛天子之宮故在室壁之南部籍曰羽林動搖則兵起

不出六十日車騎發

天文會通羽林軍星明潤國安星稀動則兵出

月五星犯羽林軍

史記天官書金火水入羽軍軍起也

晉書天文志五星有在天軍中者皆為兵起熒惑太白辰

星尤甚 太白晝見在羽林占曰有強臣有兵喪中軍兵

起

隋書天文志熒惑守羽林占曰衛兵反

唐書天文志熒惑入羽林占曰軍憂

宋史天文志月犯羽林軍兵起 歲星入諸侯悉發兵臣

下謀敗必敗伏誅 太白入兵起 填星入大水 熒惑

太白經過天子以兵自守熒惑入而芒亦與兵者亡

觀象玩占五星入羽林兵起若逆行或變色成勾已天下

大兵閭梁阻塞一曰逆行入羽林有叛臣 木順入羽林

興師吉以始入日言國元冥占曰木守羽林有破軍殺將

一曰興兵者吉 熒惑入羽林若守之有叛臣中兵為亂

一曰若之二十日以上臣謀逆有破軍殺將 填星入羽

林有喪大水 太白入羽林中天子為軍自守守之大將

續修四庫全書 子部 天文算法類 3 頁之十

彗孛客星見天網

宋史天文志客彗入為兵起亦云義兵

天文會通彗孛干犯天網其國有荒政 星孛於天網其

野人君好武以游獵為務 客星干犯天網其國有弊政

流星出入天網

天文會通流星抵觸天網其野有逐獸之君尚武之君

雲氣出入天網

天文會通青雲氣如波入天網主天子野宿亦雲氣入天

網主人君逐獸有虞

羽林軍

史記天官書其南有眾星曰羽林天軍按其南承上文 謂虛危之南 正

正義羽林四十五星三三而聚散在壘壁南天軍也亦天

宿衛主革不見天下亂

晉書天文志羽林四十五星在營室南一日天軍主軍騎

又主翼王也

宋史天文志羽林軍四十五星三三而聚散在壘壁之南

一日在營室之南東西布列北第一行主天軍車騎翼衛

之象星眾則國安稀則兵動羽林中無星則兵盡出天下

亂

觀象玩五羽林軍四十五星一日材官一日天南庫一日

出臣謀君有喪逆行成句已有亡國 辰星入羽林正成

曰天下兵起四夷入國人主憂又曰國以水為憂

天文會通金星經天或晝見入羽林其國有兵喪一日中

塞

按羽林軍四十五星第一星在黃道南四度半強第二

星十五星在黃道南六度半第十六星三十七星在黃

道南五度弱第十四星在黃道南五度半強第二十五

星在黃道南六度弱月與火金二星及犯之第三星在

黃道南九度半第十三星在黃道南十度第十四星在

黃道南八度第二十六星三十六星在黃道南八度強第

二十七星在黃道南八度半強惟金星及犯之第十七

星在黃道南八度半強第二十二星四十三星在黃道

南三度弱月與火土金水四星及犯之第十八星在黃

道南二度半強第十九星在黃道南一度半第二十星

在黃道南一度強第二十一星四十一星四十二星

二星在黃道南二度弱月五星皆及犯之第二十三星

三十八星在黃道南四度強第三十九星在黃道南四

度弱月與火金水三星及犯之餘十九星在黃道南十

度外月五星皆不及犯

彗字客星見羽林軍

宋史天文志客星入羽林軍色黃白為善赤為臣叛觀象

玩占彗字出羽林兵起大人被甲若守之三十日國破

客星守羽林兵大起郝萌曰將吏憂出羽林巫咸曰兵大

起有亡國守之久將有謀王者憂一曰客星出羽林色黃

白軍有憂色赤臣叛主若以戊己日見中兵大起

天文會通彗星抵羽林禁兵有匿謀一曰防內亂 星字

羽林其國有兵變一曰有內亂變 客星犯羽林禁兵通

外外客星色黃白入羽林天子有憂色赤臣叛主

流星出入羽林軍

觀象玩占流星出羽林則兵起隨星所之

天文會通流星抵觸羽林主外寇連禁兵為亂流星出入

于犯羽林皆主兵起士卒散亡

雲氣出入羽林軍

宋史天文志雲氣蒼白入南后有憂入北諸侯憂黑太子

諸侯忘出則禍除黃白吉

觀象玩占赤氣出羽林兵隨之赤氣入兵起黑氣入兵起

大戰

天文會通黃雲氣入羽林禁兵強盛亦曰天子有兵威以

鎮四夷黑雲氣入羽林防內亂蒼白氣入羽林外兵入赤

氣入主兵變

鉄鉞

宋史天文志鉄鉞三星在北落師門東箕列之具也主斬

芻藁以伺牛馬明則牛馬肥臄動搖而暗或不見牛馬死

隋志通志皆在八魁西北主行誅拒難斬伐奸謀明太用

兵將憂暗則不用移動兵起

觀象玩占鉄鉞三星亦曰鉄鑕在羽林西主斬殺枉詐星

不欲明動皆為鉄鉞用

天文會通鉄鉞三星主天子以錫諸侯之物將以專征也

亦主殺伐之事星不欲明大而喜微明不貴出怒角而尚

黃潤微明則吉明大則凶出怒角則諸侯擅權星黃潤則

列國進秩

按鉄鉞三星其最北一星亦在黃道南十五度弱月五

星皆不及犯

彗字客星見鉄鉞

宋史天文志客星犯鉄鉞用又占客犯外兵被擒士卒死

傷外國降色青憂赤兵黃白吉

觀象玩占彗字出鉄鉞臣謀反 客星入鉄鉞黃帝占曰

士卒亂外兵擒殺其將一曰鉄鉞用以入日占國犯守之

皆為軍將有憂

天文會通彗星干犯鉄鉞其國有兵變又曰兵潰將死

欽定天文正義卷三十五

星孛於鉄鉞其國有亂臣以竊主柄一曰亂臣賊子相成

壁宿占

之象 客星犯鉄鉞其國有大臣以陰謀犯上不成

流星出入鉄鉞

天文會通流星干犯鉄鉞其國有急兵

雲氣出入鉄鉞

天文會通黑氣入鉄鉞其野有自立諸侯白雲氣出鉄鉞

其國有強臣黃雲氣入鉄鉞天子以鉄鉞賜諸侯一曰上

下之分嚴尊卑之禮得赤氣入之列國相侵伐青氣入之

國饑

壁宿占

晉書天文志東壁二星主文章天下圖書之祕府也星明王者興道術行國多君子星失色大小不同王者好武經士不用圖書隱星動則有土功

觀象玩占壁二星曰東壁一曰天街一曰天池一曰天梁圖書之府土星也主文章亦主土功與營室共為天之四輔星暗則王道失小人進用其南下九尺為日月五星中道

天文會通壁宿二星明而光澤天下敦詩書閱禮樂君子道長小人道消星暗而微小人君尚武事星貴黃潤而明不得明大而冇芒角乍東乍西及光浮而救動搖天下興土功百姓勞怨

按壁宿二星其南一星亦在黃道北十二度半月五星皆不及犯觀象玩占謂南下九尺為日月五星中道較今測差少三度餘

彗孛星見壁宿

宋史天文志彗星犯東壁為兵為火一曰大水民流 孛星犯東壁為兵有水火災 客星犯東壁文章士死一曰有飛人為土功有水守之歲多風雨舍則牛馬多死 觀象玩占彗出壁文章不用名士死 彗孛犯壁武容曰

大水民流彗孛出壁王者自用兵災及宗廟 客星犯壁有宗廟土功事亦曰津梁不通客星守壁水災臣謀主石氏曰西方有舉兵一曰蒼粟大出米貴人饑客星入壁北官侯曰有建城郭立都者黃帝占曰客星入壁色黃白水潦為災客星出東壁玄冥占曰兵起四方有大水五穀不成

天文會通彗星如帚掃壁宿其下有急兵一曰天子尚武親戎服政教失禮儀廢天下多強梗彗星出壁大臣被執亦曰有失職賢臣彗星抵壁其國有弊政彗守壁水火為災文章之士死 孛星出壁其國有暴兵人民失賢佐 客星入壁諸侯相謀客星守壁牛馬多死客星色赤出壁其下大臣有憂容星薄壁中其國有奸臣竊主柄為兵為喪又為土功

流星出入壁宿

宋史天文志流星犯東壁文章廢乙巳占曰若色黃白天下文章士用

觀象玩占流星出壁其下有兵亂乙巳占曰流星色黃白明潤出入東壁天下文章進用道術興遠人來貢

天文會通流星出壁有使受命出疆星大者使大星小者使小皆以色占之青黃赤白義黑懷奸黃吉流星抵觸

壁有外國使至流星貫壁其國有奸使入境

雲氣出入壁宿

宋史天文志赤雲氣入東壁為兵黑其下國破黃則外國
貢獻

觀象玩占蒼白雲氣入壁大人憂死喪出之禍除赤雲氣
入壁如波揚兵火並起黑雲氣入壁有大水黃雲氣入壁
天子裂土建侯陳卓曰烈士出青雲氣入壁有兵起黃白
雲氣入壁外國入貢一曰天子立廟

天廐

宋史天文志天廐十星在東壁之北主馬之官若今驛亭
也主傳令置驛逐通馳騫謂其疾急與尋漏競馳也

觀象玩占天廐十星狀如天錢天馬之廐也主傳舍其星
變色失常則馬病明而動則天下驛使煩多星亡不見則
天下道路斷絕

按天廐古謂十星今只三星其最南一星亦在黃道北
三十一度半月五星皆不及犯

彗孛客星見天廐

宋史天文志彗星入馬廐災 客星入馬出行 觀象玩
占彗孛出天廐廐有火災 客星入天廐馬有驚都雨曰
馬災

流星出入天廐

宋史天文志流星入天下有驚
觀象玩占流星出天廐天下有驚
天文會通流星抵天廐中則使者過害流星犯抵之若星
色亦黃者外方進御馬

雲氣出入天廐

天文會通黑雲氣入天廐中其國有恐白雲氣入之則國
失地赤氣入之有水災

霹靂

宋史天文志霹靂五星在雲雨北一曰在雷電南一曰在
土功西主陽氣太盛擊碎萬物與五星合有霹靂之應
觀象玩占霹靂五星主與雷奮擊其星明動則多震不明
則否

天文會通霹靂五星主與電擊星明則多雷震聲其下君
有峻法暴令人多怨暗則法令不行

按霹靂五星第一星三星在黃道北九度第二星四星
在黃道北七度強第五星在黃道北六度半弱惟金星

及犯之月與木火土水四星皆不及犯
彗孛客星見霹靂

天文會通彗星如帚掃霹靂其國有更王亦曰有革政

星孛霹靂其國廢政亦曰有苛政以酷民 客星抵霹

靂其國政令多易

流星出入霹靂

天文會通流星犯霹靂其國有執法者坐法一日有冤獄

流星出霹靂其國政苛急若迅雷然百姓苦之流星干犯

霹靂風雨大作色赤則旱青白則水

雲氣出入霹靂

天文會通黑雲氣犯霹靂其國有急政以酷民白雲氣犯

之其國法度總政令不行

雲雨

宋史天文志雲雨四星在雷電東一云在霹靂南主雨澤

成萬物星明則多雨水

觀象玩占雲雨四星明則多雨有水災星亡則大旱

天文會通雲雨四星主雨澤一曰主水旱明則多雨水微

小則歲豐民樂星有芒角者乍東乍西者其國歲凶水旱

不時

月五星犯雲雨

宋史天文志辰星守之有大水一占主陰謀殺事孛生萬
物

觀象玩占火守雲雨大旱

按雲雨四星第一星在黃道四度半月與火金水三星

及犯之第二星三星在黃道北二度月五星皆及犯之

第四星在黃道北三度半月與火土金水四星及犯之

木星不及犯

彗孛客星見雲雨

天文會通彗星犯雲雨其國有水潦 星孛雲雨其野

水災因水饑百姓為寇 客星犯雲雨其國多雨水大源

流星出入雲雨

天文會通流星犯雲雨陽其國旱犯雲雨陰其國潦

雲氣出入雲雨

天文會通黑雲氣出入雲雨其野大澇傷禾稼白雲氣出

入雲氣其國有水寇黃雲氣覆之其歲大穰餘俱凶

鈇鑕

宋史天文志鈇鑕五星在矢蒼西南刈具也主斬芻飼馬

明則牛馬肥微暗則牛馬饑餓

觀象玩占鈇鑕五星在羽林東星明則牛馬蕃暗則耗不

見則牛馬多死

按鉄鎖五星其最北一星亦在黃道南十五度弱月五星皆不及犯

彗孛客星見鉄鎖

天文會通彗孛客星犯入鉄鎖牛馬橫死兵革起將軍憂
星孛鉄鎖其野有受誅大臣 客星犯鉄鎖外寇為亂
守之有殺伐事

流星出入鉄鎖

天文會通流星抵觸鉄鎖有賊臣在大人之側
雲氣出入鉄鎖

天文會通黑雲氣入鉄鎖有兵為亂白氣入之其國有喪
一曰有兵罷兵無兵兵起

土功公

觀象玩占二星在壁宿南主營造起土之官其星動搖則

土功興

天文會通土功二星主水土之功星明黃潤則天下安其
國豐民壽天下和平星暗失常不有水患必有土役

月五星犯土公

天文會通五星干犯土木之功起

天按土公二星第一星在黃道北七度半惟金星及犯
之第二星在黃道北四度半月與火金水三星及犯之

餘不及犯

彗孛客星見土公

天文會通彗星掃土公更造宮室 星孛於土公其國有
兵變一曰土工毀 客星干犯土公其國有工役百姓勞
怨

流星出入土公

觀象玩占流星衝犯土公土木之官憂
天文會通流星干犯土公土木之工起

雲氣出入土公

天文會通黑雲氣如人馬狀入土公水傷赤白氣如樓閣
狀來土公更造宮室赤氣入宮宇有火災青氣入其野興
土以致歲荒

欽定天文正義卷三十六

奎宿占

奎宿占

史記天官書奎曰封豕為溝瀆正義奎十六星婁三星為降婁於辰在戌魯之分野奎天之府庫一曰天豕亦曰封豕主溝瀆西南大星所謂天豕目占以明為吉星不欲團圓團圓則兵起暗則臣干命之咎

宋史天文志西方奎宿十六星天之武庫主以兵禁暴西南大星曰天豕目亦曰大將明動則兵水大出

觀象玩占奎十有六星一曰天庫一曰天邊金星也其下九尺為日月五星中道西南大星為女令石氏曰奎主庫兵禁不時故置將軍以領之奎又主溝瀆故將有陂池江河之事皆占於奎大星欲其明明則天下安芒角動搖國必用兵或曰有赦天豕目主水瀆動則有水以日占國

管窺輯要古云東壁二星乃文章之府誤以奎壁二星為文章之府耳宋五星聚奎實在奎壁間故以為文明之兆

按奎宿十六星其最南一星亦在黃道北十二度半月五星皆不及犯觀象玩占謂其下九尺為日月五星中道即以最南一星言較今測差少三度半

彗孛客星見奎宿

漢書天文志燭星見奎婁間占曰有土功胡人死邊城和宋史天文志彗犯奎為饑為兵喪出則有水災

星守於奎其下兵出民饑出則西北有兵起 客星犯奎有溝瀆事守則王者有憂軍敗賊臣在側入之破軍殺將舍留不去人饑出則為謀臣惑天子

觀象玩占彗守出奎石氏曰西北起兵諸侯與夷狄相應兵大起有喪大水一曰有廢立魯地兵起彗守犯奎大饑國君出戰彗貫奎庫兵恚出禍在強臣 客星出奎大水災中國亂一曰國兵出巫咸曰邊兵起白衣自立為王刀劍貴石氏曰有矯命出使者赤星出奎外夷動兵赤黑有破軍赤星守奎兵起客星守奎郝萌曰臣有以巧偽惑天子者又曰天下修兵有殺霜不時下牛疫六畜貴黃帝占曰糴賤荊州占王者憂一曰魯國起兵一曰軍在外者敗客星留舍奎不去天下饑布帛貴入之石氏曰外夷起兵麻象貴甘氏曰強國爭地荊州占曰土工大興陳卓曰武庫之臣有罪黑星入奎有溝渠事黃星入奎土工興宮中有變赤星逆行從婁至奎兵起

天文會通彗星干奎除舊冥新其野大亂一曰彗星出奎其分有災疫又彗在奎火焚武庫亦主失地 守星守奎武庫壞出奎大將死又曰大水守星犯奎溝瀆大水又曰大將軍失利

流星出入奎宿

宋史天文志流星入犯奎有溝瀆事破軍殺將乙巳占流星出入色黃白光潤文昌武偃赤如火光作聲為弓弩用一曰入則有聚眾事

觀象玩占流星犯奎乙巳占曰武庫用事春夏犯奎興秋冬犯百川溢流星入奎有溝瀆之事於國內出奎有溝瀆之事於國外 天文會通流星入奎諸侯有來使色青則有大將來歸者出奎則君使人於諸侯 雲氣出入奎宿

宋史天文志赤雲氣入犯奎為兵黃為天子喜黑則大人有憂 觀象玩占蒼白雲氣出奎有兵入奎天下婦人有災赤氣入奎有偽使一曰有無所受命而來者出奎有詐出使者黃雲氣入奎中有貢珠玉珍寶者出奎珍寶有出者赤氣入奎天下婦人多血疾黑氣入奎有疾疫

天溷

宋史天文志天溷七星在外屏南主天廁養豬之所一曰天之廁溷也暗則人不安移徙則憂 觀象玩占天溷七星在屏南天廁也其星不見則人不安多疾病

天文會通天濶星明潤而光澤則天下無失業之民星踈圻則天下民流亡星就聚則民聚為盜暗則民不安居又曰明則六畜盛暗則六畜疫死

按天濶古謂七星今只四星其最北一星亦在黃道南十三度強月五星皆不及犯

彗孛客星見天濶

天文會通彗星干犯天濶不有亡國必有死君 外亭天濶其國有兵喪民聚為亂 客星干天濶外兵入塞客星抵天濶盜賊四起

流星出入天濶

天文會通流星抵觸天濶民不安居

雲氣出入天濶

天文會通黑雲氣入天濶良民為盜黃氣入之下民有暴貴者青氣入之民多獄訟赤氣入之民失業

土司空

宋史天文志土司空一星在奎南一曰天倉主土事凡營城邑浚溝洫修隄防則議其利建其功四方小大功課歲盡則奏其殿最而行賞罰星大色黃則天下安 觀象玩占土司空一星地官也主水土之事知歲禍福其星明大黃潤則天下安不明若亡不見則國有喪角動則土功

與微暗則有旱災

按土司空一星在黃道南二十一度弱月五星皆不及犯彗孛客星見土司空

宋史天文志彗客犯土司空水旱民流兵大起土功興 客星守之有土功哭泣事

觀象玩占彗孛出土司空兵大起工役興一曰大將軍憂客星入守土司空工役大興男女不得耕織天下大疾石氏曰旱出之外臣憂夷狄兵起人民愁苦徭役守之宮中有哭泣事

天文會通彗掃土司空天下多更造宮宇 星孛土司空其國有喪

流星出入土司空

觀象玩占流星抵土司空兵起土工興

天文會通流星抵犯土司空其國有兵恐流星出土司空天子遣使治水土功

雲氣出入土司空

宋史天文志黃雲氣入土司空土功興移京邑 天文會通黑雲氣入土司空大水傷禾稼白氣入之興兵後禦水患赤氣入之旱黃氣入之民安青氣入之歲饑

彗星

史記正義策一星在王良前主天子僕也占以動搖移易在王良前或居馬後則為策馬策馬而兵動也

宋史天文志策一星在王良北天子僕也主執策御

觀象玩占策一星正咸曰策主天子兵馬金官也其星動搖

則天子出移徙居馬後亦謂之策馬有大兵起

天文會通策一星天子僕御也一曰王良之御策也星小明

而黃潤則車駕安明大出怒角左右賤臣有匿謀

按策一星在黃道北四十九度弱月五星皆不及犯

彗孛客星見策星

宋史天文志彗孛客星犯策星皆為大兵起天子自將於野

近之下有謀亂者

觀象玩占客星守犯天策兵大起天子自將一曰客星守下

有謀人主不可出宮

天文會通彗出策星旁僕廝有變謀 星孛策星僕以兵叛

客星入犯策星僕廝通外奸有惡謀

流星出入策星

天文會通流星出策星僕御以罪見逐

雲氣出入策星

天文會通黑雲氣入策星賤臣起兵白氣入之僕御有離心

黃氣入之賤臣受賞

附路

宋史天文志附路一星附一作傳在閣道南旁別道也一曰在王

良東主太僕主禦風雨芒角則車騎在野星亡有道路之變

不具則兵起

觀象玩占附路一星所以備閣道之敗缺一曰伯樂主掃除

主禦風雨一曰附路太僕之家石氏曰附路以通道備不虞

星明則人主昌民不殃亡不見則道路塞

按附路一星在黃道北四十五度弱月五星皆不及犯

彗孛客星見附路

宋史天文志彗孛犯附路道路不通 客星入馬賤

觀象玩占彗孛出附路天下饑兵起人主自臨兵 客星犯

附路天下半隔入之兵大起出附路正咸曰馬當賤若守之

太僕以馬得罪

流星出入附路

觀象玩占流星抵附路太僕有憂馬多死若馬大出

雲氣出入附路

宋史天文志蒼白雲氣入附路太僕有憂赤為太僕誅黃白

太僕受賜黑為太僕死

觀象玩占赤氣出附路兵起黃白氣出之有德令

閣道

史記天官書後六星絕漢抵營室曰閣道索隱絕度也抵屬也又素樂汁圖徵云閣道北斗之輔石氏云閣道六星神所乘也正義漢天河也直度曰絕抵至也閣道六星在王良北飛閣之道天子欲遊別宮之道占一星不見則輦路不通動搖則宮掖之內起兵也

宋史天文志閣道六星在王良前飛道也從紫宮至河神所乘也一曰主輦閣之道天子遊別宮之道也星不見則輦路不通動搖則宮掖有兵

觀象玩占閣道六星在王良前從紫宮至河王良旗也一曰紫宮旗水官也主捍難滅谷石氏曰閣道形如飛閣從紫宮

北出至河上天之御道神所乘也主道路其星行列正直而明則人主吉天下安不具則御道不通

天文會通閣道變色出怒角天子無出宮

按閣道六星其最南一星亦在黃道北三十九度強月五星皆不及犯

彗孛客星見閣道

後漢書天文志閣道紫宮天子之宮也客星犯入留久為大喪

宋史天文志彗孛客星犯閣道主不安國有喪

觀象玩占彗孛出閣道御道中有伏兵犯之道路不通 客

星出閣道王者不可私行犯之閣道中有伏兵天子戒之天文會通彗星掃閣道兵叛 星孛閣道車騎滿野 客星彗孛犯守閣道宮禁驚兵革起

流星出入閣道

觀象玩占流星犯衝閣道天子戒出入

天文會通流星犯閣道帝王巡狩

雲氣出入閣道

宋史天文志白雲氣入閣道有急事黑主有疾黃則天子有

喜

天文會通黑氣入閣道其國有兵

王良

史記天官書漢中四星曰天駟旁一星曰王良王良策馬車騎滿野

宋史天文志王良五星在奎北居河中天子奉車御官也其四星曰天駟旁一星曰王良亦曰天馬星動則車騎滿野一

曰為天橋主禦風雨水道星不具或客星守之津梁不通與閣道近有江水之變星明馬賤暗則馬災

觀象玩占王良五星一曰天津一曰王濟天子奉車度水之

官也荆州占曰王良為西橋或占車騎或占津梁石氏曰王

良星移則有兵荆州占曰王良與馬齊則天下大急郝萌曰

王良向造父則馬賤又曰四馬芒角天子自將兵又曰王良天駟皆明則馬吉移徙失色則馬有災

按王良五星其最南一星亦在黃道北四十五度半月五星皆不及犯

彗孛客星見王良

宋史天文志彗客犯王良為兵喪天下橋梁不通觀象玩占

彗孛出王良天子好馳遊奉車反兵大起馬多死天下急關津不通犯之占同 客星入王良將士皆亡守之兵馬大動

民疾病

天文會通彗孛客星近王良不宜出宮有謀亂

流星出入王良

宋史天文志流星犯王良大兵將出

觀象玩占流星入王良有急兵起

天文會通流星出王良天子車駕動

雲氣出入王良

宋史天文志青雲氣入犯王良奉車憂墜車雲氣赤有斧鎖

憂

觀象玩占蒼白氣入王良憂墜車馬奉車憂出之禍除赤氣入王良太僕奉車誅赤氣中駟馬兵起赤氣出車騎滿野黃氣入奉車拜賜天子有喜諸侯有獻馬者一曰有神馬見黃

度第七星在黃道南九度惟金星及犯之史志占書皆未

載其象占

彗孛客星見外屏

天文會通彗孛客星干犯外屏邊城不守屏障多壞亂兵將起

流星出入外屏

天文會通流星抵觸外屏黎民失業

雲氣出入外屏

天文會通黑雲氣入外屏其國邊境兵擾白雲氣入之其國有急兵

氣出天子出車馬賜諸侯王黑氣入奉車太僕死

天文會通白氣入王良兵起亦為火災

外屏

宋史天文志外屏七星在奎南主障蔽臭穢

觀象玩占外屏七星在奎南以蔽天淵其星不見或移徙則

民人失業

按外屏七星第一星在黃道北二度強第二星在黃道北

一度第三星在黃道南十三分月五星皆及犯之第四星

在黃道南三度月與火土金水四星及犯之第五星在黃

道南五度弱月與火金二星及犯之第六星在黃道南八

軍南門

宋史天文志軍南門在天大將軍南天大將軍之南門也主誰何出入星不明則外國叛動搖則兵起明則遠方來貢

欽定天文正義卷三十七
婁宿星

觀象玩占軍南門一星在天大將軍西南不見則兵亂不通天文會通軍南門一星乃軍營之南門今之轅門也大象曰南門列棘而出衆又曰主呵叱出入以防盜賊易曰重門擊柝以待暴客亦此意也其星明正則軍門肅靜寇盜不入遠方來貢不明移徙夷狄反叛亂兵大起

按軍南門一星在黃道北三十六度強月五星皆不及犯彗孛客星見軍南門

天文會通彗孛入犯軍南門其國兵亂互相誅戮 客星入守軍南門外奸入軍營

流星出入軍南門

天文會通流星犯軍南門則外寇入國境一曰外奸入營中雲氣出入軍南門

天文會通黑雲氣入軍南門軍士有離心白氣入之其野有屠城一曰有潰軍赤氣入之軍營有火災青氣入軍士饑

婁宿占

史記天官書婁為聚眾正義婁三星為苑牧養犧牲以共祭祀亦曰聚眾占動搖則眾兵聚

宋史天文志婁三星為天獄主苑牧犧牲供給郊祀亦為興兵聚眾明大則賦斂以時星直則有執主命者就聚國不安

觀象玩占婁三星曰天獄一曰密官一曰國市一曰天廟庫土星也主犧牲宗廟五祀苑牧故置天倉以養之婁聚也故

又主興兵聚眾將有聚眾之事占之於婁其下九尺為日月五星中道星經曰婁者萬物之所收藏也婁星明則郊祀得

禮天子有福多子孫天下臣子忠孝暗小失色則反是又曰婁星明則六樂和不明則反是婁又主音樂動則歡娛音樂

大盛天文會通婁為貴人之宰為暴起之兵動則兵四起大小等色黃潤則吉星暗不明則有免獄

太白犯婁宿

史記正義金火守之兵起也

宋史天文志太白犯婁有聚眾事守之期三十日有兵民饑觀象玩占太白順行入婁是謂子歸其母國有喜又曰太白

去婁一尺爵祿貴太白犯婁有匿謀夏多水災太白守婁子守其母天子孝將軍有德天下大順黃帝占曰天下旱萬物

不成李筮曰將出無功金出舍婁乙巳占秦國起兵加於魯

太白出入番舍婁外兵來入齊伯曰其分受兵

天文會通金星犯婁宿有兵起一曰大日受戮金入婁五穀不登多蝗入婁中有赦金出婁糴貴有德令若土功金星行

犯婁民饑將軍惡之

按婁宿三星第一星在黃道北八度半第二星在黃道北

七度第三星在黃道北十度惟金星及犯之月與木火土

水四星皆不及犯觀象玩占謂其下九尺為日月五星中

逆益指第一星而言也

彗孛客星見婁宿

宋史天文志彗星犯婁民饑死出則先旱後水穀大貴六畜

疾倉庫空又曰國有大兵星孛於婁其分為兵為饑客

星犯婁為大兵守之五穀不成又曰臣惑主專政歲多獄訟

環繞三日大赦

觀象玩占彗孛出婁曰奪君政一曰魯地兵起彗孛犯婁五

穀不成人民大亂不出三年客星守婁有火災人饑多疾

石氏曰民為亂天下有聚眾事一曰布帛貴一曰牛馬貴一

曰魯地起兵客星入婁外夷兵起荊州占旱千里倉庫竭客

星出婁而守之海中占曰邊失地有爭國者

天文會通彗星出婁邊陲兵起彗犯婁中央大星其下有免

枉事彗出婁中其所指之野有單政彗掃婁中央星不有破軍必有死將 孛星犯婁內苑火起孛出婁中央天獄大興 孛薄婁中央星其國憂兵亦曰有棄祀薄西星其分有漂溺之患薄東星其野大旱孛星犯守婁水旱並興 客星入婁外國有使來一曰有土功事客星守婁夏秋水災客星守婁中央星其野有刺客色白則凶客星犯婁國有兵喪

流星出入婁宿

宋史天文志流星出犯婁有法令清獄

觀象玩占流星出婁有聚衆之事於國外一曰五祀官用事春夏出苑園興作秋冬出犧牲災一曰有德令流星入婁有聚衆之事於國內一曰苑園多禽獸若色黑禽多死流星犯婁守倉庫者然

天文會通流星犯婁中星火災在苑園流星抵觸婁中央外

國有使至

雲氣出入婁宿

宋史天文志青赤雲氣入婁為兵喪黑為大水

觀象玩占白氣入婁人民受賜黃氣入婁貴人受賜黑氣入婁有白衣之會黑氣入婁紛紛如轉蓬大水且至赤雲氣如劍鋒入婁苑牧中央起青氣入婁有兵憂 天文會通黃氣出婁則內苑繁庶黑氣繞婁內苑有死犧牲

青雲氣出婁則園園空

天倉

宋史天文志天倉六星在婁宿南倉穀所藏也待邦之用星近而數則歲熟粟聚遠而疏則反是

觀象玩占天倉六星主倉庫之藏大司農之事其星黃大而明則倉廩豐倉中小星眾則儲積富星稀小則倉廩虛石氏曰天倉戶開則歲大熟戶閉則歲不登天下饑黃帝占曰天下有兵而倉庫之戶俱開則主人勝客客事不成天倉星不具則道不通軍絕糧

太白犯天倉

宋史天文志太白犯天倉外國人相食兵起西北觀象玩占太白中犯乘守天倉四夷人相食兵起西方若北方若當戶守之將不為主用

按天倉六星第一星在黃道南十度惟金星及犯之其餘五星在黃道南十六度外月五星皆不及犯

彗孛客星見天倉

宋史天文志客彗犯天倉五穀不成 客星入歲饑糴貴 觀象玩占彗孛出天倉兵大起粟出民饑若守犯之國無儲糧 客星入天倉郝萌曰外夷以奇物來貢石氏曰倉粟發兵滿野守天倉倉粟出天下貧石氏曰兵起道不通馬大貴

當天倉戶而守之將吏食主祿而不用命

流星出入天倉

宋史天文志流星入天倉色赤為兵犯之粟以兵出色黃白
歲大稔

觀象玩占流星犯天倉五穀貴入天倉甘氏曰穀散出有轉

粟事石氏曰流星色赤入天倉中有火災

雲氣出入天倉

宋史天文志蒼白雲氣入天倉歲饑赤為兵旱倉廩災黃白

歲大熟

觀象玩占赤氣入天倉兵內起有火災赤氣出以兵出粟赤

氣如波揚入之大旱火大起蒼黑氣入其歲不熟

右更左更

宋史天文志右更五星在婁西秦爵名主牧師官星不具天

下道不通左更五星在婁東亦秦爵名山虞之官主山澤林

藪竹木蔬菜之屬占同右更

月五星犯左右更

宋史天文志太白熒惑犯守左右更三澤兵起

天文會通五星犯守左右更六畜死亡

按右更五星第一星在黃道北九度半弱惟金星及犯之

第二星在黃道北五度半弱月與火金二星及犯之第三

星在黃道北二度弱第四星在黃道南一度半強月五星

皆及犯之第五星在黃道北三度半強月與火土金水四

星及犯之左更五星第一星在黃道北六度月與金星

及犯之第二星在黃道北四度月與火金水三星及犯之

第三星在黃道南半度強第四星在黃道南一度半弱第

五星在黃道北一度強月五星皆及犯之

彗孛客星見左右更

天文會通彗孛客星犯左右更兵起山澤猛獸食人客星

犯左右更外夷入寇其野亡地

雲氣出入左右更

天文會通黑雲氣入左更其國有水災入右更其野糴貴白

氣入左更其國有兵喪入右更其國人民受禍

天大將軍

宋史天文志天大將軍十一星在婁北主武兵中央大星天

之大將也外小星吏士也動搖則兵起大將出小星動搖或

不具亦為兵旗直揚者隨所擊勝

觀象玩占天大將軍金官也天之將即黃帝占曰天大將軍

欲其安靜而明則天下兵不興大將軍海中占天將軍動搖

則天子自將兵其左右星曰旗芒角所指者敗一曰天將軍

明則將武兵精暗小則兵羸將怯星亡則將死

按天大將軍十一星其最南一星亦在黃道北十九度月五星皆不及犯

彗孛客星見天大將軍

宋史天文志客星守天大將軍大將不安軍吏以饑敗

觀象玩占彗孛出天將軍將軍反兵大起犯之將軍死兵敗

散

天文會通彗孛出天將軍三軍殺主將 星孛天將軍為邊

兵 客星犯天將軍其國邊兵為亂一曰外寇內侵

流星出入天大將軍

宋史天文志流星入大將憂

天文會通流星出天大將軍則將出入之則將入抵犯天將

軍兵起將災

雲氣出入天大將軍

宋史天文志蒼白雲氣犯之兵多疾赤為兵出

觀象玩占蒼白氣入天將軍兵多死赤氣出兵大出赤氣入

兵將皆有凶軍在外防客兵來

天庾

宋史天文志天庾三星在天倉東南主露積占與天倉同

觀象玩占天庾三星主露積亦為積粟之屋場圃之所其占

與天倉同

按天庾三星其最北一星亦在黃道南三十九度月五星皆不及犯

彗孛客星見天庾

天文會通彗掃天庾百姓憂饑 星孛天庾國用散天下因

糧用兵彗孛干犯天庾蟲食倉粟腐壞 客星犯守天庾倉

廩空虛

流星出入天庾

天文會通流星入犯天庾五穀不登倉庫官災

雲氣出入天庾

天文會通黑雲氣入天庾歲凶白氣入天庾糴貴黃氣入之

倉廩實府庫充青黃氣入之時和歲豐天下富有

欽定天文正義卷三十八

胃宿占

胃宿占

史記天官書胃為天倉正義胃三星昴七星畢八星為大梁於辰在酉趙之分野

宋史天文志胃宿三星天之厨藏主倉廩五穀府也明則天下和平倉廩實民安動則輸運暗則倉空就聚則穀貴民流中星衆穀聚星小穀散芒則有兵

觀象玩占胃三星曰大梁一曰天中府一曰天庫一曰密宮金星也胃者五穀之府天之厨藏主倉廩入藏積聚萬物又主討捕誅殺盜醜之事其南下九尺為日月五星中道胃星明則天下豐暗小則天下米貴

天文會通胃三星主倉廩之行耗五穀之有無歲之豐凶時之水旱必候此以為據

按胃宿三星其最南之星亦在黃道北十度半月五星皆不及犯觀象玩占謂南下九尺為日月五星中道較今測差少一度半

彗孛客星見胃宿

宋史天文志彗星犯胃兵動臣叛有水災穀不登星孛於胃其分兵起王者惡之客星犯胃王者憂倉廩用退行入則有救守之強臣凌國穀不熟乘之為火舍而不去人饑出其分若有憂

觀象玩占彗出胃昴之間狀如竹帚有兵災大臣為亂君弱臣強邊兵大起天子憂人民驚近期一年遠三年 彗孛出胃五穀不成倉廩空大臣為亂彗孛行犯胃其國兵起有水災 客星犯胃五穀不成倉庫空有發軍倉粟發一曰有金銅之令赤星乘胃倉廩焚

天文會通彗星出胃中其國雜貴監貴又曰大將受戮外兵發府庫倉廩 孛星干犯胃宿天倉有火災其國歲歉饑民為盜 客星犯胃兵起外寇為亂客星守胃有兵寇發太倉及諸侯有兵入寇

流星出入胃宿

宋史天文志流星犯胃倉空色赤為火災 觀象玩占流星出胃倉庫官有生罪者一曰有祿旅之事於國外流星入胃有祿旅之事於國內一曰有稅穀粟之事若出之有出粟流星犯胃倉粟大出春夏犯穀大貴秋冬犯倉廩空

天文會通流星抵觸胃中央星其國有外使發粟亦曰外奸入國流星出胃則天子發粟以賑天下

雲氣出入胃宿

宋史天文志蒼白雲氣出入犯胃以喪糴粟事黑為倉穀散腐青為兵黃白倉寶

觀象玩占赤雲氣出胃以兵出粟赤雲氣入胃以兵糴粟黑氣如轉蓬出胃大人飲食中毒且有大水黃白雲氣潤澤入胃倉庫充實出之有出粟賑民之事

天囷

天文會通白氣入胃天下多荒黑雲氣入犯胃糴暴貴

宋史天文志天囷十三星如乙形在胃南倉廩之屬主給御廩染盛星明則豐稔暗則饑 觀象玩占天囷十有三星主御糧百庫之藏其星欲明明而衆寶則庫藏滿不明及中星稀則庫藏空國有憂不見則倉庫皆竭變動失色則天下饑

天文會通天囷為積粟之所以占候倉廩之盈虛亦主歲之豐凶

月五星犯天囷

晉書天文志熒惑入天囷占曰大饑 太白入天囷占曰為饑

宋史天文志月犯天囷有移粟事 五星犯之倉庫空虛 觀象玩占太白入天囷諸侯有謀倉庫破大旱且大水大饑 天文會通月犯天囷水傷木稼 火犯之歲旱 金星犯之饑民為寇 金火守之災起 水星逆犯之大水

按天囷十三星第三星在黃道南八度弱第七星在黃道

南九度強惟金星及犯之第四星六星在黃道南六度弱月與火金二星及犯之第五星在黃道南四度弱月與火金水三星及犯之其餘八星在黃道南十二度外月五星皆不及犯

彗孛客星見天囷

宋史天文志客彗入天囷倉庫憂水火焚溺

觀象玩占彗出天囷倉廩空有出粟天下饑民流客星出

天囷若守之天下大旱人饑

天文會通星孛天囷中有急兵一曰軍儲不繼客星乘凌

天囷釋貴

流星出入天囷

觀象玩占流星入天囷粟米出

天文會通流星出入天囷民饑發粟賑貸

雲氣出入天囷

宋史天文志青白雲氣入天囷歲饑民流亡

天文會通黑雲氣入天囷天下水荒民困赤氣入倉廩有火

災黃氣入之年穀順成天下和平青氣入民饑

大陵

宋史天文志大陵八星在胃北亦曰積京主大喪也中星繁

諸候喪民疫兵起

觀象玩占大陵八星主死喪又主陵墓其星不欲明明則天下多死喪兵起其中小星眾則天下粟聚死人如麻按大陵八星其最南之星亦在黃道北二十二度半月五星皆不及犯

彗孛客星見大陵

唐書天文志有彗星於大陵東北指占為外夷兵及水災

宋史天文志客彗入大陵民疫

觀象玩占彗孛出大陵有大喪土功山陵之役客星出大

陵或入守之皆為有山陵之役

天文會通彗掃大陵有兵變星孛大陵犯積尸其野有死

君客星犯大陵其國多死喪

流星出入大陵

宋史天文志流星出犯大陵其下有積尸

觀象玩占流星入大陵有土功墳陵之役

雲氣出入大陵

宋史天文志蒼白雲氣犯大陵天下兵喪赤則人多戰死

觀象玩占赤氣入大陵兵起黑氣入大陵

天文會通黑氣入大陵其野有兵變白氣入有哭泣事黃氣

覆大陵山陵工役有賞賜

積尸

宋史天文志積尸一星在大陵中明則有大喪死人如山

觀象玩占積尸一星陵墓之屍也一曰積京主死喪星明人

多暴死不明則吉不見則天下無橫死者

按積尸一星在黃道北二十二度弱月五星皆不及犯

彗孛客見積尸

宋史天文志客彗犯積尸有大喪

天文會通彗星出積尸其野大戰一曰有橫尸 客星入積

尸其野有哭泣

流星出入積尸

天文會通流星抵觸積尸兵聚其下一曰伏尸之象

雲氣出入積尸

宋史天文志蒼色雲氣入犯積尸人多死黑為疫

天文會通蒼白氣入積尸有咒法事出則禍除赤氣入之有

火災黑氣入之有水災

天船

晉書天文志天船一曰舟星所以濟不通也

宋史天文志天船九星在大陵北河之中天之船也主通濟

利涉石申曰不在漢中津河不通明則天下安不明及移徙

天下兵喪

觀象玩占天船九星一曰舟星一曰天更主濟渡又主水旱

常居漢中天將軍之兵船也

按天船九星其最南之星亦在黃道北二十六度強月五

星皆不及犯

彗孛客星見天船

後漢書天文志天船為水彗出之為大水

晉書天文志彗星出天船在胃占曰為兵喪除舊布新出天

船外夷侵

宋史天文志彗星犯天船為大水 客星犯為水為兵

觀象玩占彗孛出天船外夷來侵水賊兵起一曰天下大旱

客星出天船有舟船之事

流星出入天船

觀象玩占流星入天船舟船用

雲氣出入天船

宋史天文志青雲氣入天船天子憂不可御船赤為兵船用

黃白天子喜

觀象玩占赤氣入天船有自立者一曰水中兵戰赤氣出之

兵起蒼白氣入天子不可乘船出之禍除赤黑氣入天子戒

乘船黃白氣入天子幸船有喜青氣或黑氣入舟師勿行

天廩

宋史天文志天廩四星在昴宿南一曰天廩主蓄黍稷以供

享祀春秋所謂御廩此之象也又主賞功掌九穀之要明則國實歲豐移則國虛黑而稀則粟腐敗

觀象玩占天廩四星主廩藏會計之事星齊明則年豐國足民安天子吉小而不明則歲惡國虛人饑臣受君祿而不修其職

月五星犯天廩

晉書天文志填星犯天廩占曰天下饑倉粟少

宋史天文志月犯天廩穀貴 五星犯之歲饑

觀象玩占火守天廩兵起有聚粟轉粟之事

天文會通金犯天廩有兵變 火犯天廩御廩有火災亦曰

有亂兵爭食

按天廩四星第一星在黃道南六度弱月與火金二星及犯之第二星在黃道南七度半弱火金二星及犯之第三星在黃道南九度弱第四星在黃道南九度半弱惟金星及犯之餘皆不及犯

彗孛客星見天廩

宋史天文志客星犯天廩倉庫空虛

觀象玩占彗孛出天廩兵起倉粟出犯之蝗蟲為害歲饑民流亡 客星入天廩中色青天下多憂色赤大旱多火災色黃白歲熟客星出天廩廿氏曰粟貴民流亡犯之天下亂守

之倉粟發石氏曰馬大貴

天文會通客彗犯天廩倉庫官受黜

流星出入天廩

宋史天文志流星入天廩色青為憂赤為旱為火黃白天下

熟

觀象玩占流星入天廩五穀不成

天文會通流星犯抵天廩火災間作蝗螟為害

雲氣出入天廩

宋史天文志青雲入天廩蝗饑民流赤為旱黑為水黃則歲

稔

觀象玩占赤氣入天廩有火災赤氣出天子以用兵出粟黃

白氣出天子出粟賑民蒼白氣入蟲大生出之則禍除

積水

宋史天文志積水一星在天船中候水災也明動上行舟船

用

觀象玩占積水一星明大動搖則大水

按積水一星在黃道北二十九度弱月五星皆不及犯

彗孛客星見積水

天文會通彗孛犯入積水水溢兵起 客星守積水河失隄

防

續修四庫全書 子部 天文算法類

流星出入積水

天文會通流星出積水有水患

雲氣出入積水

天文會通黑雲氣入積水江河溢糴貴白氣入之有水寇

欽定天文正義卷三十九

昴宿占

昴宿占

史記天官書昴曰鬣頭胡星也為白衣會正義昴七星為鬣頭胡星也亦為獄事明則天下獄訟平暗為刑罰濫六星明與大星等大水且至其兵大起搖動若跳躍者胡兵大起一星不見皆兵之憂也宋史天文志昴宿七星天之耳也主西方及獄事又主喪昴畢間為天街天子出旄頭罕畢以前驅此其義也七星皆黃兵大起一星亡為兵喪搖動有大臣下獄及有白衣之會大而數盡動若跳躍者北兵大起一星獨跳躍而動北兵欲犯邊

觀象玩占昴七星一曰天器一曰天獄一曰天厨一曰天路水星也又曰胡聚胡星也主兵喪主口舌奏對其下九尺為日月五星中道中二星為天街陰陽之所分昴火星欲其明明則國無佞臣天下安不明則佞臣得志天下凶其六星不欲明明則天下受誅罰邊兵多死

月五星犯昴宿

後漢書天文志太白在昴為邊兵太白犯昴畢為近兵晉書天文志月犯昴胡不安 熒惑守昴占曰趙魏有灾太白入昴占曰天下擾兵大起太白犯昴占曰歲中旱宋史天文志月犯昴為飢北主憂天子破北兵變色民流國亡下有暴兵有赦出昴北天下有福采之法令峻大水穀不

登 熒惑犯守昴為兵為旱飢守東齊楚越按觀象玩占作齊吳有兵守南荆楚有兵西則兵起秦鄭北則兵起燕趙又為貴人多死北地不寧入則有喜有赦天下無兵守而還環繞句已為赦久守雜責 太白入犯昴大赦在東六畜傷在西六月有兵又曰守之北兵動將下獄畫見邊兵起出入留舍在南為男喪北為女喪 辰星犯昴北主憂守之穀不成民飢久守為水為兵

觀象玩占月犯昴其分民離散乙巳占曰貴臣有憂獄訟煩苛無辜獲罪月食昴天下饑趙地受兵月入昴中理獄官凶一曰軍在外絕食一曰大臣匿其罪 熒惑守昴河圖聖洽符曰政令苛擾民苦其誅一曰天下多獄水旱不時巫成曰四夷兵起天下多人災萬物不成人多病死海中占胡不寧多病死郝萌曰大臣為亂將帥有囚者又曰地裂山崩人流亡西官侯曰克多死春三月旱馬牛多死一曰有急令道不通火在陽為中國在陰為胡荆州占曰火守昴中周宋負兵黃帝占火以春三月守昴其夏早夏守秋旱秋守冬旱冬守來年春旱火入昴已去之復還守之有臣為天子破匈奴者期三年火舍昴甘氏曰天下多賊郝萌曰多賊赦 太白犯昴陳卓曰兵起入其中旱大將死一曰大熱太白守昴郝萌曰不有亡國必有謀主者甘氏曰久守之陰國凶胡可伐黃

帝占曰天子有事於四夷甘氏曰有更令若有大赦石氏曰胡兵入若守其北西北夷有毒霜早降歲有疾癘一曰胡不安入昴王歷曰有大憂一曰趙地受兵出其北胡王死太白舍昴黃帝占曰留之四五日不去大臣有死者太白出入留舍昴黃帝占曰大臣憂兵起逆行守昴天下擾擾多獄事太白中犯乘昴一曰臣有謀國易政 水守昴執法之官受誅黃帝占曰兵破散民流亡石氏曰夷狄勝中國一曰諸侯有誅者辰星逆行守昴獄冤不理大臣有死者甘氏曰辰星守昴角動兵起謀在北方大將之家及外陰以星入之日占其期荆州占曰辰星犯昴夷狄兵起民受殃若出其北天子起兵伐胡胡王死陰國凶

天文會通月犯昴南則中國有兵起犯昴北則匈奴有兵起月入昴在陽為旱在陰為水 火犯昴兩頭星臣下有謀不成伏誅火守昴中央星大將下獄火乘昴陰有火災火入昴為大水火掩昴廷尉有憂 金守昴道路不通大水 水星犯昴為水戰為大水一曰天子戒刑罰水犯守昴有芒角色黑為水色赤為旱色青為憂色白為喪若水守昴南中國旱守昴北匈奴水災水星乘守昴有毒霜早降歲多疾疫

按昴宿七星俱在黃道北四度強弱月與火金水三星及犯之木土二星不及犯觀象玩占謂其下九尺為日月五

星中道較今測差多五度
彗字客星見昴宿

後漢書天文志昴為獄事客星守之為大獄

晉書天文志有星守於昴畢占曰為兵喪

宋史天文志彗星犯昴大臣為亂出則邊兵起有赦 星守

昴其分臣下亂有邊兵大臣誅 客星犯昴貴人有急北兵

大敗讒人在內守之臣叛主兵起入則其分有喪

觀象玩占彗守昴邦有喪 客星守昴中國亂一曰執法

之臣誅一曰漁獵起一曰天下多亂獄客星入昴黃占占曰

有赦又曰貴臣有繫囚者又曰獄有妄殺無辜者荆州占曰

水泉大出民去其鄉而就兵邑客星出昴燕代間有起兵者

客星中犯乘昴趙國不利客星舍昴不去天下多囚盜賊並

起若留之十日以上不去胡人內自相賊兵起國亂有來降

者

天文會通彗星干犯昴宿其國除舊實新柄所在不可擊彗

星出昴尾掃天街者中國匈奴以兵交爭柄所在者勝尾芒

所指者負彗星見昴趙國亂 彗星干犯昴宿色白軍起不

戰色赤者其野有死將邦有憂彗星入昴色赤者兵敗城陷

星守於昴其國大水為患一曰有赦令 客星入昴五穀傷

其國有災客星犯守昴色赤者旱糶貴客守昴兩頭星大水

流星出入昴宿

宋史天文志流星出入犯昴夷兵起乙巳占流星入昴北方
來朝出則天子有赦令恤民

觀象玩占流星入昴貴人有囚繫者一曰外國使若邊使來
流星交對抵昴中國與夷狄交兵一曰四夷交兵

天文會通流星出昴間天子遣使之外國流星入昴則有使
入賀

雲氣出入昴宿

宋史天文志蒼赤雲氣犯昴民疫黑則北主憂青為水為兵
青白人多喪黃則有喜

觀象玩占蒼白雲氣入昴疾疫多死妖言起出則禍除赤雲
氣入昴有軍令白衣將兵出昴軍在野處

天文會通黃雲氣直入昴間天子祀神得福黃白氣繞得地

芻藁

史記天官書其南眾星曰詹積按其向承上集解如淳曰芻

藁積為詹也正義芻藁六星不見則牛馬暴死

宋史天文志芻藁六星在天苑西一曰在天園南主積藁之
屬一曰天積天子之藏府星盛則百庫之藏存無星則百庫
之藏散

觀象玩占芻藁六星主積草供牛馬之食其星明而中星多

則歲豐穰不明及中星稀則歲不登庫藏耗不見則芻藁貴

天文會通芻藁六星考異曰積草曰芻積稗曰藁

按芻藁六星其最北一星亦在黃道南十六度強月五星
皆不及犯

彗孛客星見芻藁

天文會通彗孛犯芻藁牛馬暴死災起 星孛芻藁馬貴

客星犯芻藁牛馬疫死一曰有邊兵

流星出入芻藁

天文會通流星入芻藁外國有貢牛馬者色黃吉餘色有兵
變

雲氣出入芻藁

宋史天文志赤雲氣犯芻藁為火黃為喜

天文會通黑雲氣入芻藁牛馬暴死白氣入之其野有急兵

黃氣入之牛馬蕃庶

天陰

宋史天文志天陰五星主從天子弋獵之臣不明則為吉明

則禁言泄

觀象玩占天陰五星在畢柄西主密謀

天文會通天陰五星主陰謀機密之事大象曰天陰進謀於

心腹

月五星犯天陰

天文會通月犯天陰獵臣有謀匿 金星犯天陰禁庭有虞
火犯天陰宮宇有火災亦曰有兵 六曜行犯軍謀泄漏
一曰禁言泄漏

按天陰五星第一星在黃道南五分第三星四星在黃道
北二度強弱月五星皆及犯之第二星五星在黃道北三
度月與火土金水四星皆及犯之惟木星不及犯

彗孛客星見天陰

天文會通彗孛犯天陰宮宇有妖言一曰有喪 客星犯天
陰從獵有憂虞守之禁言泄漏

流星出入天陰

天文會通流星抵觸天陰從獵失時

雲氣出入天陰

天文會通黃氣入天陰禁言不出黑氣入天陰逐獸有虞白
氣入之宮禁有兵

天阿

宋史天文志天阿一星一作天河在天廡星北晉志在天高星西

主察山林妖變

觀象玩占天阿一星在胃東昴西動搖則國有妖
天文會通天阿一星主察候山林災祥之事一曰阿天陵也

主登遠望以觀象氣又曰占候陰陽以察邊陸星暗及不見
則邊兵起星移徙夷狄內侵一曰邊將叛星亡則陰陽不和
官失其守星明正則陰陽和萬物成

太白犯天阿

天文會通金星逆犯天阿外國兵起

按天阿一星在黃道北九度弱惟金星及犯之月與木火
土水四星皆不及犯

彗孛客星見天阿

宋史天文志客彗犯主妖言滿路

天文會通彗掃天阿外夷入中國 星孛天阿夷狄有警人
君憂邊兵 客星犯天阿外夷起兵一曰邊庭有警守天阿
邊城失守

流星出入天阿

天文會通流星干犯天阿山林有兵

雲氣出入天阿

天文會通黑氣入天阿邊兵為亂赤氣環繞之烽火起白氣
入外夷寇邊黃雲氣入陰陽和夷狄入貢

卷古

宋史天文志卷古六星在昴北主樞機智謀一曰主口舌語
以知讒佞曲而靜則賢人升直而動多讒人兵起天下有口

古之害徒出漢外則天下多妄說星繁人多死

觀象玩占卷舌六星主利口明大則利口用事讒言大行其中星眾則兵大起郝萌曰卷舌星蕃盛則天下多口舌兵起天文會通卷舌六星察讒佞之官居常則吉暗則讒言損忠良星疎折則佞臣死就聚邪臣在君側

按卷舌六星其最南一星亦在黃道北十一度強月五星皆不及犯

彗孛客星見卷舌

宋史天文志彗客犯卷舌侍臣憂

觀象玩占彗孛出卷舌人主信讒誅殺忠良一曰民多訟大臣反有記詛 客星出卷舌若守之天下有妄言惑主罪及無辜

流星出入卷舌

觀象玩占流星入卷舌讒臣亂國

天文會通流星抵犯卷舌色黃則史直言官不佞餘色皆凶雲氣出入卷舌

天文會通黃雲氣入卷舌人君賜諫官黑氣入之奸邪作

天苑

史記正義天苑十六星如環狀在畢南天子養禽獸之所稀暗則多死亡

後漢書天文志天苑為外軍

宋史天文志天苑十六星明則禽獸牛馬盈不具有斬刈事觀象玩占天苑十六星為天子畜牧之苑金官也主畜牧犧牲其星行列齊明其中小星眾則畜牧蕃息細微不見及中星稀則畜牧不孳牛羊多死石氏曰天苑星不具有誅吏

按天苑十六星其最北一星亦在黃道南二十四度半月五星皆不及犯

彗孛客星見天苑

宋史天文志客彗犯天苑為兵獸多死

流星出入天苑

宋史天文志流星入天苑色黑禽獸多死黃則蕃息

觀象玩占流星赤色入天苑牛馬多死傷石氏曰流星入天苑名馬入有使臣以馬事來出天苑名馬出

雲氣出入天苑

觀象玩占蒼白氣入天苑牛馬畜獸疫黑氣入牛馬死出之則禍除赤氣入牛馬多死傷赤氣出牛馬以兵事出黃白氣入牛馬禽獸蕃息

天鏡

宋史天文志天鏡一星在卷舌中主巫醫暗則為吉明盛人君納佞言

按天讒一星在黃道北十三度弱月五星皆不及犯

彗守客星見天讒

天文會通彗掃天讒諂諛當路 星守天讒奸臣進賢人退

客星守天讒天下多妄言若守之五十日不下奸邪當路

竊人君權

流星出入天讒

天文會通流星抵觸天讒醫巫懷奸流星出天讒奸臣坐事

犯法一曰醫巫死

雲氣出入天讒

天文會通黑雲氣入天讒醫巫失官白雲氣入之則奸邪以

兵叛一曰憂兵變黃氣入之醫巫受祿

月

宋史天文志月一星在昴宿東南蟾蜍也主日月之應女主

臣下之象又主死喪之事明大則女主專

觀象玩占月一星主太陰明大則大臣用事

天文會通月一星主陰事

月五星犯月

宋史天文志太白熒惑守之臣下起兵為亂

天文會通月木土水行犯月星政出於下 金火犯守女后

災大臣憂

按月一星在黃道北一度強月五星皆及犯之

彗守客星見月

宋史天文志彗客犯之大臣黜女主憂

天文會通彗星出月星其國有女喪一曰後宮有兵 星守

月星女臣有坐廢者一曰大臣女主受誅 客星守月星女

主奪主柄

流星出入月

天文會通流星犯月星女臣憂

雲氣出入月

天文會通蒼白氣入月星其國有兵一曰有陰事匿謀黑氣

掩月星其國有女喪黃氣覆月星后妃受賜

礪石

宋史天文志礪石四星在五車星西主百工磨礪鋒刃亦主

候伺明則兵起常則吉

觀象玩占礪石四星在五車北

天文會通礪石四星乃磨礪兵器以禦患者也星明則器械

利有武備暗及動搖則器械不利兵弱

月五星犯礪石

宋史天文志熒惑入礪石邊兵起守之諸侯發兵

觀象玩占金犯守礪石兵起以入口占國

天文會通月犯礪石其國兵器不脩外寇內侵月暈礪石有兵三日有暴風雨其殃解 金犯礪石其野軍破將死 水星入礪石器械鈍折士馬消亡

按礪石四星第一星在黃道北八度惟金星及犯之第二星在黃道北五度強月與火金二星及犯之第三星在黃道北四度弱月與火金水三星及犯之第四星在黃道北六度弱月與金星及犯之餘不及犯

彗孛客星見礪石

宋史天文志客星守礪石為兵

觀象玩占彗孛出礪石兵大起

天文會通彗星犯礪石天子備甲冑 星孛礪石其野無兵 脩一曰器械有火災 客星犯礪石其野兵革不利

流星出入礪石

天文會通流星干犯礪石其野有外寇流星抵觸礪石有進


貢兵器者

雲氣出入礪石

天文會通黑氣入礪石邊城器具不脩失守禦白氣入之其野有急兵黃氣入之有進寶劍者

畢宿占

史記天官書畢曰罕車為邊兵主戈獵索隱爾雅云蜀謂之



畢也孫炎為掩免之畢或呼為濁因以名星也正義畢八星

其大星曰天高一曰邊將主四夷之尉也星明大天下安遠

夷入貢失色邊亂畢動兵起

宋史天文志畢宿八星一星亡為兵喪動搖則邊兵起移徙

天下獄亂就聚則法令酷

觀象玩占畢八星附耳一星一曰天耳一曰天口一曰虎口

一曰濁一曰天都尉主制候四方一曰天空水星也又為天

獄主伺鬼方之動靜察奸謀以備外患又主街巷主陰雨天

之雨師也其北上七尺為日月五星中道畢主山河以南中

國也中國于四海內則在東南為陽昂畢之間謂之天街陰

陽兩界之所分畢為陽昂為陰國畢左股大星曰天高為

邊將主掃奸免通外域其星光大則天下和同遠夷來貢失

常改色則邊境亂國不寧耀芒則外國背叛動搖則邊將有

急不明則天下謀亂明而動則多雨

月五星犯畢宿

史記正義月宿畢則多雨

晉書天文志月犯畢占曰兵革起又曰為邊兵又曰將相有

以家坐罪者 熒惑犯畢距星占曰有邊兵一曰刑罰用

太白犯畢距星占曰兵革起一曰女主憂 填星犯畢占曰

有邊兵

隋書天文志月奄畢占曰其國君死大臣有誅者有邊兵大

戰破軍殺將

宋史天文志月犯畢大星下犯上大将死陰國憂入畢口多

雨穿畢歲飢盜起失行離于畢則雨居中女主憂又曰犯北

則陰國憂南則陽國憂 歲星犯畢多風雨又曰為水入畢

口邊兵起民飢有赦守三十日客兵起出陽為旱陰為水

熒惑犯畢右角大戰左角小戰入則邊兵憂守之為飢有赦

成句已環繞大赦一曰入畢中有兵兵罷又曰守之有收獵

事北主憂天下道路不通入畢口有赦逆行至昂為死喪已

去還守貴臣憂舍畢口趙國憂 填星犯畢兵起西北不戰

守之兵有降軍有赦一曰土功徭役頻兵起入則地震水溢

守畢口大人當之出入留舍其野兵起客軍死 太白犯畢

右角戰敗將死入畢口將相為亂大赦國易政令諸侯起兵

為水五穀不成貫畢倉廩空四國兵起 辰星犯畢邊地災

入畢口國易政守之水溢民病物不成邊兵起守畢口人為

亂

開元占黃帝占曰太白犯守畢左股邊夷兵起左將軍戰死

犯守右股右將軍戰死石氏曰太白入畢口有女喪又曰太

白入畢近陽星大將出征立功又曰太白出畢陽則旱出畢陰則為政令不行

觀象玩占月犯畢天子誅罰急貴人有死者天文論曰春多雨夏多風邊兵起月入畢中大風起有赦郝萌曰其國君有憂期一年先起兵者破亡與兩股齊將死 歲星守畢外國謀反石氏曰糴貴並成曰大旱多火災巳占木守畢口王賜夷狄若有德令未出入留舍畢絲綿布帛貴木星留守畢出其北陰國憂出其南陽國憂有兵則客敗主人勝 熒惑守畢有德令甘氏曰胡王死又曰邊地大驚倉粟出一曰天下多盜石氏曰多枉刑一曰守之三十日有奇令百日匈奴有降亡火逆行守畢荊州占曰兵大起民飢無粟火犯畢若留守之出其北陰國憂出其南陽國憂火入畢口甘氏曰邊王降軍大駭留之六十日貴臣反伏誅火入畢已去之復還守之有臣為天子破克奴者火出畢石氏曰出畢陽為旱出陰為水 填星守畢王侯被廢土入畢中郝萌曰其國易主中犯乘畢人君謀兵黃帝占出其北陰國憂出其南陽國憂一曰土犯畢為邊兵趙代有憂 太白守畢大臣出使石氏曰多枉刑甘氏曰大將有功郝萌曰有急令邊不安相有憂太白中犯乘陵畢有大兵民多死一曰邊兵敗一曰刑罰急太白出入留舍畢兵起北方天下有憂百日不下有喪 辰

星守畢臣謀反近臣為佞外國稱王黃帝占山崩民流並成曰邊有以水起兵者甘氏曰民多病死郝萌曰野人為亂水犯畢出其北北國憂出其南南國憂荊州占邊兵起

天文會通月犯畢口其國亡地月宿畢中不雨多風故星傳云月宿畢裏飄風暴起者是也 木星干犯畢宿有獄事木星犯守畢有小兵又曰木星守畢留三十日已上則有赦年豐久守畢人有疾 火星犯畢其國君有病火守畢色黑大雨水或大風飛石火居畢陽有喜居畢陰有憂火乘畢口左股星為大兵穀貴乘畢右股星為大水 土星犯畢五穀傷民流亡土星守畢天下獄訟多冤萬物不成民多疾疫土星乘畢左股為水右股為兵穀貴土有芒角在畢口中夷狄有窺伺中國事土逆行失色犯畢女主專政 金星犯畢貴人下獄犯畢三寸以內中國有兵火守畢車騎滿野其下有喪一曰奸臣有謀金逆行守畢客軍大飢舍畢色不明有喪若行環繞勾巳大人忌之逆行干犯畢邊境不安大戰不勝將軍憂災 水星犯畢宿大臣下獄明大為兵不明為水又曰水旱並興兵革起布帛貴水星守畢三日不去為主憂大臣戮又曰守之徭役重盜賊四起水星逆行干犯畢江河決溢人民疾疫兵起將死

按畢宿八星第一星在黃道南二度半強月五星皆及犯

之第二星在黃道南三度半弱月與火土金水四星及犯之第三星在黃道南四度第四星六星在黃道南五度半強第五星在黃道南五度半第七星在黃道南六度月與火金二星及犯之第八星在黃道南八度惟金星及犯之餘不及犯觀象玩占謂其北上七尺為日月五星中道蓋指第七星八星間而言也

彗孛客星見畢宿

宋史天文志彗星犯畢北地為亂人民憂 星孛畢土功興多徭役色蒼為飢破軍黃則女為亂白為兵喪黑為水 客星犯畢大人憂無兵兵起有兵兵罷入則多獄事守之為飢邊兵起出為車馬急行

開元占黃帝占曰有星入畢中而復出其星小小赦大大赦觀象玩占彗孛行犯畢胡人為寇彗孛掃畢過兵大戰彗孛出畢馬貴爵祿亂芒內指國兵敗外指夷狄敗彗出畢口石氏曰相為亂國易政兵起工役興蒼彗出畢五穀不成下有破軍亡國赤彗出畢其分主憂黃彗出畢女子為亂白彗出畢有兵喪黑彗出畢山水溢江河決彗出畢參之間而長狀如竿其本有星繫繫然此填星之變見為兵戒 客星犯畢人民流亡一曰斧鉞用客星入畢石氏曰邊兵大起羊貴郝萌曰貴人有繫囚者荊州占曰四夷並起為盜一曰諸侯憂

客星出畢國人為亂王咸曰胡寇入天下飢客星守畢石氏曰讒臣蔽主德甘氏曰外國稱王有詐使不可信一曰內臣與外臣通謀一曰工役興風雨不時穀貴天文會通彗星犯畢大臣相疑夷狄兵起彗星于犯掃畢口其野有兵天下大亂荒彗星守畢大臣謀主又曰其分飛蝗民飢 孛星犯畢劔戟用兵火起孛星守畢大臣作亂一曰有喪德令不出蝗蟲起民流亡孛星于犯畢口中其野有蒙一曰邊將死 客星入畢口將相有憂期三月有赦一曰夷狄有使來出畢君使人于夷狄一曰入畢有改獵事客星守畢有火災客星留舍畢口不去夷狄有兵起

流星出入畢宿

宋史天文志流星犯畢過兵大戰赤色貫之戎兵大至入而復出為赦入而黃白有光外人入貢觀象玩占流星入畢先起兵者敗一曰有兵謀出畢有改獵之事流星犯畢春夏犯有戰秋冬犯有水流星色黃潤入畢幻奴入貢出畢天子遣使安邊天文會通流星入畢口外國有使來星大者使大星小者使小色黃為喜餘色皆凶流星犯畢大臣相賊奔星以己己日入畢間趙分民流亡雲氣出入畢宿

宋史天文志蒼白雲氣入畢歲不收赤為兵旱為火黃白天子有喜

觀象玩占黃白氣入畢其歲善出畢則授民田一曰黃白氣入畢天子有太子喜兵在外者解出畢有拜將赤氣出畢將軍兵出黑氣入畢相亂政將死白氣入畢相死出則禍除天文會通黃氣入畢夷狄來賀獄訟平白氣正抵畢口潤澤如足練邊庭有將出入畢亂臣在君側黑氣入畢大臣受誅

天節

宋史天文志天節八星在畢附耳南主使臣持節宣威四方明大則使忠不明則奉使無狀

觀象玩占天節八星使臣之所持也

天文會通天節八星星直列使者受辱星踈折則使者有離心星就聚則使者辱君命

月五星犯天節

宋史天文志熒惑守天節臣有謀逆或使臣死 太白守之大將出

天文會通月犯天節外國有奸使持節入境 火逆犯天節其國有兵起 金星逆犯天節天子用斧鉞一曰有兵起

按天節八星第一星二星在黃道南七度月與火金二星及犯之第三星在黃道南七度半弱火金二星及犯之第

四星在黃道南八度半強第五星在黃道南九度半第六星在黃道南十度惟金星及犯之第七星八星在黃道南十一度外月五星皆不及犯

彗孛客星見天節

宋史天文志客彗犯天節法令不行 客星守持節臣有憂觀象玩占彗孛犯天節主令不行 客星入犯天節胡王死一曰使臣憂

天文會通彗星出天節諸侯專恣擅命 星孛天節其國有奸使在君側一曰奸使有匿謀 客星守天節有矯制諸侯流星出入天節

天文會通流星抵觸天節外國有奸使入境

雲氣出入天節

天文會通黃雲氣入天節遣使持節君命不辱黑氣入天節其國大饑荒餘邑持節之使獲咎

九州殊口

宋史天文志九州殊口九星在天節南下曉方俗之官通重譯者也常以十一月候之亡一星一國憂三星以上天下亂兵起

觀象玩占九州殊口九星一曰句風主聚議

按九州殊口古謂九星今只六星其最北一星亦在黃道

南二十五度月五星皆不及犯

彗孛客星見九州殊口

宋史天文志客星入九州殊口民憂水負海國不安有兵

觀象玩占彗孛出殊口九州兵亂

天文會通彗星出九州殊口夷狄強勝入寇中國 星孛九

州殊口其野有死君 客星入守九州殊口邊陲有釁守之

色黃中國兵起多勝餘色皆凶

流星出入九州殊口

天文會通流星出入九州殊口夷狄君憂色赤四夷起兵旱

滂民饑

雲氣出入九州殊口

天文會通黃雲氣入九州殊口中外交驩風俗同天下和平

黑氣入之其野有兵變蒼白雲氣入之邊陲有急兵一曰軍

不破將必死

附耳

史記天官書其大星旁小星為附耳按其承上文指畢宿言附耳搖動

有讒亂臣在側附耳入畢中兵起正義附耳一星屬畢大星

之下次天高東南隅主為人主聽得失伺僣過星明中國微

邊寇警移動則讒佞行

宋史天文志附耳一星在畢下主察不祥也星盛有盜賊外

國反

觀象玩占附耳搖動則有田令角動則讒邪行兵大動明盛

則邊兵交戰中國失勢移徙則有亂臣在主側

月五星犯附耳

宋史天文志太白犯附耳佞臣在側

觀象玩占月犯附耳兵起將相有死者 火犯附耳邊兵起

將相有死者黜貶者 太白犯附耳兵起國憂

按附耳一星在黃道南六度強月與火金二星及犯之木

土水三星不及犯

彗孛客星見附耳

觀象玩占彗出附耳庶孽起羣臣反 客星犯之邊兵起

流星出入附耳

開元占石氏曰流星抵附耳讒邪興

雲氣出入附耳

觀象玩占赤氣入附耳兵起出之將軍兵出蒼白氣入將軍

死黃白氣入天下安出有拜將黑氣入將死

天游

史記天官書三曰九游正義九游九星在玉井西南天子之

兵旗所以導軍進退亦領州列邦並不欲搖動搖動則九州

分散人民失業

宋史天文志九游九星在玉井西南一曰在九州殊口東南北列主天下兵旗又曰天子之旗也

觀象玩占九游九星一曰天旗一曰司曲主司五星之過主統九州主導軍進退其星明靜則九州之收得人微暗則小人臨州光芒大盛或動搖則兵起

按九游九星其最北一星亦黃道南二十一度月五星皆不及犯

彗孛客星見九游

宋史天文志客星犯九游諸侯兵起禽獸多死

觀象玩占彗出九游亂兵大起

天文會通彗孛客星犯守九游兵革起將軍亡 客星犯守

九游其國有外寇入境一曰天子有兵憂

流星出入九游

天文會通流星抵觸九游外國兵寇邊

雲氣出入九游

天文會通黑雲氣入九游天子親戎服白氣入之其國有內

變黃氣出之天子明賞罰軍士肅

天街

史記天官書昂畢間為天街其陰陰國陽陽國集解孟康曰陰西南坤維河山已北國陽河山已南國正義天街二星在

昂畢間主國界也街南為華夏之國街北為夷狄之國

宋史天文志天街二星在昂畢間一曰在畢宿北為陰陽之所分大象占近月星西街南為華夏街北為外邦又曰三光之道主伺侯闕梁中外之境明則王道正

觀象玩占天街二星在昂畢間黃道之所經陰陽之所分也街北昂以西也街南畢以東也天街處其中為日月五星出入之道巫咸曰水官也

月五星犯天街

史記正義土金守天街胡兵入也

宋史天文志月犯天街中為中平天下安寧街外為漏泄讒夫當事民不得志不由天街主政令不行月暈其宿闕梁不通 熒惑守之道路絕久守國絕禮 歲星居之色赤為殃

或大旱 太白守之兵塞道路六夷旄頭滅一曰民飢

觀象玩占月行月街中百姓順 火舍天街中鄰萌曰有赦

犯守之上下相疑四方隔絕以入日言何國一曰火守天街

胡兵起歲飢 五星留止天街中兵起

天文會通月犯天街夷狄侵中國月暈天街期三日有大雨不雨其國有兵 火犯天街南中國有兵變犯街北夷狄有

內亂 金犯天街南中國破軍殺將犯街北夷狄有屠城

水星犯街南中國有土功 木星犯守天街其國有殃不在

氏則在君歲旱

按天街二星第一星在黃道北半度第二星在黃道南一度弱月五星皆及犯之宋志曰三光之道觀象玩占謂日月五星出入之道其說皆是

彗孛客星見天街

觀象玩占彗孛出天街諸侯並起天子自理兵一曰有內賊客星犯天街有內賊

天文會通彗星出天街中其國臣強奪主柄一曰有自立諸侯彗星掃天街奄星不見其國有死君 星孛天街其野有兵喪 客星犯天街其國有暴兵守天街五十日不下其野有死將

流星出入天街

天文會通流星出天街天子遣將出征外國色黃者利流星出街北抵街南夷狄內侵

雲氣出入天街

天文會通黑氣犯天街其國有兵變白氣入之其野有大喪一曰有兵起黃氣入之天下安泰赤氣入之其野有火災青氣入之其邦歲荒

天高

宋史天文志天高四星在座旗西乾象新書在畢口東北臺

榭之高主望八方雲霧氛氣今仰觀臺也不見為失禮守常則吉微暗陰陽不和

觀象玩占天高四星在諸王南參旗西北近畢北主齋戒之門一曰天高為望氣之臺主視侵其星不見則官失其守天文會通天高四星主察陰陽亦主邊將星明大潤澤則四夷來貢天下安星失色則邊兵亂星盛有盜賊動移讒佞行星暗及不見邊陲有警

月五星犯天高

宋史天文志月五星犯天高則水旱不時乘之外臣誅月暈不出六月有喪 熒惑入十日為小赦留三十日大赦

觀象玩占月乘犯天高外臣有誅者一曰將死 五星犯守天高水旱不時一曰有赦 熒惑入天高旱逆行天高中必有破軍死將 太白勾已天高郁萌曰國有憂

天文會通月犯天高陰陽有愆伏其國民疫月暈天高五星以上期三日有急雨無雨則其國有兵殃 火星逆犯天高邊將有匿謀 金星逆犯之其國尚武

按天高四星第一星四星在黃道南一度強月五星皆及犯之第二星在黃道南三度半強第三星在黃道南三度月與火土金水四星及犯之惟木星不及犯

彗孛客星見天高

宋史天文志客彗守天高大旱

觀象玩占彗守出天高廟臣反犯之赤地千里 荆州占曰

客星入天高中成勺已有贖罪之令郝萌曰客星從天高陰
出有兵有亡臣從陽入有客兵入守天高憂火

天文會通彗星犯天高外夷入寇 星守天高天子憂邊兵

客星犯天高外夷入寇一曰邊兵為亂

流星出入天高

天文會通流星抵觸天高夷狄起邊釁

雲氣出入天高

宋史天文志蒼白雲氣犯天高大旱

觀象玩占白氣出天高早霜傷稼

天文會通黑氣入天高邊將有叛謀黃氣入之夷狄入貢赤

氣入之烽火有警一曰有急兵

諸王

宋史天文志諸王六星在五車南主察諸侯存亡明則下附

上不明則下叛不見宗廟危四方兵起

觀象玩占諸王六星主藩屏王室又主朝會星明正則諸侯

奉法不明則臣有叛者

天文會通諸王六星王侯之象

月五星犯諸王

宋史天文志熒惑入諸王諸王妃恣為下所謀守之下不信

上 太白熒惑犯諸王當之一曰宗臣憂

觀象玩占月犯諸王貴戚諸侯有憂 金火水犯守諸王宗
戚受誅火入犯守諸王下不信上

天文會通月犯諸王星其國有強臣月暈諸王諸侯有陰謀

三日有風雨即解 火星犯諸王諸侯擅起兵 金星逆犯

諸王則諸侯互相攻伐一曰侯甸不服 月五星犯諸王臣

下有謀諸王宗臣憂

按諸王六星第一星在黃道北四度半弱月與火金水三

星及犯之第二星在黃道北二度半第三星四星在黃道

北二度弱第五星六星在黃道北一度弱月五星皆及犯

之

彗守客星見諸王

宋史天文志客彗守諸王諸侯點

觀象玩占彗守客星犯諸王侯王憂點出之諸侯稱帝在南

為吳楚在東為齊在西為秦晉北為燕趙

天文會通彗星犯諸王其野有諸侯不受制于天子 星守

諸王諸侯有叛謀 客星守諸王諸侯為亂一曰蕃臣矯制

用兵

流星出入諸王

天文會通流星抵觸諸王諸侯出征
雲氣出入諸王

天文會通黃雲氣入諸王宗社安天下和平諸侯入貢黑雲
氣入之諸侯以兵叛白氣入中國兵強一曰諸侯強盛

五車 柱

史記天官書五潢五帝車舍 中有三柱柱不具兵起正義
五車五星三柱九星在畢東北天子五兵車舍也占五星均
明柱皆見則倉庫實不見其國絕食兵且起五車三柱有變
各以其國占之

宋史天文志五車五星三柱九星在畢宿北五帝坐也主天
子兵起又主五穀豐耗西北大星曰天庫主太白秦分及雍
州主豆東北一星曰天獄主辰星燕趙分及幽冀主稻東南
一星曰天倉主歲星魯分徐州衛分并州主麻次東南一星
曰司空主填星楚分荆州主黍稷次西南一星曰卿主熒惑
魏分益州主參天文錄曰太白其神令尉辰星其神風伯歲
星其神雨師熒惑其神豐隆填星其神雷公此五車有變各
以所主占之三柱一曰天淵一曰天休一曰天旗欲其均明
潤缺有常星繁則兵火起石申曰天庫星中河而見天下多
死人河津絕又曰天子得靈臺之禮則五車三柱均明有常
天旗星不見則大風折木天休動則四國叛一柱出或不見

兵半出三柱盡出及不也兵亦盡出柱外出一月穀貴三倍
出二月三月以次倍貴

觀象玩占五車五星三柱共九星在畢東北五神之外座也
三柱鼎足而居一曰休格一曰旗一曰三泉郝萌曰五車一
名咸池一名五潢一名重華王咸曰五車天子水官主五兵
又主輕車石氏曰占歲之豐凶必侯之五車星俱明五穀豐
一星不明一穀不成五車失色赤地千里五車柱外出不居
兩星之間天下大水

天文會通五車五星常以五寅日占之甲寅日五車有變則
黍稷不熟丙寅日有變則稻粱不熟戊寅日有變則高燥者
不收庚寅日有變則下濕者不收壬寅日有變則菜果不熟
又曰五車星各有所主甲寅日天倉星不明魯衛木穀不熟
丙寅日卿星不明則魏分火穀不熟戊寅日司空星不明則
楚分土穀不熟庚寅日天庫星不明則秦分金穀不熟壬寅
日獄星不明則燕趙水穀不熟五車失常隨五寅日占之各
命其國

月五星犯五車

史記天官書火入五車旱金兵水水

宋史天文志月犯天庫兵起道不通犯天淵貴人死臣踰主
月暈女主惡之在正月為赦暈一車赦小罪五車俱暈赦殊

罪四七十月暈之為水暈十一月十二月穀貴 五星犯為
早喪犯庫星為兵起 熒惑入之為火或為雜貴 太白入
之兵大起守五車中國兵所向謂伏舍西北為疾疫牛馬死
應酒泉分

觀象玩占月犯五車兵車促駕 熒惑入五車黃帝占曰旱
海中占曰兵起五穀不成軍絕糧火入五車中犯乘守天庫
星兵起中犯乘守天倉星其下轉粟粟大貴火過畢口直五
車留一月兵戰一歲留二月兵戰二月歲留三月兵戰三歲
太白入五車留不去金玉貴兵大起以入日占國守五車
黃帝占曰夷國亂人相食又曰四夷兵起中國兵所向無不
勝

天文會通月犯五車西北大星則秦分財用匱乏月犯東北
大星則燕趙多獄月犯次東星則魯衛倉廩空虛月犯次東
南星楚分貴臣惡之月犯次西南星則魏分卿有以事坐廢
者月暈五車期五日有暴雨則有兵 金星乘守五車中國
兵勝國喜

按五車五星第一星至第四星俱在黃道北十度外月五
星皆不及犯第五星在黃道北五度半弱月與火金二星
及犯之餘不及犯柱九星第一星至第六星俱在黃道北
十數度外月五星不及犯第七星八星九星在黃道北七

八度之間惟金星及犯之餘不及犯
彗孛客星見五車

漢書天文志有星守三淵天下大水地動海魚出又曰三淵
蓋五車之三柱也

宋史天文志彗守犯五車兵起民流 客星犯則人勞庚寅
日候近之為金車主兵甲寅日候近之為木車主樵增價戊
寅日候近之為土車主土功丙寅日候近之為火車主旱壬
寅日候近之為水車主水溢入之色青為憂赤為兵守天淵
有大水守天休左為兵右為喪黃為吉

觀象玩占彗孛犯五車兵車滿野百姓徙去出五車兵起有
戰糴貴人饑守之先起兵者昌後起者亡 客星犯五車兵
起穀貴入五車荊州占曰人相食大水星色黃人主受質色
黑有喪大人當之色赤有兵出入五車中近天庫兵起近天
獄水泛溢近天倉棺木貴近司空民流亡近卿大旱客星守
三柱地動水溢

天文會通彗星掃五車其國絕糧一曰有內變 星守五車
中天子自將兵 客星守犯之兵喪俱起百物並貴

流星出入五車

宋史天文志流星入五車甲子日主粟丙午日主麥戊寅日
主豆庚申日主蕡壬戌日主黍各以其日占之而粟麥等價

增

觀象玩占流星入五車有外使來以色占之一曰車騎發先起者昌

天文會通流星入抵五車其野雜貴

雲氣出入五車

宋史天文志白雲氣入五車民不安赤為兵起

觀象玩占蒼白氣入五車兵大起民流亡赤氣入兵起大戰

赤氣出兵車大出

天文會通黑雲氣入五車其國飢民為盜白氣入之兵起黃

氣入之年穀豐天下安

天潢

宋史天文志天潢五星在五車中主河梁津渡星不見則津

渡不通

觀象玩占天潢五星天池也一曰五潢主渡人神通四方其

星明則主壽昌津梁通民無災疾

天文會通天潢五星出怒角而數動搖則有水寇為亂

太白犯天潢

觀象玩占金犯守五潢大水五穀不成

按天潢五星第三星在黃道北九度半惟金星及犯之餘

四星在黃道北十度外月五星皆不及犯

彗孛客星見天潢

宋史天文志客星入天潢為兵留守則有水害

觀象玩占客星入犯五潢兵起車道不通貴人死守之大水

以入日占國

天文會通彗星犯天潢其國有吏王一曰有內亂 星孛天

潢中其國有殃大人當之 客星入天潢其國有奸臣一曰

有叛兵據津要又曰有赦

流星出入天潢

觀象玩占流星入天潢大水

天文會通流星抵觸天潢外奸入寇一曰其野有水賊

雲氣出入天潢

宋史天文志蒼白或黑雲氣入天潢為喪赤為兵黃則天子

有喜

觀象玩占赤氣出入天潢如揚波者兵庫焚

天文會通黑氣入天潢天下津不通其國大水白氣入之其

國有兵赤氣入之其國有大盜據津要黃白氣入之天子喜

安和無兵有兵亦罷

咸池

史記正義咸池三星在五車中天潢南魚鳥之所託也

宋史天文志咸池三星在天潢南主陂澤池沼魚鼈鳥雁明

大則龍見虎狼為害星不見河道不通

觀象玩占咸池三星一曰潢龍一曰潢池一曰天淵一曰天井水魚之圓也又主五穀其星明大兵起移動失常則旱

按咸池三星其最南一星亦在黃道北十六度月五星皆不及犯

彗孛客星見咸池

宋史天文志客星入咸池天下大水

觀象玩占客星入守咸池人君憂

天文會通彗孛犯咸池其國有改王 星孛咸池其野有內

亂 客星犯咸池其國有兵災兵將叛

流星出入咸池

宋史天文志流星入咸池為喪出則兵起

觀象玩占流星入咸池大水

天文會通流星抵犯咸池其野大荒

雲氣出入咸池

宋史天文志雲氣入咸池色蒼白魚多死赤為旱白為神魚

見黑為大水

觀象玩占黃白氣入咸池天子有喜

天文會通黑雲氣出咸池陰陽不和大雨傷禾稼白雲氣入

咸池有兵亂黃氣入之大豐天下和平

參旗

史記天官書其西有句曲按其承上文指參宿言 九星三處羅一曰天

旗正義參旗九星在參西天旗也指麾遠近以從命者王者

斬伐當理則天旗曲直理順不然則兵動于外若明而稀則

邊寇將動不然則不

宋史天文志參旗九星一曰天旗一曰天弓司弓弩候變禦

難星如弓張則兵起明則邊寇動暗為言又曰天弓不具天

下有兵

觀象玩占參旗九星在參西金官也星不欲其大明明大則

有白衣會邊兵起微小而直則天下息兵九星不具則天下

為兵而赦

太白犯參旗

宋史天文志太白守參旗兵亂

觀象玩占太白犯參旗文曜鉤曰九州騷動天下皆兵

天文會通金星犯參旗其國兵離一曰兵潰將亡

按參旗九星第一星在黃道南八度強第二星在黃道南

九度惟金星及犯之餘七星在黃道南十一度外月五星

皆不及犯

彗孛客星見參旗

宋史天文志客星守參旗天下憂

觀象玩占彗出參旗有流血暴骨將軍死天下亂弓矢大貴

客星入參旗天下有變弓弩皆張

天文會通彗星干犯參旗邊塞有屠城其國有大喪 星孛

參旗其野内外有兵災 客星犯守出入參旗皆為兵起

流星出入參旗

宋史天文志流星入參旗北地兵起

觀象玩占流星入參旗弓弩貴出之將軍出

天文會通流星抵觸參旗諸侯爭地相攻

雲氣出入參旗

宋史天文志雲氣犯參旗色青入自西北兵來期三年

天文會通蒼白氣入參旗其國有兵喪出之禍除又曰入參

旗兵起大將戰死黃白氣入之先驅有拜賜者黑氣入之大

人憂

天關

宋史天文志天關一星在五車南亦曰天門日月之所行主

邊方主關閉星芒角為兵不與五車合大將出

觀象玩占天關一星在黃道之中日月五星之所必由是星

明大天下平星亡則大兵起

天文會通天關一星主關閉關防道路之事

月五星犯天關

晉書天文志月犯天關占有亂臣更天子之法又曰王者憂

月奄天關占曰有兵 歲星犯天關占曰有兵亂河津不通

填星犯天關占曰臣謀主 太白犯天關占曰兵起

隋書天文志太白犯天關占曰津梁不通

宋史天文志月歲三暈天關有赦犯之有亂臣更法 五星

守之貴人多死 歲星熒惑守臣謀主為水為飢 太白熒

惑守之大赦關梁有兵

太白入則大亂 填星守王者壅蔽

觀象玩占月掩天關主關津者有罪 五星守天關大臣有

不道者有兵起 熒惑守之石氏曰多盜賊道路不通有不

朝之國海中占火出入天關有置立關塞之事一曰有逆兵

火逆行守天關車馬有急行兵起一曰兵起東方 填星守

天關至咸曰關梁阻塞一曰貴人多死 太白出入天關荆

州占曰萬人戰死太白守天關海中占曰臣謀主歲大水

天文會通月犯天關邊兵起 火犯天關則大將以兵死一

曰兵寇邊 水犯守天關邊鄙有兵變

按天關一星在黃道南二度強月五星皆及犯之宋志謂

日月之所行觀象玩占謂日月五星之所必由其說皆是

彗孛客星見天關

宋史天文志客星犯天關民多疾關市不通又曰諸侯不通

民相攻客星入多盜

觀象玩占彗孛出天關兵大起道不通多盜賊入犯守之天

下道絕人主憂 客星入天關天下有急石氏曰兵戰不勝

出之天下起兵不戰守之天下不通牛馬大貴民飢

天文會通彗星掃天關其國有死君一曰有亡國 星孛天

關其野有革命一曰大臣犯上有逆謀 客星抵天關其野

有賊臣犯邊

流星出入天關

宋史天文志流星犯天關天下有急關梁不通民憂多盜

天文會通流星入天關守關臣憂

雲氣出入天關

宋史天文志黃雲氣犯天關四方入貢

天文會通黑雲氣入天關邊兵為亂青氣入之大臣受辱赤

氣入之邊境旱荒民為盜

天園

宋史天文志天園十三星在天苑南植菜果之處曲而鉤菜

果熟

觀象玩占天園十三星屈曲而橫列其中小句曲星明則果

實成牛馬皆吉不見則果實不成馬牛羊多死

按天園十三星其最北一星亦在黃道南五十一度月五

星皆不及犯

彗孛客星見天園

天文會通彗孛出天園其國人主憂兵變 星孛天園其野

百穀不成大荒兵起 客星犯天園歲多飢饉人有菜色

流星出入天園

天文會通流星出天園其國多飢民

雲氣出入天園

宋史天文志白雲氣犯天園兵起

天文會通蒼白雲氣入天園積十日以上為兵起黑雲氣入

之為歲凶瓜菜果實不熟

欽定天文正義卷四十一

觜宿占

觜宿占

史記天官書三小星隅置曰觜觿為虎首主葆旅事集解如淳曰關中俗謂桑榆孽生為葆晉灼曰葆菜也野生曰旅索隱姚氏素宋均云葆守也旅猶軍旅也言佐參伐以斬除凶也正義觜觿為虎首主收斂葆旅事也

宋史天文志觜觿三星為三軍之候行軍之藏府明則軍糧足將得勢動則盜賊行葆旅起暗則不可用兵

觀象玩占觜三星曰觜觿白虎之首金星也亦為刀鉞斬刈之事一曰天貨主寶貨其北上三尺為日月五星中道內主

梁外主巴漢星明則天下安五穀熟動則天下旱

天文會通觜宿三星俱明三軍強威一星暗一軍失將三星

俱暗破軍殺將星光浮而數動搖者其國有亂軍

按觜宿三星其最北一星亦在黃道南十三度月五星皆不反犯觀象玩占謂其北上三尺為日月五星中道較今

測差少十度

彗孛客星見觜宿

漢書天文志彗星色白長丈在觜觿占曰必有破國亂君伏死其辜觜觿梁也

宋史天文志客星出入觜青為憂赤為兵黑為水白為喪黃白為吉 彗星犯之兵起出入其分失地民流 星孛之為

兵亂軍破其色與客星同占

觀象玩占彗見甯人流亡有破國 彗孛出甯大臣出戰粟
大貴有失地有破國彗孛犯甯國兵起天下動擾 客星犯
甯其國破亡石氏曰客星出甯魏有良臣在國客星入甯都
萌曰有喪臣為逆一曰有徠旅之事于國內黃帝占曰西戎
侵邊車馬急行赤星入甯內臣外臣合謀為逆其星行動則
覺不動則事成客星守甯西戎有欲為王者又曰有水災人
多餓死一曰黑星守甯殺貴

天文會通彗出甯有水災又曰其國有兵亂亦曰三軍亂則
彗出甯彗星出入甯留舍不去三十日以上則天下兵起府
庫空虛彗星芒角可尋丈所犯甯其國有急兵亦曰軍士叛
掠民財百姓受禍彗星如帚掃甯宿其國有兵喪彗星抵甯
軍儲不繼三軍為亂一曰兵潰殺主將 孛星于守甯府兵
亂大將死孛星犯甯其國有兵喪大人惡之暴兵四起一曰
野有死將又曰有亡國有革政亦曰其國有內變又曰有被
黜大臣大水民飢府庫匱乏孛星抵甯其國破軍殺將有屠
城 客星出甯三軍潰散主將失勢入甯國用空匱蓄積不
實客星入抵甯主外奸入人君有憂客星凌犯甯歲飢年穀
不登客星大如杯薄甯中其國有死大將亦曰有叛兵戮主
將為亂客星犯甯大南其野有陰謀亦曰軍士匿謀犯主將

若久犯之而不去者大將死于亂軍中

流星出入甯宿

宋史天文志流星入犯甯有叛者有破軍

觀象玩占流星入甯中兵聚其下車馬急行出之則兵罷流
星犯甯春夏多雨秋冬有大風雨人民多病

天文會通流星入甯諸侯有使來出甯天子遣人出疆流星
抵觸甯其野奸使入境流星白如足練犯甯隆隆有聲如雷
其國有急兵又曰刺客有陰謀

雲氣出入甯宿

宋史天文志雲氣犯甯赤為兵蒼白為兵憂黑趙地大人有
憂黃有神寶出

觀象玩占蒼白雲氣入甯有徠旅之事出之則禍除赤雲氣
入之兵起赤氣如揚波入甯中兵入國火隨之入出甯兵隨
之出黃白氣潤澤入甯有負寶玉來獻者

天文會通蒼氣入甯三軍有降者青氣入外國有來使或有
降卒白氣入大臣有殊方來歸者

座旗

宋史天文志座旗九星在司怪西北君臣設位之表也星明
則國有禮

天文會通座旗九星明則君臣有禮上下之分嚴暗則百官

有離心

按座旗九星其最南一星亦在黃道北十六度月五星皆

不及犯

彗字客星見座旗

天文會通彗星長丈所掃座旗其國無君若彗不及一丈大

臣竊主柄 星字座旗其國失君臣失道天下亂 客星犯

座旗其國有兵變客星大如杯光芒抵座旗其國有奸臣擅

君命以兵叛

流星出入座旗

天文會通流星抵觸座旗其國有犯上大臣失君臣禮若光

掩座旗不見臣侵主柄以事坐法

雲氣出入座旗

天文會通黃雲氣入座旗其國尊卑辨列上下交泰黑氣入

之國有奸謀白氣入之有兵變

司怪

宋史天文志司怪四星在井鉞星前主候天地日月星辰變

異鳥獸草木之妖明主聞災修德保福星不成行列宮中及

天下多怪

月五星犯司怪

唐書天文志歲星犯司怪占曰水旱不時

天文會通月犯司怪有喪月暈司怪三重以上期三年有女

喪 木星犯司怪傷木德其國有憂 火星犯司怪傷火德

其國憂內亂 金星犯司怪傷金德其野有兵喪 水星犯

司怪傷水德其國歲飢民流亡 土星犯司怪傷土德其國

人君失信天下有離心 又日月五星干犯司怪水旱為災

妖異四起

按司怪四星第一星在黃道北二度半第二星在黃道南

十二分月五星皆及犯之第三星在黃道南三度半弱第

四星在黃道南三度強月火土金水四星及犯之惟木星

不及犯

彗字客星見司怪

觀象玩占彗字出司怪多妖祥僻偽起 客星出司怪天下

多妖

天文會通彗星掃司怪若長丈所不有亡國必有死君 星

字司怪掩星不見其國有亂臣 客星犯司怪有妖言以害

國政

流星出入司怪

天文會通流星抵觸司怪則天官失職被黜一曰臣下出疆

以按災異

雲氣出入司怪

天文會通黑雲氣入司怪妖言惑人心白氣入之為兵變

欽定天文正義卷四十二
參宿占

參宿占

史記天官書參為白虎三星直者是為衡石下有三星兌曰
罰為斬艾事其外四星左右肩股也正義謂三星參三星外
四星為實沈于辰為申起之分野為白虎形也集解孟康曰
參三星者白虎宿中西直似稱衡晉灼曰三星少斜列無銳
形

宋史天文志參宿十星一曰參伐一曰天市一曰大辰一曰
鉄鉞主斬刈萬物以助陰陽又為天獄主殺秉威行罰也又
主權衡所以平理也又主邊城為九譯故不欲其動參為白
獸之體其中三星橫列者三將也東北曰左肩主左將西北
曰右肩主右將東南曰左足主後將軍西南曰右足主偏將
軍參應七將中央三小星曰伐天之都尉主鮮卑外國不欲
其明七將皆明大天下兵精王道缺則芒角張伐星明與參
等大臣有謀兵起失色軍散敗芒角動邊有急兵起有斬伐
之事星移客伐主肩細微天下兵弱左足入玉井中兵起秦
有大水有喪山石為怪星差戾王臣戴左股星亡東南不可
舉兵右股則主西北又曰參足移北為進將出有功徙南為
退將軍失勢三星疏法令急

觀象玩占參七星為虎身伐為尾背為首共為白虎主西方
一曰鍾龍金星也其左肩北三尺為日月五星中道暗小則

將弱芒角大張赤輝旁射則三軍駭動天子自將出征甘氏
曰參為忠良孝慎之子星明大則臣忠子孝改常則忠臣受
枉

天文會通參七星東北星不明左將有憂西北星不明右將
憂之東南星暗則後將軍失利西南星微則偏將軍當之

按參宿七星其最北一星亦在黃道南十六度月五星皆
不及犯觀象玩占謂其左肩北三尺為日月五星中道較
今測差少十三度

彗孛客星見參宿

宋史天文志彗星犯參邊兵敗貫之色白為兵喪 星孛于
參君臣俱憂國兵敗 客星入犯參國內有新列事守之邊
州失地環繞者邊將有新列事

觀象玩占彗孛出參伐甘氏曰大臣反兵蔽地鉄鉞用彗孛
犯參伐邊兵大散 客星入參邊有暴兵圍城夏氏曰穀貴
一曰諸侯國當之客星出參鉄鑽兵出入參鉄鑽兵入客星
守參石氏曰歲飢郁萌曰有兵臣執主命馬貴客星入伐有
斬刈之事於國出之有新列之事於外客星守伐大臣有誅
者舍伐色黑為水白喪赤兵青憂黃為土功

天文會通彗星出參則兵火起大將失兵職彗出參中光芒
掩左右肩其國失大將軍一曰不有破軍必有死將彗抵參

中央三星其野有獄事亦曰大臣被執彗掃參伐光芒掩星
不見其國有邊釁一曰夷內侵中土擾彗星抵觸參宿人君
尚武亦曰禁兵有異謀 彗星犯參夷狄亂糴貴彗星出參
其國有廢政一曰兵火大作民不聊生彗星入參中其國有
死將夷狄威強邊將有憂彗星抵觸參中其野有叛將軍士
離心彗星抵參伐其國有坐法大將一曰主將失權以事坐
罪 客星出于參民仇大將有棄市者入參三軍與土功事
一曰有兵事有邊釁客星守參秋冬天水客星抵觸參其國
大將有生法者客星破參左肩星其國有大將誅若兩軍相
當大將先舉者勝客星破右肩星其下有繫獄將軍客星薄
參中其國破軍殺將亦曰邊將為亂客星凌參中央三小星
其野有冤獄

流星出入參宿
宋史天文志流星入犯參先起兵者亡乙巳占曰流星出而
光潤邊安有赦獄空
觀象玩占飛星入參外兵發一曰蠻夷使來郝萌曰邊城被
圍一曰有銜石之事于國內乙巳占曰流星入參左五穀貴
入參右五穀熟流星出參兵大出一曰有銜石之事於國外
流星犯參邊兵起春夏犯名將死秋冬犯猛將用
天文會通流星入參外夷來貢流星出參將軍出征流星抵

參為旱為兵

雲氣出入參宿

宋史天文志青雲氣入犯參天子起邊城蒼白為臣亂赤為
內兵黃氣潤澤大將受賜黑為水災大臣憂白雲氣入出貫
之將死

觀象玩占蒼白雲氣入伐大將憂有新刈事赤雲氣如波揚
入參邊城倉庫災黃氣出伐將軍戰勝

天文會通蒼白氣出參其國災入參則夷狄來貢黃氣出參
則天子有使出入參則四夷有來貢獻者青雲氣出參四夷
來降

玉井

宋史天文志玉井四星在參左 按步天歌云玉井四星右足
足陰觀象玩占亦作右
下主水泉以給庖厨動搖為憂

觀象玩占玉井四星在參右足下水官也其星微小如常則
陰陽和五穀成明大動搖則大水天下飢

天文會通玉井四星占曰參足入玉井兵起若突出玉井則
虎狼衆多害人玉井變色失常其野有兵起一曰邊兵作亂
按玉井四星其最北一星亦在黃道南二十八度月五星
皆不及犯

彗字客星見玉井

宋史天文志客星入玉井為水為喪國失地出則國得地一云將出

觀象玩占彗星出玉井兵大起強國失地守玉井天下大水

河海溢民多死于水 客星入玉井強國失地郝萌曰有喪

出玉井齊伯曰軍已出為憂有水收入守之三日以上其歲大水

天文會通彗星犯玉井天下多熟病死 星孛玉井兵起邊

境 客星犯玉井其國水泉不通猛獸入城

流星出入玉井

宋史天文志流星入玉井為大水

觀象玩占流星入玉井中強國失地出之強國得地郝萌曰

有大流星入玉井不出其年大水以星大小遲速言之

天文會通流星犯玉井其國有外奸入境一曰有外暴至

雲氣出入玉井

宋史天文志雲氣入玉井色青井水不可食

觀象玩占白雲氣入玉井兵起赤黃氣潤澤入之有軍來降

天文會通黃氣入玉井其國大稔羅賤赤雲氣入之大旱黑

氣入之大水

屏星

宋史天文志屏二星一作天屏在玉井南一云在參右足星

不具人多疾不明大人寢疾星亡主多病

觀象玩占屏二星為屏風以障廟主疾病

按屏二星其北一星亦在黃道南三十九度月五星皆不及犯

彗孛客星見屏星

宋史天文志客星出于屏亦為大人有疾 彗星犯之水旱不時

觀象玩占彗孛出天屏大臣有誅者國有憂民疾病有徙國

客星入屏四足彘大疾出天屏輔臣有憂客星出入守犯

天屏皆為疾病

天文會通彗星掃天屏衛士為亂彗出天屏輔臣有變謀

星孛天屏天子親戎服 客星守天屏人臣有離心客星逆

犯天屏其野有兵喪一曰有急兵

流星出入屏星

觀象玩占流星入屏星若犯之皆為人多死

天文會通流星抵觸天屏外奸入一曰衛士有異志

雲氣出入屏星

觀象玩占黑氣入屏大疫

天文會通黑雲氣出天屏其國有水災黃雲氣出天屏天子

以爵賜大將軍入天屏中天子得賢將青雲氣出天屏其野

有飢荒赤雲氣入天屏禁庭防火災白雲氣出天屏衛兵有亂

軍井

宋史天文志軍井四星在玉井東南軍營之井主給師濟疲之

觀象玩占軍井四星在玉井南主給軍爨又主水旱一曰天井動搖有大水

天文會通軍井四星明則水泉足暗則水涸

按軍井四星其最北一星亦在黃道南三十五度月五星皆不及犯

彗孛客星見軍井

宋史天文志客星入軍井憂水害

天文會通彗星掃軍井光芒掩星不見者其國有白衣會又

曰有大兵 星孛軍井其國有更王一曰有易政彗孛犯守

軍井兵起民流 客星犯軍井則有外奸入營一曰軍士有

匿謀客星大如杯守軍井五十日不下者其野有急兵客勝

主負

流星出入軍井

天文會通流星抵觸軍井其野有奸使入境流星入犯軍井

軍人災

雲氣出入軍井

天文會通黑雲氣入軍井其野有急兵白氣出之其野有兵兵罷無兵兵起黃雲氣出之大將受賜入之出軍大勝舉事無不利赤氣入之軍營有火災青氣出入軍井其野兵之食

天廁

史記天官書其南有四星曰天廁按其承上文指背參言正義天廁四

星在屏東主潤也占色黃吉青與白皆凶不見則人寢疾

宋史天文志廁四星在屏星東一曰在參右角南主潤色黃

為吉歲豐

觀象玩占天廁四星主天下疾病

天文會通天廁四星占民之安危黃潤光澤天下無失業之

民暗及移徙則民不安堵

按天廁四星其最北一星亦在黃道南四十一度月五星

皆不及犯

彗孛客星見天廁

宋史天文志客星入天廁為穀貴 彗孛入歲飢

觀象玩占彗出天廁大人憂若廁中有伏兵犯入之天下飢

客星入天廁天下大饑人相食民去其鄉都萌曰水大出

黃白星入之天子有喜奇物見蒼白星入有陰病青星入有

憂赤星入有內兵客星出天廁若守之王者憂

天文會通星字天厠其野有兵喪 客星干犯天厠外兵入
塞一曰其野民不安居

流星出入天厠

觀象玩占流星入天厠天下饑一曰水

天文會通流星干犯天厠人多疾病

雲氣出入天厠

宋史天文志青雲氣入天厠為兵黑為憂黃則天子有喜

觀象玩占赤氣入天厠有兵出則禍除

天文會通黑雲氣入天厠則良民為盜白氣入之民捨耒耜
親戎服黃氣入之下民有暴貴者青氣入之民有飢色赤氣

入之天下大旱

天屎

史記天官書厠下一星曰天矢矢黃則吉青白黑凶正義天

矢一星在厠南占與天厠同

宋史天文志天屎一星在天厠南色黃則年豐凡變色為蝗
為水旱為霜殺物常以秋分候之星亡不見天下荒星微民
多流

觀象玩占天矢一星主候吉凶黃帝占天矢明萬物有命星
微則萬物不昌不見則人多病死一曰天天黑大人死常以
春分日候之其色黃潤而明則人無疾天子安若青黑色則

國饑人病腹疾多死

按天屎一星在黃道南五十五度月五星皆不及犯

彗字客星見天屎

觀象玩占彗字客星出天屎若犯守之大人病腹死天下人
亦多死者

天文會通彗星長丈餘掃天屎其國內弱威令不行彗星長
三丈以上國有大喪 星字天屎其野主弱臣強一曰人主
有疾病之憂彗字干守屎星天下弓矢用兵起中原 天屎
星與客星芒角相及其野大饑荒一曰邊兵為亂

流星出入天屎

觀象玩占流星入天屎若抵之天下飢民多病

天文會通流星犯天屎色黃有赦色青有飢色白兵起色
赤有喪

雲氣出入天屎

天文會通黑雲氣出入天屎國有大水歲飢民困黃氣其野
有赦赤雲氣出天屎其國有兵喪

欽定天文正義卷四十三

井宿占

井宿占

史記天官書東井為水事其西曲星曰鉞索隱元命包云東井八星主水術也正義東井八星于辰在未秦之分野鉞一星附井之前主伺奢淫而斬之占不欲明明與井齊或搖動則天子用鉞于大臣傷成鉞集解晉灼曰賊傷之占先成形于鉞

晉書天文志東井八星天之南門黃道所經為天之亭侯主水術事法令所取平也王者用法平則井星明而端列宋史天文志東井八星不欲明明則大水

觀象玩占東井八星曰天府一曰東陵一曰天井一曰天闕一曰天門一曰天渠一曰天亭一曰天侯一曰天齊一曰天池水星也主水泉亦為天之南門日月五星貫之為中道又主酒食女主之象主諸侯帝戚三公之位井星正而明則法度正號令明明太盛則多風雨有大水暗小不正則國弱政亂動搖變色則諸侯帝戚有廢戮三公受殃移徙則國亂君憂洪水為災鉞一星附井口第一星邊二寸大而明則斧鉞用兵起動搖芒角則大臣多死于法者星亡則天下大水天文會通井宿南轅附一星曰鉞星光色明潤王道平法令不繁天下和平若變色出怒角水衡之官被逐

月五星犯井宿

史記天官書禍成并集解晉灼曰東井主水事火入之一星居其旁天子且以火敗故曰禍也 正義月宿并有風雨之變

漢書天文志水木火三合于東井占曰內外有兵與喪改立王公東井秦也 金木合于東井占曰為白衣之會

後漢書天文志熒惑入東井口中為大臣有誅者

晉書天文志月犯東井距星占曰將軍死月奄井南轅西頭

第二星占曰秦地有兵 填星入井大人憂行近距為行陰

其占曰大水五穀不成 太白犯東井距星占曰國失政大臣為亂太白晝見在東井占曰為臣強秦有兵 熒惑入東

井占曰兵起國亂又曰貴臣相殘又曰無兵兵起有兵兵止

歲星犯東井占曰兵起 凡月五星犯井鉞悉為兵災一

曰斧鉞用大臣誅

隋書天文志月犯東井占曰有水災 熒惑犯東井北端第

二星占曰其國亂又曰大旱

唐書天文志辰星犯東井北轅辰星為廷尉東井為法令失

逆則相犯 歲星辰星合于東井占曰為變謀 太白辰星

合于東井占曰為兵謀

宋史天文志月犯東井將死于兵水官黜刑不平月犯井鉞

大臣誅有水事 歲星犯井主急法多獄訟水溢將軍惡之

犯井鉞近臣為亂兵起逆行入井川流壅塞 熒惑犯東井

兵先起者殃又曰天子以水敗入守經旬下有兵貴人不安

守三十日成句已角動色赤黑貴人當之百川溢兵起 填

星入犯東井兵起東北大臣憂在背而去東井 按天文會通

其下亡地 太白犯東井咎在將久守其分君失政臣為亂

辰星犯東井星進則兵進退則兵退刑法平 按觀象玩占

又曰北兵起歲惡芒角動搖色赤黑為水為兵起 作刑法不平

觀象玩占月行至井變色而青國有憂赤有兵旱白有喪黑

大水黃有大風月宿井而霧有水患月白有喪風雨大水為

災一曰歲荒人飢月犯井左右星女主憂月犯井鉞斧鉞用

有拔城破軍殺將 歲星守井七日天下和平七以上至

二十日之上有水災五穀傷有土功一曰秦國亂守其北多

暴雨黃帝占曰大飢人疾病郝萌曰大人多病有喪一曰將

相死又為旱荊州占曰道上多死人一曰萬物不成乙巳占

未留守井其國以仁致天下未守井環繞句已之有赦未

入井黃帝占曰有軍在外歲星進則兵退星退則兵進又曰

天下有土功工川瀆之事一曰歲飢人病未犯井若中乘之

郝萌曰其國外內有兵起乙巳占曰人主有汎水之事大將

惡之未乘井而守之逆臣為亂未舍井居其東五穀不成居

其南諸侯多死居其西小兒多死居其北有改令木出入留

舍井三十日天下有水木逆行并石氏曰有兵木中乘守并
鉞斧鉞用大臣誅一曰賢相死 熒惑守井三日貴臣相戮
二十日以上宮中憂火滿六十日有大水魚行人道貴相死
郝萌曰火守井萬物不成石氏曰糴貴又曰天下名水有絕
者大旱大魚死巫咸曰有逐王火中犯乘并有兵陳卓曰臣
有以家事坐罪者李荃曰將死火入井甘氏曰其國凶米貴
民多死石氏曰有殺令黃帝占牛大疫兵器貴一曰山水出
海水溢國失火火以春入井有赦火入井太白隨之糴貴道
上多死人火逆行并貴人死傷有火災火犯守并鉞斧鉞用
大臣誅兵起臣謀主執法者死 填星守井大旱五穀不成
黃帝占曰有水石氏曰有赦郝萌曰有土工甘石氏曰有壅
水人多病一曰民飢久守之金錢易守其陽旱守其陰水以
入日占國守之二十日兵起土舍井黃帝占有賜爵祿事留
三十日人災土入井居其中旱出之乃雨土守犯并鉞大臣
誅兵起 太白犯并海中占曰人主浮船乙巳占太白中犯
乘井皆為亂兵起太白入井郝萌曰先起兵者敗大水荊州
占將軍有死者一曰臣有謀上者大臣當其災太白入井中
留二十日以上六畜疾兵起太白守并糴貴石氏曰旱一曰
有火災太白逆行并有叛臣秦地殃金犯守并鉞斧鉞用大
臣誅國內亂兵起 辰星入井水災文曜鈞曰蠻夷君有死

者邊兵起一曰有亂臣馬貴辰星犯并石氏曰刑法不平乙
巳占水犯守色黃潤天子有善令色惡大人憂水守并黃帝
占曰大水百川溢石氏曰熒早早晚水又曰法臣相戮郝萌
曰萬物不成金錢易一曰五穀霜死其分尤甚一曰其國大
人惡之水逆行入井天下名水有絕辰者辰星犯守并鉞斧
鉞用大臣誅兵起水災殺不成

天文會通月抵東井南轅主大將有憂抵井北轅主軍士離
散 木星逆行入井宿秦地有兵喪 火守井宿秦分有兵變
大臣謀上若亡地又曰諸侯相攻火逆行守犯并距星其國
有死將一曰有覆軍火行盈而抵井其國軍中有急政亦曰
大將有峻法三軍叛謀火行縮而抵井其國邊地有憂邊民
受禍火入井經旬不出牛馬大疫兵起鐵貴又曰有赦令先
起兵者大將戮 土星抵井宿其國有曲法土星逆行守井
成勾己者土剋水旱災民病五穀不熟 金星入井宿有兵
兵起其野有兵火一曰秦分有兵謀金星經天抵井中其分
有邊兵動不有破軍必有死將金逆行襲井距星其國有寃
獄 水星干犯井宿其國大水傷禾稼糴貴民飢水星逆行犯
守并其國有急兵亦曰有急政水星入井有赦又曰其分水
衡之官以失職被逐

按井宿八星第一星在黃道南一度弱第五星在黃道北

二度第六星在黃道南一度強第七星在黃道南二度月五星皆及犯之第二星在黃道南三度月與火土金水四星及犯之第三星在黃道南七度弱第八星在黃道南六度弱月與火金二星及犯之第四星在黃道南十度強月五星皆不及犯之第一星在黃道南一度弱月五星皆及犯之觀象玩占謂日月五星貫之為中道蓋謂井八星一星在黃道北七星在黃道南日月五星皆能貫其中也

彗孛客星井宿

隋書天文志彗星見東井占曰大亂國易政

宋史天文志彗星犯東井民讒言國失政一曰大臣誅其分兵火 客星犯東井穀不登大臣誅有土功小兒妖言

觀象玩占彗孛出井有奸臣在若側其國大水兵大起軍在外則大戰有死將其國大人死彗孛犯井武密占曰宮中有亂秦地兵災 客星入井水旱為災秦地喪亡一曰外邦有使來獻食物者一曰五穀不成糴大貴一曰有陂隄若水事一曰有水敗道路不通都萌曰君失政臣為亂大人當之多失火黃帝占客星入井留十日成勾已有贖罪之令客星犯井國亂兵起都萌曰百川溢客星出井有白衣自立者尋破不成石氏曰有旱蟲生人多病赤星守井若入之貴人有疾黑星守井若入之大水客星犯守井鉞斧鉞用大臣誅一曰

有兵將軍為外兵所擒士卒多傷死以星所居及其出之南北并其日辰占國

天文會通彗星如帚掃井宿距星其下有自立諸候又曰有強臣彗出井上白下赤如矛必此為兵災彗星干犯井鉞星秦國受殃 星孛井宿上下相賊後有地震孛星抵井距星其國有軍覆將死之禍孛星出井有大使出中國者孛星觸井鉞星其野有更令光芒所射之宿其國除舊寘新 客星入井諸侯使至或有相攻伐事客星守井距星其國有急兵亦曰有急政又曰有冤獄客星抵井宿其國有兵革亦各以色占之色赤兵事急色白兵以義起色青國飢兵亂色黃大將受君賞色青黑為水災客星破井鉞為水患

流星出入井宿

宋史天文志流星犯東井在春夏則秦地謀叛在秋冬則宮中有憂乙巳占流星色黃潤國安赤黑秦分民流水災

觀象玩占流星入井水與城平天文論有使從外來言水兵事武氏占其分餓流星出井其所至國大水武密占天子有水事於外乙巳占名水有絕者流星大而光衝犯井有大使至主憂春夏犯百川溢秋冬犯魚鹽賤

天文會通流星出井大臣受命出疆入井其野有兵流星抵井大人憂外國使至有陰謀流星出井鉞有節鉞出使事

雲氣出入井宿

宋史天文志蒼黑雲氣入犯東井民有疾疫黃白潤澤有客
未言水澤事黑氣入為大水常以正月朔日入時候之井宿
上有雲嵐多水潦

觀象玩占青雲氣出井大如井口上拂參而行入河中大水
沒城郭期二十日遠三十日蒼白氣出井有水令入井民大
疫有喪黑氣入井民疾病多死喪赤雲氣入井大水不則疾
疫亦為旱一為水賊起白氣入井大雨水黃氣出井天子以
澤泉之利養民

五諸侯

宋史天文志五諸侯五星在東井北主斷疑刺舉戒不虞理
陰陽察得失亦曰主帝心一曰帝師二曰帝友三曰三公四
曰博士五曰太史五者常為帝定疑議星明大潤澤則天下
治五禮備則光明不相侵陵暗則貴人謀上芒角禍在中
觀象玩占五諸侯五星近北河土官也主扶顛持危發姦摘
伏察陰私隱匿之事星欲其均明明大潤澤大小齊等則王
者吉昌輔臣忠正差戾不明則忠良屏斥上下相猜動搖則
王者不安天下有憂春秋元命包曰移徙則外牧傷公卿逃
却萌曰五諸侯不見則貴人有謀主者張衡曰五諸侯赤則
豐暗則款

天文會通諸侯五星躔拆則輔臣有離心就聚者則大臣懷
奸謀

月五星犯五諸侯

宋史天文志熒惑犯之大臣叛不臣成 太白犯之諸侯興
兵亡國經天畫見則諸侯受誅

觀象玩占月犯諸侯有死者 石氏曰火犯若守之兵起諸
侯憂若有兵死者期三年火逆行犯守玉歷曰秦國不可興
兵先起者亡後起者昌 太白中犯乘守五諸侯兵起諸侯
有死于兵者一曰金犯先舉兵者敗

天文會通月犯五諸侯天子失輔臣一曰將相憂 火犯五
諸侯大臣懷貳以通奸謀 金星犯五諸侯大臣握兵以叛

按五諸侯五星第一星在黃道北十一度月五星皆不及
犯第二星在黃道北八度弱惟金星及犯之第三星五星
在黃道北六度弱月與金星及犯之第四星在黃道北五
度強月與火金二星及犯之餘不及犯

彗孛客星見五諸侯

宋史天文志客星犯王室亂諸侯亡地秦國殃守之諸侯親
屬失位 彗孛犯之執法臣誅又曰貴臣當之期一年
觀象玩占彗孛犯兵起王室亂一曰州牧及西方諸侯失土
一曰執政臣誅人主有憂 客星犯兵起出之大臣有憂若

執政得罪一曰議臣有黜者守之大水五穀青民道死秦地尤甚

流星出入五諸侯

觀象玩占流星入有喪以星入日占其國

天文會通流星犯五諸侯諸侯入觀若色白隆隆有聲如雷

則外有不庭之方流星出五諸侯則天子遣大臣出使若色

黃赤有聲則天子問罪方伯

雲氣出入五諸侯

宋史天文志雲氣犯之色蒼白諸侯有喪不則臣有誅戮天

下有大水

觀象玩占蒼白氣入五諸侯諸侯有黜者

天文會通黃雲氣出五諸侯天子賜大臣青赤氣出入之主

諸侯奪爵黑氣入之有坐誅輔臣白雲氣入之有以兵叛主

之大將

積水

宋史天文志積水一星在北河北所以供酒食之正也不

見為災

觀象玩占積水一星在北河北一名聚水主聚美水以給天

子酒官其星明則天下安燕享禮行不明則五穀不登燕享

禮廢徭役繁多人民憂明大動搖則河海決溢津梁不通一

曰星明則水大出有論色

按積水一星在黃道北十四度半月五星皆不及犯

彗孛客星見積水

宋史天文志客星犯之兵起大水大臣憂期一年

觀象玩占彗孛犯積水兵起大臣憂 客星出積水天下水

溝為災有土功隄防之事

天文會通彗孛客星犯守積水大水泛漲

流星出入積水

觀象玩占流星抵積水若入之有大水舟楫用人飢

雲氣出入積水

宋史天文志蒼白雲氣入犯之天下有水

積薪

宋史天文志積薪一星在積水東北共庖廚之正也星不明

五穀不登

觀象玩占積薪一星在積水東聚薪也以給享祀供庖廚其

星欲明明則五穀熟享祀修庖廚足不明則庖廚空虛天下

旱人飢國憂

月五星犯積薪

宋史天文志熒惑犯之為旱為兵為火災

觀象玩占五星犯積薪若守之五穀不成民飢流亡 火守

犯川易道石氏曰庖官以火為憂甘氏曰五穀旱傷 金水
守犯兵起

天文會通月暈積薪期三日有暴風月掩之時多火災 金
守積薪將乏兵儲三軍爭食

按積薪一星在黃道北三度月與火土金水四星及犯之
木星不及犯

彗孛客星見積薪

宋史天文志客星守之薪貴

觀象玩占彗孛犯積薪有奸臣在宗廟 客星出積薪有以

薪藁之事致罪者犯守之有亂臣在宗廟

天文會通彗孛客星犯守積薪火焚薪藁主者有罪

流星出入積薪

觀象玩占流星抵觸積薪廚官憂

天文會通流星抵觸積薪貸粟使者入疆

雲氣出入積薪

宋史天文志赤雲氣入犯之為火災

觀象玩占赤氣入積薪火焚積聚

天文會通黑雲氣入積薪水傷禾稼黃雲氣出入積薪時和

歲豐

南河北河

史記天官書鉞北北河南南河正義南河三星北河三星分
夾東井南北置而為戒

宋史天文志南河三星與北河夾東井一曰天之闕門也主
開梁南河曰南戌一曰南宮一曰陽門一曰越門一曰權星

主火而河戌間日月五星之常道也河戌動搖中國兵起河
星不具則路不通水泛溢北河亦三星北河曰北戌一曰北

宮一曰陰門一曰胡門一曰衛星主水

觀象玩占南河三星北河三星分夾東井兩河星明則天下

安不明則四夷交侵動搖則邊兵大起星不具則有大水道

不通南星不具則南道不通北星不具則北道不通

太白犯北河

宋史天文志太白舍北戌三十日為女喪有內謀守陰門不

出百日天下兵悉起

觀象玩占太白乘北河戌若出北河北黃帝占曰皆為胡王

死太白從南來南夷當之從北來北夷當之太白守北河戌

甘氏曰邊戍有謀兵起關梁不通人主憂一曰四夷相犯

按南河三星其最北一星亦在黃道南十二度半月五星

皆不及犯北河三星第一星在黃道北十度弱第三星在

黃道北六度半強惟金星及犯之第二星在黃道北十度

強月五星皆不及犯

彗孛客星見南河北河

宋史天文志客星守南河為旱為疫 彗孛出為兵守為旱

客星入犯北河有喪于外姦人在中入自東兵起期九十

日入自西有喪期六十日守之為大水之災

觀象玩占彗孛出南河蠻越起兵邊戍有憂若闕吏有罪者

守南河大旱出北河戎狄兵起兵邊城憂守北河大水胡兵

入中國以敗去 客星出南河蠻夷起兵道不通入南河旱

飢入北河有水災大饑郁萌曰客星入北河諸侯有奸謀一
曰胡為暴赤星守北河戒臣賊主大臣誅

流星出入南河北河

宋史天文志流星出為兵喪邊戍有憂流星經兩河間天下

有難入為北兵入中國闕梁不通

觀象玩占流星犯南河防戍有憂入北河巫咸曰為水為飢

一曰胡兵入

雲氣出入南河北河

宋史天文志蒼白氣入南河河道不通出而色赤天子兵向

諸侯黃氣入之有德令出為災雲氣蒼白入犯北河邊有兵

疾疫又為北主憂

觀象玩占蒼白氣入兩河戒間兵大起道路不通出河戒則

禍除入北河邊兵起又為疾疫胡王死赤氣出兩河間天子

用兵于諸侯黃白氣入河戒間隨河行天子出德令逆河行
有客來求和親者赤氣入兩河戒間天下有難道路不通

四瀆

宋史天文志四瀆四星在東井南垣之東江河淮濟之精也
明大則百川決

觀象玩占四瀆四星明大動搖則大水泛溢

天文會通四瀆四星明大而有芒角大水為災

按四瀆四星其最北一星亦在黃道南十二度弱月五星
皆不及犯

彗孛客星見四瀆

天文會通彗星掃四瀆大臣有陰謀一曰四瀆當彗尾洪水

行千里 星守四瀆憂河防決 客星犯之洪水入都市

流星出入四瀆

天文會通流星入犯四瀆色青黑為水患色黃赤有旱災

雲氣出入四瀆

天文會通黃氣入四瀆則江河淮濟順流赤氣出之闕津不

通舟楫弛廢

水位

宋史天文志水位四星在積薪東一曰在東井東北主水衡

觀象玩占水位四星在東井北西南列主水衡以洩溢溢水

官也石氏曰衡平尚水水平而後流其星微小如常則雨澤時天下安明大則大水橫流五穀傷民以水飢變色失常則兵水俱興焦延壽曰水位上近北戎則國沒為河

天文會通水位四星明潤水官以職進秩星踈拆則百川漲溢就聚則河失隄防暗及移徙則水傷禾稼

月五星犯水位

宋史天文志歲星犯之為大水一曰出南為旱 熒惑守之田不治

觀象玩占五星犯守水位天下以水為害津梁阻塞一曰大水入城郭傷人民一曰五星守水位出其北大水出其南大旱

按水位四星第一星在黃道南十度弱惟金星及犯之第二星在黃道南十度半弱月五星皆不及犯第三星在黃道南七度月與火金二星及犯之第四星在黃道南二度強月五星皆及犯之

彗孛客星見水位

宋史天文志客星犯之水道不通伏兵在水中一曰客星若水火守犯之百川流溢 彗孛出為大水為兵殺不成 觀象玩占彗孛出水位人飢犯之水道不通有水賊 客星犯水位大水河決一曰水賊起水官憂一曰臣下有謀兵起

天文會通彗孛客星犯守水位兵起暴水泛溢糶貴民飢一曰水官以失職坐法

流星出入水位

宋史天文志流星入之天下有水穀敗民飢

觀象玩占流星入水位河溢

雲氣出入水位

宋史天文志赤雲氣入為旱飢

觀象玩占黑氣入水位大水

天文會通黃雲氣出入水位水官以職受賞赤氣入憂火災白氣入水患民飢百姓為盜

天鐸

宋史天文志天鐸三星在五諸侯南一曰在東井北鐸器也主感饑穉以給貧餒明為豐暗則歲惡

月五星犯天鐸

觀象玩占五星犯守天鐸民飢

天文會通月五星干犯天鐸水旱為災

按天鐸三星第一星在黃道北三度弱月與火土金水四星及犯之第二星在黃道南十三分第三星在黃道北一度半月五星皆及犯之

彗孛客星見天鐸

天文會通彗孛客星入犯天鐸雜貴

流星出入天鐸

天文會通流星抵觸天鐸外夷遣使齎款

雲氣出入天鐸

天文會通黑雲氣入天鐸水傷禾稼青氣入之菜果不熟白

氣入之非時隕霜黃氣出入年穀豐

闕邱

史記正義闕邱二星在南河天子之雙闕諸侯之兩觀亦象

魏懸書之府

觀象玩占闕邱二星在南河東天子之象魏其星動搖則天

子宮闕間有變

天文會通闕邱二星明正則天子四門穆穆暗而動搖小人

間雜

按闕邱二星其北一星亦在黃道南二十度半月五星皆

不及犯

彗孛客星見闕邱

觀象玩占赤氣入闕邱巫咸曰宮闕之中有兵火起 客星

出闕邱宮闕之間有姦臣亦為有賊

天文會通彗孛客星犯闕邱兵戰

雲氣出入闕邱

觀象玩占赤氣入闕邱宮中火災

天文會通黃氣入闕邱天子宮闕有喜黑氣入之有好臣

軍市

宋史天文志軍市十三星狀如天錢天軍貿易之市有無相

通也中星眾則軍餘糧小按觀象玩占作少則軍飢

觀象玩占軍市十三星在參東南水官也

天文會通軍市十三星星明光澤則市易交通暗及動搖則

三軍之食

按軍市古謂十三星今只六星其最北一星亦在黃道南

四十一度強月五星皆不及犯

彗孛客星見軍市

宋史天文志客星入則刺客起將離卒亡

觀象玩占彗孛入軍市大兵起天下飢軍乏糧將士離散軍

民多死亡 客星入軍市軍中有刺客客星出入軍市軍中

大飢將走士卒逃亡無軍在外客星出入軍市兵起

天文會通彗孛犯守軍市貨物不通軍民皆飢市中兵亂

客星入軍市中近野雞三軍爭財為亂

流星出入軍市

宋史天文志流星出為大將出

觀象玩占流星入軍市軍無糧市散一曰有客使至軍中視

所從來以五色占之

天文會通流星犯軍市三軍爭食相戕

雲氣出入軍市

觀象玩占赤氣入軍市軍中大驚

天文會通黑氣入軍市財貨耗乏白氣入之邊兵起黃氣入之軍財富有

野雞

宋史天文志野雞一星在軍市中主變怪出市外天下有兵守靜為吉芒角為凶

觀象玩占野雞一星大將也主屯營軍之號令警急設備其星明大則將勇兵強不明則將弱士卒離散芒角動搖則兵起荆州占曰野雞野將也主兵

按野雞一星在黃道南四十二度強月五星皆不及犯

彗孛客星見野雞

觀象玩占彗孛犯野雞大將死軍士散諸侯相攻有亡國

天文會通彗孛客星干犯野雞六畜死九州攻戰野將災

流星出入野雞

觀象玩占流星抵野雞甘氏曰將死亡兵離散先起兵者殃

天文會通流星抵觸野雞天子遣將出征

雲氣出入野雞

天文會通白雲氣入野雞星掩之不見邊兵動黑氣入之邊將憂

天狼

史記天官書其東有大星曰狼按其東承上文謂參宿東狼角變色多盜賊正義狼一星參東南狼為野將主侵掠占非其處則人相食色黃白而明吉赤角兵起

宋史天文志狼一星在東井東南色有常不欲動也芒角動搖則兵起明感兵器貴移位人相食色黃白為凶赤為兵

觀象玩占狼一星主殺掠一曰夷將一曰天陵主南夷主盜賊金官也其星色欲黃白無光芒不動搖則天下寧色赤而大光芒四張動搖變色則天下亂兵起盜賊橫行百姓憂危荆州占曰狼為賊盜孤為天弓以備盜賊故孤常射狼矢端直則狼不敢動而盜賊不起狼又主羊又主狗巫咸曰狼星易處則天下大飢兵滿野

按天狼一星在黃道南三十九度半月五星皆不及犯

彗孛客星見天狼

宋史天文志彗孛犯之盜起客星守之色黃潤為喜黑則有憂

觀象玩占彗孛出天狼國有急兵大將出軍有憂若守之有千里之行有大戰軍半死一曰有白衣之會客星守天狼

石氏曰夷狄來降郝萌曰邦失大臣色赤者得青黑者亡犯之狗大貴荆州占曰有圍城以入日占何國甘氏曰客星出

天狼若守之天下起兵多盜賊將有千里之行

天文會通彗星掃天狼天下盜起若掩星不見則良民轉為

盜賊天下大亂 星孛天狼野將借號 客星犯狼星盜起

郡邑良民受禍

流星出入天狼

觀象玩占流星抵狼兵起大將有千里之行將軍有死者黃

帝占曰流星抵天狼破之秦國有殃先起兵者亡

天文會通流星大如斗器出狼星旁其國有奸使

雲氣出入天狼

宋史天文志赤雲氣入有兵

天文會通青赤氣入天狼野將乏食蒼白氣入之野將掠郡

邑黃雲氣入之野將受賞

弧矢

史記天官書下按下謂天狼下有四星曰弧直狼正義弧九星在狼

東南天之弓也以伐叛懷遠又主備賊盜知奸邪者

宋史天文志弧矢九星在狼星東南天弓也主行陰謀以備

盜常屬矢以向狼武密曰天弓張則北兵起又曰天下盡兵

動搖明大則多盜矢不直狼為多盜引滿則天下盡為盜

觀象玩占弧矢九星在狼東南狼為姦寇弧司其非故常注

矢以向狼弧不張矢不直則天下盜賊橫行黃帝占曰弧矢

主備非常其星大而齊明色黃潤澤則天下息兵變色失常

則天下兵起狼旗七星屈曲則夷狄可攻狼旗者弧也荆州

占曰弧主武官弧張迎戰者不勝弧動先用兵者吉後起兵

者凶弧色青黑國有憂洛書曰狼弧張害及胡又曰黑帝之

亡也狼弧張張衡曰弧矢引滿則君臣相謀天下兵悉起芒

怒則四海交兵

按弧矢九星其最北一星亦在黃道南四十六度月五星

皆不及犯

彗孛客星見弧矢

宋史天文志客星入南夷來降若舍其分秋雨雪穀不成守

之外夷飢出入之為兵出入

觀象玩占彗孛出弧矢弓矢大用國亂民驚盜賊縱橫出狼

弧間外夷反叛 客星守弧矢野將死石氏曰主將弱郝萌

曰外夷大飢有兵若弧星張則先起兵者利後起兵者不利

出弧兵出入弧兵入正咸曰客星出弧若入之其國有兵大

人驚貴人多死士卒出行郝萌曰客星舍弧左右臣有伺其

君者

流星出入弧矢

宋史天文志流星入北兵起

觀象玩占流星入天弧弓矢貴秦負兵乙巳占流星犯衝弧星夷狄兵動

雲氣出入弧矢

宋史天文志赤雲氣入之民驚一曰北兵入中國

觀象玩占黑氣入弧矢胡中疫作

老人星

史記天官書狼比地有大星曰南極老人老人見治安不見常兵起常以秋分時候之於南郊正義老人一星在弧南為人主壽命延長之應常以秋分之曙見于景春分之夕見于

丁見則國長命

觀象玩占老人明大而赤則人主壽昌老者安微小若不見則老人不安色黑白則老人災

按老人星在夏至後十度距赤道南五十二度若北極高三十六度則春分之曙秋分之夕老人星當正午地平上二度天氣晴明則見若三十六度以南則老人星高每年皆見三十六度以北則老人星在地平下必無見理占家以見為福殆不足信又按老人星在黃道南七十六度月五星皆不及犯

彗孛客星見老人星

宋史天文志客星入為民疫一曰兵起老者憂

觀象玩占彗出老人老人不康客星犯老人則天下老人災兵起入老人為政不和入守之石氏曰人疫兵起老人行出老人兵起老人不安客星色黃潤光澤守之黃帝占曰是謂扶老其國安老人昌

流星出入老人星

宋史天文志流星犯之老人多疾一曰兵起

觀象玩占流星出入老人老人有憂疾海中占流星抵老人兵起乙巳占流星犯衝南極老人天下大安風雨順時天子壽昌

丈人

宋史天文志丈人二星在軍市西南主壽考悼老矜寡以哀窮人星亡人臣不得自逆

觀象玩占丈人二星在軍市南國之老臣也其星不見則黎老之情不通

天文會通丈人二星黃潤有常大臣有及百歲者一曰朝廷重臣皆老成變色失常大臣有非命者

按丈人二星其北一星亦在黃道南五十七度強月五星皆不及犯

彗孛客星見丈人

觀象玩占彗孛犯丈人老臣憂

天文會通彗孛客星干犯丈人大臣廢黜 客星抵丈人有

邊將以兵亡者

流星出入丈人

天文會通流星干犯丈人臣下憂災

雲氣出入丈人

天文會通黃雲氣出丈人大臣加杖黑氣入臣坐獄白氣入

將以兵終青氣出大臣為盜赤雲氣入其國有火災

子星孫星

宋史天文志子二星在丈人東侍丈人側不見為災 孫二

星在子星東以天孫侍丈人側相扶而居以示孝慈不見為

災居常為兵咎

天文會通子二星明潤則天下戶口滋多疎拆則國多流徙

之民暗及移徙則民憂 孫二星明潤則天下繁盛生民尚

禮儀星亡則民為盜賊星疎拆則生民流徙暗及移徙兵起

民受其殃

按子二星其北一星亦在黃道南五十七度強孫二星其

北一星亦在黃道南五十八度月五星皆不及犯

彗孛客星見于星孫星

天文會通彗孛客星干犯子星天下之人多不肖之行而老

者失其養 彗孛掃孫星其國歲荒滅戶口 客星干犯孫

星其國民耗守五十日不去民勞為亂

流星出入于星孫星

天文會通流星抵觸孫星其國民有災

雲氣出入于星孫星

天文會通黃雲氣繞覆子星天下民庶富黑雲氣掩子星其

野大水傷戶口白氣入之兵殺戶口青氣入之天下飢黃雲

氣入孫星其野有承祀之裔生青白氣入之為亂赤氣入之

國有陰謀子孫

水府

宋史天文志水府四星在東井西南水官也主隄塘道路梁

溝以設隄防之備

觀象玩占水府四星明大異常則有大水災他星犯之占同

水位

天文會通水府四星占與水位同主水之官星明潤水官進

職疎拆則百川漲溢就聚則河失隄防暗及移徙則天下大

水

月五星犯水府

宋史天文志熒惑入之有謀臣

天文會通五星犯守水府水壞郡邑

按水府四星第一星在黃道南九度弱第二星在黃道南

欽定天文正義卷四十四

九度強惟金星及犯之第三星四星在黃道南七度強惟

鬼宿占

火金二星及犯之餘不及犯

彗孛客星見水府

宋史天文志客星入天下大水

天文會通彗孛掃水府掩星不見河海有暴水溢糶貴民飢

星孛水府水官以失職坐法 客星入水府河決

流星出入水府

宋史天文志流星入色青所主之邑大水赤為旱

天文會通流星出水府色青白所之邑大水色黃赤所之邑

大旱

雲氣出入水府

天文會通黑雲氣入水府大水白雲氣入之民以水荒為盜

黃雲氣出水府則水官以職受賞

鬼宿占

史記天官書與鬼鬼祠事正義與鬼五星主祠事天目也主視明察奸謀東北星主積馬東南星主積兵西南星主積布帛西北星主積金玉隨其變占之鬼星明大穀成不明百姓散

觀象玩占鬼四星為朱雀頭眼一曰天鈇鎖主誅殺一曰天廟主祀事一曰天訟一曰天墮一曰天墜主疾病死喪土星也其中為日月五星中道移徙則政急民愁動搖則役煩賦重連年水害

天文會通鬼宿東北星明潤則息馬蕃庶暗則馬多疾死西南星明潤則商賈通閤市不禁暗則女不親絲枲布帛大貴西北星明潤則府庫充暗則金寶出為野人所掠四星疎狹則歲歉民饑百姓流徙四星就聚與鎖星光相近者天下多疾疫民多死亡星移徙及變色者其下有白衣會一星亡則一事廢假令東北星亡則馬不蕃庶是各以所主占之

月五星犯鬼宿

史記索隱宋均云熒惑守與鬼南為丈夫受其咎北則女子受其凶也

漢書天文志熒惑守與鬼占曰為火變有喪

後漢書天文志凡五星入與鬼中皆為死喪熒惑太白甚

晉書天文志月犯與鬼與鬼主斬殺占曰人多病國有憂又曰大臣憂又曰大臣有誅又曰秦有兵 歲星犯與鬼東南星占曰兵起又曰人君憂木入鬼大臣誅 熒惑犯與鬼占曰秦有兵又為旱為兵喪亦曰大人憂亦為內亂 填星犯與鬼占曰人主憂入與鬼占曰為旱大疫為亂臣 太白犯與鬼占曰大臣誅一曰兵起又曰國有憂 辰星守與鬼占曰秦有災

隋書天文志太白犯與鬼占曰有兵謀誅大臣斧鑕用 唐書天文志熒惑犯與鬼占曰諸侯凶

宋史天文志月犯與鬼秦分君憂一曰軍將死貴臣女主憂民疫 歲星犯與鬼傷民飢 熒惑犯與鬼忠臣誅一曰兵起后失勢入則后及相憂一曰賊在君側有兵喪勺已國有赦 填星犯與鬼大臣女主憂守之憂在後宮為旱為土功 太白入犯與鬼為兵亂臣在內一曰將有誅貫之而怒下有叛臣久守之下有兵為旱為火萬物不成 辰星犯與鬼五穀不登守為有喪憂在貴人

觀象玩占月犯鬼郝萌曰兵在外將死武氏占曰天下不安 諫臣憂月入鬼人多病死從南入為男從北入為女從西入為老人棺木貴月食鬼女主憂貴人死有喪謀臣憂糾彈之官有凶月犯鬼西南星布帛貴有錢令犯西北星金玉出犯

東北星馬多死犯東南星兵大起 歲星守鬼巫咸曰天子
 賜諸侯金玉錢帛石氏曰人主有祭祀事郝萌曰人多病狂
 死者天文論外邦諸侯有來朝者木守鬼十日以上金錢大
 出木守鬼西南五以上秦漢之地有反臣海中占木守鬼
 出其北旱出其南多雨水五穀熟出其左右貴親坐之又曰
 木守鬼角動有謀逆者色黑事不成伏誅石氏曰木守鬼五
 十日不下民有大喪百日不下民半死木守鬼居東北麻豆
 成居東南豆麥熟居西北黍稷不成居中央歲凶木入鬼相
 照一曰有妖言木逆行鬼出其陽男子災出其北女子災一
 曰木逆行守鬼色怒者先憂後喜木犯鬼近布帛發布帛近
 金玉發金玉近馬發馬近兵發兵約七寸 熒惑犯鬼廿氏
 曰執法者戕石氏曰旱多火災大臣憂火入鬼金玉用有大
 赦黃帝占財寶出物貴天下大疫巫咸曰火入鬼將相有誅
 者一曰有內亂有屠城火舍鬼君疾病人疫應在街郝萌曰
 風雨不時多霜雪舍西北妊婦多死舍中小兒多死人多
 病頭目痛舍東北長年多死有大水舍東南老人多死火出
 入田舍鬼五十日不下國水傷有空邑郝萌曰火守鬼東北
 男子兵相殺守東南民多死守西北戎狄叛有反軍守西南
 秦地有反者荊州占曰火守鬼東北星棺木貴守東南星五
 殺貴守西南星金錢貴守西北星鐵器魚鹽貴石氏曰火守

鬼國有祭祀事巫咸曰有兵兵罷多水災萬物不成一曰有
 火災一曰出其南旱出其北水火守鬼已去之復還居之大
 國之君凶火逆行犯守鬼成句已兵起金錢玉帛散出將軍
 有戰死者火入鬼而守其中天下白衣聚土功興 填星犯
 鬼天文錄其分有共逆行犯鬼女王貴親有憂土入鬼黃帝
 占曰有兵郝萌曰天下疫土守鬼石氏曰大人憂巫咸曰天
 下旱物不成郝萌曰天下受賜財寶出又曰土守鬼大疫守
 西南星西南病守西北星西北病守東北星東北病守東南
 星東南病守其中天下皆病又曰土舍鬼中有赦土出入留
 舍鬼大旱大疫布帛貴天下人多死來視其所從入去視其
 所從出以言其人及其受殃之方 太白犯鬼財寶出各以
 其星所主言之太白入鬼郝萌曰歲惡婦人多懷子死者一
 曰有屠城南官侯曰國有喪有兵大戰郝萌曰太白守鬼傍
 女主病國有祀事民災海中占曰太白出其南為水出其北
 旱太白出入留舍鬼久不下人多疾死太白與鬼鬪其下有
 反臣 辰星犯鬼兵起水入鬼執法者誅有水災陳卓曰蠻
 夷之君有誅一曰財寶出辰星守鬼人多疾疫民饑流亡國
 多誅殺一曰人多耳目疾海中占水守鬼出其南水出其北
 旱守鬼西南秦蜀有反臣辰星守鬼大水蝗蟲起
 天文會通月犯鬼宿其國有兵喪月入鬼宿中其分有兵憂

一曰有喪月行鬼宿太南其國旱太北其國水 木犯鬼邊
兵起秦分民受禍木守鬼宿其國有兵火木星光明潤澤居
鬼宿其邦有喜色怒即憂木退行犯守鬼國有兵喪人民死
亡 金星犯鬼有急兵守鬼九十日則大赦若出鬼中則貴
人有喪又曰多土功事金入鬼則天子用誅戮金守鬼有水
旱逆臣叛退行干犯鬼守之兵喪並至 水星犯鬼斧鑕用
一曰其邦有大水又曰政令急

按鬼宿四星第一星在黃道南一度弱第二星在黃道北
一度半第四星在黃道北四分月五星皆及犯之第三星
在黃道北三度強月與火土金水四星皆及犯之惟木星
不及犯觀象玩占謂其中為日月五星中這是也

彗客星見鬼宿

宋史天文志彗星犯鬼兵起國不安 星孛其下有喪兵起
宜修德禳之 客星犯鬼國有自立者敗一曰多土功入之
有誑盟祠鬼事

觀象玩占彗孛出鬼名曰喪稜有大兵大疫積尸暴骨不出
三年 客星出鬼正咸曰其國有喪客星入鬼郝萌曰多死
喪一曰鉄鉞用客星犯鬼天文論其分君憂郝萌曰男女不
得耕織一曰牛貴客星守鬼石氏曰秦有奸欲危其主正咸
曰人君貴人有憂甘氏曰國有大喪守五十日不去兵大起

將軍戰於野有死者郝萌曰多工役牛馬貴有更改之事荆
州占守東南星穀貴守西南星金錢貴守西北星魚鹽貴
天文會通彗星入鬼芒談所指國必亡 孛星出鬼貴人犯
法又曰有逆相一曰其國有叛臣又曰有哭泣事 客星入
鬼宿有赦期七十日色青黑有哭泣事赤色糴貴客星入鬼
中法令急貴人受刑客星在鬼中有急兵客星守鬼其分有
兵疫留舍鬼中兵革動

流星出入鬼宿

宋史天文志流星入鬼四國來貢
觀象玩占流星入鬼國有宗廟祠祀事流星出鬼天子使出
外有宗廟祠祀死喪之事黑星出鬼所之地多病入鬼秦
人多病流星交抵鬼中國與南夷交兵奔星有光如火散行
鬼上下大臣受賜

天文會通流星犯鬼宿在春夏犯刑法不平秋冬犯其分民
疾

雲氣出入鬼宿

宋史天文志白雲氣入鬼宿有疾疫黑后有疾憂赤為旱黃
為土功

觀象玩占黑氣入鬼大人憂赤雲氣入鬼有火災
天文會通蒼氣入鬼有哭泣事出鬼禍除黃白氣入鬼天子

有喜祀宗廟黑氣入鬼有水災白氣入鬼有外使來
燿星

宋史天文志燿四星在鬼宿西北一曰在軒轅西主烽火備
邊亭之警急以不明為安明大則邊有警

觀象玩占燿四星一曰烽燿其星不欲明而不欲亡小而不
明則天下安靜動搖則外兵入亡不見則戒在守侯之臣

天文會通燿四星一星亡則邊陷一郡四星俱亡四塞俱擾
一曰四夷內侵

月五星犯燿星

觀象玩占金火犯守燿星邊亭有急

按燿四星第一星在黃道北五度強月與火金二星及犯

之第二星在黃道北四度半弱月與火金水三星及犯之

第三星在黃道北八度半弱第四星在黃道北九度半弱

惟金星及犯之餘不及犯

彗孛客星見燿星

天文會通彗尾掃燿星外夷內侵 星孛燿星邊將不受制

客星犯燿星外奸入境

流星出入燿星

天文會通流星干犯燿星兵起邊方視其所從入以占方

雲氣出入燿星

宋史天文志赤雲氣入天下烽火動

天文會通雲氣蒼白色入燿星邊燧有警赤氣出燿星夷狄
猖獗黑氣入之外夷入寇黃雲氣入之邊將以職受賞

天狗

宋史天文志天狗七星在狼星北主守財動移為兵為饑多
寇盜有亂兵

觀象玩占天狗七星在狼北鬼宿西南橫河中以守賊也失
色變常則天下有大盜

天文會通天狗七星主邊兵亦主外夷星明大則夷狄舉兵
星疎拆則夷狄弱星就聚則夷狄強暗則中國兵強外夷受
制

按天狗七星其最北一星亦在黃道南四十三度月五星
皆不及犯

彗孛客星見天狗

宋史天文志客彗守之則羣盜起

觀象玩占彗出天狗羣盜起虎狼害人犯之盜賊起守禦之
臣有憂 客星入天狗有暴風急雨黃帝占曰北夷饑來降

荊州占曰多土功守之守禦臣作亂

天文會通彗星掃天狗外夷內侵中國擾 星孛天狗邊民
大擾 客星入天狗狂虜犯邊城

流星出入天狗

天文會通流星抵觸天狗夷狄遣奸使入中國

雲氣出入天狗

天文會通黑氣出天狗邊兵潰入之夷兵敗黃氣繞覆之邊

將有暴貴者

外厨

宋史天文志外厨六星為天子之外厨主烹宰以供宗廟占

與天厨同

觀象玩占外厨六星在柳南祭祀燕亭之厨也占與天厨同

天文會通外厨六星星不見為凶守常則吉星明潤天下和

平五穀熟

按外厨六星其最北一星亦在黃道南十七度弱月五星

皆不及犯

彗客星見外厨

天文會通彗星掃外厨國饑 星守外厨色白則兵叛爭食

客星守外厨天下大饑

雲氣出入外厨

天文會通白氣入外厨兵叛操食黑氣入之天下荒黃氣入

之天下大熱

積尸氣

史記天官書中白者為質按中承上文 謂鬼宿中正義與鬼五星中一

星為積尸一名質主喪死祠祀質欲其習習不明明則兵起

大臣誅下人死之

宋史天文志積尸氣一星在鬼宿中亭亭然主死喪祠祀一

曰鐵鎖主誅斬動而光賦重役煩民懷嗟怨

觀象玩占鬼宿中央色白如粉絮者謂之積尸氣一曰天尸

主刑法天尸如雲非雲如星非星見氣而已不欲其明明則

鬼害人多病死動搖則疾疫兵水之災並起

天文會通鬼宿中央星如粉絮為朱雀首一名天尸星大而

有芒角如蠅則死人如邱山積尸之象

月五星犯積尸氣

史記天官書誅成質焦解晉灼曰熒惑入與鬼天質占曰大

臣有誅

漢書天文志熒惑入與鬼天質占曰大臣有誅者名曰天賊

在大人之側

後漢書天文志熒惑入與鬼犯積尸占曰兵在西北有沒軍

死將又曰貴人有憂

隋書天文志太白入與鬼犯積尸占曰大臣誅又曰亂臣在

內有屠城 熒惑犯鬼質占曰斧鉞用

宋史天文志歲星犯鬼鎖執法臣誅 填星犯積尸在陽為

君在陰為后左為太子右為貴臣隨所守惡之

觀象玩占月犯天尸亂臣在內陳卓曰國內亂大臣誅一曰
秦邦君憂月食天尸其分兵喪土功起鉄鑽用木入鬼食
天尸石氏曰天下死者大半王者疾病有兵又曰國有喪諸
侯大臣有戮死者若逆行入鬼犯食天尸則有大兵鉄鉞用
大臣誅天下有積尸若在十二月其災甚大火入鬼犯天
尸廿氏曰兵起三十日不下有喪人流亡火中犯乘守天尸
皆為國有喪若以十二月從西來入守之則人多死大臣被
誅他月則災輕土守天尸其分有積尸以入日占國太
白犯天尸將軍戮一曰執法者誅太白入鬼守天尸兵起將
軍憂國有喪下臣謀逆石氏曰近臣叛一曰殺大臣天下多
死喪水犯天尸貴臣有罪死兵起水入鬼食天尸君與貴
臣俱憂民大疫視其出入與土金同占
天文會通月犯鬼中央鑽星其國有喪亦曰有喪壘事犯鑽
陽為男子事犯鑽陰為女子事月犯鑽謀臣亂弭官誅木
入鬼中在鑽南其國有男子喪在鑽北其國有女子喪留五
十日天下災疫犯天尸執法臣戮火出入守天尸災甚若
留五十日不去主大旱疫土星入鬼中犯積尸兵起橫尸
蔽野土乘鑽星人君憂民疾疫金星犯積尸有屠城水
星犯積尸積尸之象

按積尸氣一星在黃道北一度半月五星皆及犯之

彗孛客星見積尸氣
觀象玩占客星入鬼居天尸南男子多死居其西老人多死
居其東丁壯多死居其北婦女多死居其中兵起天下人多
死兵器馬魚鹽價倍客星犯天尸國君憂金玉貴天下大疫
人多死

天文會通彗孛犯鬼鑽國有大喪其分大臣橫行一曰大臣
災客星守天尸金玉出一云有赦

流星出入積尸氣

宋史天文志流星犯鬼鑽有戮死者入則四國來貢
觀象玩占流星入鬼鑽大人憂

雲氣出入積尸氣

宋史天文志黃雲氣入犯積尸貴臣有憂青為病
天文會通白雲氣入犯積尸貴人憂青病黑喪黃其分喜

天記

宋史天文志天紀按步天歌及儀象考成皆作天記一星在外厨南主禽獸
之齒

天文會通天紀星明大則野獸入井市微明則吉
若怒出四角則猛獸食人星亡則百獸多死

按天記一星在黃道南五十六度月五星皆不及犯

彗孛客星見天記

宋史天文志客星守之則政隳

觀象玩占彗孛犯天紀人不安居六畜疫禽獸不育多死者

客星守天紀國政亂

天文會通彗孛犯天紀則猛獸入都市 客星干犯天紀則

猛獸食人

流星出入天記

天文會通流星抵觸天紀逐獸有憂

雲氣出入天記

觀象玩占黑氣入掩天紀禽獸大疫六畜死耗

天文會通白氣入天紀禽多死黃氣入之瑞獸入城邑黑雲

氣犯天紀則猛獸食人

天社

晉書天文志弧南六星為天社昔共工氏之子句龍能平水

土故祀以配社其精為星

宋史天文志天社六星在弧矢南明則社稷安不明動搖則

下謀上

天文會通天社六星社稷之臣土地之主

按天社六星社其最北一星亦在黃道南六十一度月五

星皆不及犯

彗孛客星見天社

宋史天文志客星入有祀事於國內出則有祀事於國外

觀象玩占彗孛出天社若犯入之除舊布新

天文會通彗孛犯守天社天下亂 客星干犯天社有外奸

竊國柄

流星出入天社

天文會通流星抵觸天社夷狄遣使入境

雲氣出入天社

天文會通黑雲氣出天社有坐法大臣白雲氣入之有兵變

黃雲氣入之有喜

欽定天文正義卷四十五

柳宿占

柳宿占

史記天官書柳為鳥注主草木索隱案漢書天文志注作味爾雅云鳥味謂之柳孫炎云味鳥之口柳其星聚也以注為柳星故主草木也正義味一作注柳八星星七星張六星為鶉火於辰在午皆周之分野占以順明為吉

宋史天文志柳宿八星天之厨宰也主尚食和滋味又主雷雨爾雅曰味謂之柳柳鶉火也又主木功一曰天庫又為鳥喙主草木明則大臣謹重國家厨食具開張則人饑亡則都邑振動直則為兵

觀象玩占柳八星為朱鳥喙一曰天相一曰天庫一曰天大將軍一曰八臣一曰天厨主御膳酒食倉庫和鼎實以饗宗廟又主雷雨主工匠主草木火星也一曰土星其北六尺為日月五星中道其星欲明明則王者安不明則王者失政宮中不安注舉首則主命行賢佐出失色則天下饑饉

天文會通柳宿八星明則風雨時暗則雷雨失時一星不見則秋霜殺草木五穀不熟星有芒角則雨霖不止水毀人居亦主暴兵四起秋星干犯則天厨失職

按柳宿八星其最北一星亦在黃道南十一度月五星皆不及犯觀象玩占謂其北六尺為日月五星中道較今測差少五度

彗孛客星見柳宿

宋史天文志彗星犯柳大臣誅為兵為喪 星孛於柳南夷叛甘德曰為喪 客星犯柳咎在周國守則布帛魚鹽貴色蒼白後邊地諸侯

觀象玩占彗孛出柳兵起臣為逆大旱穀貴武密曰庫藏災彗孛犯柳乙巳占曰國謀大臣兵喪並起又曰強臣凌主天下傾危其國大旱民多饑死彗孛行犯柳黃帝占曰南夷叛

客星出柳兵起大水天下饑人流亡不出其年赤星出柳執法者遇賊客星入柳兵起布帛繒絮貴都訥曰兵從澤起道路不通南官侯曰客星色赤芒角入柳地大動客星守柳

庫兵大發一曰牛貴羗胡為亂弓弩聚荆州占曰絲麻羊貴客星舍柳兵出得地既得之還失之乙巳占曰客星犯守柳天子賜邊臣

天文會通彗星在柳芒角所括有殃主勝客負光芒不盈其國有火災彗星出柳中天厨失火厨宰失官彗在柳有芒角不動者其國殃淺有芒角熒熒若燃火光者其野有死者君又曰其下謀上 孛出柳中其國憂兵亦主女喪孛星出柳光芒長及丈餘食頃滅其分有兵火暴起若光芒及他宿則周受禍輕孛在柳光芒不出本度受禍尤甚 客星犯柳中乘之而不去及二十日以上者其國有外寇至亦主有賊君

之臣若青色國君有憂色赤則有暴兵起色黃則其野有土功變生不測色白憂兵火色黑凶客星守柳中經五十日不去其國人相食盜賊四起

流星出入柳宿

宋史天文志流星出犯柳周分憂色黃為喜入則王者內有火災乙巳占出則宗廟有喜賢人用入為天厨官有憂木功廢

觀象玩占流星出柳天文論木工用乙巳占名木有出者一曰天子有宗廟事武密占曰多雨水

天文會通流星出柳其國有使至貸食於天子流星黃潤出入柳中五穀貴雨不時行雷電不藏亦曰天厨宰失職被黜流星出入不離柳中及不出本度者天厨有火亦曰旱傷霜傷木

雲氣出入柳宿

宋史天文志赤雲氣入柳為火黃為赦黃白為天子有喜起宮室

觀象玩占赤雲氣出柳大旱黑氣如鋒刃刺柳三夜不散大人憂白氣出柳國有憂兵出

天文會通蒼白氣入柳中則多風雨失蒼白氣環繞柳中其野有能將黑氣入柳則雨失時為淫傷禾稼黑氣掩蔽柳星

不見其野有拔城白氣未滅復有赤氣縈紆則其國兵火至
白氣經天繞柙其國君有憂赤氣入柙中其野大水赤氣掩
柙則天厨有火災青氣繞柙如足物則有旱霜及非時之雹
傷禾稼

酒旗

宋史天文志酒旗三星在軒轅右角南酒官之旗也主宴享
飲食星不具則天下有喪帝王宴飲沈昏非禮以酒亡國明
則宴樂謹

觀象玩占酒旗三星明則多歡娛之事昏暗則天子以酒失
禮

天文會通酒旗三星明潤則吉出怒角則凶

月五星犯酒旗

宋史天文志五星守之天下大醜有酒肉賜宗室 災惑犯
之飲食失度 太白犯之三公九卿有謀

觀象玩占辰星犯酒旗天下以酒傷害財物

天文會通月暈三重周匝酒旗則三日有大風雨 月木火
土水犯守酒旗天下以酒廢生業

按酒旗三星第一星在黃道北十九分月五星皆及犯之
第二星在黃道南三度強月與火土金水四星及犯之第
三星在黃道南五度半月與火金二星及犯之餘不及犯

彗孛客星見酒旗

宋史天文志客彗犯主以酒過為相所害

觀象玩占客星守酒旗天子飲食失度荆州占曰天下大醜
以酒食害財

天文會通彗掃酒旗主酒食之官有陰謀 星孛酒旗有飲
食之憂 客彗孛干犯出之及赤氣入之宜節宴飲防察近
人

流星出入酒旗

天文會通流星入酒星則主有進飲食若流星色白而隱隱
有聲則憂飲食之毒流星犯入酒星人民因酒為亂又曰天
子以酒食財物賜宗室

雲氣出入酒旗

宋史天文志赤雲氣入君主以酒失
天文會通黑雲氣入酒星侵軒轅則有進毒以酒者黃氣繞
酒星主有進美酒倉白氣入之主兵起

欽定天文正義卷四十六

星宿占

星宿占

史記天官書七星頸為員官主急事索隱案宋均云頸朱鳥頸也員官嚨喉也物在嚨喉終不久留故主急事也

宋史天文志七星七星一名天都主衣裳文繡又主急兵故星明王道昌暗則賢良去天下空動則兵起離則易政蓋天曰七星為朱雀頸頸者文明之粹羽儀所承

觀象玩占星七星一曰天廷實為赤帝府於午主衣裳繡黻文繡是為朱鳥之頸周禮鳥與七旒以象鶉火謂七星也一曰天御一曰注侯一曰津橋后妃女御之位亦為賢又為烽亭主急兵守盜賊水星也一曰火星其右星北上十三尺為日月五星中道不明則執政不平

天文會通星宿七星均明則天下和平一星暗則賢路塞七星俱暗則其國有暴兵芒角或動而明大則臣下有僭上之服亦主陰謀星直則其野有急兵若星不相屬而暗則其國兵叛

按星宿七星其最北一星亦在黃道南十四度強月五星皆不及犯觀象玩占謂其右星北上十三尺為日月五星中道較今測差少一度

彗孛客星見星宿

宋史天文志彗犯七星有亂兵貴起貴臣戮武密曰彗星出

七星狀如祥為兵 星孛於星有亂兵起宮殿貴臣戮大臣相諧 客星犯七星為兵荊州占云河水決民流

流星出入星宿

宋史天文志流星犯七星為兵憂又曰入則有急使來乙巳

觀象玩占彗孛出星甘氏曰國有叛臣人主不安有大水彗

占流星入庫宮有喜錦繡進女工用

出星張之間狀如布從風而靡此為兵戒熒惑之變也其占

觀象玩占流星出七星內庫金帛出一曰王者以急事遣使

為君失政臣弄權兵起 客星出七星君以急事遣使以色

乙巳占流星雙入七星五穀不熟天文論七星為天都凡流

占其吉凶以星所往占其國客星入七星石氏曰客有以急

星出入皆為財帛之事

事來使者以色及其所來占之郝萌曰有君置太子者有奇

天文會通流星犯星宿出入抵觸者其分有流民

令一曰色赤宮中憂火色黑貴人憂客星守七星布帛麻桑

雲氣出入星宿

貴津梁絕石氏曰周地有大賢守之三十日不去天子廷中

宋史天文志蒼白雲氣入七星貴人憂出則天子用急使赤

有賊國易政土工興馬貴鹽貴麻豆不收又曰青黑色為人

入為兵黑為賢士死黃則遠人來貢白為天子遣使賜諸侯

疾病白色為死喪乙巳占客星守七星兵大起多水潦客星

帛

舍七星五穀不成留舍不去宮中憂火

觀象玩占蒼白雲氣出七星回曲而不正有亡臣赤雲氣入

天文會通彗在宿星宿光芒指他宿及文餘以上者所指國

七星中有客星來必有兵隨之出則天子使出亦有兵隨之

受殃 星孛七星中其分有女喪星孛七星光炸者其野兵

出赤雲氣如波揚入七星中火氣也宮中有火災黃氣出七

起亦主盜賊四起星孛七星色赤光長者其野有革命諸侯

星則天子有賜於諸侯氣見而大風隨之者有赦

孛星入七星魁其分有立玉光芒四散不定者其國有陰謀

天文會通蒼白氣入星宿其分憂兵喪赤氣入之為外寇出

不成 客星凌犯星宿其國兵暴起客星入留舍星宿往來

之為內變黑氣環繞之有陰謀赤黃氣出之有立侯王白氣

及四十日以上者其國有叛臣客星入星宿天都起暴兵若

貫之其下破軍殺將黃氣繞之賢士昌

色赤則憂火色白憂兵起色青憂大臣有謀色黃則憂土功

軒轅

有變色黑則憂諸侯更立

史記天官書軒轅黃龍體前大星女主象旁小星御者後

宮屬集解孟康曰軒轅為權太微為衡又曰形如騰龍索隱
援神契曰軒轅十二星后宮所居石氏星譜以軒轅龍體主
后妃也

宋史天文志軒轅十七星在七星北后妃之主士職也按通志作

賦士女一曰東陵一曰權星主雷雨之神南大星女主也次北

一星夫人也屏也上將也次北一星妃也次將也其次諸星

皆次妃之屬也女主南小星女御也左一星少氏后宗也右

一星太氏太后宗也欲其色黃小而明武密曰后妃後宮之

象陰陽交合感為雷激為電和為雨怒為風亂為霧凝為霜

散為露聚為雲氣立為虹蜺離為背瑤分為抱珥此二十四

變按通志作十四變皆權主之微細則皇后不安黑則憂在大人移

徙則民流東西角大張而振后族敗

觀象玩占軒轅十有七星典六宮之內政以弼太微刑萬國

又為女主之廷一曰天柱土官也石氏曰軒轅中央土神黃

帝之舍也其星色黃潤澤大小有序則時和歲豐後宮多子

其小星明與大星等則後宮非爭妃妾上僭

月五星犯軒轅

史記天官書月五星守犯者如衡占

後漢書天文志軒轅者後宮之官大星為皇后金犯之為失

勢 歲星犯軒轅為女主憂

晉書天文志月犯軒轅大星占曰女主憂 熒惑犯軒轅大
星占曰女主憂 填星犯軒轅大星占曰人主惡之 太白
犯軒轅大星占曰女主憂又曰在趙及為兵喪 辰星犯軒
轅占曰女主憂又曰女主當之

隋書天文志太白犯軒轅占曰四方禍起行軒轅中大臣出
令

唐書天文志太白犯軒轅右角占曰相凶

宋史天文志月入之女主失勢或火災犯左右角大臣以罪

免中犯乘守太氏為饑太后宗有罪守少氏小有饑女主失

勢守御女有憂月暈女主有喪 月五星凌犯環繞乘守皆

為女主有禍 歲星犯之女主失勢一曰大臣當之乘守太

氏為大饑太后宗熱中犯乘守少氏為小饑後宮有黜者

熒惑犯守句已后妃離德犯御女天子僕妾憂犯太氏少氏

憂在后宗守之宮中有戮者 填星行其中女主失勢有喪

太白犯之皇后失勢

觀象玩占月犯軒轅大星女主有災亦為人饑石氏日月犯

乘軒轅大星民大饑大流犯乘小星民小饑小流月暈軒轅

有女喪有小赦 五星犯守軒轅有逆賊有火災天下饑犯

大星女主憂犯妃夫人犯妃夫人憂亦為將軍有憂犯女御
女御憂犯太氏太后宗憂犯少氏皇后宗憂一曰犯左右角

大臣當之。歲星犯守軒轅王歷曰後宮不安。郝萌曰木出軒轅有青龍出宮中。歲星勾己守犯軒轅天下大旱饑。熒惑入軒轅用事女子當之火中犯來守軒轅所中死者死不則有大憂。火守軒轅黃帝占曰兵起荆州占曰地動石氏曰火守軒轅中十五日以上天下亂。土守軒轅石氏曰大赦。甘氏曰天下亂。太白入軒轅石氏曰有逆賊犯軒轅有兵。喪民饑。太白守軒轅兵起宮中有憂。辰星犯軒轅女主憂。有逆賊兵起有所中犯來守各以其所主命之。

按軒轅十七星第一星至第七星第十星十一星俱在黃道北十數度外月五星皆不及犯第八星在黃道北八度弱第九星在黃道北九度半強第十二星在黃道北九度弱。惟金星及犯之第十三星在黃道北五度弱月與火金星二星及犯之第十五星在黃道南三度半強月與火土金水四星及犯之第十四星十六星在黃道北半度弱第十七星在黃道南一度半月五星皆及犯之。

彗孛客星見軒轅

後漢書天文志軒轅為後宮七星周地客星居之為死喪又曰軒轅為後宮星出之為失勢。宋史天文志彗孛犯軒轅女主為寇一曰兵起。客星犯之。近臣謀滅宗族。

觀象玩占彗孛犯軒轅近臣誅彗孛入軒轅守之三日天下亂。客星犯軒轅宗室有反者郝萌曰外夷有來降者守軒轅女主有憂石氏曰五將兵發。

流星出入軒轅

宋史天文志流星入之後宮多譏亂乙巳占流星出之後有使出一曰天子有子孫喜。

觀象玩占流星入軒轅乙巳占天子有子孫喜。

雲氣出入軒轅

觀象玩占蒼白氣入軒轅後宮憂疾疫赤氣入宮中憂火。

天稷

宋史天文志天稷五星在七星南農正也取百穀之長以為號明則歲豐暗或不具為饑移徙天下荒歉。

觀象玩占天稷五星主百穀其星溫溫而明則百穀成不明則穀不成。

天文會通天稷五星主農正之官主黍稷以供蒸盛奉祭祀也星就聚則農正不穡。

按天稷宋史載在星宿晉志隋志載在二十八宿外儀象志及儀象考成俱無。

天相

宋史天文志天相三星在七星北一曰在酒旗南丞相大臣。

之象武容曰占與相星同

觀象玩占天相三星主爵位及五色作服之事其星明則相
臣忠暗小則相非其才動搖則相易芒角則相專恣星亡則
輔相之臣有誅黜者

天文會通天相三星星明潤則吉暗則凶

按天相三星其最北一星亦在黃道南十六度月五星皆
不及犯

彗孛客星見天相

宋史天文志彗客犯之大臣誅

觀象玩占彗出天相相出臣有謀兵起犯之相死 客星出

天相天子有變令入之相臣憂赤星入犯天相相臣有誅死
者

天文會通彗孛干犯天相權臣受戮一曰貴臣當之 客星

干犯天相大臣以事敗坐法

流星出入天相

天文會通流星出天相天子遣大臣出疆

雲氣出入天相

宋史天文志雲氣入黃為大臣喜黑為將瘡

觀象玩占黃氣入天相相臣有喜黑氣入之相臣死不則疾
病蒼白氣入相臣憂赤氣入相臣誅赤氣出相出師

內平

宋史天文志內平四星在三臺南一曰在中臺南執法平罪
之官明則刑罰平

觀象玩占內平星微暗則獄不理

天文會通內平四星在軒轅北主平刑斷獄

按內平四星其最南一星亦在黃道北十八度半月五星
皆不及犯

彗孛客星見內平

天文會通彗孛干犯內平主大臣以家事下獄坐罪一曰刑
獄之官憂 客星干犯內平大臣下獄內平色黃遇赦餘色
凶

流星出入內平

天文會通流星抵觸內平天子遣使治獄

雲氣出入內平

天文會通黑雲氣干犯內平執法者憂黃雲氣犯之刑法之
官受賞

張宿占

張宿占

張宿占

史記天官書張素為厨主觸客索隱素唌也爾雅云鳥張唌郭璞云鳥受食之處也

宋史天文志張宿六星主珍寶宗廟所用及衣服又主天厨飲食賞賚之事明則王行五禮得天下之中動則賞賚不明王者子孫多疾移徙則天下有逆就聚則有兵

觀象玩占張六星為天府一曰御府一曰天昌實為朱鳥之唌火星也主天廟明堂御史之位遠方貢物之庫又曰主長養萬物其北十三尺為日月五星中道明大則人主昌天下治民物阜著厨養具暗小不明則五禮失多疾病

按張宿六星其最北一星亦在黃道南二十二度月五星皆不及犯觀象玩占謂其北十三尺為日月五星中道較今測差少九度

彗孛客星見張宿

後漢書天文志張為周地彗星犯之為兵喪

晉書天文志星孛於張占曰為兵喪

宋史天文志彗星犯張宿國用兵民亡守為兵出為旱又曰犯守君欲移徙宮殿 星孛於張為民流為兵大起 客星犯張宿天子以酒為憂守之周楚之國有隱士出入於張兵起國饑舍留不去前將軍有謀又曰利先起兵

觀象玩占彗孛出張石氏曰天下亂甘氏曰有水災 客星出張君使人於諸侯入張君有賜客之事一曰有使客來以五色占石氏曰國治宗廟客星守張天下饑一曰糴貴人流亡海中占曰客星守張滿三十日有亡國死王一曰食中有毒一曰有來獻食物者

天文會通彗星芒及及尋丈犯張宿其野改立侯王亦曰外感于朝政彗星芒及不盈尺犯張宿其野有使君亦曰有死大將彗正出張光芒長及三丈至五丈其野諸侯自相侵戎伐彗出光芒犯張其國臣下叛謀不成光芒及丈餘臣下不受制 孛星干犯張宿光芒若火炬其分有兵喪星孛於張色青其野歲饑民流色白其分兵起色赤其野宗廟有災色黃其野有土功色黑其分臣下失刑執法者枉法害無辜孛星出張星宿其野有盜賊起若光芒抵天廟其野憂火災孛星抵張宿若光芒環繞久之其野有不庭之方亦曰有擅權諸侯孛星出犯張宿歲旱五穀貴 客星凌犯張宿其野諸侯擅征伐一曰刑賞自臣下出客星犯張宿乘之二十日不去者其野臣下失刑執法者失職客星留舍張宿其野諸侯自相侵伐若芒角四散不收其國暴兵至客星犯張宿其野有饑民黎庶流亡又曰客星犯張宿色青有芒角其國奸臣並進若舍之而不去色白其野憂兵色赤則宗廟憂火災色

黃有芒角則其野有陷城失地色黑其分憂兵起客星有變色則弓弩大貴其國饑饉

流星出入張宿

宋史天文志乙巳占流星出入張宿宗社昌有赦令下臣入賀

觀象玩占流星入張諸侯有來貢者一曰有徙民天文論曰有犯上者近臣憂流星出張諸侯有受賜者流星犯張厨官有事流星抵張巫咸曰厨宰受賜

天文會通流星變色抵張宿其野有兵流星抵觸張宿旁及天廟則其野失刑賞若光芒炸若火炬屈曲如電其野有自立諸侯流星抵觸張宿其分大荒米貴

雲氣出入張宿

宋史天文志蒼白雲氣入張宿庭中觴客有憂黃白天子因喜賜客黑為其分水災色赤天子將用兵

觀象玩占赤雲氣出入張天子用兵賜物白氣入張大客有憂黃白氣出張天子使使賜諸侯赤雲氣如波揚入張宮中火災

天文會通蒼白氣干犯張宿其分憂兵火若蒼赤氣掩張有內變亦曰有陰謀赤雲氣竟天抵張其國有諸侯相攻亦曰有不庭之方若環繞之其分有兵兵止無兵兵起青雲氣如

正練竟天抵觸張宿其野有吏王黑雲氣徘徊且散其分水
災出入環繞其下君長防刺客

欽定天文正義卷四十八

天廟

翼宿占

宋史天文志天廟十四星在張宿南天子祖廟也明則吉微
細其所有兵軍食不通

觀象玩占天廟十四星均明則吉微暗失常則有白衣之會
又曰天廟星色黃潤則吉蒼白有憂青黑則憂在宮中

天文會通天廟十四星主東越三夷星明潤則國祚昌明大
出怨角則宗廟有憂

按天廟宋史載在張宿晉志隋志載在二十八宿外儀象
志及儀象考成俱無

翼宿占

史記天官書翼為羽翮主遠客

宋史天文志翼宿二十二星天之樂府主俳倡戲樂又主外夷遠客負海之賓星明大禮樂興四國賓動搖則蠻夷使來離從天子將舉兵

觀象玩占翼二十二星曰化宮一曰天都市一曰天徐一曰天旗土星也是為朱鳥之翼為天之樂府主和五音調六律五樂八佾以御天宮寶為南宮之羽儀文物聲名之所豐茂主三公化道文籍及蠻夷遠客負海之賓俳優狄鞮戲娛之事其北二十有三尺為日月五星中道其星光明有叙則君明臣賢禮樂興天下平四夷率服星暗大小失次則帝主失禮王道衰微動搖則有蠻夷之使來就聚則天下相伐徙移則三公廢離徙則民流星亡則化道不行文籍壞滅明大芒動則王者用兵征伐四方

按翼宿二十二星其最北一星亦在黃道南十度強月五星皆不及犯觀象玩占謂其北上十有三尺為日月五星中道較今測差多三度弱

彗孛客星見翼宿

宋史天文志彗星犯翼大臣憂國有兵喪 星孛於翼亦為大臣憂其分失禮樂出則其地有謀下有兵喪芒所指有降

人 客星入犯翼國有兵大臣憂一曰負海國有使來守之為兵起

觀象玩占彗孛出翼禮樂壞國以兵亡乙巳占曰其國以水饑人流亡有兵若有喪 客星出翼石氏曰君遣使於負海之國玉成曰將軍反兵起大戰同姓諸侯有自立者又曰邊有大急大水傷五穀人流亡蒼星出翼五穀風凋客星出入翼多風雨河決水且至道不通客星守翼君弱臣強四夷不王一曰邊城有戰一曰雨傷五穀有大風名山崩荊州占曰大饑南宮侯曰權臣亡羽毛旗幟貴乙巳占曰大星守翼大水江海決溢道路阻塞魚鼈槁死於陸

天文會通彗星犯翼宿其國女主有疾亦曰外戚干政彗本出翼芒射他星其野有兵火亦曰國有喪 星孛於翼光芒四散不收其國有立玉亦曰有不受制諸侯孛星出犯翼其宿其野憂兵火亦主外寇至孛星犯翼其國有甲兵其分失禮樂 客星乘翼夷狄交侵中國客星乘犯守翼光芒四出動若風焰其下人臣擅權亦曰有叛謀客星留守翼乘之不去其野有兵火防外寇至

流星出入翼宿

宋史天文志流星犯翼宿亦為憂在大臣出則其下有兵入為貴臣囚繫乙巳占曰流星入天下賢士入見南夷來貢國

有賢臣

觀象玩占流星犯翼國用兵秋冬犯之土工用流星入翼海國有使來貢奇禽流星出翼有兵出一曰天子使使出求賢流星經翼聲如雷禁中兵起軍破民流

天文會通流星出翼光芒炮若火炬者樂府有火災

雲氣出入翼宿

宋史天文志赤雲氣出入翼有暴兵黃而潤澤諸侯來貢黑為國憂

觀象玩占赤雲氣入翼有暴兵入國境赤氣出翼其國兵出隨氣所之蒼白氣入翼太常之官憂之黃氣入翼諸侯來貢出則天子使使於諸侯黑氣入翼正抵其星三夜不去宗廟有災大人憂兵起

天文會通赤氣亘天犯翼環繞不侵他宿者其國為夷狄所掠青雲氣犯之其野雜貴赤黃氣環繞之其國有火災一曰樂府憂火

東甌

宋史天文志東甌五星在翼南蠻夷星也天文錄曰東甌東越也今永嘉郡永寧縣是也芒角動搖則蠻夷叛

觀象玩占東甌五星主東越及穿胃越裳諸國蠻夷之星也動則蠻夷有變芒角張則蠻夷叛

按東甌宋史載在翼宿晉志隋志載在二十八宿外儀象志及儀象考成俱無

欽定天文正義卷四十九

軫宿占

軫宿占

史記天官書軫為車主風索隱宋均云軫四星居中又有二星為左右轄車之象也軫與巽同位為風車動行疾似之也宋史天文志軫宿四星主冢宰輔臣主車騎主載任有軍出入皆占於軫又主風占死喪明大則車駕備移徙天子有憂就聚則兵起轄二星傳軫兩旁主王侯左轄為王者同姓右轄為異姓星明兵大起遠軫凶轄舉南蠻侵車無轄國有憂觀象玩占軫四星曰天車主車騎任載盜賊戰伐之事亦為喪車轄輔之象主死喪四星為天四輔冢宰之官主察殃咎知凶災水星也其右星北上十三尺為日月五星中道軫東一小星曰左轄西一小星曰右轄一曰北星曰轄南星曰膏皆去軫七寸一曰轄去軫五寸膏去軫一尺為常軫中一小星曰長沙為木棺主壽命又主囚亡軫星明大則法駕備車馬用動搖則車騎動轄星欲其近軫去軫近則上下和睦遠則君臣相疑七寸以下為近一尺以上為遠轄欲小而明不欲大而明小而明則國祚安明而大與四星等則兵起微暗則諸侯有憂星亡則天下傾轄進退則車騎發復其所則車騎罷有兵在外而轄遠軫兵亦罷轄舉則南夷內侵動搖則兵車動長沙小而明則主壽昌微暗則國有憂明大與四星等則臣下謀逆兵亂乃生星亡不見則人主惡之

天文會通軫四星轄二星在軫兩旁左轄與軫並明同姓有叛謀右轄與軫並明異姓有叛謀

按軫宿四星其最北一星亦在黃道南十二度強月五星皆不及犯觀象玩占謂其右星北上十三尺為日月五星中道蓋指第一星而言較今測差少一度

彗孛客星見軫宿

晉書天文志星孛於軫占曰天下兵起軫又楚分也

宋史天文志彗星犯軫為兵為喪色赤為君失道又曰天子起兵王公廢黜星孛於軫亦為兵喪又曰下謀上主憂

客星犯軫為兵為喪入則有土功糴貴諸侯使來出則使諸侯守之邊兵起民饑守轄軍吏憂

觀象玩占彗孛出軫兵滿宮闕一曰臣犯上天下兵起一曰天下有走玉彗孛犯軫有大喪客星出軫輕車出石氏曰天子使人以車賜諸侯一曰白衣自立大國有喪兵起赤星出軫國兵出客星入軫輕車入石氏曰諸侯有使來以車為幣郝萌曰土功興五穀大貴客星守軫天下人災兵起車馬有急行一曰車馬貴石氏曰川谷不通甘氏曰國有自立者一曰小國自立大國多害一曰天下有山崩大川溢邊地有大兵軍吏憂星色赤黃有外憂蒼黑內有讒臣客星入軫犯長沙天下無處士有逃玉出之則兵散

天文會通彗星犯軫宰相惡之彗出軫中光芒向外侵左轄其國有同姓之憂亦主臣異謀星孛於軫芒角指左右轄其國有自立侯王星孛於軫芒角射軫中其分臣下有異謀亦主婦人干朝政星孛於軫中其野將相死客星使星也石中言使星出軫車騎入境亦曰車騎盈郊野客星乘凌軫其國有兵火亦曰有臣不臣之象客星乘軫左轄其國同姓諸侯不遵王命乘軫右轄其下臣不受制

流星出入軫宿

宋史天文志流星犯軫有兵起亦有喪不出一年庫藏空春夏犯之為皮革用秋冬為水旱不調

觀象玩占流星出軫內使出入軫外使入以色占之流星入軫色赤黑大臣憂色白相死流星入長沙有兵天文會通流星入軫光芒及丈若蛇行其國有兵火流星出軫遣使求賢

雲氣出入軫宿

觀象玩占蒼白雲氣入軫王者不可行幸宮觀出之其禍除黃白雲氣潤澤入軫諸侯入貢以車為幣出軫天子以車賜諸侯赤雲氣入軫兵從中起赤雲氣如波揚入軫車庫火災兵且起有喪赤雲氣出軫將出兵行白氣入軫有喪黑氣入軫大人憂黑氣四散入軫若回繞之大水車不用

天文會通赤氣出入軫下有暴兵蒼白氣入軫太常之官憂

流星出入青邱

觀象玩占流星入青邱蠻夷來歸中國

史記天官書其旁有一小星長沙按其承工文指軫言正義長沙一星

天文會通流星抵觸青邱蠻夷遣使入疆

在軫中主壽命占明主長壽子孫昌也

雲氣出入青邱

天文會通長沙一星司壽算

天文會通青赤雲氣出入青邱三夷有兵白雲氣出入之三

按長沙一星在黃道南十八度強月五星皆不及犯

夷內亂

彗孛客星見長沙

軍門

天文會通彗孛客星入犯長沙人多天折

宋史天文志軍門二星在青邱西一曰在土司空北天子六

流星出入長沙

軍之門主營侯設豹尾旗與南門同占星非其故及客星犯

天文會通流星入犯長沙人多天折

之皆為道不通

青邱

觀象玩占軍門二星移徙則軍道不通

宋史天文志青邱七星在軫東南蠻夷之國號星明則夷兵

器府

宋史天文志器府三十二星在軫宿南樂器之府也明則八

盛動搖夷兵為亂守常則吉

觀象玩占青邱七星主東方三韓之國南夷蠻貊之星也其

音和君臣平不明則反是

星明大則四夷有兵動搖芒角則蠻夷叛

土司空

按青邱七星其最北一星亦在黃道南二十六度強月五

宋史天文志土司空四星在青邱西主界域亦曰司徒均明

星皆不及犯

則天下豐微暗則稼穡不登

彗孛客星見青邱

觀象玩占土司空四星在軍門南主土功主九域地界正疆

天文會通彗孛客星入犯青邱蠻夷侵掠邊境 客星守之

理辨風土均職貢未遠人其星均明則天下大同暗小則德

土官有事

政不修遠人離叛

按軍門器府土司空三座宋史載在軫宿晉志隋志載在二十八宿外儀象志及儀象考成俱無

欽定天文正義卷五十

星雜變占

星雜變占

星晝見

隋書天文志星晝見若星與日並出名曰嫁女星與日爭光武且弱文且強女子為玉在邑為喪在野為兵又曰臣有姦心上不明臣下從橫大水浩洋又曰星晝見虹不滅明星奪日光天下有立玉

觀象玩占恒星晝見兵喪俱作又曰星晝見虹蜺從橫臣奪主明

恒星不見

左傳恒星不見夜明也

史記天官書星者金之散氣本曰火星眾國吉少則凶

隋書天文志恒星者在位人君之類不見者象諸侯之背叛不佐王者奉順法度無君之象也又曰恒星不見主不嚴法度消又曰天子失政諸侯橫暴又曰常星列宿不見象中國諸侯微滅也

星闕

隋書天文志星闕天下亂

星搖

隋書天文志星搖人眾將勞

星隕

左傳星隕如雨與雨偕也

史記天官書星墜至地則石也河濟之間時有墜星

隋書天文志大星隕下陽失其位災害之萌也又曰眾星墜人失其所也凡星所墜國易政又曰星墜當其下有戰場天下亂又曰奔星之所墜其下有兵列宿之所墜滅家邦眾星之所墜眾庶亡

開元占京房曰星以春三月墜歲凶不登秋三月墜兵起又曰歲大飢大殃則星墜為粟豆

觀象玩占星隕如雨民去其土也星墜為石其國兵敗軍憂一曰所墜有大兵流血星墜為鳥獸其下有兵星墜為蜚蟲其國將亡星墜為金鐵有大兵星墜為土有大水一曰大飢兵起星墜為水其地兵飢星墜為草木有兵其國亡星墜為人而言吉凶如其言星墜如龍其國有喪星墜為沙兵大起一曰大飢星墜為肉天下亂星晝墜其下有兵覆師喪

星變色

觀象玩占天星晝赤而無光國有喪天無雲則用此占

欽定天文正義卷五十一

瑞星占

瑞星占

觀象玩占瑞星五行冲和王相喜合之所生也必出於有道之國

景星

史記天官書天精而見景星景星者德星也其狀無常常出於有道之國

晉書天文志景星如半月生於晦朔助月為明或曰星大而中空或曰有三星在赤方氣與青方氣相連黃星在赤方氣中亦名德星

觀象玩占景星王者德至於天則見 李淳風曰景星生於晦朔或出於西北天門之上或入月二三日或出月二十七八九日狀如星而中空如魚星而不明或青赤白三氣聚如星如半月狀出而不行必於四時王相日見

格澤

漢書天文志格澤者如炎火之狀黃白起地而上下大上銳其見也不種而獲不有土功必有大客觀象玩占李淳風曰格澤如炎火上黃下白從地而上形如楯竿如天狗潤澤而明見則有大客客者外國之貴使來歸者也

歸邪

史記天官書如星非星如雲非雲命曰歸邪歸邪出必有歸

國者

晉書天文志歸邪如星非星如雲非雲或曰星有兩赤彗上向有蓋下連星見必有歸國者

觀象玩占晉志歸邪入瑞氣以其狀言之則星而非氣也故從以入此

周伯

晉書天文志周伯星黃色煌煌然所見之國大昌觀象玩占周伯星晉志以為祥隋志以為妖未知其旨今仍存之李淳風曰周伯大而白色如太白光瑩如月照地明或有芒角煌煌然而行或如水星赤色而光潤或黃如橘皆出而不行

合譽

晉書天文志合譽光耀似彗喜則合譽射觀象玩占李淳風曰合譽似彗有尾而不長亦不甚有光行而不急

宋史天文志景星德星也一曰瑞星其名各異曰周伯曰合譽曰格澤曰歸邪曰天保皆五行沖和之氣所生也其王蓬為元保始明昏昌旬始司危菟昌地維滅光之類亦皆為瑞星然前志以王蓬為已下星為妖星又奇星古無所考見於仁宗英宗之時故附於景星之末云

文獻通考中興天文志瑞星有十二一曰景星一名德星二曰周

伯三曰合譽四曰王蓬芮五曰格澤六曰元保七曰昭明八曰昏昌九曰旬始十曰司危十一曰菟昌十二曰地維滅光然考之晉志瑞星止四星其周伯又於客星見之無王蓬芮而客星則有王蓬絮芮所至之國非福也而三家所言妖星則別有蓬星焉曰蓬芮曰蓬絮芮曰蓬星其言禍福不同豈各有據乎並存之又晉志無元保以下七星其昭明司危地維滅光則皆為妖星若隋志則因晉志而又無格澤疑當從晉志

觀象玩占拾遺掾稽星有四星狀類墳墓見則大稔龍枝星其狀如枝出則王者多子孫靈芝星狀如芝草見則天下太平將相星有二星並見大小相逐見則大臣有文武之德分霞星二星並出光芒相射見則其分外國進寶物於朝

按史記天官書漢天文志皆無瑞星之名以晉隋志考之則皆以景星為瑞星矣格澤星晉志以為瑞隋志以為妖通考謂當從晉志歸邪晉志入於瑞氣玩占從入瑞星晉隋志又皆以周伯合譽為瑞星而周伯又見於客星晉志客星周伯占吉隋志客星周伯占不吉玩占仍存周伯於瑞星今皆從之

妖星占

妖星占

隋書天文志妖星者五行之氣五星之變各見其方以為殃
 災各以其日五色占知何國吉凶決矣行見無道之國失禮
 之邦為兵為饑水旱死亡之徵也又曰凡妖星所出形狀不
 同為殃如一其出不過一年若三年必有破國屠城兵士亂
 行戰死於野積尸從橫餘殃不盡為水旱兵饑疾疫之殃又
 曰凡妖星出見長大災深期遠短小災淺期近三尺至五尺
 期百日五尺至一丈期一年一丈至三丈期三年三丈至五
 丈期五年五丈至十丈期七年十丈以上期九年審以察之
 其災必應

彗星

漢書天文志歲星贏而東南石氏見彗星甘氏不出三月迺
 生彗本類星末類星長二丈
 晉書天文志彗星所謂掃星本類星末類星小者數寸長或
 竟天見則兵起大水主掃除除舊布新有五色各依五行本
 精所主史臣按彗體無光傳日而為光故夕見則東指晨見
 則西指在日南北皆隨日光而指頓挫其芒或長或短光芒
 所及則為災

開元占石氏曰凡彗星有四名一名孛星二名拂星三名掃
 星四名彗星其狀不同為殃如一 黃帝占曰彗星出見本

類星長可二三尺其炎如氣黃白孛孛然名孛星見則天下兵起臣謀其主必有亡國期不出三年又曰彗星出見本類星長可一丈其炎頭散下垂狀如毛毬名曰拂星見則天下亂兵大起強臣有謀其君失地近一年中三年遠五年又曰彗星出見可二丈至三丈形如竹木枝條名曰掃星三丈以上至十丈名曰彗星彗掃同形長短有差災殃如一 甘氏曰彗拂掃見則女主有用事者其本為主人又曰彗掃水之精出而不過一年天下水及有饑星所在宿其邦尤甚又曰彗星春夏出為饑水秋冬出為人主自將兵若大喪又曰冬春見為小凶夏秋為大凶 石氏曰掃出狀如有烏赤色此謂有憂黑者羣臣有賊掃所在之下亡國又曰掃出狀如直竹長二三丈其尾銳白色此謂天下喪諸侯亡又曰掃出狀如直竹長二三丈赤色尾銳此謂出意令見則有兵戰 觀象玩占武密占曰凡彗星短者為饑喪長者為兵亂 彗有行者有止者行者事小止者禍大各以其分占之 彗見久者災深去速者災淺 赤彗出主滅亡武密占曰凡彗見赤色者為臣謀叛破軍流血大臣有以家坐罪者一曰彗出赤色滅五都 蒼彗出王侯叛有破軍殺將蒼彗五芒天子被兵一曰蒼彗出破神明 白彗出將軍逆一曰臣專政 黑彗出江河決一黃彗出女主亂 彗星氣白而長名曰白

旗喪氣也視其所掃衝破之下必有兵喪其國滅亡 彗星上白下赤漸長如矛及為兵災 彗星東行而西指海中兵起西行而東指羌胡入界南行而北指人死且半北行而南指大水地隔或曰彗星東行而西指吳越兵大起南行而西北指得柄之國歲大豐東北行而西南指大亂西行而東北指外兵入北行而南指兵大入西行而東南指強臣為亂 乾坤變異占曰彗北行指南國有大殃禍起西戎亦為大水東行指南外國人來國中兵起東南行指西北其國大熟西南行指東北所指國多病六畜死南行指北天下不安不有大旱即有大水西行指東塞北兵起一曰女子起兵又曰彗出坎指南大水且大旱出乾天下起兵指東南所指國大亂人多病死大兵大旱 二彗見天下一歲再赦一曰五流滿道一曰君臣相伐君弱臣強 三彗俱出男子多死 四彗俱出天下主亡一曰四彗相連外指所出之國大昌 五彗並出裂土稱王舊國主死國亡 彗星晝見所臨之國為河 彗出四尾天下之人逃亡無所 兩軍相當而彗見得本者勝隨所指伐之利 彗星犯月五星兵喪並起四夷交侵百姓違違若有軍必大戰破軍殺將 凡彗星所列舍當先知逆順入宿深淺去之遠近守之久速觀其五色察其動靜 黃帝占常以五寅之日視裂水中見兩方氣在日旁

則彗將出矣甲寅之日有青方氣在日旁此歲星之精將為彗也丙寅之日有赤方氣在日旁此熒惑之精將為彗也戊寅日黃方氣為填星庚寅日白方氣為太白壬寅日黑方氣為辰星出則災在其分及衝彗星出有眾星圍之臣謀逆大兵亂七年

彗星

漢書五行志董仲舒以為彗者惡氣之所生也謂之彗者言其彗彗有所妨蔽闇亂不明之貌也

晉書天文志彗星彗之屬也偏指曰彗芒氣四出曰彗彗者彗字然非常惡氣之所生也內不有大亂則外有大兵天下合謀闇蔽不明有所傷害晏子曰君若不正彗星將出彗星何懼乎由是言之災甚於彗

觀象玩占春秋運斗樞曰星彗東方將軍謀主彗西方羌胡叛兵入中國彗南方天下兵起彗北方夷狄內侵乙巳占曰彗彗出行歷二十八宿留舍出見百日不去三年應之百五十日以上五年應之二百日以上七年應之

文獻通考中興天文志按申須公羊杜預郭璞俱以彗彗為一星左氏昭十七年有星彗於大辰魯申須曰彗所以除舊布新也公羊曰彗者何彗星也文公十四年有星彗於北斗杜預曰彗彗也郭璞釋爾雅曰彗妖星也亦謂之彗綜其實

不然彗彗長三星其占略同而其形少異彗星光芒短其光四出蓬蓬彗彗然彗星光芒長參之如掃帚長星光芒有一直或竟天或十丈或三十丈宋均注鈞命決曰彗五彗也蒼則王侯破天子苦兵赤則賊起強國恣黃則女害色權奪於后妃白則將軍逆二年兵大作黑則水精賊江河決賊處處起史記彗出東井東井齊分景公以為憂晏子曰君高臺深池賦歛如弗得刑罰恐弗勝彗彗將出彗星何懼乎然則彗甚彗也董仲舒曰彗者乃非常惡氣之所生也大率彗彗為除舊布新火災長星為兵革事

天棊

漢書天文志歲星羸東北石氏見覺星甘氏不出三月迺生天棊本類星末銳長四尺

晉書天文志天棊一名覺星或出東方西方主奮爭隋書天文志天棊或曰天格主滅兵又曰天格出其國凶不可舉事用兵又曰期三月必有破軍拔城又曰天格見女主用事其本者為主人

天槍

漢書天文志歲星縮西南石氏見揆雲如牛甘氏不出三月迺生天槍左右銳長數丈石氏槍揆彗異狀其殃一也必有破國亂君伏死其辜餘殃不盡為早凶饑暴疾至日行一

尺出二十餘日迺入甘氏其國亡不可舉事用兵出而易所當之國是受其殃又曰妖星不出三年其下有軍及失地若

隋書天文志機星散為國星主滅姦見則兵起天下急反登

國君喪

隋書天文志反登主夷分

隋書天文志天槍主捕制或曰捲雲如牛槍雲如馬或曰如槍

按晉書天文志河圖云歲星之精流為天槍天槍天猾天

觀象玩占甘氏曰天槍出西南出而易處長數丈左右銳赤色見則枯骨藉藉

街國星及登蒼孛隋書及登作反登無蒼孛又曰皆少陽之精司徒之類青龍七宿之域有謀反若恣虐為害主失春政者以出時衝為期皆主君微也

天猾

析旦

隋書天文志天猾主招亂又曰人主自恣逆天暴物則天猾起

隋書天文志析旦或曰昭旦主弱之符又曰析旦橫出參權百尺為相誅滅

觀象玩占天猾如象馬闕躍曰反光

蚩尤旗

天衝

隋書天文志天衝狀如人蒼衣赤首不動主滅位又曰衝星

史記天官書蚩尤之旗類孛而後曲象旗見則王者征伐四方

出臣謀主武卒發又曰天衝抱極泣帝前血濁霧下天下寃

國皇

漢書天文志國皇星大而赤狀類南極所出其下起兵兵強

晉書天文志蚩尤旗其色黃上白下或曰若植葆而長或曰如箕可長二丈末有星主伐枉道主惑亂所見之方下有兵兵大起不然有喪也

其衝不利孟康曰歲星之精散所為也五星之精散為六十四變志記不盡也

隋書天文志旋星散為蚩尤旗或曰蚩尤旗五星盈縮之所生也或曰四方無雲獨見赤雲蚩尤旗也又曰帝將怒則蚩

晉書天文志國皇去地三丈如炬火主內寇內難或曰內外有兵喪

尤旗出又曰唐王反度則蚩尤旗出或曰本類星而後委曲其象旗播可長二三丈見則王者旗鼓大行

開元占春秋緯曰蚩尤旗見則山崩

昭明

史記天官書昭明星大而白無角乍上乍下所出國起兵多
變索隱案春秋合誠圖云赤帝之精象如太白七芒釋名為
筆星氣有一枝末銳似筆亦曰日筆星也孟康曰形如三足
檠檠上有九彗熒惑之精也

晉書天文志昭明象如太白光亡不行或曰赤彗分為昭明
昭明滅光以為起霸起德之徵所起國兵多變一曰大人凶
隋書天文志昭明者五星變出於西方名曰昭明金之氣也
或曰彗星散為昭明又曰西方有星望之去地可六丈而有
光其類太白數動察之中赤是謂西方之野星名曰昭明其
出也下有長出南方則西方之邦失地又曰西方有星大而
白有角目下視之名曰昭明金之精出則兵大起昭明下則
為天狗所下者大戰流血
開元占荆州占曰鎮星之變為昭明

司危

史記天官書司危星出正西西方之野星去地可六丈大而
白類太白

按天官書以司危與五殘六賊獄漢為四野星出非其方
則其下有兵衛不利

晉書天文志司危如太白有目或曰大而尾兩角或曰類
太白數動察之而赤為乖爭之徵主擊強兵見則主失法象
傑起

隋書天文志檠星散為司危又曰白彗之氣分為司危或曰
司危星大有毛兩角又曰司危見則其下國相殘賊
開元占荆州占曰司危出則兵起其下為喪

天棧

漢書天文志歲星縮西北石氏見攬雲如馬甘氏不出三月
廼生天棧本類星末銳長數丈

晉書天文志石氏曰雲如牛狀巫咸曰彗星出西方長可二
三丈主捕制

隋書天文志天棧其狀白小數動是為棧星一名斬星主殺
又曰天棧見女主用事其本為主人又曰天棧出其下相棧
為饑為兵赤地千里枯骨藉藉又曰天棧出其國內亂

按晉書天文志河圖云熒惑之精散為昭且蚩尤之旗昭
明司危天棧赤彗隋書無赤彗又曰太陽之精赤烏七宿
之域有謀反恣虐為害主失夏政

五殘

漢書天文志五殘星出正東東方之野星其狀類辰去地可
六丈大而黃

晉書天文志五殘一名五繼如辰星出角

隋書天文志旋星散為五殘亦曰蒼彗散為五殘故為毀敗之徵或曰五殘五分亦曰一本而五枝也期九年姦興三九二十七九亂不可禁又曰五殘者五行之變出於東方五殘木之氣也又曰五殘星大而白主非亡或曰東方有星望之可去地六丈大而赤察之中青或曰星表青氣如暈有毛其類歲星是謂東方之野星出則兵起其下有喪出北則東方之邦失地又曰五殘出四蕃虛天子有急兵

六賊

漢書天文志六賊星出正南南方之野星去地可六丈大而赤數動有光

晉書天文志六賊形如彗五殘六賊出禍合天下

隋書天文志六賊者五行之氣出於南或曰六賊火之氣也又曰南方有星望之可去地六丈其類熒惑是為南方之野星出則兵起其國亂其出也下有喪出東方則南方之邦失地

獄漢

史記天官書獄漢星出正北北方之野星去地可六丈大而赤數動望之中青

按漢書天文志名獄漢

按天官書以五殘六賊獄漢與司危為四野星出非其方

其下有兵衝不利

晉書天文志獄漢一名咸漢或曰赤表下有三星縱橫主逐王主利王出則陰精橫兵起其下動則諸侯驚

隋書天文志精星散為獄漢又曰咸漢者五行之氣出於北方水之氣也出則兵起其下有喪出西方則北方之邦失地

大賁

隋書天文志大賁主暴衝

宋史天文志大賁主滅邪暴兵

焰星

隋書天文志焰星主滅邪

宋史天文志焰星有三彗兵出有大盜不成又主滅邪

絀流

隋書天文志絀流動天下教主伏逃

茀星

隋書天文志茀星在東南本有星末類茀所當之國實受其殃

殃

觀象玩占為星見其國兵亂京房曰茀星三角三年消五角五年消九角則亂九年乃消一曰茀星本類星長可一文其炎頭下垂狀如毛拂見則兵大起天下亂強臣謀有走王

旬始

即為天狗其下小小有足所下之地必流血國易政

天殘

隋書天文志天殘主貪殘

卒起

隋書天文志卒起見禍無時諸變有萌臣運柄

宋史天文志卒起有謀反主驚亡

按晉書天文志河圖云太白散為天杵天樹伏靈大敗司

姦天狗天殘卒起白彗隋書無白彗又曰少陰之精大司

馬之類白獸七宿之域有謀反若恣虐為害主失秋政者

期如上占禍亦應之

枉矢

史記天官書枉矢類大流星地行而蒼黑望之如有毛羽然

隋書天文志枉矢或曰填星之變又曰機星散為枉矢弓弩

之象也又曰黑彗分為枉矢枉矢者射是也枉矢見謀反之

兵合射所誅亦為以亂伐亂又曰枉矢類流星望之有尾目

長可一匹布皎皎著天見則大兵起大將出弓弩用

破女

隋書天文志破女主勝之符

宋史天文志破女君臣憂上下亂

觀象玩占破女星狀類彗芒氣雙出見則大兵喪饑疫並起

拂樞

隋書天文志拂樞動亂駭擾無調時又曰拂樞主制時

滅寶

隋書天文志滅寶起相得之又曰滅寶主伐之

宋史天文志滅寶主伐亂

繞廷

隋書天文志繞廷主亂按晉書廷作絕

驚理

隋書天文志驚理主相署按宋志署作屠

大奮祀

隋書天文志大奮祀主招邪或曰大奮祀出王安之

按晉書天文志河圖云辰星散為枉矢破女拂樞滅寶繞

廷驚理大奮祀黑彗隋書無黑彗又曰太陰之精元武七

宿之域有謀反若恣虐為害主失冬政者期如上占禍亦

應之

雜妖星

天鋒

隋書天文志天鋒彗象矛鋒天下從橫則天鋒星見

宋史天文志天鋒見則兵起有亂臣

觀象玩占天鋒出必有亂臣戮死於下

一第... 丹... 書... 0... 反... 日

燭星

史記天官書燭星狀如太白其出也不行見則滅所燭者城
邑亂集解孟康曰星上有三彗上出亦填星之精

隋書天文志燭星所出有大盜不成

宋史天文志燭星主滅邪

開元占廿氏曰燭星出東方其所出者兵不勝出南方有兵

王者亡地出西方其國有喪兵勝出北方其所出者兵勝荆

州占曰燭星青有憂事不吉赤有華事黃益地白有歡事

觀象玩占燭星所出有土功

蓬星

晉書天文志蓬星大如二斗器色白一名王星狀如夜火之

光多至四五少一二一日蓬星在西南長數丈左右見出而

易處星見不出三年有亂臣戮死又曰所出大水大旱五穀

不收人相食

隋書天文志有星其色黃白不過三尺名曰蓬星又曰蓬星

狀如粉絮見則天下道術士當有出者布衣之士貴天下太

平五穀成

宋史天文志蓬星出東南方東北方主旱或大水

觀象玩占蓬星色白如粉長不過三尺出則有亂臣有亡國

長庚

史記天官書長庚如一疋布著天此星見兵起

四填

史記天官書四鎮星按晉隋志作填星所出四隅去地可四丈

晉書天文志四填星出四隅去地六丈餘或曰星大而赤去

地二丈常以夜半時出見十月而兵起

隋書天文志四填星見四隅皆為兵起其下

地維滅光

史記天官書地維滅光按晉志隋志俱作滅光亦出四隅去地可三丈

若月始出所見下有亂者亡有德者昌

晉書天文志地維滅光出四隅或曰大而赤

隋書天文志地維滅光者五行之氣出於四季土之氣也又

曰四隅有星望之可去地四丈而赤黃燥動其類填星是謂

中央之野星出東北隅天下大水出東南隅天下大旱出西

南隅則有兵起出西北隅則天下亂兵大起

女帛

隋書天文志女帛者五星氣合變出東北水木氣合也又曰

東北有星長三丈而出名曰女帛見則天下兵起若有大喪

盜星

隋書天文志盜星者五星氣合之變出東南火木氣合也又

曰東南有星長三丈而出名曰盜星見則天下有大盜多寇

積陵

隋書天文志積陵者五星氣合之變出西北金水氣合也又曰西南有星長三丈名曰積陵見則天下隕霜兵大起五穀不成人饑

開元占積陵見則其下隕霜兵水並起

端星

隋書天文志端星者五星氣合之變出與金木水火合於四隅又四隅有星大而赤察之中黃數動長可四丈此土之氣効於四季名曰四隅端星所出兵大起

開元占石氏曰端星所出有土功

昏昌

隋書天文志有星出西北氣青赤以環之中赤外青名曰昏昌見則天下兵起國易政先起者昌後起者亡高十丈亂一年高二十丈亂二年高三十丈亂三年

萃星

隋書天文志萃星按萃星宋志作萃星出西北狀如有環二名山勤一星見則諸侯有失地西北國觀象玩占萃星出四隅狀如環見則其方諸侯失地

白星

隋書天文志如星非星狀如削爪有勝兵名曰白星白星出為男喪

菟昌

隋書天文志西北菟昌之星有赤青環之有殃有青為水此星見則天下改易

濛星

隋書天文志濛星夜有赤氣如牙旗長短四面西南最多又曰刀星亂之象又曰徧天薄雲四方生赤黃氣長二尺乍見乍沒尋皆消滅又曰刀星見天下有兵戰鬪流血或曰徧天薄雲四方合有人氣蒼白色長三尺乍見乍沒觀象玩占刀星亦曰隊星夜有光色如旗長短四面皆有而南最多亂兵之象惡氣也

按史記天官書漢天文志皆無妖星之名其雜星除景星歸邪格澤屬瑞星外惟天棊等十八星為妖星耳晉天文志則有彗孛等二十一妖星後載五星之精散為四十一星而不言占驗至隋天文志則以彗孛並五星所散三十六星共為三十八妖星然天官漢晉所有之妖星轉有不在其內者又集雜妖十七星以補之今依晉志歸邪格澤入瑞星外其餘十五星悉依隋志原本並以漢晉各占之說附焉觀象玩占雜妖星又有出於隋志之外者未詳所

據今不錄

漢京房集星章五緯所生三十五星

天垣星

觀象玩占天垣星在角宿中出月左方日在甲寅歲星將出而不出其與日合二十日其未出二日必有災雲蒼赤色黑三色厭日之光青色之星所指國消主死正星變色而青期三年

天樓星

觀象玩占天樓星在亢宿中出月左方日在甲寅歲星將出而不出其與日合三十日其未出三日必有災雲蒼赤黑色三物厭日之光青色之星有兩青方在其旁出生天樓之星長八丈若八十丈所指之國穀大貴人大饑法星變色而青期三年

天轅星

觀象玩占天轅星在氏宿中出月左方日在甲寅歲星將出而不出其與日合四十日其未出四日必有災雲蒼赤黑色厭日之光青色之星有兩青方在其旁出生天轅之星長十丈所宿之國有立玉若亡地令星變色而青期三年

真若星

觀象玩占真若星在房宿中出月左方日在甲寅歲星將出

而不出其與日合五十日其未出五日必有災雲蒼赤黑色三物厭日之光青色之星有兩青方在其旁出生真若之星長六七尺若六丈所指之國亡地殺星變色而青期二年若三年

天荆星

觀象玩占天荆星在心宿中出月左方日在甲寅歲星將出而不出其與日合六十日其未出六日必有災雲蒼赤黑色三物厭日之光青色之星有兩青方在其旁出生天荆之星所指之國戰不勝主死國亡伐星變色而青期二年

天根星

觀象玩占天根星在尾宿中出月左方日在甲寅歲星將出而不出其與日合七十日其未出七日必有災雲蒼赤黑色三物厭日之光青色之星有兩赤方在其旁出生天根之星所指之國戰敗亡地危星變色而青期三年

天槍星

觀象玩占天槍星在箕宿中出月左方日在甲寅歲星將出而不出其與日合八十日其未出八日必有災雲蒼赤黑色三物厭日之光青色之星有兩青方在其旁出生天槍之星長數丈所指之國受兵有破軍應星變色而青期一年右七星皆歲星所生

端下星

觀象玩占端下星在斗宿中出月左方日在壬寅辰星將出而不出其與日合二十日其未出二日必有災雲黑黃青三物厭日之光黑色之星有兩黑方在其旁出而生端下之星所指之國兵大敗將死正星變色而黑期六月若一年

商若星

觀象玩占商若星一名天蒿在牛宿中出月左方日在壬寅辰星將出而不出其與日合二十五日其未出二日必有災雲黑黃青色三物厭日之光黑色之星有兩黑方在其旁出而生商若之星長三四尺所指之國大水敗兵起法星變色而黑期一年

天杵星

觀象玩占天杵星一曰天林在女宿中出月左方日在壬寅辰星將出而不出其與日合三十六日其未出三日必有災雲黑黃青色三物厭日之光黑色之星有兩黑方在其旁出而生天杵之星長七八尺所指之國軍破將死令星變色而黑期一年

天麻星

觀象玩占天麻星在虛宿中出月左方日在壬寅辰星將出而不出其與日合三十五日其未出三日必有災雲黑黃青

色三物厭日之光黑色之星有兩黑方在其旁出而生天麻之星長七八尺一曰四五尺所指之國破亡殺星變色而黑期六月

天社星

觀象玩占天社一曰天杖在危宿中出月左方日在壬寅辰星將出而不出其與日合四十日其未出四日必有災雲黑黃青色三物厭日之光黑色之星有兩黑方在其旁出而生天杖之星長十餘丈句曲所指之國有兵主死伐星變色而黑期二年

天椽星

觀象玩占天椽星在室宿中出月左方日在壬寅辰星將出而不出其與日合四十五日其未出四日必有災雲黑黃青色三物厭日之光黑色之星有兩黑方在其旁出而生天椽之星長五六尺所指之國破亡危星變色而黑期三年

天英星

觀象玩占天英星在壁宿中出月左方日在壬寅辰星將出而不出其與日合五十日其未出五日必有災雲黑黃青三物厭日之光黑色之星有兩黑方在其旁出而生天英之星長十丈所指之國破軍亡地應星變色而黑期三年
右七星皆辰星所生

白藿星

觀象玩占白藿星在奎宿中出月左方日在庚寅太白將出而不出其與日合十日其未出一日必有災雲白赤黑色三物厭日之光白色之星有兩白方在其旁出而生白藿之星所指之國亡地主死正星變色而白期一年

棘星

觀象玩占棘星在婁宿中出月左方日在庚寅太白將出而不出其與日合二十日其未出二日必有災雲白赤黑色三物厭日之光白色之星有兩白方在其旁出而生棘星所指之國有大喪水災國亡法星變色而白期一年

磨星

觀象玩占磨星一曰董星在胃宿中出月左方日在庚寅太白將出而不出其與日合三十日其未出三日必有災雲白赤黑色三物厭日之光白色之星有兩白方在其旁出而生磨星長十餘丈一曰文餘所指之國內亂令星變色而白期一年

林若星

觀象玩占林若星一曰竹琴在昴宿中出月左方日在庚寅太白將出而不出其與日合四十日其未出四日必有災雲白赤黑色三物厭日之光白色之星有兩白方在其旁出而

生林若之星長十餘丈一曰七尺所指之國破亡死喪殺星變色而白期一年

若琴星

觀象玩占若琴星在畢宿中出月左方日在庚寅太白將出而不出其與日合五十日其未出五日必有災雲白赤黑色三物厭日之光白色之星有兩白方在其旁出而生若琴之星長七八尺所指之國內亂亡地伐星變色而白期三年

箒星

觀象玩占箒星在觜宿中出月左方日在庚寅太白將出而不出其與日合六十日其未出六日必有災雲白赤黑色三物厭日之光白色之星有兩白方在其旁出而生箒星長四尺所指之國內亂亡地危星變色而白期六月若一年

若星

觀象玩占若星在參宿中出月左方日在庚寅太白將出而不出其與日合七十日其未出七日必有災雲白赤黑色三物厭日之光白色之星有兩白方在其旁出而生若星所指之國戰大敗應星變色而白期二年

右七星皆太白所生

蚩尤星

觀象玩占蚩尤星在井宿中出月左方日在丙寅熒惑將出

而不出其與日合三十日其未出三日必有災雲赤青黃色
三物厭日之光赤色之星有兩赤方在其旁出而生蚩尤之
星長十丈或丈餘其下有大戰正星變色而赤期二年

赤若星

觀象玩占赤若星在鬼宿中出月左方日在丙寅熒惑將出
而不出其與日合四十日其未出四日必有災雲赤青黃色
三物厭日之光赤色之星有兩赤方在其旁出而生赤若之
星其下有大戰法星變色而赤期二年

天雀

觀象玩占天雀一曰赤雀在柳宿中出月左方日在丙寅熒
惑將出而不出其與日合五十日其未出五日必有災雲赤
青黃色三物厭日之光赤色之星有兩赤方在其旁出而生
天雀之星所指之國敗亡令星變色而赤期三年

天惑星

觀象玩占天惑星在星宿中出月左方日在丙寅熒惑將出
而不出其與日合六十日其未出六日必有災雲赤青黃色
三物厭日之光赤色之星有兩赤方在其旁出而生天惑之
星三角若四角長三尺其下旱兵起所指國亡殺星變色而
赤期一年遠二年

官張星

觀象玩占官張星在張宿中出月左方日在丙寅熒惑將出
而不出其與日合七十日其未出七日必有災雲赤青黃色
三物厭日之光赤色之星有兩赤方在其旁出而生官張之
星三角而句所指之國主死伐星變色而赤期一年

晋若星

觀象玩占晋若星在翼宿中出月左方日在丙寅熒惑將出
而不出其與日合八十日其未出八日必有災雲赤青黃色
三物厭日之光赤色之星有兩赤方在其旁出而生晋若之
星所指之國破亡危星變色而赤期三年若四年

天陰星

觀象玩占天陰星在軫宿中出月左方日在丙寅熒惑將出
而不出其與日合九十日其未出九日必有災雲赤青黃色
三物厭日之光赤色之星有兩赤方在其旁出而生天陰之
星所指之國應星變色而赤期三年

右七星皆熒惑所生

折若

觀象玩占折若出月左方日在戊寅鎮星將出而不出其與
日合四十日其未出四日必有災雲黃赤青色三物厭日之
光黃色之星有兩黃方在其旁出而生折若之星長五尺所
指之國亡正星變色而赤期六年

天拂

觀象玩占天拂出月左方日在戊寅填星將出而不出其與日合五十日其未出五日必有災雲黃赤青色三物厭日之光黃色之星有兩黃方在其旁出而生天拂之星所指之國受兵法星變色而黃期三年

天翟

觀象玩占天翟出月左方日在戊寅填星將出而不出其與日合六十日其未出六日必有災雲黃赤青色三物厭日之光黃色之星有兩黃方在其旁出而生天翟之星四角而向中央有星長四五尺所指之國戰敗令星變色而黃期二年或三年

天樞星

觀象玩占天樞星出月左方日在戊寅填星將出而不出其與日合七十日其未出七日必有災雲黃赤青三物厭日之光黃色之星有兩黃方在其旁出而生天樞之星三角四句所指之國戰敗殺星變色而黃期二年

天從星

觀象玩占天從星出月左方日在戊寅填星將出而不出其與日合八十日其未出八日必有災雲黃赤青色三物厭日之光黃色之星有兩黃方在其旁出而生天從之星長六七

尺所指之國亡伐星變色而黃期二年或三年

天伐星

觀象玩占天伐星出月左方日在戊寅填星將出而不出其與日合九十日其未出九日必有災雲黃赤青三物厭日之光黃色之星有兩黃方在其旁出而生天伐之星所指之國大敗危星變色而黃期五年

天社星

觀象玩占天社星一名天上出月左方日在戊寅填星將出而不出其與日合百日其未出十日必有災雲黃赤青三物厭日之光黃色之星有兩黃方在其旁出而生天社之星天下大亂所指之國亡應星變色而黃期一年

右七星皆填星所生已前三十五星即五行氣所生皆出於月左右方氣之中以其所生星將出不出日數期候之當其未出之前而見見則有水旱兵喪饑亂所指國亡失地王死破軍殺將

按晉志載京房集星章止著星名不言宿分階志則水火金水各著其宿惟土星則無宿可附文獻通考以為傳會難信觀象玩占所載獨詳今附於此

欽定天文正義卷五十三

容星占

容星占

晉書天文志容星張衡曰老子四星及周伯王蓬絮各一錯乎五緯之間其見無期其行無度

隋書天文志容星者周伯老子王蓬絮國皇溫星凡五星皆容星也行諸列舍十二國分野各在其所臨之邦所守之宿以占吉凶凡容星見其分若留止即以其色占吉凶星大事大星小事小星色黃得地色白有惡色青有憂色黑有死色赤有兵各以五色占之皆不出三年又曰容星入列宿中外官者各以其所出部舍官名為其事所之者為其謀其下之國皆受其禍以所守之舍為其期玩占作所守之日為其期以五氣相賊者為其使

觀象玩占容星者非常之星天皇大帝之使以告咎罰者也其出也無恒時其居也無定所忽見忽沒或行或止不可推算寓於星辰之間如容故謂之容星為善為惡所主不同觀其所出之日所寓之舍以占何國視其五色以占何祥大抵星大者事大星小者事小守日多者事久而禍深守日少者事亟而禍淺行速者應速行遲者應遲其色青則為憂赤則為旱為兵為火白則為喪黑則為水為病黃則為土功亦為有喜芒角則為兵戰

周伯

晉書天文志周伯星黃色煌煌所至之國大昌

隋書天文志周伯大而色黃煌煌然見其國兵起若有喪天下饑眾庶流亡去其鄉瑞星中名狀與此同而占異

老子

隋書天文志老子明大色白淳淳然所出之國為饑為凶為善為惡為喜為怒常出見則兵大起人主有憂王者以赦除咎則消災

王蓬絮

晉書天文志蓬絮星色青而熒熒然所至之國風雨不節焦旱物不生五穀不登多蝗蟲

隋書天文志王蓬絮狀如粉絮拂拂然見則其國兵起若有飛白衣之會其邦饑亡

國皇

隋書天文志國皇星出而大其色黃白望之有芒角見則兵起國多變若有水鏡人主惡之眾庶多疾

溫星

隋書天文志溫星色白而大狀如風動搖常出四隅出東南天下有兵將軍出於野出東北當有干里暴兵出西北亦如之出西南其國兵喪並起若有大水人饑又曰溫星出東南為大將軍服屈不能發者出於東北暴骸三千里出西亦然

觀象玩占右隋志所載五客星其國皇星與妖星國皇名同而狀異周伯星與瑞星周伯名狀皆同而占異今並存之按晉志客星老子周伯王蓬絮三星外又有盜星種陵天狗女帛四星隋志則周伯老子王蓬絮三星外有國皇溫星二星而盜星種陵天狗女帛四星則入於妖星玩占本隋志今從之

欽定天文正義卷五十四

流星占

流星占

爾雅奔星為約約刑曷䟽奔星即流星也一名約約

隋書天文志流星天使也自上而降曰流自下而升曰飛大者曰奔奔亦流星也星大者使大星小者使小聲隆隆者怒之象也行疾者期速行遲者期遲大而無光者眾人之事小而無光者貴人之事大而光者其人貴且眾也乍明乍滅者賊敗成也前大後小者恐憂也前小後大者喜事也蛇行者姦事也往疾者往而不反也長者其事長久也短者事疾也奔星所墜其下有兵無風雲有流星見良久間乃入為大風發屋折木小流星百數四面行者庶人流移之象流星之尾長二三丈暉然有光竟天其色白者主使也色赤者將軍使也凡星如甕者為發謀起事大如桃者為使事

宋史天文志自上而降曰流東西橫行亦曰流流星有八曰天使曰天暉曰天鴈曰天保曰地鴈曰梁星曰營頭曰天狗流星之為天使者有祥有妖為天暉天鴈夜墮而為天保則祥若夜墮而為地鴈梁星晝墮而為營頭則妖流星之大者為奔星夜墮而為天狗厥妖大自下而上曰飛飛星有五亦有妖祥之分飛星化而為天刑則祥為降石為頓頑為解銜銜為大瀆則為妖

觀象玩占流星者天皇之使五行之散精也星大則其事大

星小則其事小大者禍深小者禍淺出則內使出入則外使入也小而多者庶民也甚大者大貴人也又曰絕跡而去曰奔光跡相連曰流有所干犯奄滅則為誅罰之象宜以五色占之

天保

隋書天文志流星有光其色黃白從天墜有音如炬火下地野雉盡鳴天保也所墜國安有喜

開元占雜書曰飛星大如左甕而行絕迹色如煙火墜名曰天保此星所往者其分受福有利若有吉事期不出年

地鴈

隋書天文志小流星色青赤名曰地鴈其所墜者起兵

天鴈

隋書天文志流星有光青赤其長二三丈名曰天鴈軍中之精華也其國起兵將軍當從星所之

梁星

隋書天文志流星大如左其光赤黑有喙者名曰梁星其所墜之鄉有兵君失地

頓頓

隋書天文志飛星大如左若甕後皎然白前卑後高此謂頓頓其所從者多死亡削邑而不戰

降石

隋書天文志飛星大如左若甕後皎然白前卑後高搖頭乍上乍下此謂降石所下民食不足

解衙

隋書天文志飛星大如左若甕後皎然白星滅後白者曲環如車輪此謂解衙其國人相斬為爵祿此謂自相齧食

大滑

隋書天文志飛星大如左若甕其後皎然白長數丈星滅後白者化為雲流下名曰大滑所下有流血積骨

天刑

隋書天文志飛星大如左若甕後皎然白綬綬然長可十餘丈而委曲名曰天刑一曰天師將軍均封疆

營頭

晉書天文志營頭有雲如壞山墮所謂營頭之星所墜其下覆軍流血千里亦曰流星畫頂名營頭

觀象玩占大流星墜於軍上謂之營首亦曰營頭之星不有破軍必有死將圍城而有星落城上者城破

大姦

觀象玩占流星大如左若甕中天淺尾者名曰大姦下有流血大臣起謀百姓悲吟天下大亂

流星雜占

觀象玩占。流星有芒角有聲者怒也。以色占其言凶。以日辰及所起所止占其處。大抵色青為憂為饑。色赤為兵為旱。色白為刑獄。亦為兵事。色黑為疾病為死喪。為水災。色黃潤澤則為喜。不則為土功事。又以日時休囚。王相兼言之。流星尾長二三。又暉暉然有光。竟天。其色白者人主使也。色赤者將軍使也。視星所之知使所之。流星大如月暉暉然有光。白色長竟天者人主之星也。上相將軍兵從星所之。流星色青赤墜下有聲。羣鳥驚鳴。野雉盡雊。有光照人。其下有大戰。積尸流血。流星前如盤。在後皎然白。欲入時施施如散金。其所入宿受福。流星色赤。後圓如車輪。所之之國有心。其將有外心。流星色黃。其後如一匹練。所之之國有喜。益地。流星甚大。色青赤。光照地。四旁若有赤光。所至之地五穀不成。人饑。流星夕見。前赤後白。大臣欲謀國。陰發使也。視其所止占其所通之國。流星夕墜。光耀天下。照垣牆皆明也。者所墜分野有大兵起。一曰有霸王其所下有流血。其分大疫。流星入漢八角散者。帝王欲發大使宣尉四方。一曰八道賊起。欲散他邑。一曰有卿相欲走之外國。流星前赤後黑。容軍敗。一曰從其軍上起者。其軍敗。流星六七枚。一時盡見下墜。其分大亂。兵起。流血。一曰赤旱千里。百泉枯涸。石氏曰。流星紛紛交行不止。天

下兵饑。人民流亡。各去其鄉。流星數百千枚。四面行者。人民流徙也。大星小星交錯而行者。貴人與小民俱也。流星交馳絡繹相屬。有急使奔馳道路。流星從敵上徐徐來。我軍上而入者。有間使來入我軍中。流星蛇行來入我國。或軍上者。他國有姦使來有所供獻。勿信之。流星先明後暗。視其所起所止。有叛者自滅。流星色赤。所之之分有兵旱。若炬如火。光有急令。流星大白如粉絮。光有尾者。文臣為使。赤潤者。武臣為使。不炸為喜。炸作聲為病。為兵。大流星半途破為二三。復流而沒。此為一使出而又一使奔之也。流星色赤。從中天急走入濁其所之方。有火災。流星有音。或大或小。或炸或不炸。其所至之地。守臣憂之。赤為口舌爭競。白為喪。為刑獄。黑為病。為死者。為憂。撓黃潤。則為有喜。荆州占曰。流星以人定至。夜半見者。期一年。夜半後至。雞鳴。期一月。雞鳴後至。平明。期一日。石氏曰。流星見甲子旬為東方。丙子旬為南方。庚子旬為西方。壬子旬為北方。戊子旬為中央。

欽定天文正義卷五十五

風占

風占

易經說卦傳風以散之 梳萬物者莫疾乎風

書經洪範休徵曰聖時風若 咎徵曰蒙恒風若星有好風

註好風者箕星

周禮保章氏以十有二風察天地之和命乖別之妖祥

禮記月令孟春之月東風解凍 孟春行秋冬疾風暴雨總

至 孟夏行春令暴風來格 季夏之月溫風始至 季夏

行冬令則風寒不時 孟秋之月涼風至 仲秋之月盲風

至 仲秋行冬令則風災數起 季秋行春令則暖風來至

孟冬行夏令則國多暴風

觀象玩占凡候風必於高平暢達之地立五丈竿以雞羽八

兩為葆屬竿上候風吹羽葆平直則占亦可於竿首作槃作

三足木為於槃上兩足連上而外立一足係下而內轉風來

則鳥轉迴首向之鳥口銜花花旋則占之羽必用雞取其屬

巽而能知時羽重八兩以象八風竿長五丈以法五音鳥者

日中之精巢居知風鳥為其首也今按古書云立三文五尺

竿以雞羽五兩係其端羽平則占然則長短輕重惟取適宜

不在過泥但須出眾中不被隱蔽有風即動直而不激便可

占候羽毛必須五兩以上八兩以下蓋羽重則難舉輕則易

平時常占候必須用鳥軍行權設取使用羽作葆之法取雞



羽中破之取其多毛處以細繩繫縛內中夾之長三四尺許
屬竿上其獨鹿扶搖四轉五復之風各以形狀占之 李淳
風曰異為風風占災異最驗凡候風須築臺高二十四尺於
上設竿令其四達無隱則遠近皆知期尅不爽矣 凡候風
須明知八卦審定干支或上或下或高或卑俱無乖越然後
可驗今先定八干四卦十二支辰位總二十四分遞相衝破
即知風所發所止然後占之

風名狀

爾雅釋天南風謂之凱風東風謂之谷風北風謂之涼風西
風謂之泰風焚輪謂之頽扶搖謂之焱風與火為鹿迴風為
飄日出而風為暴風而兩土為霾陰而風為曠
觀象玩占李淳風曰按占風之家多云發屋折木揚沙走石
等語若每占中俱著此語其文至繁今輒以一家例之古云
發屋折木揚沙走石今謂之怒風多為不吉之象 一日之
內三轉移方古云四轉五復今謂之亂風亂風者狂風不定
之象 無雲晴爽忽起大風不經刻而止絕絕忽復起古云
暴風卒起乍有乍無今謂之暴風暴風主有卒暴事 鳴條
擺樹蕭蕭有聲今謂之飄風善惡依經旨 迅風觸塵蓬勃
古云獨鹿蓬勃今謂之勃風 迴旋羊角古云扶搖羊角今
謂之回風回風者旋風也回風卒起而圓轉扶搖有如羊角

向上輪轉有自上而下者有自下而上者或平條長直或磨
地而起總謂之迴風亦專有占 古云清涼溫和塵埃不起
今謂之和風 古云暗冥昏濁寒飈者今總謂之霾曠 凡
風和暢清悅溫涼適時埃塵不起人情恬澹是謂祥風 天
色晦冥雲氣昏濁風聲寒慘埃壙蓬勃是謂災風 風勢紛
錯交亂乍起乍止深藏難測其聲聒耳是謂小人慙惑風
風勢暴起南北不定離合氛埃是謂上下不寧風 風勢冥
冥白日陰慘黃霧四合是謂政化未明風 風勢憾憾南北
離亂高下蓬勃是謂大兵將至風 風勢凜烈人懷戰慄是
謂刑罰慘刻風 風聲啾啾慘切令人悲慙為大喪風 風
聲款款如火奔馳乍起乍息為旱火風 連風冥晦四日五
日人皆悲傷為大水殺人風 凡吉祥之風日色清明風勢
和緩從歲月日時德上來或乘王相而來去地稍高不揚塵
沙人心喜悅是謂祥風人君德令下施之應 凡凶災之風
日色白濁天氣昏寒風聲叫怒飛沙捲塵乘刑殺而至當詳
五音定八方觀其起止占之

占風例


觀象玩占黃帝占曰凡風之動皆不安之象也若在山川海
濱空穴之間風所出處皆不可占之以為常式若在宮宅城
營之內戰陣之所風勢異常揚沙走石日光昏濁則必占之

凡鳴條以上怒風起止皆詳其五音與歲月日時刑德合
冲墓殺五行生克王相曰死以言吉凶仍以六情推之萬不
失一 凡年月日時四殺五墓風從上來白濁昏寒皆為凶
風其日三刑最急坐不及起有賊暴至若行即防伏兵平時
無兵防人謀害 凡年月日時刑殺五墓風起天色白濁日
氣昏寒與兵動衆逢之急整武備 凡惡風黑風三刑衝破
墓殺風當日有大雨及三日內大雨者其災皆散一日宮風
當日雨微風三日雨羽風五日雨商風七日雨角風九日雨
但依日數得雨皆解 凡風袞雨及風後降雨皆雨氣也不
占 凡風從太歲上來鳴條擺樹而天色清爽日光明盛著
體清涼溫和者祥風也天子有德令法不私人大臣畏慎國
昌民安之象若風勢蓬勃揚塵蔽天著人寒慘日白無光兼
刑帶殺則為國有暴令月建為大臣日為令長時上來為民
凡風濕熱逼人著地走石吹沙鳴條落葉為凶風以日辰
占何國饑荒人不安風勢和緩不揚塵土氣色清溫日光皎
潔則以日辰占何國歲美人安 凡風起歲月日時德上鳴
條落葉及宮日宮時天門乾上發風皆為吉風 五音之日
風起歲月日時刑上黑色勃勃然經刻冥冥不見人形是謂
妖風宮日為君以下四日為大臣其分不熟民災以日占國
凡風起三刑而鄰於德不可分辨刑與德者以風言之德

風鳴條索索雖擺枝落葉乍起乍止而去地尺外不動塵埃
不揚沙石日光不變是謂吉風宜從吉占刑風著地吹塵漲
天轉石揚沙蓬蓬勃勃乍紫乍慢日光昏暗是謂凶風宜從
凶占 凡風起止日時方位微多為火羽多為水商多為兵
為衆貴角多為疾疫宮多為吉須鳴條以上拔木揚塵吹沙
走石落葉擺樹乃占 凡風發初蓬後疾其來遠初急後緩
其來近動葉十里鳴條百里搖枝二百里落葉三百里折小
枝四百里折大枝五百里飛沙走石千里拔大木根五千里
凡鳴條以上皆百里風也 凡大風非常滿三日三夜者天
下盡風也二日二夜半天下一日一夜者千里風也


德合刑殺五音六情諸例

干德



甲丙戊庚壬屬陽陽
德自處故甲德在甲
丙德在丙戊德在戊
庚德在庚壬德在壬
乙丁己辛癸屬陰取
所合陽干為德故乙
德在庚丁德在壬己
德在甲辛德在丙癸
德在戊

支德



子德在己丑德在午
寅德在未卯德在中
辰德在酉巳德在戌
午德在亥未德在子
申德在丑酉德在寅
戌德在卯亥德在辰
以次順行前五辰是
也歲月日時同

月德




寅午戌月德在丙
亥卯未月德在甲
申子辰月德在壬
巳酉丑月德在庚

三合




亥卯未合木局
寅午戌合火局
巳酉丑合金局
申子辰合水局

六合




子與丑合
寅與亥合
卯與戌合
辰與酉合
巳與申合
午與未合

干德合



甲與己合
乙與庚合
丙與辛合
丁與壬合
戊與癸合

歲月日時殺




寅午戌殺在丑
巳酉丑殺在辰
申子辰殺在未
亥卯未殺在戌

吟呻殺



寅申巳亥月殺在酉
子午卯酉月殺在巳
辰戌丑未月殺在丑

歲月日時刑




子刑卯丑刑戌寅刑
巳卯刑子辰刑辰巳
刑申午刑午未刑丑
申刑寅酉刑酉戌刑
未亥刑亥凡上層刑
下層者為刑下下層
刑上層者為刑上刑
下未者禍淺刑上未
者災深自刑者兼刑
上刑下其災尤深

干刑



甲刑戊乙刑己
丙刑庚丁刑辛
戊刑壬己刑癸
庚刑甲辛刑乙
壬刑丙癸刑丁

五墓



亥卯未木墓在未
寅午戌火墓在戌
申子辰水墓在辰
巳酉丑金墓在丑
土墓在辰

支衝




子衝午午衝子
丑衝未未衝丑
寅衝申申衝寅
卯衝酉酉衝卯
辰衝戌戌衝辰
巳衝亥亥衝巳

五音納音




宮數一為君為身徵數三
 為令為宗廟先人為鬼怪
 羽數五為物為境界為妻
 為財商數七為臣為子為
 僕商數九為事為病為死
 為喪 甲丙戊庚壬為五
 陽干子午寅申辰戌為六
 陽支故其五音屬陽乙丁
 乙辛癸為五陰干丑未卯
 酉巳亥為六陰支故其五
 音屬陰

十二支屬五音



子陽宮土主帝王止陽徵
 火主旱火災宮寺口舌寅
 陽徵火主旱火烽燧卯陽
 羽水主雨霖水露辰陽商
 金主大將軍吏士巳陽角
 木主疾病憂患午陰宮土
 主后妃未陰徵火主無人
 上功豐盛詔諸書徵早申
 陰徵火主郵驛時侯早火
 酉陰羽水主霜雪雷電沉
 陰宮戌陰商金主小將兵
 刃亥陰角木主死喪哭泣

六屬




乾納甲壬坤納乙癸
 八卦除乾坤餘六卦
 十干除甲壬乙癸餘
 六干庚屬震辛屬巽
 戊屬坎己屬離丙屬
 艮丁屬兌子午屬庚
 丑未屬辛寅申屬戊
 卯酉屬己辰戌屬丙
 己亥屬丁是為六屬

六情



北方之情於行貪
 狼申于主之東方之
 情怒怒行陰賊亥卯
 主之南方之情惡惡
 行廉貞寅午主之西
 方之情喜喜行寬大
 己酉主之上方之情
 樂樂行姦邪辰未主
 之下方之情哀哀行
 公正丑戌主之

本情



第一本情甲乙主之用本日支辰 按以甲乙主十二支故為甲子陽商乙丑陰商 見前又按六情圖內子為貪狼丑為公正 今用本日支辰故子仍為貪狼丑仍為公正餘做此

合情




第二合情丙丁主之用本日支辰所合 按以丙丁主十二支故為丙子陽羽丁丑陰羽 網音人按六情圖內子原為貪狼丑原為公正今用本日支辰所合則子與丑合故于日為公正丑日為貪狼寅原為廉貞亥原為陰賊亥日為廉貞餘做此

刑情



第三刑情戊己主之用本日支辰所刑 按以戊己主十二支故為戊子陽微己丑陰微 網音又按六情圖內卯原為陰賊今取所刑子刑卯故子為陰賊子原為貪狼卯刑子故卯為貪狼餘做此

衝情




第四衝情庚辛主之用本日支辰所衝 按以庚辛主十二支故為庚子陽宮辛丑陰宮 網音人按六情圖內子原為貪狼午原為廉貞今用所衝則子衝午故子為廉貞午衝子故午為貪狼餘做此

鈞情



第五鈞情于癸主之陽日
用支後第三辰陰日用支
前第三辰 按以于癸主
十二支故為于于陽角癸
丑陰角納音又按子寅辰
午申戌為陽支丑卯巳未
酉亥為陰支子為陽後三
辰為百 酉為查 寅三 卯
為于故子鈞酉于日取酉
之寬大酉鈞子酉日取子
之貪狼餘做此

三辰八角



按三辰者謂申子
辰巳酉丑亥卯未
寅午戌為三合之
辰也八角即八卦
辟殺反吉抵誕念
爭等名無甚義理
玩占載此今仍有
之其風占附於末

歲首風占

史記天官書凡候歲美惡謹候歲始或冬至日產氣始
萌臘明日人眾卒歲一會飲食發陽氣故曰初歲正月旦王
者歲首立春日四時之卒始也四始者候之日而漢魏鮮集
臘明正月旦決八風風從南方來大旱西南小旱西方有兵
西北戎菽為集解為成也小雨趣兵北方為中歲東方為上歲東
方大水東南民有疾疫歲惡故八風各以其衝對課多者為
勝多勝少久勝亟疾勝徐且至食為麥食至日暎為櫻暎至
舖為黍舖至下舖為菽下舖至日入為麻

觀象玩占京房占正月朔日候八風從乾來有憂兵坎來有
大水艮來人疾疫歲內有蟲蝗震來陽氣干歲大旱有喪災
來年內多風傷五穀離來歲旱大熱多火災坤來有疾疫克
來有兵事

管窺輯要正朔之風從乾來小雨兵起坎來大雨艮來歲穰
震來大水巽來民疫離來大旱坤來小旱兌來無災黃帝占
曰歲旦天氣清和溫潤風不鳴條若有雲逆日具歲美無疾
疫沛公正占曰正月朔日大風發屋折木揚沙動石具歲大
惡

八節風占

觀象玩占立春正月節其日晴明少雲歲熱陰則旱蟲傷禾

豆風從乾來暴霜殺物穀穉貴坎來冬大寒胡兵內侵艮來
五穀熟震來氣洩物不成巽來多風蟲離來旱傷物坤來春
寒六月水人多愁土功克來早霜兵起 春分二月中其日
東方有青雲歲熱晴明物不成風從乾來歲多寒金鐵倍貴
坎來豆穀不成民饑疾艮來夏不熟米貴一倍震來五穀成
亦無盜賊巽來蟲生四月多暴寒離來五月先水後旱坤來
小水人多瘧疾兌來春寒八月國有憂有兵 立夏日南方
有赤雲歲豐晴明則旱風從乾來其年凶饑夏霜麥不刈坎
來多雨水魚行人道艮來山崩地動人疫震來雷不時擊物
巽來其年大熟離來夏旱禾焦坤來萬物天傷兌來蝗蟲大
作 夏至日南方有赤氣則熱晴明則旱風從乾來寒傷萬
物坎來寒若不時夏月多寒艮來山水暴出震來八月人多
疾巽來九月風落草木離來五穀熟坤來六月雨水橫流兌
來秋多雨霜 立秋日有白雲及小雨則吉晴明物不成風
從乾來甚寒多雨坎來冬多雪多陰寒艮來秋氣不和震來
秋多雨雹人不和草木再榮巽來內兵猝起離來兵戎不利
多旱坤來五穀熟兌來兵起將行 秋分日西方有白雲則
善晴明物不成風從乾來人多相掠坎來多寒艮來十二月
多陰寒震來人疫再花不實巽來十月多風離來兵動國南
七百里坤來土功興兌來五穀大收 立冬日晴明小寒人

君吉天下喜風從乾來君令行天下安坎來冬雪殺走獸艮
來地氣洩人多病震來人不安居多寒巽來冬溫明年夏旱
離來明年五月大疫坤來水泛溢魚鹽倍多兌來妖言為幻
兵在山澤 冬至日有雲雪冬明年大豐晴明物不成風從
乾來強國有憂多寒坎來歲美人安艮來正月多陰震來雷
不發大雨併巽來百蟲害物離來冬溫乳母多死水旱不時
人疫坤來蟲傷苗多水兌來明年秋多雨兵起 立夏巽卦
王風從乾來為一逆小凶立春艮卦王風從坤來為二逆兵
起立秋坤卦王風從艮來為三逆穀無實立冬乾卦王風從
巽來為四逆人去其鄉秋分兌卦王風從震來為五逆帶刀
入市冬至坎卦王風從離來為六逆人民潰散夏至離卦王
風從坎來為七逆臣子為亂春分震卦王風從兌來為八逆
殿上有利客已上八逆風若帶刑殺昏寒日色白濁大凶
乙巳略例八節風占立春艮兌巽春分震坤乾風去地尺餘
擺樹枝小有聲不動塵黃白雲滿天天氣晴明是謂景風應
水之氣則節令調和忠良在位萬物成熟歲美國安若夾小
雨則百果實 立夏巽兌艮夏至離艮乾風去地尺餘樹枝
小有聲不動塵天氣和暖紫赤雲在日上下或徧天是謂祥
風應火之氣則節令調和君明臣賢萬物阜成民安國昌若
風先慢後急揚沙吹塵黑氣漲天則萬物不成人多病 立

秋坤乾震秋分兌巽艮風去地尺餘擺樹鳴條不動塵蒼白
雲滿天是謂和風應金之氣則時令調和民物阜成人主壽
康兵戎不興若走石吹沙先慢後急日光沉沒天昏冥來年
春人不安 立冬乾震坤冬至坎坤巽風去地尺餘蠅蠅不
動塵編天白黑薄雲氣色和平是謂德風應水之氣則陰陽
調和萬物成熟民安國昌四夷效順若走石揚沙先慢後急
日色晦冥明年麥損蟲生五果不實 凡八節之日風從三
合六合及天門上來皆為吉慶

四時八方風占

開元占物理論曰風者陰陽氣激發而起者也猶人之內氣
見喜怒哀樂激起而發也故春氣濡其風溫以和喜風也夏
氣隆其風燥以怒怒風也秋氣勁其風清而貞清風也冬氣
石其風燥以烈回風也此四正之風也又有四維之風東北
明庶風庶物出幽入明也東南融風其道以長也西南清和
百喜備成也西北不周風萬物潛藏也此八風者方土異氣
徐疾不同和平則順逆則凶非有使之者也氣積自然怒則
飛沙揚礫發屋折樹喜則不搖枝動草順物布氣天地之性
自然之體也
觀象玩占凡乾坤艮巽上風起蠅蠅鳴條拂樹落葉夾雜微
雨或小有一二聲雷者亦曰祥風五穀成天下安 凡四季

月風從乾坤艮巽上來天子有德令 凡甲乙日風從坤來
丙丁日風從乾來庚辛日風從艮來壬癸日風從巽來戊己
日風從坤艮來動葉鳴條去地餘尺不揚塵沙風氣清和日
光明潔民安國昌五穀蕃熟 凡乾為天門風起蓬勃乍紫
乍慢天色黃黑為火為旱為疫為米貴又曰風蓬勃鳴條天
色黃黑王相徵大旱百果不成王相角疾疫王相商兵動物
貴王相羽蟲生人饑王相宮君有德令萬物成 巽為地戶
風起吹沙走石有聲如雷如牛吼有大水一日以上止西南
方人多疫東南方人半疫蟲虎傷人二日止來年國有大
水災 坤為人門風出去地尺餘不動塵沙風氣清爽日光
明潔偏天有黃赤雲氣國有大慶大抵坤上風吉多凶少有
非常之風又當以五音六情刑德言之 艮為鬼門有風吹
沙走石有聲如千萬人呼風氣昏黑天色晦冥民多疾病牛
馬疫死五穀不成應在來年西南為衝方人多病死鬼出人
見之 凡戊己屬中宮無刑衝寄於乾坤艮巽皆為土位主
中國之君若戊日風發於乾坤艮巽在辰戌丑未之時戊日
為陽己日為陰其風又止於辰戌丑未之方則為天子有德
令天下安寧歲美人樂 凡風常發坤方其氣暄熱主旱常
發艮方其氣淒涼主多陰雨 天門上發風擺落木葉而天
氣晴明日光輝盛者天子有德令天下臣民皆喜 北方坎

風名曰廣莫風主冬至四十五日京房曰四時暴風起北方
 主盜賊起天下兵皆動令人病濕帶下不能起居 東北艮
 風名曰條風主立春四十五日四時暴風起東北方鬼行人
 道多旱疫天下水令人病洩變容 東方震風名曰明庶風
 主春分四十五日四時暴風起東東方人沅盜起相攻天下旱
 實霜歲饑令人病變節四肢不可動搖 東南巽風名曰清
 明風主立夏四十五日四時暴風起東南方人多病洩痢乳
 婦暴病死 南方離風名曰景風主夏至四十五日四時暴
 風起南方有火災來年旱人多病熱生瘡目盲 西南坤風
 名曰涼風主立秋四十五日四時暴風起西南方天下兵動
 日月失色令人食不入口病腰脊骨膝肩背皆腫 西方兌
 風名曰閭闔風主秋分四十五日四時暴風起西方主秋旱
 霜天下兵動人多患瘡疥癬 西北方乾風名曰不周風主
 立冬四十五日四時暴風起西北方天下大饑有盜賊相攻
 人流亡有神不起日月失色地動人多病疽疥癩惡瘡疾疫
 死喪 右八方暴風但風起其方即依上古京房曰八方風
 候及八卦風氣春白夏黑秋赤冬黃皆為下逆上兵革動各
 隨其部日辰占之乾為折風一曰衝風坎為大剛風艮為凶
 風震為嬰晃風巽為弱風離為大弱風坤為陰謀風一曰諛
 風兌為小弱風已上八風折木發屋飛沙走石三日不雨則

占大凡風為陽雨為陰陽怒得陰則解故風怒得雨而解
 四時干支風占

觀象玩占凡春甲夏丙秋庚冬壬四季月戌為四時天子風
 若順時於歲月日德上來止於德合時方其風鳴條擺樹不
 走沙石天氣溫和日色明朗者天子有德天下治安五穀豐
 熟四夷聽順國有大喜 凡春甲乙寅卯日夏丙丁巳午日
 秋庚辛申酉日冬壬癸亥子日有風鳴條帶雨不驟民安物
 成 凡春庚辛申酉日夏壬癸亥子日秋丙丁巳午日冬戊
 己辰辰未日風起擺樹鳴條或夾雨雪揚沙塵叫怒有聲
 皆為人民不安萬物不成 凡春甲寅夏甲午秋甲申冬甲
 子日天門乾上有風鳴條落葉有赦五穀大熟 凡子日風
 從午上來午日風從子上來甲日風從庚上來壬日風從丙
 上來皆為衝破甲乙日風從庚辛申酉上來壬癸日風從辰
 戌丑未上來皆為刑克其餘准此其風暴怒動亂寒慘陰濁
 皆為大憂五穀傷人不安 凡春甲子夏丙子秋庚子冬壬
 子四季月戌子謂之天甲子春甲子日風雨有赦夏丙子日
 風雨兵起刑獄興秋庚子日風雨有威賞之令冬壬子日風
 雨當進賢人四季戌子日風雨歲熟國安有赦令 凡風驟
 起吹沙走石拔木半日一日而止當視太歲干支若在刑衝
 上來君怒欲行誅殺不出三日米貴有旱澇之災在德及合

上采不出三日有德令 巫咸曰諸甲日大風丙丁日必雨
不雨則海中兵起乙日大風粟貴邊夷內侵丙日大風有狎
兵來國邊城丁日大風天傷物人畜俱有疫有旱戊己日大
風土功興食物貴庚辛日大風蟲生人病宜急防邊壬癸日
大風北夷侵邊子日大風兵起水中丑日大風粟穽貴寅日
大風黃赤氣四塞有火災卯日大風蟲蝗大起辰日大風人
民移堡居集火將出行巳日大風有大旱午日大風邊防事
急未日大風土功大作申日大風暴賊攻劫穀貴酉日大風
肅肅瀟瀟大雨水災戌日大風胡兵大起亥日大風兵賊相
攻人民哭泣已上不論五音六情但風起鳴條以上叫怒蓬
勃揚沙走石折木發屋吹塵漲天日色昏沉天氣寒慘則依
上占之仍以久暫言其災之大小

五音風占

觀象玩占五音相動風占宮日風從子午宮來為宮動宮主
人君出行急風暴起急出有急令慢風慢出有喜令以日干
占知遠近宮日風從陽宮來山陵崩壞人君出行地動早有
功風從陰宮來地震裂若后出行又為旱一曰陽宮之日風
從子午宮來君出行陰宮之日風從子午宮來后出行宮日
風從子午宮來時加于午為重宮君欲行大臣走又為風雨
不調宮日風從丑未寅申徵來為宮動徵有火燭有土功寶

物出有兵時加徵為重徵有義兵行有土功有詔令謂之義
風宮日風起卯酉羽來為宮動羽且有大雨不則大臣出走
若復為旱宮君羽臣君怒臣走時加羽為重羽即有雨五穀
成宮日風從辰戌商來為宮動商有兵行且有客兵來時加
辰戌為重商有兵殃宮日風從巳亥角來為宮動角有兵戰
人主憂客兵傷有喪從陽角來邊兵戰有喪時加己亥為重
角有喪代宮日大風從乾來有暴雨湧水若風不揚塵氣色
和暢日光明或不寒慘者國有善令民來水湧地裂異來蝗
蟲生害五穀坤來有土功走獸為害已上時加宮則占 徵
日風從陽宮來土功起大旱火災風從陰宮來有疾病時加
徵為重徵有土功火災起徵日風從丑寅陽徵來有火災走
獸為人害從王相來大旱風從未申陰徵來六畜多死時加
丑寅未申為重徵為火事徵日風從陽商來有急兵期七日
若七十日從陰商來邊有急兵戰一曰風從陽商來輔臣強
大臣死民有殃以日占國徵日風從陽羽來四鄰有事寶物
出陰盛於陽且有雷電霜雹諸侯大臣多失火四夷有兵從
陰羽來寶物出多震雷四夷有事徵日風從陽角來有兵邊
有急亦為有惡從陰角來邊有驚火一曰邊兵起春有喪
羽日風從陽宮來人持財物聚君有吏令邊兵起土功興將
受命有集會有寒雪雹風從陰宮來暴寒傷物有水有土功

兵集羽日風從陽微來國有兵有急令臣有憂闕梁塞道路不通從陰微來邊兵憂羽日風從羽來有白衣聚有喪大寒雪雹期五日若五十日且有大雨雨從南方來國有憂人多病雨從北方來賊聚水中且有雪雹陽羽日應陰羽夜應羽日風從商來有兵圍城不戰過急闕梁不通大雨客軍不利羽日風從角來邊有兵圍城破一日兵不解時加己亥為重角有圍城有喪 商日風從陽宮來有急兵從陰宮來兵起北方商日風從微來國邑受令兵行將在外兵還不戰臣受兵令而行一日有小旱時加微為重微有火有大旱商日風從羽來大雨水歲荒國憂亂有兵起東方商日風從陽商來有白衣聚衆且有大雨闕梁不通大將出忌外兵邑有小寇兵在西方從陰商來國有殃粟貴邑有兵風怒期七日七十日有急令兵起商日風從陽角上來有猝兵有急令從陰角上來有喪土功作 角日風從陽宮來兵從中起從陰宮來有喪貴人多疾病有土功角日風從微上來大臣災亦防火蟲生粟貴一日吏檢人財有兵倉粟寶物出角日風前羽上來有大雨土功興邊有兵卿大夫多口舌疾病亦為夷人相奪角日風從商來有急兵一日臣不忠角日風從陽角上來邊兵起有賊至戰不勝多死亡從陰角來有兵有喪一日遠喪至時加角有喪有邊兵戰盜賊起粟貴民饑野多死人

已上係古風占書及樂產本李淳風剛具煩亂著之於占然陰陽五音所主亦有不同宜細詳之 五音風聲占李淳風曰凡占風必知風之情曉風之聲五音者五行之聲宮風聲如牛鳴室中隆隆如雷鼓響徵風聲如奔馬如炎火如縛彘駭走羽風聲如擊濕鼓如麋鹿鳴子如水揚波激氣相磋商風聲如離羣羊如叩鐘磬如蜚羽之集如嗚咽流水鳴聲感人角風聲如千人語琅琅然令人悲哀如人叫啾啾如嘯如呼如雉登木宮風發屋折木有土功且有急令盜賊人饑徵風發屋折木有火災或有妖言羽風發屋折木貴人以水為憂珍寶出商風發屋折木有急令兵起糴貴角風發屋折木亦須以日辰來方相參課之

六情風占

觀象玩占北方之情好水也好行貪狼申子主之水生於申盛於子其性趨下浸淫漸漬觸物而潤故其情為好好而無厭則為貪婪故謂之貪狼主貪財嗜利強奪橫取欺給詐騙攻劫盜竊之事其日風從本方上來不出七日闕梁驚不則自兵往攻他界貪狼之日時加貪狼風從貪狼上來有盜賊劫奪人財禍起北方若寒急昏憒則傷人不則小盜公正上來有報仇怨者揚兵相擊歲在月丑未大凶姦邪上來有惡

人持物至廉貞上來有人持物相賂寬大上來有人持禮相
候欲求財物陰賊上來有人以陰賊事相連引不則出外為
獸所傷貪狼之日時加姦邪陰賊風從姦邪或陰賊上來必
有盜賊劫殺之事 東方之情怒木也怒行陰賊亥卯主之
木生於亥盛於卯其性屈曲受水而生貫土而出陰映閉匿
故其情為怒怒而還賊所養故謂之陰賊主陰謀陷害屈曲
邪佞叛逆戰鬪暴戾殺傷之事其日風從本方來不出七日
有陰賊入偷營斫寨事陰賊之日時加陰賊風從陰賊上來
有賊格鬪所在部內必傷人貪狼上來有賊自爭財相殺公
正上來外人謀內寬大上來告客行財與人廉貞上來有巢
穴之士為人所劫一日士人為劫姦邪上來有向隙為盜者
陰賊之日時加貪狼風從姦邪上來或止貪狼陰賊必有盜
賊逆亂殺人之事 南方之情惡火也惡行廉貞寅午主之
火生於寅盛於午其性猛烈無所容納故其情為惡惡則恣
惡疾邪不染污穢故謂之廉貞主賓客禮儀嫁娶燕享園議
忠信舉用賢良遷官慶賞之事其日風從本方來有相辯怨
事一日有長者千里來相慶賀廉貞之日時加廉貞風從廉
貞上來清和調暢有貴人慶賀宴樂若帶刑殺或昏冥寒慘
則因而生怒貪狼上來有人爭財一日有客來求財物寬大
上來有遷官召命貴客酒食宴樂一日有人以財物來求好

公正上來貴人有事相問一日有報仇怨者姦邪上來有人
上符文召發事不則有姦人計設相給陰賊上來有賊欲劫
竊不帶刑殺無害廉貞之日時加寬大風從廉貞或寬大上
來或止寬大有貴人以酒食來相樂 西方之情喜金也喜
行寬大己酉主之金生於己盛於酉其性剛利利及加物無
不寬人故其情喜兌主秋成乾體天故謂之寬大主福祿賞
賜酒食施與貴人君子聚集賜賀覃恩賞賚之事其日風從
本方來兵在外不戰有喜寬大之日時加寬大風從寬大上
來有貴人請召飲食賜與姦邪上來有妖人為怪婦人欺夫
一日有來我不虞以為欺者貪狼上來有爭財者一日有惡
人相遺物廉貞上來有遷官賞賜陰賊上來防陰賊詭計公
正上來貴人召問寬大之日時加廉貞或寬大風從廉貞寬
大上來有貴客至喜慶事 上方之情樂樂行姦邪辰未主
之上方北與東也陽氣之所萌生故為上方辰窮水也未窮
本也木落歸本水流歸末木利在亥水利在申利而無阻故
樂水性智智窮則姦木性上出窮則旁行故謂之姦邪主欺
給不信淫佚和惡姦善與惡姦邪疾病之事其日風從本方
來七日內有賊若陰人誑詐虛驚一日風清和帶德則為婚
姻往來寒慘帶殺則為姦為賊姦邪之日時加姦邪風從姦
邪上來主人見謀若出遇疾病陰賊上來有宿怨者相攻有

流血公正上來有人欲報仇怨庶貞上來有文書若以姦盜相引介狼上來有賊謀持物去寬大上來有人相請因酒食生病姦邪之日時加陰賊有風從寬大上來有人持酒禮相候謀賊害者 下方之情哀哀生公正丑戌主之下方南與西也陰氣之所萌生故為下方戌窮火也丑窮金也金剛火強各歸其鄉火刑於午金刑於酉午與酉火金之盛也盛時受制至窮而無所歸故哀火性無私金性至剛故為公正主報怨復仇主諫諍主驚恐主兵主誅暴亂主訟其日風從本方來有忠臣直諫國有喜報仇有功兩軍相守大將來降不出七日敵兵自敗公正之日時加公正有風從公正上來吏人相爭仇人報怨陰賊上來下人陵上姦邪上來人有欲告言卻更私財物者貪狼上來有亡失逐蹤相牽引有吏人爭財相傷庶貞上來有遷官寬大上來出逢酒食公正之日時加庶貞風從姦邪上來有誠信之士執仇而來詐人

出軍風占

觀象玩占凡初出軍日時風從後來衝霧捲雲人壯馬嘶旌旗前指鼓角響亮者全勝風從旁來而向前者得天之助獲敵資糧敵人來降風從地上五音相生之方來生我為毋靖子受我之生為子扶母天色清明風氣條暢者必勝凡初出軍及三日內行次風常逆來衝我旌旗不舉人氣怯馬不嘶

或後或前或從旁起吹塵揚沙瀟瀟勃勃人馬行步無跡此名鬼風兵出必有挫敗當且止以觀便宜凡出軍三日內道逢急風甚雨沾濕人馬咸不能行者不利出軍連日昏霧沉沉風聲錯亂密雲不雨皆防下人有謀凡出軍之日風雲不興草木不動賊不可得凡軍初出有旋風從旁起直至軍前飄轉引導者軍必大勝若從敵上來宜急設備軍行有迴風相觸者中道而還無功軍行有大旋風起軍前右迴繞者將死左迴者得敵糧出軍有飄風驟來牙旗摧折旗幡繞竿或下垂者交戰死軍行而旗指後者兵不利出軍而風逆來雨不沾衣名曰天泣軍必敗若交戰而風雨從前驟來逆衝謂之落尸當其衝者大敗出軍纔下營旗鼓方張而有暴風來掩軍幕傾撤干戈摧倒者大凶凡軍出之日風從五音相生之地來天色不昏亂者前行有功若天氣昏濁風勢瀟瀟寒慘狂必有戰以時方日辰分主客以歲月日時德刑分勝負仍以五音六情詳之 凡入敵境三日內有風雷雨霆從我軍上發入彼軍為龍虎助戰大勝凡軍行敵境未遇敵人忽有急風來射我軍有雲乍西乍東迅速奔走者急防兵來凡兩敵相當先分八卦以察主客勝負若風從西北乾上或正北坎上或東北艮上皆為利客宜先舉若從正東震上東南巽上或正南離上來皆為利主宜後舉若從西南坤上起

主人有謀不成主客俱不利若從正西兌上來客有伏兵主人宜設備不備必敗風從乾上來客舉兵必獲主糧又曰乾為折風位西北風從折上來主人將死客勝坎為大罡風位正北風從大罡上來利先發主人不勝客勝艮為小罡位東北風從小罡上來主人不勝客勝震為究風亦曰嬰兒風位正東風從嬰兒上來客軍不勝主人勝巽為小弱位東南風從小弱上來利後發客軍不勝主人勝離為大弱位正南風從大弱上來敵方至利後發客軍不勝主人勝坤為諫風位西南風從諫上來利後發客軍不勝主人勝兌為衝風位正西利先發主人不勝客勝兩軍相當陳師原野未知勝負以先舉入他人地者為客後舉自居其地者為主當以日納音占客以時及風起之方占主若有大風起以五行刑克決之相刑則戰比和不戰若時方俱為納音所克宜先動急擊之以應為客時方共克納音宜堅陳固守待彼先動以應為主兩軍相當暴風忽起從三利五墓上來昏塵蔽天鮮葉茂條皆落乍起乍止者前後皆有伏兵掩人不備若天色晴明風不寒克者不成兩軍相當有風從歲月日時刑上來勢大而遲緩者宜備賊來有大戰若風勢急速乍起乍止者有狂賊至小戰以日納音與風起時方占勝敗兩軍相守有八難風生必須迴避此時敵若來攻軍必敗八難風者偏歷八方迴

旋不定拔木發屋吹塵蔽天若在敵軍上宜急攻之在我軍宜嚴備若軍在路上逢之宜令弱兵先退奇兵漸進強弩勁騎向敵翼而回之兩軍相守未戰忽有風從彼軍方來初起蓬勃及至我軍而低小蕭索其兵止十里外不戰諸商日大風折木從丑寅未申上起比連三日客軍大敗將死若主人力弱客亦自退若純微風起在微月寬大時客軍急退不退其軍不疾疫死則自潰散凡時方克納音者依此四季受角之日大風從四季上來時加于午客兵入界自相殺四季受商日同陰賊之日風從陰賊上來賊自殺其主將凡寬大之日時如丑戌風從寬大上來大寒慘者賊自相殺商日怒風從陰賊上來賊自殺其主將凡寬大之日時如丑戌風從寬大上來止寬大者大兵解散四季之日風從己酉上來賊兵解散蕪貞之日風從己酉寬大上來天氣清和者敵兵退散若從四激上來敵兵自退四激者春戌夏丑秋辰冬未也凡四季受宮之日丙戌丙辰辛未辛丑是也風從寬大若四季上來皆為敵軍來降凡坐營相守有急風從敵上來正射我軍上而復下或止而復起必有大兵欲來攻襲宜早備之若攻入城未下而有此風則有救兵自外至若入敵界已得城池猶有未下邑壘而有此風必有兵來戰寒慘帶刑殺必須嚴備凡與敵相守營寨上有旋風歷過者隨所歷有寇至宜急備之旋

風自敵上來入我營中敵欲降如扶刑殺而來者敵欲攻我
宜備之營中旋風頻起而出者不可以戰急移營去之旋風
入營營上發屋倒戈撤幕急備不虞若旋風自外入彼城營
急從入處攻拔之旋風吹物上空在城營中兵不利宜固守
諸日怒風從商上起揚沙晝晦有兵來攻城邑若至日中
夜半風甚怒此時攻城不下客軍必敗諸角日大風勃怒從
申子亥卯上來大寒昏慘至夜半或日中其風益怒連三日
以上有大兵起攻城城必陷主人宜出避之夜半日中子午
時也純宮屬土日辰角木克之利為客不利為主攻城則
必陷諸商日怒風從子午上來時加子午日光冥晦不利主
人宜防內兵自亂凡姦邪受宮之日怒風從宮上來止四季
風氣寒慘城中兵亂夜殺長吏四出不禁凡有兵圍城視諸
商之日有風從丑上來比連三日以上至七日客軍敗退丑
商墓也又為陽徵商金過之兵敵將死凡日中夜半風從申
子亥卯上來夜發晝止日中大寒不解敵必夜來攻城劫營
凡扶搖獨鹿之風猝起營中營中有反者 邊夷水賊風占
凡壬辰日主東夷風從辰上起七日至九日東方海賊動乙
未日主南夷風從未上起比連七日南蠻反叛內侵鄰國壬
戌主西夷風從戌上起七日以上西羗反叛癸丑主北夷風
從丑上起七日若九日匈奴大入邊邑己上風勃怒呼吼剛

占 五音主客占凡日辰納音為客風從所從來之方為主
人日辰納音者甲子乙丑商丙寅丁卯徵是也風來之方子
午為宮丑寅未申為徵是也假令甲子納音商為金而風從
未申丑寅上來為商動徵火克金主人勝若風從己亥上
來為商動角木受制于金客勝他做此又日辰納音為客
加時為主人假令丙寅納音是火風起之時時加卯酉為徵
動羽水克火主人得羽主人勝若時加辰戌為徵動商
商金受徵火克主人得商則為客勝他做此又如甲子商客
也時加丑未寅申為主人勝而風又從丑寅未申上來即是
兩火共攻一金主人於是大勝餘准此又風從日刑上來客
勝時刑上來主人勝此亦謂時與日相刑也凡言客主之法
軍從遠來者為客居其地者為主又先起者為客後應之者
為主若兩軍相持以先動者為客後動者為主如兩人相擊
以先舉手者為客不動及後舉手者為主有氣勝無氣敗凡
言主客者莫不準此三刑相會假令丑日時加戌風從未上
來大寒克者必大戰流血客主俱傷所以然者丑刑戌風從
未上來又刑丑而成又刑未此三刑俱會也法主大戰流血
申日時加寅風從己上來者同占子日時加卯風從子來客
大勝主人多死傷風從卯來主人勝辰午酉亥自刑之日風
從其上來客勝若時加辰午酉亥風從其上來則主人勝凡

風從三刑上來非惟兵戰百事皆凶刑上來發疾刑下來發
遲假令于日刑在卯風從子來為從刑上來風從卯來為從
刑下來風從刑上來為客利從刑下來為主利餘同 占
風知兵立春正月戊申二月己酉三月庚戌有暴風七日夜
不止兵起西方立夏四月辛亥五月壬子六月癸丑有暴風
從北方來七日夜不止兵起北方立秋七月甲寅八月乙卯
九月丙辰有暴風從南方來七日夜不止兵起東方立冬十
月丁巳十一月戊午十二月己未有暴風從東方來七日夜
不止兵起南方凡貪狼姦邪之日怒風蓬勃風從陰賊貪狼
上來寒慘昏濁又與歲月日刑相會或墓殺相會必有急兵
至無兵為祥兵起

飄風占

觀象玩占飄風回風也扶搖羊角焚輪皆其類也自下而上
直至於天亦有自上下者通謂之旋風旋風起宮宅中以六
情言清和吉王相有氣亦吉凶死為凶旋風猝起宮宅之內
或從外入拂人衣物發人屋宇皆為有卒暴事若從歲月日
時德上起來或止於德方德合之方或寬大日辰值德合之
時王相有氣則有吉事若從歲月日時刑衝墓殺上來或止
刑殺墓方或日辰凶死勝時下皆為凶事貪狼陰賊姦邪之
日凶旋風入室中飄揚衣物當憂財物驚火宮日旋風起宮

宅中為聞訟為囚係為縣官有連引事若起道路從內向外
衝上吉商日旋風起宮宅中有人持酒肉來角日憂疾病微
日憂火羽日憂失財物凡行道見旋風從正南來有酒食若
時加己酉皆大吉旋風起吉方兩處夾道隨人行者重吉久
不滅亦無他但從凶地來即凶行道有旋風從前面來逆衝
人者勿前防有伏匿相謀以時下五音德刑占之旋風急從
後來逐人亦以其日支干納音時加刑德五音六情占之又
以清和為吉寒濁為凶旋風旁起前行或橫衝而過皆凶並
用日辰刑克占之旋風從人本命墓上來而值之為疾病旋
風從歲月日時德上來皆為有酒食慶賀吉事凡行道之次
忽遇暴風旋風當以行年決之若風來哭人從廉貞寬大公
正上來與人本命相生則為歡喜酒食相迎從姦邪陰賊貪
狼上來與人本命相妨宜妨侵謀相害若蓬勃寒冥又加刑
殺禍至旋風入宮闕中一日再三名曰太陽戒不出一年兵
起

雜風占

觀象玩占凡風頻從歲月德合上來日之明感天氣清和謂
之祥風其占為用賢人遠小人天下偃兵萬物阜凡風聳聒
耳不調頻從三刑歲衝上來謂之妖風其占為用小人遠君
子旱澇不節天下凶凡風從歲月日時刑衝上來止於刑衝

昔大臣災蝗蟲生耀貴有火災以日占國 三辰八角風占
凡風從辱上來有耻辱事從殺上來有暴相殺行道逢之有
相殺之人來過從反上來有反逆不順之事從吉上來有喜
慶事行道逢之有賢人君子相見酒食宴樂從抵上來有非
理抵觸王貴人相中人休廢庶人囚死罪人從誕上來有妄
誕之人相欺給從恣上來有非理忿爭之事從爭上來有姦
人爭財物宮宅之中回風亦可用此占 田家五行夏秋
之交大風反有海沙雲起俗呼謂之風潮古人名之曰颶風
言其具四方之風故名颶風有此風必有霖淫大雨同作甚
則抗亦偃禾壞房室決堤堰其先必有如斷虹之狀者見名
曰颶母航海之人見此則又名破帆風凡風單日起單日止
數日起數日止諺云西南轉西北搖繩采絆屋又云半夜五
更西天明後樹枝又云日晚風和明朝再多又云惡風盡日
沒入云日出三竿不急便寬大凡風日出之時必略盡謂之
風讓日大無風自日內起者必善夜起者必毒日內息者亦
和夜半息必大凍已上並言隆冬之風諺云風急雨落人急
容作又云東風急備蓑笠風急雲起愈急必雨諺云東北風
雨太公言良方風雨卒難得晴俗名曰牛筋風雨指丑位故
也諺云行得春風有夏雨言有夏雨應時可種田也非謂水
必大也經驗諺云春風踏脚報言易轉方如人傳報不停脚

也一云既吹一日南風必還一日北風報答也二說俱應諺
云西南早到晏弗動草言早有此風向晚必靜諺云南風尾
北風頭言南風愈吹愈急北風初起便大春南夏北有風必
雨冬天南風三兩日必有雪

欽定天文正義卷五十六

雲氣占

雲氣占

史記天官書凡望雲氣仰而望之三四百里平望在桑榆上
 餘二千里按漢書天文志作十餘里二千里登高而望之下屬地者三千里
 雲氣有獸按漢書作獸居上者勝自華以南氣下黑上赤嵩高三
 河之郊氣正赤恒山之北氣下黑上青勃碣海岱之間氣皆
 黑江淮之間氣皆白徒共清志氣白土功氣黃車氣乍高乍
 下往往而聚騎氣卑而布卒氣搏前卑而後高者疾前方而
 高後死而卑者却其氣平者其行徐前高而後卑者不止而
 反氣相遇者卑勝高先勝方氣來卑而循車通者其解車通車轍也避
 故曰通不過三四日去之五六里見氣來高七八尺者不過
 五六日去之十餘二十餘里見氣來高丈餘二丈者不過三
 四十日去之五六十里見稍雲精白者其將悍其士怯其大
 根而前絕遠者當戰青白其前抵者戰勝其前赤而仰者戰
 不勝陣雲如立垣杼雲類杼軸雲搏兩端兌杓雲如絕者居
 前亘天其半半天其望者類闕旗故鈎雲句曲諸此雲見以
 五色合占而澤搏密其見動人乃有占兵必起合闕其直王
 朔所候決於日旁日旁雲氣人主象皆如其形以占故北夷
 之氣如羣畜穹閭南夷之氣類舟船幡旗大水處敗軍塲破
 國之虛下有積錢金寶之上皆有氣不可不察海旁蜃氣象
 樓臺廣野氣成宮闕然雲氣各象其山川人民所聚積故侯

息耗者入國邑視封疆田疇之正治城郭室屋門戶之潤澤
次至車服畜產精華實息者吉虛耗者凶若煙非煙若雲非
雲郁郁紛紛蕭索輪囷是謂卿雲卿雲見喜氣也若霧非霧
衣冠而不濡見則其域被甲而趨

隋書天文志東海氣如圓登附漢河水氣如引布江漢氣勁
如行濟水氣如黑狍滑按晉志作滑水氣如狼白尾淮南氣如帛
少室氣如白兔青尾恒山氣如黑牛青尾東夷氣如樹西夷
氣如室屋南夷氣如閣臺或類舟船雲氣如三匹帛廣前兌
後大軍行氣也祥雲如布趙如牛楚雲如日宋雲如車魯雲
如馬衛雲如犬周雲如車輪秦雲如行人魏雲如鼠鄭齊雲
如絳衣越雲如龍蜀雲如困技騎之氣正蒼黑長數百丈遊
兵之氣如彗掃一云長數百丈無根本喜氣上黃下白怒氣
上下赤憂氣上下黑土功氣黃白徒氣白 候氣常以平旦
下晡日出沒時處氣以見知大占期內有大風雨久陰則災
不成故風以散之陰以諫之雲以愾之雨以厭之

瑞氣

晉書天文志瑞氣一曰慶雲若煙非煙若雲非雲郁郁紛紛
蕭索輪囷是謂慶雲亦曰景雲此喜氣也太平之應一曰昌
光赤如龍狀聖人起帝受終則見
開元占非氣非烟五色氤氲名曰卿雲太平之應也雲會五

色潤澤和緩見於城上景雲也

妖氣

晉書天文志妖氣一曰虹蜺日旁氣也斗之亂精主惑心主
內淫主臣謀君天子誑后妃顯妻不一一曰祥雲如狗赤色
長尾為亂君為兵喪
觀象玩占妖氣一曰祥雲赤雲其狀如狗或二三或四五相
隨而行所見之國有大兵

帝王氣

隋書天文志天子氣內赤外黃正四方所發之處當有王者
若天子欲有遊往處其地亦先發此氣或如城門隱隱在氣
霧中恒帶殺氣森然或如華蓋在氣霧中或有五色多在
晨昏見或如千石倉在霧中恒帶殺氣或如高樓在霧氣中
或如山鎮蒼帝起青雲扶日赤帝起赤雲扶日黃帝起黃雲
扶日白帝起白雲扶日黑帝起黑雲扶日或日氣象青衣人
無按觀象玩占作無手在日西天子之氣也敵上氣如龍馬或雜色
鬱鬱衝天者此帝王之氣不可擊若在吾軍戰必大勝凡天
子之氣皆多上達於天以王相日見
觀象玩占氣如龜如鳳五彩隨王時發者天子氣也一曰蒼
帝氣如人向日拱手而俯首一手在後赤帝氣如象火光如
覆其狀立在日下黃帝氣如馬在日下白帝氣如虎在日下

黑帝氣如船在日下青紫氣自地屬天其地有貴女凡帝王氣發常以四時王相時日相生之日其國大昌

賢人氣

隋書天文志視四方常有天雲五色具者其下有賢人隱也

青雲潤澤蔽日在西北為舉賢良

兵氣

隋書天文志凡猛將之氣如龍兩軍相當若氣發其上則其將猛銳或如虎在殺氣中猛將欲行動亦先發此氣若無行動亦有暴兵起或如火之狀或白如粉沸或如火光之狀夜照人或白而赤氣繞之或如山林竹木或紫黑如門上樓或上黑下赤狀似黑旌或如張弩或如埃塵頭銳而卑本大而高兩軍相當敵軍上氣如困倉正白見日逾明或青白如膏將勇大戰氣發漸漸如雲變作此形將有深謀 凡氣上與天連軍中有貞將或云賢將 凡軍勝氣如堤如坂前後磨地此軍士眾強盛不可擊軍上氣如火光將軍勇士卒猛好擊戰不可擊軍上氣如山堤山上若林木將士驍勇軍上氣如埃塵粉沸其色黃白旌旗無風而颺揮指敵此軍必勝敵上有白氣粉沸如樓繞以赤氣者兵銳營上氣黃白色重厚潤澤者勿與戰兩敵相當有氣如人持斧向敵戰必大勝兩敵相當上有氣如蛇舉首向敵者戰勝敵上氣如一匹

帛者此雍軍之氣不可攻望敵上氣如覆舟雲如牽牛有白氣出似旌幟在軍上有雲如闢難赤白相隨在氣中或發黃氣皆將士精勇不可擊軍營上有赤黃氣上達於天亦不可攻 凡軍營上五色氣上與天連此天應之軍不可擊其氣上小下大其軍日增益士卒軍上氣如堤以覆其軍上前赤後白此勝氣若覆吾軍急往擊之大勝夫氣銳黃白團團而潤澤者敵將勇猛且士卒能強戰不可擊雲如日月而赤氣繞之如日月暈狀有光者所見之地大勝不可攻 凡雲氣有獸居上者勝軍上有氣如塵埃前下後高者將士精銳敵上氣如乳武豹伏者難攻軍上恒有氣者其軍難攻軍上雲如華蓋者勿往與戰雲如旌旗如蜂向人者勿與戰兩軍相當敵上有雲如飛鳥徘徊其上或來而高者兵精銳不可擊軍上雲如馬頭低尾仰勿與戰軍上雲如狗形勿與戰望四方有氣如赤鳥在鳥氣中如鳥人在赤氣中如赤杵在鳥氣中如人十十五五或如旌旗在鳥氣中有赤氣在前者敵人精悍不可當敵上有雲如山不可說有雲如引素如陣前銳或一或四黑色有陰謀赤色機青色兵有反黃色急去 凡氣上黃下白名曰善氣所臨之軍欲求和退按晉書作敵欲求和退 若氣出北方求退向北其眾死散向東則不可信終能為害向南將死敵上氣因廢枯散或如馬肝色如死灰色或類偃蓋

或類僂魚皆為將敗軍上氣乍見乍不見如霧起此衰氣可擊上大下小士卒日減 凡軍營上十日無氣發則軍必勝而有赤白氣乍出即滅外聲欲戰其實欲退散黑氣如壞山墮軍上者名曰營頭之氣其軍必敗軍上氣昏發連夜夜照人則軍士散亂軍上氣半而絕一敗再絕再敗三絕三敗在東發白氣者災深軍上氣中有黑雲如牛形或如猪形者此是瓦解之氣軍必敗敵上氣如粉如塵者勃勃如煙或五色雜亂或東西南北不定者其軍欲敗軍上氣如群羊群猪在氣中此衰氣擊之必勝軍上有赤氣炎降於天則將死士眾亂赤光從天流下入軍軍亂將死彼軍上有蒼氣須臾散去擊之必勝在我軍上須臾堅守軍有黑氣如牛形或如馬形從氣霧中下漸漸入軍名曰天狗下食血則軍破軍上氣或如群鳥亂飛或如懸衣如人相隨或紛紛如轉蓬或如揚灰或雲如捲席如匹布亂穰者皆為敗徵氣乍見乍沒乍聚乍散如霧之始起為敗氣氣如繫牛如人卧如敗車如雙蛇如飛鳥如决堤垣如壞屋如人相持如人無頭如驚鹿相逐如兩鷄相向皆為敗氣 凡降人氣如人十十五五皆又手互頭又亦如人又手相向白氣如群鳥趣入此營連結百餘里不絕而能徘徊須臾不見者當有他國來降氣如黑山以黃為綠者欲降服敵上他氣青而高漸黑者將欲死散軍上氣

如燔生草之烟前雖銳後必退黑氣臨營或聚或散如鳥將宿敵人畏我心意不定終必逃背逼之大勝 凡白氣從城中南北出者不可攻城中有黑雲如星名曰軍精急解圍去有突兵出客賊城上白氣如旌旗或青雲臨城有喜慶黃雲臨城有大喜慶青色從中南北出者城不可攻或氣如青色如牛頭觸人者城不可攻城中氣出東方其色黃此太一城過旬雷雨者為城有輔疾去之勿攻城上氣如烟火主人欲出戰其氣無極者不可攻城上氣如雙蛇者難攻赤氣如杵形從城中向外者內兵突出主人戰勝城上有雲分為兩彗狀攻不可得赤氣在城上黃氣四面繞之城中大將死城降城上赤氣如飛鳥如敗車及無雲氣士卒必散城營中有赤黑氣如狸皮斑及赤者並亡城營上有雲如眾人頭赤色下多死喪流血城上氣如灰出而北城可剋其氣出復入城中人欲逃亡其氣出而覆其軍軍必病氣出而高無所止用日又長有白氣如蛇來指城可急攻白氣從城指營宜急固守雲氣如雄雉臨城其下必有降者濛氛圍城而入城者外勝得入有雲如立人五枚或如三牛邊城圍 凡軍上有黑氣渾渾圓長赤氣在其中其下必有伏兵白氣粉沸起如樓狀其下必有藏兵萬人皆不可輕擊伏兵之氣如幢節狀在鳥

雲中或如赤杵在烏雲中或如烏人在赤雲中 凡暴兵氣白如瓜蔓連結部隊相逐須臾罷而復出至八九來而不斷急賊卒至宜防固之白氣如仙人衣千萬連結部隊相逐罷而復與如是八九者當有千里兵來視所起倭之黑雲從敵上來之我軍上欲襲我敵人告發宜備不宜戰壬子日候四望無雲獨見赤雲如旌旗其下有兵起若漏四方者天下盡有兵若四望無雲獨見黑雲極天天下兵大起半天半起三日內有雨災解敵欲來者其氣上有雲下有氣零中天而下敵必至雲氣如旌旗賊兵暴起暴兵氣如人持刀楯雲如人赤色所臨城邑有卒兵至驚怖湏臾去赤氣如人持節兵來未息雲如方虹有暴兵赤雲如火者所向兵至天有白氣狀如匹布經丑未者天下多兵 凡戰氣青白如膏將勇大戰氣如人無頭如死人卧敵上氣如丹蛇赤氣隨之必大戰殺將四望無雲見赤氣如狗入營其下有流血 凡過四方盛氣無向之戰甲乙日青氣在東方丙丁日赤氣在南方庚辛日白氣在西方壬癸日黑氣在北方戊己日黃氣在中央四季戰當此日氣背之吉 凡欲知我軍氣常以甲巳日及庚子辰戌午未亥日及八月十八日去軍十里許登高望之可見依別記占之百人以上皆有氣 凡占災異先推九宮分野六士日月不應陰霧風雨而陰霧者乃可占對敵而坐氣

未甚卑下其陰覆人上掩溝蓋道者是大賊必至敵在東日出候在南日中候在西日入候在北夜半候王象色吉凶死色凶 凡軍上氣高勝下厚勝薄實勝虛長勝短澤勝枯我軍在西賊軍在東氣西厚東薄西長東短西高東下西澤東枯則知我軍必勝 凡氣不積不結散漫一方不能為災必湏和雜殺氣森然疾起乃可論占軍上氣安則軍安氣不安則軍不安氣南北則軍南北氣東西則軍亦東西氣散則為軍破敗

開元占魏武兵書曰雲氣非雲非煙非塵非晦非蒙形似禽獸客吉主人忌之京房曰別有氣如尾在氣中臨軍欲降下則軍中人與賊通宜備之城上氣若前高後卑攻之可拔若後高前卑者不可攻其城上氣覩不相見不可攻有赤氣從城出者內兵勝宜備之允攻城有諸氣從城中出入吾軍上者敵家氣也濛氣繞城不入者外兵不得入赤氣加西方者客勝加北方者客敗加東方兩解不開加南方軍還天下安無兵黃氣加東方者主人大開客大破加北方者客勝他効此 觀象玩占將軍之氣如龍如虎在殺氣中兩軍相當若發軍上則其將猛銳欲動也吉凶以日辰決之若無軍在外亦暴兵起 夜視彼軍上有黑氣出上有赤氣臨我軍上彼強我

弱弱能破強小能擊大大戰大勝小戰小勝 兩軍相當十里之內三里之外望彼軍上氣高而前後白青散者敗氣也急擊之雲氣蓋道蒙濛晝晦者飯不暇食炊不暇熟宜急去之不然必敗軍上氣黑而卑如棲狀軍不移必敗軍上氣先青而漸變黑者其將欲死軍行有白氣如猪來臨者軍大驚宜備之 黑雲氣從彼來之我軍者欲襲我也敵人吉宜備不宜戰敵還從而擊之必得小勝天色蒼茫而有此氣依支干日數內無風雨則所發之方必有暴兵日克時則凶時克日則自消散此氣所發之方當有使告急一人來則氣一條依數計之若散滿一方則有眾來依日文干數內有風雨則伏雲氣如虎蹊如人行色白而悍者暴兵起雲如人行止而不礙有暴兵候敵氣上有雲下亦有雲者兵必至白氣廣五六丈東西竟天天下兵起日出沒時有白氣如匹布着天而行長或竟天或十餘丈有聲者天狗也見則兵大起有雲如豹四五枚相聚其國兵大起雲如狗四五以上相聚兵起雲氣一道上白下黃或白色如匹布長數丈或上黃下白如旗狀長二三丈或長氣絕赤而委曲一道如布帛皆謂之蚩尤旗見則兵大起 雲紛紛綿綿相絞及似蒿草長數尺者以車騎為伏兵兩軍相當赤氣者伏兵之氣若前有赤氣則前有伏兵後有赤氣則後有伏兵左右亦如之審察之則知其

所在黑雲變赤反白形如山者有伏兵有雲如山林兵在外有伏兵前有黑氣而有後有白氣者有伏兵 四望無雲獨見赤雲如覆船其下有戰青氣見軍之王相上者有戰雲如耕瓏其下有兵必大戰蒼白雲氣經天其下有拔城大戰赤氣漫漫如血色有大戰流血 氣白而群行徘徊結陳來者他國人來欲相圖謀也不可應視其所往隨而伐之可得黑氣如幢出於營中上黑下黃敵欲求戰而無誠實言信相反九日之內必覺備之吉黑氣臨我軍如車輪行敵人謀亂國有小臣勾引之宜明察之黑氣遊行中含五色臨我軍上敵人有合謀伐我者謹備之天沉陰不雨晝不見日夜不見星月三日以上者陰謀也將軍宜慎左右及敵使五日至七日有謀蔽人主奪將權亦為刑殺事起日月濛濛無光士卒謀內亂將軍宜循法度察有功以自明止嚴刑而伺姦人謀議 氣正白如旌旗或白氣如旗而赤界其邊或氣出於外如火煙或有雲分為兩彗狀其城壘皆堅不可攻城圍邑其城營上氣聚如樓外見者攻之可得有氣如蚊頭白內向者城可攻城上氣赤如漫血所臨者敗 凡初出軍日天色昏漠雲色沉陰寒慘者必戰若清明和暢風塵不動者不戰有青氣見軍之王相上者當成交戰不見則不戰凡軍向東伐而有白雲從西來因隨而擊之勝若有赤雲或青雲從東來

逆軍者急宜屯守他倣此凡對敵敵在東方白雲東去而又
有雲東來相逆須火過者雲已去而又有風隨之望之有龍
虎之狀不可戰若我軍得之戰大勝雲隨從而風逆者不可
戰凡兩軍相當平旦視其所向甲乙日有白雲丙丁日有黑
雲戊己日有青雲庚辛日有赤雲壬癸日有黃雲皆不可動
凡天見五色雲氣望東西南北至于午卯酉若百步千步一
丈十丈百丈數百丈如車道與日辰相克者大戰不相克者
不戰王氣所臨有天命兵強相氣所臨戰勝將吏有功死氣
所臨疾病死喪饑饉破敗亡囚氣所臨被圍降伏休氣所臨
兵罷無功士卒亡散天有青氣入營兵弱驚天有赤氣入營
兵暴驚天有黃氣入營兵和解天有白氣入營兵強天有黑
氣入營士卒大疫一日兵相殘宜徙營凡有雲氣橫來者兩
軍不合急先伏止當有遁將凡出軍有黃氣臨營西向東向
戰皆凶北向吉凡軍行有白氣如虹軍大驚宜備之赤雲臨
軍上東西陣者其軍敗赤氣隨日出者軍行有憂軍出欲知
賊得否赤氣前行而有黑氣隨之赤氣滅賊可得若赤氣獨
行無黑氣隨者賊不可得黑氣如死人頭在營上敵入有所
獻且來降許之不許必戰功難成而士卒多死黑氣如積土
在我軍上敵來挑戰或襲我我必堅守經月敵心自離離而
後戰大勝黑氣如龍如馬如蛇如牛頭變化者夷兵欲欺中

國謹察而防之為善凡攻城有黑雲氣臨城者積土固險之
象黑者水之氣城池之象也我據城敵不可攻敵據城我不
可攻凡圍城平旦視圍上氣鬱鬱如火光芒勢翕翕然者其
方救至無者救不至受圍者望外救亦以是占兩軍相當彼
軍上有赤氣狀如尺布長數十丈其下色黃白必有叛軍昏
見者臣佐夜見在兵黑氣遊行中含黃氣在我軍有急令徵
兵不逮士卒恐懼人有逃心宜罷軍吉赤氣如織蓋覆軍上
千里內戰有慶千里外憂

按雲氣屬兵象者隋志言之詳玩占所載多與隋志同節
錄以備參閱

風雨氣

隋書天文志雲氣如亂穰大風將至視所從來避之雲甚潤
而厚大雨必暴至四始之日有黑雲氣如陣厚重者多雨
觀象玩占風雨氣如魚龍行其色蒼潤或黃氣蔽日昏慘或
如積土或如累盆黃色潤厚朝東夕西歷日或倉之皆風雨
之氣也朝視日上有黑氣如霧歷日日光旁射其色慘淡黃
白者其日有風雨晚日欲入有之則其夜有風雨白雲如舞
往來其處淒風送迎大雪將下
田家五行雲行占晴雨云雲行東雨無蹤車馬通雲行西
馬蹶泥水沒犁雲行南雨潺潺水漲潭雲行北雨便足好曬

穀上風雖開下風不散主雨諺云上風皇下風隘無策衣莫
出外雲若砲車形起主風起諺云西南陣單過也落三寸言
雲陣起自西南來者雨必多尋常陰天西南陣上亦雨諺云
太婆年八十八弟曾見東南陣頭發又云千歲老人不曾見
東南陣頭雨沒子田言雲起自東南來者必無雨凡雨陣自
西北起者必雲黑如淡墨又必起作眉梁陣先大風而後
雨終易晴天河中有黑雲生謂之河作堰又謂之黑猪渡河
黑雲對起一路相接亘天謂之雨作橋雨下闊則又謂之合
羅陣皆主大雨至少頃必作滿天陣名通界雨言廣闊普
徧也若是天陰之際或作或止忽有雨作橋則必有挂帆雨
脚又是雨脚將斷之兆也不可一例而取凡雨陣雲疾如飛
或暴雨乍傾乍止其中必有神龍隱見易曰雲從龍是也諺
云旱年只怕沿江排水年只怕北江紅一云太湖晴上文言
亢旱之年望雨如望恩纔是四方遠處雲生陣起或自東引
而西自西而東俗所謂排也則此雨非但今日不至必每日
如之即是久旱之兆也此吳語也故指北江為太湖若是晚
霽必東西天但晴無雨諺云西北赤好曉麥陰天下晴諺云
朝晏頭頂穿暮要四脚懸又云朝看東南暮看西北諺云魚
鱗天不雨也風顯此言細細如魚鱗斑者一云老鯉斑雲障
曉殺和尚此言滿天雲大片如鱗故云老鯉往往試驗各

雜雲氣占

有準秋天雲陰若無風則無雨冬天近晚忽有老鯉斑雲起
漸合成濃陰者必無雨名曰護霜天

隋書天文志日出沒時有雲橫蔽之白者喪烏者驚三日內
雨者各解有黑氣入營者兵相殘有赤青氣入營者兵弱有
雲如蛟龍所見處將軍失禮有雲如鷄尾來蔭國上三日亡
有雲如日月暈赤色其國凶青白色有大水有雲狀如龍行
國有大水人流亡有雲赤黃色四塞終日竟夜照地者大臣
縱恣有雲如氣味而濁賢人去小人在位

開元占東方朔傳曰凡占長吏農耕當視天有黃雲來覆車
五穀大熟青雲致兵白雲致盜烏雲多水赤雲有火節萌曰
雲如一疋布而行若西若東若南若北邑都上者其君有憂
觀象玩占青氣廣五六丈東西竟天天下有喪黑氣如大道
一條長而明不見頭尾東西者不過三朔大赦天下黑氣如
群羊或如群魚四夷不順赤氣如火影見者臣叛其君不過
三朔赤色氣如龍蛇在山頭住又如夜火光者臣離其君主
不安為客所傷人民流移遠去其鄉赤氣覆日而光大旱人
饑民流千里黑氣如牛頭龍馬蛇變化有疾病民流亡不宜
乳婦災狀欲欺中國宜察鏡間黑雲氣南北陣有大水國有
憂黑雲氣東西陣君有憂若天氣蒼茫而黑雲氣東西極天

移日不動者其憂深此氣以戊己日見者君惡之白雲氣極
天南北陣國有憂雲如匹帛西南行其國分君長有憂雲氣
如日月暈赤色其國有兵青白色其國大水氣上豐下殺有
若木皮春黃夏白四季黑秋青冬赤是謂亂國之氣黃黑雲
數道皆如匹布貫日其間道有白雲如魚鱗者有刺客雲如
巨魚疾行中天其色蒼黑有大風大水災雲如人相得兵起
民泣雲氣如牛車相隨有大水雲溷溷如土色土功興赤雲
如牛無角三日有大雨不雨不出三十日北夷兵起

欽定天文正義卷五十七

虹霓占

虹蜺占

詩廊風蜺蜺蜺在東註蜺蜺虹也日與雨交條然成質乃陰陽之氣不當交而交者蓋天地之淫氣也在東者莫虹也虹隨日所映故朝西而莫東也 朝濟于西崇朝其雨註濟升也周禮十輝九曰濟注以為虹蓋忽然而見如自下而升也崇終也從旦至食時為終朝言方雨而虹見則其雨終朝而止矣蓋淫慝之氣有害於陰陽之和也今俗謂虹能截雨信然

禮記月令季春之月虹始見 孟冬之月虹藏不見

爾雅蜺蜺謂之雲蜺蜺虹也蜺為蜺貳

史記天官書白虹屈短上下兌有者下火流血

隋書天文志凡白虹者百殃之本眾亂所基 凡白虹霧姦

臣謀君擅權立威 凡夜霧白虹見臣有憂書霧白虹見君

有憂虹頭尾至地流血之象開元占月令章句曰虹蜺蜺也

陰陽交接之氣著於形也雄曰虹雌曰蜺常依陰晝見

於日衝雲無不見大陰亦不見春秋緯曰虹蜺見雨即晴旱

即雨

觀象玩占虹蜺者陰陽之交氣也陰陽之氣和則為雨露怒

則為雷霆淫則為虹蜺虹者攻也陽攻陰也蜺者蓄也災氣

傷害於物如有所蓄也一曰填星之精散為虹蜺又曰蜺出

色鮮明者為虹暗者為蜺蔡邕曰見於日衝曲而青紅曰虹見於日旁白而直者曰蜺

四時虹蜺

隋書天文志凡霧四合有虹各見其方隨四時色吉非時色凶

觀象玩占虹以立春四十六日內出正東貫震中春多雨夏

多火災秋多水民流亡冬多海賊春分四十六日內出東南

貫巽中春大旱災起立夏四十六日內出正南貫離中大旱

災麻不收夏至四十六日內出西南貫坤中有小水蝗蟲為

害魚不滋立秋四十六日內出正西貫兌中秋有水有旱秋

分四十六日內出西北貫乾中秋多水虎食人畜賊起立冬

四十六日內出正北貫坎中冬少雨春多水災冬三四月

日內出東北貫艮中春多旱夏火災粟貴 虹以四五月

出西方麥貴七八月出西方粟貴九月出西方大小豆貴十

月出西方稻貴立秋後見西方萬物貴秋冬出西方色白小

口傷京房占曰虹春三月出西方有青雲覆之其夏多寒人

病癘若溫赤雲覆之夏旱黃雲覆之夏小旱五穀半收白雲

覆之夏多大風人疫黑雲覆之夏多大雨虹夏三月出西方

有青雲覆之秋多寒民病癘赤雲覆之秋旱黃雲覆之禾大

收白雲覆之秋多大風黑雲覆之秋多雨虹秋三月出西方

諸侯王死期不出三年地鏡曰虹從日池井出若飲國空虛
觀象玩占虹以戊己日出中央若西南方人君凶二虹並見
兵起期二年五虹並見天下大亂兵起天子黜期三年九虹
俱出五色縱橫人主失威天下交兵二屈虹出其下有大戰
亡城方虹見有暴兵起屈虹東出下有破軍殺將虹出橫至
上反入直而不曲不出九十日民多病死不出九年大旱民
流亡虹出直上行所出之地大旱民多妖言多病死虹蜺狀
如日月暈必有破軍先起者勝虹出牽牛度中有壞城出須
女度中后族強專國政天無雲有赤虹貫昴畢臣主相伐白
虹圍軫有亡國虹貫太微后族專權虹出地中臣子為逆出
宮殿園池或井中若下入之皆不出其年君亡政亂虹出入
人家屋中姪婦死家破敗虹出人家井中其家有兵傷一曰
當出貴女而後家受其殃虹自井中出或自外入飲井水其
邑有兵不則有盜賊相殺傷事一曰虹出井中在國國空在
家家亡凡攻城有虹從城外入飲城中水者城破從外順虹
攻之勝域中有黃虹貫之主喜青黑凶赤白大戰城陷虹垂
頭於軍門有流血虹蜺直指順虹擊其所指勝石氏曰虹頭
在江河溪澗之內軒轅之變也見四維即為陰雨見西方即
旱不占國事災咎蒼白多則為喪為水赤多則為旱
田家五行論虹俗呼曰鸞諺曰東鸞晴西鸞雨諺云對日鸞

不到畫主雨言西鸞也若虹下便雨還主晴

欽定天文正義卷五十八

雷電占

雨占 電占附

雷電占

易說卦傳雷以動之 動萬物者莫疾乎雷

詩小雅十月之交篇煜煜震電不寧不令註煜煜電光貌震雷也寧安徐也令善也

禮記月令仲春之月雷乃發聲始電 仲秋之月雷始收聲

仲秋行冬令收雷先行 仲冬行夏令雷乃發聲

爾雅釋天疾雷為霆電

史記天官書天雷電蝦虹辟歷夜明者陽氣之動者也春夏則發秋冬則藏故候者無不司之

開元占河圖曰陰陽相薄為雷京房曰凡雷者陰陽和合震

動萬物使各戴其元而起故雷以動之聞百里或聞七十里

或聞五十里或聞二十里各應其德而起以應人君行之動

靜

觀象玩占雷於天地為長子主發生二月出地百八十日雷

出則萬物出八月入地百八十日雷入則萬物入入則除害

出則興利人君之柄也人君發號施令上合天道則雷以時

而出以時而入若有不當發而發或當發而不發則皆號令

失常之所致也

雷聲占

開元占雷聲或殷殷軼軼風雨微皆陰陽和利稼之雨象君

臣百姓和合也

觀象玩占凡雷聲初發和雅其歲善雷聲激烈歲惡人災師曠占春雷始起其聲拍拍格格霹靂者雄雷旱氣也其聲音音依依不大震者雌雷水氣也天無雲若有雲有大聲如雷一聲而止謂之天鼓其地兵起營上雷鳴一聲止使命至城邑上有聲如雷非雷有兵爭兵發之日忽有雷鳴一聲不宜進戰軍帳上忽有震雷一聲宜搜姦伏

田家五行凡雷聲響烈者雨陣雖大而易過雷聲殷殷然響者卒不晴雷初發聲微和者歲內吉猛烈者凶甲子日尤吉

四方雷占

開元占雷之發聲於坎多水於艮山崩於震多風於巽必大風起於離大旱於坤土功兌兵起於乾天象
觀象玩占黃帝占曰雷起天門人不安起水門流潦滂沱起石門蟲食禾大凶起木門棺木貴歲大熟起風門霜傷五禾起金門銅銖貴起火門夏旱蝗生起土門五穀賤魚貴起鬼門人多暴死京房占雷起乾人多病國安起坎多雨起艮禾好葉長五穀賤起震穀暴貴其歲豐棺木貴起巽雨雹傷五穀一曰蟲生霜早降起離夏旱起坤蟲傷穀起兌金鐵貴天鏡占春雷起於東方五穀皆熟夜雷半熟起南方歲小旱夜雷大旱穀倍貴禾不成起西方穀半熟多蟲一曰其野有暴

貴馬牛大災夜雷五穀蟲災民多病一曰穀貴大旱起北方海溢川湧五穀不成夜雷百川皆溢起西北方牛馬疫國有暴驚民滿野夜雷赤地千里

四時雷占

開元占春不雷而霜樹木以風落皆為人疾病春己丑丁夏甲午壬戌己亥丁未冬甲寅又曰春戊寅夏戊申冬戊子不雨而雷雷之所建有死將流血天鏡曰冬震兵飢
觀象玩占傳曰雷者陰陽和合震動萬物春分祭而秋分歲非時而鳴軍破國殃凡過啓蟄而不雷政弛民慢二月雷不鳴五果不實小兒多死三月雷不鳴秋多盜賊四月雷不鳴君令不行臣專政五月雷不鳴大臣殛死五菓減半六月雷不鳴蝗蟲生冬民不安夏三月不聞雷五穀不成人多疾病春正月雷民不炊又曰為長為疫應在所發所往之方一曰正月大雷王者舉事不時秋雷大鳴五穀不實諺曰秋雷碌碌有稻無穀冬雷震驚萬物不成蟲不藏兵起一曰天冬雷地必震一曰冬雷民飢冬至日雷大兵盜賊橫行凡冬雷者陽氣不藏也各以雷鳴之日知何方亦曰各以其辰為方春不雨而有雷音在地中者其所往兵起春三月甲子己丑戊寅辛卯戊午之日有雷擊物其地有兵大雷大兵春夏甲子丙寅戊子之日有雷擊物有兵在外則大戰無兵則兵起夏

三月甲子己丑戊寅辛卯之日有疾雷大風有軍在外大戰
圍城城壞無兵兵起春己丑丁丑夏甲午壬戌己亥丁未冬
甲寅又曰春戊寅夏戊申冬戊子日不雨而有雷電其聲光
所及有死持流血秋庚午日雷其地兵起

千千支雷占

觀象玩占凡甲子日大雷不出其月兵起庚子日大雷不出
三十日有惡令亦為兵起戊子日雷電易土吏民戊子日雷
雨三日止其下大戰不雨而雷外兵必歸兵起必阻庚午日
大雷不出其月有兵八魁日有疾雷大戰八魁日者春己巳
丁丑夏壬戌秋己丑丁未冬戊寅也雷非時而發在子日君
側有讒臣盜起有水災有死喪哭泣事丑日將相不安兵出
外丑金庫而震動之兵必出也寅日兵起有妖言惑眾津梁
不通有讒臣後宮不安其所發所至之地人災卯日大臣災
萬物不成辰日兵起有水災己日蠻夷兵動其地有兵飢午
日其地有火災有死喪未日有大水庫藏有火其地有死喪
有兵疫申日兵起其地將動軍有憂酉日燕趙有兵戌日土
功興戌為樓臺又為火災有火災官舍遷動工役作倉粟出
亥日有水水寒殺物兵起亥為六陰之極故為水為寒亥位
在乾故為寒又為兵起也

霹靂占

開元占春秋繁露曰霹靂者金氣也其音商故應以霹靂說
文曰震霹靂振物也釋名曰霹靂折也所歷皆破折震戰也
所擊輒破若攻戰也天鏡占雷擊擊宮庭不出五年交兵流
血雷擊擊宗廟不出八年削地奪國

觀象玩占霹靂大風雨發屋折木小人在位賢人出走霹靂
擊宮殿潛潭潭已曰臣下有謀軍中有霹靂聲下士卒叛

霆電占

開元占河圖曰激陽為電元命包曰陰陽激為電京房曰凡
霆者金餘氣也金者內鏡而外冥

觀象玩占霆如交蛇光明而止者人君行明而直也霆正黃
而光澤人君行明也無雲而霆人君以暴罰也 電者陽精
之發也先電而雷隨之者正雷先鳴而後電者陰勝陽也電
色黃有電色赤白有大風電光晝夜燦地三日已上不止其
所發處兵起

田家五行夏秋之間夜晴而見遠電俗謂之熱閃在南主火
晴在北主便雨諺云南閃千年北閃眼前北閃俗謂之北辰
閃主雨立至諺云北辰三夜無雨大怪言必有大風雨也

雨占 電占附

易乾卦彖傳雲行雨施品物流行 說卦傳雨以潤之

書洪範休徵曰肅時雨若 咎徵曰狂恒雨若

詩小雅大田篇有渰萋萋興雨祁祁註渰雲興貌萋萋盛貌

祁祁徐也雲欲盛盛則多雨雨欲徐徐則入土

禮記月令孟春行夏令則雨水不時行秋令則蒸風暴雨總

至行冬令則水潦為敗 仲春之月始雨水 季春行夏令

時雨不降行秋令則天多沈陰淫雨蚤降 孟夏行秋令則

苦雨數來 仲秋行春令則秋雨不降 仲冬行秋令則天

時雨汁注雨汁者水雪襟下也

爾雅釋天甘雨時降萬物以嘉謂之醴泉 暴雨謂之凍小

雨謂之霖霖久雨謂之淫淫謂之霖濟謂之霽

開元占元命包曰陰陽和為雨釋名曰雨羽也如鳥羽動則

散稽覽圖曰降陰為雨降陰之雨潤而不破塊老子曰驟雨

不終日董仲舒曰太平之世雨不破塊潤菜津莖而已陰陽

二氣之初蒸也若有若無若實若虛團攢聚合其體稍重乘

虛而墜風多則合速故雨大而踈風少則合遲故雨細而密

觀象玩占雨者陰陽和而天地氣交之所為也太清之世十

日一雨雨不破塊京房曰太平之世一歲三十六雨是謂休

徵時若之應凡雨三日以上為霖久雨謂之霖

四時雨占

觀象玩占春甲寅乙卯日雨入地五寸穀小貴若不貴至夏

大貴春甲申至己丑日雨庚寅至癸巳日雨皆為穀大貴春

甲乙日俱不雨民不耕夏甲乙丙丁日俱無雨人不耕甲申

至己丑日雨麥貴夏甲申日雨米大貴夏丙寅丁卯日雨秋

穀貴一倍夏三月內辰日雨百蟲生未日雨蟲死夏甲子庚

辰辛巳日雨蟲死有雷亦然冬壬寅癸卯日雨春穀大貴甲

申至己丑日雨米大貴庚寅至癸巳日風雨米賤春雨甲子

六十日旱夏雨甲子四十日旱秋雨甲子四十日滂冬雨甲

子二十七日寒雪春雨甲申五穀熟夏雨甲申五禾大美秋

雨甲申六畜多死冬雨甲申人多病春雨乙卯夏雜貴夏雨

丁卯秋雜貴秋雨辛卯冬雜貴冬雨癸卯春雜貴黃帝占

春不欲雨乙卯夏不欲雨丁卯秋不欲雨辛卯冬不欲雨癸

卯以此四日占民安否若其日雨則疾疫起立春日雨傷五

禾立秋日雨害五穀凡雨作於四時旺相之日草木得之莫

不榮茂其死囚休廢之日雖有雨不能生物也

十二月雨占

觀象玩占正月一日有風雨三月穀貴一日正月一日風雨

其年惡微風小雨年小惡風悲鳴疾作災起又曰正月一日

風雨米貴蠶傷風雨從西方來兵起正月一日無風而雨歲

中下田麥成禾黍小貴正月晦日風雨糴貴 二月一日風
雨穀貴禾惡二月晦日風雨多疾病死亡 三月一日雨井
泉空二日雨澤無魚三日雨水旱不時四日雨變易治五日
雨溝瀆滂六日雨壞垣墻七日雨決隄防八日雨乘船行九
日雨難可期三月一日風雨民疾病百蟲生其日雷雨有旱
三月辰日雨百蟲生未日雨百蟲死三月三日小雨蠶善大
雨蠶惡三月十六日雨桑柘賤 四月一日風雨米貴麥惡
二日三日有雨其年五穀熟四日雨五穀貴五日六日雨宜
早麥四月晦日雨至五月朔大饑其年大水麥惡蝗生 五
月一日風雨米大貴人食草木一曰牛貴五月上辰日有雨
蝗蟲發一曰蟲隨雨下食禾已日雨同五月晦日風雨米貴
六月一日有風雨米貴六月晦日風雨來年春穀貴 七
月一日大風雨米貴人多病疽者一曰來春穀貴七月七日
大雨糴倍貴小雨糴大賤七月晦日風雨穀貴 八月一日
風雨穀貴其日陰雨宜冬布貴麻子大貴占至三日而止其
日時無雲麥不實八月九日有雨牛貴一倍八月晦日風雨
來年有水有旱 九月一日風雨來年春旱夏水九月晦日
有風雨有水歲惡 十月一日有風雨年內旱來年夏多水
麻子貴其歲惡一曰十月一日大雨米大貴小雨小貴十月
晦日風雨穀貴人多死 十一月一日風雨人多死十一月

晦日風雨春旱穀貴 十二月一日風雨來年春旱夏多雨
穀貴晦日風雨春旱

候雨

書洪範月之從星則以風雨

詩小雅漸漸之石篇有豕白蹄烝涉波矣月離於畢俾滂沱
矣註豕涉波月離畢將雨之驗也

論衡孔子出使子路齋雨具有頃天果大雨子路問其故孔
子曰昨暮月離於畢後日月復離畢孔子出子路請齋雨具

孔子不聽出果無雨子路問其故孔子曰昔日月離其陰故
雨昨暮月離其陽故不雨

開元占東方朔曰凡諸甲日無雲其旬不雨常以甲日平明
候雨東方有蒼黑雲甲乙日雨南方有赤雲丙丁日雨西方

有白雲庚辛日雨北方有黑雲壬癸日雨
觀象玩占凡先雷後雨其雨必小先雨後雷者雨必大也易

候凡候雨以朔晦望雲氣四塞者皆雨東風則當日雨黑
氣如牛羸者有暴雨黑氣如羣羊奔如飛鳥五日必雨黑雲

氣如浮船者雨蒼黑雲細如縹緲蔽日月五日內雨雲如雨
人提鼓持符有暴雨四望見青白雲名曰天塞之雲雨微也

尚書大傳五岳之雲觸石而出皆不崇朝而雨京房曰諸六
甲日有雲氣四合皆當日雨少雲少雨多雲多雨萬不失一

月離畢之陰則雨月離畢之陽無雨日旁有赤雲如冠珥不
有大風必有大雨東方朔占子日東風卯日雨丑日東風辰
日雨寅日東風巳日雨卯日東風午日雨辰日東風未日雨
巳日東風申日雨午日東風即日雨未日東風申日雨申日
東風子日雨酉日東風丑日雨戌日東風寅日雨亥日東風
辰日雨

回家五行論日日暈則雨諺云月暈主風日暈主雨日生耳
主晴雨諺云南耳晴北耳雨日生雙耳斷風截雨若是長而
下垂通地則又名白日暈主久雨日出早主雨出晏主晴老
農云此特言久陰之餘夜雨連旦正當天明之際雲忽一掃
而捲即日光出所以言早少刻必雨立驗言晏者日出之後
雲晏開也必晴亦甚準蓋日之出入自有定刻實無早晏也
愚謂但當云晴得早主雨晏開主晴不當言日出早晏也諺
云烏雲接日明朝不如今日又云日落雲沒不雨定寒論
月新月卜雨諺云月如桂弓少雨多風月如偃瓦不求自下
又新月下有黑雲橫截主來日雨諺云初三月下有橫雲初
四日裏雨領益月盡無雨則來月初必有風雨諺云廿五廿
六若無雨初三初四莫行船廿五日謂之交月雨主久陰
論星諺云一個星保夜晴此言雨後天陰但見一兩星此夜
必晴諺云明星照爛地來朝依舊雨言久雨正當黃昏卒然

雨住雲開便見滿天星斗則豈但明日有雨夜當亦未必晴
論風夏秋之交大風及有海沙雲起俗呼謂之風潮古人
名之曰颶風言其具四方之風故名颶風有此風必有霖淫
大雨同作又云東風急備蓑笠風急雲起愈急必雨諺云東
北風雨太公言良方風雨卒難得晴諺云行得春風有夏雨
言有夏雨應時可種田也非謂水必大也論雨諺云雨打
五更日曉水坑言五更忽有雨日中必晴甚驗晏雨不晴雨
著水面上有浮泡主卒未晴諺云一點雨似一個釘落到明
朝未得了諺云天下太平夜雨日晴言不妨農也諺云病人
怕肚脹雨落怕天亮亦言久雨正當昏黑忽自明亮則是雨
候也雨夾雪難得晴諺云夾雨夾雪無休無歇諺云快雨快
晴道德經云飄風不終朝驟雨不終日論雲占晴雨諺云
雲行東雨無蹤車馬通雲行西馬渡泥水沒犁雲行南雨潺
潺水漲潭雲行北雨便足好晚穀上風雖開下風不散主雨
諺云上風皇下風隘無蓑衣莫出外諺云西南陣單過也落
三寸言雲起自西南者雨必多尋常陰天西南陣上亦必雨
又云千歲老人不曾見東南陣頭雨沒子田言雲起自東南
來者絕無雨凡雨陣自西北起者必雲黑如潑墨又必起作
眉梁陣主先大風而後雨終易晴天河中有黑雲生謂之河
作堰又謂之黑豬渡河黑雲對起一路相接亘天謂之女作

橋雨下濶則又謂之合羅陣皆主大雨立至少頃必作滿天陣名通界雨言廣闊普徧也諺云西北赤好曬麥陰天下晴諺云朝要頭項穿暮要四脚懸又云朝看東南暮看西北諺云魚鱗天不雨也風顛此言細細如魚鱗斑者一云老鯉斑雲障曬殺老和尚此言滿天雲大片如鱗者故云老鯉往往試驗各有準秋天雲陰若無風則無雨冬天近晚忽有老鯉斑雲起漸合成濃陰者必無雨名曰護霜天 論霞諺云朝霞暮霞無水煎茶主旱此言久晴之霞也諺云朝霞不出市暮霞走千里此皆言雨後乍晴之霞暮霞若有火焰形而乾紅者非但主晴必有久旱之兆朝霞雨後乍有定雨無疑乾紅主晴間有褐色主雨如滿天皆霞即退主晴不退主雨若霞帶褐色西方又有濃陰以應之雨當立至 論虹諺云東螢晴西螢雨又云對日螢不到晝言西螢也主雨 論雷諺云未雨先雷船去步回主無雨又云當頭雷無雨卯前雷有雨凡雷聲響烈者雨陣雖大而易過雷聲殷殷然響者卒不晴雪中有雷主陰雨百日方晴東州人曰一夜起雷三日雨言雷自夜起必連陰 論電夏秋之間夜晴而見遠電俗謂之熱閃在南主久晴在北主便雨諺云南閃千年北閃眼前北閃俗謂之北辰閃主雨立至 論甲子諺云春雨甲子乘船入市夏雨甲子赤地千里秋雨甲子禾頭生耳冬雨甲子

飛雪千里一說甲子春雨主夏旱六十日夏雨主秋旱四十日此說蓋取其久陰之後必有久晴諺云半年雨落半年晴甲子過雙日是雌甲子雖雨不妨諺云雨打六壬頭低田使罷休一云更須看甲寅日若晴初得道不妨諺云壬子是哥哥爭奈甲寅何若得連晴為上不然二日內亦當以壬子為主一說壬子雨丁丑晴則陰晴相半二日俱晴六十日內少雨二日俱雨主六十日內雨多諺云甲申猶自可乙酉怕殺我言申日雨尚庶幾酉上雨主久雨諺云久雨久晴多者換甲又云甲午旬中無燥土又云甲日雨乙日晴乙日雨直到庚又云久晴逢戊雨久雨望庚晴又云逢庚須變遇戊須晴又云久雨不晴且看丙丁又云上火不落下火滴洒言丙丁日也 論山遠山之色清明爽主晴嵐氣昏暗主作雨尋常不曾出雲小山忽然雲起主大雨 論水水際生靛青主有風雨諺云水面生青靛天公又作變水氣腥主雨水驟至 論飛禽鴉浴風鴉浴雨八八兒洗浴斷風雨鳩鳴有還聲者為呼婦主晴無還聲者為逐婦主雨 論龍龍下便雨主晴凡是黑龍下主無雨縱有亦不多白龍下雨必到水鄉 論鶴神已酉日下地東北方乙卯轉正東庚申轉東南丙寅轉正南辛未轉西南丁丑轉正西壬午轉西北戊子轉正北癸巳上天在天上之北戊戌轉天上之南甲辰轉天上之東

已酉復下周而復始上天下地之日晴主久晴雨主久雨轉方稍輕若大旱雖轉方天並不作變諺云荒年無六親旱年無鶴神

楊慎古今諺云戊午己未甲子齊使將七日定天機七日有雨而月泥七日無雨兩月灰又曰甲寅乙卯晴四十五日放光明甲寅乙卯雨四十五日看泥水

候雨止

觀象玩占東方朔占甲子日雨丙寅止乙丑雨丁卯止丙寅雨即日止丁卯雨夕止戊辰雨夜半止己巳雨立止庚午日雨辛未止辛未日雨戊寅止壬寅日雨即日止癸酉日雨甲戌止甲戌日雨即時止乙亥日雨即日止丙子日雨卒止丁丑日雨夕止戊寅日雨即時止己卯日雨立止庚辰日雨即時辛巳日雨癸未止壬午日雨即日止癸未日雨甲申止甲申日雨即日止乙酉日雨丙戌止丙戌日雨夕止丁亥日雨即時止戊子日雨庚寅止己丑日雨壬辰止庚寅日雨即時止辛卯日雨當日止壬辰日雨辛丑止癸丑己日雨夕止甲午日雨即時止乙未日雨丁酉止丙申日雨夕止丁酉日雨己亥止戊戌日雨辛丑止己亥日雨即時止庚子日雨壬辰止辛丑日雨壬寅止壬寅日雨即時止癸卯日雨即時止甲辰日雨即時止乙巳日雨丙午止丙午日雨即時止丁未日雨

即時止戊申日雨庚戌止己酉日雨辛亥止庚戌日雨即時止辛亥日雨癸丑止壬子日雨癸丑止癸丑日雨即時止甲寅日雨即時止乙卯日雨丙辰止丙辰日雨丁巳止丁巳日雨即時止戊午日雨即時止己未日雨即時止庚申日雨甲子止辛酉日雨即時止壬戌日雨即時止癸亥日雨即時止甲子日雨立止不止寅日止丑日雨寅日止不止至卯日止寅日雨立止不止卯止卯日雨立止不止己止辰日雨立止不止戌止己日雨未止不止申止午日雨立止不止至十日陰未日雨申止不止戌止申日雨夕止見日不見日久陰酉日雨立止不止久陰戌日雨立止不止久陰亥日雨立止不止久陰此其大概也

雨雜占

觀象玩占天無雲而雨謂之天泣其占為國易政若出軍逢之其軍必不還抱朴子無雲而雨是謂雨血雨大軍中尤甚者將軍敗死正五九月殺在丑二六月殺在戌三十七一月殺在未四八十二月殺在辰以此日雨雨所建賊犯之期六十日戊午日雨霖三日止其下大戰乙卯日雨旱有兵起東方丁卯雨旱有兵起南方己卯雨旱有兵起中央辛卯雨旱有兵起西方癸卯雨旱有兵起北方天鏡占天雨三日以上不絕陰謀興凡先風後雨為順先雨後風為逆凡先

雷後雨其雨必小先雨後雷者雨必大也

電占

禮記月令仲夏行冬令則電凍傷穀

大戴禮曾子天圓陽之專氣為電陰之專氣為霤霤電者一氣之所化也

左傳季武子問於申豐曰電可禦乎對曰聖人在上則無電雖有不為災

開元占考異部曰陰氣專精凝合生電電之言合也天鏡曰夏雨電民飢

觀象玩占凡雨電所起必有愁怨不平之事在國都則咎在君相在外則其方之長吏當之感精符曰臣擅法則天雨電京房曰電下毀瓦破車殺馬者小人為政作威福也電下剝木枝害五穀者酷政也電下如積水者臣將為逆也電下而大風者罰過度也冬雨電臣逆命一曰大臣殃 兩軍相持而天雨電者視風雨之所發順者勝師行而遇雨電天不順也不避必敗

欽定天文正義卷五十九

雪占 霽占附

雪占 霰占附

詩小雅信南山篇上天同雲雨雪雰雰蓋之以霖霖既優既渥既霑既足生我百穀註同雲雲一色也將雪之候如此雰雰雪貌霖霖小雨貌優渥霑足皆饒洽之意也冬有積雪春而益之以小雨潤澤則饒洽矣

大戴禮天地積陰溫則為雨寒則為雪蓋因空中風結而成雨為氣之和雪為陰之盛盈尺順時益於萬物則為瑞及丈逆令損於萬物則為災草木之花皆五出雪花六出朱子謂地六生水之義陰之成數也立春後雪則五出冬屬陰春屬陽陽陽奇陰耦天地自然之氣也

開元占元命包曰陰陽凝為雪記勝書曰雪者五穀之積曾子曰陰氣勝則凝為雪董仲舒曰太平之世雪不封條陵殍毒害而已天鏡曰秋雨雪百姓多死草木零落天下大畏雪下厚三尺以上大兵方起

觀象玩占雪本雨也寒甚而空中風結之以成雪或過多或非時則為災冬雪盈尺來年大豐八節占曰冬有積雪歲美人和穆天子傳冬雪盈尺年豐之候春雪不消天鏡占曰天下飢乙巳占正月雪三日內消或至地即化者歲成人安七日不消大臣下獄秋穀不成亦為臣有不奉主命者二月雪七日不消百果不實臣專政大臣死牛馬傷夏秋民不安三

月雪經日不消秋禾不成米貴三倍大臣憂夏雨雪有喪大兵起秋雨雪有喪民多死兵起大飢冬三月無雪來年麥惡五穀不成蟲生人疫凡非時雨雪皆為刑罰慘酷姦邪得志兵旱將興之徵
田家五行下雪而不消名曰等伴主再有雪久經日照而不消亦是來年多水之兆也

霰占

詩小雅頌弁篇如彼雨雪先集維霰註霰雪之始凝者也將大雨雪必先微溫雪自上下過溫氣而博謂之霰久而寒勝則大雪矣

爾雅雨霓為霄雪形曷疏霓水雪雜下也因名霄雪霄即消也

開元占說文曰霰稜雪也從雨散聲釋名曰霰星也水雪相搏如星而霰曾子曰陰之專氣為霰

欽定天文正義卷六十

霧占 蒙靈占附

露占

霜占

水占

霧占 蒙靈占附

禮記月令仲冬行夏令氣霧冥冥鄭註霜降之氣散相亂也
爾雅地氣發天不應曰霧霧謂之晦

史記天官書若霧非霧交冠而不濡見則其域披甲而趨

隋書天文志霧氣若晝若夜其色青黃更相掩冒乍合乍散

臣謀君逆者喪山中冬霧十日不解者欲崩之候 霧者衆

邪之氣陰來冒陽 凡白虹霧姦臣謀君擅權立威晝霧夜

明臣志得申夜霧晝明臣志不申霧終日終時君有憂色黃

小雨白言兵喪青言疾黑有暴水赤有兵喪黃言土功或有

大風 凡夜霧白虹見臣有憂晝霧白虹見君有憂 凡霧

氣不順四時逆相交錯微風小雨為陰陽氣亂之象從寅至

辰已上周而復始為逆者不成積日不解晝夜昏暗天下欲

分離 凡霧四合有虹各見其方隨四時色吉非時色凶

凡霧氣四方俱起百步不見人名曰晝昏不有破國必有滅

門

開元占元命包曰陰陽亂為霧莊子曰騰水上溢故為霧董

仲舒曰太平之世霧不塞壘京房易候曰甲乙有霧疾疫丙

丁有霧旱戊己有霧隣國有城拔無軍有土功事庚辛有霧

兵壬癸有霧為水河圖曰山冬大霧十以上不除者山崩

之候也山水脉也連斗樞曰四濁霧下天下冤天鏡曰天雨

霧如黃土百姓勞苦奔亡不安名曰黃霧兵書曰白霧四面圍城必有兵到城下不出其日抱朴子曰白霧四面圍城不出百日大兵至城下甘氏曰霧秋以庚申辛酉日氣色白東行為利客先舉兵者勝後舉兵者敗巫咸曰霧夏以丙丁巳午日赤黃氣西行為利客主人凶海中占曰霧冬以壬癸亥子日氣青黑色南行與軍動眾

觀象玩占春秋元命包曰陰陽氣亂而為霧霧者百邪之氣本於地而應於天是謂陰來冒陽其占為臣蔽主明小人擅權不利於上凡陰晦不見日月星昏氣襲人慘慘悽悽者兵亂之氣也故曰若霧非霧衣冠不濡見則其邑被甲而趨凡霧從夜半至日中不開遂上為蒙者臣行姦政於民而君不悟也氣從夜半至日中不解遂合為霧者君行邪政於民而臣不諫也過日中似雨者臣強不避君也霧終日終時其國君有憂凡霧連五日不雨不風其地有亂兵起日出而霧連五六日以上期六十日兵起日中霧起至昏不止其地易主者曰時日出即有霧其地大擾凡霧從四方來合於中央即為兵起霧下色如黃土名曰黃霧天鏡曰天雨黃霧百姓奔亡又曰黃霧四塞國亂兵起京房曰黃霧四塞天下蔽賢絕道其災絕世兵書曰白霧四面圍城必有兵至城下不出其日無兵不出百日兵起又曰白霧四面圍城霧不入城城不

可攻霧入城則其城必亡春三月清旦霧起再沉過三見命曰三帝謀兵不出六十日兵起夏三月卯時霧起再沉至三不出二百日兵起秋三月暴風甚雨朝夕見至三不出一年兵起冬三月疾風暴雨狀如大雪至三日不出百日兵起春乙卯日霧兵起東方夏丁卯日霧兵起南方秋辛卯日霧兵起西方冬癸卯日霧兵起北方凡霧氣四合有虹見隨四時色無傷有所克則凶京房易候曰甲乙日霧人疾疫丙丁日霧有旱戊己日霧土功興軍在外則有拔城庚辛日戊霧有兵壬癸日霧有水甘氏曰春甲乙寅卯日霧氣色青出東行向季者客勝夏丙丁巳午日霧氣色赤出西行為利客主人凶四季戊己辰戌丑未日霧氣色黃出北方利客主人內亂秋庚辛申酉日霧氣色白出東行利客先舉兵者勝後舉者敗無軍在外為興兵冬壬癸亥子日霧氣色黑出南行利客主人受其害凡子日皆有霧馬馳人走四時同然亥日有大霧從子卯上來賊至邊城急防之戊午日戊霧起累日不解兵起若有兵在外為有攻戰十月壬癸日有赤霧其地有兵冬三月庚辛日霧不出三年兵草滿野四時受商之日夜半大霧至日中者兵大起近期七日若三日內有雨即解八魁日陰霧兵大起春見秋發夏見冬發秋見春發冬見夏發霧在其軍中則其邦君死將軍罷八魁日見陰陽書凡風霧晦

冥不辨晝夜陰為陽臣制君兩軍相當有霧即日有微雨者
客勝霧而不雨者主人勝霧已除而氣彌天者賊多晴明賊
少亦霧如塵沾衣冠亂兵起

管窺輯要銀山常出白霧夏夕霧一至再三不出二百日兵
起戊己日霧三日不止者其下必有大戰商日霧者金日也
霧起夜半而大霧及日中兵大起人聚為賊近期七十日若
三日有雨災解霧從外入城有賊攻城霧從內出有兵逃出
于年有大霧有大水春爾穀麥傷凡雨而江湖上忽有霧復
暗其水不見波濤高下以霧為準霧高五尺水汎五尺霧高
一丈或至三丈五丈霧至處水汎至也

蒙占

爾雅天氣下地不應曰蒙邪昂疏郭云言蒙昧洪範云曰蒙
鄭註云蒙聲近蒙詩零雨其蒙則蒙是天氣下降地氣不應
蒙闇也

隋書天文志凡連陰十日晝不見日夜不見月亂風四起欲
雨而無雨名曰蒙臣謀君故曰久陰不雨臣謀主

開元占釋名曰濛日不明濛蒙然也春秋潛潭巴曰大濛
三十日羣猶起抱朴子曰若濛氣圍城或入於城則兵外得
入若濛氣從內出主人出戰孔演圖曰猶待期則赤濛沾冠
觀象玩占蒙者濛濛日不明也又曰在天為蒙在地為霧日

月不見為蒙前後人不相見為霧蒙霧交錯陰邪干正凡大
蒙連三日羣猶起

霾占

詩邶風終風篇終風且霾

爾雅風而雨土為霾

隋書天文志凡天地四方昏濛若下塵十日五日以上或一
日或一時雨不需衣而土名曰霾故曰天地霾君臣乖大旱

露占

禮記月令孟秋之月白露降 季冬行秋令則白露蚤降
 鶡冠子聖德上及太清下及太寧中及萬林則膏露下
 瑞應圖甘露者神露之精也王者和風茂則降於草木食之
 令人壽露色濃甘者謂之甘露王者施德惠則甘露降於草
 木甘露者美露也神靈之精仁瑞之澤其凝如脂其甘如飴
 一名膏露一名天酒王者德至於天和氣感則甘露降於松
 栢
 宋書符瑞志栢受甘露王者耆老見欲則見 竹蓐受甘露
 王者尊賢愛老不失細微則見
 開元占元命包曰陰陽散為露曾子曰陽勝則散為露蔡氏
 月令曰露者陰液也暉為露論衡曰露秋氣所生也五經通
 義曰和氣津凝為露從地出
 觀象玩占露不降者天氣不下施也君不恤民之應其占為
 旱亦為其地有火災

霜占

易坤卦初六履霜堅冰至象曰履霜堅冰陰始殺也馴致其
 道至堅冰也
 詩小雅正月篇正月繁霜註正月夏之四月繁多也言霜降
 失節不以其時也
 禮記月令孟春行冬令霜降大執 季秋之月霜始降 孟
 冬行秋令則雪霜不時
 開元占考異却曰霜者陰精冬令也四時相代以霜殺殺霜
 之為言止也物以終也天鏡曰霜非時而殺草是時而不殺
 並為蟲蝗是謂大饑
 觀象玩占天氣下降而為露清風薄之而成霜霜所以肅萬
 物消殺冷當降而不降與當殺物而不殺物者政弛而慢不
 當降而降與不當殺物而殺者政急而殘故隕霜不殺草與
 隕霜殺草春秋皆書以記異在國都則戒在君相在外則戒
 在守土之官京房曰誅殺無辜則非時隕霜霜所以成萬物
 刑罰所以誅不仁刑罰妄行誅殺不當則天應之以隕霜於
 春於夏臣依公結私誅殺無罪則霜下在土依公結私以緩
 有罪則霜附木殺罰不由上則霜見風而飛此皆刑罰不法
 之所致也霜未見日而消以善怒行刑罰也霜見日而不消
 執法堅不可犯也天陰不見星而霜臣擅誅罰也一日晝夜

不明而隕霜君欲行刑有疑於心而徑行之也隕霜殺五穀
殺刑罰慘酷也隕霜不殺草域不行也天鏡占霜不殺物來
年蟲殺害五穀大饑霜止樹頭而不下地者不請決罪而上
不下也霜在草根土隙而不著木葉高處者刑罰專施於下
賤而無所伸也霜無芒者行刑罰而哀其人也霜芒向下專
以法絕下霜芒旁指以旁言刑殺人也霜下翩翩其狀如雪
者知其所信任為邪而不以為意也春霜人病京房曰春霜
殺草木是謂陰隆君弱臣強下不事上夏霜君死國亡正月
霜下着物見日不消小人在位君子在野百物不實牛馬多
疫死者樹凍損木枝讒言傷賢臣冬三月無霜蟲不蟄來年
蝗蟲螟蟻傷害五穀萬物不成人災疾地鏡曰視古屋無人
居者其瓦上獨無霜則下有寶藏軍中霜成芒角遍於旗幟
之上師不可動天霜晝下刑罰妄行霜下有聲外兵來伐
管窺輯要霜者季秋始降陽氣育物陰氣殺伐霜者天地之
刑殺也

冰占

禮記月令孟冬之月水始冰 仲冬之月冰益壯 季冬之
月冰方盛水澤腹堅行夏令冰凍消釋
開元占地鏡曰水以春冰有兵其歲不成水夏冰兵將起大
饑民流秋冰下臣憂大兵起又曰水三月至八月忽有冰者
大兵喪又曰水冬不冰饑兵
觀象玩占冰者太陰之精至柔而為剛陰極而生陽也當冰
而不冰者政失之舒也未當冰而冰與當釋而不釋者政失
之急也故春秋書無冰皆為國君失政權移於下之應京房
曰夏水冰其國君疾病五穀不成有大兵水冬不冰有疾疫
春冰下大臣死民疫秋禾不成秋冰下人憂兵起

欽定天文正義卷六十一

天占考

天占考

漢孝惠帝二年天開東北廣十餘丈長二十餘丈天裂陽不足
下強賊將害上之變也其後有呂氏之禍

晉惠帝元康二年二月天西南大裂天裂陽不足

泰安二年八月庚午天中裂為二有聲如雷者三君道虧而

臣下專僭之象也是日長沙王奉帝出拒成都河間二王後

成都河間東海又迭專威命是其應也

元帝太興二年八月戊戌天鳴東南有聲如風水相薄京房易

妖占曰天有聲人主憂 三年十月壬辰天又鳴甲午止其

後王敦入石頭王師敗績

穆帝升平五年八月己卯天中裂廣三四丈有聲如雷野雉皆

鳴是後哀帝荒疾海西失德皇太后臨朝太宗總萬機桓溫

專權威震內外陰氣勝陽氣微

安帝隆安五年閏月癸丑天東南鳴 六年九月戊子天東南

鳴 義熙元年八月天鳴在東南京房易傳曰萬姓勞厥妖

天鳴是時安帝雖反政而兵革歲動衆庶勤勞也

梁武帝天監十三年二月庚辰朔震於西南天如裂中大同元

年六月辛巳竟天有聲如風水相薄太清二年六月天裂於

西北長十丈濶二丈光出如電其聲若雷十二月戊申天西

北裂有光如火

陳宣帝太建十三年九月天未夜天東南有聲如風水相激三夜乃止十四年八月癸未天有聲如風水相激九月辛亥夜天東北有聲如蟲飛漸移西北

後王至德元年九月丁巳天東南有聲如蟲飛十二月戊午夜天開自西北至東南其內有青黃雜色隆隆若雷聲

隋文帝開皇二十年四月乙亥天有聲如瀉水自南而北

唐明皇天寶十四載五月天鳴聲若雷占曰人君有憂

德宗貞元二十一年八月天鳴在西北

憲宗元和十二年正月乙酉星見而雨占曰無雲而雨是謂天

泣

僖宗中和三年三月浙西天鳴若轉磨無雲而雨

宋神宗熙寧元年七月戊子丑之五刻西南雲間有聲鳴如風

水相激寢周四方主民勞兵革連歲動六年七月丙寅丑

之四刻西北方雲間有聲如磨物主百姓勞七年七月庚

子丑之三刻西北天鳴主驚憂之事

寧宗開禧元年六月壬寅天鳴有聲占人主憂驚百姓勞失

端宗景炎二年八月己巳夜天色赤

金章宗泰和三年十月甲辰申酉間天大赤夜將旦亦如之

衛紹王大安三年十月每夜初更正東西北天明如月初出經

月乃滅

宣宗興定四年正月戊辰二更天鳴有聲

元文宗至順三年八月己巳天鼓鳴於東北

順帝至正七年冬衛輝路天鼓鳴十三年十二月庚戌懷慶

路河內縣及河南府天鼓鳴於西北十四年衛輝路有天

光見於西方二十四年九月癸酉夜天西北有紅光至東

而散二十七年正月乙未絳州夜聞天鼓鳴將旦復鳴其

聲如空中戰鬪者

明太祖洪武元年八月甲戌夜京師天鳴如河傾海注三年

八月庚辰四年八月乙酉俱天鳴十五年二月甲戌天鼓

鳴二十一年八月丁巳天鳴壬戌至甲子天鼓鳴晝夜不

止二十五年九月乙酉夜二十七年三月甲寅八月戊子

夜俱天鳴二十八年三月戊午昏刻天鳴如風水相搏至

一鼓止六月癸亥朔夜天鳴九月戊戌初鼓天鳴如瀉水自

東北而南至二鼓止二十九年四月戊子朔東北方天鳴

宣宗宣德元年七月癸丑昏刻東南天鳴如風水相搏乙卯夜

東南天鳴如瀉水八月癸亥昏刻復鳴如之甲子天鳴如風

水相搏乙丑昏刻復如之丁卯昏刻東南天鳴戊辰昏刻復

鳴如雨陣送至自東南而西南良久乃息辛未東南復鳴聲

如萬鼓癸酉復鳴如風水相搏己卯復鳴如之九月丁酉宵

刻正東天鳴亦如之

英宗正統六年正月丁未夜天鼓鳴 七年十月丙辰夜四鼓

天鳴有聲如風水相搏自東南至西南漸息十一月丁巳朔

五鼓西南天鳴亦如之戊午夜西北天鳴有聲如瀉水己未

夜東南天鳴如之 十年三月庚寅西北天鳴如鳥羣飛

十二年九月甲午東南天鳴有聲 十四年八月丁卯東南

天鳴有聲如瀉水壬申夜西南天鳴癸酉夜東方天鳴並如

之九月壬午夜天鳴聲如瀉水息而復鳴

景帝景泰元年七月庚申夜天鳴如瀉水 二年正月庚申六

月癸酉天鳴如之

英宗天順四年八月庚午夜西方天鳴如瀉水 七年五月丙

申天鳴亦如之

憲宗成化六年二月丙戌河南魯山縣天鼓鳴四月壬戌如之

十二年十二月辛卯山西臨汾縣天鼓鳴聲如砲 十三

年四月戊戌甘肅天鼓鳴 十四年六月辛亥臨晉天鳴墮

石縣東南三十里入地三尺大如升色黑 十九年二月甲

申昏刻河南永寧縣有火光化為白氣已而天鳴如雷聲震

杯谷禽獸飛走人民驚懼 二十三年四月乙酉山西代州

天鳴三次聲如雷五月乙卯天再鳴聲如砲

孝宗洪治四年十一月甲戌真定西南天鳴如鼓又若奔車

七年十二月丁巳肅州天鼓鳴 八年二月陝西天門開人

馬百萬自下而上辛酉肅州天鼓鳴乙亥復鳴四月甲戌山

西太平縣十二月乙丑靖虜衛十一年七月癸卯肅州俱天

鼓鳴是月癸丑南京天鳴八月壬申台州天鼓鳴 十三年

四月乙巳太原十四年正月壬申遼東八月乙亥大名十七

年十二月丁巳朔登州俱天鼓鳴 十八年十一月庚子遼

東天鼓鳴起西南正西北

武宗正德元年二月壬子夜東北天鳴如風水相搏者五七次

十月癸丑掖縣天鼓鳴萊州府天鼓鳴聲如雷戊午碓山縣

天鼓鳴 二年二月乙酉萊州府天鼓鳴 三年正月丁未

陝西涇陽縣天鼓鳴五月乙卯秦州禮縣天鼓鳴如雷 四

年四月癸酉肅州衛兩山口營天鼓鳴八月丙戌夜山東益

都臨淄樂安等縣天鼓鳴自西北往東南聲如雷 五年五

月己卯遼東廣寧天鼓鳴次日復鳴 六年正月乙亥臨洮

府天鼓鳴七月戊辰遼東錦義二城七年正月己酉山東掖

縣招遠縣十月甲子遼東廣寧等衛十一月癸酉夜湖廣常

德府八年四月丙辰甘肅山丹衛俱天鼓鳴 九年二月丁

巳甘肅莊浪衛天鼓鳴五月己卯濟南濱州天鼓鳴墮石六

月甲辰鳳陽府天鼓鳴 十年三月辛酉遼東廣寧衛四月

甲寅山東魚臺縣十一年十一月己卯萬全都司十二年二

月癸亥陝西浪衛閏十二月壬申朔山東曹州十三年正月

丙午湖廣竹谿縣己未四川鄰水縣二月癸酉蒲河中左所
十一月戊申遼東及海州蓋州二衛十五年四月丙戌鞏昌
十一月庚午崇明俱天鼓鳴 十六年五月癸酉遼東天鼓
鳴者三六月戊子貴州思州府天鼓鳴良以方息

世宗嘉靖二年八月乙巳遼東廣寧衛天鼓鳴 三年正月丙

子洛陽節師新安等縣天鼓鳴 五年十月乙丑夜澄邁天
鼓鳴自北至於西南 十一年五月壬子郟城天鼓鳴如雷

火光落地十二年五月山西祁縣亦如之九月甘肅鎮夷千
戶所天鼓鳴聲如雷 十三年五月辛巳大同府朔應二州

十四年七月丁亥交城俱天鼓鳴九月戊子開封白晝天鼓

鳴 十九年五月辛丑棗強午時天鼓鳴 二十年六月癸

未大同天鼓鳴 二十一年正月壬午朔紹興天裂有光如

電五月辛巳朔甘肅十一月甲寅交城二十二年十月己卯

甘肅二十五年八月庚寅甘肅俱天鼓鳴 二十七年六月

惠州天鼓鳴七月又鳴 二十八年六月己亥朔惠州天方

暝有聲自東方如鼓火光燭地須臾而滅七月甲戌復有聲

於東北 三十五年四月辛丑甘肅天鼓鳴八月辛亥肅州

衛三十八年八月丁巳陝西山丹衛四十年六月壬申蘭州

莊浪四十一年正月庚子真定俱天鼓鳴

穆宗隆慶元年十二月甘肅天鼓鳴從西南起往東北止 二

年三月新城天鼓鳴者三懷慶府亦如之甲寅西寧衛天鼓
鳴八月甲辰絳州西北天裂自丑至寅乃合十一月丁未太
原府天鼓鳴 三年十二月庚子天鼓鳴 四年十一月丁
卯遼東天鼓鳴 五年十月丁未鞏昌天鼓鳴者三十一月
庚午京師天鼓鳴十二月杭州天鼓鳴者三二

神宗萬曆三年五月癸亥景州白晝天鼓鳴者三 五年十月

乙巳天鼓大鳴陰雲慘黯者移時 十三年四月壬子萬全

都司天鼓鳴如雷七月辛巳沈邱天鼓鳴 十五年三月戊

午平涼九月甲午涼州俱天鼓鳴 十六年九月乙丑岢嵐

天鼓鳴三日甘肅石灰溝天鳴雲中如犬狀亂吠有聲 十

七年正月癸亥萬全都司天鼓鳴六月辛巳石峽水泉堡天

鼓鳴聲如雷九月戊午萬載縣天鼓鳴有黑烟騰起墮石

十八年四月壬申朔陝西固原州天鼓鳴丙申宣府天鼓鳴

五月甲辰復鳴 十九年四月辛酉遵化縣天鼓鳴如砲五

月己丑甘肅鎮城天鼓鳴六月壬寅陽和城甲寅左雲衛十

月己未易州俱天鼓鳴十一月癸酉猗氏縣天鼓鳴白氣凝

聚丁丑甘肅山丹洪水等處天鼓鳴 二十一年四月己丑

館陶縣十月戊戌陝西二十二年四月壬子館陶縣戊午鎮

夷所俱天鼓鳴六月丙辰臨汾襄陵翼城同時天鼓鳴肅州

衛天鼓鳴乙丑西寧天鼓鳴九月辛巳又鳴三日 二十五

年正月二十日夜萬全都司天鼓鳴八月甲申松山二十七年二月壬子河南四月丙辰廣寧俱天鼓鳴 三十二年十月戊辰四川華陽縣天鼓大鳴似雷非雷 三十三年十一月秦州天鳴累日聲如怒濤鎮江至宜興天鳴如秦州 三十四年八月癸丑秦州天鼓連鳴六日 三十五年十月庚申朔西安天鼓三鳴戊辰咸寧長安二縣天鳴癸亥揚州等處天鳴 三十六年三月庚寅寧夏天鼓鳴八月戊寅昏刻南京西南天鳴聲如瀉水已卯南京東南天鳴隆隆有聲庚辰南京西南天再鳴聲如瀉水 三十七年五月辛丑金州天鼓鳴九月庚辰留都天西南有聲累日 三十九年三月壬子天鼓鳴七月丙寅遼東天鳴 四十年六月丁丑蒲州天有聲如雷 四十一年七月癸酉寧夏鎮十一月己卯定襄縣四十四年正月丁丑揚州及紫荆關戊戌陝西洮州俱天鼓鳴 四十五年八月宣府天鳴 四十六年江北天鳴又祖陵天鳴地震 四十七年二月二十日京畿天盡赤有光射人如血

熹宗天啓二年七月丙辰山西清源縣天鼓鳴 三年三月乙巳薊鎮天鼓鳴 五年正月常州天鼓鳴六七月及六年正月七年正月並如之

愍帝崇禎元年三月辛巳昧爽天赤如血射窗牖皆紅已時漸

黃日始出 九年四月辛卯當塗天鼓鳴自西南向東北去

十年三月陝西天鼓鳴九月每晨夕天色赤黃 十二年

二月朔保寧天鼓鳴十七日易州白石口南城有聲自北至

南次日從東北起至西南如雷又似桴鼓聲 十四年二月

偏頭關天鼓鳴

天雨異物考

春秋文公三年秋雨蝨于宋公羊傳雨蝨者何陸而死也穀梁

傳著於上見於下謂之雨

顯王三年雨金於櫟陽

赧王三十一年齊千乘博昌之間方數百里雨血沾衣時燕昭

王伐齊齊湣王出奔為楚將淖齒所弑

漢惠帝二年天雨血於宜陽一頃所

元帝永光二年天雨草

成帝鴻嘉四年秋雨魚於信都長五寸以下

哀帝建平四年四月山陽湖陵雨血廣三尺長五尺大者如錢

小者如麻子

平帝元始元年正月天雨草

後漢桓帝建和三年秋七月北地廉雨肉似羊肋或大如手

晉武帝泰始八年五月蜀地雨白毛此白祥也時益州刺史皇

甫吳伐汶山湖從事何旻固諫不從牙門張弘等因眾之怨

一五二〇〇〇 續修四庫全書 卷 4 天文

誣晏謀逆害之京房易傳曰前樂後憂厥妖天雨羽又曰邪人進賢人逃天雨毛其易妖曰天雨羽毛青人出走

惠帝永康元年尉氏雨血夫政刑舒緩則有常燠赤祥之妖
愍帝建興元年河東地震雨肉

劉聰偽建元元年雨血於東宮延明殿徹瓦在地者深五寸又

雨血平陽廣袤十里平陽地震其崇明觀陷為池水赤如血

赤氣至天有赤龍奮迅而去流星起於牽牛入紫微龍形委

蛇其光照地落於平陽北十里視之則肉臭聞於平陽長三

十步廣二十七步肉旁常有哭聲晝夜不止

梁武帝大同元年天雨土 二年天雨灰其色黃

簡文帝大寶元年天雨黃沙

後齊武成河清二年太原雨血

後周宣帝大象二年正月天雨黃土

隋文帝開皇二年京師雨土 六年七月京師雨毛如髮尾長

者三尺餘短者六七寸京房易飛候曰天雨毛其國大饑時

關中旱米粟踴貴 十二年空中有物闢而墜如羝羊

唐高祖武德初突厥雨血三日

太宗貞觀七年三月雨土

高宗永徽三年三月雨土

武后垂拱三年廣州雨金 四年雨桂于於台州旬餘乃止

占曰天雨草木人多死

中宗神龍二年越州雨毛 景龍元年六月十二月雨土

明皇天寶十三年二月雨土

代宗大歷七年十二月雨土

德宗貞元二年四月雨土 四年雨木於陳留十里許大如指

長寸餘中空所下立如植是歲大雨有物墜地如猪 八年

二月雨土 二十一年正月甲戌雨赤雪於京師

文宗開成元年七月雨土

懿宗咸通十四年三月雨土

僖宗乾符二年洛陽因暴雨有物墜地如羝羊 中和二年五

月雨土 光啓二年揚州雨魚

昭宗天復三年二月天祐元年閏四月俱雨土

宋太宗淳化三年正月京師雨土

神宗熙寧元年三月丁酉潭州雨毛 八年五月丁丑雨黃土

兼細毛 元豐三年六月乙未饒州長山雨木子數畝類山

芋子味香而辛土人以為桂子又曰菩提子明道中嘗有之

是歲大稔 五年三月己巳六年四月辛未俱雨土

哲宗元祐七年正月天雨塵土主民勞苦

徽宗宣和元年三月雨土

高宗紹興二十六年七月雨水銀

欽定天文正義卷六十二

地占考

地占考
地震

周幽王二年周三川皆震劉向以為金木水火沴土者也伯陽甫曰周將亡矣天地之氣不過其序若過其序民之亂也陽伏而不能出陰迫而不能升於是有地震今三川實震是陽失其所而填陰也陽失而在陰原必塞原塞國必亡夫水土演而民用也土無所演而民乏財用不亡何待昔伊雒竭而夏亡河竭而商亡今周德如二代之季其原又塞塞必竭川竭山必崩夫國必依山山川崩川竭亡之徵也若國亡不過十年數之紀也是歲三川竭岐山崩劉向以為陽失在陰者謂火氣來煎枯水故川竭也山川連體下竭上崩事執然也春秋文公九年九月癸酉地震京房易傳曰臣事雖正專必震其震於水則波於木則搖於屋則瓦落大經在辟而易臣茲謂陰動厥震搖政宮大經搖政茲謂不陰厥震搖山山出湧水嗣子無德專祿茲謂不順厥震動丘陵湧水出

襄公十六年五月甲子地震劉向以為先是難澤之會諸侯盟大夫又盟是歲三月諸侯為漢梁之會而大夫獨相與盟五月地震矣

昭公十九年五月己卯地震 二十三年八月乙未地震
哀公三年四月甲午地震

秦始皇十五年地動 十七年地動自樂徐以西至平餘室屋
墻垣大半壞

漢惠帝二年正月地震隴西壓四百餘家

文帝五年二月地震

景帝後元年五月地震

武帝元光四年五月地震 征和二年八月癸亥地震壓殺人

後元元年秋七月地震

宣帝本始四年四月壬寅地震河南以東四十九郡北海琅邪

壞祖宗廟城郭殺六千餘人 地節二年九月壬申地震

元帝初元二年二月戊午地震隴西郡 永光三年冬地震

成帝綏和二年九月丙辰地震自京師至北邊郡國三十餘壞

城郭

王莽天鳳三年二月乙酉地震

後漢光武建武二十二年九月郡國四十二地震南陽尤甚地

裂壓殺人其後武谿蠻夷反為寇害至南郡發荊州諸郡兵

遣武威將軍劉尚擊之為夷所圍復發兵赴之尚遂為所沒

和帝永元四年六月丙辰郡國十三地震春秋漢合尊曰女主

盛臣制命則地動圻畔震起山崩淪 五年二月戊午隴西

地震先儒說民安土者也將大動行大震九月匈奴單于於

除難鞬叛逆使發邊郡兵討之 七年九月癸卯京都地震

九年三月庚辰隴西地震閏月塞外羌犯塞殺畧吏民使
征西將軍劉尚擊之

安帝永初元年郡國十八地震 二年郡國十二地震 三年

十二月辛酉郡國九地震 四年三月癸巳郡國四地震

五年正月丙戌郡國十地震 七年正月壬寅二月丙午郡

國十八地震 元初元年郡國十五地震 二年十一月庚

申郡國十地震 三年二月郡國十地震十一月癸卯郡國

九地震 四年郡國十三地震 五年郡國十四地震 六

年二月乙巳京都郡國四十二地震或地圻裂涌水壞敗城

郭民室屋壓人冬郡國八地震 永寧元年郡國二十三地

震 建光元年九月己丑郡國三十五地震或地圻裂壞城

郭室屋壓殺人 延光元年七月癸卯京都郡國十三地震

三月戊申郡國二十七地震 二年京都郡國三十二地震

三年京都郡國二十三地震 四年十月丁巳京都郡國

十六地震

順帝永建三年正月丙子京都漢陽地震漢陽屋壞殺人地圻

涌水出 陽嘉二年四月己亥京都地震 四年十二月甲

寅京都地震 永和二年四月庚申京都地震十一月丁卯

京都地震是時太尉王龔以中常侍張昉等專弄國權欲奏

誅之時龔宗親有以揚震行事諫之止云 三年二月乙亥

京都金城隴西地震裂城郭室屋多壞墜殺人閏月己酉京

都地震十月丙戌二千餘騎入金城塞為涼州害 四年三

月乙亥京都地震 五年二月戊申京都地震 建康元年

正月涼州都郡六地震從去年九月以來至四月凡百八十

日震山谷圻裂壞敗城寺傷害人物三月護羗校尉趙冲為

叛胡所殺九月丙午京都地震

桓帝建和元年四月庚寅京都地震九月丁卯京都地震 三

年九月己卯地震庚寅又震 元嘉元年十一月辛巳京都

地震 二年正月丙辰京都地震十月乙亥京都地震 永

興二年二月癸卯京都地震 永壽二年十二月京都地震

延熹四年京都右扶風涼州地震 五年五月乙亥京都

地震 八年九月丁未京都地震

靈帝建寧四年二月癸卯地震 熹平二年六月地震 六年

十月辛丑地震 光和元年二月辛未地震四月丙辰地震

二年三月京兆地震 三年自秋至明年春酒泉表氏地

八十餘動涌水出城中官寺民舍皆傾縣易處更築城郭

獻帝初平二年六月丙戌地震 興平元年六月丁丑地震

後主炎興元年蜀地震

魏明帝青龍二年十一月京都地震從東來隱隱有聲屋瓦

州刺史胡質擊退之又公孫淵叛自立為燕王改元置百官
明年討平之

齊王正始二年十一月南安郡地震 三年七月甲申南安郡

地震十二月魏郡地震 六年二月丁卯南安郡地震

吳孫權黃武四年江東地連震時權受魏爵命為大將軍吳王

而改元專制不脩臣述京房易傳曰臣事雖正專必震劉向

云臣下強盛將動而為害之應也 嘉禾六年五月江東地

震 赤烏二年正月地震時呂一專事步騭上疏以為臣下

專政之應 十一年二月江東地仍震時權聽讒尋黜朱

據廢太子

晉武帝泰始五年四月辛酉地震是年冬新平氏羗叛明年孫

皓遣大眾入涇口 七年六月丙申地震 咸寧二年八月

庚辰河南河東平陽地震 四年六月丁未陰平廣武地震

甲子又震 太康二年二月庚申淮南丹陽地震 五年三

月朔壬辰京師地震 六年七月己丑地震 七年七月南

安捷為地震七月陰平地震八月丹陽地震 九年正月會

稽丹陽吳興地震四月辛酉長沙南海等郡國八地震七月

至於八月地又四震其三有聲如雷九月臨賀地震十二月

又震 十年十二月己亥丹陽地震 太熙元年正月地震

惠帝元康元年十二月辛酉京師地震 四年二月上谷上庸

遼東地震五月蜀郡山移淮南壽春洪水出山崩地陷壞城
府八月上谷地震水出殺百餘人十月京都地震十一月滎
陽襄城汝陰梁國南陽地皆震十二月京都又震 六年正
月丁丑地震 八年正月庚辰地震 泰安元年十二月地
震 二年十二月庚辰地震
孝懷帝永嘉三年十月荆襄二州地震 四年四月兗州地震
五月石勒寇汲郡執太守胡寵遂南濟沔是其應也
愍帝建興二年四月甲辰地震 三年六月丁卯長安地震
元帝太興元年四月西平地震湧出水十二月廬陵豫章武昌
西陵地震涌水出山崩 二年五月己丑祁山地震山崩殺
人是時相國南陽王保在祁山稱晉玉不終之象也 三年
四月庚寅丹陽吳郡晉陵地震
成帝咸和二年二月江陵地震三月益州地震四月己未豫州
地震是年蘇峻作亂 九年三月丁酉會稽地震
穆帝永和元年六月癸亥地震 二年十二月地震 三年正
月庚辰地震九月又地震 四年十月己未地震 五年正
月庚寅地震 九年八月丁酉京都地震有聲如雷 十年
正月丁卯地震聲如雷雜雜皆鳴响 十一年四月乙酉地
震五月丁未地震 升平二年十一月辛酉地震 五年八
月涼州地震

哀帝隆和元年四月甲戌地震 興寧元年四月甲戌揚州地
震湖濱溢 二年三月庚寅江陵地震
海西公太和元年二月涼州地震水涌
簡文帝咸安二年十月辛未安成地震
孝武帝寧康元年十月辛未地震 二年二月丁巳地震七月
甲午涼州地震山崩 太元二年閏三月壬午地震五月丁
丑地震 十一年六月己卯地震是後綠河諸將連歲兵役
人勞之應也 十五年三月己酉朔夜地震八月京都地震
十二月己未地震 十七年六月癸卯地震十二月己未地
又震 十八年正月癸亥朔地震二月乙未夜地震
安帝隆安四年四月乙未九月癸丑地震 義熙四年正月壬
子夜地震有聲十月癸亥地震 五年正月戊戌夜尋陽地
震有聲如雷明年盧循下 八年自正月至四月南康廬陵
地四震明年王旅西討荆益 十年三月戊寅地震
宋武帝永初元年秋七月己巳地震
文帝元嘉十二年夏四月都下地震 十五年七月辛未地震
孝武大明二年四月辛丑地震 六年七月甲申地震有聲如
雷兗州尤甚魯郡山搖者二
後廢帝元徽五年五月地震
齊東昏侯永元元年七月地震至來歲晝夜不止小屋多壞

梁武帝天監五年十二月京師地震京房易飛候曰地動以下

十一月者其邑饑亡時交州刺史李凱反明年霜歲儉人饑

普通三年正月建康地震時義州刺史文僧朗以州叛

六年十二月地震京房易飛候曰地冬動有音以十二月者

其邑有行兵是時帝令豫章王琮將兵北伐建中大通五

年正月建康地震京房易飛候曰地以春動歲不昌是歲大

水百姓饑饉大同三年十一月建康地震京房飛候曰地

震以十一月邑有大喪及饑亡明年霜為災百姓饑五年

十月建康地震是歲會稽山賊起七年二月建康地震是

歲交州人李賁舉兵逐刺史蕭諮中大同元年閏正月地

震 太清三年四月建康地再震

陳武帝永定二年五月建康地震

宣帝太建四年十一月地震陳寶應反閩中

後主禎明元年正月地震施文慶沈容卿專恣之應也

後齊武成河清二年并州地震和士開專恣之應

後周武帝建德二年涼州地頻震城郭多壞時羗夷叛

隋文帝開皇十四年五月京師地震京房易飛候曰地動以夏

五月人流亡是歲關中饑百姓就糧於關東二十年十一

月戊子天下地震 仁壽二年四月岐雍地震易飛候曰震

以四月五穀不熟人大饑

唐高祖武德二年十月乙未京師地震 七年七月雋州地震

山摧壘江水壅流

太宗貞觀七年十月乙丑京師地震 十二年正月壬寅松叢

二州地震壞廬舍 二十年九月辛亥靈州地震有聲如雷

二十三年八月癸酉朔河東地震晉州尤甚壓殺五十餘

人乙亥又震十一月乙丑又震

高宗永徽元年四月己巳朔晉州地震己卯又震六月庚辰又

震有聲如雷 二年十月地震十一月戊寅定襄地震 儀

鳳二年三月庚辰京師地震 永淳元年十月甲子京師地

震

武后垂拱三年十月乙亥京師地震 四年七月戊午又震八

月戊戌神都地震 延載元年四月壬戌常州地震

中宗景龍四年五月丁丑剡縣地震

睿宗景雲三年正月甲戌并汾絳三州地震壞廬舍壓死百餘

人

明皇開元二十二年二月壬寅秦州地震西北隱隱有聲折而

復合經時不止壞廬舍殆盡壓死四千餘人 二十六年三月

癸巳京師地震

肅宗至德元載十一月辛亥朔河西地震裂有聲陷廬舍張掖

酒泉尤甚至二載三月癸亥乃止

代宗大歷二年十二月壬申京師地震自東北來有聲如雷者
三 三年五月丙戌又震 十二年恒定二州地大震三日
乃止東麓寧晉地裂數丈沙石隨水流出平地壞廬舍壓死
數百人

德宗建中元年四月己亥京師地震五月辛巳又震 貞元二
年五月己酉又震 三年十一月丁丑夜京師東都蒲陝地
震 四年正月庚戌朔夜京師地震辛亥壬子丁卯戊辰庚
午癸酉甲戌乙亥皆震金房二州尤甚江溢山裂屋宇多壞
人皆露處二月壬午京師又震甲申乙酉丙申三月甲寅己
未庚午辛未五月丙寅丁卯皆震八月甲午又震有聲如雷
甲辰又震 九年四月辛酉又震有聲如雷河中關輔尤甚
壞城壁廬舍地裂水涌 十年四月戊申京師地震癸丑又
震侍中渾瑊第有樹湧出樹枝皆載蚯蚓 十三年七月乙
未又震

憲宗元和七年八月京師地震草樹皆搖 九年三月丙辰雋
州地震晝夜八十墜死百餘人地陷者二十里 十年十月
京師地震 十一年二月丁丑又震 十五年正月戊辰夜
地震

文宗大和二年正月壬申地震 七年六月甲戌又震 九年
三月乙卯京師地震屋瓦皆墜戶牖間有聲 開成元年二

月乙亥又震 二年十一月乙丑夜又震 四年十一月甲
戌又震

武宗會昌二年正月癸亥宋毫二州地震十二月癸未京師地
震

宣宗大中二年十月辛巳上都及振武河西天德靈武靈夏等
州地震壞廬舍壓死數十人 十二年八月丁巳太原地震
懿宗咸通元年五月上都地震 六年十二月晉絳二州地震
壞廬舍地裂泉湧泥出青色 八年正月丁未河中晉絳三
州地大震壞廬舍人有死者 十三年四月庚午朔浙東西
地震

僖宗乾符三年六月乙丑雄州地震至七月辛巳止州城廬舍
盡壞地陷水涌傷死甚衆是月濮州地震十二月京師地震
有聲 四年六月庚寅雄州地震 六年二月京師地震有
聲如雷藍田山裂水涌 中和三年秋晉州地震有聲如雷
光啟二年春城都地震月中十數占曰兵饑十二月魏州
地震

昭宗乾寧二年三月庚午河東地震
宋太祖乾德三年京師地震

太宗至道二年十月潼關西至靈夏環慶等州地震郭廬舍多
壞占云兵饑是時西戎寇靈州明年遣將率兵援糧以救之

關西民有餘殍者

真宗咸平二年九月常州地震壞鼓角樓羅務軍民廬舍甚衆

四年九月慶州地震者再 六年正月益州地震 景德

元年正月丙申夜京師地震癸卯夜復震丁未夜又震屋宇

皆動有聲移時方止癸丑冀州地震占主土工興有急令兵

草興是年契丹犯塞二月益黎雅州地震三月邢州地震不

止四月己卯夜瀋州地震五月邢州地震復震不止十一月壬

子日南至京師地震癸丑石州地震 四年七月丙戌益州

地震己丑涇州瓦亭寨地震者四 大中祥符二年三月代

州地震 四年六月昌眉州並地震七月真定府地震壞城壘

仁宗天聖五年三月戊辰秦州地震 七年十月丙午京師地

震 景祐四年十二月甲申忻代并三州地震壞廬舍覆壓

吏民 寶元元年正月庚申并忻代州地震十一月忻州地

震十二月甲子京師地震 慶歷三年五月乙亥忻州地大

震說者曰地道貴靜今數震搖兵興民勞之象也五月庚午

忻州地震西北有聲如雷 五年七月丁酉廣州地震己卯

京南岳州並地震 六年二月戊寅青州地震三月庚寅登

州地震岷嶠山摧卽是震不已每震卽海底有聲如雷五月

甲申京師地震 七年十月乙丑河陽許州地震 皇祐二

年十一月丁酉夜秀州地震有聲自南北起如雷 嘉祐二

年雄霸等州地震 五年五月己丑京師地震

英宗治平四年秋漳泉建州卽武興化軍等處皆地震潮州尤

甚地震泉湧壓覆州郭及兩縣屋宇土民軍兵死者甚衆八

月己巳京師地震

神宗熙寧元年七月甲申地震乙酉辛卯再震八月壬寅甲辰

又震是月鄆州瀆城東阿二縣地震終日滄州清池莫州亦

震壞官私廬舍城壁是時河北復大震或數刻不止有聲如

雷樓櫓民居多摧覆壓死者甚衆九月戊子莫州地震有聲

如雷十一月乙未京師及莫州地震十二月癸卯瀋州地大

震丁巳冀州地震辛酉滄州地震涌出沙泥船板胡桃螺蚌

甲之屬十二月朔州地再震是歲歙路地震有一日十數震

有踰半年震不止者 元豐八年五月京師地震

哲宗元祐二年二月辛亥代州地震有聲 四年春陝西河北

震 七年九月己酉蘭州鎮戎軍永興軍言地震十月庚戌

朔環州地再震 紹聖元年十一月丙寅太原府地震 二

年十月十一月河南府地震是歲蘇州自夏迄秋地震 三

年三月戊戌夜劔南東川地震九月己酉涪州沂州地震

四年六月己酉太原府地震有聲 元符元年七月壬申夜

雲霧蔽天地震良久 二年正月壬申恩州地震八月甲戌

太原府地震 三年五月己巳太原府又震

徽宗建中靖國元年十二月辛亥太原府潞晉隰代石嵐等州
奇嵐威勝保化寧化軍地震彌旬晝夜不止壞城壁屋宇人
畜多死 宣和四年北方用兵雄州地震 六年正月京
師連日再震宮殿門皆動有聲

高宗建炎二年正月戊戌長安地大震金將婁宿園城彌旬無
外援兵乘地震而入城遂陷 紹興三年八月甲申地震平

江府湖州尤甚 六年六月乙巳夜地震有聲自西北如雷
餘杭縣為甚 二十四年正月戊寅地震 二十五年三月

壬申又震 二十八年八月甲寅地夜雷震 三十一年三
月壬辰又震 三十二年七月戊申又震

孝宗隆興元年十月丁丑地震 二年六月甲寅又震 乾道
二年九月丙午地震自西北方是月台州有海寇 四年十

二月壬子石泉軍地震三日有聲如雷屋瓦皆落 淳熙元
年十二月戊辰地震自東北方後湖南江西茶寇擾數路

九十月十二月壬寅地夜震 十年十二月丙寅又震 十二
年五月庚寅又震

寧宗慶元六年十一月甲子地震東北方 嘉定六年四月行
都地震六月丙午嚴州淳安縣地震 十年二月庚申地震

自東南越月金犯光州 十四年正月乙未地夜震大雷是
春金入寇 蕲黃州失守

山崩 地陷 地移 地長 川竭

春秋釐公十四年秋八月辛卯沙麓崩

成公五年夏梁山崩

漢高后二年正月武都山崩殺七百六十人地震至八月廼止

文帝二年四月齊楚地山二十九所同日俱大發水潰出劉向
以為近水沴土也

成帝河平三年二月丙戌犍為栢江山崩捐江山崩皆屬江水

江水逆流壞城殺十三人地震積二十一日百二十四動

元延三年正月丙寅蜀郡岷山崩廬江水水逆流三日廼通

劉向以為周時岐山崩三川竭而幽王亡岐者周所興也漢

家本起於蜀漢今所起之地山崩川竭星孛又及攝提大角

從參至辰殆必亡矣

王莽天鳳三年長平館西岸崩廬涇水不流毀而北行

後漢和帝永元元年七月會稽南山崩會稽南山崩方大名山

也 七年七月趙國易陽地裂京房易傳曰地裂者臣下分

離不肯相從也是時南單于眾乖離漢軍追討 十二年夏

四月戊辰南郡秣歸山高四百丈崩填豁殺百餘人明年冬

至蠻夷反遣使募利州吏民萬餘人擊之 元興元年五月

癸酉右扶風雍地裂是後西羌大寇涼州

瑯帝延平元年五月壬辰河東恒山崩

安帝永初元年六月丁巳河東楊地陷東西百四十步南北百

二十步深三丈五尺 六年六月壬辰豫章員谿原山崩各

六十三所 元初元年三月己卯日南地坼長百八十二里

其後三年正月蒼梧鬱林合浦盜賊羣起劫畧民吏 二年

六月河南雒陽新城地裂 延光二年七月丹陽山崩四十

七所 三年六月庚午巴郡閬中山崩 四年十月丙午蜀

郡越嵩山崩殺四百餘人

順帝陽嘉二年六月丁丑雒陽宣德亭地坼長八十五丈近郊

時李固對策以為陰類專恣將有分離之象所以附却城者

是上帝示象以誠陛下也

桓帝建和三年四月郡國六地裂水湧出并溢壞寺屋殺人

永興二年六月東海胸山崩冬十二月泰山琅邪盜賊羣起

永壽二年七月河東地裂 延熹元年七月己巳左馮翊

雲陽地裂 三年五月戊申漢中山崩是時上寵恣中常侍

單超等 四年六月庚子泰山博尤來山判解 八年六月

丙辰維氏地裂 永康元年五月丙午雒陽高平永壽亭上

黨法氏地各裂

靈帝建寧四年五月河東地裂十二處裂各長十里百七十步

廣者三十餘步深不見底

魏元帝咸熙二年二月太行山崩此魏亡之徵也其冬晉有天

下

吳孫權赤烏十三年八月丹陽句容及故鄣寧國諸山崩鴻水

溢劉歆以為國主山川山崩川竭亡之徵也吳雖稱帝其實

列國災發丹陽天意見之後二年而權薨又二十六年而吳

亡

晉武帝泰始三年三月戊午太石山崩 四年七月泰山崩墜

三里 太康五年庚午宣帝廟地陷 六年十月南安新興

山崩湧水出 七年二月朱提之大瀘山崩震壞郡舍陰平

之仇池崖墮 八年七月大雨殿前地陷方五尺深數丈中

有破船

惠帝元康四年蜀郡山崩殺人五月壬子壽春山崩洪水出城

壞地陷方三十丈殺人六月壽春大雷山崩地坼人家陷死

上庸郡亦如之八月居庸地裂廣三十六丈長八十四丈水

出大饑上庸四處山崩地墜廣三十丈長一百三十丈水出

殺人 太安元年四月西壩崩

懷帝永嘉元年三月洛陽東北步廣里地陷 二年八月己亥

鄧城城無故自壞七十餘丈司馬越惡之遷於濮陽此見沴

之異也越卒以陵上受禍 三年七月戊辰當陽地裂三所

廣三丈長三百餘步京房易傳曰地坼裂者臣下分離不肯

相從也其後司馬越苟晞交惡四方牧伯莫不離散王室遂

亡

元帝大興元年二月廬陵豫章武昌西陽地震山崩 二年五

月祁山地震山崩殺人 三年南平郡山崩出雄黃數千斤

四年八月常山崩水出潯沱盈溢大木傾拔

成帝咸和四年十月柴桑廬山西北崖崩十二月劉胤為郭默

所殺

穆帝升平五年二月南掖門馬足陷地得鐘一有文四字

哀帝隆和元年四月丁丑浩壘山崩張天錫亡徵也

安帝熙義八年三月壬寅山陰地陷方四丈有聲如雷 十年

五月戊寅西明門地穿涌水出毀門扇及陷此水珍土也

十一年五月霍山崩出銅鐘六枚 十三年七月漢中城固

縣水涯有聲若雷既而岸崩出銅鐘十有二枚

梁武帝普通二年始平郡石鼓村地自開成井方六丈六寸深

三十二丈

後魏孝靜帝武定二年十一月西河地陷有火出

後周武帝建德二年涼州地震裂出泉

隋文帝仁壽三年梁州就谷山崩

煬帝大業七年砥柱山崩壅河逆流數十里

唐太宗貞觀八年七月隴石山推山者高峻自上而墮之象也

武后垂拱二年九月己巳雍州新豐縣露臺鄉大風雨震電有

山湧出高一十丈有池周三百畝池中有龍鳳之形永泰之

異 永昌中華州赤水南岸大山晝日忽風昏有聲隱隱如

雷頃之漸移東數百步壘赤水壓張村民三十餘家高二百

餘丈水深三十丈坡上草木宛然

明皇開元十七年四月乙亥大風震電藍田山推裂百餘步畿

內山也

代宗大歷六年四月戊寅藍田西原地陷 九年十一月戊戌

同州夏陽有山從於河上聲如雷 十三年彬州黃岑山推

壓死者數百人

德宗建中初魏州魏縣西四十里地數畝忽長崇數尺 二年

霍山裂

憲宗元和八年五月丁丑大隄山摧 十五年七月丁未苑中

土山摧壓死二十人

僖宗光啓三年四月維州山崩累日不止塵壘亘天壅江水逆

流

後唐明宗長興三年七月夔州秦赤甲山崩

宋太宗雍熙三年階州福清縣青龍峽山圯壅白江水逆流高

十丈許壞民田數百里 淳化三年五月雅州名山縣大風

雨登遼山圯壅江水逆流入民田壞稼

真宗咸平元年七月庚午寧化軍汾水漲壞北水門山石摧圯

軍士有墜死者 二年七月庚寅陝州靈寶縣暴雨崖圯壓
居民死者二十二戶 三年三月辛丑夜秦州大澤縣三陽
寨大雨崖推壓死者六十二人 四年正月秦州成紀縣山
崖墜死六十餘人 景德四年七月秦州成紀縣崖圯殺居
民 天禧五年五月襄州鳳林鎮道側湧起高三尺許長三
丈濶八丈知州夏竦以聞

寧宗慶元二年六月辛未台州黃岩縣大雨水有山自徙五十
里餘聲如雷草木塚墓皆如初而故址為淵潭時臨海縣清
潭山亦自移 嘉泰二年七月丁未閩建安縣山摧民廬之
壓者六十餘家 嘉定六年六月丙子浙淳安縣長樂鄉山
摧水湧近水珍土也 八年五月行都久不雨百川皆竭淮
甸亦如之

神宗熙寧元年潭州益陽縣雷震山裂出米 二年十月庚戌
南郊東壘門內地陷有天寶十二年古墓 五月^{甲午}九月丙寅
華州少華山前阜頭峰越八盤嶺及谷推陷於石于坡東西
五里南北十里潰散墳裂湧起堆阜各高數丈長若堤岸至
陷居六社凡數百戶林木廬舍亦無存者並山之民言數年
以來峰上常有聲是夜初昏略無風雨山上忽霧起有聲漸
大地遂震動不及食頃而山摧 元豐八年二月甲戌賓州

嶺方縣地陷

啓宗元祐元年十二月華州鄭縣界小敷谷山頽傷居民
徽宗宣和七年七月己亥熙河路地震有裂數十丈者蘭州尤
甚陷數百家倉庫俱沒

高宗紹興十二年十二月陝西不雨五穀焦枯涇渭瀕涸皆竭
光宗紹熙四年秋南岳祝融峰有山自撲劔門闕山摧 五年
十二月臨安府南高峰有山自摧

欽定天文正義卷六十三

日占考

日占考

春秋魯哀公六年有雲如衆赤烏夾日以飛三日楚子使問諸周太史周太史曰其當王身乎日為人君伏氣守之故以為當王身若雲在楚上惟楚見之故禍不及他國若崇之崇之崇也可移於令尹司馬王曰除腹心之疾而置之股肱何益不穀不有大過天其大諸有罪受罰又焉移之遂弗崇

漢武帝建元二年四月戊申有如日夜出

元帝永光元年四月日色青白亡景景昭日下無景也無景惟質見耳正中時有景

無光是夏寒至九月乃有光

成帝河平元年正月壬寅朔日月俱在營室時日出赤二月癸未日

朝赤且入又赤夜月赤甲申日出赤如血亡光漏上四刻半乃顯

有光燭地赤黃食後乃復

光武建武七年四月丙寅日有暈抱白虹貫暈在畢八度畢為邊兵

秋隗囂反侵安定

章帝建初元年正月壬申白虹貫日 七年四月丙寅日加卯西南

有抱須臾成暈有白虹貫日

殤帝延平元年六月丁未日暈上有半暈暈中外有孺背兩珥十二

月丙寅日暈再重中有背孺

順帝永建二年正月戊午白虹貫日 二年正月丁酉日有白虹貫

交暈中 六年正月丁卯日暈兩珥白虹貫珥中 永和六年正

月己卯暈兩珥中赤外青白虹貫暈中

靈帝時日數出東方正赤如血無光高二丈餘乃有景且入西方去

地二丈亦如之其占曰事天不謹則日月赤是時月出入去地二

三丈皆赤如血者數矣光和四年二月己巳黃氣抱日黃白珥在

其表 中平四年三月丙申黑氣大如瓜在日中 五年正月日

色赤黃中有黑氣如飛鵲數月乃銷 六年二月乙未白虹貫日

獻帝初平元年二月壬辰白虹貫日

晉武帝泰始五年七月甲寅日暈再重白虹貫之

為斗牛主吳越是時孫皓淫暴四月降 泰康元年正月己丑朔五色氣貫日自卯至酉占曰君道失明丑

惠帝元康元年十一月甲申日暈再重青赤有光

九年正月日中有若飛燕者數日乃消 永康元年正月癸亥朔

日暈三重十月乙未日闇黃霧四塞占曰不及三年下有拔城大

戰十二月庚戌日中有黑氣京房易傳曰祭天不順茲謂逆厥異

日中有黑氣 永寧元年九月甲申日中有黑子 太安元年十

一月日中有黑氣 永興元年十一月日中有黑氣分日 光熙

元年五月壬辰癸巳日光四散赤如血流照地皆赤甲午又如之

占曰君道失明

懷帝永嘉元年十一月乙亥黃黑氣掩日所照皆黃 二年正月戊

申白虹貫日二月癸卯白虹貫日青黃暈五重占曰白虹貫日近

臣作亂不則諸侯有反者暈五重有國者受其祥天下有兵破亡

其地 五年三月庚申日散光如血下流所照皆赤日中有若飛

燕者

愍帝建興二年正月辛未庚時日隕於地又有三日相承出於西方

而東行 五年正月庚子三日並照紅蜺彌天日有重暈左右兩

珥

元帝太興元年十一月乙卯日夜出高三丈中有赤青珥 四年二

月癸亥日闕三月癸未日中有黑子辛亥帝親錄記囚徒 永昌

元年十月辛卯日中有黑子

明帝太寧元年正月己卯日暈無光癸巳黃霧四塞占曰君道失明

陰陽昏臣有陰謀京房曰下專刑之應敦既陵上卒伏其辜十一

月景子白虹貫日史官不見桂陽太守華包以聞

成帝咸和九年七月白虹貫日 咸康元年七月白虹貫日 二年

七月白虹貫日 八年正月壬申日中有黑子景子乃滅

穆帝永和八年張重華在涼州日暴赤如火中有三足鳥形見分明

五日乃止 十年十月庚辰日中有黑子大如鷄卵 十一年三

月戊申日中有黑子大如棗二枚 升平三年十月丙午日中有

黑子大如雞卵

海西公太和四年四月戊辰日暈白虹貫日中十月乙未日中有黑

子 五年二月辛酉日中有黑子大如李 六年三月辛未白虹

簡文咸安二年十一月丁丑日中有黑子

孝武寧康元年十一月己酉日中有黑子大如李 二年三月庚寅

日中有黑子二枚大如鴨子十一月己巳日中黑子大如鷄卵

大元五十三年二月庚子日中有黑子二大如李 十四年六月

辛卯日中有黑子大如李 二十年十一月辛卯日中又有黑子

安帝隆安元年十二月壬辰日有暈有背瑞 四年十一月辛亥日

中有黑子 元興元年二月甲子日暈白虹貫日中三月庚子白

虹貫日 義熙元年五月庚午日有彩珥壬辰癸巳日光四散赤

如流血照地皆赤 六年五月景子日暈有瑞時有虛循過京都

內外戒嚴七月循走 十年日在東共有白虹十餘丈在南于日

災在秦分秦亡之象 交通

宋文帝元嘉四年十月辛卯日晝昏十日乃明

孝武大明七年十一月日始出四五丈色赤如血未沒四五丈亦如

之至八年春凡三度謂之日死

齊高祖建元元年十二月未時日暈色黃無光至申乃散 二年閏

月乙酉日黃無光 四年十一月丙子日黃色無光

武帝永明五年十一月丁亥日出五年竿失色赤黃暈抱珥直背

廢帝永元元年十二月乙酉日中有黑子三枚

梁武帝太清元年十二月己卯白虹貫日 三年正月庚申白虹貫

日三重

元帝承聖元年十一月丙子有兩日俱見

陳文帝天嘉七年二月庚午日無光烏見占曰王者惡之其日庚午

吳楚之分野四月甲子日有交暈白虹貫之

宣帝大建十年二月癸亥日上有背占曰其野失地有叛兵甲子吳

明徽兵敗於呂梁將卒沒於周明年淮南地盡入於周

後魏文成帝與安元年十一月己卯日出赤如血

孝文帝太和二年正月辛亥日暈東西兩珥 四年正月癸丑日暈

東西有背 八年正月戊寅有白氣貫日

宣武帝景明二年八月戊辰日赤無光中有黑氣 三年正月乙巳

日有黑氣 正始三年十月乙巳日赤無光 延昌元年十月甲

戌至辛卯日初出及將沒赤白無光

孝明帝熙平元年三月丁丑日無光至申時酉時

神龜三年十月己巳太史奏自八月以來黃埃掩日日出三大色

如楮無光耀 正元五年閏月乙酉日暈內赤外青南北珥下有

抱兩背內赤外青十二月丙申日暈南北有珥上有抱一背 孝

昌三年五月戊戌辰時暈匝內赤外白兩珥 節閔帝普泰元年三月丁卯日月並赤赭色天地溷濁十一月日暈

再重

孝武帝大昌元年五月日暈再重

後周武帝保定五年正月辛卯白虹貫日占曰為兵喪 天和元年

二月庚午日闕光遂散日烏見十月辛卯黑雲貫日 建德二年

二月辛亥白虹貫日占曰臣謀君不出三年又曰近臣為亂後年

衛王直舉兵反 六年十一月甲辰日晡時日中有黑子大如杯

占曰君有過而臣不諫人主惡之

宣帝大成元年正月丙午癸丑日皆有背占曰臣為逆有反叛邊將

去之又曰卿大夫欲為主其後隋公作蜀尉遲回王謙司馬消難

等舉兵 大象元年二月癸未日將出入時其中並有烏色大如

鷄卵經四日乃滅

隋文帝開皇九年正月己巳白虹夾日占曰白虹衝日臣有背主又

曰人主無德者亡是月滅陳 仁壽四年七月乙未日青無光八

日乃復

煬帝大業十三年十一月辛酉日光四散如流血

唐太宗貞觀初突厥有五白並照 二十三年三月日赤無光李淳

風曰日變色有軍急又曰其君無德其臣亂國濮陽復曰日無光

主病

高宗咸亨元年二月壬子日赤無光癸丑四方濛濛日有濁氣色赤

如赭 上元二年三月丁未日赤如赭 永淳元年三月日赤如

武后文明元年二月辛巳日赤如赭 長安四年正月壬子日赤如

赭

中宗景龍三年二月庚申日色紫赤無光

明皇帝開元十四年十二月己未日赤如赭 二十九年三月丙午

風霾日無光近晝昏也占為上刑急人不樂生 天寶三載正月

庚戌日暈五重占曰是謂氣光天下有兵

肅宗上元二年二月乙酉白虹貫日

代宗大歷二年七月丙寅日旁有青赤氣長四丈餘壬申日上有赤

氣長三丈九月乙亥至於辛丑日旁有青赤氣 二年正月丁巳

日有黃冠青赤珥辛丑亦如之凡氣長而立者為直橫者為格立

於日上為冠直為有自立者格為戰鬪又曰赤氣在日上君有佞

臣黃為土功青赤為憂

德宗貞元二年閏五月壬戌日有黑暈 六年正月甲子日赤如血

十年三月乙亥黃霧四塞日無光

憲宗元和二年十月壬午日旁有黑氣如人形跪手捧盤向盤中氣

如人頭 四年閏三月日旁有物如鳥日 五年四月辛未白虹

貫日 十年正月辛卯日外有物如鳥 十一年正月己卯日紫

赤無光

穆宗長慶元年六月己丑白虹貫日 三年十二月庚戌白虹貫日

敬宗寶曆元年六月甲戌赤虹貫日九月甲申日赤無光 二年三

月甲午日中有黑氣如杯辛亥日中有黑子四月甲寅白虹貫日

文宗太和二年二月癸亥日無光白雲晝昏十二月癸亥有黑稜與

日鬪五年二月辛丑白虹貫日六年三月有黑稜與日如鬪

庚戌白虹貫日八年七月甲戌白虹貫日日有交暈十月壬寅

白虹貫日東西際天上有背珠九年二月辛卯日月赤如血壬

辰亦如之開成元年正月辛卯五朔白虹貫日二月己丑亦如

之二年十一月辛巳日中有黑子大如雞卵日赤如赭晝昏至

於癸未五年正月己丑日暈白虹在東方如玉環貫珥三月丙

辰日有重暈有赤氣夾日十二月癸卯朔日旁有黑氣來觸

武宗會昌元年十一月庚戌日中有黑子四年正月戊申日無光

二月己巳白虹貫日如玉環

宣宗大中十二年四月甲午日暗無光

懿宗咸通六年正月白虹貫日中有黑氣如雞卵七年十二月癸

酉白氣貫日日有重暈甲戌亦如之白氣兵象也十四年二月

癸卯白虹貫日

僖宗乾符元年日中有黑子二年日中有若飛鷲者六年十一

月丙辰朔有兩日並出而闕三日乃不見闕者離而復合也廣

明元年日暈如虹黃氣蔽日無光日不可以二虹百殃之本也

中和三年三月丙午日有青黃暈四月丙辰亦如之丁巳戊午又

如之光啟三年十一月己亥下晴日上黑有黑氣四年二月

己丑日赤如血庚寅改元文德是日風日赤無光

昭宗景福元年五月日色散如黃金光儀化三年冬日有虹蜺背

琉璃旬日有赤氣自東北至于東南天復元年十月日色散如

黃金十一月又如之二年二月丁丑日有赤氣自東北至于東

南天祐元年二月丙寅日中見北斗其占重十一月癸酉日中

有黃暈旁有青赤氣二年正月甲申日有黃白暈暈上有青

赤背乙酉亦如之暈中生白虹漸東長百餘丈二月己巳日有黃

白暈如半環有蒼黑雲夾日長各六尺餘既而雲變狀如人如馬

乃消占曰背者叛背之象日暈有虹者為大賊半暈者相有謀蒼

黑稜祥也夾日者賊臣制君之象變而如人者為叛臣如馬者為

兵三年正月辛未日有黃白暈上有青赤背二月癸巳日有黃

白暈如半環有青赤背

後唐明宗天成元年十月己丑至於庚子日月赤而無光二年二

月乙酉日中有黑氣狀如雞卵

後晉高祖天福元年十二月己卯朔日有白虹二年三月壬子

日有白虹

後周世宗顯德三年十一月庚午白虹貫日七年正月癸卯日既

出其下復有一日相掩黑光磨蕩久之

宋太祖開寶七年正月丙戌日有黑子二

真宗景德元年十二月甲辰日有影如三日狀占在危宿幽州之野

時契丹請和 三年九月戊申日赤如赭占日將相憂明年河陽節度同平章事王顯卒 四年四月甲申日白無光

仁宗寶元元年十二月庚申日赤如朱踰二刻復 慶曆八年正月乙未日赤無光

神宗熙寧十年二月辛卯日中有黑子如李至己巳散 元豐元年閏正月庚子日中有黑子如李至二月戊午凡十九日散十二月

丙午日中有黑子如李至丁巳凡十有二日散 二年二月甲寅日中有黑子如李至癸亥散

徽宗崇寧二年五月癸卯日沒赤無光 三年十月壬辰日中有黑子如李至 政和二年四月辛卯日中有黑子乍二乍三如李至

八年十一月辛亥日中有黑子如李至 宣和二年正月己未日蒙蒙無光五月己酉日中有黑子如李至 三年十二月辛卯

日中有黑子如李至 四年二月癸巳日蒙蒙無光 欽宗靖康元年閏十一月庚申日赤如火無光

高宗建炎三年春白虹貫日占近臣為亂或諸侯叛三月己卯朔日中有黑子壬寅乃消伏五月庚子日生兩珥占主民壽考 四年

二月辛亥白虹貫日於是金始退羣盜大起十一月癸卯日生背氣 紹興元年正月壬戌日生背氣二月己卯日中有黑子如李

大三日而伏二月丙辰日暈周匝 二年四月壬申日生戴氣占人君德至于天則有戴氣戴者德也推戴福祐之象次月之戊寅

復然於是宗子伯琮始有於宮中閏四月丙申日生背氣占背叛

無叛逆邪謀不成於是孔彥舟叛降劉豫 三年二月乙卯日生戴氣而申生抱氣占戴者推戴福祐之象君德至于天則有之抱

者抱扶向就之狀主隣國臣俗來降亦有子孫之喜臣下忠誠以附其上 四年正月壬子日生承氣占臣承氣君也人主有喜二

月趙鼎參知政事三月辛未日有抱氣色黃潤澤占天子有喜有和親來降者不戰而降軍罷六月壬辰日暈於井秦分有憂 五

年正月庚申日生戴氣占國有喜是歲建資善堂皇子建節封公 六年十月壬戌日中有黑子如李至占臣蔽主明十一月丙申

日生兩珥 七年二月庚子日中有黑子如李至占中乃消辛丑氣氣翳日四月戊申日有黑子 八年二月辛酉日中有黑子大

如棗占君有過而臣不諫辛巳白虹貫日占諸侯有叛或歲中有喪十月乙亥日中有黑子 二十一年四月壬申日生暈占臣專

政時秦檜在相位 二十七年二月壬寅白虹貫日六年壬寅日有直氣 三十氣年四月戊辰日生暈周匝占邊兵動虜主死或

多風其應在次年 孝宗隆興二年六月甲子日有戴氣長斜倚日傍 乾道元年六月

丁未日暈周匝下暈外生格氣橫在日下 二年二月庚辰日左生赤黃色直氣一條 三年三月丁巳日下暈外生赤黃色承氣

一條四月辛卯日生赤黃暈周匝五月戊戌日赤暈周匝在畢占

邊兵動甲辰日下暈外生青黃色承氣君臣相承有喜之象 淳
熙八年三月丙申日暈周匝占丙申日暈臣不賢日在昴胡越之
君止 十三年五月己卯日暈周匝庚辰日生黑子如棗大至甲
申日乃伏 十五年六月丙申日生背氣 十六年三月壬寅日
半暈再重占國民蕃息歲大和

光宗紹熙元年六月甲申日生暈周匝 二年二月壬寅日生戴氣
三月辛未日生暈周匝四月癸未日生戴氣七月庚申日上暈外
生背氣 四年二月癸亥日暈周匝占臣專政日躔奎宿其下有
兵大人凶十一月辛未日生黑子占祭天不順茲為逆厥異日中
有黑子黑子者陰也臣不掩君惡又曰臣有蔽主明者辛巳日暈
外背氣 五年四月乙卯日暈周匝六月丙午日上暈外生背氣
寧宗慶元元年正月丙辰白虹貫日占百殃之本眾亂之基有兵又
曰近臣為亂於是侂冑用事時政以變兵禍始矣二月辛巳日有
背氣四月己未日生背氣占格闕之象 二年五月己丑日生背
氣 六年八月乙未日內生黑子如棗大凡六日乃消伏十一月
乙酉日又生黑子如棗大凡二十日乃伏時侂冑用事羣姦附和
蔽主明 嘉泰元年六月辛卯日暈周匝 二年十二月甲戌日
生黑子如棗大至丙戌消伏 四年正月癸未日生黑子如棗大
開禧元年四月辛丑亦如之 嘉定四年七月己卯己初刻日
有赤黃暈不還至酉初復日上暈外生青赤黃背氣 六年四月

己卯日生赤黃暈周匝躔在胃宿占后族盛日暈胃宿則倉庫之
官凶或殺不登 七年二月壬申日生赤黃暈外生青赤黃承氣
後暈周匝占日有承氣臣承君也 十一年二月丙辰白虹貫日
丙寅日有戴氣 十五年二月己亥日暈於婁周匝有承氣 十
七年六月辛卯日有背氣

理宗寶慶三年十二月己酉日旁有氣如珥 紹定三年二月丙申
日有背氣四月己巳日暈 四年七月己丑日生承氣 五年
三月丁酉日生抱氣承氣 端平元年四月甲申日生赤暈六月
戊子日生赤黃暈上下有格氣 二年六月戊寅日有承氣 三
年二月辛亥日暈周匝 嘉熙元年二月己酉亦如之三月癸亥
七月壬申日有背氣 二年十月己巳日中有黑子 四年二月
丙申朔日生背氣 淳祐元年二月戊寅午後日暈 三年七月
甲午日生格氣 五年五月戊申日生赤氣黃暈外有背氣六月
甲子日暈周匝 六年三月癸巳日暈周匝生珥氣四月丁丑日
暈周匝 七年二月戊申亦如之 八年六月己酉日暈於井赤
黃周匝 寶祐元年正月戊戌日生戴氣 二年二月辛酉日暈
周匝 四年三月乙卯亦如之 景定四年四月戊辰日生赤黃
暈 五年三月己丑日暈於婁周匝赤黃自午至申六月庚午日
生赤黃暈九月己丑日生格氣
度宗咸淳元年六月壬申日生承氣 七年三月辛巳日暈赤黃周

匪

恭帝德祐二年二月丁酉朔日中有黑子如鷲卵相蕩久之

遼太祖天顯元年正月己未白氣貫日

道宗太康三年五月癸亥日中有黑子

金太宗天會七年三月己卯朔日中有黑子

熙宗天會十四年十一月丙寅日中有黑子斜角交行

海陵天德二年正月甲辰日有暈珥 貞元三年四月丁丑朔昏霧

四塞日無光凡十有七日乃霽 正隆五年八月庚午日中有黑

子狀如人 六年二月甲辰朔日有暈珥戴背

世宗大定二十九年正月乙卯己初日有暈左右有珥上有背氣兩

重其色青赤而厚東有戟氣長四尺餘五刻而散是月丁巳己初

日有兩珥上有背氣兩重其色青赤而淡頃之背氣於日上為冠

已而俱散二月甲子辰刻日上有重暈兩珥抱而復背背而復抱

凡三四次乙丑日暈兩珥有負氣承氣左右有戟氣

昌宗明昌四年九月癸未日上有抱氣二戴氣一俱相連左右有珥

其色鮮明

章宗太和三年十月戊戌日將沒色赤如赭 四年三月丁卯日昏

無光 六年七月癸巳申刻日上有背氣一內赤外青須臾散

八年四月癸卯己刻日暈二重內黃外赤移時散

宣宗真祐三年正月壬戌日有左右珥上有冠氣移刻散二月丁巳

日初出赤如血將沒復然 興定五年四月丙子日正午有黃暈

四匝其色鮮明 元光二年五月辛未日暈不匝而有背氣

哀宗正大四年十一月乙未日上有虹背而向外者二約長丈餘兩

旁俱有白虹貫之 八年三月庚戌酉正日忽白而失色乍明乍

暗左右有氣似日而無光與日相凌而日光四出搖盪至淡 天

興元年正月壬午朔日有兩珥 三年正月己酉日大赤無光是

日祭城陷金亡

元世祖中統三年十一月辛丑日有背氣重暈三珥 至元二十四

年七月癸丑日暈連環

武宗至大四年正月壬辰日赤如赭

仁宗皇慶二年二月丁丑日赤如赭 延祐元年三月己亥白暈亘

天連環貫日 二年五月甲戌日赤如赭乙亥及九月甲寅戊午

三年五月甲辰至戊申並如之 七年三月乙未日有暈若連環

然

英宗至治二年三月己丑有暈貫日如連環

順帝元統元年三月癸巳日赤如赭是年閏三月丙申癸丑甲寅及

至元元年十二月戊午閏十二月丁亥戊子己丑二年二月壬辰

乙未丙申三月庚申壬戌癸亥四月丁丑十二月甲戌皆如之

三年正月丁巳日有交暈左右珥八月癸未亦如之十月癸酉日

赤如赭四年閏八月戊戌己亥壬寅及九月庚寅皆如之 五年

正月丙寅日有交輝暈左右珥二月辛亥日赤如赭三月庚申辛

酉四月丁未及至正元年三月壬申十五年二月丙子皆如之

十六年三月有兩日相盪十七年七月己丑日有交暈連環貫

之十八年三月己亥朔日色如血二十五年二月辛丑汴梁

路見日旁有一月一星三月壬戌日有暈內赤外青二十六年

二月丁卯日有暈左珥上有背氣一道

明太祖洪武二年十二月甲子日中有黑子三年九月戊戌十月

丁巳十一月甲辰皆如之四月年二月戊戌日中有黑子是年

五月壬子至辛巳九月戊寅五年正月庚戌二月丁未五月甲子

七月辛未皆如之六年三月戊辰日交暈十一月月戊戌朔日

中有黑子七年二月庚戌至甲寅八年二月辛亥皆如之八

年四月甲寅日上有背氣在趙分恒山之北九月癸未日中有黑

子十二月癸丑亦如之十二年四月庚申日交暈十四年正

月壬子日有珥二月壬午至乙酉日中有黑子十五年正月丁未

閏二月丙戌十二月辛巳亦如之二十三年正月壬辰日暈

二十八年十一月乙亥日上赤氣長五丈餘須臾又生直氣背氣

皆赤青色又生半暈

建文帝建文元年三月太史奏赤日無光

成祖永樂十八年閏五月癸未日生重半暈上有青赤背氣左右有

珥隨生黃氣瑤氣

仁宗洪熙元年正月乙未日生兩珥四月丁未如之復生交暈

宣宗宣德元年正月庚戌日生青赤瑤氣隨生交暈色黃赤二月己

卯日兩珥又生交暈左右有珥上重半暈及背氣三年三月庚

寅日生交暈色黃赤兩珥及背氣戰氣各一色皆青赤丁酉日暈

又交暈及戰氣二道十二月己卯日生交暈五年正月癸亥日

暈隨生交暈二月甲午日交暈隨生戰氣四月庚辰日生兩珥

六年二月甲寅日暈隨生交暈及重半暈瑤氣八年九月戊戌

辰刻日暈兩珥背氣申刻諸氣復生十年十二月辛亥日暈有

瑤氣隨生重半暈及背氣

英宗正統三年四月庚辰日生兩珥隨暈十一年正月乙未日生

背氣十四年八月戊申日暈旁有戰氣隨生左右珥及戴氣十

月壬申日上黑氣如烟尋發紅光散焰如火

景帝景泰元年二月壬午酉刻日上黑氣四道約長三丈離地丈許

兩頭銳而貫日其狀如魚十二月甲午日交暈上下背氣各一道

兩旁戰氣各一道二年正月癸卯日生左右珥隨生背氣二月

丙戌日交暈三年正月丙辰日生左右珥及背氣七年六月

乙丑日暈隨生重半暈及左右珥九月丙子日色變赤

英宗天順元年二月庚戌辰刻日交暈左右珥旋生抱氣及左右戰

氣未刻諸氣復生辛亥日交暈左右珥及戰氣二年二月乙卯

日交暈上有背氣閏二月己巳日無光旋赤如赭三年八月丁

卯日赤如赭十月日暈數重 六年十月丙子日赤如血七年四月癸未亦如之乙酉日色變白 八年二月己亥日色變白次日亦如之三月丙辰日色白無光

憲宗成化元年三月甲子日生背氣及兩珥 二年正月甲辰朔辰時日暈左右珥背氣赤黃色鮮明四月壬寅日交暈右有珥 三年七月癸酉日生背氣青赤色 四年自春徂夏日無光 五年閏二月己卯日色變白 七年六月甲寅日生背氣 八年三月丙寅日暈及兩珥又生承氣 十一年二月己亥日色如赭四月辛卯如之六月己酉重暈左右珥及背氣 十二年正月甲子日交暈 十三年三月壬申日白無光十四年三月庚午如之 十五年五月戊午日生背氣六月丙戌朔八月丁亥並如之 十六年三月丙戌日白無光十七年三月丁酉日赤如赭 十八年四月壬寅日赤無光十二月癸酉日赤如赭 十九年六月丙寅日生背氣 二十年二月癸酉日赤如赭 二十一年十月癸巳巳刻日暈左右珥未刻復生又生抱氣背氣 二十二年六月戊戌日生背氣及右珥 二十三年十二月癸巳日暈左右珥又生背氣及半暈

孝宗弘治二年正月甲戌午刻日暈丙戌日交暈左右珥二月壬寅日生左右珥及背氣又生交暈半暈及抱格二氣 四年二月庚戌午刻日交暈左右珥下生戰氣 九年三月乙酉日交暈復生

重半暈右戰氣 十一年十二月庚申日生兩珥色赤黃 十八年八月癸酉至九月甲午日無光

武宗正德元年正月乙酉日暈上有背氣左右有珥 六年十二月癸未日生左右珥庚寅如之 十五年十二月壬辰日生背氣及兩珥

世宗嘉靖元年正月丁卯日慘白變青無光 七年正月乙亥日重暈兩珥及戰氣 十三年二月壬辰日暈左右珥及戰氣 十八年十二月壬午立春日暈右珥 二十四年十二月自二十日至二十六日輪外有黑氣如盤與日光摩盪 二十八年三月丙申至庚子日色慘白 二十九年三月丙戌日無光 三十年正月辛卯日暈無光 三十四年十二月庚申晦日黑忽暗有青黑氣 日影如絲數十相湯摩久之千百飛盪滿天向西北而散易通卦驗云愚智同位日月無光 四十一年十一月辛丑日暈左右珥上抱下戰

穆宗隆慶五年三月辛巳日暈有珥左右戰氣俱蒼白

神宗萬曆九年五月甲子日赤無光 二十二年正月日下復有一日相盪數日方止 二十四年正月日暈黑白二重 二十五年三月癸丑黑日二三十餘迴繞日旁移時雲隱不見五月辛卯朔日光轉盪旋為黑餅 三十年三月甲申日光照地黃赤 三十五年正月庚午日暈黑氣蔽天十一月丙午日赤無光燭地如血

四十二年三月庚辰日赤黃如緒如血者累日 四十四年八月
戊辰日中有黑光 四十六年四月白日無光閏四月丁丑日色
無光丙戌至戊子日旁有黑氣出入日中摩盪 四十七年六月
十三日東陽見兩日牽連分合如吞吐狀十一月初五日有背氣
四重珥一重十一日日暈兩珥及黑氣二芒色甚異二十一日日
有背氣三重暈三 四十八年二月癸丑日連環暈下有背氣左
右戰氣

熹宗天啟元年二月乙巳日暈有耳如月赤白色光焰閃爍晚之如
連環其西南東北復各有形如日景色皆慘化為青虹狀如弓者
二皆外向與日相背自辰至午而滅閏二月甲午日交暈左右有
珥三月庚午日無光四月甲戌日中有黑氣摩盪乙亥日將沉作
紅黃色外如炊烟圍罩數畝許日光所射如火焰夜分而沒十二
月辛巳午刻有物覆壓日上東西摩盪非烟非霧如蓋如吞通天
皆赤 二年正月十一日日旁有直氣長二丈餘七月初七日
四珥旁有赤氣 三年正月二十五日日暈全暈外有白氣內有
黑氣十月辛巳日生重半暈左右珥 四年正月癸未日赤無光
有黑子二三盪于旁漸至百許凡四日二月壬子日沒黃無光癸
丑黑日摩盪日旁四月癸酉日中黑氣摩盪

愍帝崇禎四年正月戊戌日色如血照人物皆赤二月乙巳朔日赤
如血無光 八年十一月二十六日日變白無光 十一年二月

朔日光摩盪竟日十一月癸亥日中有黑子及黑青白氣日入時
日光摩盪如兩日 十二年正月己未朔日白無光辛酉日光摩
盪竟日癸亥日旁有青黑氣若戰二月庚子日旁有紅白丸又白
芒黑氣交掩日光摩盪 十三年九月己巳兩日並出辰刻乃合
為一入時又分為二 十四年正月壬寅日青無光 十六年四
月二十四日日無光有青紅赤白氣圍日四重內黑氣蒙之十二
月朔日無光明年三月壬寅日色無光者兩旬

欽定天文正統卷六十四

日食占考

日食占考

夏仲康五年九月朔日有食之書亂狂乃季秋月朔辰弗集於房

周幽王六年十月日有食之詩十月之交朔日辛卯日有食之亦孔

之醜

文獻通考按右詩書中所載春秋以前三代時日食惟此二者可

攷云

春秋魯隱公三年春王二月己巳日有食之

桓公三年秋七月壬辰日有食之既 十七年冬十月朔不書日官

失之也

莊公十八年春王三月穀梁不言日不言朔夜食公羊曰食晦二十

五年辛未朔 二十六年十二月癸亥朔 三十年九月庚午朔

僖公五年九月戊申朔 十二年春王三月庚午 十五年夏五月

左傳不言朔與日官失之也

文公元年二月癸亥 十五年六月辛丑朔

宣公八年秋七月甲子日有食之既 十年夏四月丙辰 十七年

六月癸卯

成公十六年六月丙寅朔 十七年十有二月丁巳朔

襄公十四年二月己未朔 十五年秋八月丁巳 二十年冬十月

丙辰朔 二十一年九月庚戌朔 二十三年春王二月癸酉朔

二十四年秋七月甲子朔日有食之既八月癸巳朔 二十七年

冬十有二月乙亥朔

昭公七年夏四月甲辰朔左傳晉侯問於士文伯曰誰將當日食對

曰魯衛惡之衛大魯小公曰何故對曰去衛地如魯地衛地承事也魯地降

也日食於承事之末及降婁之始故禍在衛大在魯小也周四月今二月故日在降婁於是有災魯實受之

其大咎在衛君乎魯將上卿八月衛侯卒十五年六月丁巳

朔二十一年秋七月壬午朔左傳問於梓慎曰是何物也禍福

何為對曰二至二分日有食之不為災日月之行也分同道也至

相過也其他月則為災陽不克也故常為水二十四年夏五月

乙未朔左傳梓慎曰將水昭子曰旱也日過分而陽猶不克必

甚能無旱乎陽不克莫將積聚也三十二年十有二月辛亥朔

左傳是夜也趙簡子夢童子羸而轉以歌旦占諸史墨曰吾夢如

是今而日食何也六年及此月也吳其入郢乎終亦弗克入郢必

以庚辰日月在辰尾庚午之日始有請火勝金故弗克

定公五年春正月辛亥朔十有二月年冬十一月丙寅朔十有

五年八月庚辰朔

真定王二十六年日食晝晦

安王五年日食二十年日食既

烈王元年日食七年日食

赧王十四年日食晝晦

秦莊襄王三年四月日食

文獻通考按春秋書日食終於魯定公之十五年漢史言日食始

於高帝之三年其間二百九十三年搜考史傳書日食者凡七而

已皆春秋二百四十二年日食凡三十六劉向猶以為乖氣致異

至前漢二百一十二年而日食五十三則又數於春秋之時後漢

百九十六年而日食七十二魏晉一百五十年而日食七十九則

愈數於漢西都之世矣春秋降而戰國七雄競角爭城爭地斬艾

其民伏尸百萬以至於始皇二世生民之禍裂矣世道之變極矣

非氣所致謫見於天宜不勝書而此二三百之間日食僅六七

見焉何哉蓋史失其官不書於冊故後世無由考焉昔春秋日食

必書晦朔與日日而不書晦朔與晦朔而不書日俱以為官失之

今秦初書日食者一則書月而不書日與晦朔周末書日食者六

則書年而不書月其見於史冊而可考者鹵莽疎漏如此則其

遺軼不書者可勝道哉非日之果不食也

漢高帝三年十月甲戌晦日有食之在斗二十度燕地也後二年燕

王滅荼反誅立盧綰為燕王後又反敗十一月癸卯晦在虛三度

齊地也後二年齊王韓信徙為楚王明年廢為列侯後又反誅

九年六月乙未晦日有食之既在張十三度

惠帝七年正月辛丑朔在危十三度谷永以為歲首正月朔日是為

三朝尊者惡之五月丁卯先晦一日日有食之歲盡在七星初

高后二年六月丙戌晦七年正月己丑晦日有食之既在營室九

度為宮室中時高后惡之曰此為我也明年應

文帝二年十一月癸卯晦在婺女一度 三年十月丁酉晦在斗二

十二度十一月丁卯晦在虛八度 後四年四月丙辰晦在東井

十三度 七年正月辛未朔

景帝三年二月壬午晦在胃二度 十年十一月庚寅晦在虛九度

中元年十二月甲寅晦 二年九月甲戌晦 三年九月戊戌

晦歲盡在尾九度 六年七月辛亥晦在軫七度 後元年七月

乙巳先晦一日在翼十七度

武帝建元二年二月丙戌朔在奎十四度劉向以為奎為卑賤婦人

後有衛皇后自至徽輿卒有不終之禍 三年九月丙子晦在尾

二度 五年正月己巳朔 元光元年二月丙辰晦七月癸未先

晦一日在翼八度劉向以為前年高園便殿災與春秋御廡災後

日食於翼軫同其占內有女變外為諸侯其後陳皇后廢江都淮

南衡山王謀反誅 元朔二年二月乙巳晦日有食之在胃三度

六年十一月癸丑晦日有食之 元狩元年五月乙巳晦日有

食之在柳六度京易傳推以為是時日食從旁右法曰君失臣明

年公孫弘薨 元鼎五年四月丁丑晦在東井二十三度 元封

四年六月己酉朔 太始元年正月乙巳晦 四年十月甲寅晦

在斗十九度 征和四年八月辛酉晦日有食之不盡如鈞在亢

二度晴時食從西北日下晡時復

昭帝始元三年十一月壬辰朔在斗九度燕地也後四年燕刺王謀

反誅 元鳳元年七月己亥朔日有食之幾盡在張十二度劉向

為己亥而既其占重

宣帝地節元年十二月癸亥朔在營室十五度 五鳳元年十二月

乙酉朔在婺女十度 四年四月辛丑朔在畢十九度是為正月

朔慝未作左氏以為重異

元帝永光二年三月壬戌朔在婁八度 四年六月戊寅晦在張七

度 建昭五年六月壬申晦日有食之不盡如鈞因入

成帝建始三年十二月戊申朔其夜未央殿中地震谷永對曰日食

婺女九度占在皇后地震蕭牆之內咎在貴妾二者俱發明同事

異人共掩制陽將害繼嗣也 河平元年四月己亥晦日有食之

不盡如鈞在東井六度劉向對曰四月交於五月月同孝惠日同

孝昭東井京師地且既其占恐害繼嗣日食食時從西南起 三

年八月乙卯晦在房 四年三月癸丑朔在昴 陽朔元年二月

丁未晦在胃 永始元年九月丁巳晦 二年二月己酉晦 三

年正月己卯晦日有食之 四年七月辛未晦鄭興上疏言夫日

月交會數應在朔而頃年日食多在子晦先時而合皆月行疾也

日君象月臣象君亢急則臣下促迫故行疾也

按日食在晦乃推算之踈誤以朔日為晦日也鄭興謂月行疾

固是但月行本有遲疾必以遲疾歸咎于其君臣則過矣

哀帝元壽元年正月辛丑朔日有食之不盡如鉤在管室十度與惠
帝七年同月日鮑宣上言今日食於三始誠可畏思小民正月朔
日尚恐毀敗器物况日虧乎 二年三月壬辰晦

平帝元始元年五月丁巳朔在東井 二年九月戊申晦日有食之
既

光武建武元年正月庚午朔日有食之帝是年六月方即位時猶為

更始三年 二年正月甲子朔在危八度時世祖初興天下賊亂

未除虛危齋也賊張步擁兵據齊上遣伏隆諭步許降旋復叛稱

王至五年中乃破 三年五月乙卯晦在柳十四度柳河南也特

世祖在雒陽赤眉降賊樊崇謀作亂其七月發覺皆伏誅 六年

九月丙寅晦史官不見即以聞在尾八度 七年三月癸亥晦在

畢五度畢為邊兵秋隗囂反侵安定冬盧芳所置朔方雲中太守

各舉郡降 十六年三月辛丑在昴七度昴為獄事時諸郡太守

坐度用不實世祖怒殺十餘人 十七年二月乙未晦在胃九度

胃為廩倉時諸郡新坐租之後天下憂怖以穀為言故示象或曰

胃供養之官也其十月廢郭皇后詔曰不可以奉供養 二十二

年五月乙未晦在柳七度京都宿也柳為上倉祭祀穀也近輿鬼

輿鬼為宗廟十九年中有司奏請立近帝四廟以祭之有詔廟處

所未定且就高廟祫祭之至此三年遂不立廟有簡墮心奉祖宗

之道有閔故示象也 二十五年三月戊申晦在畢十五度畢為

邊兵其冬十月以五谿蠻夷為寇害伏波將軍將兵擊之 二十

九年丁巳朔在東壁為文章一名姬管之口先是皇子諸王各招

求文章談說之士去年中有人上奏諸王所招待者或真偽雜受

刑罰者子孫宜可分別於是上怒詔捕諸王客皆被以苛法死者

甚多世祖不早為明設刑禁一時治之過差故天示象世祖於是

改悔遣使悉理侵枉也 三十一年五月癸酉晦在柳五度 中

元元年十一月甲子晦在斗二十八度斗為廟主爵祿儒說十一

月甲子時王日也又為星紀主爵祿其占重

明帝永平三年八月壬申晦在氐三度 八年十月壬寅晦日有食

之既在斗十一度斗吳也廣陵於天文屬吳後二年廣陵荆王坐

謀反自殺 十二年十月甲辰晦在尾十七度 十六年五月戊

午晦在柳十五度 十八年十一月甲辰晦在斗二十一度

章帝建初五年二月庚辰朔在東壁八度例在前建武二十九年是

時群臣爭經多相毀者 六年六月辛未晦在翼六度翼主遠客

冬東平王蒼等來朝明年正月彗彗 元和元年八月乙未晦史

官不見他官以聞日在氐四度

和帝永和二年二月壬午史官不見涿郡以聞日在奎八度 四年

六月戊戌朔在七星二度主衣裳又日行近軒轅左角為太后族

是月十九日上免太后兄弟竇憲等官遣就國選嚴能相於國威

迫自殺 七年四月辛亥朔在觜觶 十二年秋七月辛亥朔在

翼八度荆州宿也明年冬南郡蠻夷反為寇 十五年四月甲子
晦在京井二十二度是年雨水傷稼

安帝永初元年三月二日癸酉在胃二度 五年正月庚辰朔在虛

八度正月王者統事之正日也虛空名也是年鄧太后攝政安帝
不得行事俱不得其政若王位者位虛故於正月陽不克示象也

於是陰預乘陽故孽夷並為寇害西邊諸郡皆至虛宮空 七年

四月丙申晦在京井一度 元初元年十月戊子朔在尾十度

二年九月壬午晦在心四度 三年三月二日辛亥在婁五度史

官不見遼東以聞 四年二月乙亥朔在奎九度史官不見七郡

以聞奎主武庫兵其年十月八日壬戌武庫火燒兵器也 五年

八月丙申朔在翼十八度史官不見張桓以聞 六年十二月戊

午朔日有食之幾盡地如昏狀在須女十一度女主惡之 永寧

元年七月乙酉朔在張十五度史官不見酒泉以聞 延光三年

九月庚寅晦在氏十五度 四年三月戊午朔在胃十二度隴西

酒泉朔方各以狀上史官不覺

順帝永建二年七月甲戌朔日有食之在翼九度 陽嘉四年閏月

丁亥朔在角五度史官不見零陵以聞 永和三年十二月戊戌

朔在涓女十一度史官不見會稽以聞 五年五月己丑晦在東

井三十三度東井三輔宿也又近與鬼與鬼為宗廟其秋西卷為

寇至三輔園陵 六年九月辛亥晦在尾十一度尾主後宮繼嗣

不與之象

桓帝建和元年正月辛亥朔日有食之在營室三度史官不見郡國

以聞 三年四月丁卯晦在東井二十三度 元嘉二年七月二

日庚辰在翼四度史官不見廣陵以聞 永興二年九月丁卯朔

在角五度角鄭宿也十一月泰山盜賊群起劫殺長史泰山於天

文屬鄭 永壽三年閏月庚辰晦在七星二度史官不見郡國以

聞 延熹元年五月甲戌晦在柳七度京都宿也 八年正月丙

申晦在營室十三度 九年正月辛卯朔在營室三度史官不見

郡國以聞 永康元年五月壬子晦在與鬼一度儒說壬子淳水

日陽不克將有水害其八月六州大水勃海盜賊

靈帝建寧元年五月丁未朔冬十月甲辰晦日有食之 二年十月

戊戌朔右扶風以聞 三年三月丙寅晦在梁相以聞 四年三月

辛酉朔 熹平二年二月癸酉晦在虛二度 六年十月癸丑朔

趙相以聞 光和元年二月辛亥朔十月丙子晦在箕四度 二

年四月甲戌朔 四年九月庚寅朔在角六度 中平三年五月

壬辰晦 六年四月丙午朔

獻帝初平四年正月甲寅朔在營室四度 興平元年六月乙巳晦

建安五年九月庚午朔 六年十月癸未朔 十三年十月癸

未朔在尾十二度 十五年二月乙巳朔 十七年六月庚寅晦

二十一年五月己亥朔 二十四年二月壬子晦

魏文帝黃初二年六月戊辰晦日有食之 三年正月丙寅朔十一

月庚申晦 五年十一月戊寅晦

明帝太和五年十一月戊戌晦 六年正月戊辰朔見吳越 青龍

元年閏月庚寅朔

少帝正始元年七月戊申朔 三年四月戊戌朔 四年五月丁丑

朔 五年四月丙辰朔 六年四月壬子朔十月戊申朔 八年

二月庚午朔 九年正月乙未朔 嘉平元年二月己未朔

高貴鄉公甘露四年七月戊子朔 五年正月乙酉朔

元帝景元二年五月丁未朔 三年十一月己亥朔

晉武帝泰始二年七月丙午朔 十月丙午朔 七年十月丁丑朔

八年十月辛未朔 九年四月戊辰朔七月丁酉朔 十年正

月乙未三月癸亥 咸寧元年七月甲申晦 三年正月丙子朔

四年正月庚午朔 太康四年三月辛丑朔 七年正月甲寅

朔 八年正月戊申朔 九年正月壬申朔六月庚子朔並日有

食之

惠帝元康九年十一月甲子朔 永康元年正月己卯四月辛卯朔

並日有食之 永寧元年閏月丙戌朔 光熙元年正月戊子朔

七月乙酉朔十二月壬午朔

懷帝永嘉元年十一月戊申朔 二年正月丙子朔 六年二月壬

子朔

愍帝建興四年六月丁巳朔十二月甲申朔並日有食之 五年五

月丙子十一月丙子並日有食之

元帝太興元年四月丁丑朔

明帝太寧三年十一月癸巳朔在卯至斗吳分也其後蕪峻作亂

成帝咸和二年五月甲申朔在井 六年三月壬戌朔 九年十月

乙未朔 成康元年十月乙未朔 七年二月甲子朔 八年正

月乙未朔京都大雨郡國以聞

穆帝永和二年四月己酉 七年正月丁酉 八年正月辛卯並日

有食之 十二年十月癸巳朔在尾尾燕分北狄之象也是時邊

表楚符生互相吞噬朝廷憂勞征伐不止 升平四年八月辛

丑朔日有食之

哀帝隆和元年三月甲寅十二月戊午朔並日有食之

海西公太和三年三月丁巳朔 五年七月癸酉朔並日有食之

孝武帝寧康三年十月癸酉朔 太元四年閏月己酉朔是時符堅

攻沒襄陽執朱序 六年六月庚子朔 九年十月辛亥朔 十

七年五月丁卯朔 二十年三月庚辰朔

安帝隆安四年六月庚辰朔 元興二年四月癸巳朔 義熙三年

七月戊戌朔 十年九月丁巳朔 十一年七月辛亥晦 十

三年正月甲戌朔

恭帝元熙元年十一月丁亥朔

宋營陽王景平二年二月己卯朔日有食之

文帝元嘉四年癸卯朔 五年五月壬辰朔十一月己丑朔 十七

年四年戊午朔 十九年七月甲戌晦 二十三年六月癸未朔

三十年秋七月辛丑朔

孝武帝孝建元年七月丙申朔日有食之既 大明五年九月甲寅

明帝太始四月十月癸酉朔 五年十月丁卯朔

後廢帝元徽元年十二月癸卯朔

順帝昇明二年三月己酉朔九月乙巳朔 三年三月癸卯朔

齊高帝建元二年九月甲午朔 三年七月己未朔

武帝永明元年十二月乙巳朔

廢帝隆昌元年五月甲戌朔

明帝建武元年十一月壬申朔

東昏侯永元三年正月丙申朔

梁武帝天監元年七月丁巳朔 五年三月丙寅朔 十年十二月

壬戌朔日食在牛四度 十五年三月戊辰朔日有食之既 普

通元年正月乙亥朔丙子占日食陰侵陽陽不克陰也為大水

其年七月江淮海溢 三年五月壬辰朔日有食之既 四年十

一月癸未朔 大同四年六月辛丑朔 太清元年春正月己亥

朔

陳武帝永定三年五月丙辰朔

文帝天嘉三年九月戊辰朔

宣帝大建三年九月庚子朔 六年三月壬辰朔

後主至德三年春正月戊午朔

後魏道武帝天興三年夏六月庚辰朔 六年夏四月癸巳朔 天

賜五年十月戊戌朔

明元帝神瑞元年九月丁巳朔 二年八月庚辰晦 泰常元年七

月辛亥晦 二年正月甲戌朔 四年冬十一月丁亥朔

太武始光四年六月癸卯朔 神龜元年十一月乙未朔 太延元

年正月乙未朔 三年冬十一月乙卯朔 太平真君元年四月

戊子朔 三年八月甲戌晦 六年六月戊子朔 七年六月癸

未朔 太延元年四月丙申朔

文成帝興安元年七月丙申朔 和平元年九月庚申朔 二年二

月壬子朔

獻文帝皇興元年十月己亥朔 二年四月丙子朔十月癸酉朔

三年十月丁酉朔

孝文延興元年十二月癸卯 三年十二月癸卯朔 四年正月癸

酉朔 太和元年十月辛亥朔 二年二月乙酉晦 三年三月

癸卯朔 五年七月庚申朔 七年十二月乙巳朔 十二年二

月辛亥朔 十四年正月己巳朔 十五年正月癸亥晦 十七

年六月庚辰朔 十八年五月甲戌朔 二十年九月庚寅晦

宣武帝景明元年正月辛丑朔七月己亥朔 二年秋七月癸巳朔

三年七月丁巳朔 永平元年八月壬子朔 二年八月丙午

朔 四年十二月壬戌朔 延昌元年五月己未朔 二年五月

甲寅朔

孝明帝熙平元年三月戊辰朔 神龜二年正月辛巳朔 正光元

年正月乙亥朔 二年五月丁酉朔 三年五月壬辰朔 冬十

一月己丑朔 四年十一月癸未朔

孝莊帝永安二年十月乙酉朔

節閏帝普泰元年六月己亥朔

孝武永熙元年十月辛酉朔 二年四月己未朔 三年四月癸丑

朔

孝穆帝元象元年正月辛酉朔 興和元年閏五月丁丑朔 武定

五年正月己亥朔

北齊後主武平七年六月戊申朔

周武帝保定元年四月丙子朔十月甲戌朔 二年九月壬辰朔

三年三月乙丑朔 四年二月庚寅朔八月丁亥朔 五年七月

辛巳朔 天和六年正月己卯朔 二年正月癸酉朔十一月戊

戌朔 三年十一月壬辰朔 五年十月辛巳朔 六年四月戊

寅朔 建德元年三月癸卯朔九月庚子朔 三年二月壬辰朔

四年二月丙戌朔十二月辛亥朔 五年六月戊申朔 六年

十一月己亥朔

靜帝大象二年十月甲寅朔

隋文帝開皇三年二月己巳朔秋七月丁卯 四年正月甲子朔

十一年二月辛巳晦 十二年七月壬申晦 十三年七月戊辰

晦 仁壽元年二月乙卯朔

煬帝大業十二年五月丙戌朔

唐高祖武德元年十月壬申朔日有食之在辰五度占曰諸侯專權

則其應在所宿國諸侯附從則為王者事 四年八月丙戌朔在

翼四度楚分也 六年十二月壬寅朔在斗十九度吳分也 九

年十月丙辰朔在斗七度

太宗貞觀元年閏三月癸丑在胃九度九月庚戌朔在元九度胃為

天倉元為疏廟 二年三月戊申朔在婁十一度占為大臣憂

三年八月己巳朔在翼五度占曰旱 四年閏正月丁卯朔在營

室四度七月甲子朔在張十四度占為火禮 六年正月乙卯朔

在虛九度虛耗祥也 八年五月辛未朔在參七度 九年閏四

月丙寅朔在畢十三度占為遣兵 十一年三月丙戌朔在婁三

度占為大臣憂 十二年閏二月庚辰朔在奎九度奎武庫也

十三年八月辛未朔在翼十四度翼為遠夷 十七年六月己卯

朔在東井十六度京師分也 十八年十月辛丑朔在房三度房

將相位 二十年閏三月癸巳朔在胃九度占曰主有疾 二十

二年八月己酉朔在翼五度占曰旱

高宗顯慶五年六月庚午朔在柳五度 龍朔元年五月甲子晦在

東井二十七度皆京師分也 麟德二年閏三月癸酉在胃九度

占曰主有疾 乾封二年八月己酉朔在翼六度 總章二年六

月戊申朔在東井二十九度 咸亨元年六月壬寅朔在東井十

八度 二年十一月甲午朔在箕九度 三年十一月戊子朔在

尾十度東井京師分箕為后妃之府尾為後宮 五年三月辛亥

朔在婁十三度占為大臣憂 永隆元年十一月壬申朔在尾十

六度 開耀元年十月丙寅朔在尾四度 永淳元年四月甲子

朔在畢五度十月庚申朔在房三度

武后垂拱二年二月辛未朔在營室十五度 四年六月丁亥朔在

東井二十七度京師分也 天授二年四月壬寅朔在昴七度

如意元年四月丙申朔在胃十一度皆正陽之月 長壽二年九

月丁亥朔在角十度角內為天廷 延載元年九月壬午朔在軫

八度軫為車騎 證聖元年二月己酉朔在營室五度 聖曆三

年五月己酉朔在畢十五度 長安二年九月乙丑朔幾既在角

初度 三年三月壬戌朔在奎十度占曰君不安九月庚寅朔在

亢七度

中宗神龍三年六月丁卯朔在東井二十八度京師分也 景龍元

年十二月乙丑朔在南斗二十八度斗為丞相位

明皇先天元年九月丁卯朔在角十度 開元三年七月庚申朔在

張四度 七年五月己丑朔在畢十五度 九年九月乙巳朔在

軫十八度 十二年閏十二月丙辰朔在虛初度 十七年十月

戊午朔不盡如鈞在氐九度 二十年二月甲戌朔在營室十度

八月辛未朔在翼七度 二十一年七月乙丑在張十五度 二

十二年十二月戊子朔在南斗十三度 二十三年閏十一月壬

午朔在南斗十一度 二十六年九月丙申朔在元九度 二十

八年三月丁亥朔在翼三度 天寶元年七月癸卯朔在張五度

五載五月壬子朔在婁十六度 十三載六月乙丑朔幾既在

東井十九度京師分也

肅宗至德元載十月辛巳朔日有食之既在氐十度 上元二年七

月癸未朔日有食之既大星皆見在張四度

代宗大曆三年三月乙巳朔在奎十一度 十年十月辛酉朔在氐

十一度宋分也 十四年七月戊辰朔在張四度十二月丙寅晦

在危十二度

德宗貞元二年八月辛巳朔在軫八度 五年正月甲辰朔在營室

六度 八年十一月壬子朔在尾六度宋分也 十二年八月己

未朔在翼十八度占曰旱 十七年五月壬戌朔在東井十度

憲宗元和三年辛巳朔在七星三度 十年八月己亥朔在翼十八

度 十三年六月癸丑朔在輿鬼一度京師分也

一第... 續修四庫全書第 26 反文句

穆宗長慶二年四月辛酉朔在胃十三度 三年九月壬子朔在角十二度

文宗大和八年二月壬午朔在奎二度 開成元年正月辛丑朔在虛二度

武宗會昌三年二月庚申朔在東壁一度并州分也 四年二月甲寅朔在營室七度 五年七月丙午朔在張七度 六年十二月

戊辰朔在南斗十四度 宣宗大中二年五月己未朔在參九度 八年正月丙戌朔在危二度危為玄枵亦耗祥也

懿宗咸通四年七月辛卯朔在張十七度 僖宗乾符三年九月乙亥朔在軫十四度 四年四月壬申朔在畢

三度 六年四月庚午朔在胃八度 文德元年三月戊戌朔在胃一度

昭宗天祐元年十月辛卯朔在心二度 三年四月癸未朔在胃十二度

梁太祖開平五年正月丙戌朔日有食之 乾化元年正月丙戌朔 少帝龍德三年十月辛未朔

唐莊宗同光三年四月癸亥朔司天奏在昴主歲大旱 明帝天成元年八月乙酉朔 二年八月己卯朔 三年五月丁丑

其日陰雲不見百官稱賀 長興元年六月癸巳朔 二年十一月

月甲申朔先是司天奏朔日合食二分伏緣所食微少太陽光影相鑠伏恐不辨虧闕請其日不入閭百官不守司從之

晉高祖天福二年正月乙卯朔 三年正月戊申朔 四年七月庚子朔 七年四月甲寅朔 八年四月戊申朔

少帝開運元年九月庚午朔 二年八月甲子朔 三年二月壬戌朔

漢隱帝乾祐元年六月戊寅朔 二年六月癸酉朔 三年十一月甲子朔

周太祖廣順二年四月丙戌朔 宋太祖建隆元年五月己亥朔 二年四月癸巳朔 乾德三年二月壬寅朔 驗天不食 五年六月戊子午朔 開寶元年十二月

己酉朔 三年四月辛未朔 四年十月癸亥朔 五年九月丁巳朔 七年二月庚辰朔 八年七月辛未朔

太宗太平興國二年十一月丁亥朔 六年九月乙未朔 七年三月癸巳朔 八年二月戊子朔 雍熙二年十二月庚子朔 三年六月戊戌朔

淳化二年閏二月辛未朔 三年二月乙丑朔 四年二月乙未朔 五年十二月戊寅朔雲陰不見與不食同侍臣稱賀

真宗咸平元年五月戊午朔十月丙戌朔 二年九月庚辰朔 五年七月甲午朔 景德元年十二月庚辰朔 三年五月壬寅朔

雲陰不見 四年五月丙申朔十月甲午朔雲陰不見 大中祥符二年三月丙辰朔陰雨不見 五年八月丙申朔 六年十二月戊午朔 七年十二月癸丑朔驗天不食 八年六月己酉朔 元禧三年三月戊午朔 五年七月甲戌朔嘗食既測驗及四分止

仁宗乾興元年七月甲子朔日食幾盡 天聖二年五月丁亥朔日當食候之不食 四年十月甲戌朔 六年三月丙申朔 七年八月丁亥朔 明道二年六月甲午朔 景祐三年殿中丞王立言四月己酉朔日當食二分半候之不食 寶元元年正月丙辰朔食六分申一刻便復六月戊子日官楊惟德等言求歲閏十二月則庚辰歲正月朔日當食請移閏於庚辰則日食在前正月之晦帝曰閏所以正天時而授民事豈可曲避乎不許 康定元年正月丙辰朔食 慶歷二年六月壬申朔食五分至酉六刻帶二分入濁不見 三年五月丁卯朔食 四年十一月戊申朔日當食不食 五年四月丁亥朔日應食而雲晦不見 六年三月辛巳朔食四分半申三刻復 皇祐元年正月甲午朔食一分四年十一月壬寅朔食二分弱未正一刻復 五年十月丙申朔午正一刻食至四分半 至和元年四月甲午朔食至九分餘缺於西南申正一刻甚是日雷雨降詔恤刑及預降德音占曰正陽之日日食王者惡之 嘉祐元年八月庚戌朔食二分 三年八月

己亥朔食三分半 四年正月丙寅朔食三分餘未初三刻復占曰受歲而食日王者惡之先是日食欲改戊戌年十二月為閏以避之詔不許 六年六月壬子朔未初刻食四分入雲不見

神宗熙寧元年正月甲戌朔日有食之 二年七月乙丑朔太史言日當食八分是日陰雲蔽食不及定分 六年四月甲戌朔太史言日當食陰雲不見 八年八月庚寅太史言日當食陰雲不見 元豐元年六月癸卯太史言日當食驗之不食 三年十一月己丑太史言日食六分不及所食分數 四年十一月癸未太史言日當食驗之不食 五年四月壬子太史言日有食之陰雲不見 六年九月癸卯日有食之

哲宗元祐二年七月庚戌太史言日當食陰雲不見 六年五月己未朔 紹聖元年二月壬申朔太史言日當食陰雲不見初虧至未時三刻雲開見日西南已食一分餘六刻食甚至七分有雲不見復圓 二年二月丁卯太史言日當食驗之不食 四年六月癸未太史言日當食陰雲不見 元符三年四月丁酉朔

徽宗建中靖國元年四月辛卯太史言日當食陰雲不見 大觀元年十一月壬子朔 二年五月庚戌朔 五年七月戊辰朔 重和元年五月壬午朔 宣和元年四月丙子朔 五年八月辛巳朔太史言日當食陰雲不見

高宗建炎三年九月丙午朔食於元四度 紹興五年正月乙巳朔

食於女分 七年二月癸巳朔食於室 十三年十二月癸未朔
食於牛靈雲蔽之不見用舊制拜表稱賀 十五年六月乙亥朔
食於井占諸侯死又曰大旱民流亡 十七年十月辛卯朔食於
氏 十八年四月戊子朔 十九年三月癸未朔 二十四年五
月癸丑朔 二十五年五月丁未朔日皆當食靈雲不見 二十
八年三月辛酉朔日當食靈雲不見始降詔免賀猶宣付史館
三十年八月丙午朔食於翼 三十一年正月甲戌朔太史局言
日常食而不食占人君修德罪已察姦理賢寬恩布德上動於天
則有食而不食 三十二年正月戊申朔食於女

孝宗隆興元年六月庚申朔食於井 二年六月甲寅靈雲不見
乾道五年八月甲申朔食於翼 九年五月壬辰朔食於井 淳
熙元年十一月甲申朔食於尾 三年三月丙午朔日當食靈雲
不見 四年九月丁酉朔日當食靈雲不見時孝宗厲精為治
十年十一月壬戌朔食於心占曰食壬戌羣小萌食大半災重相
死又曰法令有失將相相疑 十五年八月甲子朔食於翼占曰
甲子日食彘兵動又曰在翼為王者失禮又秋食為兵 十六年
二月辛酉朔日當食是日靈雲蔽不見虧分
寧宗慶元元年三月丙戌朔食於婁占多冤訟其分有判臣或大水
又曰戒邊臣於是侂冑用事始有意北伐 四年正月乙亥朔靈
雲不見 五年正月癸巳朔靈雲不見 六年六月乙酉朔日當

食太史言夜食不見 嘉泰二年五月甲辰朔食於畢占主大水
潦諸侯死邊將亡遠國謀亂三年吳曦反於蜀伏誅 三年四月
己亥朔日當食而太史局言日體圓明不見虧分凡言不見虧分
者食不及一分也 開禧二年二月壬子朔 嘉定三年六月丁
巳朔日有食之 四年十一月己酉朔當食不見虧分 七年九
月壬戌朔食於角 九年二月甲申朔食於室 十年七月丙子
朔食於張 十一年七月庚午朔日食一分其日正午或見或不
見太史局言是為陽盛陰微日體不虧 十四年五月甲申朔食
於畢 十六年九月庚子朔日食於軫

理宗寶慶三年六月戊申朔日有食之 紹定元年六月壬寅朔日
食靈雲不見 端平二年甲子朔日當食不虧 嘉熙元年十二
月戊寅朔日有食之 淳祐二年九月庚辰朔日有食之 三年
三月丁丑朔 五年七月癸巳朔日食 六年正月辛卯朔日有
食之 九年四月壬寅朔日有食之 十二年二月乙卯朔 寶
祐元年二月己酉朔 景定元年三月戊辰朔 二年三月壬戌
朔日食
度宗咸淳元年正月辛未朔日有食之 三年五月丁亥朔 四年
十月戊寅朔 六年三月庚子朔 七年八月壬辰朔 八年八
月丙戌朔日食
恭帝德祐元年六月庚子朔日有食之既晝晦如夜星見雞鷲皆歸

端宗景炎二年十月朔日有食之

遼太祖五年正月丙戌朔日有食之 神冊六年六月乙卯朔 天

贊二年十月辛未朔

太宗會同六年四月戊申朔

穆宗應歷二年四月丙戌朔 五年二月庚子朔 十一年四月癸

巳朔 十五年二月壬寅朔日食

景宗保寧九年十一月丁亥朔司天奏日當食不虧

聖宗統和九年閏二月辛未朔日有食之 十年二月乙丑朔 十

二年七月辛亥朔 十二月戊寅朔 十五年五月甲子朔 二

十年七月甲午朔 二十二年十二月庚辰朔 開泰九年七月

庚戌朔日食

興宗重熙十八年正月甲午朔日有食之 二十二年十月丙申朔

日食

道宗清寧七年六月壬子朔日有食之 咸雍二年九月壬子朔

四年正月甲戌朔 五年七月乙丑朔 太康元年八月庚寅朔

六年十一月己丑朔 九年九月癸卯朔 大安七年五月己

未朔 十年三月壬申朔 壽隆六年四月丁酉朔

天祚帝保大二年二月庚寅朔日有食之

金太祖天輔三年四月丙子朔日有食之 四年十月戊辰朔 六

年二月庚寅朔 七年八月辛巳朔日食

太宗天會七年九月丙午朔日有食之 十三年正月丙午朔日食

熙宗天眷三年七月癸卯朔日有食之 皇統三年十二月癸未朔

四年六月辛巳朔 五年六月乙亥朔 八年四月戊子朔 九年

三月癸未朔日食

海陵貞元二年五月癸丑朔日有食之 三年五月丁未朔日食

正隆三年三月辛酉朔司天奏日食候之不見

世宗大定二年正月戊辰朔日有食之 三年六月甲申朔日食

四年六月甲寅朔日食 七年四月戊辰朔日食 九年八月甲

申朔有司奏日當食以雨不見 十三年五月壬辰朔 十四年

十一月甲申朔 十六年三月丙午朔 十七年九月丁酉朔

二十三年十一月壬戌朔 二十八年八月甲子朔 二十九年

二月辛酉朔俱日食

昌宗明昌六年三月丙辰朔日有食之

章宗承安三年正月己亥朔日食陰雲不見 五年十一月癸丑朔

泰和二年五月甲辰朔日食

衛紹王大安二年志作元年十二月辛酉朔日有食之

宣宗貞祐二年九月壬戌朔日有食之大星皆見

四年二月甲申朔閏七月壬午朔 興定元年七月丙子朔 二

年七月庚午朔 五年五月甲申朔 元光二年九月朔日食

哀帝正大五年十二月庚子朔日有食之

元世祖中統二年三月壬戌朔日有食之 至元二年正月辛未朔

四年五月丁亥朔 五年十月戊寅朔 七年三月庚子朔

八年八月壬辰朔 九年八月丙戌朔 十二年六月庚子朔

十四年十月丙辰朔 十九年六月己丑朔七月戊午朔 二十

四年十月戊午朔 二十六年三月庚辰朔 二十七年八月辛

未朔 二十九年正月甲午朔日有食之有物漸入日中不能既

日體如金環然左右有珥上有抱氣 三十一年六月庚辰朔日

食

成宗大德元年四月癸巳朔日有食之 三年八月己酉朔日食不

應 四年二月丁未朔 六年六月癸亥朔 七年閏五月戊午

朔 八年五月癸未朔

仁宗皇慶元年六月乙丑朔日有食之 延祐二年四月戊寅朔

五年二月癸巳朔 六年二月丁亥朔 七年正月辛巳朔日有

食之

英宗至治元年六月癸卯朔 二年十一月甲午朔

泰定帝泰定四年九月丙申朔日有食之

文宗天歷二年七月丙辰朔 至順二年八月甲辰朔 十一月壬

申朔

順帝元統二年四月戊午朔日有食之 至元二年八月甲戌朔

三年二月壬申朔 至正二年八月庚子朔十月己亥朔 三年

四月丙申朔 四年九月丁亥朔 五年九月壬午朔 六年二

月庚戌朔 七年正月甲辰朔 八年七月丙申朔 九年十一

月戊午朔 十年十一月壬子朔 十一年五月己酉朔 十二

年四月癸卯朔 十三年九月乙丑朔 十四年三月癸亥朔

十七年正月丙子朔 十八年六月戊辰朔十二月乙丑朔 二

十年五月丁亥朔 二十一年四月辛巳朔 二十四年八月壬

辰朔 二十六年七月辛巳朔 二十七年六月丙午朔十二月

癸卯朔日食

明太祖洪武元年五月庚午朔日有食之 二年五月甲午朔 四

年九月庚戌 六年三月癸卯 七年二月丁酉朔 八年七月

己未朔 九年七月癸丑朔 十年十二月乙巳朔 十四年十

月壬子朔 十六年八月壬申朔 十九年十二月癸未朔 二

十一年五月甲戌朔 二十二年九月丙寅朔 二十三年九月

庚寅朔 二十四年三月戊子朔 二十六年七月甲辰朔 三

十年五月壬子朔

惠帝建文二年三月丙寅朔日有食之

成祖永樂四年六月己未朔日當食陰雲不見 七年九月庚午朔

十一年正月辛巳朔日食 十三年五月丁酉朔 十八年八

月丁酉朔 十九年八月辛卯朔日食 二十年正月己未朔日

食 二十一年六月庚戌朔日食

宣宗宣德五年八月己巳朔日食陰雨不見 七年正月辛酉朔日食 十年十一月戊辰朔日有食之

英宗正統六年正月己亥日當食不見 九年十月丙午朔 十年四月甲辰時朔 十二年八月庚申朔日食時王孫作亂諱言災

警上于天象變異迭見

景帝景泰二年六月戊辰朔日當食不見 三年十一月己未朔

五年四月壬午朔 六年四月丙子朔日食

英宗天順四年七月乙亥朔 五年十一月丁酉朔 七年五月己

丑朔日食 八年四月癸未朔日當食不見

憲宗成化三年二月丁酉朔日有食之 五年六月癸丑朔 六年

六月戊申朔 九年四月辛酉朔 十年九月癸丑朔 十一年

九月丁未朔 十二年二月乙亥朔 二十年九月乙酉朔 二

十一年八月己卯朔日食

孝宗弘治元年六月癸巳朔日有食之 二年十二月甲申朔 八

年二月乙卯朔 十一年閏十一月壬戌朔 十三年五月甲寅

朔 十四年九月丙子朔 十五年九月庚午朔日食

武宗正德二年正月乙亥朔日有食之 九年八月辛卯朔 十年

十二月癸丑朔 十二年六月乙巳朔 十三年五月乙亥朔

十六年三月癸丑朔日食

世宗嘉靖四年閏十二月乙卯朔日有食之 六年五月丁丑朔

七年五月辛未朔 八年十月癸亥朔 十二年八月辛未朔日

食 十八年九月乙未朔 十九年三月癸巳朔 二十一年七

月己酉朔日有食之 二十二年正月丙子朔日有食之 二十

四年五月壬戌朔 二十四年五月壬戌朔 二十八年三月辛

未朔日食 三十二年正月戊寅朔日食陰雲不見 三十四年

十一月壬辰朔 三十五年十月丙戌朔日食 四十年二月辛

卯朔申酉間日當食陰雲不見七月乙丑朔 四十三年五月壬

寅朔 四十五年四月壬戌朔日食

穆宗隆慶四年正月乙巳朔日有食之 六年六月乙卯朔日食

神宗萬曆三年四月己巳朔日有食之既未刻晦星見至申刻漸明

五年閏八月乙酉朔日當食陰雲不見 八年二月辛未朔

十年六月丁亥朔 十一年十一月己卯朔日食 十五年九月

丁亥朔日當食陰雲不見 十七年正月己酉朔 十八年七月

庚子朔日食 二十一年十一月辛亥朔日當食不食 二十二

年四月己酉朔 二十四年閏八月乙丑朔日食 三十一年四

月丁亥朔日有食之 三十二年四月辛巳朔日食 三十八年

十一月壬寅朔日有食之 四十年五月甲午朔日有食之 四

十三年三月丁未朔日食 四十四年三月辛未朔 四十五年

七月癸亥朔 熹宗天啟元年四月壬申朔日有食之

愍帝崇禎二年五月乙酉朔日有食之 四年十月辛丑朔 七年
三月丁亥朔 十年正月辛丑朔 十四年十月癸卯朔 十六
年二月乙亥朔日食

欽定天文正義卷六十五
月占考

月占考



漢高祖七年月暈圍參畢七重占曰畢昴間天街也街北胡也

街南中國也昴為匈奴參為趙單為邊兵是歲高皇帝自將

兵擊匈奴至平城為冒頓單于所圍七日乃解

成帝建始元年八月戊午晨漏未盡三刻有兩月重見

光武建武八年三月庚子夜月暈五重紫微青黃似虹有黑氣

如雲月星不見丙夜乃解 中元元年十一月甲辰月中星

齒往來出入

獻帝興平二年十二月月在太微端門中重暈二珥兩白氣廣

八九寸貫月東西南北

魏文帝黃初四年十一月月暈北斗

晉海西公大和四年閏月乙亥月暈軫復有白暈貫月北暈斗

柄三星

安帝隆安五年三月甲子月生齒占曰月生齒天子有賊臣辱

下自相殘 義熙十一年十一月乙未月入與鬼見而暈占

曰王慶財寶出一日月暈有款

梁武帝太清二年五月兩月相承如鉤見於西方占曰其國亂

必見亡國

簡文帝大寶元年正月丙寅月晝光於東方

西魏文帝大統十四年正月朔兩月並見

周武帝天和五年正月乙巳月在氏暈有白虹長丈所貫之而

有兩珥連接現北斗第四星占曰兵大起大戰將軍死於野

是冬齊師寇邊明年詔齊公憲率師禦之自龍門渡河攻拔

其新築五城兵大起大戰之應也 建德五年十月己未庚

申月連暈規昴畢五車及參占曰兵起爭地又曰王自將兵

天下大赦

隋煬帝大業九年正月二十七日兩月並見

唐太宗貞觀初突厥有三月並出

明皇天寶三載正月庚戌月有紅氣如垂帶

肅宗元年建子月癸巳夜月掩昴而暈色白有氣自北貫之

建辰月丙戌月有黃白冠連暈圍東井五諸侯兩河及與鬼

東井京師分也

代宗大曆十年九月戊申月暈熒惑畢昴參東及五車暈中有

黑氣乍合乍散十二月丙子月出東方上有十餘道如足練

貫五車及畢甯麟參東井與鬼柳軒轅中夜散去占曰女主

凶白氣為兵喪五車主庫兵軒轅為後宮其宿則晉分及京

師也

憲宗元和十一年己未旦日己出有虹貫月於營室

文宗開成四年閏正月甲申朔乙酉月在營室正僊魄質成早

也占為臣下專恣之象 五年正月戊寅朔甲申月昏而中

未弦而中早也占曰同上

昭宗景祐二年十一月有白氣如環貫月穿北斗連太微天

復二年十二月甲辰夜月有三暈裡白中赤黃外綠天祐

三年二月丙申月暈熒惑

宋真宗天禧四年四月乙酉西南方兩月重則占大臣爭權有

誅又曰有大水其年秋宰相寇準以罪貶滑州河決京師大

雨壞廬舍

高宗建炎四年十月己卯月生五色暈占人主有後宮喜次年

張嬖奸秀才人進封紹興二年二月丙子月未當關而關

體如蝕色赤黃占大臣黜又曰臣下不奉法侵奪主勢於是

張浚專制於蜀始議占歸四年六月壬午月暈而珥占期

六十日兵起十一月壬申月色無光五年正月戊午月暈

於東井占有兵一曰夷狄求和

寧宗嘉泰三年七月壬午白虹如半暈穿貫月中占曰白虹貫

月大兵將起軍戰於野

理宗淳祐五年十月辛丑月生珥六年閏四月辛丑月暈五

重八年二月戊子月生黃白暈寶祐四年三月乙卯月

暈周匝四月庚午及景定三年十月甲子十二月辛酉四年

二月戊午亦如之

帝景德祐二年正月己卯月暈東井

金太宗天會十一年五月乙丑月忽失行而南傾之復故

昌宗明昌四年正月丙子月有暈

章宗泰和六年八月癸卯月暈圓太白熒惑二星七年正月

丙戌初更月有暈圓歲鎮二星在參畢間

宣宗真祐四年十一月丙戌月暈歲星熒惑二星木在胃火在昂

元年十一月癸未月暈歲星熒惑二星木在胃火在昂

哀宗正大七年十月己巳暈至五更復有大連環貫之絡北斗

內有戰氣

元世祖至元二十四年十一月壬辰月暈太白填星

仁宗延祐二年三月丙辰月色赤如赭

明宣宗宣德元年正月丙午月暈井南北河五車二月己卯昏

刻月生兩珥十二月丁丑月生兩珥色蒼白二年七月乙

未月上生背氣十二月甲戌月生交暈隨生兩珥

英宗正統元年二月乙卯月暈五色八月癸酉至己卯月出入

時皆有游氣色赤無光十二月丙戌月生背氣左右珥二

年十月甲戌月生背氣及兩珥三年二月戊寅月生暈隨

生烈氣十二月癸酉月生兩珥隨生背氣七年十一月辛

丑月暈十一年十一月己卯月暈參畢五車十四年正

月辛卯月暈五車參畢井宿復生左右珥八月辛未月晝見

與日爭明

右珥

武宗正德元年十二月辛酉月暈甲子亦如之

世宗嘉靖元年四月癸未月生連環暈 二年正月己酉月暈

連環左右珥 二十一年十一月甲子月暈連環

穆宗隆慶六年五月通州月光晝見月下有二星

神宗萬曆三十年七月丙子月生五色暈三重 三十三年三

月十六十七日月在女生五彩光華暈氣周匝六月亦然

三十九年七月辛亥至庚申每夜月五彩光華匝數重 四

十二年三月庚辰連日月色赤黃如赭如血 四十七年二

月有四五月相盪

景帝崇禎二年四月己卯月色如赭 五年十一月壬戌月暈

左右珥及背氣又生白虹貫右珥 七年九月丙子月色變

赤

憲宗成化三年四月辛亥月赤如赭 十八年十月癸巳月當

晦不晦 二十一年正月丙戌廣東惠州酉刻月下發光前

鏡而青後大而紅約長丈餘而旁有黃白氣自西飛渡東北

颼颼有聲沒入雲響如雷漸殺

孝宗弘治元年十一月己卯月生芒如齒長三尺餘色蒼白

二年十一月戊辰月暈連環貫左右珥接北斗六年十一

月乙巳月暈左右珥連環貫之 十八年二月己巳月暈左

光宗泰昌元年八月十三日以後淮安每夜月五彩光華半月

不止

熹宗天啟二年五月辛酉己時兗州見月明當午有星隨月西

轉

愍帝崇禎四年十月丙午月晝見 十三年四月月入井暈七

月日晦無光

欽定天文正義卷六十六

月食占考

月食占考

晉懷帝永嘉五年三月壬申丙夜月食既丁夜又食既占曰月食盡大人憂又曰其國貴人死

梁太祖開平四年十二月庚午月食

唐莊宗同光三年三月戊申月食九月甲辰月食

明宗天成三年十二月乙卯月食 四年六月癸丑月食既十

二月庚戌月食既

晉高祖天福二年七月丙寅月食 五年十一月丁丑月食

出帝開運元年三月戊子月食

漢高祖天福十二年十二月乙未月食

宋太祖乾德六年十二月庚寅月食 開寶二年十月戊子月

食 三年四月乙酉月食 五年八月壬寅月食 七年八

月庚寅月當食不食

太宗太平興國二年六月甲辰既十一月壬寅月食 三年十

月丙寅陰雲不見 五年八月乙卯既 九年正月丙寅月

食 雍熙二年七月戊午驗天不食 四年五月丁丑月食

端拱二年三月丁酉當食氏八度既驗天不食 淳化元

年三月庚寅月食 二年八月壬午既 三年正月癸卯月

食八月丙子雲陰不見 五年六月乙未食九分占云后妃

臣下災十二月癸巳既占曰大臣災明年春同知樞密院事

劉昌言罷夏宰相呂蒙正參知政事蘇易簡罷 至道元年六月己丑雲陰不見十二月丁亥月食 二年十月辛亥月食

真宗咸平元年十月庚子月食 二年九月己未月食 三年

二月壬戌月食八月庚申月食 四年八月甲寅月食 五

年正月辛亥月食七月戊申月食 六年正月甲辰月食七

月壬寅月食占羌夷有兵明年契丹大舉寇邊 景德元年

十一月乙丑月食 二年五月壬戌月食十月庚寅月食

三年十一月癸丑月食 四年五月辛亥陰雲不見九月戊

寅驗天不食 大中祥符元年九月癸酉月食 二年九月

丁卯驗天不食 三年閏二月甲子月食 五年正月甲申

陰翳不見七月庚辰月食十二月丁丑月食 八年十月辛

卯月食 九年四月己丑雲陰不見 天禧元年四月壬午

月食十月庚辰月食 三年二月壬寅月食 四年八月癸

巳月食

仁宗天聖二年五月壬寅當食不見 四年五月戊午月食

慶歷二年六月丁亥食六分既而入濁不見復 五年四月

庚子曉漏初食九月戊戌食六分欲復入雲不見 六年九

月壬辰食三分 皇祐二年七月庚子月食 四年十一月

丙辰食未復而盡 五年十月辛亥食 至和二年九月庚

午食 三年八月甲子食既占曰后宮宜崇德以致福 嘉

祐二年二月壬戌食三分復八月戊午 三年閏十二月辛

巳食 四年六月戊寅食幾盡十二月乙亥食既占曰月陰

類后祀大臣之位食則修刑及兵今食既宜卹刑以除咎若

三日有雨雪則不占 來年二月赦天下太子少傅王舉正卒

五年十二月己巳七年十月己丑皆食 八年十月癸未

食既卯初七刻食甚已而入濁不見

英宗治平元年四月庚辰食 四年二月甲午月食丑之四刻

虧見西方在翼十有五度至六刻食甚及八分疆至酉地入

濁不見主飛燕多死北夷有兵

神宗熙寧元年七月乙酉月食丑之五刻在危十度虧見東北

方食及二分半入濁不見食甚及復主齊分有喪大臣憂

二年閏十一月丁未月食亥之一刻虧見東方起東北至子

之初刻食甚及八分弱在井度中至三刻復主五穀不登

三年五月乙巳月當食雲陰雨不見 四年五月己亥月食

戌之一刻虧見東南方出濁未圓六分在東井度中至五刻

復主大臣黜或宮中宜崇福十一月丙申月食卯之二刻虧

見西方起東南至六刻食甚及四分半弱在東井一度少至

明入濁不見復占同上 六年三月戊午月食亥之一刻虧

見東南六刻食甚及七分弱子之四刻復九月乙卯月食丑

之四刻虧見東北方至寅之一刻食甚及六分涉已退未圓三分入濁不見復 七年九月己酉月食丑之一刻虧見正東方至六刻食既在婁二度弱至明刻不見復 九年正月壬申月食雲陰不見 十年正月丙寅月食子之三刻虧見東南至七刻食甚及七分在張度中至丑三刻復主后有憂周地貴人卒死及大戰拔城七月癸亥月食雲陰不見 元豐元年正月庚申月食有雲障之至丑五刻見西南方正東食及四分半寅初食既晚刻雲映不見復主釋貴周分貴人死六月戊午月食戌之一刻雲間見正東方食及七分半至二刻食既在虛度中至亥三刻半復主後宮憂大臣有咎齊分有喪 二年六月壬子月食雲陰不見 三年十月甲戌月食既雲陰不見 四年四月辛未月食既自戌之二刻出濁已食甚月體泉退生光一分正西九分在尾度中至六刻復主后妃灾辛巳食於昏出濁食及七分在畢度中至二刻復主有赦令邊臣有咎趙分有兵胡人有疫 五年十月癸亥月食自酉至二刻虧見東北方至七刻食甚及三分在昴七度太弱戌之三刻復主邊兵起或女主憂 六年八月丁亥月食驗之不食 七年二月乙酉月食八月辛巳月食皆雲陰不見 八年八月丙子月食戌之三刻虧初至七刻食既子之一刻復

哲宗元祐元年十二月戊戌月食雲陰不見 三年六月庚寅月食亥之五刻虧初至于六刻食既丑四刻復在斗度中吳分主吳兵起大臣有憂十二月丁亥月食雲陰不見 四年五月甲申月食初雲陰不見至丑初刻食已九分在斗度中吳分主至六刻復主大臣憂有小兵 五年五月戊寅月食雲陰不辨虧蝕 六年四月癸卯月食雲陰不辨虧蝕 七年三月戊戌月食亥初一刻虧初至七刻食既子七刻復食甚在氐度中主大臣有憂十日內有風雨則解灾 八年九月乙丑月食雲陰不見 紹聖三年七月癸卯月食雲陰不見虧蝕 四年正月庚子月食雲陰不見 五年五月壬戌月當食而不食 元符二年五月丙辰月食子之三刻至丑二刻食既寅二刻復在箕度中主御者或掌樂人當黜又為風十月甲寅月食亥之四刻虧初至于四刻食既丑四刻復在參度中主兵官當黜 三年十月戊申月食四分 徽宗崇寧二年二月甲子月食既主貴人當之八月辛酉月食既主西方兵起 三年二月己未月食三分主貴人當之八月丙辰月食四分主西方兵起 四年十二月戊寅月食七分主王者宮室不安 五年六月乙亥月食九分主旱十月壬申月食既主有女喪 大觀三年十月丙戌月食五分主有女喪 四年四月甲申月食既九月庚辰月食既

政和元年三月戊寅月食五分九月甲戌月食六分三年六月丁酉月食十分七月甲午月食八分主其下君憂或兵起四年正月辛卯月食主賤人當之六年十一月乙巳月食七分七年十一月己亥月食八年五月丙申月食九分主旱宣和二年三月丙辰月食三分六年正月癸亥月食六分主賤人當之十二月戊午月食既主有女喪高宗建炎三年二月壬午望食於軫紹興元年八月己卯望當食陰雲蔽之二年二月十四日丙子月體如食太史言是謂月未當闕而闕七月十六日甲戌食之既在室三年七月戊辰望食於危四年十二月庚寅望食於井五年十一月乙酉望食井既六年五月十四日辛巳食於南斗十一月己卯望八年三月辛丑望九月丁酉望月皆食霧雲不見九年九月壬辰望食於胃既十二年七月丙午望當露雲不見十三年六月庚子望食於虛既十二月戊戌望當食陰雲蔽之不見十四年六月甲午望食於女十五年五月己未望當食露雲不見十六年四月甲寅望食於危二十一年二月丙辰望當食露雲蔽不見二十五年五月壬戌望月食候之至酉以山色遮映不見虧分二十七年九月丁丑望食史失宿次三十年正月甲午望月當食陰雲蔽之

孝宗隆興二年五月己亥望月當食陰雲蔽之乾道元年四月甲午望月當食露雲不見四年二月丁未月食既五年二月辛丑望六年十一月丁酉望八年六月壬子望淳熙元年四月壬申望皆當食露雲不見淳熙二年四月丙寅望食於房既九月癸亥望三年三月庚申望五年二月己卯望皆當食露雲不見六年正月甲戌望食於翼既八年十一月丁亥望食於井九年十一月辛巳望食於井十年五月己卯望食於箕十二年三月戊戌望食於亢九月乙未望十三年三月壬辰望皆當食露雲不見八月丙辰食於奎既十四年八月甲申望十六年十二月辛丑望皆當食露雲不見光宗紹熙元年六月丁酉望十一月乙未望二年六月壬辰望三年四月乙巳望五年九月癸卯望皆當食露雲不見寧宗慶元二年八月壬戌望食於壁三年七月己未望食於翼既四年七月庚戌望食於危六年五月庚午望嘉泰二年五月己未望三年癸未望開禧元年三月壬申望閏八月己巳望皆當食陰雲不見開禧三年正月壬辰望食於張七月戊子望食於危嘉定元年二月丙戌望當食既雨不見十二月庚辰望食於星二年六月丁丑望食於女三年十一月己亥望食於參五年十月戊子望食於昴

七年二月庚戌望食於角八月丁未食於奎八年八月辛丑望食於壁九年二月己亥望閏七月乙未望皆當食陰雲不見十年十二月戊午望食於柳十一年六月乙卯望食於牛十二月壬子食於井十二年五月庚戌望當食既雲不見十一月丙午望食於井十三年五月甲辰望食雲不見十四年十月丙寅望食於胃十五年三月癸卯望食於辰雲不見十六年三月丁巳望當食雲不見

理宗寶慶元年正月丁丑月食七月癸酉月食陰雨不見二年七月戊辰亦如之紹定元年十一月甲申二年十一月己卯四年四月庚午五年三月乙未六年二月庚寅俱月食端平二年十二月癸卯三年十二月丁酉俱月食嘉熙元年六月乙未三年四月甲寅四年四月戊申俱月食淳祐元年九月庚子四年十月癸丑五年七月戊申七年五月丁卯八年十月己丑十一年三月乙亥九月壬申十二年八月丙申俱月食寶祐二年閏六月丙戌三年十二月丁丑五年十月丁酉六年四月癸巳十月辛卯俱月食開慶元年四月戊子十月乙酉景定二年七月甲戌俱月食度宗咸淳二年六月丁丑月食十一月甲辰及四年七月癸亥五年九月丁巳六年三月乙卯九月辛亥九年正月戊辰十

二月壬戌皆月食

遼穆宗應歷十七年十二月司天臺奏月當食不虧

金熙宗天會十三年十一月乙酉月食

海陵天德三年二月丙辰四年十二月丙午貞元元年十二月

庚午二年三月辛巳十一月甲子正隆三年二月辛巳五年

正月甲午六年七月乙酉俱月食

世宗大定四年十一月丙申月食既十六年三月庚申九月

丁巳俱月食十九年正月甲戌二十二年十一月辛巳二

十三年五月己卯俱月食既二十六年三月壬辰月食

二十九年十二月辛丑月食既

昌宗明昌元年六月丁酉月食既十二月乙未及二年六月壬

辰三年四月丁巳俱月食四年九月戊申月食五年十

月癸卯月食

章宗承安元年八月壬戌月食二年二月丁巳月食既三

年正月甲寅七月庚戌五年五月庚午俱月食泰和元年

十一月辛酉二年五月己未三年三月癸未四年九月乙亥

五年三月壬申八月己巳七年正月辛卯七月戊子八年正

月丙戌俱月食

衛紹王大安元年六月丁丑十月乙丑俱月食

宣宗貞祐二年二月庚戌八月丁未俱月食三年八月辛丑

月食既 四年二月己亥閏七月乙未俱月食 興定元年
十二月戊午二年六月乙卯俱月食十一月壬子月食既
三年五月庚戌月食既十一月乙巳四年五月甲辰六年四
月癸亥俱月食

元英宗至治元年六月壬戌月食既
泰定帝泰定元年四月辛未月食既

順帝元統二年三月癸卯月食既 至元元年三月丁酉三年
正月丙辰五年六月壬寅六年十一月甲子至正元年五月
壬戌三年十月丁未四年閏二月乙亥俱月食

明太祖洪武三年四月甲戌月食 四年九月乙丑五年三月

壬戌六年八月甲申皆月食 九年十一月乙未月食而暈

十年十一月己丑十一年五月丙戌十一月癸未十二年
十月戊寅十三年九月癸卯十四年三月己亥八月辛酉十
七年正月甲寅十八年六月丙午二十年十月辛酉二十一
年四月己未十月丙辰二十五年二月丙寅二十八年十一
月乙亥皆月食 二十九年五月壬申月食於斗十一月己
巳月食於井

成祖永樂元年正月甲午月當食陰雨不見七月辛卯月當食
陰雨不見 二年六月乙酉四年十月辛丑五年十月丙申
九年二月丁未八月癸卯十一年六月癸亥十二年十一月

甲寅十四年十月甲戌十五年九月戊辰皆月食 十六年
三月乙丑月食既九月壬戌亦如之 十八年閏正月己酉
月食 十九年正月己卯月食既 二十年正月壬申二十
一年十一月壬辰俱月食

宣宗宣德二年三月癸卯月食 五年八月癸未六年十二月
己巳八年六月丁酉十年四月丙辰皆月食

英宗正統二年三月乙巳月食 三年二月庚午四年四月壬
辰七月辛酉七年二月壬寅五月乙亥九年五月癸亥俱月
食十月辛酉月當食不食 十一年三月癸未月食 十四
年正月丙申月當食不食

景帝景泰元年正月辛卯月食六月戊子十二月乙酉及四年

四月庚子十月己亥五年十月癸巳皆月食

英宗天順元年二月庚戌月食八月乙巳二年二月甲辰俱月
食七月辛丑月當食於室三年十二月癸亥四年六月庚申五
年十一月壬子皆月食

憲宗成化元年三月癸亥月食 三年七月己卯月食 四年

正月丙子月食陰雲不見 五年正月庚午月食既 七年
十月甲申八年四月辛巳九年十月癸酉十一年二月乙未
十二年二月己丑八月丁亥十三年二月癸未十二月戊申
十四年十二月癸卯十五年十一月戊戌十七年十月丙辰

十八年九月庚戌俱月食 十九年三月己酉月食既 二十年九月己亥月食 二十一年丁卯月當食不食 二十二年正月辛酉月食

孝宗弘治十年六月乙酉月食 十二月癸未十一年六月己卯 十三年十月丙申 十四年九月庚寅十七年七月甲辰十八年正月辛丑俱月食

武宗正德二年五月丁巳月食 十一月乙卯及三年十一月己酉 四年十月癸卯 六年九月癸亥 七年七月丁亥皆月食 十年六月庚午月食既 十三年十月辛巳十四年四月己卯皆月食 十月乙亥月食既 十五年四月癸酉月食

世宗嘉靖元年二月壬辰月食 二年二月丙戌五年五月丁酉 十一月甲午八年三月辛亥十三年十二月戊申十四年六月甲辰十一月壬申十六年四月癸亥十九年二月丁丑二十一年二月丙寅二十三年六月壬子二十四年五月丁丑二十七年三月庚寅九月戊子三十年正月甲辰三十一年正月己亥七月乙未三十二年正月癸巳三十三年五月乙卯三十四年十一月丙午三十七年八月庚申三十八年二月丁巳俱月食 八月甲寅月當食陰雲不見 三十九年八月戊申四十年六月癸酉十二月辛未俱月食 四十一年十二月乙丑月當食雲隱不見 四十二年六月壬戌四

十五年十月癸酉俱月食

穆宗隆慶三年七月丙戌月食不見 四年七月庚辰五年七月乙亥俱月食 六年六月庚子月食

神宗萬曆元年十一月辛卯月食既 二年五月己丑十一月丙戌四年九月乙巳俱月食 五年三月壬寅月食既 八月庚子月應食不食 六年二月丁酉月食 七年七月戊午月食不見 八年正月丙辰六月癸丑十二月庚戌十一年四月丁卯十月甲子十二年四月辛酉十三年四月乙卯閏九月癸丑十五年八月辛未十七年正月甲子七月庚申俱月食 十二月戊子月食不見 十八年十二月壬午十九年五月庚辰二十年五月甲戌二十二年三月癸巳俱月食 二十四年三月壬午月應食不食 二十九年五月壬午十一月己酉三十年四月丙午三十四年二月乙卯望俱月食 三十六年六月辛未月食 三十七年十二月壬戌月食既 四十年四月己卯十月丙子四十一年三月癸酉九月庚午四十二年九月甲子四十三年正月丁亥四十六年正月乙亥皆月食

光宗泰昌元年十一月己丑月食既時全魄黑旋變紅 熹宗天啟三年九月壬寅月食 六年閏六月乙卯月當食雲陰不見 十二月癸丑七年十二月戊申俱月食

續修四庫全書 子部 天文算法類

愍帝崇禎元年六月乙巳十一月癸酉月食 四年四月戊午

欽定天文正義卷六十七

七年二月壬申八月己巳八年正月丙寅十四年九月戊子

五星占考

皆月食

五星占考

漢高帝三年秋太白出西方有光彗中乍北乍南過期乃入辰

星出四孟是時項羽為楚王而漢已定三秦與相距滎陽太

白出西方有光彗中是秦地戰將勝而漢國將興也辰星出

四孟易王之象也後二年漢滅楚

孝昭始元中太白出西方下行一舍復上行二舍而下去太白

主兵上復下將有戮死者後熒惑出東方守太白兵當起主

人不勝

孝宣本始元年四月壬戌甲夜辰星與參出西其二年七月辛

亥久辰星與翼出皆為蚤占曰大臣誅 四年七月甲辰辰

星在翼月犯之占曰兵起上卿死將相也 地節元年正月

戊午乙亥月食熒惑

孝成建始元年七月熒惑踰歲星居其東北半寸所如連李時

歲星在闕星西四尺所熒惑初從畢口大星東東北往數日

至往疾去遲占曰熒惑與歲星闕有病若饑歲至河平元年

三月旱傷麥民食榆皮十一月乙卯月食填星星不見時在

輿鬼西北八九尺所占曰月食填星流民千里河平元年三

月流民入函谷關 河平二年十月下旬填星在東井軒轅

南尚大星尺餘歲星在其西北尺所熒惑在其西北二尺所

皆從西方來填星貫輿鬼先到歲星次熒惑亦貫輿鬼十一

月上旬歲星熒惑西去填星皆西北逆行占曰三星若合是謂驚位是謂絕行外內有兵與喪

光武建武十六年四月土星逆行 十八年十二月壬戌月犯

未星 二十三年三月癸未月食火星

孝明永平二年十二月戊辰月食火星 十年七月甲寅月犯

歲星 十一年六月壬辰火犯土星 十五年十一月乙丑

太白入月中為大將戮

孝和永元五年正月甲戌月乘歲星

孝安元初四年五月己卯辰星犯歲星

孝順漢安二年六月乙丑熒惑光芒犯鎮星占為大人忌

孝質本初元年五月庚戌太白犯熒惑為逆謀

孝桓永壽元年九月癸巳熒惑犯歲星為姦臣謀大將戮 延

熹七年七月戊辰辰星犯歲星十月丁卯辰星犯太白十二

月乙丑辰星犯歲星為兵 永康元年七月丙戌太白晝見

經天占太白晝見經天為兵憂在大人

魏明帝太和五年十二月甲辰月蝕鎮星 青龍二年十月乙

丑月犯鎮星戊寅月犯太白占曰人君死又為兵 景初元

年十月月犯熒惑占曰貴人死二年四月司徒韓暨薨

齊王嘉平元年正月甲子太白襲月

晉武帝咸寧四年九月太白當見不見占曰是為失舍不有破

軍必有亡國是時年祐表求伐吳上許之五年十一月兵出
太白始夕見西方太康元年平吳

惠帝元康六年十月乙未太白晝見 永康元年三月太白晝

見為不臣 大安二年十一月庚辰歲星入月中占曰國有

逐相十二月壬寅太白犯月占曰天下有兵 三年正月月

犯太白 光熙元年四月太白失行自翼入尾箕占曰太白

失行而北是謂反生不有破軍必有屠城五月汲桑攻鄴魏

郡太守馮嵩出戰大敗桑遂害東燕王騰殺萬餘人焚燒魏

時宮室皆盡

懷帝永嘉二年正月庚午太白伏不見二月庚子始晨見東方

是謂當見不見

元帝太興二年十一月辛巳月犯熒惑占曰有亂臣 三年十

二月己未太白入月在斗 四年十二月丁亥月犯歲星在

房占曰其國兵饑人流亡永昌初王敦反百姓困於兵革

成帝咸康元年二月乙未太白入月四月甲午月犯太白 四

年四月己巳七月己巳月俱奄太白 五年四月辛未月犯

歲星在胃占曰國亂人流乙未月犯歲星在昴 七年五月

太白晝見

康帝建元二年四月乙酉太白晝見是年石季龍殺其子邃又

遣將寇沒狄道及屯蘭東謀慕容晃

穆帝永和八年十二月月在東井犯歲星占曰秦亂人流亡

十年十一月月奄填星在輿鬼占曰秦有兵時桓溫伐苻健

破姚襄 升平二年閏三月月犯歲星在房 五年正月乙

丑月在危宿奄太白占曰天下靡散三月月犯填星在軫占

曰為大喪

海西公太和元年二月月奄熒惑在參占曰為內亂

簡文帝咸安二年五月丁未歲星形色如太白占曰進退如度

奸邪息變色亂行主無福歲星於仲夏當細小而不明此其

失常也又為臣強

孝武太元十二年二月熒惑入月占曰有亂臣死若有相殺者

一曰女親為政天下亂時瑯琊王輔政王妃從兄王國寶以

姻昵受寵袁悅等交違主相扇揚朋黨帝殺悅自是主相有

隙亂階興 十三年十一月辰星入月在危十二月熒惑在

角兀形色猛盛占曰熒惑失其常吏且棄其法諸侯亂政自

是慕容垂翟遼姚萇符登慕容永並阻兵爭強 十四年十

二月月犯歲星 十八年正月熒惑入月占曰憂在宮中非

賊乃盜也一曰有亂臣若有殺者 十九年月奄歲星在尾

占曰為亂燕國亡二十年慕容垂伐魏反為所殺死者數萬

人垂死國遂衰亡

安帝隆安元年六月月奄太白在太微端門外占曰國受兵已

酉月食歲星在東壁占曰為飢衛地有兵二年六月都恢遣

鄧放方以萬人伐慕容於滑臺放方敗三年桓元等並舉兵

內外戒嚴 四年正月乙亥月犯填星在牽牛占曰吳越有

兵農女主憂六月月又犯填星十月月食歲星在北河占為

飢有兵其四年五月孫恩亂 元興元年四月月食辰星七

月大飢人相食 二年十一月月犯熒惑十二月月犯熒惑

三年正月月食歲星於左角占曰天下兵起 義熙元年

四月月犯填星在東壁占曰其地亡國貴人死一曰人流十

月熒惑掩填星在營室 二年十二月月食太白在危占曰

齊亡國五年劉裕滅燕 六年六月甲午太白晝見 七年

六月月犯歲星在畢占曰有邊兵且飢八月月犯歲星在參

占曰益州兵飢七月朱齡石剋蜀蜀又反討滅之 八年正

月月犯歲星在畢 十二年五月月犯歲星在左角占曰為

飢 十四年四月壬申月犯填星於張占曰天下有大喪

恭帝元熙元年七月月犯歲星

齊東昏侯永元三年十一月甲寅辰星及太白俱見南方是日

荆州長史蕭穎胄奉南康王寶融起兵

梁武帝大通元年八月月食填星

陳文帝天嘉三年閏二月甲子太白犯填星十一月辛巳熒惑

犯歲星 四年七月戊子熒惑犯填星 六年八月景子月

與太白並光芒相著在太微西番南三尺所

廢帝光大元年八月己未月犯歲星十二月辛巳月又犯歲星

二年正月月食歲星五月月犯太白

宣帝太建十年十月月食熒惑占曰國敗君亡大兵起破軍殺

將乘年吳明徹敗於呂梁

周武帝建德三年十二月月犯歲星在危相去二寸占曰其邦

流亡不出三年辛卯月行在營室食太白占其國以兵亡營

室衛在齊地後齊王亡 六年十月月食熒惑在斗占曰國

敗君亡兵大起斗為吳越陳之分野

唐高祖武德二年九月庚寅太白晝見 九年五月太白晝見

六月丁巳經天辛未又經天在秦分己卯太白晝見七月辛

亥晝見甲寅晝見八月丁巳晝見太白金經天者陰乘陽

也

太宗貞觀十六年六月戊戌太白晝見 二十一年四月戊寅

月犯熒惑占曰貴臣死

高宗永徽元年五月己未太白晝見 二年十二月乙未太白

晝見 四年六月己丑太白晝見 龍朔元年六月辛巳太

白晝見經天 咸亨元年七月丙申月犯熒惑占曰貴人死

也 永隆元年五月丁酉太白晝見經天是謂陰乘陽陽君道

中宗景龍三年六月癸巳太白晝見在東井京師分也

明皇先天元年八月甲子太白襲月占曰太白兵象月大臣體

開元十四年十月甲寅太白晝見 天寶十四年十二月

月食歲星在東井占曰其國亡東井京師分也

肅宗至德二載七月己酉太白晝見經天至於十一月戊午不

見庶秦周楚鄭宋燕之分 乾元二年正月癸未歲星食月

在翼楚分也一曰飢

代宗廣德元年四月己丑月奄歲星占曰飢 永泰元年九月

辛卯太白晝見經天 大曆八年八月太白晝見 十一年

閏八月丁酉太白晝見經天

德宗建中元年十一月月食歲星在秦分占曰其國亡 貞元

四年五月丁卯月犯歲星在營室 六年五月戊辰月犯太

白間容一指占曰大將死 十年四月太白晝見 十三年

三月庚寅月犯太白

憲宗元和二年正月癸丑月犯太白於女虛二月壬申月奄歲

星占曰大臣死 三年三月乙未鎮星食月在氐占曰其地

主死 七年正月辛未月奄熒惑 十一年三月己丑月犯

鎮星在女虛分也十一月戊寅月犯歲星十二月甲午犯鎮

星在危亦齊分也 穆宗長慶元年二月丁亥月犯歲星在巳占曰大臣死燕分也

二年九月太白晝見十月熒惑犯鎮星於昴十二月甲寅

月犯太白於南斗

文宗大和元年五月月奄熒惑在太微西垣 二年正月庚午

月奄鎮星 五年二月甲申月奄熒惑 六年四月辛未月

奄鎮星于端門己丑太白晝見 七年六月丙子月犯熒惑

九年六月庚寅月奄歲星在危而暈十月庚辰月復奄歲

星在危 開成二年二月己亥月奄太白于昴中七月丁亥

月奄太白于柳 四年二月丁卯月奄歲星于畢七月乙未

月犯熒惑占曰貴臣死 五年春木當王而歲星小闇無光

占曰有大喪七月乙酉月奄歲星

武宗會昌元年十二月庚午月犯太白于羽林 二年正月壬

戌月奄太白于羽林十月丙戌月奄歲星于角 三年三月

丙申月奄歲星于角十月壬午晝月食太白于亢 四年十

月癸未太白與熒惑合遂入南斗 六年二月丁亥月出無

光犯熒惑于太微頃之乃稍有光丙申犯歲星

僖宗光啟二年四月熒惑犯月角

昭宗光化三年八月壬寅太白隱見在氐不見至九月丁亥乃

見是謂當出不出十一月丁未太白犯月因晝見 天復二

年五月甲子太白襲熒惑在軒轅后星上 後唐明宗天成元年七月己未月犯太白十一月戊寅月犯金木

1 冊 1034 冊 續修四庫全書 5 頁 11

三年十一月乙未太白犯鎮 四年二月月及火土合
於斗

宋太祖建隆元年正月甲子太白犯熒惑于婁十月壬申又犯
于輪占曰荆楚有兵時李重進以揚州叛討平之 二年十
一月癸未月犯熒惑 開寶三年九月乙卯月犯鎮星

太宗太平興國三年七月己亥月掩熒惑八月甲戌與太白合
八年三月己巳熒惑犯熒星占云有赦七月辛亥月凌犯

熒星 端拱元年二月戊申月犯鎮星辛亥犯熒星六月丁
卯掩鎮星 淳化元年十一月丙申月與熒惑合 二年六

月己丑月犯熒星 三年三月癸亥月與太白合九月戊午
掩熒惑十二月甲申與熒惑合 四年十月癸未月與辰星

合 五年十月己亥月犯熒星 至道三年八月戊申月犯
鎮星十二月癸未犯熒星

真宗咸平元年三月己丑月犯熒惑五月己巳掩熒星十二月
甲午犯鎮星 二年二月戊子月犯太白十一月乙未犯熒

惑 三年二月壬子月犯太白 四年十月辛酉月掩熒惑
五年二月癸巳月犯熒星 六年十一月癸卯月犯鎮星

七月庚午犯熒星 景德三年九月戊子辰星晨見東方在
元太白又見西方在尾占曰金水各一方主有兵不戰 大
中祥符二年十一月丙子月犯熒星 三年十月丙辰月犯

熒惑 四年正月丁丑月犯太白二月壬辰犯鎮星八月丙
寅犯太白 五年三月癸未月犯鎮星 六年二月丙戌月
犯熒星 七年十二月丁丑月犯鎮星四月丙辰掩熒惑八
月癸未犯鎮星 九年五月己巳月犯熒星十月戊戌犯太
白十二月丙戌犯熒惑 天禧元年正月戊申月犯熒星
三年四月乙未月犯熒惑相距五寸許九月己卯犯熒星
四年七月辛亥犯太白八月庚子犯熒惑 五年五月辛卯
月犯鎮星

仁宗天聖三年六月丁未月犯火 五年七月己未月犯木八
月丁亥犯火十一月戊申掩木 六年九月己酉月犯土

明道元年九月戊子月又犯土 景祐二年四月丁巳月掩
金 五年三月戊申月犯土四月庚寅犯木 慶曆元年八

月庚子月掩土十月丙申犯土 四年七月壬午月犯火
六年三月丙申月犯木七月乙酉又犯木 皇祐元年七月

丙午月又犯木 二年六月壬申月犯土 四年十月己丑
月犯木 至和二年五月庚辰月犯土十月己酉犯木十二

月辛卯犯土光芒相接甲辰掩木 三年三月丙寅月掩土
閏三月癸巳又掩木五月戊子犯土 嘉祐二年四月庚申

月犯火六月戊申犯金乙卯犯火 四年十月甲戌月犯火
十二月庚午掩火 五年三月甲午月掩火在井七度半占

白髮在宮中又輔相死 六年閏八月辛丑月犯土在井十
七度占曰女主憂後宮有出者十一月癸亥又犯土占曰後
宮憂秦分民流 十八年七月壬戌月掩木在畢五度十一
月辛亥又掩木

英宗治平四年正月辛亥月犯辰主上卿愛八月辛未犯太白
主將三心與自掩歲主邊兵九月壬寅犯太白主鄭楚分兵

十月戊辰掩填星主楚分流民又掩熒惑主荆楚兵

神宗熙寧元年二月丁巳月犯填主宮女出楚分流民四月壬

子犯歲主楚分兵或飢 五年四月癸亥月犯填閏七月庚

申犯熒惑主察議臣或貴人有咎 六年九月甲辰月掩太

白主燕分兵 十年九月庚午月犯歲主周分飢十二月壬

辰歲犯 元豐七年十月甲午月犯辰主兵校尉有憂 八

年八月戊寅月犯鎮主後宮有出者十一月戊戌犯歲注衛

分飢民流亦為邊兵庚子犯填主後宮有憂及民流土功興

哲宗元祐三年七月庚午月犯太白主秦分兵十月壬辰犯歲

四年三月丙子月又犯歲皆主秦分兵飢七月辛卯犯填

十月癸丑掩之皆主後宮有出者 六年九月癸卯月犯熒

惑主有兵十二月中戊掩歲主鄭分飢邊兵動 八年十二

月丁巳月犯熒惑主有兵戰小吏憂 紹聖元年六月甲戌

月犯太白主秦分兵九月辛酉犯填十二月癸未又犯填皆

主後宮宜崇福及主流民 二年正月庚戌月犯填主周分

下陵上及後宮憂四月壬申又犯主民流 三年九月戊戌

月犯歲主齊分有邊兵 四年七月丁丑月犯熒惑主兵戰

小吏憂 元符二年八月壬辰月犯歲星十一月辛巳十二

月戊申又犯皆主晉分民流飢 三年六月癸卯月犯熒惑

主小吏死貴人出大將亡

徽宗建中靖國元年五月辛未月犯填主下犯上后災民流亡

崇寧元年七月丁亥月犯太白主疆侯作難國戰不勝天

下民虛散 五年二月戊子月犯熒惑主兵起大將死貴人

出 大觀二年十二月戊子月犯熒惑 四年七月戊午月

犯歲星邊兵動民飢流亡 政和元年正月己巳月犯歲

宣和元年正月乙卯月犯填主下犯上人民流 三年八月

戊申月犯熒惑主兵起小吏死大將亡貴人出 四年八月

庚戌月犯鎮主下犯上後宮災民流亡 七年十一月乙酉

月犯熒惑主貴人出兵起將亡

高宗紹興元年九月己巳月犯太白占疆國以戰敗十月吳玠

大敗兀朮於和尚原 五年二月庚戌填星犯太白

孝宗淳熙六年十一月己未月犯木占齊分歲荒民流亡明年

江浙淮西湖北旱除民賦賑恤之

寧宗嘉泰元年五月丁丑火星細行不行黃道為死色占為變

色有喪是歲臨安大火三日乃息 嘉定二年六月甲申月
行奄土星是為月蝕土星占月犯土星則其地下犯上又曰
凡月蝕五星其分有災於是李元礪反於彬州連破數縣十
月乙丑月掩食覺惑占月食火星其地亂

五星聚舍

周將伐殷五星聚房

齊桓公將霸五星聚箕

漢高帝元年十月五星聚於東井以歷推之從歲星也客謂張
耳曰東井秦地漢王入秦五星從歲星聚當以義取天下

孝文後六年四月乙巳水木火三合於東井占曰內外有兵與
喪十一月戊戌土水合於危占曰為雍沮所當之國不可舉
事用兵必受其殃一曰將覆軍危齊也

孝景元年正月癸酉金水合於婺女占曰為變謀為兵憂婺女
粵也人為齊七月乙丑金木水三合於張占曰內外有兵與
喪張周地今之河南又為楚 二年七月丙子火與水星出
東方因守斗十二月水火合於斗占曰為澤不可舉事用兵
必受其殃一曰為北軍用兵舉事大敗斗吳分也人為粵
三年正月丁亥金木合於觜觜為白衣之會五月甲午金木
俱在東井戊戌金去木留守之二十日占曰傷成於戌木為
諸侯誅將行於諸侯也十一月庚午夕金火合於虛相去一
寸占曰為鏖為喪虛聲也 四年四月丙申金木合於東井
占曰為白衣之會并秦也 五年四月乙巳水火合於參占
曰國不吉參梁也 後元年五月壬午火金合於輿鬼之東
北不至抑出輿鬼北可五寸占曰為鏖有喪輿鬼秦也

章帝建初五年二月戊辰木火俱在參五月戊寅木水在東井

黃帝星經曰木守東井有土功之事一曰大水

和帝永元二年正月乙卯金木俱在奎丙寅水又在奎奎主武

庫兵三星會又為兵喪水金木在婁亦為兵又為匿謀 五

年四月癸巳太白熒惑辰星俱在東井東井秦地為法三星

合內外有兵又為法令及水 七年二月癸酉金火俱在參

戊寅金火俱在東井八月甲寅火土金俱在軫十一月甲戌

金火俱在心十二月丙辰火金水俱在斗金火在心為大喪

三星合軫為白衣之會金火俱在參東井皆為外兵有死將

三星俱在斗有戕將若有死相八年四月樂成王黨七月樂

成王宗皆薨將兵長史吳琴坐事徵下獄誅 元興元年閏

七月辛亥金水俱在氏

孝殤帝延平元年正月丁酉金火在婁金火合為燦為大人憂

孝靈光初三年十月歲星熒惑太白三合於虛相去各五六寸

如連珠占曰火木金三合為喪虛齋也

孝獻建安十八年秋歲星鎮星熒惑俱入太微逆行留守帝坐

百餘日

魏明帝太和四年十一月壬戌太白犯歲星占曰有大兵五年

三月諸葛亮以大眾寇天水宣帝為大將軍距退之 青龍

二年二月己未太白犯熒惑占曰大兵起有大戰是年四月

諸葛亮捷渭南吳亦起兵應之魏東西奔命

晉惠帝元康三年鎮星歲星太白三星聚於畢昂占曰為兵喪

畢昂趙地也 永寧二年十一月熒惑太白關於虛危占曰

大兵起破軍殺將虛危又齊分也十二月熒惑襲太白於營

室占曰天下兵起初齊王問之京都因留輔政遂專傲無君

是月成都河間檄長沙王又討之同又交戰攻焚宮闕同兵

敗夷滅又殺其兄上軍將軍竇以下二千餘人太安二年成

都又攻長沙於是公私飢困百姓力屈 太安三年正月熒

惑犯歲星占曰有戰七月左衛將軍陳琳奉帝伐成都六軍

散績 光熙元年九月鎮星犯歲星占曰鎮與歲合為內亂

是時司馬越專權終以無禮破滅內亂之應也十二月癸未

太白犯鎮星占曰為內兵有大戰是後河間王為東海王越

所殺明年正月東海王越殺諸葛政等五月汲桑破馮嵩殺

東燕王八月苻暉大破汲桑

懷帝永嘉六年七月熒惑歲星太白聚牛女之間徘徊退按

占曰牛女揚州分是後而都傾覆而元帝中興揚土

元帝建武元年五月癸未太白熒惑合於東井占曰金火合曰

燦為喪 大興二年七月甲午歲星熒惑會於東井八月乙

未太白犯歲星合於翼占曰為兵飢 三年六月丙辰太白

與歲星合於房占同工永昌元年王敦攻京師六軍敗績王

敦尋死

成帝咸康三年十一月乙丑太白犯歲星於營室占曰為兵飢
四年二月石季龍破幽州遷萬餘家以南五年季龍眾五萬
寇河南畧七千餘家而去又騎二萬圍陷邺城殺畧五千餘
人 四年十二月癸丑太白犯鎮星在箕 七年三月太白
熒惑合於太微中犯在執法 八年十二月己酉太白犯熒
惑於胃占曰大兵起其後庾翼大發兵謀伐石季龍專制上
流

康帝建元元年八月丁未太白犯歲星在軫占曰有大兵是年

石季龍將劉寧寇沒狄道

穆帝永和四年五月熒惑入婁犯鎮星占曰兵大起有喪災在
趙其年石季龍死來年冉閔殺石遵及諸胡十萬餘人其後
稽叟北伐喪眾而薨 六年三月戊戌熒惑犯歲星占曰為
戰 七年三月戊子歲星熒惑合於奎其年劉顯殺石祗及
諸胡帥中土大亂 十二年七月丁卯太白犯鎮星在柳占
曰周地有大兵其年八月桓溫伐苻健遜因破姚襄於伊水
定周地 升平二年八月戊午熒惑犯鎮星在張占曰兵大
起 三年八月庚午太白犯鎮星在太微中 五年十月丁
卯熒惑犯歲星在營室占曰大臣有匿謀一曰衛地有兵
海西公太和元年八月戊午太白犯歲在太微中 三年六月

甲寅太白奄熒惑在太微端門中

簡文咸安二年正月己酉歲星犯鎮星在須女占曰為內亂
孝武寧康二年十一月癸酉太白奄熒惑在營室占曰金火合
為燥為兵喪太元元年七月符堅伐涼州破之虜張天錫
太元十年十二月己丑太白犯歲星占曰為兵飢是時河朔
未平兵連在外冬大飢 十七年九月丁丑歲星熒惑鎮星
同在亢氏十二月癸酉鎮星去熒惑歲星猶合占曰三星合
是謂鷲立絕行內外有兵喪與飢 十九年十月太白鎮星
熒惑辰星合於心十二月癸丑太白犯歲星在斗占曰為亂
飢為內兵斗吳越分至隆安元年王恭等舉兵顯王國寶之
罪朝廷殺之是後連歲水旱飢
安帝隆安元年二月歲星熒惑皆入羽林占曰中軍兵起四月
王恭等舉兵內外戒嚴 元興元年八月庚子太白犯歲星
在上將東南占曰楚兵飢一曰災在上將 二年十月丁丑
太白犯鎮星在婁 三年二月壬辰太白熒惑合於羽林
義熙二年十二月丁未熒惑太白皆入羽林又合於壁三年
正月慕容超寇淮北徐州至下邳八月遣劉敬宣伐蜀 三
年二月癸亥熒惑鎮星太白辰星聚於奎婁從鎮星也徐州
分是時慕容超僭號於齊兵連徐兗連歲寇抄至於淮泗姚
興繼繼僭號秦蜀盧循及魏南北交侵其五年劉裕北殄慕容

容起六月辛卯熒惑犯辰星在翼占曰天下兵起八月己卯
 太白奄熒惑占曰有大兵其四年姚畧遣眾征赫連勃勃大
 為所破 五年四月甲戌熒惑犯辰星在東井占曰皆為兵
 十二月辛丑太白犯歲星在奎占曰大兵起嘗有兵是年四
 月劉裕討慕容超六年二月滅慕容超於魯地 七年七月
 丁卯歲星犯鎮星在參占曰歲鎮合為內亂一曰益州戰不
 勝亡地是時朱齡石伐蜀後竟滅之明年誅謝混劉毅 八
 年十月甲申太白犯鎮星在東井占曰秦有大兵 九年二
 月庚午熒惑鎮星皆犯在井占曰秦有兵三月壬辰歲星熒
 惑鎮星太白聚於東井從歲星也東井秦分 十四年十月
 癸巳熒惑入太微犯西蕃上將仍順行至左掖門內留二十
 日乃進行至秦帝元熙元年三月五日出西蕃上將三尺許
 又順還入太微時鎮星在太微熒惑繞鎮星成鉤己其年四
 月庚戌從端門出占曰熒惑與鎮星鉤已天庭天下更紀
 宋文帝元嘉二十三年金火水合於東井
 梁武帝普通七年正月癸卯太白歲星在牛相犯占曰其國君
 凶易政明年三月改元大赦
 陳武帝永定三年六月庚子鎮星鉤與太白并占太白與鎮合
 為疾為內兵
 文帝天嘉五年四月庚子太白歲星合在奎金在南木在北相

去二尺許壬寅太白歲星合在婁相去一尺許 六年正月
 己亥太白犯熒惑相去二寸占曰其野有兵喪九月乙巳太
 白又犯熒惑
 廢帝光大元年八月壬午鎮星辰星合於軫九月戊午辰星太
 白相犯 二年九月庚戌太白逆行與鎮星合在角占曰為
 白衣之會又曰所合之國為亡地為疾兵
 宣帝太建十一年四月己丑歲星太白辰星合於東井十二月
 癸酉辰星在太白上甲戌辰星太白交相掩占曰大兵在野
 大戰
 魏道武天賜四年二月癸亥金水土聚
 節閔帝普泰元年十月歲星熒惑鎮星太白聚於觜參色甚明
 大占曰當有王者興其月齊高祖起於信都至中興二年破
 兪朱兆開霸業
 齊文宣天保十年六月庚子鎮星犯井鉤與太白并占曰子為
 元祿齊之分野君有殺死者大臣誅斧鉞用
 武成河清四年正月己亥太白犯熒惑相去二寸在奎甲辰太
 白熒惑歲星合於婁占曰甲為齊三星若合是謂驚立絕行
 其分有兵喪
 後主武平三年八月癸未鎮星歲星太白合於成宋之分野占
 曰其國有內外喪四月陳將吳明徹寇彭城右僕射崔季舒

等謀帝不宜北幸并州帝怒並誅之内外兵喪之應

周武帝保定二年十一月壬午熒惑犯歲星於危南五年太

白熒惑歲星合於娵天和二年五月己丑歲星與熒惑合

在井宿相去五尺并為秦分占曰其國有兵為飢旱大臣匿

謀下有反者若亡地閏六月丁酉歲星太白合在柳相去一

尺七寸柳為周分占曰為內兵又曰主人凶憂失城是歲陳

相州刺史華皎率眾入附遣兵援之因而南伐衛公直與陳

將戰於洹口王師失利遂沒陳六年六月庚辰熒惑太白

合在張宿相去一尺主人兵不勝所合國有殃建德元年

三月丙辰熒惑太白合壁占曰其分有兵喪不可舉事用兵

必受殃其月誅晉公護等及其黨詔以齊公憲為大冢案七

月丙午辰與太白合於井相去七寸占曰其下之國必以重

德致天下後半年平齊致天下之應二年十一月壬子太

白在鎮星在尾占曰鎮星為女主尾為後宮三年十一月

丙子歲星與太白相犯光芒相及在危占曰其野兵宣政

元年六月壬午癸丑木火金三星合在井占曰其國霸又曰

内外有兵喪七月丙辰熒惑太白合於七星相去二尺八寸

占曰君憂又曰其國有兵

宣帝大象元年四月戊子太白歲星辰星合在井占曰是謂驚

立先謂絕行其國內外有兵喪其五月趙陳越伐滕五王並

入國後二年隋受命宇文氏宗族相繼誅滅十月乙酉熒惑

在虛與鎮星合占曰兵大起將軍為亂大人惡之是月相州

段德舉謀反伏誅明年杞公宇文亮舉兵反擒殺之

唐高祖武德元年七月丙午鎮星太白辰星聚於東井關中分

也二年三月丙申鎮星太白辰星復聚於東井九年六

月己卯歲星辰星合於東井占曰為變謀

太宗貞觀十八年五月太白辰星合於東井占曰為兵謀十

九年六月丙辰太宗征高麗次安市城太白辰星合於東井

史記曰太白為主辰星為客為蠻夷出相從而兵在野為戰

高宗永徽元年七月辛酉歲星太白合於柳在秦分占曰兵起

中宗景龍元年十月丙寅太白熒惑合於虛危占曰有惡

唐宗景雲二年七月鎮星太白合於張占曰內兵太極元年

四月熒惑太白合於東井

明皇天寶九年八月五星聚於尾箕熒惑先至而又先去尾箕

燕分也占曰有德則慶無德則殃十四年二月熒惑太白

闕於畢昴井鬼間至四月乃伏十五年五月熒惑鎮星同

在虛危中天芒角大動搖占者以為北方之宿子午相衝災

在南方

肅宗至德二年四月壬寅歲星熒惑太白辰星聚於鶉首從歲

星也罰星先去而歲星留占曰歲星熒惑為陽太白辰星為

陰陰主外邦陽主中邦陽與陰合中外相連以兵八月太白
芒怒掩歲於錫火又晝見經天鵝火周分也 乾元元年四

月熒惑鎮星太白聚於營室

代宗大歷三年七月壬申五星並出東方占曰中國利 八年

閏十一月壬寅太白辰星合於危齊分也 十年正月甲寅

歲星熒惑合於南斗占曰飢旱吳越分也 一曰不可用兵七

月辰辰太白辰星合於柳京師分也

德宗建中二年六月熒惑太白關於東井 四年六月熒惑太

白復關於東井京師分也金火罰星開者戰象也 興元元

年春熒惑守歲星在角亢占曰有反臣角亢鄭也 貞元四

年五月乙亥歲星熒惑鎮星聚於營室占曰其國亡地在衛

分 六年閏三月庚申太白辰星合於東井占曰為兵憂戊

寅熒惑犯鎮星在奎魯分也

憲宗元和九年十月辛未熒惑犯鎮星又與太白合於女在齊

分 十年六月辛未歲星熒惑太白辰星合於東井占曰中

外相連以兵 十一年五月丁卯歲星辰星合於東井六月

己未復合於東井占曰為變謀而更事十一月戊午鎮星熒

惑合於虛危十二月鎮星太白辰星聚於危齊分也 十

四年八月丁丑歲星太白辰星聚於軫占曰兵喪在楚分與

南方夷貊之國 十五年三月鎮星太白合於奎占曰內兵

徐州分也十二月熒惑鎮星合於奎占曰主憂

穆宗長慶二年二月甲戌歲星熒惑合於南斗占曰飢旱八月

丙寅熒惑犯鎮星在昴果因留相守占曰主憂 四年八月

庚辰熒惑犯鎮星於東井鎮星既失行犯鉞而熒惑復往犯

之占曰內亂

敬宗寶歷二年八月丁未熒惑鎮星復合於東井與鬼間

文宗大和二年九月歲星熒惑鎮星聚於七星 三年四月壬

申歲星犯鎮星占曰飢 四年五月丙午歲星太白合於東

井 六年正月太白熒惑合於羽林十月太白熒惑鎮星聚

於軫 八年七月庚寅太白熒惑合相犯推歷度在翼近太

微占曰兵起 開成三年六月丁亥太白犯熒惑於張占曰

有急 四年正月丁巳熒惑太白辰星聚於南斗推歷度在

燕分占曰內外兵喪冬歲星熒俱進行失色合於東井京師

分也

武宗會昌二年六月乙丑熒惑犯歲星於翼占曰旱 四年十

月癸未太白熒惑合於南斗

懿宗咸通中熒惑鎮星太白辰星聚於畢昴在趙魏之分詔鎮

州王景崇被充冕軍府稱臣以厭之

僖宗文德元年八月歲星鎮星太白聚於張周分也占曰內外

有兵為河內河東地

昭宗光化三年十月太白鎮星合於南斗占曰吳越有兵

後唐莊宗同光二年八月甲申歲星熒惑合在翼十四度 三

年九月丙辰太白歲星相犯

明宗天成二年正月甲戌熒惑歲星相犯 三年春正月壬申

金火合於奎九月庚辰鎮星歲星合於箕辛巳太白熒惑合

於乾十二月壬寅金木相犯於斗

晉出帝開運元年十二月癸丑太白犯辰

漢高祖天福十二年六月鎮星太白歲星熒惑聚於張占者云

有帝王興於周者高祖起義自平陽趨洛以應之及隱帝將

嗣位又封周王暨周太祖登位以姬姓之後復繼宗周天人

之符乃有所屬 乾祐二年九月庚戌太白犯鎮丁卯太白

犯鎮歲自元年八月己酉丑入太微垣犯上將執法內屏謁

者句己往來至是歲十一月辛亥而出十一月辛酉太白犯

木

周太祖廣順元年十一月辰星歲星合宿於尾幽燕之分占其

地合有變燕主飢饉疾疫

宋太祖建隆三年十一月壬申歲星熒惑合於房 乾德四年

六月己亥太白熒惑合於張 五年三月五星如連珠聚於

奎當魯分從鎮星晨見東方占曰有德受慶大入奄有四方

子孫蕃昌從鎮星王者以重致天下重福明年真宗降誕

六年正月壬寅歲星鎮星太白合於婁 開寶三年五月庚

戌太白鎮星合於畢相去二寸許六月乙未太白歲星合於

東井相去四寸許 五年十月甲辰太白熒惑合於牽牛

太宗雍熙二年七月丙戌熒惑歲星合於乾 三年五月丙戌

熒惑太白合於畢 四年十二月丁巳太白鎮星歲星合於

南斗魁 端拱二年九月乙巳鎮星熒惑合於南斗相去尺

餘十一月壬辰歲星熒惑合於危 淳化二年正月癸丑鎮

星太白合於須女三月癸丑太白歲星合於婁太白在歲星

南 三年正月丙辰太白熒惑合於婁歲星在胃日官鄭昭

晏言測金火行度合相犯金火行而南金稍北有若相避

五年六月丙午歲星太白合於柳相去三寸許 至道元年

五月庚戌歲星太白太陰同度不相犯乙卯鎮星熒惑合於

東壁相去七寸許丙辰太白歲星合於七星不相犯

真宗景德三年七月己酉辰星歲星太白合於柳 四年七月

五星當聚鶉火既而近太陽同時伏占曰猶臣避君之明九

月戊子歲星合於箕 大中祥符元年九月乙酉太白歲星

合於角亢占在兗州之野其年東封泰山十月庚寅五星順

行同色 六年正月癸巳五星順行五色占曰天下兵偃

天禧二年八月癸丑歲星熒惑合於張占曰東宮大慶其年

仁宗升儲

仁宗天聖元年三月丁丑火犯木占曰天下受福 二年九月
 戊申金犯火 三年五月癸巳金水相犯於井 五年六月
 辛卯火犯土 壬辰掩土 七年五月辛未金犯土在畢宿一
 度半 八年六月乙酉金犯火 景祐元年閏六月庚辰金
 犯土 二年五月丁亥金犯土 九月辛巳火犯土相去二寸
 許在張六度 三年五月丁亥日官言太歲及歲星在北方
 宜飭邊備 四年九月辛亥火犯土在翼十五度 康定元
 年九月壬申水犯土 慶曆三年九月甲申金犯木十一月
 壬辰五星皆在東方占曰中國安寧 皇祐三年十一月丁
 丑火犯土 至和三年九月乙巳金犯木 嘉祐三年閏十
 二月甲戌火犯木躔斗四度占云有子孫喜燕分有兵 五
 年正月壬辰金犯木占曰為戰陣大將有憂宜飭兵備 六
 年三月癸巳火犯木在營室占曰衛地有兵又為赦令七月
 乙丑金犯土躔井十二度占曰秦分兵飢 七年正月庚申
 金犯木占曰為飢為兵六月丁丑又犯火在翼一度半占曰
 內有盜臣又為軍事翼楚分也 八年四月己丑金犯木在
 胃占曰趙分兵飢是日熒惑晨見東方先是自七年八月庚
 辰夕伏積二百四十九日祈禳於集英殿其日始見五月庚
 申火犯木在昴四度占曰子孫之福又宜察趙分兵謀之事
 英宗治平元年十一月庚午水犯金在尾十六度占曰辰星與

太白合為陰謀為兵憂在燕趙分 二年四月丁巳金犯木
 占曰為兵飢亦主后妃有憂戊子金犯土在張五度占曰太
 子不安周分有兵八月己亥火犯木躔柳七度半占曰秦分
 有兵謀為赦令十月丙申又犯土在翼二度占曰南楚之分
 兵起 三年十二月癸卯金犯火躔危四度占曰有兵謀事
 四年九月癸巳太白犯鎮主兵或飢十月甲子熒惑犯鎮
 主兵大起十一月己卯又犯歲主赦及天下受福
 神宗熙寧元年十一月己丑太白犯熒惑主兵客敗主勝或防
 逆謀 三年正月己未熒惑犯歲主赦或子孫喜十月乙酉
 太白犯鎮主兵 八年三月庚寅太白犯鎮主燕分兵 十
 年七月癸酉太白犯歲主秦分飢 元豐二年五月庚寅熒
 惑犯歲主兵 四年十月乙亥熒惑犯太白主兵 五年三
 月丙戌太白犯鎮主兵戰女主災十二月丙寅辰犯歲主兵
 七年十一月甲寅太白犯歲主大將凶
 哲宗元祐元年閏二月戊申八年四月乙卯太白犯熒惑皆主
 兵起 紹聖元年閏四月庚午熒惑犯鎮主兵起及後宮宜
 崇福 三年九月丙午太白犯鎮主楚分有兵 元符元年
 十二月乙未太白犯熒惑主大兵西國敗 二年十月乙巳
 太白犯鎮主鄭分飢及後宮憂十二月辛亥熒惑犯鎮主兵
 起及後宮

徽宗崇寧三年四月丙辰熒惑犯鎮主兵起大戰十一月庚寅太白犯辰主國不安先起兵者凶 大觀元年十二月乙酉太白犯熒惑主君病太子憂 二年正月甲寅太白犯歲主大戰民飢十月丁酉太白犯鎮主太子不安十一月壬申太白犯歲主大戰民飢 三年三月辛未太白犯歲 四年二月辛巳太白犯歲五月甲辰熒惑犯歲主兵大起冊太子有敵 政和元年二月辛丑太白犯鎮主兵飢太子不安十二月乙未太白犯鎮 三年七月乙丑熒惑犯太白主天下兵起 四年十月甲子熒惑犯歲主兵起冊太子有敵 七年正月癸卯熒惑犯歲 宣和二年十月己卯太白犯熒惑主天下兵起 三年閏五月壬午熒惑犯歲主兵起冊太子有敵 七年七月乙未太白犯歲主大戰民飢 欽宗靖康元年六月辛丑太白犯歲六月丙辰土火金木聚主大盜其下兵喪並起君子憂小人流 高宗建炎四年六月戊子熒惑與鎮合於亢占主兵喪旱是歲金再犯淮立偽齊江湖羣盜大起十一月辛丑太白歲星合於南斗占為戰大將死又西方凶於是張浚以五路之師敗於富平誅趙哲自秦州退軍興州次年陝西皆陷 紹興元年十一月乙卯太白與鎮星合 四年三月乙卯辰星與太白合於畢占為兵憂又曰西方有兵不戰是秋岳飛敗金於

襄鄧張憲破之於唐州襄漢悉平 五年正月乙卯太白鎮合於南斗閏二月丙午熒惑歲星合於昴占為內亂臣有謀為旱為飢北軍困是歲亢旱 七年四月丁巳金火合於東井占為燔為喪其下之國不可舉事用兵又曰大人憂主兵不勝有破軍殺將又曰有兵兵罷國安於是王倫歸金許和又許還河南諸州五月乙亥水金火三星合於井占是謂驚立絕行有兵喪民飢是年劉豫為金人所廢甲申火木金合於柳戌子水火金木合於柳占是謂大盜有兵喪君子憂小人流閏十月丁卯火水合於氐占為北軍用兵舉事大敗 九年三月癸卯金火合於井度占為燔為喪其下之國不可舉兵又曰有破死將九月丁未水火合於角庚申金木合於角占大將死十月壬申金木合於氐次年岳飛死於獄 十年十一月丁未金木合於危占為疾為內兵十二月戊子土金合於室 十一年三月庚子朔土金復合於室 十七年五月乙丑木與金合占大將死白衣會 十九年六月壬戌金星行犯土星占太子不安憂七月丁未金木水合於張占其分國內外有兵災民飢 二十八年十月乙未水星順行犯土星占夏寒雨雪閏六月己巳火星犯木星占冊太子當有敵 考宗隆興元年七月壬寅熒惑辰星合於柳占周分赤地千里

又為飢有覆軍殺將在秋為兵或大旱是年有宿離之敗

乾道四年二月壬子水金合於胃占為變謀為兵憂同夜昏

度瞻見金土晨度瞻見木火水是為水金火土木星俱見占

五星並見其年必惡八月乙亥水金火土木星五星又俱見

六年五月乙亥五星俱見七月乙巳火星犯木在畢占册太

子當有赦十月庚申五星俱見 八年十月癸卯五星俱見

九年三月辛丑火木合於柳四月乙丑火木合於星占皆

云為內亂臣有謀又云當其野旱以飢亡是歲浙東江東西

湖北諸州旱 淳熙十三年閏七月戊午夜五星昏夕伏至

戊辰五星伏聚在軫又至八月乙亥日月五星俱聚軫占是

謂易行有德受慶亡德受殃

光宗紹熙四年三月辛巳水星與金星會於昴宿內兵為兵起

為變謀

寧宗慶元元年四月辛酉木金合於井占為白衣會將相死六

月庚午金木合於井占西方凶又歲星所在太白從之伐者

利 三年八月甲戌金水木三星合於翼占三星合是謂驚

立絕行其分國內外有兵喪民飢 四年八月甲戌火與土

合於虛占為兵亂早喪 五年八月辛丑火星犯木星占册

太子當有赦 六年四月癸巳火土合於室及火犯土星占

為憂 嘉泰二年正月丁巳金火合於南斗占三星合為驚

立絕行於是金國盜起邊釁始開五月庚戌火星順行犯土

星占大戰 開禧二年二月壬申金木土三星合於昴宿占

其分國內外有兵喪民飢

理宗寶慶二年正月壬午太白歲星填星合於女十月辛亥熒

惑星填星合於女 三年八月甲戌太白熒惑合於翼

紹定元年十月丁巳熒惑填星合於危 二年正月丁亥熒

惑星合於婁 三年閏二月乙酉太白歲星合於畢十月

己巳熒惑填星合於室 五年六月乙丑熒惑填星合於婁

八月壬申太白歲星合於張 六年五月庚戌太白熒惑合

於柳 端平元年正月丙午太白熒惑合於斗六月庚午熒

惑填星合於胃 二年二月壬午太白填星合於胃十月己

未歲星太白合於心 三年六月癸卯熒惑填星合於畢九

月庚申太白歲星合於尾 嘉熙元年六月乙未太白填星

合於井十二月戊寅朔金木水火四星與日俱躔於斗 三

年十月癸亥熒惑太白合於斗 四年五月庚午熒惑歲星

太白合於婁七月甲戌太白熒惑合於井己丑熒惑太白合

於鬼八月己酉熒惑填星合於柳 淳祐三年閏八月壬寅

太白填星合於翼 四年九月癸丑熒惑填星合於軫 六

年三月戊午太白熒惑合於畢十月乙未填星歲星熒惑合

於亢 十年十二月戊戌太白歲星合於危 十二年七月

庚寅太白熒惑合於軫九月戊戌太白填星合於箕 寶祐
元年五月丁酉熒惑歲星合於昴 三年八月丁卯歲星熒
惑合於柳 五年六月丙戌太白歲星合於翼 六年十一
月中戌填星熒惑合於危十二月辛丑填星太白熒惑合於
室 景定元年正月庚辰歲星熒惑合於尾 三年四月庚
子熒惑歲星合於危十一月丁未熒惑填星合於婁 五年
四月庚午太白歲星合於婁六月戊辰熒惑與歲星合八月
壬寅朔熒惑與填星合

度宗咸淳三年七月己亥太白填星合於井 十年十月丙寅

熒惑填星在軫

恭帝德祐元年十月丁巳太白會填星

金熙宗皇統九年七月甲辰太白辰星歲星合於張

世宗大定四年正月戊子熒惑歲星同居辰 十七年九月庚

戌歲星熒惑太白聚於尾 二十二年十一月癸未熒惑太

白皆出氏中 二十四年十月壬申太白辰星同度 二十

六年八月乙亥朔日月五星會於軫

章宗泰和八年八月壬戌太白歲星光芒相及同在張一度

哀宗正大三年十一月癸酉五星並見於西南 天興元年七

月乙巳太白歲星熒惑月俱會於軫翼八月甲戌太白歲星

交

元太祖二十一年十一月丁丑五星聚見於西南

世祖至元十五年閏十一月辛亥太白熒惑填星聚於房 二

十八年正月壬寅太白熒惑填星聚奎

成宗大德二年二月辛酉歲星熒惑太白聚危 五年三月己

巳熒惑填星相合 六年七月癸巳朔熒惑填星辰星聚井

九年十一月庚戌歲星太白填星聚於亢

仁宗皇慶元年十二月甲申熒惑填星辰星聚井

英宗至治元年正月甲辰辰星太白熒惑填星聚於奎二月壬

子太白熒惑填星聚於奎 二年十二月乙丑太白歲星熒

惑聚於室 三年二月癸亥朔熒惑太白填星聚於胃

恭帝泰定二年二月庚寅熒惑歲星填星聚於畢 三年三

月庚午填星太白歲星聚於井

順帝至正二年十一月辛卯歲星熒惑太白聚於尾 十三年

正月戊戌熒惑太白辰星聚於奎 二十一年六月乙未熒

惑歲星太白聚於翼 二十四年七月癸亥太白與星歲相

合於翼二星相去八寸餘 二十五年七月丁丑填星歲星

熒惑聚於角亢閏十月戊辰太白辰星熒惑聚於斗 二十

六年十一月丙申太白歲星辰星聚於尾 二十七年十月

丁卯歲星太白熒惑聚於斗

明太祖洪武十四年六月癸未辰星熒惑太白聚於井 十七

年六月丙申歲星填星太白聚於參 十八年二月乙巳
五星並見三月戊子填星歲星太白聚於井 二十年二月
壬午朔五星俱見 二十四年七月戊子太白熒惑填星聚
於翼十一月乙未辰星歲星合於斗十二月甲子熒惑辰星
合於箕 二十五年正月辛丑熒惑歲星合於牛 二十六
年十月壬辰太白填星同度

成祖永樂元年五月甲辰五星俱見東方 二年四月戊子太
白熒惑合於井 十四年九月壬寅太白填星熒惑聚於翼
十二月辛未太白歲星合於尾

景帝景泰元年十月壬申太白歲星合於箕十二月己丑辰星
歲星同度 二年九月庚申太白熒惑填星聚於軫 三年
四月甲申熒惑歲星合於危 四年三月己丑太白歲星合
於壁 五年正月戊辰太白歲星合於奎六月己酉熒惑歲
星合於胃十一月己未太白填星合於氏 七年三月戊戌
太白熒惑合於奎十月戊申歲星熒惑合於鬼

英宗天順元年五月乙丑太白歲星合於井十二月丙辰太白
填星合於心 二年九月甲寅太白填星合於斗 三年九
月己巳太白歲星合於角 四年十月壬申歲星熒惑辰星
太白聚於氏 五年十一月己亥填星熒惑合於牛甲子太
白熒惑合於虛 六年九月甲午太白熒惑合於張 七年

十月庚寅歲星熒惑合於女庚戌太白歲星合於女 八年
二月丙午填星歲星太白聚於危

憲宗成化四年四月癸巳歲星熒惑合於井壬子太白歲星合
於井 七年七月庚子太白歲星合於井 十一年八月甲
午熒惑填星同度

孝宗弘治十三年四月癸丑熒惑太白辰星聚於井 十六年
八月庚申熒惑歲星填星聚於井 十八年五月丙申太白
歲星合於星九月乙未太白歲星同度

武宗正德二年九月戊辰辰星歲星太白聚於亢
世宗嘉靖三年正月壬午五星聚於營室 十八年七月丙子
辰星熒惑歲星太白聚於東井 十九年九月乙卯太白辰
星填星聚於角 二十三年正月癸卯熒惑歲星填星聚於
房 四十三年七月戊戌太白歲星填星聚於井 四十五
年四月庚子歲星熒惑填星太白聚於柳

神宗萬曆十七年十二月辛卯熒惑太白同度 二十年六月
壬子太白辰星填星聚於井 三十二年九月辛酉歲星填
星熒惑聚於危

熹宗天啟四年七月丙寅五星聚於張
愍帝崇禎七年九月丁巳至甲子填星熒惑太白聚於尾 十
年十一月己卯歲星熒惑合於亢甲午填星辰星同度

星畫見

漢安帝永初二年正月戊子太白畫見占為強臣 五年六月

辛丑太白畫見經天 元初四年正月乙未太白畫見丙上

順帝永建二年二月癸未太白畫見三十九日閏月乙酉見東

南維四十一日 五年閏月庚子太白畫見 六年十月乙

卯太白畫見 永和二年五月戊申太白畫見 三年二月

辛巳戊子太白在熒惑西南光芒相犯三月壬子六月丙午

八月乙卯俱太白畫見 漢安二年正月己亥太白畫見七

月甲申見韓揚占曰天下有喪一曰有白衣之會

桓帝元嘉元年二月戊午太白畫見 永興二年閏月丁酉太

白畫見 延熹九年七月太白畫見經天

魏文帝黃初四年六月甲申太白畫見 五年十月乙卯太白

畫見 六年十一月丙寅太白畫見南斗遂歷八十餘日恒

見占曰吳有兵明年孫權遣張彌等將兵萬人錫公孫淵為

燕王淵斬彌等虜其眾

明帝青龍三年五月丁亥太白畫見積三十餘日以尋度推之

非秦魏則楚時諸葛亮據渭南宣帝與相持孫權寇合肥入

淮泗天子親東征蜀本秦地則為秦魏楚兵悉起矣 四年

二月己巳太白與月俱加景畫見畫月犯太白 景初元年

十月壬申太白畫見在尾歷二百餘日恒畫見占曰尾為燕

有兵時公孫淵自立為燕王置百官發兵拒守宣帝討滅之

晉惠帝元康六年十月乙未太白畫見 永康元年太白畫見

永寧元年自正月至於閏月五星互經天縱橫無常四月

歲星畫見五月太白畫見 二年四月癸酉歲星畫見占

曰為臣強時齊王固定京都因留輔政專傲無君成都河澗

長沙王討之同兵敗夷滅

成帝咸康四年四月己巳太白畫見在柳占為兵為不臣明

年石虎大寇河南內外戒嚴

穆帝永和十年七月庚午太白畫見尋度推之災在秦鄭時桓

溫伐符健破其菟柳軍十二月慕容恪攻齊 十二年六月

庚子太白畫見在東井 升平四年十二月庚辰太白畫見

哀帝興寧元年十月太白畫見在亢

簡文帝咸安二年太白畫見在七星

孝武帝寧康二年十二月甲申太白畫見在氐氐兗州分野

太元元年八月癸酉太白畫見在氐 二年九月壬午太白

畫見在角 六年九月丙子太白畫見 七年十一月太白

畫見在斗占曰吳有兵喪 八年四月甲子太白畫見在參

占曰魏有兵喪是月桓冲征沔漢楊亮伐蜀並拔城峽地八

月符堅自將百萬入寇攻沒壽陽劉牢之謝元等破之堅眾

大潰 九年七月庚戌太白畫見十一月丁巳又見 十年

四月乙亥太白晝見於畢昴占曰魏國有兵喪是時符堅大
 冢奔潰趙魏兵連相攻望為姚萇所殺 十一年三月戊申
 太白晝在見東井占曰秦有兵臣強六月甲申又見於輿鬼
 占曰秦有兵時魏姚萇符登連兵相征不息甲午歲星晝見
 在胃占曰魯有兵臣強十二年慕容垂寇東阿翟遼寇河上
 姚萇假號安定符登自立隴上呂光竊據涼土 十二年六
 月癸卯太白晝見在柳十月庚午太白晝見在斗 十三年
 正月庚戌太白晝見 十四年四月己巳太白晝見於柳六
 月辛卯又晝見於翼九月庚寅又晝見於軫 十六年四月
 癸卯朔太白晝見 十七年七月丁丑太白晝見丁酉又晝
 見 十八年六月太白晝見 十九年五月太白晝見於柳
 六月辛酉又晝見於輿鬼九月又見於軫 二十年七月丁
 亥太白晝見在太微 二十一年二月壬申太白晝見三月
 癸卯太白晝見在羽林占曰有強臣有兵喪中軍兵起
 安帝隆安元年四月丁丑太白晝見在東井占曰秦有兵喪六
 月姚興攻洛陽都恢遣兵救之冬萇死子泓代立 二年六
 月戊辰攝提移度失常歲星晝見在胃兗州分野是年都恢
 遣兵伐慕容寶於滑臺敗而還閏月太白晝見在羽林十一
 月犯東上相 五年正月太白晝見 元興元年三月戊子
 太白犯五諸侯因晝見占曰諸侯有誅 義熙元年七月庚

辰太白晝見在翼軫占曰為臣強荆州有兵喪 三年正月
 丙子太白晝見在奎五月己丑太白晝見在參占曰益州有
 兵喪臣強 六年六月甲午太白晝見七月太白犯少微而
 晝見 七年六月太白晝見在翼 九年五月壬辰太白犯
 右執法晝見
 恭帝元熙元年七月己卯太白晝見
 梁武帝天監四年六月壬戌歲星晝見占曰歲色黃潤立竿影
 見大熱是歲大穰米斛三十文又曰星與日爭光武且弱大
 且強自此後帝崇尚文儒躬自講說終於太清不脩武備
 普通四年十一月太白晝見 六年五月己酉太白晝見六
 月癸未太白經天 太清二年太白晝見
 陳廢帝光大二年九月戊午太白晝見
 周武帝天和元年十月乙卯太白晝見經天
 隋文帝開皇元年三月甲申太白晝見占曰為臣強為革政四
 月壬午歲星晝見占曰大臣強有逆謀其後劉昉等謀反伏
 誅 二十年十月太白晝見
 唐高祖武德元年五月庚午太白晝見占曰兵起臣強 二年
 九月庚寅太白晝見 九年五月太白晝見六月丁巳經天
 己未又經天在秦分己卯太白晝見七月辛亥太白晝見甲
 寅太白晝見八月丁巳太白晝見

太宗貞觀二十二年七月太白晝見

高宗永徽元年五月己未太白晝見十二月乙未太白晝見

四年六月己丑太白晝見 龍朔元年六月辛巳太白晝見

經天 永隆元年五月丁酉太白晝見經天

中宗景龍三年六月癸巳太白晝見在東井

明皇開元十四年十月甲寅太白晝見

肅宗至德二年七月己酉太白晝見經天至於十一月戊午不

見歷秦周楚鄭宋燕之分

代宗永泰元年九月辛卯太白晝見經天 大歷八年八月己

丑太白入太微晝見 十一年閏八月丁酉太白晝見經天

憲宗元和九年七月太白入南斗至十月出乃晝見

穆宗長慶元年三月庚戌太白犯五車因晝見至於七月以歷

度推之在唐及趙魏之分占曰兵起 二年九月太白晝見

四年三月庚午太白犯東井北轅遂入井中晝見經天七

日而出因犯輿鬼六月己丑太白犯軒轅右角因晝見至於

九月

文宗太和六年四月己丑太白晝見 九年夏太白晝見自軒

轅至於翼軫 開成二年六月己酉太白晝見

僖宗乾符二年四月庚辰太白晝見在昴 昭宗光化三年十一月丁未太白犯月因晝見 天復元年五

月自丁酉至於己亥太白晝見經天在井度

後唐莊宗同光三年六月甲子太白晝見己巳太白晝見

明宗天成元年七月庚申太白晝見 長興二年五月癸亥太

白晝見閏五月己巳歲星晝見八月戊子太白晝見十月壬

辰太白晝見 四年五月癸卯太白晝見

末帝清泰元年五月己未太白晝見

漢高祖天福十二年四月丙子太白晝見

隱帝乾祐二年四月壬午太白晝見

周太祖廣順二年太白經天

宋太祖淳化元年七月辛卯太白在角西南一尺許司天言據

躔次當行中道南乘左角主有謀不成按書太白形最大星

中無比去太陽四十五度內晝見則占臣今占候太白晝見

蓋去日極遠自然之理也

真宗咸平三年六月太白晝見占曰為兵喪 四年丙寅太白

晝見在南斗 六年六月甲午太白晝見八月庚午太白晝

見 景德元年十一月太白晝見占曰秦有兵 二年四月

甲辰太白晝見 三年七月乙巳太白晝見庚辰又晝見十

二月太白晝見 大中祥符元年七月庚申太白晝見 四

年六月丙午太白晝見八月乙巳太白晝見 六年五月壬

午太白晝見 七年七月癸卯太白晝見 九年五月庚午

太白晝見 天禧三年六月辛卯太白晝見八月辛卯又晝見 四年七月丁巳太白晝見 五年八月丙午太白晝見 乾隆興元年十一月壬辰太白晝見占曰有兵兵罷無兵 兵起不利先舉

仁宗天聖三年六月壬戌太白晝見十二月戊寅太白晝見

五年五月壬寅太白晝見 明道元年七月太白晝見三十

日 慶歷三年八月甲寅太白晝見 皇祐三年四月丙午

太白晝見 至和元年五月壬辰太白晝見九月己丑太白

晝見十月辛卯太白晝見 三年四月己丑太白晝見 嘉

祐二年六月己未太白晝見 四年正月庚戌太白晝見七

月辛丑太白晝見占曰西戎秦地防邊事 五年三月乙未

木星晝見占曰為臣強為兵寇今推考木星在女度屬青齊

分宜於其地嚴設警備九月庚寅太白晝見 六年六月乙

丑太白晝見壬申木星晝見 七年五月戊午太白晝見六

月丙子木星晝見占曰臣有不忠者七月己酉太白經天復

見十月乙未太白晝見 八年七月癸亥木星晝見占曰臣

強屬趙翼分

英宗治平元年正月戊戌太白晝見六月辛酉太白晝見占曰

秦分兵喪壬戌木星晝見占曰臣強 二年七月丁丑太白

晝見十二月辛亥太白晝見 四年二月丁酉太白晝見主

為兵為大臣大國弱小國強閏三月癸未太白晝見五月辛
巳太白晝見七月癸卯太白晝見八月丁未太白晝見皆主
有兵兵罷無兵兵起或大臣有咎

神宗熙寧元年十一月癸酉太白晝見 二年六月壬戌太白

晝見主秦分兵喪 三年五月癸巳太白晝見九月壬子太

白晝見 五年五月丙午太白晝見 八年三月戊午太白

晝見七月戊寅太白晝見皆主兵 九年十月乙酉太白晝

見 十年五月甲戌太白晝見 元豐元年四月癸亥太白

晝見主秦分兵或喪 三年七月戊子太白晝見 四年七

月己丑太白晝見 六年八月己卯太白晝見 七年十一

月乙卯太白晝見主為兵為不臣

哲宗元祐元年六月庚戌太白晝見主無兵兵起有兵兵罷十

月庚寅太白晝見主秦地難 三年二月辛丑太白晝見七

月辛未太白晝見 六年四月壬寅太白晝見閏八月乙丑

太白晝見 七年十一月辛巳太白晝見 八年四月己未

太白晝見 紹聖元年五月己酉太白晝見九月庚申太白

晝見 二年十一月丙申太白晝見主兵起 三年五月壬

子太白晝見 四年六月己酉太白晝見 元符二年五月

甲辰太白晝見主秦地有兵八月癸未歲星晝見主天下偃

武罷兵天子崇尚文學任用賢能癸巳太白晝見

徽宗崇寧元年六月己酉太白晝見 三年正月癸卯太白晝見 大觀二年十一月丁未太白晝見 四年十月戊戌太白晝見 政和三年十二月辛酉太白晝見 六年十月乙丑太白晝見 七年三月辛未太白晝見 八年十月己卯太白晝見 宣和二年六月丁丑太白晝見 六年十一月丙子太白晝見

高宗建炎元年十月甲戌太白晝見 紹興元年四月壬申太白晝見 占為兵喪 四年五月庚子太白晝見 經天於是金人及偽齊合兵入寇韓世忠敗之於大儀鎮十一月戊申太白晝見 經天於是始下詔聲劉豫罪致討金人入光州陷泗州諸將退保逾月金師始退 六年正月壬辰太白晝見 經天於是諸將進攻劉豫豫以金人之師入寇諸將擊破之 十七年五月辛丑太白晝見 為占兵喪為不臣 二十八年六月壬辰太白晝見

孝宗隆興元年七月丙申太白經天晝見 二年六月戊辰七月庚子俱太白晝見 乾道元年三月甲寅乙亥太白俱晝見 經天 二年四月甲申五月甲寅九月庚午太白俱晝見 占不出三年有大喪 三年九月戊子太白晝見 四年五月乙丑六月辛卯太白俱晝見 五年六月庚寅太白晝見 十一月甲子五星晝見 淳熙三年五月癸酉太白經天晝

見 四年十一月壬戌太白晝見 六年七月乙丑癸未太白俱經天晝見 九年六月庚申甲子九月癸巳太白俱晝見 十一年五月乙卯太白晝見 十二年六月戊寅太白晝見 丁酉太白晝見 至八月壬申乃伏 十四年六月辛卯七月辛丑太白俱晝見

光宗紹熙元年五月丙子太白晝見 四年六月丙寅十一月甲戌俱太白晝見

寧宗慶元元年三月庚寅七月己亥太白俱晝見 四年九月壬寅癸卯太白俱晝見 嘉泰元年六月丙午十一月己巳十二月己卯太白俱晝見 占為兵喪為不臣為秦強 三年六月癸亥太白經天晝見 開禧元年三月庚申太白晝見 二年五月壬寅太白晝見 三年十二月乙巳太白晝見 時金人陷隨州 嘉定元年五月甲子太白晝見 時江西黑風峒為亂 四年七月壬戌太白晝見 於是攻金人甚急 五年九月丙午太白晝見 六年二月丁亥太白晝見 於是金國亂 七年五月丁丑八月乙巳太白晝見 是歲金遷都於汴 九年五月癸酉太白晝見 明年金人入寇 十年六月乙丑癸酉十一月戊戌太白俱晝見 於是下詔北伐 金寇四川山東李全來歸 十二年二月庚子三月丁亥六月辛未辛卯太白俱晝見 經天於是金人犯淮蜀 十三年九月

甲午太白晝見 十四年三月甲午太白晝見 十五年五月庚戌九月辛未太白俱晝見 十七年六月丁卯太白晝見

理宗寶慶元年六月辛卯太白晝見是年元遣行尚書省事嚴

實製大名忠義彭義斌於真定義斌死之山東州縣盡陷

紹定五年四月丁丑太白晝見五月癸巳晝見經天是年元

遣使來議伐金許之 端平元年十一月壬戌太白經天十

二月元使宣撫使王檝來言曰何為而敗盟也自是河淮之

間無寧歲矣 二年四月丁亥太白晝見七月戊戌太白經

天 嘉熙元年二月己酉太白晝見 二年五月辛巳太白

晝見八月辛酉晝見經天 三年十二月辛酉太白晝見四

年二月丁未如之 淳祐元年六月庚申十一月戊戌太白

晝見己巳晝見經天 二年十二月壬戌太白晝見 三年

七月己亥太白晝見經天 四年八月壬辰太白晝見 五

年二月壬辰太白晝見經天 六年四月辛酉太白晝見八

月壬子復如之九月戊辰晝見經天 七年十月辛巳太白

晝見九年十二月戊申十一年二月乙卯七月癸亥並如之

寶祐二年九月丁卯太白晝見三年十月甲戌四年五月

丁未五年七月己未並如之 開慶元年六月壬寅太白晝

見 景定三年四月庚寅閏九月甲申朔太白晝見 五年

四月戊午太白晝見五月己亥晝見經天

度宗咸淳元年七月丁酉太白晝見四年九月癸未如之

恭帝德祐元年七月壬午太白晝見

遼聖宗統和八年十一月丁酉太白晝見

道宗咸雍三年七月辛丑熒惑晝見凡三十五日 太安四年

正月甲寅太白晝見

金熙宗天會十四年正月辛巳太白晝見凡四十餘日乃伏

天眷二年五月戊子八月丁丑太白晝見 皇統七年正月

丁亥太白經天七月己巳復如之 八年十月甲申太白晝

見十一月壬辰經天十二月丙寅晝見

海陵天德二年九月乙亥太白晝見至明年正月辛卯後不見

四年正月癸卯太白經天五月己亥丁巳十二月乙卯朔

閏十二月己亥並如之 貞元二年十二月乙卯閏十二月

癸巳太白經天 三年正月庚申太白經天七月癸丑晝見

凡三十有三日伏 正隆二年正月庚辰太白晝見凡六十

七日伏 三年九月己未太白經天至明年正月二十一日

不見 四年十二月甲子太白晝見凡七日 五年二月丁

卯太白晝見四月甲戌復見凡百六十有九日乃伏 六年

九月丙申太白晝見 世宗大定二年正月癸巳太白晝見 三年正月庚子太白晝

見凡百有十日乃伏七月庚戌晝見百二十有七日乃伏八月丙寅晝見經天十一月庚寅晝見經天凡二十四日伏四年十二月辛卯太白晝見經天六年四月辛丑太白晝見八十有八日伏六月辛巳晝見經天九月壬子太白晝見百有三日乃伏丙辰經天十月壬辰十一月庚申十二月戊子俱復晝見經天七年十一月壬申太白晝見九十有一日伏十一月丁丑歲星晝見二日八年三月己丑太白晝見百五十有八日乃伏五月丁卯歲星晝見九年十二月丁酉太白晝見十有六日伏十一年八月癸卯太白晝見十二年八月丁亥太白晝見在日前九十有八日伏十月己酉歲星晝見在日後四十有七日伏十三年閏正月辛酉太白晝見四十有九日伏六月己未太白晝見三十有九日八月己卯晝見又百三十二日乃伏十月乙丑歲星晝見於日後五十有三日伏十一月甲子太白晝見八十有六日伏十四年三月辛丑太白晝見十有八日伏丙辰二星經天十月丙寅歲星晝見六日十六年五月甲寅太白晝見五十有四日伏十七年十二月己巳太白晝見四十有四日伏十九年四月丁巳歲星晝見凡七日七月丙子太白晝見四十有五日伏二十一年二月戊戌太白晝見三月甲子亦如之二十二年五月甲申太白晝見六十有

四日伏七月戊子歲星晝見二日八月戊辰太白晝見百二十有八日其經天者六十四日二十三年九月甲申歲星晝見五十有五伏十月辛酉太白晝見百四十有九日乃伏十一月丁卯歲星晝見三十有三日伏閏十一月庚申歲星晝見九十日伏二十四年四月己未朔太白晝見百四十有五伏九月甲辰歲星晝見凡五十二日伏二十五年十一月庚辰朔歲星晝見在日後凡七十四日壬午太白晝見在日後百十有一日乃伏十二月甲子晝見經天二十七年六月庚辰太白晝見百七十有三日乃伏七月丙午晝見經天二十八年十一月庚子太白晝見在日前四十有九日伏二十九年五月庚寅朔太白晝見在日後昌宗明昌元年二月丁亥太白晝見二年十一月乙丑太白晝見俱晝見在日前十三日方伏而順行四年八月己亥卯初三刻歲星見未正二刻太白見俱在午位五年十一月癸丑太白晝見在日前三十有三日伏六年正月庚寅太白晝見在日前百有二日乃伏六月庚辰復晝見在日後百六十七日惟是日經天章宗承安元年九月壬午太白晝見在日前百有七日乃伏二年二月丁巳太白晝見在日後百九十有五伏己未經天泰和三年六月戊戌太白晝見在日後百有十日乃

伏 六年五月甲申太白晝見在日前七十有六日庚戌經天六月辛未歲星晝見在日後七月戊申歲星經天八月辛亥歲星晨見己未卯正初刻太白晝見在日前庚申卯正初刻太白晝見在日後壬申太白晝見經天在日後 八年七月戊戌太白晝見在日後

衛紹王大安元年三月乙丑朔太白晝見經天 崇慶元年三月日正午日月太白皆相去咫尺

宣宗真祐二年九月丁亥太白晝見於軫 三年十二月庚寅

太白晝見於危八十五日伏 四年四月丁酉太白晝見於奎百九十有六日乃伏六月丙申歲星晝見於奎百有一日乃伏 興定元年四月戊辰太白晝見於井百六十有二日乃伏八月戊申歲星晝見於昴六十有七日伏十一月丙戌

太白晝見 三年五月壬子太白晝見於參三十有六日經天又百八十四日乃伏八月己巳歲星晝見於柳百有九日乃伏 四年六月己巳太白晝見於張百八十有四日乃伏

十一月壬辰歲星晝見於翼六十有七日 五年正月辛丑太白晝見於牛二百三十有二日乃伏十二月己亥太白晝見於室 六年七月乙亥太白經天與日爭光十二月戊戌

項星晝見於軫

元世祖至元二十四年十一月庚子太白晝見十二月丙寅亦

如之 二十六年七月戊子太白經天四十五日八月辛未歲星晝見 三十一年四月戊申太白晝見八月庚辰復晝見九月丁巳經天

成宗元貞元年十月戊辰太白晝見十一月甲戌經天 二年正月丙戌太白晝見 大德元年六月乙未太白晝見十月戊午經天十一月戊子十二月甲辰二年十二月戊午亦如之 三年正月乙巳太白經天六月壬申歲星晝見 七年九月丙寅太白晝見十月丁亥經天十一月己未十二月丙戌亦如之 九年七月甲寅十月丙戌太白經天十一月丙寅歲星晝見十二月壬申太白經天 十年十二月壬寅太白晝見

武宗至大元年十一月庚申太白晝見 三年四月戊辰太白晝見十月甲辰朔經天四年十二月庚辰癸未壬辰亦如之 仁宗皇慶元年四月丙子太白晝見庚寅經天 二年七月辛卯己未丙辰並太白晝見丁巳經天八月戊午朔後晝見 延祐二年正月己未太白晝見二月戊子亦如之癸巳經天 丙午亦如之五月庚午六月甲申復晝見 三年九月癸丑太白晝見丙寅經天 六年十月庚午太白晝見

英宗至治元年六月辛酉太白經天十月甲午及三年五月戊成並如之

泰定帝泰定元年十二月乙亥太白經天 三年七月戊辰太白經天 四年閏九月己巳太白經天 致和元年二月壬戌太白晝見

文宗天歷二年六月丁未太白晝見七月癸亥經天 致順二年二月壬子太白晝見五月辛丑經天六月丁未復晝見

順帝元統元年正月癸酉太白晝見二月戊戌亦如之 二年

二月丁亥太白經天四月丁丑復如之戊寅晝見辛巳壬午及七月甲午復如之己亥經天甲辰丙午復如之己酉晝見

庚戌經天癸丑甲寅及八月丙辰朔丁巳戊午己未癸亥丙寅戊辰辛未壬申癸酉甲戌丁丑己卯庚辰壬午九月庚寅

甲午乙未己亥壬寅並如之 至元元年十月戊辰太白晝見十一月甲申經天丙戌亦如之十二月甲子丙寅丁卯庚

午壬申復經天癸酉歲星晝見戊寅亦如之乙亥太白歲星皆晝見戊寅太白經天 二年二月甲申太白經天五月丙

辰丁巳並晝見 三年四月庚子太白晝見五月戊申戊午辛酉並如之六月庚午經天辛巳甲戌乙卯並如之壬午晝

見己丑庚寅復如之七月癸卯經天乙巳丙午復如之庚戌晝見甲寅經天辛酉晝見壬戌經天癸亥甲子復如之十月

庚午晝見丁亥庚寅辛卯丙申復如之十一月丁酉經天己亥丁巳戊午癸亥甲子乙丑及四年十二月癸卯己酉庚戌

辛亥丙辰五年七月甲戌乙亥丙子戊寅乙酉丙戌八月戊子己丑庚寅辛卯戊戌己亥壬寅甲辰九月戊午己未並如之 六年六月癸卯太白晝見己酉辛亥並如之七月甲寅

丁巳壬戌癸亥乙丑丙寅癸酉亦如之 至正元年正月甲戌乙亥丙子丁丑太白晝見二月己卯庚辰丙戌並如之

二年五月甲申經天七月丁酉晝見八月丙午及十年七月辛未壬申丁丑壬午八月癸未朔丁酉九月癸丑朔並如之

十一年十月己丑太白晝見十一月丁卯亦如之庚午歲星晝見十二月丙子朔太白晝見丁丑經天庚辰丙戌辛卯

壬辰甲午亦如之丁酉晝見庚子經天辛丑亦如之壬寅晝見 十二年三月戊辰太白晝見 十三年七月戊辰太白

晝見九月壬辰經天十月庚子亦如之 十五年閏正月丙辰太白經天五月癸丑六月癸亥並如之八月戊寅晝見九

月乙丑庚辰並如之 十八年七月戊申太白晝見十二月戊寅經天癸未亦如之 二十一年六月甲辰太白晝見

二十三年二月戊戌太白晝見庚子及五月壬午甲午六月壬戌七月乙酉丙戌辛卯八月乙酉壬子己未並如之 二

十四年九月乙丑太白晝見二十五年正月丁卯戊辰復如之 二十六年七月甲午太白經天甲辰及丙午丁未戊申

明太祖洪武元年三月辛卯太白晝見 四年二月戊午四月

戊戌申六月壬午朔五年六月甲申至丁亥十二月甲申

七年七月庚辰至甲申八年八月丁巳九年二月乙巳至己

酉三月壬申並如之 十二年四月己未太白見東方閏五

月戊戌晝見 十三年七月甲午太白晝見十五年四月丁

亥七月戊申辛酉九月丁未朔十六年十月壬辰至乙未並

如之 十八年四月己亥至辛丑太白晝見六月丙申至辛

丑辛亥並如之九月戊寅經天與熒惑同度乙酉晝見丁亥

又見犯熒惑十月癸巳至丙申晝見戊戌至辛丑亦如之

十九年七月癸亥三辰晝見十月甲申朔至庚寅太白晝見

二十年五月丁丑三辰晝見六月戊戌太白經天七月壬

寅三辰晝見壬寅至甲辰太白晝見 二十一年四月己巳

太白晝見七月丙申亦如之十二月丁卯三辰晝見 二十

三年三月丁亥太白晝見二十四年八月辛巳二十五年二

月辛酉二十六年四月甲辰亦如之八月庚子與月同晝見

惠帝建文四年七月庚子太白經天

成祖永樂元年五月癸未太白與月同晝見六月壬申亦如之

二年九月乙卯旦熒惑見於角 四年七月壬寅太白晝

見五年八月丙申六年二月甲辰八年十月庚戌十二年九

月癸未十三年七月己酉八月庚戌並如之

仁宗洪熙元年六月戊戌太白晝見七月乙巳八月癸巳並如

之

宣宗宣德五年三月丙寅太白晝見六年三月乙巳八年九月

戊戌至甲寅九年十二月甲子十年七月丁亥並如之

英宗正統四年七月壬子太白晝見十月丙申復如之 六年

五月庚戌太白晝見 十一年七月甲申太白經天 十三

年二月辛酉太白晝見十四年正月辛亥八月丙子亦如之

景帝景泰元年十月乙酉太白晝見 二年五月庚子辛亥太

白晝見壬子經天九月甲辰歲星晝見 三年五月丁巳太

白晝見六月壬戌歲星晝見十一月壬戌太白晝見 四年

五月丁丑六月甲辰歲星晝見 五年正月甲戌二月丙戌

六月癸卯太白晝見七月庚戌壬子癸丑歲星晝見 六年

七月丁酉歲星晝見 七年正月戊戌太白晝見

英宗天順元年四月甲午太白晝見五月丙子歲星晝見八月

壬子太白晝見 二年十月己未太白晝見三年四月癸亥

癸酉四年十一月庚寅十二月丙戌並如之 五年正月丁

未太白晝見七月乙卯歲星晝見十二月癸巳太白晝見

六年六月己丑太白晝見八月己巳太白歲星同晝見 七

年三月乙巳歲星晝見閏七月辛酉太白晝見癸未如之

八年正月庚申太白晝見

憲宗成化元年二月癸未太白晝見三年四月癸丑四年六月
癸巳丙申六年七月丙戌七年八月癸卯並如之 八年正
月乙卯太白經天與日爭明 十一年五月己未太白晝見
十二年十月丙戌十三年十二月乙未亦如之 十四年六
月庚子太白歲星俱晝見 十五年八月甲午太白晝見丁
酉歲星晝見十二月丙子太白晝見 十六年七月丙申歲
星晝見 十七年三月癸未八月癸亥太白晝見 十八年
九月庚戌太白晝見癸亥歲星晝見 十九年四月癸亥太
白晝見 二十年八月壬申太白歲星俱晝見 二十一年
十一月丙辰太白晝見二十二年六月己丑二十三年九月
丙午並如之

孝宗弘治元年五月庚午太白晝見六月甲寅歲星晝見 二
年正月壬戌三月庚申太白晝見五月癸亥歲星晝見丙戌
太白晝見六月甲午歲星晝見八月癸巳庚子太白晝見
三年七月庚午歲星晝見閏九月甲辰太白晝見 四年四
月辛酉辛未太白晝見七月丁亥歲星晝見 五年五月乙
亥丙申太白晝見十月己酉歲星晝見辛酉太白晝見十一
月己巳南京太白晝見 六年九月癸卯歲星晝見十二月
乙丑太白晝見 七年五月庚戌六月辛酉太白晝見十一
月丁酉癸卯歲星晝見 八年七月戊子太白晝見 九年

正月乙未太白晝見二月己酉朔太白晝見辛亥至甲寅歲
星晝見四月壬午歲星晝見 十年正月癸丑及甲寅至丙
辰歲星晝見甲子至丁卯太白晝見二月乙酉太白晝見六
月丙子未刻太白經天八月甲戌太白晝見癸未亦如之
十一年四月己丑八月甲申乙酉歲星晝見十月丁丑至辛
巳太白晝見 十二年三月戊辰至壬申太白晝見八月庚
寅如之 十三年四月丙申太白晝見庚子至乙巳太白歲
星同晝見十月丁未太白晝見己酉亦如之 十四年六月
壬辰至乙未歲星晝見十一月己丑太白晝見十二月庚戌
亦如之 十五年五月庚寅至癸巳太白晝見六月乙巳歲
星晝見 十六年七月壬申太白晝見辛卯歲星晝見壬辰
太白晝見八月甲辰歲星晝見 十七年二月癸巳朔戊戌
及六月癸亥太白晝見七月壬子九月辛丑歲星晝見 十
八年二月壬戌太白晝見乙丑復如之五月乙未歲星晝見
辛太白經天八月癸亥至戊辰太白晝見辛巳歲星晝見九
月癸未庚子歲星晝見

武宗正德元年十月己未太白晝見十一月乙酉歲星晝見
二年正月庚辰太白經天三月戊辰太白晝見十一月辛酉
至丁卯歲星晝見 三年五月乙巳至丁未太白晝見十月
己卯又見數日不止 四年十月戊戌至乙巳太白晝見

五年五月丙子太白晝見 六年四月壬寅至己酉歲星晝見七月壬申至八月癸未太白晝見 八年正月丙戌至己丑太白晝見四月壬戌八月庚戌至乙卯並如之 九年八月乙巳至甲寅歲星晝見十一月甲申至十二月壬辰太白晝見 十一年六月甲寅至己未太白晝見 十二年十月甲子至己巳歲星晝見 十四年八月丙寅至庚辰太白晝見十五年正月己未二月辛酉十六年八月丁亥並如之

世宗嘉靖元年九月辛未太白晝見 二年三月辛未歲星太白同晝見 三年四月庚戌太白晝見五年五月庚子十一年四月癸巳十月辛巳戊子十一月甲寅並如之 十三年閏二月庚申太白晝見又自十二年十一月甲寅至於日光耀與日爭明五月癸巳太白與月同晝見 十七年九月壬辰太白晝見十八年四月癸亥十一月壬寅並如之 十九年十月壬寅太白晝見十二月戊午經天 二十年十一月乙巳至丁未太白晝見二十二年七月丙午二十三年二月辛巳二十四年閏正月戊寅二十五年十月辛卯二十六年四月丙申二十七年四月丁巳十一月丙戌至乙未二十八年十一月乙酉至己丑並如之 二十九年六月戊申太白晝見八月戊寅歲星晝見守井 三十年六月丙子至辛巳太白晝見三十一年正月丙戌至丙申三十二年二月辛

未至乙亥七月戊辰至辛未並如之 三十三年十月癸未太白見未位 三十五年五月壬午太白晝見十月癸卯至丙午三十六年十二月庚辰朔三十八年七月癸酉三十九年正月庚寅至壬辰並如之 四十年三月丙子太白晝見歷二十四日八月辛未復如之 四十一年九月乙未太白晝見四十二年四月己巳亦如之至壬申始伏 四十三年五月甲寅太白晝見丁巳亦如之十月戊子復晝見歷二十日 四十五年正月己亥太白晝見

穆宗隆慶元年七月辛酉太白晝見 二年正月甲寅太白晝見七月己亥太白晨見南方 三年四月甲子太白晝見歷二十二日 四年十一月己丑至辛卯太白晝見 神宗萬曆十年五月辛未太白晝見十一年七月辛丑十二年七月癸巳十六年九月丁丑亦如之 十九年正月太白晝見經天入月在牛十八度 二十一年八月甲午二十四年十月丙寅俱太白晝見 二十七年九月辛亥太白經天 三十二年六月乙酉太白晝見三十七年三月辛丑三十八年十月辛巳四十年五月壬寅並如之 四十四年太白經天 熹宗天啓二年二月丙戌太白晝見 三年三月丁巳太白晝見十二月己丑復如之 五年四月癸未太白晝見未位七

月戊午晝見已位癸酉經天 六年九月癸未太白晝見七
年二月丙寅亦如之

欽定天文正義卷六十八
恒星占考上

愍帝崇禎元年七月壬戌太白晝見三年四月己卯十二月丙
辰四年四月亦如之 十年正月辛丑朔太白晝見六月經
天十月晝見怒赤 十一年四月壬子歲星晝見 十七年
五月太白晝見三日七月份天

恒星占考上

秦始皇之時，熒惑守心，及天市芒角，赤色如雞血，始皇既死，適庶相

殺二世即位，殘骨肉，殺將相。

漢高帝十二年春，熒惑守心。

孝文帝後七年七月，火東行，行畢陽，環畢東北出而西，逆行至昴，即

南乃東行，占曰為喪死，寇亂畢，昴趙也。

孝景三年，填星在婁，幾入，還居奎，奎魯也，占曰其國得地為得填星。

是歲魯為國，四年七月癸未火入東井，行陰，又以九月己未入

輿鬼，戊寅出，占曰為誅，又為火災，後二年有栗氏事，其後未央東

門災，中元三年，填星當在紫艸參，去居東井，占曰亡地，不廼有

女愛。

孝武建元六年，熒惑守輿鬼，占曰為火變，有喪，是歲高園火災，元

鼎五年，有太白入於天苑，占曰將以馬起兵，一曰馬將以軍而死。

耗其後，以天馬故誅大宛，馬大死於軍，元鼎中，熒惑守南斗，占

曰熒惑所守，為亂賊喪兵，守之久，其國絕祀，南斗越分也，其後越

相呂嘉殺其王及太后，漢兵誅之，滅其國。

孝昭始元中，太白入太微，西藩第一星北出，東藩第一星北東下去。

太微者，天廷也，太白行其中，宮門當閉，太將披甲，兵邪臣伏誅，熒

惑在婁，逆行至奎，法曰當有兵。

孝宣本始元年，熒惑守房之鉤，鉤鉞，鉞天子之御也，占曰不太僕，則

奉車不出，即死也，房心，天子之宮也，房為將相，心為子屬也，其地

宋今楚彭城也，四年七月甲辰，熒惑入輿鬼，天質占曰大臣有

誅者，名曰天賊，在大人之側，地節元年正月辛酉，熒惑入氐中

氐，天子之宮，熒惑入之，有賊臣，後四年霍氏謀反，坐誅。

孝成綏和二年春，熒惑守心，二月乙丑，丞相翟方進欲塞災異，自殺。

哀帝元壽元年十一月，歲星入太微，逆行於右執法，占曰大臣有憂

執法者，誅若有罪，二年十月戊寅，高安侯董賢免大司馬，歸第

自殺。

王莽地皇四年秋，太白在太微中，燭地如月光，太白為兵，太微為天

庭，太白羸而北入太微，是大兵將入天子廷也，是時莽遣兵入昆

陽，為光武所破，漢將鄧疊等進攻京師，十月殺莽，大兵蹈藉宮廷

之中，更始入長安，復敗赤眉，立劉盆子為天子，皆以大兵入宮廷

是其應也。

光武建武七年九月庚子，土入鬼中，漢史鎮星逆行，輿鬼女主貴，親

有新憂，正歲曰有土功事，九年正月乙卯，金犯婁，南星七月乙

卯，金犯軒轅，大星十一月金又犯軒轅，軒轅者後宮之官，大星為

皇后，金犯之為失勢，時郭后已失勢，見誅，後廢為中山太后，十

二年八月辛酉，水見東方翼分，九月甲午，火犯輿鬼，十三年二

月乙卯，火犯輿鬼，西北黃帝占曰熒惑守輿鬼，大人憂，一曰多火

災，石氏曰為旱，十七年三月乙未，火逆行從東門入太微，到執

法星東己酉南出端門 十九年閏月戊申火逆從氏到亢 三十一年七月戊午火在輿鬼一度入鬼中出尸星南半度十月己亥犯軒轅大星 中元二年八月丁巳火犯太微西南角星相去二寸西南角星為將相後太尉趙嘉司徒李訢生事免官

孝明永平元年閏九月辛未火在太微左執法星所光芒相及十一月辛未土逆行乘東井北軒轅第二星 十三年閏月丁亥火犯輿鬼為大喪質星為大臣誅戮其年十二月楚王英坐謀逆自殺

十六年正月丁丑歲星犯房右驂北第一星不見辛巳乃見房右驂為貴歲星犯之為見誅是後司徒邢穆坐與阜陵王延交通知逆謀自殺四月癸未太白犯畢畢為邊兵後北匈奴寇入雲中

至咸陽使者高弘發三郡兵追討無所得太僕祭彤坐不進下獄 孝章建初元年正月丁巳太白在昴西一尺二月甲申金入斗魁

孝和永元二年九月金犯軒轅占曰女主失勢 五年七月壬午歲星犯軒轅大星九月金在南斗魁中為大將將死火犯房北第一星為將相其六年正月司徒丁鴻薨十二月車騎將軍鴻坐追虜失利下獄死 六年六月丁亥金在東井 十三年正月辛未水乘輿鬼十二月癸巳犯軒轅大星 十四年二月丁酉水入太微

西門 十六年七月庚午水在輿鬼中輿鬼為死喪

孝安永初元年五月戊寅熒惑逆行守心前星心為天子明堂熒惑逆行守之為反臣 三年正月庚戌月犯心後星己亥太白入斗

中月犯心後星不利於心為宋五月丁酉沛王牙亮太白入斗中為貴相凶六月癸酉太白入輿鬼為將凶後中郎將任尚坐賊棄市 元初元年三月癸酉熒惑入輿鬼 二年九月辛酉熒惑入輿鬼中 三年三月熒惑入輿鬼中五月丙寅太白入畢口七月甲寅歲星入輿鬼閏月己未太白犯太微左執法 四年正月丙戌歲星留輿鬼四月壬戌太白入輿鬼中己巳辰星入輿鬼中六月丙申熒惑入輿鬼中戊戌犯輿鬼大星九月辛巳太白入南斗口

中 五年三月丙申鎮星犯東井錢星五月庚午辰星犯輿鬼質星丙戌太白犯鉞星 六年四月癸丑太白入輿鬼六月丙戌熒惑在輿鬼中丁卯鎮星在輿鬼中辛未太白犯左執法 延光二年八月己亥熒惑出太微端門 三年二月辛未太白犯昴五月癸丑太白入畢九月壬寅鎮星犯左執法四月太白入輿鬼中六月壬辰太白出太微九月甲子太白入斗口中太白犯昴畢為近兵 一曰大人當之鎮星犯左執法有誅臣太白入輿鬼中為喪太白出太微為中宮有兵入斗口為貴將相有誅

孝順永建二年八月乙巳熒惑入輿鬼 五年夏熒惑守氏諸侯有斬者是冬班始腰斬馬市 六年四月熒惑入太微中犯左右執法西北方六寸所 永和二年八月庚子熒惑犯南斗斗為吳明年五月吳郡太守行丞事羊珍等反又江賊蔡伯流等攻廣陵燒城郭殺都尉 三年八月甲寅辰星入輿鬼己酉熒惑入太微辰

入輿鬼為大臣有死者入太微 臣在廷中其四年祀南郊中常侍張達等與曹騰等爭權白帝言騰等反矯詔收之騰等自解說帝悟達自知事不諧乃奔走自刺又征西將軍馬賢擊西羌父子俱戰沒是其應也 四年七月熒惑入南斗犯第三星八月入太微斗為貴相為揚州熒惑犯之為兵喪其六年大將軍梁商薨九江丹陽賊周生等反攻沒郡縣 漢安二年五月丁亥辰星犯輿鬼占為大喪

孝質本初元年三月癸丑熒惑入輿鬼四月辛巳太白入輿鬼皆為

大喪

孝桓建和元年八月壬寅熒惑犯輿鬼質星 二年二月辛卯熒惑

行在輿鬼中 三年五月己丑太白行入太微右掖門留十五日

出端門丙申熒惑入東井八月己亥鎮星犯輿鬼中南星熒惑犯

輿鬼為死喪質星為戮臣入太微為亂臣鎮星犯輿鬼為喪至和

平元年十二月甲寅梁太后崩梁冀蓋驕亂矣 永壽元年三月

丙寅申鎮星逆行入太微中七十四日去左掖門七月己未辰星

入太微中八十日去左掖門八月己巳熒惑入太微二十一日出

端門太微天子廷也鎮星為貴臣后妃逆行為匿謀辰星入太微

為大水一曰後宮有憂是歲雒水溢至津門南陽大水熒惑留入

太微中又為亂臣是時梁氏專政 二年六月甲寅辰星入太微

遂伏不見辰星為水為兵為后妃八月戊午太白犯軒轅大星為

皇后其三年四月戊寅熒惑入東井口中為大臣有誅者其七月

丁丑太白犯心前星為大臣後一年四月懿獻皇后以憂死大將

梁冀使太倉令秦宮刺殺議郎酈範又欲殺鄧后母宣事覺桓帝

收冀及妻壽萊城君印綬皆自殺誅諸梁及孫氏宗族或徙邊是

其應也 延熹四年三月甲寅熒惑犯輿鬼質星其占大臣有戮

死者五年南郡太守李肅坐罪棄市 七年八月庚戌熒惑犯輿

鬼質星庚申歲星犯軒轅大星十月丙辰太白犯房北星十二月

乙丑熒惑犯軒轅第二星熒惑犯質星有戮臣歲星犯軒轅為女

主憂太白犯房北星為后宮其八年二月太僕南鄉侯左勝以罪

賜死勝弟中常侍上蔡侯惲北鄉侯黨皆殺癸亥皇后鄧氏坐執

左道廢遷於祠宮死親黨皆係暴室又荆州刺史芝等坐為賊所

拘略桂陽太守任省背敵走皆棄市是其應也 八年五月癸酉

太白犯輿鬼質星壬午熒惑入太微右執法閏月己未太白犯心

前星十月癸酉歲星犯左執法十一月戊午歲星入太微犯左執

法 九年正月壬辰歲星入太微中五十八日出端門六月壬戌

太白行入輿鬼七月乙未熒惑行輿鬼中犯質星九月辛亥熒惑

入太微西門積五十八日 永康元年正月庚寅熒惑逆行入太

微東門留太微中百一日出端門七月丙戌太白犯心前星太白

犯輿鬼質星有戮臣熒惑入太微為賊臣太白犯心前星為兵喪

歲星入太微犯左執法將相有誅者歲星入守太微五十日占為

人憂太白熒惑入輿鬼皆為死喪又犯質星為戮臣熒惑留太微中百一日占為人主其九年十一月太原太守劉瓚南陽太守成瑨皆坐殺無辜荆州刺史李暉為賊所拘尚書郎孟璠坐受金漏言皆棄市太傅陳蕃太將軍竇武尚書令尹勳黃門令山水等皆枉死太白犯心熒惑留太微之應也

孝靈建寧元年六月太白在西方入太微犯西蕃南頭星太微天廷也太白行其中宮門當閉大將披甲兵大臣伏誅其八月陳蕃竇武等被害 熹平元年十月熒惑入南斗中占曰熒惑所守為兵亂斗為吳其十一月會稽許昭等聚眾自稱大將軍攻破郡縣五年四月熒惑在太微中守屏占為亂臣是時中常侍趙忠張讓等並為姦亂 光和四年熒惑逆行守心後星 中平六年八月丙寅太白犯心前星戊辰犯心中大星其日未冥四刻大將何進於省中為諸黃門所殺己巳車騎將軍何苗為進部曲將吳匡所殺

魏文帝黃初五年歲星入太微逆行積百四十九日乃出占曰五星入太微從右入三十日已上人有大憂一曰有赦 六年五月壬戌熒惑入太微至壬申與歲星相及俱犯右執法至癸酉乃出占曰從右入三十日已上人有大憂又日月五星犯左右執法大臣有憂一曰執法者誅金火尤甚十一月皇子東武陽王鑿薨七年正月驃騎將軍曹洪免為庶人四月征南大將軍夏侯薨

明帝太和五年五月熒惑犯房占曰房四星股肱臣將相位也月五星犯之將相有憂其七月車騎將軍張邵追諸葛亮為亮所殺十二月太尉華歆薨 青龍三年六月丁未填星犯井鉞戊戌太白又犯之占曰凡月五星犯井鉞悉為兵災一曰谷鉞用大臣誅七月填星犯東井距星占曰大人憂大水五穀不成景初元年夏大水傷稼 四年五月太白犯畢左股第一星占曰畢為邊兵又主刑罰九月涼州塞外胡阿畢師使侵犯諸國西域校尉張就計之斬首捕虜萬計七月甲寅太白犯軒轅大星占曰女主憂

少帝正始五年十一月癸巳填星犯亢距星占曰諸侯有失國者七年七月乙亥熒惑犯畢距星占曰有邊兵一曰刑罰用 九年七月癸丑鎮星犯鍵閉占曰王者不宜出宮下殿熹平元年天子謁陵宣帝奏誅曹爽等天子野宿於是失勢 熹平元年六月太白犯井距星占曰國失政大臣為亂四月太白犯輿鬼占曰大臣誅一曰兵起其年宣帝奏誅曹爽 二年三月乙未太白又犯井距星三年七月王陵與楚王彪有謀皆伏誅吳孫權赤烏十三年夏五月日北至熒惑逆行入南斗秋七月犯魁第三星而東漢晉春秋云逆行按占熒惑入南斗三月吳王死一曰熒惑逆行其地有死君太和二年權薨是其應也 四年十月癸未熒惑犯亢南星占曰臣有亂 五年六月戊午太白犯角占曰羣臣有謀不成庚辰月犯箕星占曰軍將死七月月犯井越丙午月又犯鬼西北

星占曰國有憂十一月癸酉月犯東井距星占曰將軍死正元元年正月鎮東將軍母邱儉揚州刺史文欽反兵俱敗死二月本豐及弟翼后父張緝等謀亂事泄悉誅皇后張氏廢九月蜀將姜維攻隴西車騎將軍郭淮討破之

高貴鄉公正元二年二月戊午熒惑犯東井北轅西頭第一星 廿

露元年七月乙卯熒惑犯東井鉞星壬戌月又犯鉞星八月辛亥

月犯箕吳廢孫亮太平元年九月壬辰太白犯南斗吳志所書也

占曰太白犯斗國有兵大臣有反者其明年諸葛誕反又明年孫

繼廢亮吳魏並有兵事也 二年三月庚子太白犯東井占曰國

失政大臣為亂是夜歲星又犯東井占曰兵起至景元元年高貴

鄉公敗八月壬子歲星犯井鉞九月庚寅歲星逆行乘井鉞十月

景寅太白犯亢距星占曰逆臣為亂人君憂 三年八月壬辰歲

星犯與鬼鑽星占曰斧鉞用大臣誅 四年四月甲申歲星又犯

與鬼東南星占曰鬼東南星主兵木入鬼大臣誅景元元年殺尚

書王經

元帝景元元年春月犯建星按占月五星犯建星大臣相譖其後鐘

會節艾破蜀會諧艾 二年四月熒惑入太微犯右執法占曰人

主有大憂一云大臣憂 四年十月歲星守房占曰將相有憂一

云有大赦明年節艾鍾會皆夷滅赦蜀士

晉武帝太康八年三月熒惑守心

惠帝元康三年四月熒惑守太微六十日占曰諸侯三公謀其上必

有新臣是春太白守畢至是百餘日占曰有急令之憂一日相死

又為邊兵不安 九年六月熒惑守心八月入羽林占曰禁兵大

起 永康元年五月熒惑入南斗占曰宰相死兵大起斗又吳分

野八月熒惑入箕 二年二月太白出西方逆行入東井占曰國

失政大臣為亂是時齊王罔起兵討趙王倫倫滅罔擁兵不朝專

權淫昏明年誅死 永寧元年七月歲星守虛危占曰有兵憂虛

危齊分一曰守虛饑守危徭役繁多不屈竭辰星入太微占曰為

內亂郡臣相殺太白守右掖門占曰為兵為亂為賊八月戊午填

星犯左執法又犯上相占曰上相憂熒惑守昂占曰趙魏有災辰

星守與鬼占曰秦有災 大安二年二月太白入昴七月熒惑入

東井是秋太白守太微占曰天下擾兵大起國亂上將以兵亡是

年冬成都河間攻洛陽八月長沙王奉帝出距二王二年正月東

海王越執長沙王義張方又殺之 永興元年七月庚申太白犯

角亢經房心歷尾箕九月入南斗占曰犯角天下大戰犯亢有大

兵人君憂入房心為兵喪犯尾箕女主憂一曰天下大亂入南斗

有兵喪一曰將軍為亂其所犯守又充豫幽冀揚州之分野是年

七月有蕩陰之役九月王俊殺幽州刺史和演攻鄴鄴潰於是充

豫為大兵衝陳敏又亂揚土劉元海石勒李雄等並起微賤跨有

州郡皇后羊氏數被幽廢皆應也 二年四月丙子太白犯狼星

占曰大兵起九月歲星守東井占曰有兵井又秦分野是年荀晞破公師蕃張方破范陽王毓關西諸侯將攻河間王顓奔走東海王迎殺之 光熙元年九月丁未熒惑守心己亥填星守房心占曰填星房多禍矣守心國內亂天下赦是時司馬越專權終以無禮破滅內亂之應也

懷帝永嘉三年填星久守南斗占曰填星所居久者其國有福是時安東將軍瑯邪王始有揚土其年十一月地動陳卓以為是地動之應也 五年十月熒惑守心 六年六月丁卯太白犯太微

元帝大興元年七月太白犯南斗占曰吳越有兵大人憂 二年二月甲申熒惑犯東井占曰兵起貴臣相戮八月己卯太白犯軒轅大星占曰後宮憂 三年五月戊子太白入太微又犯上將星占曰天子自將上將誅九月太白犯南斗十月己亥熒惑在東井居五諸侯南踰躡留積三十日占曰熒惑守井二十日以上大人憂守五諸侯有誅者永昌元年三月王敦反攻京師六軍敗績人主謝過敦殺周觀刁協譙王承母卓

明帝太寧三年正月熒惑逆行入太微占曰為兵喪

成帝咸和六年十一月熒惑守胃昴占曰趙魏有兵八年七月石勒死石季龍自立是時雖二石僭號而其強弱常占於昴不闕太微紫宮也 八年七月熒惑入昴占曰趙地有兵是月石勒死石季龍多所攻沒 九年三月己亥熒惑入輿鬼犯積尸占曰兵在西

北有沒軍死將是時石宏雖襲勒位而石季龍擅威橫暴十一月廢宏自立遂幽殺之 咸康元年二月己亥太白犯昴占曰兵起歲中旱四月石季龍略騎至歷陽加司徒王導太司馬治兵列伐衝要是時石季龍又圍襄陽六月旱八月戊戌熒惑入東井占曰無兵兵起有兵兵止 二年九月庚寅太白犯南斗占曰斗為宰相又揚州分全犯之死喪之象其後石虎僭王攻段遼襲慕容皝不克斃擊破并虜段遼 三年八月熒惑入輿鬼犯積尸 四年五月戊戌熒惑犯右執法占曰大臣死執政憂九月太白又犯右執法按占曰五星同全水尤甚十一月戊子太白犯房上星占曰上相憂 六年三月甲辰熒惑犯太微上將星占上將憂四月丁丑熒惑犯右執法占曰執政者憂六月乙亥月犯牽牛中央星占曰大將憂是時尚書令何充為執法有譴欲避其咎明年求為中書令其四月景午太白犯畢距星占曰兵革起一日女主憂六月乙卯太白犯軒轅大星占曰女主憂 七年四月己丑太白入輿鬼 八年六月熒惑犯房上第二星占曰次相憂

康帝建元二年正月壬午太白入昴占曰趙地有兵又曰天下兵起是年石季龍殺其子邃又遣將寇沒狄道及屯剽東謀慕容晃 三年歲星犯天關安西將軍庾翼與兄水書曰歲星犯天關占曰關梁當分比來江東無他故江道亦不艱難而石季龍頻年再閉關不通信使此復是天公憤憤無皂白之徵也其閏月乙酉太白

犯斗占曰為喪天下受爵祿

穆帝永和元年五月辛巳太白晝見在東井占曰為臣彊秦有兵

二年八月壬申太白犯左執法 三年九月庚寅太白犯南斗第

五星占曰為喪為兵 四年七月景申太白犯左執法乙丑太白

犯左執法四月太白入昴是時戎晉相侵趙地連兵尤甚七月太

白犯軒轅占曰在趙及為兵喪 五年四月丁未太白犯東井占

曰秦有兵九月戊戌太白犯左角占曰為兵十月月犯昴占曰將

軍死是年八月褚襄北征兵敗十月關中二十餘壁舉兵內附石

遵攻沒南陽十一月冉閔殺石遵又盡殺胡十餘萬人於是趙魏

大亂十二月褚襄薨八年劉顯符健慕容儁並僭號殷浩北伐敗

績見廢 六年七月景寅熒惑犯鉞星占曰大臣有誅八月辛卯

太白晝見在南斗是歲司徒蔡謨免為庶人 七年二月太白犯

昴三月乙卯熒惑入輿鬼犯積尸占曰貴人有憂五月乙未熒惑

犯軒轅大星占曰女主憂太白入畢口犯左股占曰將相當之六

月乙亥月犯箕占曰國有兵景子月犯斗丁丑熒惑入太微犯右

執法八月庚午太白犯軒轅戊子太白犯右執法占卷同上七年

劉顯殺石祿及諸將帥山東大亂疾疫死亡 八年七月壬子歲

星犯東井距星占曰內亂兵起八月戊戌熒惑入輿鬼占曰忠臣

戮死景辰太白入南斗犯第四星占曰將為亂一曰丞相免 九

年八月歲星犯輿鬼東南星占曰兵起時帝幼冲母后專政將相

有隙兵革連起慕容儁僭號攻伐不休 十年正月癸酉填星掩

鉞星占曰斧鉞用九月辛酉太白犯左執法 十一年八月乙未

太白犯天江占曰河津不通 十二年六月庚子太白晝見在東

井九月戊寅熒惑入太微犯西蕃上將星十一月丁丑熒惑犯太

微東蕃上將星齊城陷執段龕殺三千餘人永和三年鮮昇侵略

河翼升平元年慕容儁遂據臨漳盡有幽并青冀之地緣河諸將

奔散河津隔絕時權在方伯九服交兵 升平元年四月壬子太

白入輿鬼六月戊戌太白晝見在軫軫是楚分野七月辛巳熒惑

犯天江占曰河津不通十一月歲星犯房占曰豫州有災其年五

月符堅殺苻生而立十二月慕容儁入屯鄴二年八月豫州刺史

謝奕薨 二年十月太白犯哭星占曰有大哭泣十二月填星犯

軒轅大星 三年正月熒惑犯鍵閉星三月復逆行犯鈞鈴六月

太白犯東井七月熒惑犯天江丙戌太白犯輿鬼八月太白犯軒

轅大星十月諸葛攸舟軍入河敗績豫州刺史謝萬入朝眾潰而

歸萬除名司徒會稽王以二鎮敗求自貶三等四年正月慕容儁

死子暉代立慕容恪殺其尚書令陽騫等 四年六月辰星犯軒

轅占曰女主憂己未太白入太微右掖門從端門出占曰貴奪勢

一曰有兵又曰出端門臣不臣八月太白犯氐占國有憂熒惑犯

太微西蕃上將星九月太白入南斗口犯第四星占曰為喪有敵

天下受爵祿十二月熒惑犯房 五年正月乙己填星逆行犯太

徵

哀帝興寧三年七月歲星犯輿鬼

海西公太和二年正月太白入昴五年符堅滅燕據幽冀司并四州

六年閏月熒惑守太微端門占曰諸侯三公謀其上 一曰有新

臣

簡文帝咸安元年十二月辛卯熒惑逆行入太微二年三月猶不退

占曰國不安有憂 二年五月丁未太白犯天關占曰兵起六月

太白晝見在七星乙酉太白犯輿鬼占曰國有憂

孝武寧康元年九月癸巳熒惑入太微 二年十二月甲申太白晝

見在昴 三年六月癸卯太白犯東井占曰秦地有兵九月戊申

熒惑奄左執法占曰執法者死太元元年符堅破涼州二年十月

尚書令王彪之年 太元元年四月景戌熒惑犯南斗第三星景

申又奄第四星占曰兵大起中國饑 一曰有赦八月癸酉太白晝

見在昴兗州分野九月熒惑犯哭泣星遂入羽林占曰有哭泣

事中軍兵起 二年二月熒惑守羽林占曰禁兵大起九月壬子

太白晝見在角兗州分野三年八月秦人寇樊鄧襄陽彭城

四年二月襄陽陷朱序沒四月魏興陷賊聚廣陵三河眾五六萬

於是諸軍外次衝要丹陽尹屯衛京師六月兗州刺史謝元討賊

大破之是時中外連兵比年荒儉 四年十一月丁巳太白犯哭

星占曰有哭泣事 五年七月景子辰星犯軒轅 十四年十二

月熒惑入羽林 十五年九月熒惑入太微十月太白入羽林

二十年六月熒惑入天園占曰大饑 二十一年四月壬午太白

入天園占曰為饑六月歲星犯哭泣星占曰有哭泣事隆安元年

王恭等舉兵脅朝廷於是內外戒嚴殺王國寶以謝之又連歲水

旱三方動衆人饑

安帝隆安元年正月熒惑犯哭泣星占曰有哭泣事 四年九月熒

惑犯少微又守之占曰處士誅次年盧循桓元內外違逆 元興

元年七月熒惑在東井犯輿鬼積尸八月太白犯右執法九月太

白犯進賢占曰進賢者誅 二年二月歲星犯西上將 三年正

月熒惑逆行犯太微西上相占曰天子戰於野上相死二月熒惑

逆行在左執法西北占曰執法者誅五月填星入羽林是年春劉

裕討桓元元劫天子如江陵五月義軍破滅之 義熙元年三月

太白犯東井占曰秦有兵八月太白犯斗第一星占曰天下有兵

一曰大人憂九月熒惑犯少微占曰處士誅又犯左右執法十月

奄填星在營室十一月景戌太白犯鈞鈴占曰喉舌憂十二月己

卯歲星犯天關占曰有兵亂河津不通十一月荊州刺史魏詠之

薨二年二月司馬國璠等攻沒弋陽四月姚興伐仇池公楊盛擊

走之九月益州刺史司馬榮期為其恭軍楊承祖所害三年十二

月司徒揚州刺史王謚薨四年正月太保武陵王遵堯三月左僕

射孔安國卒 二年二月太白犯南河占曰兵起四月乙丑歲星

犯天江占曰有兵亂河津不通五月壬寅熒惑犯氐占曰氐為宿
 官人主憂六月庚午熒惑犯房北第三星八月癸亥熒惑犯南斗
 第五星丁巳犯建星占曰為兵九月壬午熒惑犯哭星又犯泣星
 是年二月甲寅司馬國璠等攻浚弋陽又慕容超侵略徐兗三年
 正月又寇北徐州至下邳十二月司徒王謚薨四年正月武陵王
 遵薨五年慕容超復寇淮北四月劉裕大軍討之拔臨朐又圍廣
 固之 三年八月太白犯左執法熒惑復犯之九月熒惑犯進賢
 四年正月熒惑犯天關五月填星犯天廩占曰天下饑倉粟少
 六月太白犯太微西上將又犯左執法十月熒惑入羽林 五年
 五月戊戌歲星入羽林九月犯昂十月熒惑犯氐又犯鈞鈴己巳
 奄心大星是年劉裕討慕容超十月魏王珪遇弒次年靈循逼
 却旬 六年三月太白犯五諸侯占曰諸侯有誅八月壬午太白
 犯軒轅大星乙未太白犯少微景午太白在少微而晝見九月甲
 寅太白犯左執法丁丑填星犯畢占曰有邊兵是年徐道覆靈循
 反眾逼却畿七年十二月破斬之八年豫州刺史劉道規卒 七
 年四月熒惑入輿鬼占曰秦有兵一曰雍州突六月填星犯天關
 占曰臣謀主八月太白犯房南第二星七月朱齡石剋蜀又反
 討滅之十一月太白犯哭星 八年十一月丁丑填星犯東井占
 曰大人憂十二月癸卯填星犯井鉞是年九月誅劉善琨討滅
 劉毅十二月朱齡石滅蜀 九年二月熒惑入輿鬼占曰為兵喪

太白犯南河占曰兵起九月庚午歲星犯軒轅大星時劉裕擅命
 兵革不休十年裕討司馬休之王師不利休之等奔長安 十年
 五月乙丑歲星犯軒轅大星七月熒惑犯井鉞填星犯輿鬼遂守
 之九月填星犯輿鬼丁巳太白入羽林 十一年三月己卯熒惑
 入輿鬼閏月景午填星又入輿鬼占曰為旱大疫為亂臣五月癸
 卯熒惑入太微甲辰犯右執法六月己未太白犯東井占曰秦有
 兵戊寅犯輿鬼占曰國有憂八月庚申太白順行從右掖門入太
 微丁卯奄左執法 十二年五月歲星留房心之間宋之分野始
 封劉裕為宋公六月壬子太白順行入太微右掖門 十三年五
 月癸巳熒惑犯右執法八月己酉犯牽牛九月壬辰犯軒轅十月
 乙卯填星犯太微留積七十餘日 十四年三月癸巳太白犯五
 諸侯七月甲辰熒惑犯輿鬼占曰秦有兵又為旱為兵喪八月甲
 子太白犯軒轅癸酉填星入太微犯右執法因留太微中積二百
 餘日乃去九月乙未太白入太微犯左執法丁巳入太微占曰大
 人憂十月癸巳熒惑入太微犯西蕃上將仍順行至左掖門內留
 二十日乃逆行義熙十二年七月劉裕伐姚泓十三年八月擒姚
 泓司寇秦雍悉平十四年劉裕還彭城受宋公十一月左僕射前
 將軍劉穆之卒明年西虜寇長安雍州刺史朱齡石諸軍陷沒官
 軍捨而東
 恭帝元熙元年六月太白犯太微七月犯哭星 二年三月填星犯

太微

宋孝武孝建二年五月乙未熒惑入南斗

梁武帝天監元年八月壬寅熒惑守南斗占曰羅貴五穀不成大旱

多火災宰相死是歲大旱米斗五千人多餓死五月尚書范雲卒

二年七月景子太白犯軒轅大星 十三年二月太白失行在

天關占曰津梁不通又兵起其年填星守天江占曰有江河塞有

决溢有土功其年大發軍衆造浮山碣淮水至十四年鎮星去天

江而堰壞奔流决溢 十四年十月辛未太白犯南斗 普通六

年三月丙午歲星入南斗九月壬子太白犯右執法 中大通元

年閏月壬戌熒惑犯鬼積尸星占曰有大喪大兵破軍殺將其二

年蕭玩師衆援巴州為魏所敗玩被殺 六年熒惑在南斗占曰

熒惑出入留舍南斗中有賊臣謀及天下易政改元其年十二月

北梁州刺史蘭欽舉兵反後改大同元年 大同三年三月歲星

掩建星占曰有反臣其年會稽山賊起七年交州刺史李賁反

太清三年正月熒惑守心三月熒惑又守心

陳文帝天嘉元年五月熒惑犯右執法占曰大臣有憂執法者誅後

四年司空侯安都賜死 二年五月己酉歲星守南斗六月丙戌

熒惑犯東井七月乙丑熒惑入鬼中戊辰熒惑犯斧質十月熒惑

行在太微右掖門 三年閏二月己丑熒惑逆行犯上相甲子太

白犯五車填星七月犯輿鬼八月庚申入太微 四年六月癸丑

太白犯右執法八月庚午熒惑犯軒轅大星丁未太白犯房九月

戊寅熒惑入太微犯右執法癸未太白入南斗辛卯熒惑犯左執

法十一月辛酉犯執法 五年五月熒惑逆行二十一日犯氐東

南西南星 六年五月太白犯軒轅九月辛巳熒惑犯左執法癸

未太白犯右執法辛卯犯左執法

廢帝光大二年六月太白犯左執法八月犯太微十一月丙午歲星

守左執法戊子太白入氐

宣帝太建七年五月熒惑犯右執法

齊文宣帝天保元年十二月熒惑犯房北頭第一星及鈞鈴占曰大

臣有反者二年太尉彭樂謀反誅 八年二月歲星守少微經六

十三日占曰五官亂五月歲星犯太微上將占曰大將憂大臣死

其十年誅諸元宗室四十餘家乾明元年誅楊彥遵等皆五官亂

大臣死之應也 九年二月熒惑犯鬼質占曰斧質用有喪三月

熒惑犯軒轅

肅宗皇建二年七月熒惑入鬼中犯鬼質

武成帝河清元年七月太白犯輿鬼占曰有兵謀誅大臣斧質用十

月冀州刺史平秦王高歸彥反討誅之又二年殺太原紹德皆斧

質之應

後主天統五年二月歲星逆行掩太微上將占曰天下大驚四輔有

誅者五月甲午熒惑犯鬼積尸甲齊占曰大臣誅兵大起斧質用

有大喪至武平二年九月誅琅邪王儼三年誅右丞相斛律明月
四年誅蘭陵王長恭皆懿親名將四年誅崔季舒等皆斧質用之
應 四年五月熒惑犯右執法占曰大將軍死執法者誅

周閔帝元年五月癸卯太白犯軒轅辛亥熒惑犯東井北端第二星
明帝二年三月熒惑入軒轅六月庚子填星犯井鉞與太白並

武帝保定二年閏正月太白入昴二月壬寅熒惑犯太微上相三月
壬午犯左執法七月太白犯輿鬼 三年九月熒惑犯太微上將

十月犯左執法 四年三月熒惑犯房右勝占曰上相誅車馳人
走天下兵起其年十月伐齊柱國肅公王雒力戰死之遂班師兵

起將死之應也 天和元年七月太白犯軒轅大星相去七寸占
曰女主失勢大臣當之又曰西方禍起其十一月太保許公宇文

貴亮十月熒惑犯鉤鈴去之六寸占曰王者憂又曰車騎驚三公
謀 三年三月太白犯井北轅第一星占曰將軍惡之其七月隋

公楊忠愍四月太白入輿鬼犯積尸占曰大臣誅 四年二月歲
星逆行奄太微上將五月熒惑犯輿鬼及積尸占曰大臣有誅

六年四月熒惑逆行犯輿鬼占曰有兵喪大臣誅兵大起其月取
齊宣陽等九城六月齊將攻陷汶州 建德二年二月熒惑掩鬼

西北星占曰大賊在大人之側又曰大臣有誅四月太白掩西北
星又掩東北星占曰國有憂九月太白犯左執法占曰大臣憂執

政誅 五年十月熒惑犯太微西蕃上將星占曰天下不安上將

誅六年皇太子西巡討吐谷渾吐谷渾寇邊天下不安之應六月
熒惑入鬼占曰有喪旱十月歲星犯大陵 六年四月先時熒惑

入太微宮二百日犯東蕃上相西蕃上將句已往還至此月甲子
出端門 宣政元年七月己未太白犯軒轅大星八月庚辰太白

入太微占曰為天子驚又曰近臣起兵大臣相殺國有憂其後趙
陳等五王為執政所誅大臣相殺之應也九月丁酉熒惑入太微

西掖門庚申犯左執法相去三寸占曰天下不安大臣有憂又曰
執法者誅若有罪是月汾州稽胡反討平之十一月突厥寇邊圍

酒泉殺略吏人明年二月殺柱國鄭公王軌皆其應也十二月癸
未熒惑入氏守犯之三十日

宣帝大象元年七月壬辰熒惑掩房北頭第一星八月辛巳犯南斗
第五星九月己酉太白入南斗魁中十月壬戌歲星犯軒轅大星

靜帝大定元年正月歲星逆行守右執法熒惑掩房北第一星
隋高祖開皇八年二月填星入東井占曰填星所居有德利以稱兵

其年大舉伐陳克之
煬帝大業元年六月熒惑入太微占曰熒惑為賊為亂入宮宮中不
安 三年三月熒惑逆行入南斗色赤如血如三斗耀光芒震耀

長七八尺於斗中勾已而行占曰有反臣道路不通國大亂兵大
起其後楊元感反雖誅滅而羣盜屯聚剽掠州縣道路不通斗牛

楚越分野元感父初封越後徙封楚 九年五月丁丑熒惑入南

斗 十一年熒惑守羽林占曰衛兵反

恭帝義寧二年三月丙午熒惑入東井占曰大臣憂

唐高祖武德元年六月丙子熒惑犯右執法占曰執法大臣象 二

年冬熒惑守五諸侯 六年七月癸卯熒惑犯輿鬼西南星占曰

大臣有誅 七年六月熒惑犯右執法七月戊寅歲星犯畢占曰

邊有兵 八年九月癸丑熒惑入太微太微天廷也冬太白入南

斗斗主爵祿

太宗貞觀三年三月丁丑歲星逆行入氐 九年四月丙午熒惑犯

軒轅十年四月癸酉復犯之占曰熒惑主禮禮失而後罰出焉軒

轅為後宮 十一年二月癸未熒惑入輿鬼占曰賊在大人側

十二年六月辛卯熒惑入東井占曰旱 十三年五月乙巳熒惑

犯右執法六月太白犯東井北轅 十五年二月熒惑逆行犯太

微東上相 十六年五月太白犯左股畢為邊將九月己未熒惑

犯太微西上將十月丙戌入太微犯左執法 十九年七月壬午

太白入太微是夜月掩南斗太白遂犯左執法光芒相及箕斗間

漢津高麗地也太白為兵亦罰星也 二十年七月丁未歲星守

東壁占曰五穀以水傷

高宗永徽元年二月己丑熒惑犯東井占曰旱四月己巳月犯五諸

侯熒惑犯輿鬼占曰諸侯凶 二年六月己丑太白入太微犯右

執法九月甲午犯心前星 三年正月壬戌太白犯牽牛牽牛為

將軍又吳越分也丁亥歲星掩太微上將二月己丑熒惑犯五諸

侯五月戊子掩右執法 六年七月乙亥歲星守尾己丑熒惑入

輿鬼八月丁卯入軒轅 顯慶元年四月丁酉太白犯東井北轅

占曰秦有兵 五年二月甲午熒惑入南斗六月戊申復犯之南

斗天廟去復來者其事大且久也 龍朔元年九月癸卯太白犯

左執法 二年七月己丑熒惑守羽林羽林禁兵也 三年正月

己卯熒惑犯天街占曰政塞姦出六月乙酉太白入東井占曰君

失政大臣誅 麟德二年三月戊午熒惑犯東井四月壬寅入輿

鬼犯質星 乾封元年八月乙巳熒惑入東井 三年五月庚申

入軒轅 咸亨元年七月壬申熒惑入東井占曰旱十二月丙子

熒惑入太微 二年四月戊辰復犯太微垣將相位也 五年六

月壬寅太白入東井 上元二年正月甲寅熒惑犯房占曰君有

憂一曰有喪 三年正月丁卯太白犯牽牛占曰將軍凶 儀鳳

二年八月辛亥太白犯軒轅左角左角貴相也 三年七月戊寅

熒惑犯鈞鈴 四年四月戊午入羽林占曰軍憂 調露元年七

月辛巳入天囷永隆元年五月癸未犯輿鬼 永淳元年五月丁

巳辰星犯軒轅九月庚戌熒惑入輿鬼犯質星十一月乙未復犯

輿鬼去而復來是謂勾已

武后垂拱元年四月癸未辰星犯東井北轅辰星為廷尉東井為法

令失道則相犯也 萬歲通天元年十一月乙丑歲星犯司怪占

曰水旱不時 聖歷元年五月庚午太白犯天關天關主遺事

二年熒惑入輿鬼 三年三月辛亥歲星犯左執法 久視元年

十二月甲戌晦熒惑犯軒轅自乾封二年後及熒惑太白辰星凌

犯軒轅者六 長安二年熒惑犯五諸侯渾儀監尚獻甫奏臣命

在金五諸侯太史之位火克金臣將死矣武后曰朕為御禳之以

獻甫為水衡都尉水生金又去太史之位御無憂矣是秋獻甫卒

中宗神龍元年三月癸巳熒惑犯天田占曰旱七月辛巳掩氐西南

星占曰賊臣在內 二年九月壬子熒惑犯左執法十一月戊午

熒惑入氐十二月丁酉犯天江占曰旱 三年五月戊戌太白入

輿鬼中占曰大臣有誅 景龍三年六月癸巳太白晝見在東井

四年二月癸未熒惑犯天街

睿宗景雲二年三月壬申太白入羽林八月己未歲星犯執法三月

壬申熒惑入東井

元宗先天二年十一月丙子熒惑犯司怪 開元二年七月己丑太

白犯輿鬼東南星 七年六月甲戌太白犯東井鉞星占曰斧鉞

用 八年三月庚午犯東井北轅五月甲子犯軒轅 十一年十

一月丁卯歲星犯進賢 二十五年六月壬戌熒惑犯房 二十

七年七月辛丑犯南斗占曰貴相凶 天寶十年三載五月熒惑

守心五旬餘

肅宗至德二載十二月歲星犯軒轅大星 上元元年八月己酉太

白犯進賢十二月癸未歲星掩房占曰將相憂

代宗大歷二年七月癸亥熒惑入氐其色赤黃乙丑鎮星犯水位占

曰有水災乙亥歲星犯司怪八月丙申犯畢九月戊申歲星守東

井占皆為有兵乙丑熒惑犯南斗在燕分下二月丁丑犯壘壁占

曰兵起 三年九月壬申歲星入輿鬼主死喪丁丑熒惑入太微

二旬而出己卯太白犯左執法 四年二月壬寅熒惑守房上相

丙午有芒角三月壬午逆行入氐中是月鎮星犯輿鬼七月戊辰

熒惑犯次相九月丁卯犯建星占曰大臣相譖 五年二月乙巳

歲星入軒轅六月庚戌太白入東井 六年八月甲戌熒惑犯鄭

星九月壬辰熒惑犯天星庚子犯泣星十月己巳熒惑犯天街四

月丁巳入東井辛未歲星犯左角 八年四月癸丑歲星掩房占

曰將相憂又宗分也甲寅熒惑入壘壁五月庚辰入羽林七月己

卯太白入東井留七日非常度也占曰秦有兵己丑太白入太微

占曰兵入天廷十一月癸未太白入房占曰白衣會不曰犯而曰

入蓋鉤鈴間 九年三月丁未熒惑入東井五月己未太白入軒

轅占曰憂在後宮九月辛丑太白入南斗占曰有反臣又曰有赦

甲子熒惑入氐宗分也十月戊子歲星入南斗占曰大臣有誅

十年三月庚戌熒惑入壘壁四月甲子入羽林 十二年二月乙

未鎮星入氐中占曰其分兵喪李正己地也七月乙亥熒惑入東

井 十四年春歲星入東井

德宗貞元四年六月癸卯熒惑逆行入羽林占曰君有憂 十一年

七月熒惑太白相繼犯太微上將 十三年二月戊辰太白入昴

十九年三月熒惑入南斗色如斗吳越分色如血者旱祲也 二

十一年正月己酉太白犯昴趙分也

順宗永貞元年十二月己酉歲星犯太微西垣將相位也

憲宗元和元年十月太后白入南斗十二月復犯之斗吳分也 二

年四月丙子太白犯東井北轅 四年九月癸亥太白犯南斗五

月癸亥熒惑犯右執法 八年十月己丑熒惑犯太微西上將十

二月掩左執法 九年七月太白入南斗至十月乃出乃書見熒

惑入南斗因留犯之南斗天廟又丞相位也 十一年二月丙辰

月掩心是月熒惑入氏因逆行四月丙辰太白犯輿鬼占曰有僂

臣六月甲辰月掩心後星是月熒惑復入氏是謂句己 十三年

正月乙未歲星逆行犯太微西上將三月熒惑入南斗因逆留至

於七月在南斗中大如五丹器色赤而怒乃東行非常也八月甲

戌太白犯左執法乙巳熒惑犯哭星 十五年四月太白犯昴七

月庚申熒惑逆行入羽林

穆宗長慶元年二月乙亥太白犯昴趙分也三月庚戌太白犯五車

因晝見至於七月以歷度推之在唐及趙魏之分占曰兵起九月

乙巳太白犯左執法 二年九月熒惑守天囷六旬餘乃去占曰

天囷上帝之藏耗祥也 四年三月庚午太白犯東井北轅遂入

井中晝見經天七日而出因犯輿鬼六月癸未熒惑犯東井丁亥

入井中己丑太白犯軒轅右角因晝見至于九月占曰相凶十一

月熒惑逆行向參鎮星守天關

敬宗寶曆九年四月壬寅熒惑入輿鬼掩積尸七月癸卯犯執法甲

辰鎮星犯東井癸未太白犯南斗十一月庚辰鎮星復犯東井

二年五月甲午熒惑犯昴六月太白犯昴八月庚戌熒惑犯輿鬼

文宗太和元年五月丙戌熒惑犯執法 二年七月甲辰熒惑掩輿

鬼質星 三年二月乙卯太白犯昴壬申熒惑掩右執法七月入

於氏十月入於南斗 四年十一月辛未熒惑犯右執法 五年

三月熒惑犯南斗杓次星 七年五月甲辰熒惑守心中星九月

癸酉太白入南斗冬鎮星守角 九年夏太白晝見自軒轅至於

翼軫 開成元年正月甲辰太白掩建星占曰大臣相譖 二年

六月庚申太白入東井八月壬子入太微遂犯左右執法 三年

二月戊午熒惑入東井三月乙酉入輿鬼五月辛酉太白犯輿鬼

甲寅太白犯右執法十月辛卯犯南斗 四年八月壬申熒惑犯

越遂入東井十月戊午辰星入南斗魁中占曰大赦 五年二月

壬申熒惑入輿鬼四月太白入輿鬼五月辰星見於七星色赤如

火

武宗會昌元年閏八月丁酉熒惑入輿鬼中占曰有兵喪 二年六

月丙寅太白犯東井 三年七月癸巳熒惑入東井色蒼赤動搖

井中八月丁丑犯輿鬼 四年二月歲星守房掩上相熒惑逆行
守軒轅四旬乃去十月癸未太白與熒惑合遂入南斗 五年二
月壬午太白掩昴五月辛酉入畢口八月壬午犯軒轅大星九月
癸未已熒惑犯太微上將 六年二月丁丑熒惑犯畢大星

宣宗大中十一年八月熒惑犯東井

懿宗咸通十年春熒惑逆行守心

僖宗乾符二年四月庚辰太白晝見在昴 六年冬歲星入南斗魁

中占曰有反臣 光啟二年四月熒惑犯月角 文德元年八月

熒惑守輿鬼占曰多戰死

昭宗乾寧二年七月癸亥熒惑犯心 光化二年鎮星入南斗 天

復元年五月自丁酉至於己亥太白晝見經天在井度十月大角

五色散搖煌煌如火 二年五月甲子太白犯端門又犯長垣中

星占曰賊臣謀亂京畿大戰十月甲戌太白夕見在斗去地一大

而墜占曰兵聚其下又曰山摧石裂大水竭庚子辰星見氏中小

而不明占曰負海之國大水 三年十一月丙戌太白在南斗去

地五尺許色黃而小至明年正月乃高十丈光芒甚大 天祐元

年二月辛卯太白夕見昴西色赤炎燄如火壬辰有三角如花而

動搖占曰有反城有火災六月甲午太白在張芒角甚太癸丑旬

已水位自夏及秋大角五色散搖煌煌然

梁太祖開平二年夏四月辛丑熒惑犯上將 三年正月熒惑犯房

第二星五月壬戌犯心大星去心四度順行

末帝正明四年十二月鎮星犯文昌上將

後唐莊宗同光三年八月熒惑犯星九月熒惑在江東犯第一星是

年大水 四年丙申熒惑犯上相四月甲子犯左執法六月丙寅

歲星犯右執法

明宗天成元年四月庚戌金犯積尸八月癸卯太白犯心大星辛亥

熒惑犯上將九月犯右執法己卯犯左執法十月戊子犯上相十

二月犯氏 二年二月辛卯熒惑犯鍵閉三月己巳犯上相六月

辛丑犯房九月壬子歲犯房 三年閏八月熒惑犯上將乙卯犯

右執法庚戌太白犯右執法十二月熒惑犯房 四年三月歲犯

牛九月丙子熒惑入哭星 長興元年六月乙卯太白犯天鐔十

一月熒惑犯氏十二月犯天江 二年正月太白犯羽林四月熒

惑犯羽林八月丁巳辰犯端門十一月丙戌太白犯鍵 三年四

月庚辰熒惑犯積尸九月庚寅太白犯哭星十一月己亥犯壘壁

九月辛巳犯右執法六月甲戌犯右執法

晉高帝天福元年三月熒惑犯積尸 四年四月辛巳太白犯東井

北轅甲午犯五諸侯五月犯輿鬼中星 六年八月辛卯太白犯

軒轅九月己卯熒惑犯上將 八年八月丙子熒惑犯右掖十月

丙辰犯進賢

出帝開運元年二月壬戌太白仰昂己巳熒惑犯天鐔四月丁巳太

一萬一千二百廿五

白犯五諸侯七月甲寅月太白犯東井八月甲辰熒惑入南斗

二年七月庚戌歲犯井鉞八月甲戌歲犯東井九月甲寅太白犯

南斗魁十一月太白犯哭星

漢高帝天福十二年十月己丑太白犯亢距星 乾祐元年八月鎮

犯太微西垣戌戌歲犯右執法十月歲犯左執法 六年九月壬

寅太白犯右執法辛酉鎮犯右執法 三年六月鎮犯左極七月

熒惑犯司怪八月太白犯房庚戌太白犯心大星

周太祖廣順元年二月歲犯咸池己未熒惑犯五諸侯三月歲守心

己卯熒惑犯鬼壬午熒惑犯天尸四月歲犯鉤鈴 二年七月熒

惑犯井鉞八月犯天縛九月犯鬼庚辰太白掩右執法十月犯進

賢 三年四月熒惑犯靈臺五月犯上將丙申犯右執法

世宗顯德六年六月熒惑與心大星合度光芒相射

宋太祖建隆元年正月甲子太白犯熒惑於婁十月壬申又犯於軫

占曰荆楚有兵時李重進以揚州叛討平之癸卯熒惑犯進賢十

一月又犯氐占曰后宮災 三年十月熒惑犯氐占曰后宮災十

二月熒惑入天鑰月入南斗魁占曰大臣憂踰年宰相范質王溥

魏仁浦罷 開寶五年二月熒惑退入太微上相明年宰相趙普

出鎮 太宗太平興國九年十一月戌戌太白入氐占曰有兵次年河北用

兵 端拱元年十二月熒惑犯亢第二星占云大臣憂又曰鄭早

明年京輔少雨 淳化二年正月丙戌熒惑犯房第一星占曰大

臣憂其年宰相呂蒙正樞密使王顯恭政王沔陳恕罷 四年四

月熒惑入羽林占云主有兵明年李繼隆擒趙保忠王繼恩平李

順十月太白犯南斗魁占云將相憂明年右驍衛大將軍張遜卒

其年冬宰相李沆恭政賈黃中同知樞密院溫仲舒罷 五年十

月熒惑入氐犯西南星占云后妃大臣憂

真宗咸平元年六月庚戌歲星入氐七月癸酉太白犯角左星占曰

有兵戰不勝將軍憂踰年虜寇河間副都署康保裔戰死 二年

八月甲子熒惑犯輿鬼占曰執法憂明年御史中丞趙昌言等貶

十月丙午太白入南斗占曰丞相憂明年宰相向敏中罷 五年

八月熒惑犯房占曰將相憂明年宰相呂蒙正罷 六年四月太

白犯輿鬼占曰大臣有黜者是秋充王堯十一月甲辰熒惑犯

太微上相占曰上相憂明年宰相李沆卒 景德元年七月乙巳

熒惑犯氐占曰天子親征是冬契丹來寇上勞軍于澶州閏九月

太白犯南斗占曰外國有使至又曰有赦令其年契丹使來求和

赦河北 二年九月丁未熒惑太白犯太微上相占曰丞相有免

者明年宰相寇準罷 大中祥符元年七月己未歲星在太微占

日將相憂明年殿前都指揮使劉諫卒 二年十月鎮星犯進賢

占曰卿相憂明年節度使同平章事石保吉安定郡公惟吉卒 三年三月鎮星犯進賢占曰卿相憂明年恭政馮拯罷四月歲星

退行入氐丙午又守氐占曰主饑疫明年江淮饑壬戌太白犯建
星占曰大臣有出者明年參政趙安仁罷 五年十月太白犯箕
占曰後宮有大慶其年立皇后閏月癸惑在諸王北占曰侯王憂
其年榮王元傑降封端王 天禧元年二月鎮星犯建星占曰大
臣憂其年太尉王旦薨八月太白犯房次相占曰將相有大憂明
年徐王薨 三年五月鎮星犯牽牛占曰有土功其年河決滑州
大興役徒塞之十月太白犯進賢占曰知相有憂明年宰相向敏
中卒

仁宗乾興元年三月木犯房 天聖元年九月火犯壘壁陣占曰將
兵者有災 二年十一月火犯房 三年正月火犯天驚五月金
犯太微上將十一月火犯外屏 四年二月火犯天高 五年九
月金犯靈臺占曰日官失職水旱失時乙巳金犯明堂 六年八
月木犯鉞 七年八月木犯輿鬼 八年正月火犯東井占曰秦
分小兵作四月木犯鬼尸九月木犯軒轅 九年九月火犯輿鬼
明道元年二月庚午金犯五車六月犯東井光相接八月掩軒
轅左角 三年十月金犯南斗 景祐元年正月木犯東咸五月
火犯右執法 二年三月金犯東井七月火犯靈臺十一月金入
氐 三年正月火犯進賢 四年六月金犯東井七月犯軒轅大
星十月土犯左執法 寶元元年正月火犯房九月犯天雞 定
康元年正月火犯建星六月木犯井鉞七月犯東井 慶曆元年

十一月木退犯輿鬼占曰秦分饑 二年四月木犯鬼尸 三年
五月金犯軒轅大星九月木犯左執法 四年二月木犯左執法
五年二月火犯東井五月犯軒轅大星 六年七月金犯左角
七年正月火犯五諸侯六月土犯建 八年二月金犯五車東南
星八月火犯鬼屍 皇祐元年五月火犯右執法九月金犯斗天
相 三年八月火犯天江 四年十月金犯南斗占曰兵起 五
年六月金犯井鉞閏七月火犯天江占曰旱饑 至和元年十一
月火犯亢 二年九月火犯壘壁陣 三年四月金犯畢占畢為
邊兵 嘉祐元年十月金入氐占曰天下疫 二年三月火犯壘
壁陣占曰有兵八月木犯氐占曰有赦令 三年十一月火犯鉤
鈴占曰大臣有咎 四年正月木犯建占曰建六星在南斗東北
天之都宮主謀議木犯之大臣相譖宜察臣下之和者七月火
犯畢距星占曰刑罰用趙分有寬獄又主戰事十月火犯月星占
曰主兵亂 五年七月木退犯十二諸國代星占曰主其地有兵
災十月土退犯東井距星占曰民多疾病 六年六月金犯畢距
星占曰邊兵動大將危屬趙真之分宜脩河北十月火退犯五諸
侯占曰大謀變不成 七年三月火犯輿鬼西北星占曰天下有
兵喪忠臣憂五月火犯靈臺占曰日官有咎八月土入鬼占大臣
憂十一月金犯罰星占曰刑罰有所未中 八年六月火犯諸王
占曰宗室諸王有咎十二月火犯軒轅占曰後宮有憂

英宗治平元年閏五月木入東井占曰暴雨害黍稷及有川潰之事
七月金犯輿恩占曰兵革動孕婦多損屬秦分十月金入氐占曰
霜不時春糴貴宋分疾 二年四月木犯天樽占曰主憫育孤民
憐給衣食之事七月火犯鬼鎖占曰主兵賊動秦分災 三年三
月火犯太微西垣上將占曰將相有憂四月犯有右執法九月木
犯靈臺占曰候天文災變者嘗其咎十月犯太微西垣上將占曰
不利總兵 四年八月熒惑犯軒轅大星主女主災十二月熒惑
犯亢主民疫

神宗熙寧元年正月庚辰鎮退犯上相主大臣有咎八月甲寅熒惑
犯天江第二星主水壞城邑十月丙戌歲入氐主后有喜亦主殺
二年七月辛巳太白犯輿恩東南星主兵十一月丙子鎮犯亢
距星主逆臣有謀五穀傷民流亡 三年二月辛卯熒惑入天籥
主防姦盜或火五月癸巳熒惑退犯天江主旱十月戊午犯壘壁
陣西北星主兵 四年十一月丁亥辰犯罰南一星宜察獄 五
年正月乙丑熒惑犯天江東第一星主大旱或大水六月己酉太
白犯畢距星主兵起將有咎十一月戊午熒惑犯外屏西第二星
主民不安 六年六月癸未太白犯東上相主相有咎亦主兵喪
七月丙寅犯南斗距星主國有兵事亦主外國有使來 七年正
月丁未填犯天江東北第一星主江河決溢土功興十一月熒惑
犯左執法又入太微垣主大臣有憂 八年閏四月甲戌太白犯

輿恩西北星主大將憂民多疫 九年六月辛卯歲入東井有軍
在外亦有川潰之事七月丁丑犯天樽四星主貧餒關食四月丙
戌熒惑犯輿恩東北星主魚鹽貴九月己酉太白入太微垣主廷
尉丞相御史有出者 元豐元年七月戊戌熒惑犯天樽西北星
主秦分民饑十二月壬戌太白犯建西第二星主大臣互譖毀外
國有使至 二年二月壬戌熒惑入犯輿恩東北星主兵馬出
三年六月癸巳太白犯畢距第二星主邊兵敗七月丁卯熒惑入
東井主無兵兵起有兵兵罷 四年七月庚戌熒惑入氐主有賊
臣宜宮中慎火 五年七月乙巳熒惑入輿恩主金玉用有大赦
秦分沒軍殺將 六年三月己亥熒惑犯東上相主大臣有咎六
月戊戌入犯氐東南星主慎火八月癸未犯天江南第二星主旱
七年四月丁亥歲犯羅堰主糧貴 八年十月乙酉熒惑犯東
咸主人民疫疫早災八月甲戌太白犯軒轅
哲宗元祐三年七月甲子歲星犯天樽二月甲寅熒惑犯天籥主掌
管籥官有咎宜察關鍵 六年三月庚辰填星犯東井主水旱不
時四月己亥填星入太微行軌道吉 七年十二月壬戌太白犯
雲雨主有雨澤萬物成 八年六月己酉太白犯諸王東第二星
主宗臣憂 紹聖元年十一月丙午太白犯咸西東第一星主兵
三年二月庚辰太白入昂主大赦七月癸巳太白入東井將軍
惡之先起兵者敗又主有大水 四年七月丁巳熒惑掩犯積薪

主大旱兵起十月癸巳填犯進賢主賢者得罪黜免 元符元年正月丙辰填犯進賢占同上七月乙丑熒惑犯氐宜登臣下及脩火禁十月甲午辰入氐主貴臣暴戾法官有獄事 二年正月壬戌辰犯天門東星主陰陽不順十月己未熒惑犯賢進賢主賢臣退黜 三年正月辛未熒惑犯東南星主君憂又主將相有憂四月壬寅熒惑退行犯亢南第一星主亂兵疾疫九月太白犯南斗西第二星主小人在位兵革欲興

徽宗建中靖國元年十月甲辰熒惑犯平道西第一星主隱士升

崇寧元年閏六月庚辰太白犯進賢主賢者黜 二年二月壬戌

熒惑犯昴八月丙子太白入氐主耀貴十月甲子熒惑犯亢南第

一星主有亂臣 三年三月癸亥太白犯昴距星主臣有謀易政

令四月壬子熒惑犯壘壁陣西第五星主兵大起七月戊戌太白

犯積薪主大旱民流 四年三月壬寅熒惑犯井錢主斧錢用七

月庚辰太白犯罰主賞罰失平十二月鎮犯建第二星主臣有相

譖 五年八月丁卯熒惑犯天街南主邊兵動十月乙丑犯昴東

南星主饑疫 大觀元年正月丁未太白犯外屏主障蔽四月戊

午太白入井主政急民流 二年七月癸酉熒惑犯司怪主水旱

不時 三年五月辛亥太白犯天狗主陰謀十二月丙申歲犯外

屏主障蔽 四年閏八月丙午填犯泣主喪十月庚寅太白犯江

主水 政和二年六月辛亥熒惑入井主先舉兵者將死九月丁

卯歲犯鬼主君憂民饑 三年正月乙亥熒惑犯太微垣內屏主

上下失禮朝臣免六月戊午太白入太微垣犯右執法凶九月庚

寅熒惑犯天江主旱 四年十一月庚寅熒惑犯進賢主賢人得

罪貶死 五年正月乙亥熒惑犯亢主有亂臣疾疫 六年閏正

月歲犯亢主佞臣用七月辛亥歲犯亢主臣為亂十二月癸亥入

氐主賊臣在內 七年正月丁酉熒惑犯鍵閉宜戒行幸七月乙

未犯天江主旱十月丙辰填星犯畢主兵起西北而不戰 八年

正月丁亥熒惑犯外屏主障蔽九月癸亥犯進賢主賢者得罪十

月戊申入氐主宮中火災 宣和元年九月熒惑犯壁陣主兵作

二年十月庚辰熒惑犯亢主有亂臣民多疾 三年正月戊申

熒惑犯南斗主破軍殺將暴兵起 四年三月甲戌歲犯昴主北

征五年五月甲寅太白犯鬼主有兵謀九月己未熒惑犯司怪水

旱不時十一月太白犯房主人君將相憂 七年五月壬辰太白

犯畢主邊兵起民饑

欽宗靖康元年五月壬申太白入鬼犯積尸氣主亂臣在內兵起大

臣將軍誅十一月庚午太白犯亢主君自將兵

高宗建炎三年三月乙未月入氐占曰兵動是夜土犯亢占曰臣有

謀是月苗傅劉正彥作亂至秋伏誅五月丙午歲星逆行犯房占

將相有憂於是呂頤浩相杜充降金七月辛巳太白入太微垣占

邪臣伏誅次年張浚奏誅范瓌癸巳歲星犯鈞鈴占曰王者失政

近臣起亂是冬上将謀航海避狄禁兵謀作亂伏兵誅之八月癸丑熒惑入鬼犯積尸占賊在君側閏八月丙戌太白犯心占兵興殃在貴人次過明堂變一舍壬寅補北歸黃道甲子熒惑犯太微垣西上将丙寅入太微垣十一月乙巳入太微垣東左掖門己酉犯垣東上相徘徊不去是歲金大入江浙湖南上航海幸溫台來春始還越 四年正月癸亥太白犯建星占大臣相譖八月辛卯犯五諸侯占將相憂九月趙鼎罷 紹興元年正月乙亥朔熒惑入羽林占有叛臣起是春李成叛十月丁丑熒惑犯執法占大臣憂庚辰順行出太微垣東北掖門十一月辛丑犯進賢占賢者得罪免黜先是婁寅以言宗社大計權監察御史秦檜惡之諷言者論而黜之 三年正月丙申熒惑入氐五月乙亥熒惑犯氐東南星占將相有憂又有火災未幾臨安火七月甲戌熒惑犯天江占曰大旱次年旱 三年十一月辛未熒惑犯氐占多火災於是臨安四有火災十二月辛丑熒惑犯房北第一星占將相憂又曰馬貴於是吳玠始通西馬 四年五月辛亥熒惑犯輿鬼占有兵謀斧鉞用十月丙子熒惑犯壘壁陣西北戌戌又犯第六星占兵大起是日上親征發臨安以殿前司及神武中軍從 五年四月壬子歲星犯井鉞占斧鉞用十一月己丑太白犯壘陣占兵起甲午月入井占亦如之於是大舉伐劉豫十二月己卯熒惑犯天江占旱次年旱五月辛卯太白犯畢上謂輔臣曰金星犯畢占邊有敗

兵當諭張浚令諸師戒飭守邊者雖自有分野我亦不得不戒也明年六月鄴瓊殺呂祉以其軍降劉豫十二月辛酉歲星入鬼占大臣災相黜於是趙鼎罷 七年四月甲午熒惑入井占兵旱是秋旱十二月戌午金入羽林軍占天子以軍自守其夜月犯房北第一星占將相憂於是始議講和 十年正月戊子木入氐占有赦甲辰留其七月辛未復入氐占當有善令其歲太平年豐立后有喜後二年立后吳氏 十七年五月壬戌木順行入東井占天下有川潰之事於是浙西建康同日大水九月己卯金入太微垣占屬楚地於是漳州盜起 十九年正月辛丑火犯亢占大人多疾有不臣其年秦檜始以病告七月戊申火星犯南斗占丞相有事次年施全刺秦檜不中而誅八月戊午月入南斗十月辛未火順行犯壘壁陣次年信州建州皆有盜起 二十九年七月辛亥火星入鬼宿犯積尸氣占兵喪旱災兵在西北軍死將亡次年逆金兵十五萬屯宿泗謀入寇 三十年六月壬申金星順行入東井占先起兵者敗將軍犯罪政急民流明年金入寇 三十一年七月壬辰金星順行犯角宿距星占天下大戰道路不通 三十二年正月戊寅歲星退行入太微垣占軌道吉又曰天下喜或有赦其年五月乙未木順行入太微垣占同 孝宗隆興二年正月辛亥熒惑犯房宿占將軍亂國君將相憂於是張浚罷未幾洪适罷 乾道九年六月癸亥火星犯太微垣西扇

右執法星占大臣有憂十月庚午木犯太微垣右執法占將相執法臣憂十二月亦如之明年虞允文以帥蜀薨於興元 淳熙四年七月辛酉火犯氐宿占將相憂明年龔茂良罷貶 五年正月壬戌土星留守諸王星明年魏王愷薨 十四年十月庚辰火星留守五諸侯占諸侯貴人死次年息平郡王璩薨 十五年正月壬子木星行犯房宿北第一星占將相憂二月己巳木星留守房宿占有赦天下和平 十六年正月辛丑土星留守氐宿方口內占守氏有德令土功興又云皇后太子喜慶安於是是月立后

光宗紹興二年八月庚寅火星入鬼宿犯積尸兵在西北軍將死亡 三年正月己酉火星入太微垣內留守四月丁巳犯太微垣右執法星占有逆賊宮中不安八月甲辰金星行犯權星左角少民星占女后宗族災又云大臣當之 四年十月丁酉火星入太微垣內徘徊內屏者凡四閱月十一月己巳犯上相星占上相有罪次年留正出 五年八月壬辰火星犯房宿占將相憂於是羅點卒次年趙汝愚貶死十一月庚戌木犯諸王星占諸侯宗臣災

寧宗慶元元年六月丁卯金入東井占先起兵者敗將軍死政急民流九月丙戌火入太微垣占有逆賊 二年八月乙亥木犯權星 四年三月乙巳木星入太微垣犯右執法六月乙丑土星犯壘壘壁陣星西方第五星占為兵起 嘉泰三年七月戊子木星行入羽林軍 開禧元年正月己卯火星留守五諸侯星從西第四

星占諸侯兵死是歲吳曦反於蜀俄伏誅 三年七月乙未木星犯井宿鉞星占為斧鉞用又為亂兵起 三年二月己未火星退留守權星占女后有憂九月乙亥木星順行入鬼宿在積尸氣鑽星西南占大臣災又犯鑽星兵喪王者疾斧鉞用是冬仇冑斬蕪師旦 嘉定二年二月乙酉火星退行犯太微垣上相星三月己酉火星留守太微垣中占為大臣有憂於是五月有羅日愿謀變 十年七月乙酉金星行犯角占天下大戰道路不通是冬金冠四川明年山東李全來歸 十一年八月己丑木星留守東井占為三軍大起於是金人犯隨棗陽 十二年四月壬申土退行入氐宿方口內占天下有兵期不出四年又曰將有亡地者於是金人陷興元六月庚辰金星順行入井占大水先起兵者敗將軍犯罪政急民流是歲莫簡反於蜀 十三年二月庚寅木星順行犯鬼占民饑人君憂 十六年正月戊申木星留守氐宿距星占歲豐后有喜甲寅降生皇子十月丁酉癸感入太微垣 十七年正月戊申癸感留守東上相

理宗寶慶二年正月戊寅癸感入氐 紹定元年七月戊戌癸感犯南斗十月戊申犯壘壁陣十一月癸酉入羽林軍 二年十一月己丑入氐 三年六月乙酉歲星入井七月丁巳癸感入羽林軍 十一月丁未歲星退行入井 五年七月甲申太白入井 六年二月癸卯癸感犯井 端平元年四月戊寅歲星守太微垣東上

入羽林軍 開禧元年正月己卯火星留守五諸侯星從西第四

入羽林軍 開禧元年正月己卯火星留守五諸侯星從西第四

入羽林軍 開禧元年正月己卯火星留守五諸侯星從西第四

相九月辛丑熒惑入井十二月犯司怪 二年二月癸酉歲星守
氏六月己丑熒惑入太微垣七月丙午太白入東井八月癸巳歲
星入氏丁巳太白犯太微垣右執法十月己未填星犯畢宿距星
十二月己亥留守天街 三年正月丁卯填星犯畢距星七月庚
午熒惑入井 嘉熙元年正月癸酉熒惑守鬼四月庚子熒惑犯
權五月丙子熒惑犯將星七月辛酉填星入井庚午歲星守建星
八月乙酉填星犯東井第二星九月壬子留守井 三年五月壬寅
歲星犯壘壁陣七月壬寅熒惑犯鬼積尸氣九月壬午犯權大星
十月丁卯入太微垣戊辰太白入氏 三年五月辛未熒惑犯太
微垣執法八月己亥入氏丁巳犯房 四年六月己亥太白犯畢
距星癸丑犯天關七月乙丑入井八月乙巳熒惑犯太微垣左執
法己酉犯權大星十一月甲子入太微垣己巳犯左執法辛巳犯
上相 淳祐元年六月乙酉熒惑犯氏宿東南星丙戌入氏十月
庚辰太白入氏 二年六月丁丑歲星犯井 三年正月庚辰熒
惑入氏七月丁亥太白入井閏八月丁丑犯權大星十月丙戌入
氏 四年四月癸未填星守太微垣右執法九月癸亥太白犯斗
宿距星 五年四月甲申填星犯上相 六年五月壬戌太白犯
權大星十月己酉太白入氏十一月癸亥歲星入氏 七年四月
丁亥填星犯亢 八年七月戊申太白入井 九年七月癸酉太
白犯進賢十月辛丑入氏十一月辛未又入氏 十一年二月甲

寅太白犯昴七月壬申入井八月丁酉熒惑入井閏十月癸亥太
白入氏 十二年四月壬申熒惑犯權九月丙午太白犯斗宿距
星 寶祐二年二月甲辰熒惑犯權星 三年十一月丁巳熒惑
犯太微垣上相 四年六月丁亥太白入井 五年十二月丁未
熒惑入氏 六年三月庚午熒惑退入氏七月癸丑犯房 開慶
元年七月辛亥太白入井八月庚子犯權星閏十一月己卯熒惑
入氏十二月丁未犯房宿鈞鈴 景定元年正月庚辰填星入尾
五月壬午熒惑犯南斗八月壬子太白犯房九月丙戌熒惑犯壁
三年五月壬戌熒惑犯壁壘陣十月庚午太白入氏 五年六
月戊午太白犯天關己巳太白太陰並行入井七月甲午填星守
畢
度宗咸淳二年八月庚午填星入井 三年十月甲寅歲星犯權大
星 四年七月庚午太白入斗
恭帝德祐元年四月乙丑熒惑犯天江七月丙子太白入井八月戊
午熒惑犯南斗十月壬戌犯壁壘陣十一月辛巳太白犯房

欽定天文正義卷六十九

恒星占考下

恒星占考下

金太宗天會十年閏四月丙申熒惑入氐。

熙宗天會十五年正月戊辰歲星犯積尸氣。天眷二年三月

辛巳朔歲星留逆在太微九月辛巳太白犯軒轅左星乙巳

犯左執法十一月戊寅入氐。皇統三年正月己丑熒惑逆

犯軒轅次北一星。四年八月癸未熒惑入輿鬼。五年四

月甲辰熒惑犯左執法。六年九月戊寅熒惑犯西垣上將。

七年七月庚辰熒惑犯房第二星十一月壬戌歲星逆犯

井東扇第二星。八年閏八月丙子熒惑入太微垣。九年

七月丁未熒惑犯南斗第四星八月壬子又歷南斗第三星。

海陵天德元年十二月甲子填星犯井東星。四年六月癸巳。

太白犯井東第二星八月辛未犯軒轅大星十一月甲辰熒

惑犯鉤鈴。二年八月戊戌熒惑入井凡十一日而出。正

隆三年二月己卯熒惑入鬼。四年十月甲戌熒惑入太微。

世宗大定元年十月丙午熒惑入太微垣在上將東。三年十

一月庚寅歲星入氐凡二十四日伏。四年正月戊子熒惑

歲星同居氐己丑熒惑出氐二月壬午歲星退入氐凡二十

九日。五年十一月癸丑熒惑入氐凡二十一日。六年十

一月辛亥太白入氐凡七日。七年十月乙巳熒惑入氐凡

四日。八年三月庚午掩軒轅大星北一星八月甲午太白

犯軒轅大星、十年八月戊申朔、熒惑掩歲星在參畢間、
十一年二月壬戌、熒惑犯井東扇北第一星、十二年八月
辛亥、熒惑掩井東扇第二星、十月己酉掩鬼西北星、十三
年二月己丑、熒惑犯鬼西北星、三月癸巳朔、入鬼甲午犯積
尸氣、十四年八月庚辰、熒惑犯積尸氣、十六年八月丙
子、太白犯軒轅大星、十月丁丑、熒惑入太微、十一月戊辰、熒
惑犯太微上將、十七年正月丙寅、熒惑犯太微西藩上相、
十八年七月庚辰、填星犯井東扇北第二星、九月己丑、熒
惑犯左執法、十二月甲午、填星掩井西扇北第一星、凡十日、
十九年三月甲戌、熒惑犯氐距星、八月癸卯、太白犯軒轅
御女、辛亥、熒惑掩南斗杓第二星、二十一年四月壬申、熒
惑掩斗魁第二星、十有四日、七月乙亥朔、入斗魁中五日、
二十二年十一月辛未、熒惑行氐中、乙亥、太白入氐、癸未、熒
惑太白皆出氐中、十二月戊戌、熒惑犯鈞鈴、二十四年九
月庚子、歲星犯軒轅大星、二十六年三月丙戌、熒惑入井、
填星犯太微東藩上相、四月丁丑、熒惑犯鬼西南星、二十
七年十月己丑、太白入氐、二十八年正月己未、歲星留於
房、甲子守房北第一星、十一月丙申、填星入氐、二十九年
正月丁酉、填星留氐中、三十有七日、逆行、後七十九日出氐、
十一月己未、熒惑守軒轅、至戊辰、退行、其色稍怒、

欽定天文正義 卷六九

昌宗明昌三年三月戊戌、熒惑犯太微西藩上將、四月己未、掩
右執法、色怒而稍赤、四年八月己亥、歲星留胃十三度、守
天廩、

章宗泰和六年八月辛亥、歲星晨見、至夜五更與井距星相去
七寸內、己未、熒惑與與鬼積尸氣相犯在七寸內、庚申在與
鬼積尸氣中、十月丙午、歲星犯井距星、十一月壬午、太白入
氐、七年九月己卯、初更月在南斗魁中、旦歲星在與鬼中
八年八月壬戌、太白歲星光芒相反、同在張一度、

衛紹王大安元年十月丙寅、歲星犯左執法、三年正月乙酉、
熒惑入氐中、凡十有一日乃出、二月犯房、閏月犯鍵閉星、十
月癸巳犯壘壁陣、

宣宗貞祐元年十一月丙子、熒惑入壘壁陣、二年十一月庚
辰、填星犯太微東垣上相、辛巳、熒惑犯房鈞鈴、興定三年
八月丁卯、歲星犯與鬼東南星、四年三月甲寅、歲星犯鬼
積尸氣、十一月壬辰、歲星犯靈臺北第一星、五年九月庚
戌、歲星犯左執法、閏十二月戊子、熒惑犯軒轅、六年四月
丙寅、歲星犯太微左執法、元光二年八月乙亥、熒惑入與
鬼掩積尸氣、十月壬午、犯靈臺、十一月又犯心大星、
哀宗正大元年三月、熒惑逆行犯左執法、四月癸酉犯右執法、
三年十一月庚申、犯壘壁陣、四年六月丙辰、太白入井、

七月丁亥、熒惑犯斗從西第二星。

元世祖中統元年五月乙未、熒惑入南斗、二年十二月辛卯、

熒惑犯房、壬寅犯鈞鈴、三年十一月乙酉、太白犯鈞鈴、

至元四年八月庚申、填星犯天罇距星、壬午太白犯軒轅大

星、甲子歲星犯軒轅大星、十一月乙巳、填星犯天罇距星、

七年十月庚午、太白犯右執法、十一月壬寅、熒惑犯太微西

垣上將、八年三月丁亥、熒惑犯太微西垣上將、九年五

月乙酉、太白犯畢距星、十一年十月壬戌、歲星犯壘壁陣、

十二年七月癸酉、太白犯井、九月己巳、太白犯少民、己卯

犯太微西垣上將、十二月戊戌、填星犯亢、十三年九月辛

亥、太白犯南斗、甲寅入南斗、十二月辛酉朔、熒惑掩鈞鈴、

十五年二月丁丑、熒惑犯天街、十六年四月癸卯、填星犯

鍵閉、七月丙寅、亦如之、八月庚子、歲星犯軒轅大星、十七

年四月庚子、歲星犯軒轅大星、十八年閏八月癸巳朔、熒

惑犯司怪南第二星、二十年二月庚子、太白犯昴、壬寅亦

如之、三月己未、歲星犯鍵閉、乙丑犯房、癸酉掩房、七月丙辰、

太白犯井、庚午熒惑犯司怪、八月丙午、太白犯軒轅、丁未歲

星犯鈞鈴、九月壬子、太白犯軒轅少女、己巳犯右執法、癸酉

熒惑犯鬼、甲戌、太白犯左執法、二十一年閏五月戊寅朔、

填星犯斗、九月癸巳、太白犯南斗第四星、二十三年五月

己巳、熒惑犯太微西垣上將、庚辰歲星犯壘壁陣、乙酉熒惑

犯太微右執法、六月丙申朔、太白犯御女、八月乙卯犯軒轅

右角星、十月甲午朔、太白犯右執法、甲寅、太白犯進賢、十一

月戊辰犯亢、辛巳歲星犯壘壁陣、十二月戊戌、太白犯東咸、

二十四年七月壬寅、熒惑犯輿鬼積尸氣、甲辰犯輿鬼、八

月癸亥、太白犯亢、丙子填星南犯壘壁陣、甲申、太白犯房、九

月丁酉、熒惑犯長垣、庚子、太白犯天江、辛亥、熒惑犯太微西

垣上將、壬子、太白犯南斗、十月乙酉、熒惑犯左執法、十一月

壬辰、太白犯壘壁陣、丙申、熒惑犯太微東垣上將、丙辰犯進

賢、二十五年三月丁亥、熒惑犯太微東垣上將、五月戊申

太白犯畢、六月甲戌犯井、七月己亥、熒惑犯氐、庚子、太白犯

鬼、八月丙辰、熒惑犯房、己未、太白犯軒轅大星、九月癸未、熒

惑犯天江、癸卯、熒惑犯南斗、十二月甲戌、熒惑犯壘壁陣、

二十六年五月壬辰、太白犯鬼、九月戊寅、歲星犯井、辛丑、熒

惑犯太微西垣上將、十月甲寅、熒惑犯右執法、閏十月丁亥、

辰星犯房、己丑、熒惑犯進賢、十一月丁巳、熒惑犯亢、二十

七年正月庚戌、太白犯牛、丁卯、熒惑犯房、壬申犯鍵閉、三月

壬子、熒惑犯鈞鈴、壬辰、熒惑守氐十餘日、六月己丑、熒惑犯

房、七月辛酉犯天江、九月癸卯、歲星犯鬼、十月辛巳、太白犯

斗、二十八年二月甲申、太白犯昴、三月乙卯、太白犯五車

四月乙未歲星犯與鬼積尸氣七月己亥太白犯井八月丙寅犯與鬼癸未歲星犯軒轅大星戊子太白犯軒轅大星九月丙辰熒惑犯左執法辛酉歲星犯少民十一月丙午熒惑犯亢庚申熒惑犯氏十二月己丑熒惑犯房庚寅犯鉤鈴二十九年二月己丑歲星犯軒轅大星閏六月戊申熒惑犯狗國八月丁酉辰星犯右執法己亥太白犯房乙巳歲星犯右執法九月壬戌熒惑犯壘壁障辛巳太白犯南斗三十年正月庚辰歲星犯左執法二月乙巳熒惑犯天街癸丑太白犯壘壁障六月己丑歲星犯左執法八月甲午辰星犯太微西垣上將十月丙申熒惑犯亢十一月丙子熒惑犯鉤鈴戊寅歲星犯亢三十一年四月戊申太白犯鬼五月庚戌朔犯與鬼八月戊戌太白犯軒轅九月乙亥太白犯右執法十月壬午太白犯左執法十二月癸未歲星犯房丁亥犯鉤鈴

東咸閏十二月癸酉太白犯建星丙子如之二年十月壬戌太白犯牽牛辛丑辰星犯牽牛十二月己未填星犯與鬼庚午填星入與鬼三年三月乙巳熒惑犯五諸侯戊戌犯與鬼四月丙寅填星犯與鬼五月己亥太白犯畢六月丁卯熒惑犯右執法七月己卯朔太白犯井八月戊辰太白犯軒轅大星九月丁酉太白犯左執法十一月乙酉太白犯房四年五月辛丑太白犯與鬼七月辛卯熒惑犯井八月甲子辰星犯靈臺上星閏八月庚辰熒惑犯與鬼九月戊午太白犯斗甲子太白犯斗十二月庚寅熒惑犯軒轅五年五月乙卯熒惑犯右執法丁卯太白犯井六月甲申歲星犯司怪癸巳太白犯與鬼歲星犯井甲午太白犯與鬼七月丙午歲星犯井八月乙未填星犯太微上將十一月己亥歲星犯井十二月甲戌歲星犯司怪六年正月壬戌填星犯太微西垣上將三月癸卯歲星犯井四月乙丑朔太白犯井庚寅太白犯與鬼六月癸亥朔填星犯太微西垣上將八月己巳熒惑犯與鬼壬午太白犯軒轅九月丙午熒惑犯軒轅丁巳太白犯右執法十月壬午熒惑犯太微西垣上將十一月辛卯填星犯左執法乙未辰星犯房十二月乙丑歲星犯與鬼庚辰熒惑犯太微東垣上相七年四月乙亥歲星犯與鬼甲申熒惑犯太微垣右執法丁亥歲星犯與鬼五月壬辰星辰

犯井、七月戊寅、歲星犯軒轅、乙酉、熒惑犯房、八月癸巳、太白
 犯氐、甲午、熒惑犯東咸、乙巳、歲星犯軒轅、辛亥、熒惑犯天江、
 九月辛未、熒惑犯南斗、乙亥、太白犯南斗、壬午、辰星犯氐、十
 一月丙寅、填星犯進賢、十二月丙戌、熒惑犯壘壁陣、九年
 三月甲寅、熒惑犯氐、戊午、歲星犯左執法、四月壬辰、太白犯
 井、五月癸亥、歲星掩左執法、七月丙午、熒惑犯氐、丁卯、犯房、
 八月乙未、熒惑犯天江、九月丁巳、犯斗、十一月癸丑、歲星犯
 亢、十二月庚寅、熒惑犯壘壁陣、己亥、辰星犯建星、十年正
 月丁巳、太白犯建門、閏正月癸酉、犯牽牛、己丑、犯壘壁陣、二
 月戊寅、歲星犯亢、四月辛酉、填星犯亢、六月己未、歲星犯
 亢、八月壬寅、歲星犯氐、熒惑犯太微垣上將、九月己巳、熒惑
 犯太微垣右執法、壬午、犯太微垣左執法、十月甲辰、太白犯
 斗、十一月辛未、歲星犯房、甲戌、熒惑犯亢、戊子、犯氐、十二月
 乙巳、歲星犯東咸、十一年七月壬午、熒惑犯南斗、九月癸
 酉、太白犯右執法、己卯、犯左執法、十月乙巳、犯亢、己酉、熒惑
 犯壘壁陣、十一月丁卯、太白犯房、十二月丁巳、填星犯鍵閉、
 武宗至大元年、五月癸未、太白犯與鬼、七月壬申、犯左執法、七
 月壬申、填星犯房、十月辛丑、太白犯南斗、十一月癸亥、熒惑
 犯亢、甲戌、熒惑犯氐、閏十一月壬寅、熒惑犯房、十二月戊寅、
 太白掩建星、二年三月丙午、熒惑犯壘壁陣、六月乙卯、太

白犯井、癸酉、辰星犯與鬼、十一月辛丑、熒惑犯外屏、十二月
 辛未、太白犯壘壁陣、三年二月辛亥、熒惑犯月星、庚申、犯
 天街、三月丁未、太白犯井、五月癸巳、熒惑犯與鬼、八月甲子、
 太白犯軒轅、太民、十月丙午、太白犯左執法、癸丑、熒惑犯亢、
 十一月甲戌、朔、太白犯亢、十二月丙寅、太白犯氐、四年四
 月甲寅、熒惑犯壘壁陣、十月丙申、太白犯壘壁陣、
 仁宗皇慶元年、三月丁酉、朔、熒惑犯井、四月壬午、熒惑犯與鬼、
 癸未、犯積尸氣、八月戊辰、太白犯軒轅、壬午、辰星犯右執法、
 乙酉、太白犯右執法、丁亥、辰星犯左執法、九月丁巳、太白犯
 亢、二年三月庚子、熒惑犯壘壁陣、七月己丑、朔、歲星犯井、
 八月壬戌、如之、延祐元年、二月癸酉、熒惑犯井、五月戊午、
 辰星犯與鬼、六月乙未、熒惑犯右執法、十月庚戌、辰星犯東
 咸、二年正月乙卯、歲星犯與鬼、六月癸卯、太白犯東井、丙
 午、辰星犯與鬼、九月辛酉、太白犯左執法、三年十月甲申、
 太白犯斗、四年八月丙申、熒惑犯與鬼、六年六月己亥、
 歲星犯東咸、七月丙子、太白犯太微垣右執法、八月乙酉、熒
 惑犯與鬼、閏八月丙辰、辰星犯太微垣右執法、癸亥、熒惑犯
 軒轅、乙亥、太白犯東咸、十月癸亥、熒惑犯太微垣左執法、辛
 卯、熒惑犯進賢、七年三月戊子、熒惑犯進賢、五月丙申、太
 白犯畢、距星、六月丁卯、太白犯井、東扇第三星、七月戊戌、熒

惑犯房上相八月丙辰太白犯靈臺上星乙丑熒惑犯天江
 丁卯太白犯太微垣右執法九月丙戌熒惑犯斗己亥太白
 犯亢十月庚戌月犯熒惑於斗十一月癸卯熒惑犯壘壁陣
 英宗至治元年正月甲辰辰星犯外屏西第一星五月戊寅太
 白犯鬼積尸氣八月壬子熒惑犯軒轅大星九月乙亥犯靈
 臺東北星壬午犯太微西垣上將丁酉犯太微垣右執法十
 月戊申犯太微垣左執法十一月辛未犯進賢戊寅辰星犯
 房上星己亥太白犯西咸南第一星十二月甲辰熒惑犯亢
 南第一星辛酉熒惑入氐二年正月庚辰太白犯建星西
 第二星辛巳犯建星西第三星甲午熒惑犯房上星丁酉太
 白犯牛第一星二月己亥朔熒惑犯鍵閉丙午犯罰星南一
 星庚戌熒惑犯東咸北第二星壬子太白犯壘壁陣西第二
 星壬戌太白犯壘壁陣第六星五月丙子熒惑退犯東咸南
 第一星六月壬申犯心距星七月己亥犯天江南第一星十
 月乙丑熒惑犯壘壁陣西第六星十一月甲辰太白犯壘壁
 陣第一星乙巳熒惑犯壘壁陣西第八星十二月乙丑太白
 犯壘壁陣西第八星己丑熒惑犯外屏西第三星三年二
 月癸酉太白犯昴庚戌太白犯畢右股第三星六月癸未填
 星犯畢距星九月辛卯又退犯畢十月己巳太白犯亢丙子
 犯氐十一月己丑朔熒惑犯亢庚寅太白犯鉤鈴乙未犯東

咸壬寅熒惑犯氐十二月己巳辰星犯壘壁陣辛未熒惑犯
 房辛巳犯東咸

泰定帝泰定元年五月丙午太白犯鬼丁未又犯鬼積尸氣十
 月丙寅犯斗距星己巳入斗魁庚午太白犯斗壬午熒惑犯
 壘壁陣十二月庚午犯外屏二年正月丙戌辰星犯天雞
 壬寅太白犯建星六月丙戌填星犯井鉞星丙午犯井八月
 癸巳歲星犯天鐔十月壬辰熒惑犯氐癸巳填星退犯井十
 一月戊午又退犯井鉞星十二月乙酉熒惑犯天江辰星犯
 建星甲午太白犯壘壁陣三年正月辛酉太白犯外屏三
 月丙午填星犯井鉞星戊辰熒惑犯壘壁陣填星犯井四月
 戊戌太白犯鬼壬寅熒惑犯壘壁陣八月丁酉太白犯軒轅
 御女九月癸亥犯太微垣右執法十月辛巳犯進賢四年
 正月己酉太白犯牛三月丁卯熒惑犯井九月壬子太白犯
 房十月戊午辰星犯東咸十一月癸酉太白犯壘壁陣熒惑
 犯天江十二月乙未歲星退犯太微西垣上將致和元年
 七月丙戌太白犯軒轅大星

文宗天歷元年九月庚辰太白犯亢二年正月甲子太白犯
 壘壁陣二月己酉熒惑犯井五月庚申太白犯鬼積尸氣
 至順元年七月庚午歲星犯氐八月戊辰太白犯氐九月己
 丑熒惑犯鬼甲午如之十一月甲申又退犯鬼丙戌太白犯

壘壁陣、二年二月乙卯、太白犯昴、三月丙子朔、熒惑犯鬼、
己卯犯鬼積尸氣、五月丁丑犯軒轅左角、甲午太白犯畢六
月丁卯、太白犯井、八月乙卯、太白犯軒轅大星、庚申犯軒轅
左角、十一月壬申朔、犯鉤鈴、三年五月癸酉、熒惑犯井、十
月己酉、太白犯斗、

順帝元統元年二月己亥、填星退犯太微東垣上相、五月丁酉、
熒惑犯太微垣右執法、九月甲午、填星犯進賢、十一月乙亥、
太白犯壘壁陣西第八星、二年四月壬午、太白犯鬼積尸
氣、七月壬子、熒惑入犯鬼積尸氣、八月己卯、太白犯軒轅御
女、九月癸巳、太白犯靈臺中星、乙巳犯太微垣右執法、壬子
犯太微垣左執法、十月癸亥、熒惑犯太微西垣上將、太白犯
進賢、十一月乙未、填星犯亢距星、庚戌、熒惑犯太微東垣上
相、至元元年二月甲戌、熒惑逆行入太微垣、四月壬戌、犯
太微垣左執法、五月癸卯、犯壘壁陣東第四星、六月壬戌、犯
心大星、七月乙未、犯壘壁陣西第二星、八月辛亥、朔犯氏東
南星、十月甲寅、熒惑犯斗西第二星、丁卯、太白犯斗魁第三
星、十一月己丑、辰星犯房上星及鉤鈴、十二月辛酉、太白犯
壘壁陣東第六星、閏十二月乙酉、熒惑犯壘壁陣西第八星、
二年六月戊子、太白犯井東扇北第二星、七月己酉、犯鬼
東南星、九月庚戌、熒惑犯太微西垣上將、十月丙子、犯太微

垣左執法、己亥、犯進賢、三年五月壬寅、太白犯鬼東北星、
六月乙亥、太白犯靈臺上星、己卯、犯太微西垣上將、丁亥、太
白犯太微垣右執法、九月己亥、熒惑犯斗西第二星、十一月
戊戌、太白犯亢距星、丁未、填星犯鍵關、十二月己巳、歲星退
犯天樽東北星、填星犯罰星第一星、甲戌、熒惑犯壘壁陣東
第五星、太白犯東咸上星、四年正月癸卯、太白犯建星西
第二星、甲辰、犯建星西第三星、己未、填星犯東咸上星、庚申
太白犯斗、三月戊申、填星退犯東咸上星、六月辛巳、犯鍵關
閏八月己亥、犯罰星南第一星、九月戊辰、太白犯東咸上第
二星、庚寅、太白犯斗北第二星、十一月辛未、熒惑犯氏距星、
戊寅、太白犯壘壁陣西第六星、十二月庚子、熒惑犯房上星、
壬子、犯東咸上第二星、乙卯、太白犯外屏西第二星、五年
正月乙亥、熒惑犯天江上星、五月丙子、太白犯畢右股西第
三星、六月甲辰、熒惑退入南斗魁內、七月辛酉、犯南斗魁尖
星、壬戌、甲子、並如之、八月丁酉、太白犯軒轅大星、十月己亥、
熒惑犯壘壁陣西第六星、十一月丁巳、犯壘壁陣東第五星、
十二月癸卯、熒惑犯外屏西第三星、六年二月戊申、熒惑
犯月星、三月戊寅、太白犯月星、六月辛亥、太白歲星皆犯右
執法、十月丁酉、太白入南斗魁、己亥、犯斗中央東星、十一月
戊午、熒惑犯氏距星、丙寅、辰星犯東咸上第一星、戊寅、犯天

1. 續修四庫全書 子部 天文算法類

江北第一星、十二月丁亥、熒惑犯鉤鈴南星、乙未犯東咸北
第二星、至正元年正月甲寅、熒惑犯天江上星、十月己卯
歲星犯氐距星、十二月丁巳、太白犯壘壁陣東第五星、二
年正月甲午、熒惑犯月星、三年二月甲辰、填星犯牛南第
一星、熒惑犯羅堰南第一星、七月庚辰、太白犯右執法、九
年正月庚戌、太白犯建星東第三星、三月己亥、犯壘壁陣東
第六星、九月丙戌、熒惑犯靈臺上星、十一月庚辰、太白犯壘
壁陣西第二星、十二月戊戌、犯壘壁陣東第五星、十年三
月己卯、熒惑犯太微西垣上將、四月丙午、太白犯鬼西北星、
九月壬戌、熒惑犯天江南第二星、十月癸巳、歲星犯軒轅大
星、十一年正月丙辰、辰星犯牛西南星、七月壬戌、太白犯
右執法、己巳、太白犯太微垣左執法、熒惑入犯鬼積尸氣、九
月乙卯、辰星犯太微垣左執法、丁巳、太白犯房第二星、十月
戊寅、熒惑犯太微西垣上將、乙酉、太白犯斗西第二星、辛卯
太白犯斗西第四星、癸巳、歲星犯右執法、丙午、熒惑犯太微
垣左執法、十二月庚辰、太白犯壘壁陣西第六星、丙戌、太白
犯壘壁陣西第七星、庚子、辰星犯天江西第二星、十二年
正月己巳、歲星犯右執法、六月辛亥、太白犯東井第二星、七
月丁酉、辰星犯靈臺北第二星、十三年四月辛丑、太白犯
井東扇北第一星、九月壬辰、熒惑犯左執法、十月甲辰、歲星

犯氐距星、癸亥、太白犯亢距星、十二月丁酉、太白犯東咸北
第一星、庚子、熒惑入氐、十四年正月丁卯、太白犯建星西
第二星、癸酉、熒惑犯房北第一星、二月戊午、太白犯壘壁陣
西第八星、十五年九月己丑、太白入犯太微垣左執法、十
一月乙酉、熒惑犯氐距星、庚寅、填星退犯井東扇北第二星、
十二月癸丑、熒惑犯房北第一星、十六年四月癸亥、熒惑
犯壘壁陣西第四星、五月壬辰、太白犯鬼西北星、癸巳、犯鬼
積尸氣、十七年三月壬辰、歲星犯壘壁陣西南第六星、七
月癸未、太白入犯鬼積尸氣、丁亥、填星入犯鬼距星、八月癸
卯、犯鬼宿東南星、太白犯軒轅大星、己酉、歲星犯壘壁陣西
第六星、十月乙亥、熒惑犯氐距星、十二月庚午朔、熒惑犯天
江北第一星、庚辰、太白犯壘壁陣東第五星、丁亥、歲星犯壘
壁陣東第五星、十八年正月辛丑、填星退入犯鬼積尸氣、
二月乙亥、填星入守鬼積尸氣、三月丁卯、熒惑犯壘壁陣東
第六星、四月辛卯、太白入犯鬼積尸氣、十一月丙午、太白犯
房上第一星、十九年五月丙申、熒惑入犯鬼積尸氣、七月
丁酉、太白犯上將甲辰、犯右執法、己酉、犯左執法、九月甲寅、
入犯天江南第一星、十月壬申、入犯牛南第三星、十二月戊
辰、犯壘壁陣西方第七星、二十年正月丙辰、熒惑犯牛東
角星、六月癸巳、太白犯井東扇北第二星、八月壬寅、填星犯

太微西垣上將十月戊子熒惑犯井東扇北第一星 二十
 一年二月癸未填星退犯太微西垣上將三月庚辰熒惑入
 犯鬼西北星五月癸酉太白犯軒轅左角 二十二年正月
 戊申朔太白犯建星西第二星乙卯填星退犯左執法二月
 己卯太白犯壘壁陣西第二星九月丁未犯亢南第一星癸
 亥歲星犯軒轅大星丙寅熒惑犯鬼西北星己巳犯鬼積尸
 氣十月丁亥辰星犯亢南第一星 二十三年正月庚戌歲
 星退犯軒轅大星四月庚申歲星犯軒轅大星五月乙未熒
 惑犯右執法六月乙卯太白犯井西扇北第二星壬戌入犯
 井東扇南第二星八月壬寅入犯軒轅大星丁未犯軒轅左
 角乙丑入犯右執法九月辛未入犯左執法己亥歲星入犯
 右執法丁亥辰星犯亢南第一星十月癸卯太白犯氐距星
 戊午犯房北第一星十一月癸未歲星犯太微垣左執法
 二十四年二月壬子歲星犯右執法歲星自去年九月九日
 東行入右掖門犯右執
 法出端門留守三十餘日犯左執法今
 東行入右掖門犯右執
 法逆行入端門西出右掖門又犯右執法四月癸丑太白入犯
 井東扇北第一星五月甲戌犯鬼西北星乙亥又犯積尸氣
 歲星入犯左執法六月丁巳太白犯右執法七月甲子歲星
 犯左執法八月乙未熒惑入犯鬼積尸氣九月戊子熒惑入
 犯軒轅大星十月丙辰太白犯斗西第二星 二十五年正
 月甲戌太白犯建星西第四星三月戊辰太白犯壘壁陣東

第五星四月壬子熒惑犯靈臺東北星五月辛酉犯太微西
 垣上將十月辛卯熒惑犯天江東第二星己酉犯斗杓西第
 二星十二月庚午歲星掩房北第一星 二十六年二月丁
 丑歲星退犯房北第一星守鉤鈴四月丙子太白入犯鬼積
 尸氣七月丁酉熒惑犯鬼積尸氣八月庚午歲星犯鉤鈴九
 月壬辰太白犯太微垣右執法丙午熒惑犯太微西垣上將
 十一月丁亥太白犯房北第一星戊子熒惑犯太微東垣上
 相太白犯鍵閉平丑填星犯房北第一星 二十七年三月
 辛巳填星退犯鍵閉七月壬辰熒惑犯氐東南星八月庚戌
 熒惑犯房北第二星九月丁丑填星犯房北第一星熒惑犯
 天江南第二星辛卯填星犯鍵閉丁酉熒惑犯斗西第二星
 明太祖洪武元年七月己巳朔太白犯井八月甲午熒惑犯太
 微西垣上將九月戊申犯右執法 二年正月乙卯熒惑犯
 房六月壬辰犯東咸 三年九月丙申熒惑入太微垣乙卯
 留太微垣十一月甲寅太白犯壘壁陣 四年九月乙卯熒
 惑犯壘壁陣 五年十一月庚午熒惑犯鉤鈴 六年九月
 庚申歲星犯鬼十一月壬子又逆行犯鬼 七年八月乙巳
 歲星犯軒轅大星 九年二月乙丑歲星退入太微犯左執
 法三月辛酉熒惑犯井四月戊申犯鬼六月丁亥太白犯畢
 庚戌犯井七月熒惑犯上將八月太白犯上將九月己未犯

右執法、十年七月戊寅及戊戌歲星犯亢、八月丙寅、熒惑犯天鐔、十月壬子、太白犯進賢、乙卯、熒惑犯輿鬼、十一月甲辰、歲星犯房、十一年二月壬戌、熒惑犯五諸侯、三月甲午、犯積尸氣、四月戊申、歲星犯鍵關、六月壬戌、熒惑犯右執法、七月甲申、歲星犯牛、八月丙午、犯房、九月丁丑、太白犯氏、十二月辛丑、犯壘壁陣、庚戌、辰星犯南斗、十二年三月壬午、太白犯昴、六月丁亥、犯井、七月乙巳、犯鬼、八月乙亥、熒惑犯鬼、戊寅、犯積尸氣、十二月庚寅、犯軒轅大星、十三年八月丙戌、太白犯心、十四年四月壬戌、歲星犯壘壁陣、十月丙子、熒惑犯太微垣、十五年三月乙亥、熒惑犯右執法、四月丁亥、辰星犯東井、癸巳、熒惑出太微端門、六月丁亥、填星犯畢、九月乙未、復犯畢、乙丑、熒惑犯南斗、十六年八月己卯、填星犯天關、辛卯、熒惑行軒轅中、九月辛酉、犯太微西垣上將、十月辛卯、出太微垣左掖門、十一月乙卯、太白犯壘壁陣、十七年正月乙卯、熒惑入氏、三月戊午、犯氏、七月癸卯、太白犯天鐔、閏十月癸卯、歲星犯井、丙辰、填星犯井、十二月丙申、太白犯壘壁陣、十八年正月戊辰、熒惑犯外屏、三月戊寅、歲星與填星入井、歲星入亢、七月己巳、填星犯天鐔、八月丁酉、辰星入太微垣、十月丁酉、熒惑犯進賢、壬子、太白犯亢、十九年正月壬戌、熒惑犯罰星、庚午、太白犯牛、二月己丑、

犯壘壁陣、丁未、熒惑犯箕、三月甲戌、填星犯天鐔、四月丙申、歲星入鬼、己亥、熒惑留斗、五月戊午、犯斗、七月己卯、太白入太微垣、辛巳、熒惑犯牛、八月丁亥、亦如之、壬辰、歲星犯軒轅、九月甲寅、填星入鬼、十月甲午、留鬼、辛亥、熒惑犯壘壁陣、十一月己巳、復如之、二十年八月己巳、太白入太微垣、二十一年正月丙申、熒惑入斗、四月丁未、歲星留太微垣、熒惑犯壘壁陣、六月壬戌、太白犯左執法、七月庚辰、熒惑犯壘壁陣、十月壬子、辰星入氏、十一月甲戌、歲星入亢、癸巳、熒惑犯外屏、二十二年正月己卯、太白犯建星、丙戌、熒惑犯天陰、二月辛卯、填星逆行軒轅、熒惑行昴中、三月辛卯、歲星退入亢、五月癸巳、太白犯諸王、九月丁卯、歲星犯氏、十月癸卯、辰星犯氏、庚申、熒惑入氏、十一月辛未、太白入南斗、甲午、歲星入房、熒惑東犯咸、十二月癸丑、犯天江、丁巳、太白犯壘壁陣、壬戌、歲星犯東咸、二十三年正月甲戌、熒惑入南斗、戊子、填星犯靈臺、三月辛卯、熒惑犯壘壁陣、四月壬戌、太白犯五諸侯、五月戊戌、熒惑犯外屏、壬子、填星犯靈臺、己未、歲星守房、六月丁丑、太白留井、八月乙丑、歲星犯東咸、九月庚戌、熒惑行昴南、十月庚午、太白入亢、壬午、填星行太微垣端門中、月在太微垣內、二十四年七月庚寅、太白入太微垣右掖門、辛卯、犯右執法、十月丙辰、入南斗、十月己未、填星犯太微

東垣上相十二月甲子，熒惑辰星同犯箕。二十五年二月辛酉，填星入犯太微東垣上相，已卯退入太微左掖，熒惑犯壘壁陣。八月庚午辰星犯上將，九月己卯朔，熒惑入井，閏十月乙酉，太白入壘壁陣。二十六年丙子朔，歲星犯壘壁陣，癸卯太白犯天街，三月丙午朔，犯諸王，庚戌熒惑犯積薪。五月丙辰犯軒轅，六月己丑犯右執法。二十七年三月乙丑，熒惑犯歲星於奎，六月辛未犯天街，七月辛丑辰星犯鬼。八月癸巳，熒惑犯積薪，九月乙巳犯鬼，十一月庚子辰星犯鍵開。二十八年正月丁酉，熒惑犯壘壁陣，癸丑填星守氏。二月壬午，熒惑犯鬼，四月乙丑，填星退入氏，戊子熒惑入軒轅。五月甲辰辰星犯天鐔，戊午熒惑犯靈臺，六月癸酉太白犯畢，七月丙午犯井，己酉出井，犯東第三星，閏九月乙丑，熒惑犯東咸，壬申太白入角，十月戊申犯東咸。二十九年五月丙寅，熒惑犯諸王，六月甲午犯司怪，庚子歲星犯井，鉞七月丙辰朔，入井，戊辰太白入角，八月癸丑犯心中星，十月癸卯，歲星退入井，辛亥熒惑犯上將，十一月甲子，填星犯罰星。十二月癸卯，熒惑守太微垣。三十年正月丙辰，填星犯東咸，壬戌太白犯建星，三月壬午，熒惑入太微垣，五月壬子朔，填星犯罰星，戊午熒惑犯右執法，八月庚辰朔，歲星入鬼，戊子熒惑入氏，丁未入房，十月癸巳犯南斗杓，十二月戊戌，太

白入壘壁陣，甲辰辰星犯建星。三十一年正月乙亥，太白犯外屏，五月丁未朔，犯五諸侯，十月熒惑守心。惠帝建文四年六月辛未辰星犯積薪，七月乙未歲星退犯東咸，庚子太白入太微垣右掖門，八月甲子入角，戊辰熒惑犯上將，甲戌入太微垣右掖門，九月辛巳朔，犯右執法，癸未太白入氏，壬辰熒惑犯左執法，乙未出左掖門，丙申太白入房，十月辛亥朔，犯天江，甲寅熒惑犯進賢，丙辰歲星犯天江，癸亥太白入南斗杓，甲子熒惑入角，十一月壬午入亢，己亥入氏，丙午太白犯壘壁陣。成祖永樂元年正月丁未歲星犯建星，四月太白出昴北，五月癸未熒惑犯壘壁陣，西第四星，六月丙辰太白犯畢，七月甲申入井，庚子熒惑犯壘壁陣，八月己酉太白犯鬼，九月丙子朔，犯軒轅左角，丁丑填星躔女，留十二諸國代星之上，形色黃白精明，十月辛未太白入氏，甲戌熒惑犯壘壁陣，東第五星，十一月丙戌太白犯鍵開，十二月己丑歲星犯羅堰下星。二年四月乙酉，熒惑犯天鐔，丁酉辰星犯畢，五月辛丑朔，太白犯鬼，癸卯辰星犯諸王，丁卯犯軒轅大星，七月己酉太白入角，八月丁亥入房，九月乙卯熒惑犯角，十月己丑辰星犯南斗杓，十一月壬子熒惑犯鉤鈴，丁巳太白犯東咸。三年三月丙申朔，太白犯壘壁陣，東第五星，癸丑熒惑犯壘壁

陣六月己卯辰星犯軒轅大星十一月癸巳朔太白犯辰星
於箕十二月己巳犯壘壁陣西第三星 四年正月甲午熒
惑犯天陰戊午熒惑犯月星二月癸未太白犯天陰五月庚
寅朔犯五諸侯七月庚戌犯井八月丙申犯御女九月戊寅
犯進賢十月乙卯犯房北第一星 五年七月癸丑太白犯
右執法癸酉熒惑犯諸王八月己亥太白犯氐己酉熒惑犯
司怪南第二星九月癸丑太白犯東咸十月癸未犯南斗魁
十一月辛亥朔犯泰星 六年正月庚戌辰星犯壘壁陣二
月壬午熒惑犯司怪北第二星癸己辰星犯壘壁陣三月己
巳歲星犯諸王西第二星四月戊子復犯諸王辛卯熒惑犯
鬼甲午歲星犯諸王東第一星六月甲申太白犯諸王丙申
與歲星同犯井七月戊申犯天樽辛亥熒惑入太微垣右掖
門丙辰犯右執法 七年二月丙戌太白犯外屏十一月丁
亥犯罰星 八年六月丙午熒惑犯右執法八月甲子辰星
犯左執法九月乙亥歲星犯靈臺壬辰太白犯天江 十年
五月壬辰熒惑犯右執法 十一年十月戊午熒惑犯上將
十二年二月癸酉退入太微垣犯上相五月癸酉朔太白
犯五諸侯七月戊子填星犯井閏九月己酉太白犯左執法
十三年八月庚寅太白犯房北第二星九月丁酉熒惑犯
靈臺上星癸卯犯上將十月乙丑朔太白犯南斗魁庚午熒

惑犯左執法十一月甲午朔犯進賢 十四年六月丁卯太
白犯諸王七月辛亥填星犯鬼 十五年九月庚申熒惑犯
左執法十二月甲午入房北第一星 十六年六月戊子辰
星犯軒轅大星九月壬申熒惑犯壘壁陣十一月甲子太白
犯壘壁陣 十七年七月戊午太白犯天樽八月癸巳犯軒
轅大星九月丙子填星犯上將十二月庚辰熒惑犯鉤鈴
十八年七月己丑歲星犯天樽西北星八月庚子犯東北
星乙丑太白犯心後星 十九年十月癸卯太白犯天江十
二月丁酉犯壘壁陣 二十年十月壬子熒惑退犯天街上
星 二十一年正月庚戌歲星犯上將三月庚戌熒惑犯積
薪 二十二年十一月戊寅歲星入氐辛卯熒惑退犯五諸
侯

仁宗洪熙元年正月庚辰熒惑留井三月乙酉太白犯昴四月
癸卯熒惑入鬼丙辰太白犯井五月己卯犯與鬼十月辛未
犯平道辛巳犯亢十一月辛酉填星犯鍵閉
宣宗宣德元年三月庚戌填星犯鍵閉五月丁未辰星犯鬼九
月壬辰填星犯鍵閉十月戊辰太白犯斗杓十一月乙巳太
白犯壘壁陣十二月戊寅熒惑犯軒轅 二年正月丙申太
白犯外屏七月癸巳太白犯東井八月丙辰朔犯與鬼乙亥
犯軒轅大星九月丁酉犯右執法十一月丙戌辰星犯氐

三年閏四月乙酉歲星犯壘壁陣西第六星七月乙亥熒惑
 犯積尸氣十月戊子犯太微西垣上將十一月乙丑太白犯
 罰星丙寅歲星犯壘壁陣 四年三月癸亥熒惑犯靈臺戊
 辰犯上將四月丙申犯右執法九月丙辰犯天江 五年二
 月丁酉太白犯昴九月丁未犯軒轅左角乙丑熒惑犯靈臺
 十月癸酉犯上將十一月己亥犯左執法庚申太白犯鍵閉
 丙寅熒惑犯進賢閏十二月丁酉朔辰星犯建星 六年三
 月乙丑朔熒惑犯亢六月庚寅犯氐七月甲戌犯房九月癸
 亥犯南斗杓丙戌太白犯南斗 七年五月辛巳辰星犯積
 尸氣七月丙寅歲星犯天鐔乙酉太白犯軒轅九月辛酉熒
 惑犯上將十月己酉犯進賢 八年正月丁卯熒惑犯房庚
 辰犯東咸八月丙午熒惑犯南斗魁十月癸亥太白犯亢甲
 戌熒惑犯壘壁陣十一月辛卯太白犯罰星 九年五月庚
 子歲星犯軒轅大星十一月己卯熒惑犯氐壬辰太白犯壘
 壁陣十二月己酉熒惑犯鉤鈴 十年正月甲戌太白犯外
 屏三月丁亥熒惑犯壘壁陣六月庚申太白犯天關八月丙
 辰犯軒轅九月壬申犯上將

井五月庚寅犯積尸氣九月己丑太白犯軒轅左角十一月
 乙酉填星犯外屏 四年閏二月己卯朔熒惑犯壘壁陣
 五年二月壬午熒惑犯井三月辛未復如之七月甲寅歲星
 犯壘壁陣 七年五月己丑熒惑犯右執法九月戊午太白
 犯熒惑於氐 八年八月辛丑熒惑犯積尸氣十一月庚午
 填星犯井十二月壬午亦如之 九年五月癸酉熒惑犯左
 執法 十年三月丁丑填星犯天鐔十月辛丑朔熒惑犯上
 將 十一年二月乙卯熒惑犯平道三月丁酉亦如之七月
 丁亥犯氐九月辛未犯天江太白犯軒轅左角己丑犯右執
 法十月丙申犯左執法戊辰歲星犯右執法丙午太白犯進賢 十二年六月乙亥太白犯上將七月
 癸丑犯亢 十三年正月丙午熒惑犯房北第一星二月戊
 午犯罰星九月丁亥填星犯靈臺甲午熒惑犯狗十月丙辰
 辰星犯亢 十四年正月丁亥太白犯壘壁陣丙申歲星犯
 房北第一星二月丙子退犯房四月庚申太白犯井五月丁
 亥太白犯鬼七月己卯朔熒惑留守南斗癸卯太白犯亢九
 月己卯歲星犯進賢庚辰太白犯天江丙戌歲星犯房壬寅
 熒惑犯左執法十月乙丑犯進賢十一月丁亥太白犯亢乙
 未熒惑犯亢十二月丁未朔犯氐丙子犯房

英宗正統元年二月乙丑熒惑犯天街五月戊寅太白犯熒惑
 於井八月丁亥填星退犯壘壁陣十二月甲子熒惑犯天江
 二年四月乙亥熒惑犯壘壁陣 三年三月甲辰熒惑犯

景帝景泰元年正月丁亥太白犯亢閏正月己酉填星犯太微
 垣庚申太白入壘壁陣庚午歲星與熒惑遇入斗杓八月甲

申太白犯亢戊子歲星犯秦星九月乙巳太白犯鉤鈴丁未
熒惑犯壘壁陣西第三星庚戌填星犯上相辛亥熒惑犯壘
壁陣西第四星庚申犯第六星壬戌太白犯天江十月辛未
朔熒惑犯壘壁陣西第六星十一月辛酉太白犯壘壁陣十
二月己丑熒惑犯壘壁陣西第五星 二年二月庚午朔歲
星犯牛戊子填星犯上相庚寅退入太微左掖六月戊辰朔
太白犯畢八月壬寅入太微左掖十一月丙申熒惑犯氐癸
亥犯鉤鈴 三年四月丁卯太白犯諸王甲申熒惑與歲星
同犯危戊子太白犯井五月壬子犯鬼六月乙酉犯靈臺戊
子犯上將庚寅入太微右掖七月壬寅犯左執法十月辛丑
歲星與填星同犯亢 四年正月庚午熒惑犯昂三月己未
填星退犯亢五月己未辰星犯積薪 五年六月戊戌熒惑
犯諸王九月癸丑太白掩軒轅左角甲戌犯左執法 六年
三月丙辰熒惑犯井五月乙巳朔犯積尸氣六月辛巳太白
犯井己丑與熒惑同入太微右掖庚子歲星犯諸王八月戊
午太白犯房北第二星庚申歲星犯井鉞九月甲午太白犯
斗魁 七年七月辛未太白犯鬼己丑填星犯罰星丁酉熒
惑入井九月癸未歲星入鬼十月壬寅熒惑犯鬼

星 二年正月丁卯太白犯建星七月丙申行太微垣中八
月戊午熒惑犯積薪戊辰入鬼癸未歲星犯右執法九月甲
寅太白犯南斗杓十月乙丑歲星犯左執法 三年正月辛
卯歲星犯左執法熒惑犯軒轅填星犯建星四月癸酉又守
犯建星己卯熒惑犯靈臺五月癸卯犯右執法庚戌太白犯
畢六月辛未歲星犯右執法九月庚寅太白犯左執法十月
甲寅犯亢十二月癸亥歲星犯亢 四年七月丁丑太白犯
右執法甲申犯左執法戊子熒惑犯天鐸八月丙辰入鬼十
月庚午犯上將閏十一月庚申犯上將丙寅歲星犯房北第
一星庚午犯鉤鈴 五年正月戊午熒惑退入太微垣三月
癸亥犯右執法丁卯歲星退犯房上星八月癸酉犯鉤鈴
六年七月丙午熒惑入鬼九月乙未太白犯軒轅左角乙卯
熒惑犯上將己未太白犯左執法十月己巳犯進賢十一月
丙午熒惑犯進賢 七年正月壬子熒惑入氐二月庚申朔
歲星犯牛四月辛酉熒惑退犯氐西南星七月壬辰犯氐東
南星甲寅犯房北第二星閏七月戊午朔填星退犯壘壁陣
八月乙巳熒惑犯南斗杓九月丁丑太白犯南斗魁乙酉犯
狗十月癸丑填星犯壘壁陣 八年二月丙午歲星太白同
犯壘壁陣三月辛巳歲星復犯壘壁陣

憲宗成化元年正月丁巳熒惑犯東咸二月癸卯犯天齋五月

戊午留守斗己巳退犯魁第四星七月癸酉又犯十二月丙
 子太白犯鍵閉 二年正月乙卯太白犯斗丁卯犯牛二月
 癸巳熒惑犯天陰六月丁未歲星守昴 三年二月丁未太
 白犯婁三月戊子犯外屏五月壬辰犯畢六月壬戌犯井七
 月中申入鬼犯積尸氣八月乙未熒惑犯壘壁陣癸卯太白
 入軒轅 四年二月己亥熒惑犯昴月星己酉犯天街五月
 庚辰犯鬼癸未犯積尸氣六月戊申太白犯靈臺七月甲子
 填星犯天囷 五年二月癸巳太白犯牛七月己酉歲星犯
 軒轅大星 六年三月癸卯歲星留守軒轅九月丙子朔太
 白犯軒轅左角甲午犯左執法庚子犯左執法 七年三月
 丁丑歲星退入太微垣犯執法四月乙卯入太微垣留守端
 門六月甲寅犯右執法九月壬午太白犯房北第二星閏九
 月戊午犯南斗魁辛酉填星犯天高十一月己亥朔歲星犯
 元十二月乙未太白犯牛及羅堰 八年二月甲申太白犯
 壘壁陣六月庚午入井十一月辛亥歲星犯房北第一星癸
 丑犯鉤鈴十二月丙戌太白犯壘壁陣 九年三月丙辰歲
 星犯東咸四月己卯太白犯五諸侯五月己酉歲星犯鉤鈴
 六月乙丑犯房第一星十月甲子太白犯左執法 十一年
 三月甲戌太白犯外屏七月庚戌太白犯天罇甲戌熒惑犯
 積薪八月癸未入鬼甲申犯積尸氣丁酉太白犯靈臺庚子

犯上將九月癸丑犯左執法十月乙未熒惑犯靈臺 十二
 年三月丁巳歲星犯壘壁陣壬戌辰星犯昴庚午太白犯昴
 月星四月壬辰熒惑犯上將及建星甲午太白犯井十月辛
 卯填星守軒轅大星 十三年閏二月己未歲星犯外屏九
 月癸未熒惑犯上將十一月庚辰熒惑犯進賢十二月甲午
 朔太白犯壘壁陣 十四年正月乙丑熒惑犯元二月甲辰
 復犯元 十五年三月甲子歲星犯天街四月己丑填星犯
 上將九月乙卯歲星犯井乙丑熒惑犯靈臺庚辰太白犯天
 江辛巳歲星守井十月庚子太白犯南斗魁辛亥犯狗閏十
 月庚申熒惑犯進賢 十六年正月壬午朔熒惑犯房三月
 乙酉犯天江十月戊辰熒惑犯壘壁陣 十七年正月己卯
 歲星犯鬼積尸氣二月己未填星犯進賢丁卯太白犯天陰
 三月庚辰熒惑犯昴甲午歲星入鬼庚子犯積尸氣五月丁
 酉太白犯軒轅大星 十八年五月甲戌熒惑犯壘壁陣六
 月庚戌歲星犯靈臺八月丙辰熒惑犯壘壁陣閏八月壬辰
 歲星犯左執法十月戊辰熒惑犯壘壁陣 十九年八月丙
 寅太白犯軒轅九月甲午犯左執法十月庚辰熒惑犯氐太
 白犯房十一月己酉熒惑犯鉤鈴壬子犯東咸 二十年五
 月乙巳歲星守元六月壬午太白犯左執法八月癸酉歲星
 犯氐 二十一年正月戊子熒惑犯天陰庚戌填星犯罰星

十一月壬戌熒惑犯天江十二月庚辰太白犯壘壁陣 二
十二年六月庚子太白犯井八月甲午犯軒轅十月乙亥犯
進賢十一月庚戌犯房 二十三年三月丁酉熒惑犯井八
月甲申太白犯亢

孝宗弘治元年二月癸丑太白犯壘壁陣五月庚辰犯諸王六

月庚戌熒惑犯諸王庚申太白犯鬼七月丙午犯軒轅大星

癸未犯軒轅左角戊子犯靈臺八月庚申熒惑犯積薪九月

癸酉犯鬼甲戌犯積尸氣 二年正月庚辰太白犯外屏二

月丁未犯壘壁陣三月辛酉熒惑犯鬼十月己丑太白犯左

執法 三年正月壬申太白犯羅堰六月戊子熒惑犯諸王

七月癸酉入井十一月戊戌太白犯壘壁陣 四年六月癸

丑太白犯天關七月癸巳歲星犯井十一月壬辰又犯 五

年八月己亥朔熒惑入鬼犯積尸氣十月乙巳犯靈臺十一

月庚辰辰星犯罰星丙申熒惑犯上將十二月戊午犯進賢

六年二月庚子熒惑犯平道太白犯羅堰甲子犯壘壁陣

西第六星三月壬申填星犯壘壁陣甲戌熒惑犯上相甲申

太白犯壘壁陣東第四星四月丙申熒惑犯左執法八月庚

寅歲星犯靈臺 七年正月癸卯歲星犯靈臺二月辛未太

白犯昴五月甲辰歲星犯靈臺七月壬子太白犯鬼八月辛

巳犯軒轅左角九月丁亥犯靈臺壬寅犯亢十一月壬辰太

白犯房乙未犯罰星丙午犯天江十二月癸亥熒惑犯亢

八年二月丁巳歲星犯進賢戊寅熒惑犯房四月癸酉犯氏

六月癸亥如之七月辛丑歲星犯進賢十月丁卯犯亢十一

月己酉犯氏十二月癸丑熒惑犯壘壁陣戊午填星犯壘壁

陣 九年二月戊午太白犯羅堰是月至三月庚寅歲星守

氏七月己未太白犯軒轅大星十二月己丑熒惑犯鉤鈴

十年二月己丑太白犯天陰九月乙丑填星犯壘壁陣十月

辛未太白犯左執法十二月戊辰朔犯東咸 十一年十月

辛未太白犯天江十一月乙未熒惑犯亢 十二年五月乙

亥歲星犯壘壁陣六月壬子辰星犯鬼七月辛未太白犯鬼

九月戊午朔太白犯左執法十月壬子辰星犯房北第一星

十三年正月壬戌熒惑犯天陰八月戊申歲星犯壘壁陣

十一月乙未太白犯罰星 十四年正月辛酉太白犯建星

二月壬午犯羅堰四月庚子熒惑犯壘壁陣十月乙卯熒惑

犯天街十一月辛卯填星犯諸王己亥太白犯壘壁陣 十

五年二月甲寅太白犯昴戊辰熒惑犯井五月己丑太白犯

天高六月壬子填星犯井七月丙子歲星犯諸王十一月癸

酉太白犯牛十二月辛丑填星犯井 十六年正月己卯填

星犯井三月辛卯太白犯諸王七月己巳歲星犯井丁丑熒

惑犯諸王辛卯填星犯天樽八月壬子歲星犯天樽九月甲

中太白犯天江十月丁未犯南斗魁丁巳犯狗十一月辛巳
犯羅堰 十七年四月癸卯熒惑犯積尸氣五月己亥太白
犯諸王七月辛亥填星犯積尸氣丙辰太白犯上將辰星犯
靈_臺九月甲午填星犯鬼 十八年五月庚子辰星犯鬼九月
癸未熒惑犯積尸氣丙午太白犯右執法丁未歲星犯太微
垣上相十一月戊子辰星犯鍵閉

武宗正德元年二月壬子歲星退犯右執法及上將三月壬午
犯靈臺十二月癸丑太白犯壘壁陣 二年三月壬申太白

犯外屏五月己巳犯天高七月戊辰熒惑犯積尸氣八月癸
巳填星犯靈臺九月辛丑朔太白犯進賢十月甲戌填星犯

上將癸未熒惑犯填星及上將 三年四月乙丑熒惑犯右
執法五月甲子填星犯靈臺十月丙戌太白犯亢 四年正

月己酉太白犯建星十一月己未朔熒惑犯進賢 五年二
月戊申填星犯上相三月癸亥熒惑犯亢六月壬辰填星犯

上相七月丁卯熒惑犯房北第二星丙子犯天關八月乙未
犯天江己亥太白犯軒轅大星十月丙申犯亢 六年四月

丁未歲星犯壘壁陣七月辛酉太白犯左執法己巳填星犯
平道十月丁亥太白犯斗十一月癸亥犯羅堰十二月壬午

歲星犯壘壁陣 七年四月甲申填星犯亢閏五月丁酉太
白犯井鉞六月甲子犯積尸氣丙寅辰星犯鬼 八年正月

丙戌太白犯外屏七月丁亥犯酒旗八月戊申犯軒轅右角

九年八月丙辰歲星犯諸王七月戊戌朔太白犯井己未
犯鬼 十四年十月戊辰太白犯南斗癸未歲星犯氏太白

犯狗 十五年二月丁卯填星犯羅堰 十六年二月庚子
熒惑犯鬼四月癸卯太白犯鬼六月壬午熒惑犯右執法七

月丙辰填星退犯代八月己丑太白犯軒轅右角九月己巳
犯右執法乙亥犯左執法十月戊子犯進賢十一月丁卯犯

鍵閉十二月庚子犯建星

世宗嘉靖元年正月丙辰太白犯牛戊午辰星犯羅堰四月戊
寅歲星犯牛八月庚辰填星退犯壘壁陣乙未熒惑犯積尸

氣十月戊子太白犯南斗約十一月丙寅歲星犯羅堰 二
年正月庚戌熒惑入太微垣犯內屏閏四月丙寅犯右執法

六月癸丑太白犯井七月丙子犯鬼八月壬寅辰星犯上將
辛酉太白犯左執法十一月壬辰歲星犯壘壁陣 三年十

月癸巳熒惑犯上將十一月甲子犯左執法十二月癸巳犯
進賢 四年正月丁卯太白犯建星二月戊午熒惑犯平道

東星 五年六月辛巳太白犯井九月癸未熒惑犯上將
六年六月丁卯太白犯靈臺 八年二月庚寅太白犯天街

十八年閏七月庚戌熒惑入鬼犯積尸氣十一月壬子熒
惑犯上相 十九年八月癸未歲星犯軒轅大星九月乙卯

一書 一〇三 丹 書 參 日 車 命 書 卷 一 一 文 之 卜

熒惑犯南斗 二十年十一月庚寅歲星犯左執法 二十
一年正月丁未歲星犯左執法八月己亥熒惑犯南斗 二
十二年五月甲子填星退入氏留守三十七日十二月丁亥
歲星犯房北第一星 二十三年正月壬寅熒惑犯房北第
一星三月丁巳入南斗四月戊寅歲星犯房北第一星六月
乙亥熒惑入箕退行二舍是月又犯南斗 二十四年十月
丁巳熒惑犯氏 二十七年十一月甲申熒惑自畢退行過
昴至胃 二十九年七月庚申熒惑犯歲星守井十二月甲
戌退守井 三十一年九月辛卯熒惑犯鬼 三十五年五
月壬戌歲星退行犯房北第一星九月丁丑熒惑犯上將
三十六年二月壬辰熒惑自亢退行歷角天門入軫至四月
戊子凡退行二舍有餘 三十九年十二月甲寅熒惑犯鈞
鈴大星 四十二年十月辛亥熒惑自胃退行至甲戌抵婁
四十四年十二月壬申熒惑自井退二舍 四十五年五
月辛卯朔歲星退行留守左執法
穆宗隆慶元年三月戊午歲星退守亢十月甲申太白入南斗
二年六月乙未熒惑犯太微西垣右執法 三年三月庚
午填星退犯上相八月丁未熒惑犯鬼 四年五月己卯犯
右執法
神宗萬曆元年四月歲星與熒惑同入奎壁辰星退行箕斗成

勾 二年二月癸亥熒惑犯房五月己卯退犯氏 五年十
月辛丑熒惑犯氏十二月辛丑太白犯填星於斗 九年二
月辛酉熒惑犯井十二月癸巳太白犯填星入危 十二年
十二月辛亥熒惑退行張次 十三年正月庚辰熒惑退入
軒轅二月戊申犯張又自張歷柳 十五年丁酉熒惑退入
太微垣測在軫二月丁卯退行翼次四月庚辰犯右執法入
翼次五月己亥太白犯填星於胃 十七年二月己丑熒惑
退入氏四月丁亥自氏退歷亢入角七月辛酉犯房第二星
九月辛亥犯南斗約 十九年四月乙巳熒惑犯箕六月壬
子又犯箕七月丁亥犯南斗 二十年十一月戊辰熒惑犯
氏 二十一年七月辛巳熒惑退入室九月甲戌又犯室
二十二年五月熒惑犯角 二十四年二月己酉太白犯歲
星入奎四月戊午犯井 二十五年十月戊寅熒惑退入井
二十七年閏四月庚寅辰星犯太白於井八月甲辰熒惑
犯奎 二十八年正月壬申熒惑退過柳鬼度二月庚寅犯
鬼 三十年正月丁巳熒惑退入太微垣 三十二年二月
丁酉熒惑退入角 三十三年正月歲星守斗二百餘日間
逆行留退 三十四年二月甲子太白犯昴四月乙巳熒惑
犯心五月戊寅犯房癸未自心退入氏十一月庚辰掩歲星
於危 三十五年正月至六月填星退留斗 三十六年六

月戊辰熒惑退入女八月辛酉又犯女 三十七年十一月
丙戌熒惑犯氐 三十八年十一月辛亥太白犯填星於虛
三十九年七月壬戌太白犯歲星於柳十月己巳歲星犯
軒轅 四十二年十一月乙丑熒惑退犯柳 四十四年十
一月丙午熒惑退犯翼 四十五年二月庚子熒惑退行星
度 四十六年四月乙卯太白犯御女 四十七年正月熒
惑犯軫二月丁巳退入軫辛未退入翼三月壬子太白犯歲
星於畢 四十八年八月丙午朔太白犯太微勾己辛亥熒
惑犯太微右將癸丑填星犯井

嘉宗天啟元年正月丙戌填星退入井閏二月癸巳熒惑退入
氐 二年八月癸未太白犯軒轅大星壬辰填星犯守鬼十
二月壬午辰星退守井 三年正月甲午熒惑犯房北第一
星四月熒惑守斗百日八月甲子犯南斗魁第二星又犯狗
國九月太白犯心中星甲辰歲星犯軒轅大星十月甲申熒
惑犯壘壁陣 四年正月丙寅歲星犯軒轅大星二月熒惑
守斗 五年正月庚戌朔歲星退行犯左執法九月戊申太
白犯軒轅御女乙卯熒惑自壁退入室壬申太白犯左執法
十月丙戌填星犯上將 七年三月辛未辰星退犯房乙酉
歲星退犯房北第一星八月庚戌犯房

愍帝崇禎三年三月己酉熒惑入井退舍復羸居數月又入鬼

犯積尸氣四月己卯復犯積尸氣八月辛亥熒惑犯斗魁
四年四月熒惑入鬼犯積尸氣 七年閏八月丁未歲星犯
積尸氣 八年九月丁丑熒惑犯太微垣 九年六月己亥
太白犯歲星於張冬歲星犯右執法 十一年熒惑自春至
夏守尾百餘日五月丁卯退尾入心 十二年十月熒惑退
行太微垣犯上相 十五年五月熒惑守心

欽定天文正義卷七十

星雜變占考

星雜變占考

春秋魯莊公七年夏四月辛卯夜恒星不見夜中星隕如雨

僖公十六年春王正月戊申朔隕石于宋五隕星也

秦始皇三十六年有墜星下東郡至地為石

漢孝武帝元光中天星盡搖上以問候星者對曰星搖者民勞也後伐四夷百姓勞于兵革

成帝永始二年二月癸未夜過中星隕如雨長一二丈繹繹未

至地滅至雞鳴止谷永曰星辰附離於天猶庶民附離者也

王者失道綱紀廢頓下將叛去故星叛天而隕以見其象

殤帝延平元年九月隕石陳留四傳曰隕星也董仲舒以為從

高反下之象或以為庶人惟星隕民困之象也

晉武帝泰始四年七月星隕如雨皆西流占曰星隕為百姓叛

西流吳人歸晉之象也 太康九年八月壬子星隕如雨劉

向傳言下去其上之象

惠帝太安二年十一月辛巳有星盡隕中天北下光變白有聲

如雷按占曰營首營首所在下有兵流血明年劉石攻畧

并州多所殘滅王浚起燕代引鮮卑攻掠鄴中百姓塗地

永興元年七月乙丑星隕有聲 二年十月星隕有聲

梁武帝中大通四年七月甲辰星隕如雨占曰陰失其位災害

之象萌也星隕如雨人民叛下有專討大人憂其後侯景狡

亂以憂崩人眾奔散皆其應也

後魏道武帝登國九年有星墜於河北聲如雷震光明燭天地

孝靜帝武定四年九月丁未高祖圍玉壁城有星墜於營眾驢

皆鳴占曰破軍殺將

唐高祖武德三年十月己未有星墜於東都隱隱有聲

太宗貞觀十四年八月有星墜於高昌城中

中宗貞觀十景龍二年二月癸未有大星墜於西南聲如雷野

雜皆唯

明星開元二年五月乙卯晦天星盡搖至曙乃止占曰星民象

流者失其所也 天寶三年閏二月辛亥有星如月墜於東

南墜後有聲

肅宗至德二年賊將武令珣圍南陽四月甲辰夜中有大星赤

黃色長數十丈光燭地墜賊營中

德宗建中四年八月庚申有星墜於京師 興元元年六月戊

午星或什或伍而墜 貞元十四年閏五月辛亥有星墜於

東北光燭如畫聲如雷

穆宗長慶四年四月紫微中星墜者眾

文宗開成二年十一月丁丑有大星墜於興元府署寢室之上

僖宗乾符三年晝有星如炬火大如五升器出東北徐行墜於

西北 中和元年八月己丑夜星墜如雨或如杯如椀者交

流如織庚寅夜亦如之 三年十一月夜星墜於西北如雨

光啟二年九月有大星墜於揚州府署延和閣前聲如雷

炎光燭地

昭宗乾寧元年夏有星墜於越州後有光長丈餘狀如蛇 三

年六月天暴雨雷電有星大如椀起西南墜於東北色如鶴

練聲如羣鴨飛占為姦謀 光化元年九月丙子有大星墜

於北方

後唐明宗天成三年自正月至於六月宗人宗正搖不止

周世宗顯德元年正月庚寅有大星墜有聲如雷牛馬皆逸京

城以為曉鼓皆伐鼓應之

宋太宗至道元年四月乙巳常星未見有星出心北大如杯色

青赤急行而墜占曰兵象 三年九月丁丑有星二墜於西

南一出南斗一出牽牛有光三文許

真宗咸平五年九月丙申有星出東方西南行大如斗有聲若

牛吼小星數十隨之而墜 景德元年十月戊申天雄軍有

星出北方大如斗墜於西北赤光丈餘

恭帝德祐元年二月丁亥有二星關於中天頃之一星墜

遼太祖天顯元年七月甲戌夕大星墜於幄前

金太宗天會七年十一月甲寅天旗明河鼓直

熙宗天會十四年三月丁酉夜中星搖十一月己巳狼星搖

元成宗大德二年五月己酉撫州崇仁縣星隕為石

明太祖洪武二十八年閏九月辛巳壘壁陣踈圻復聚 二十

九年八月戊午欽天監言井宿東北第二星近歲漸暗小促

聚不端列 三十一年五月癸亥壘壁陣踈者就聚

英宗正統元年九月丁巳參宿狼星動搖

武宗正德元年八月大角及心中星動搖北斗中璿璣權三星

不明

神宗萬曆二十四年正月昴星動 二十五年正月昴星盡躍

二十六年正月亦如之 四十四年權星暗小輔星沉沒

四十五年正月昴星跳躍參宿齊明

愍帝崇禎十二年五月甯宿下移 十三年二月元宿圻九月

五車中三柱隱十月參足突出玉井 十七年正月司天奏

帝座下移天津圻共月兼置王良前駟房動徙二月星耀耀如雨下

河鼓圻搖光圻芒角黑青三月壬辰欽天監正戈承科奏帝

星下移五月戊子朔軒轅絕續不常大小失次至十月乃復

六月北斗不見十月紫微無光前星下移四五度至次年八

月乃復文昌圻狼怒躍

欽定天文正義卷七十一

瑞星占考

瑞星占考



晉孝武太元二年七月己卯老人星見 三年七月乙酉老人星

見南方十月丁巳老人星見

梁武帝天監四年八月庚子老人星見占曰老人星見主壽昌自

此每年恒以秋分後見於參南至秋分而伏武帝壽考之象云

宋太祖乾德三年八月辛酉四年八月乙卯六年正月戊申老人

星皆出丙 開寶二年七月乙亥老人星出丙 四年八月辛

卯景星見

太宗太平興國四年八月乙亥五年八月己卯六年八月己卯八

年八月辛卯雍熙三年八月己酉四年八月辛亥端拱元年八

月乙卯二年八月癸亥淳化元年八月丁卯二月八月辛未三

年八月戊寅四月九月己亥五年八月己丑至道元年八月己

亥二年閏七月己亥三年八月辛丑老人星皆出丙

真宗咸平元年八月己丑二年八月癸亥三年八月丁卯四年八

月甲子五年八月乙丑六年八月丙子老人星皆出丙 景德

元年八月癸酉老人星出丙 二年四月戊寅周伯星出氐南

騎官西二度狀半月有芒角煌煌然可以鑿物歷庫樓東八月

隨天輪入濁十一月復見在氐自是常以十一月晨見東南方

八月西南入濁占曰天下無兵國大昌八月庚辰老人星出丙

三年八月庚寅老人星出丙 四年二月己卯八月甲午老

人星出丙 大中祥符元年正月丁亥八月丙申二年二月壬

辰八月乙巳三年二月辛巳八月己酉四年正月戊寅八月癸

丑五年正月辛巳八月己未六年正月庚子八月丙寅老人星

皆出丙 七年正月己酉合譽星見癸丑老人星出丙八月己

巳老人星出丙九月丙戌合譽星又見似彗有尾而不長與周

伯星同占 八年七月癸酉九年正月甲寅八月壬午天禧元

年八月癸巳二年正月丁巳八月辛卯五年二月辛卯八月己

亥四年八月己亥五年二月丙午八月乙巳老人星皆出丙

仁宗天聖元年二月己亥二年八月丙子四年七月壬申景祐二

年正月己丑至和三年二月辛卯八月己未嘉祐二年八月庚

申三年八月丙辰四年正月庚戌八月癸未五年八月庚申六

年正月癸丑八月壬辰七年正月辛亥八年正月辛酉老人星

皆見

英宗治平元年二月己丑七月癸巳二年二月癸巳八月己亥三

年正月庚辰八月庚戌四年二月癸巳八月戊申老人星皆見

神宗熙寧元年正月乙未八月己卯二年二月乙卯八月壬戌三

年正月甲寅八月癸酉四年二月己未八月丁丑五年二月己

未閏七月乙亥六年正月庚午八月丁酉七年二月甲申八月

庚寅八年二月己丑八月庚戌九年二月丁酉八月庚子十年

正月己卯九月戊申元豐元年二月己酉八月丙午二年壬二

月壬戌八月乙卯三年二月甲寅八月乙未四年八月丁卯五
年二月甲戌八月己巳六年二月己未八月丁丑七年二月辛
巳八月己卯八年二月庚辰八月辛巳老人星皆見於丙

哲宗元祐元年二月戊寅八月庚子三年二月庚寅九月辛亥三
年二月癸巳八月己亥四年二月壬子八月丁未五年正月甲
午八月辛亥六年二月己亥閏八月壬戌七年正月壬子八月
壬戌八年二月丙寅八月己巳九年二月乙丑紹聖元年八月
庚子二年二月壬午八月丁丑三年二月庚午八月癸未四年
二月甲申八月甲申五年二月庚辰元符元年八月辛卯二年
二月乙未九月壬辰老人星皆見於丙

徽宗崇寧元年二月壬寅八月癸丑二年二月甲寅八月庚戌三
年二月戊午八月辛酉四年二月庚申八月丙寅五年二月戊
辰八月甲戌大觀元年二月乙亥八月丁丑二年二月甲午八
月壬午三年二月戊子八月癸巳四年二月乙未閏八月丁酉
政和元年二月癸卯八月己亥二年二月乙巳八月己酉三年
二月甲午八月己未四年二月己酉八月辛未五年二月庚申
八月甲子六年閏正月壬戌八月丁卯七年五月戊午八月丙
子八年二月壬申八月乙亥宣和元年二月癸未八月癸未二
年二月辛巳八月己丑三年二月丙戌八月癸巳四年二月己
亥八月辛丑五年二月庚子八月丙午六年二月戊申八月辛

亥七年二月癸丑八月庚申老人星皆見於丙

遼穆宗應曆十一年二月丙辰南京留守蕭思溫奏老人星見乞
行赦宥 十三年二月乙巳十五年正月老人星皆見

聖宗統和元年十月癸未朔司天奏老人星見 三年七月丙寅
老人星見

金熙宗皇統三年八月丙申老人星見

明太祖洪武三年七月太史奏文星見

成祖永樂元年八月庚午老人星見 四年二月庚辰老人星見

其色光潤七月癸未老人星見色赤黃光潤 五年八月癸巳

老人星見色赤黃明潤 六年十月庚辰夜中天輦道東南有

星如蓋黃色光潤而不行蓋周伯德星云 八年八月辛酉十

三年八月戊寅十四年八月癸酉十六年八月丙戌十七

年八月甲午十八年七月庚寅十九年八月庚子二十

一年八月戊午旦老人星皆見

宣宗宣德五年十二月丁亥舍舉星見九旂旁大如彈丸色黃白

光潤旬有五日而隱 八年閏八月戊午景星三見西北方天

門青赤黃各一大如椀明朗清潤良久聚成半月形丁丑有黃

赤色見東南方如星非星如雲非雲蓋歸邪星也

景帝景泰二年八月戊子老人星見

英帝天順五年八月乙亥老人星見 七年二月癸亥八月戊子

老人星又見

孝宗弘治二年二月壬寅老人星見 三年二月己酉八月丙午

四年二月壬子八月癸丑五年二月甲寅八月戊午七年八月

乙丑八年二月庚午九年二月乙亥八月辛巳十年二月壬午

八月壬午十一年二月乙酉八月己丑十二年八月壬辰十三

年二月丙午八月丁酉十四年二月壬寅八月丁丑十五年二

月辛酉八月癸丑十六年二月乙卯八月丁巳十七年二月戊

午八月戊辰十八年二月壬戌八月甲子老人星並見

神宗萬曆三十六年二月己未南京老人星見丁位八月丙子南

京老人星見丙位

欽定天文正義卷七十二

妖星占考

妖星占考

秦末項羽救鉅鹿枉矢所觸天下之所伐射滅亡象也
物莫直於矢今蛇行不能直而枉者執夫者亦不正以象項羽
執政亂也羽遂合從抗秦人屠咸陽凡枉夫之流以亂伐亂也

漢孝文後二年正月壬寅天棗夕出西南占曰為兵喪其六年十

一月匈奴入上郡雲中漢起三軍以衛京師八月天狗下梁楚

孝景三年七月天狗下占為破軍殺將狗又守禦類也天狗所降

以戒守禦其年吳楚反攻梁堅城守遂伏尸流血其下中

三年六月壬戌蓬星見西南在房南去房可二丈大如二斗器

色白癸亥在心東北可長丈所甲子在尾北可六丈丁卯在箕

北近漢稍小且去時大如桃壬申去凡十日占曰蓬星出必有

亂臣房心間天子宮也是時梁王欲為漢嗣使人殺漢爭臣袁

盎漢按誅梁大臣斧鉞用梁王恐懼布車入關伏斧鉞謝罪然

後得免

孝武建元六年八月長星出於東方長終天三十日去占曰是為

蚩尤旗見則王者征伐四方元狩四年四月長星又出西北

孝昭始元中蓬星出西方天市東門行過河鼓入營室中梁成恢

曰蓬星出六十日不出三年下有亂臣戮死於市元鳳五年

四月燭星見奎婁間占曰有土功邊城和其六年正月築遼東

元菟城二月度遼將軍范明友擊烏桓還

王莽地皇四年王尋王邑圍昆陽有營頭星墜軍上

孝明永平八年六月長星出柳張三十七度犯軒轅刺天船陵太

微氣至止階凡見五十六日去柳周地是歲多雨水郡十四傷

稼

靈帝熹平二年四月有星出文昌入紫微宮蛇行有首尾無身赤

色有光照垣牆占曰文昌為上將貴相後六年司徒劉翽為中

常侍曹節所譖下獄死光和中國皇星東南角去地一二丈

如炬火狀十餘日不見占曰國皇星為內亂外內有兵喪

獻帝初平三年九月蚩尤旗見長十餘丈色白出角亢之南占曰

蚩尤旗見則王征伐四方

魏高貴鄉公正元元年十一月白氣出南斗側廣數丈長竟天王

肅曰蚩尤之旗也東南其有亂乎

晉武帝咸寧四年四月蚩尤旗見東井後年傾三方伐吳是其應

也

惠帝元康四年九月甲午枉矢東北行竟天六年六月丙午夜

有枉矢自斗魁東南行按占曰以亂伐亂北斗主執殺出斗魁

居中執殺者不直之象也永康元年三月妖星見南方占曰

妖星出天下大兵將起光熙元年枉矢五月枉矢西南流

元帝大興三年四月壬辰枉矢出虛危沒翼軫占曰枉矢所觸天

下之所伐翼軫荊州之分野

穆帝升平二年十二月枉矢自東南流於西北其長半天 四年

十月庚戌天狗見西南占曰有大兵流血

孝武太元二十年九月有蓬星如粉絮東南行歷女虛至哭星占

蓬星見不出三年必有亂臣戮死於市

齊東昏侯永元三年正月乙巳長星見竟天二月蚩尤旗見

梁武帝普通元年九月乙亥有星晨見東方光爛如火占曰國皇

見有內難有急兵反叛 中大通五年正月己酉長星見

陳後主至德元年正月壬戌蓬星見

隋文帝仁壽四年六月庚午有星入於月中

煬帝大業三年三月辛亥長星見西方竟天干歷奎婁角亢而沒

至九月辛未轉見南方亦竟天又于角亢頻掃太微帝座干犯

列宿唯不及參井經歲乃滅占曰去穢布新天所以去無道建

有德見久者災深星大者事大行遲者期遠兵大起國大亂而

亡餘殃為水旱饑饉土功疾疫其後築長城討吐渾及高麗兵

戎連歲水旱疾疫土功相仍羣盜并起邑落空虛 十二年九

月戊午有枉矢出北斗魁委曲蛇行注於南斗占曰主以兵去

天之所伐亦曰以亂伐亂

唐武后光宅元年九月二十九有星如半月見西方

肅宗上元元年閏四月二十一日妖星見於西方長數丈至五月

滅

唐代宗廣德二年六月丁卯有妖星隕於汾州 大曆七年十二

月丙寅有長星於參下其長亘天長星彗屬參唐星也

昭宗景福元年五月蚩尤旗見初出有白彗形如髮長二尺許經

數日乃從中天下如匹布至地如蛇六月孫儒攻揚行密於宣

州有黑雲如山漸下隊於儒營上狀如破屋占曰營頭星 乾

寧元年七月妖星見非彗非孛不知其名時人謂之妖星或曰

惡星 天復元年有三赤星各有鋒芒在南亦既而西方北方

東方亦如之頃之又各增一星凡一十六星少時先從北滅占

曰彗星也見則諸侯兵相攻己巳夕有星當箕下如炬火炎炎

上衝人初以為燒火也高大餘乃隕天下有亂

昭宣帝天祐元年四月有星狀如人首赤身黑在北斗下紫微中

占曰天衝也 二年四月庚子夕西北隅有星類太白上有光

似彗長三四丈色如赭辛卯夕色如縞或曰五車之水星也一

曰昭明星也 三年十二月昏東方有星如太白自地徐上行

極緩至中天如上弦月乃曲行頃分之為二占曰有大孽

後唐明宗天成元年三月惡星入天庫流星犯天樞

宋真宗咸平六年十一月辛亥旄頭犯輿鬼占與彗同

高宗紹興元年九月偽齊長星見於是劉豫謀明年遷 三十一

年六月己巳北斗天權星東北有一小星出光似彗太史指以

為舍譽非也

孝宗淳熙十四年五月有星出濁際大與日等入時與日相摩薄
明宣宗宣德五年十月丙申連星見外屏南東南行經天倉天庾
八日而滅

欽定天文正義卷七十三
彗孛占考

神宗萬曆三十七年有大星見西南芒刺四射 四十六年十一
月丙寅旦有花白星見東方

嘉宗天啟元年四月癸酉赤星見於東方

愍帝崇禎九年冬十月天狗見豫分 十七年五月戊子朔天狗
下尾白長竟天六月有大星出西方芒皎閃爍搖不定

彗孛占考

春秋魯文公十四年秋七月有星孛入于北斗左傳周內史叔服

曰不出七年宋齊晉之君皆將死亂

昭公十七年冬有星孛于大辰傳曰有星孛于大辰西及漢申須

曰彗所以除舊布新也天事恒象今除於火火出必布焉諸侯

其有火災乎

哀公十三年冬十一月有星孛于東方公羊孛者何彗星也其言

於東方何見于旦也

貞定王二年彗星見

考王八年彗星見

赧王十年彗星見 十二年彗星見 十九年彗星見

秦始皇七年彗星先出東方見北方五月見西方十六日 九年

星見或竟天四月見西方又見北方從斗以南八十日 十三

年正月彗星見東方 三十三年明星出西方徐廣曰皇甫謐天彗星也

漢高帝三年七月有星孛於大角旬餘乃入劉向以為是時項羽

為楚王霸諸侯而漢已定三秦項羽相拒滎陽天下歸心於漢

楚將滅故彗除王位也

文帝後七年有星孛于西方其本直尾箕末指虛危長丈餘及天

漢十六日不見劉向以為尾宋地今楚彭城也箕為燕又為吳

越齊宿在漢中負海之國水澤地也是時景帝新立信用鼂錯

將誅正諸侯其象先見後三年七國反皆誅滅云

孝景二年彗星出西南其三年吳楚七國反 中三年三月丁酉

彗星見西北其色白長丈在觜鵬且去益小十五日不見占曰

必有破國亂君伏死其辜觜鵬梁也其年梁王得罪

孝武建元三年三月有星孛于注張歷太微干紫宮至于天漢春

秋星孛于北斗齊魯晉之君皆將死亂今星孛歷五宿其後濟

東膠西江都玉皆坐法削黜自殺淮南衡山反誅 三年四月

有星孛于天紀至織女占曰織女有女變天紀為地震至四年

十月而地動 六年六月有星孛于西方 元封元年五月有

星孛于東井又孛于三台其後江克作亂京師紛然此明東井

三台為秦地效也 元封中星孛於河戍占曰南戍為越門北

戍為胡門其後漢兵擊拔朝鮮以為樂浪玄菟郡朝鮮在海中

越之象也居北方胡之域也 太初中星孛于招搖星傳曰客

星守招搖蠻夷有亂民死君其後漢兵擊大宛斬其玉招搖遠

夷之分也

宣帝地節元年正月有星孛于西方去太白二丈所劉向以為太

白為大將彗孛加之掃滅之象也明年大將軍霍光薨後二年

家夷滅

元帝初元五年彗星出西北赤黃色長八尺所後數日長丈餘東

北指在參分後二歲餘西羗反

成帝建始元年正月有星孛于營室青白色長六七丈廣尺餘

元延元年七月辛未有星孛東井踐五諸侯出河戎北率行軒
轅太微後日六度有餘晨出東方十三日夕見西方犯次妃長
秋斗填彗炎再貫紫宮中大火當後達天河除于妃后之城南
逝度犯大角攝提至天市而按節徐行炎入市申旬而後去西
去五十六日與蒼龍俱伏

哀帝建平二年二月彗星出牽牛七十餘日傳曰彗所以除舊布
新也牽牛日月五星所從起歷數之元三正之始彗而出之改
更之象也其出久者為其事大也

王莽地皇三年十一月有星孛于張東南行五日不見孛星者惡
氣所生為兵亂兵或謂之彗星所以除穢而布新也張為周地
星孛于張東南行即軫翼之分軫翼為楚是周楚地將有兵亂
後一年正月光武起兵春陵破南陽更始為天子都雒陽西入
長安光武與河北復都雒陽居周地除穢布新之象

光武建武十五年正月丁未彗星見昴稍西北行入營室犯離宮
三月乙未至東壁滅見四十九日彗星為兵入除穢昂為邊兵
彗星出之為有兵至十一月定襄都尉陰承反太守隨誅之盧
芳從匈奴入居高柳至十六年十月降上置綬一日昴星為獄
事是時大司徒歐陽歙以事繫獄踰歲死營室天子之常宮離
宮后妃之所居彗星入營室犯離宮是除官室也 三十年閏

月甲午水星在東井二十度生白氣東南指炎長五尺為彗東
北至行至紫宮西藩上五月甲子不見凡見三十一日水常以
夏至放于東井閏月在四月尚未當見而不見是贏而進也東
井為水衡水出之為大水是歲五月及明年郡國大水壞城郭
傷木稼殺人民白氣為惡有災作彗所以除穢紫宮天子之
宮彗加其藩除宮之象

孝帝永平三年六月丁卯彗星出天船北長二尺所稍北行至亢
南百三十五日去天船為水彗出為大水是歲伊維水溢到津
城門壞伊橋郡七縣三十二皆大水 十八年六月己未彗星
出張長三尺轉在郎將南入太微皆屬張張為周地東都太微
天子廷彗星犯之為兵恚

孝章建初元年八月庚寅彗星出天市長二尺所稍行入牽牛三
度積四十日稍滅十二月戊寅彗星出婁三度長八九尺稍入
紫宮中百六日滅為大人忌

孝安永初三年十二月彗星起天苑南東北指長六七尺色蒼白
天苑為外軍彗星出其南為外兵其後任尚馬賢等擊羗降之
孝順永建六年彗星出於斗牽牛滅于虛危虛危為齊牽牛吳越
故海賊浮于會稽山賊提于濟南 六年二月丁巳彗星見于
東方長六七尺色青白西南指營室及墳墓星丁丑彗星在奎
一度長六尺癸未昏見西北歷昴畢甲申在東井遂歷輿鬼柳

七星張光炎及三台至軒轅中滅營室者天子常宮墳墓主死
彗星起而在墳墓營室不出五年天下有大喪昂為邊兵又為
趙襄周馬父子後遂為寇又劉文叔清河相射嵩欲立王蒜為
天子嵩不聽殺嵩王閉門距文官兵捕誅文蒜以惡人所殺廢
為尉氏侯又徙為隄陽都鄉侯薨國絕歷東井輿鬼為秦皆羗
所攻鈔炎及三台為三公是時太尉杜喬及故太尉李固為梁
冀所陷入坐文書死及至注張為周滅于軒轅中為後宮
孝桓建和元年八月乙丑彗星芒長五尺見天市中東南指色黃
白九月戊辰不見時梁冀驕亂 延熹四年五月辛酉客星在
營室稍順行生芒長五所至心一度轉為彗占為大喪
孝靈光和元年八月彗星出亢北入天市中長數尺稍長至五六
丈赤色經歷十餘宿八十餘日乃消于天苑中彗除天市天帝
將徙帝將易都至初平元年獻帝遷都長安 三年冬彗星出
狼弧東行至于張乃去張為周地彗星犯之為兵亂後四年京
都大發兵擊黃巾賊七月彗星出三台下東行入太微至太子
幸臣二十餘日乃消 光和五年二月彗星出奎逆行入紫宮
後三出六十餘日乃消
獻帝初平四年十月彗星出兩角間東北行入天市中而滅占曰
彗除天市天帝將徙帝將易都是時上在長安後二年東遷明
年七月至維陽其八月曹公迎上都許 建安五年十月辛亥

有星孛于大梁冀州分也時袁紹在冀州其年十一月紹軍為
曹軍所破七年夏紹死後曹公遂取冀州 九年十一月有星
孛于東井輿鬼入軒轅太微 十一年正月星孛于北斗首在
斗中尾貫紫宮及北辰 十二年十月辛卯有星孛于鶉尾荆
州分也時荊州牧劉表據荊州時益州從事周羣以荊州牧將
死而失主明年秋表卒以小子琮自代曹公將伐荊州琮懼舉
軍詣公降 十七年十二月有星孛于五諸侯周羣以為四方
專據土地者皆將失土時益州牧劉璋據益州漢中太守張魯
別據漢中韓遂據涼州宋建別據枹罕後漢書作枹罕明年冬曹公
遣偏將擊涼州十九年獲宋建韓遂逃于羗中病死其年璋失
益州二十年秋公攻漢中魯降 二十三年三月李星辰見東
方二十餘日夕出西方犯歷五車東井五諸侯文昌軒轅后妃
太微鋒炎指帝座占曰除舊布新之象也
魏文帝黃初六年十月乙未彗星孛于少微歷軒轅占為兵喪除
舊布新之象時帝軍廣陵辛丑親御甲冑觀兵
明帝太和六年十一月丙寅有星孛于翼近太微上將星占曰為
兵喪廿氏曰彗孛所當之國是受其殃翼入楚分野孫權封畧
也明年權有遠東之敗又明年諸葛亮入秦川孫權發兵緣江
淮屯要衝權自圍新城以應亮天子東征權 青龍四年十月
甲申有星孛於大辰長三尺乙酉又孛於東方十一月乙亥彗

星見犯宦者天紀星占曰大辰為天王天下有喪劉向五紀論曰春秋星孛于東方不言宿者不加宿也宦者在天市為中外有兵天紀為地震景初二年八月彗星見張長三尺逆西行四十一日滅占同上張周分野

少帝正始元年十月乙酉彗星見西方在尾長二丈拂牽牛犯太白十一月甲子進犯羽林占曰尾為燕又為吳牛亦吳越之分太白為上將羽林為中軍兵為吳越有喪中軍兵動二年五月吳遣三將寇邊吳太子登卒六月宣帝討諸葛恪于皖太尉滿寵薨六年八月戊午彗星見七星長二尺色白進至張二十三日滅七年十一月癸亥又見軫長一尺積五十六日滅九年三月又見昂長六尺色青白芒西南指七月又見翼長二尺進至軫積四十二日滅按占曰七星張為周分野翼軫為楚昂為趙魏彗所以除舊布新主兵喪也嘉平元年宣帝誅曹爽兄弟及其黨與皆夷三族京師嚴兵三年誅楚王彪又襲王陵于淮南淮南東楚也魏諸王幽于鄴嘉平三年十一月癸亥有星孛于營室西行積九十日滅占曰有兵喪室為後宮後宮有亂四年二月丁酉彗星見西方在胃長五六丈色白芒南指貫參積二十日滅五年十一月彗星又見軫長五丈在太微左執法西南指積百九十日滅按占曰胃兗州之分野參主兵太微天子庭執法為執政孛彗為兵喪除舊布新之象

高貴鄉公正元二年正月有彗星見于吳楚分西北竟天鎮東大將軍毋邱儉等據淮南叛景帝討平之甘露二年十一月彗星見角色白占曰彗星見兩角間色白者軍起不戰邦有大喪元帝景元三年十一月壬寅彗星見亢色白長五寸轉北行積四十五日滅占曰為兵喪一曰彗星見亢天子失德四年鍾會鄧艾伐蜀剋之二將俱以反誅咸熙二年五月彗星見王良長大餘色白東南指積十二日滅占曰王良天子御駟彗星掃之禪代除舊布新之象也白色為喪王良在東壁宿又并州之分野

晉武帝泰始四年正月丙戌彗星見軫青白色西北行又轉東行占曰為兵喪軫又楚分野五年九月星孛于紫宮十年十二月有星孛于軫占曰天下有兵起軫又楚分野咸寧二年六月甲戌星孛于氐占曰天子失德易政氏又兗州分七月星孛于大角大角為帝座八月星孛于太微至翼北斗三台占曰太微天子庭大人惡之翼又楚分野北斗主殺罰三台為三公三年正月星孛于西方三月星孛于胃胃徐州分四月星孛于女御女御為後宮五月又孛于東方七月星孛于紫宮五年三月星孛于柳四月又孛于女御七月孛于紫宮占曰外臣陵主柳又三河分野大角太微紫宮女御並為王者明年吳亡是其應也孛主兵喪征吳之役三河徐兗之兵悉起交戰于吳楚

之地吳丞相都督以下梟戮十數偏裨行陣之徒戡斬萬計皆

其徵也 太康二年八月有星孛於張占曰為兵喪十一月星

孛于軒轅占曰後宮當之 四年三月戊申星孛于西南是年

齊攸任城王陵琅邪王休新都王詠莞 八年九月星孛于南

斗長數十丈十餘日滅占曰斗主爵祿國有大憂一日孛于斗

王者疾病天下易政大亂兵起

惠帝元康五年四月有星孛于奎至軒轅太微經三台大陵占曰

奎為魯又為庫兵軒轅為後宮太微天子庭三台為三司大陵

有積尸死喪之事 永康元年十二月彗星出牽牛之西指天

市 二年四月彗見齊分占曰齊有喪時齊王問起兵討趙王

倫倫滅周明年復敗 太安元年四月彗星晝見 二年三月

彗見東方指三台占曰兵喪象三台為三公 三年正月東海

王趙執太尉長沙王又張方又殺之 永興二年八月有星孛

於昂畢占曰為兵喪昂畢又趙魏分野十月丁丑有星孛于北

斗彊國發兵諸侯爭權是後諸王交兵皆有應

成帝咸和四年七月有星孛于西北犯斗二十三日滅占曰為兵

亂十二月郭默殺江州刺史劉胤荆州刺史陶侃討默斬之時

石勒又始僭號 咸康二年二月辛巳彗星夕見西方在奎占

曰為兵喪奎又為邊兵三年正月石季龍僭天王位四年石季

龍伐慕容皝不克既退皝追擊之又破麻秋時皝稱蕃邊兵之

應也 六年二月庚辰有星孛於太微

康帝建元元年十一月六日彗星見亢長七尺白色占曰亢為朝

廷主兵喪

穆帝永和五年十一月乙卯彗星見於亢芒西向色白長一丈

六年正月丁丑彗星又見于亢占曰為兵喪疾疫其五年八月

褚裒北征兵敗十一月冉閔殺石遵又盡殺胡十餘萬人於是

中土復大亂十二月褚裒薨是年大疫 升平二年五月丁亥

彗星出天船在胃占曰為兵喪除舊布新出天船外夷侵一日

為大水四年五月天下大水

哀帝興寧元年八月有星孛于角亢入天市按占曰為兵喪

孝武寧康元年正月丁巳有星孛于女虛經氏亢角軫翼張至二

月丙戌彗星見于氐九月丁丑有星孛于天市占曰為兵喪太

元元年七月符堅破涼州虜張天錫 太元十五年七月壬申

有星孛于北河或經太微三台文昌入北斗色白長才餘丈八

月戊戌入紫微乃滅占曰北河或一名胡門胡門有兵喪掃太

微入紫微王者當之三台為三公文昌為將相將相三公有災

入北斗諸侯戮一日掃北斗彊國發兵諸侯爭權大人憂

安帝隆安四年二月己丑有星孛于奎長三丈上至閣道紫宮西

蕃入北斗魁至三台三月遂經于太微帝座端門十二月戊寅

有星孛于貫索天市天津占曰貴臣獄死内外有兵喪 義熙

十一年五月甲申彗星二出天市掃帝座在房心北房心宋之分野按占得彗柄者興除舊布新宋興之象 十四年五月庚子有星孛于北斗魁中七月癸亥彗星出太微西柄起上相星下芒漸長至十餘丈進掃北斗紫微中台

恭帝元熙元年正月戊戌有星孛于太微西蕃

宋武帝永初三年二月丙戌有星孛于靈危十一月戊午有星孛于營室

少帝景平元年正月乙卯有星孛于東壁十月己未未星孛于氏

文帝元嘉十九年九月丙辰有客星在北斗因為彗入文昌貫五車掃畢拂天節經天苑季冬乃滅 二十六年十月癸卯彗星

見于太微 二十八年四月乙卯彗星見于昴六月壬子見太微中對帝座

齊和帝中興元年三月乙巳彗星竟天

梁武帝大同五年十月辛丑彗出南斗長一尺餘東南指漸長一大餘十一月乙卯至婁滅占曰天下有謀王者其八年五月安

成民劉敬恭挾左道反黨與數萬九年李賁稱皇帝于交州

陳文帝天嘉元年九月癸丑彗星長四尺芒指西南占曰彗星見則敵國兵起得本者勝其年周將獨孤威領眾趣巴湘侯瑱襲破之 六年六月辛酉有彗長丈餘見于上台占曰陰謀姦宄起一曰宮中火起

廢帝光大二年六月丁亥彗星見

宣帝大建七年四月丙戌有星孛于大角 十二年十二月辛巳彗星見西南占曰有兵喪

後魏明元帝泰常元年五月甲申彗星二見

北齊武成帝河清四年三月彗星見占曰除舊布新易主至四月傳位太子

後主天統元年六月壬戌彗星出文昌東北其大如手後移長乃至丈餘百日乃滅 四年彗星見于東井七月孛星見房心白

如粉絮大如斗東行八月入天市漸長四丈犯瓠瓜歷虛危入室犯離宮九月入奎至婁而滅孛亂之氣占曰兵喪並起易政大臣誅

周武帝保定五年六月庚申彗星出三台入文昌犯上將後經紫

宮西垣入危漸長一大餘指室壁後百餘日稍短長二尺五寸虛危滅齊之分野 天和三年六月甲戌彗見東井長一丈上

白下赤而光漸東行至七月癸卯在鬼北八寸所乃滅占曰為兵國政崩壞將軍死大臣誅 建德三年四月乙卯星孛于紫

宮垣外大如拳赤白指五帝座漸東南行稍長一丈五尺五月甲子至上台北滅

隋文帝開皇八年十月甲午孛星孛于牽牛 十四年十一月癸未彗星孛于虛危及奎婁齊魯之分野其後魯公虞慶則

伏法齊公高穎除名

煬帝大業三年二月己丑彗星見於東井文昌歷大陵五車北河入太微掃帝座前後百餘日而止 四年彗星出五車掃文昌至房而滅 十一年六月有星孛于文昌東南長五六寸色黑而銳夜動搖西北行數日至文昌去宮四五寸不入却行而滅占曰為急兵其八月突厥圍帝于鴈門矢及帝前 十三年六月有星孛于太微五帝座色黃赤長三四尺所數日而滅九月彗見于營室

唐高祖武德九年二月壬午有星孛于胃昂間丁亥孛于卷舌孛與彗皆非常惡氣所生而孛災甚于彗

太宗貞觀八年八月甲子有星孛于虛危歷玄枵乙亥不見 十三年三月乙丑有星孛于昂畢 十五年六月己酉有星孛于太微犯郎位七月甲戌不見

高宗龍朔三年八月癸卯有彗星于左攝提長二尺餘乙巳不見攝提建時節大臣象 乾封二年四月丙辰有彗星于東北在五車畢昂間乙亥不見 上元二年十二月壬午有彗星于角亢南長五尺 三年七月丁亥有彗星于東井指北河長三丈餘東北光芒益盛長三丈指中台指文昌九月乙酉不見東井京師分中台文昌將相位兩河天闕也 開耀元年九月丙申有彗星于天市中長五丈漸小東行至河鼓癸丑不見市者貨

食之所聚以衣食生民者一日帝將遷都河鼓將軍象 永淳

二年三月丙午有彗星于五車北四月辛未不見

中宗景龍元年十月壬午有彗星于西方十一月甲寅不見 二年二月丁酉有星孛于胃昂間八月壬辰有星孛于紫宮

睿宗延和元年六月有彗星自軒轅入太微至大角滅

明皇開元十八年六月甲子有彗星于五車癸酉有星孛于畢昂 二十六年三月丙子有星孛于紫宮垣歷北斗魁旬餘因雲陰不見

肅宗乾元三年四月丁巳有彗星于東方在婁胃間色白長四尺東方疾行歷昂畢觜鶻參東井輿鬼柳軒轅至右執法西凡五旬餘不見閏月辛酉朔有彗星于東方長數丈至五月乃滅滅婁為魯胃昂畢為趙觜鶻參為唐東井輿鬼為京師分柳其其半為周分二彗仍見者荐禍也又婁胃間天倉

代宗大歷元年十二月己亥有彗星于瓠瓜長尺餘經二旬不見犯宦者星 五年四月己未彗星于五車光芒蓬勃長三丈餘五月己卯彗星見于北方色白癸未東行近八穀中星六月癸卯近三公己未不見占曰色白者太白所生也

憲宗元和十二年正月戊子有彗星于畢 穆宗長慶元年正月己未有星孛于翼二月丁卯孛于太微西上將六月有彗星于昂長一丈凡十日不見

文宗太和二年七月甲辰有彗星于右攝提南長二尺 八年九月辛亥有彗星于太微長丈餘西北行越郎位庚申不見 開成二年三月丙午有彗星于危長七尺餘西指南斗戊申在危西南芒耀愈盛癸丑在虛辛酉長丈餘西行稍南指壬戌在婺女長二丈餘廣三尺癸亥愈長且濶三月甲子在南斗乙丑長五丈其末兩岐一指似一掩房丙寅長六丈無岐北指在亢七度丁卯西北行東指己巳長八丈餘在張癸未長三尺在軒轅右不見凡彗星辰出則西指夕出則東指乃常也未有遍指四方凌犯如此之甚者八月丁酉有彗星于虛危虛危為元枵枵耗名也 三年十月乙巳有彗星于軫魁長二丈餘漸長西指十一月乙卯有彗星于東方在箕尾東西亘天十二月壬辰不見 四年正月癸酉有彗星于羽林衛分也閏月丙午有彗星于卷舌西北二月己卯不見 五年二月庚申有彗星于營室東壁間二十日滅十一月戊寅有彗于星于東方燕分也 武宗會昌元年七月有彗星于羽林營室東壁間也十一月壬寅有彗星于北落師門在營室入紫宮十二月辛卯不見并州分也 宣宗大中六年三月有彗星于紫參參唐星也 十一年九月乙未未有彗星于房長三尺 懿宗咸通五年五月己亥夜漏未盡一刻有彗星出東方色黃白

長三尺在婁徐州分也 九年正月有彗星于婁胃 十年八月有彗星于大陵東北指占為外夷兵及水災 僖宗乾符四年五月有彗星 光啟元年有彗星于積水積薪之間 二年五月丙戌有星孛于尾箕歷斗北斗攝提占曰貴臣誅 昭宗大順二年四月庚辰有彗辰星于三台東行入太微掃大角天市長十丈餘五月甲戌不見宦者陳匡知星奏曰當有亂臣入宮三台太一三階也太微大角帝庭也天市都市也 景福元年十一月有星孛于斗牛占曰越有自立者 二年三月天久陰至四月乙酉夜雲稍開有彗星于上台長十丈餘東行入太微掃大角入天市經三旬有七日益長至二十餘丈因雲陰不見 乾寧元年正月有星孛于鵝首秦分也 天祐二年四月甲辰有彗星見于河北貫文昌長三丈餘陵中台下台五月乙丑夜自軒轅左角及天市西垣光芒猛怒其長亘天丙寅雲陰至辛未少霽不見兩河為天關在東井間而北河中國所經也文昌天之六司天市都市也 梁太祖乾化二年四月壬申彗出張甲戌彗出靈臺 後唐明宗天成三年十月庚午彗出西南長丈餘東南指在牛宿五度至三夕不見 末帝清泰三年九月己丑彗出靈危長尺餘形微細經天壘哭星

晉高祖天福六年九月壬子彗出西方掃天市垣長丈餘 八年

十月庚戌彗見東方西指尾迹長一尺在角九度

周世宗顯德三年正月壬戌夜有星孛于參宿其芒指于東南

宋太祖皇帝開寶八年六月甲子彗出柳長四丈晨見東方西南

指歷與鬼至東壁凡十一舍八十三日而滅是歲平江南

太宗端拱二年六月戊子有彗出東井積水西青白色光芒漸長

晨見東北旬日夕見西北歷右攝提凡三十日至亢沒

真宗咸平元年正月甲申有彗出營室北光芒尺餘至丁酉凡十

四日滅 六年十一月甲寅有星孛于井鬼大如杯色青白光

芒四尺餘至犯西五諸四侯歷五車入參凡三十餘日沒占有

燕兵明年冬契丹入寇 天禧二年六月辛亥彗出北斗魁第

二星東北長三尺許與北斗第一星齊北行經天牢拂文昌長

三丈餘歷紫微三台軒轅遠行而西至七星凡三十七日沒

仁宗明道二年戊戌東北方有合譽星見其色黃白有光芒長二

尺許或以為彗 景祐二年八月壬戌夜有星孛于張翼長七

尺濶五寸十二日而沒十二月己未夜有星出外屏有芒氣

皇祐元年二月丁卯彗出虛晨見東方西南指歷紫微至婁凡

一百一十四日而沒占曰有兵喪 嘉祐元年七月彗出紫微

歷七星其色白長丈餘至八月癸亥滅 英宗治平三年三月己未彗出營室晨見東方長七尺許西南指

危泊墳墓漸東遠行近日而伏至辛巳夕見西北有星無芒彗

益東行別有白氣一濶三尺許貫紫微極星并房宿首尾入濁

益東行歷文昌北斗貫尾至壬午星復有芒彗長丈餘濶三尺

許東北指歷五車白氣為歧橫天貫北河五諸侯軒轅太微五

帝座內五諸侯及角亢氐房宿癸未彗長丈五尺有星孛氣如

一升器歷營室至張北一十四舍積六十七日星氣孛皆滅占

曰白氣長星也孛氣孛也光如帚者彗也為兵喪水旱饑疫之

災

神宗熙寧八年十月乙未星出東南軫度中如填青白丙申西北

生光芒長三尺斜指軫若彗丁酉光芒長五尺戊戌長七尺斜

指左轄至丁未入濁不見主兵喪 元豐三年七月癸未彗出

西北太微垣即位南白氣長一丈斜指東南在軫度中丙戌向

西北方行在翼度中戊子長三尺斜穿即位癸卯犯軒轅至丁

酉入濁不見庚子晨復出于張度中至戊午凡三十有六日沒

不見主即位除舊布新兵喪火災又主京城有兵變

哲宗紹聖四年八月己酉彗出氐度中如填有光色白氣長三尺

斜指天市垣巴星九月壬子光芒長五尺入天市垣己未犯天

市官者主侍臣有憂庚申犯天市垣帝座戊辰沒不見主兵喪

大水及赦又主五穀大貴侍臣有憂又主人民亂大臣憂

徽宗崇寧五年正月戊戌彗出西方如杯口大光芒散出如碎星

長六丈濶三尺斜指東北自奎宿婁胃昂畢後入濁不見主兵
喪大饑西北宜備之 大觀四年五月丁未彗出奎婁光芒長
六尺北行入紫微垣至西北入濁不見主水旱穀傷兵饑人主
惡之

欽宗靖康元年六月壬戌彗出紫微垣主天下兵變破軍亡國閏
十一月彗竟天時金人入寇京城失守

高宗紹興元年十二月戊寅彗星見 二年八月甲寅彗見胃占
彗大則除舊布新兵饑疫癘水旱交興至九月甲戌乃沒次年
金陷金州入興元 十五年四月戊寅彗出東方宿度內五十
餘日乃沒占為兵饑臣下失忠務私彗掃除之丙申復出參度
旬有五日乃伏是歲蒙國始建號改元五月丁巳彗星因為客
星其色青白占喪 十六年十二月戊戌彗出西南危宿 十
七年正月乙亥彗出東北方女宿二月二日乃伏 二十二年
七月丙午彗見東北方井宿內丁未其星如木星光芒長二尺
占天所以去無道建有德彗出有叛者兵起大水晉邦尤甚彗
晨見東方又為君臣爭明癸丑夜彗星犯五諸侯占大臣憂執
法之臣凶

孝宗淳熙二年七月辛丑夜西北泛出一小星在紫微垣外七公
星之上小如火星參然蓬勃體氣蒼白是為彗星占彗星惡氣
所生為亂兵又云參然彗馬兵之類也無內亂則水兵天下合

謀闇蔽不明有所傷害災甚於彗

寧宗嘉定十五年八月甲午彗星出右攝提光芒三丈已上其體
小如木星凡兩月行歷房心乃沒占彗本類星末類彗大則
除舊布新天所以去無道而建有德彗出有叛者兵起其國彗
星昏見其國受兵於是其應金主昶九月壬戌彗星消伏

理宗紹定三年十一月丁酉有星孛于天市垣屠肆星之下明年
二月壬午乃消 五年閏九月庚戌彗星出于角詔中外臣僚
指陳缺失諸路監司察守令之貪廉仁暴及民間利便疾苦以
聞十月己未始消 嘉熙四年正月辛未彗星出營室甲午犯
王良西南第二星三月辛未始滅 景定五年七月甲戌彗星
見于柳芒角燭天長十餘丈日高方歛凡月餘己卯退于鬼辛
己退于井戊戌退于參八月戊午消伏甲子復見于參辛未化
為霞氣凡四月乃滅詔中外直言臺諫士庶皆上書乞罷公田
遼太宗會同四年九月壬申有星孛于晉分
聖宗開泰三年正月丁酉夕彗星見西方

道宗咸雍二年三月壬午彗星見西方 太康五年十二月丙午
彗星犯尾 壽隆三年八月乙巳彗星見西方

金太宗天會十年八月辛亥彗星出于文昌
熙宗皇統五年四月丙申彗星見于西北長丈餘至五月壬戌始
滅 七年正月辛未彗星出東方長丈餘凡十五日滅

宣宗興定六年八月己卯彗星出于角亢右攝提周鼎之間指大角九月丁未滅太史奏除舊布新之象宜改元修政以消天變于是改是年為元光元年

哀宗天興元年閏九月己酉彗星見東方色白長丈餘彎曲如象牙出角軫南行至十二日長二丈十六日月燭不見二十七日

五更復出東南約長四丈餘至十月一日始滅凡四十有八日元世祖至元年七月甲戌彗星出與鬼昏見西北貫上台掃紫微文昌及北斗旦見東北凡四十餘日詔改元大赦天下

十四年癸亥彗星出東北長四尺餘三十年十月庚寅彗星入紫微垣抵斗魁光芒尺許凡一月乃滅

仁宗皇慶二年三月丁未彗出東井 延祐二年十一月丙午客星變為彗犯紫微垣歷軫至壁十五宿明年二月庚寅乃滅

順帝至元三年四月甲戌有星孛於王良至七月壬寅沒于貫索五月丁卯彗星見于東北如天船星大色白約長尺餘指西南

在昴五度戊辰往西南行日益速至六月辛未芒彗愈長約二尺餘丁丑掃上丞己卯光芒愈甚約長三尺餘入圓衛壬午掃

華蓋杜星乙酉掃勾陳大星及天皇帝丙戌貫四輔經樞心甲午出圓衛丁酉出紫微垣戊戌犯貫索掃天紀七月庚子掃

河間癸卯經晉鄭入天市垣丙午掃列肆乙酉太陰光盛微辨芒彗出天市垣掃梁星至辛酉光芒微小在房宿鍵閉之上罰

星中星正西日漸南行凡見六十有三日自昴至房歷一十五宿至八月庚午乃滅 六年二月己酉彗星如房星大色白狀如粉絮尾跡約長五寸餘彗指西南在房七度漸往西北行至三月庚辰凡見三十有二日 至正十一年十一月辛亥彗星見於奎癸丑見於婁甲寅見于胃乙卯亦如之丙辰見于昴丁巳微見于畢 十六年八月甲戌彗星見于正東如軒轅左角大色青白彗指西南約長尺餘在張十七度一十分至十月

十二戌午滅跡西北行四十餘日 二十年三月戊子彗星見于東方 二十二年二月乙酉彗星見光芒約長丈餘色青白在危七度二十分丁酉犯離宮西星至二月終光芒約長二丈餘三月戊申不見星形惟有白氣形曲竟天西指掃大角壬子行過太陽前惟有星形無芒如酒杯大昏濛色白在昴六度至戊午始滅跡六月辛巳彗星見于紫微垣在牛二度九十分色白光芒約長尺餘東南指西南行戊子掃上宰至七月乙卯始滅 二十三年三月辛丑彗星見東方經月乃滅 二十六年九月庚子彗星見于紫微垣北斗權星之側色如粉絮約斗大往東南行犯天棓辛丑在尾十八度五十分壬寅在女二度五十分癸卯在女九度九十分甲辰在虛初度八十分乙巳出紫微垣北斗權星玉衡之間在軫東南行犯天棓經漸臺輦遠去虛宿墨壁陣西方星始滅

15824 丹 續修四庫全書 2 子部

明太祖洪武元年正月庚寅彗星見于昂畢三月辛卯彗星出昂
北大陵天船間長八尺餘指文昌近五車四月己酉沒于五車
北 六年四月彗星三入紫微垣 二十四年四月丙子彗星
二一入紫微垣闔闔門犯天牀一犯六甲掃五帝內座
成祖永樂五年十一月丙寅彗星見 十三年八月有星孛于南
斗

宣宗宣德六年四月戊戌有星孛于東井長五尺餘 七年正月
壬戌彗星出東方長丈餘尾掃天津東南行十月始滅是月戊
子又出西方十有七日而滅 八年閏八月壬子彗星出天倉
旁長丈許己巳入貫索掃七公己卯復入天市垣掃晉星二十
有四日而滅

英宗正統四年閏二月己丑彗星見張宿旁大如彈丁酉長五丈
餘西行掃酒旗迤北犯鬼宿六月戊寅彗星見畢宿旁長丈餘
指西南計五十有五尺乃滅 九年七月庚午彗星見太微東
垣長丈許累日漸長至閏七月己卯入角沒 十四年十二月
壬子彗星見天市垣市樓旁歷尾度長二尺餘至乙亥沒

景帝景泰元年正月壬午彗星出天市垣外掃天紀星 三年三
月甲午朔有星孛于畢 七年四月壬戌彗星東北見于胃長
二尺指西南五月癸酉漸長丈餘戊子西北見于柳長九尺餘
掃犯軒轅星甲子見于張長七尺餘掃太微北西南行六月壬

寅入太微垣長尺餘十二月甲寅彗星復見於畢長五寸東南
行漸長至癸亥而沒

英宗天順元年五月丙戌彗星見于危若動搖者東行一度甚長
五寸指西南六月癸巳朔見室長丈餘由尾至東壁犯天大將
軍卷舌第三星井宿水位南第二星十月己亥彗星見于角長
五寸餘指北犯角北星及平道東星 三年十月彗星見 五
年六月戊戌彗星見東方指西南入井度七月丙寅始滅

憲宗成化元年二月彗星見三月又見西北長三丈餘三閱月而
沒 四年七月有星孛于台斗九月己未有星東北行越五日
芒長三丈餘尾指西南變為彗星其後晨見東方昏見室南犯
三公北斗掃光七公轉入天市垣出垣漸小犯天屏西第一星
十一月庚辰始滅 七年十二月甲戌彗星見天田西指尋北

行犯右攝提掃太微垣上將及幸臣太子從官尾指正西橫掃
太微垣即位己卯光芒長丈東西竟天北行二十八度餘犯天
槍掃北斗三公太陽入紫微垣內正晝猶見自帝星北斗魁庶
子后宮勾陳天樞天三師天宰中台天皇大帝上衛閣道文昌
上台無所不犯乙酉南行犯婁天河天陰外陰天囿至八年正
月丙午行奎宿外屏漸微久之始滅

孝宗弘治三年十一月戊戌彗星見天津南尾指東北犯人星歷
杓白十二月戊申朔入營室庚申犯天倉 十三年四月甲午

彗星見壘壁陣上入室壁間漸長三尺餘指離宮掃造父過太

微垣漸入紫微垣近女史犯尚書六月丁酉沒

武宗正德元年七月己丑有星見紫微西藩外如彈丸色蒼白越

數日有微芒見參井間漸長二尺如帚西北至文昌庚子彗星

見有光流東南長三尺越三日長五尺誅掃下台上星入太微

垣十五年正月彗星見十六年正月有星字于東南噴之

橫絕東西復為鈞屈

世宗嘉靖二年六月有星字于天市十年閏六月乙巳彗星見

于東井長尺餘掃軒轅第一星芒漸長至翼長七尺餘東北掃

天樽入太微垣掃郎位行角度東南掃亢北第二星漸欽積三

十四日而沒十一年三月彗星見八月己卯彗星見于東井

長尺許後東北行歷天津漸至丈餘掃太微垣諸星及角宿天

門至十二月甲戌凡一百一十五日而滅十二年六月辛巳

彗星見于五車長五尺餘掃大陵及天大將軍漸長丈餘掃閣

道犯滕蛇五至八月戊戌而滅十八年四月庚戌彗星見長

三尺許光指東南掃軒轅第八星旬日始滅三十三年五月

癸亥彗星見天權旁犯文昌行入近濁積二十七日而沒三

十五年正月庚辰彗星見進賢旁長尺許西南指漸至三尺餘

掃太微垣次相東北入紫微垣犯天林四月二日滅三十六

年九月戊辰彗星見天市垣列肆旁東北指至十月二十三日

滅

穆宗隆慶三年十月辛丑朔彗星見天市垣東北指至庚申滅

神宗萬曆五年十月戊子彗星見西南蒼白色長數丈氣成白虹

由尾箕越斗牛逼女經月而滅八年八月庚申彗星見東南

方每夜漸長縱橫河漢凡七十日有奇九年三月彗星見紫

微垣尾射西北十年四月丙辰彗星見西北形如匹練尾指

五車歷二十餘日滅十三年九月戊子彗星出羽林旁長尺

餘每夕東行漸小至十月癸酉滅十九年三月丙辰西北有

星如彗長尺餘歷胃室壁長二尺閏三月丙寅朔入婁二十

一年七月乙卯彗星見東井乙亥逆行入紫微垣犯華蓋二

十四年六月己酉彗星見東北芒指西南七月丁丑彗星見西

北如彈丸入翼長尺餘西北行三十五年八月辛酉朔彗星

見東井指西南漸往西北壬午自房歷心滅四十六年十月

乙丑彗星出于氐長丈餘指東南漸至西北掃犯太陽守星入

亢度西北掃北斗璿璣文昌五車逼紫微垣右至十一月甲辰

滅四十七年正月杪彗星見東南長數百丈光芒下射末曲

而銳末幾見於東北又未幾見於西

愍帝崇禎十二年秋彗星見參分十三年十月丙戌彗星見

欽定天文正義卷七十四

流星占考

流星占考 星占考附

春秋魯莊公七年夏四月辛卯夜中星隕如雨左傳星隕如雨
與雨偕也

僖公十六年春王正月戊申朔隕石于宋五左傳隕星也

秦始皇三十六年熒惑守心有隕星下東郡至地為石

漢惠帝三年隕石縣諸一

孝武帝元光中天星盡搖上以問候星者對曰星搖者民勞也

後伐四夷百姓勞于兵革 征和四年二月丁酉隕石雍二

天晏無雲聲聞四百里

昭帝始元中流星下燕萬載宮極東去法曰國恐有誅 元平

元年二月甲申晨有大星如月有衆星隨而西行大星如月

大臣之衆衆星隨之衆皆隨從之象也天文以東行為順西

行為逆此大臣欲行權以安社稷三月丙戌流星出翼軫東

北于太微入紫宮始出小旦入大有光入有頃聲如雷三鳴

止

元帝建昭元年正月戊辰隕石梁國六

成帝建始元年九月戊子有流星出文昌色白光燭地長可四

丈大一圍動搖如龍蛇形有頃長五六丈大四圍所詘折委

曲貫紫宮西在斗西北于亥間後詘如環北方不合留一刻

許占曰文昌為上將貴相時帝舅王鳳為大將軍其後宣帝

子王商為丞相皆貴重任政鳳如商譖罷商自殺親屬皆廢
熹 四年正月癸卯隕石膏四肥累一 陽朔三年二月壬
戌隕石白馬八 四年閏月庚午飛星大如缶出西南入斗
下占曰漢使匈奴明年單于死漢遣使往吊 鴻嘉二年五
月癸未隕石杜衍三 永始二年二月癸未夜過中星隕如
雨長一二丈繹繹未至地滅至鷄鳴止谷永對曰日月星辰
燭臨下土其有石隕之異則遐邇幽隱靡不咸睹星辰附麗
於天猶庶民附離者也王者失道綱紀廢頓下將叛去故星
叛天而隕以見其象春秋記異星隕最大自魯莊以來至今
再見臣聞三代所以喪亡者皆繇婦人羣小湛酒于酒書云
乃用婦人之言四方之逋逃多罪是信是使詩曰赫赫宗周
褒姒威之顛覆厥德荒沈于酒及秦所以二世而亡者養生
大秦奉終大厚方今國家兼而有之社稷宗廟之大憂也
元延元年三月隕石都關一四月丁酉日舖時天暝晏股股
如雷聲有流星頭大如缶長十餘丈皎然赤白色從日東南
去四面或大如盂或如雞子燿燿如雨下至昏止郡國皆言
星隕春秋星隕如雨為王者失勢諸侯起伯之異也 綏和
元年正月辛未有流星從東南入北斗長數十丈二刻所息
占曰大臣有繫者其年十一月庚子定陵侯淳于長坐執左
道下獄死

哀帝建平元年正月丁未隕石北地十其九月甲辰隕石虞二
平帝元始二年六月隕石鉅鹿二
光武建武十年三月癸卯流星如月從太微出入北斗魁第六
星色白旁有小星射者十餘枚滅則有聲如雷食頃止流星
為貴使星大者使大星小者使小太微天子廷北斗魁主殺
星從太微出抵北斗魁是天子大使將出有所伐殺十二月
己亥大流星如缶出柳西南行入軫且滅時分為十餘如遺
火狀須臾有聲隱隱如雷柳為周軫為秦蜀大流星出柳入
軫者是大使從周入蜀是時光武帝使大司馬吳漢發南陽
卒三萬人乘船泝江而上擊蜀十二年十一月丁丑敗公孫
述兵殺述明日漢入屠蜀城誅述大將公孫晃延岑等所殺
數萬人夷滅述妻宗族萬餘人以上是大將出伐殺之應也
其小星射者及如遺火分為十餘皆小將相隨之象有聲如
雷隱隱者兵將怒之徵也 十二年正月己未小星流百枚
以上或西北或正北或東北二夜止六月戊寅晨小流星百
枚以上四面行小星者庶民之類流行者移徙之象也或西
北或東北或四面行皆小民流移之徵是時西討公孫述北
征盧芳匈奴助芳侵邊漢騎將軍馬武騎都尉劉鈞闔興軍
下曲陽臨平呼沱以備匈奴入河東中國未安米穀荒貴
民或流散後三年吳漢馬武又徙鴈門代郡上谷關西縣吏

民六萬餘口置常關居庸關以東以避胡寇是小民流徙之
應十月丁卯大星流有光發東井西行聲隱隱都萌占曰流
星出東井所之國水 中元二年十月戊子大流星從西南
東北來聲如雷流星為使中即將竇固楊虛侯馬武等將兵
西征也

孝明永平元年四月丁酉流大如斗起天市樓西南行光照地
流星為外兵西南行為西南夷是時益州發兵擊姑復蠻夷
大年替滅陵斬首傳詣洛陽 七年流星大如杯從織女西
行光照地織女天之真女流星出之女主憂

孝章建初元年二月甲寅流星過紫宮中長教文散為三滅為
大人忌 六年七月丁酉夜有流星起軒轅大如拳歷文昌
餘氣正白向西如文昌久久乃滅

孝和永元元年正月辛卯有流星起參長四又有光色黃白二
月流星起天棓東北行三文所滅色青白壬申夜有流星起
太微東蕃長三文三月丙辰流星起天津壬戌有流星起天
將軍東北行參為邊兵天棓為兵太微天廷天津為水天將
軍為兵流星起之皆為兵其六月漢遣車騎將軍竇憲執金
吾耿秉與度遼將軍鄧鴻出朔方並進兵臨私渠北鞬海斬
首萬餘級獲生口牛馬羊百萬頭日逐王等八十一部降凡
三十餘萬人追單于至西海是歲七月又雨水漂人民是其

欽定天文正義 卷七四

應也 二年二月丁酉有流星大如桃起紫宮東蕃西行五
丈稍滅四月丙辰有流星大如瓜起文昌東北西南行至少
微西滅有頃音如雷聲八月丁未流星如鷄子起太微西
東南行四丈所消十月癸未流星大如桃起天津西行六
丈所消十一月辛酉有流星大如拳起紫宮西行到胃消

三年九月丁卯有流星大如鷄子起紫宮西南至北斗柄間
消紫宮天子宮文昌少微為貴臣天津為水北斗主殺流星
起歷紫宮文昌少微天津文昌為天子使出有兵誅也竇憲
為大將軍與其弟篤景女弟婿郭舉等坐謀不軌伏誅 六
年六月己丑流星大如桃起參北西至參尾南消有光 七
年正月丁未流星起天津入紫宮中滅色青黃有光 八
年九月辛丑夜有流星大如拳起婁 十一年五月丙午流
星大如瓜起氏西南行稍有光白色占曰流星白為有使客
大為大使小亦小使疾期疾遲亦遲大如瓜為近小行稍有
光為遲也又正王日邊方有受王命者也明年二月蜀郡旄
牛徽外夷白狼樓薄種王唐繒等率種人口十七萬歸義內
屬賜金印紫綬錢帛 十四年十一月丁丑有流星大如拳
起北斗魁中北至閣道稍有光色赤黃須臾西北有雷聲
十六年十月辛亥流星起鉤陳北行三文有光色黃 元興
元年二月庚辰有流星起角亢五丈所消四月辛亥有流星起

斗東北行到須女七月己巳有流星起天市五丈所光色赤
閏月辛亥流星起斗東北行至須女須女燕地天市為外軍
其年遼東宿人反鈔六縣發上谷漁陽右北平遼西烏桓討
之

陽帝延平元年九月隕石陳留四傳曰隕星也董仲舒以為從
高反下之象或以為庶人惟星隕民困之象也

順帝永和三年二月辛丑有流星大如斗從西北東行長八九
尺色黃赤有聲隆隆如雷

桓帝延熹七年二月癸亥隕石右扶風一郡又隕石二皆有聲
如雷

靈帝光和元年四月癸丑流星犯軒轅第二星東北行入北斗
魁中流星為貴使軒轅為內宮北斗主殺是天子大使將出
有伐殺也至中平元年黃巾賊起上道中即將皇甫嵩等征
之斬首十餘萬級 中平中夏流星赤如火長三丈起河鼓
入天市抵觸宦者星色白長三丈後尾再屈食頃乃滅狀似
枉矢占曰枉矢流發其宮射所謂矢當直而枉者操矢者邪
枉人也六年大將軍何進謀盡誅中官中官覺于省中殺進
俱而破滅天下遂大壞亂

蜀後主建興十三年諸葛亮率大眾伐魏屯于渭南有長星赤
而芒角自東北西南流投亮營三投再還往大還小占曰兩

軍相當有大流星來走軍上及墜軍中者皆破敗之徵也九
月亮卒于軍焚營而退羣帥交怒多誅殘

魏明帝景初二年宣帝圍公孫文懿于襄平八月丙寅夜有大
流星長數十丈白色有芒熾從首山東北流墜襄平城東南

占曰圍城而有流星來走城上及墜城中者破又曰星墜當
其下有戰場九月文懿突圍走至星墜所被斬屠城坑其眾

元帝景元四年六月有大流星二並如斗見西方分流南北光
照地隆隆有聲按占流星為貴使星大者使大是年鍾鄧尅

蜀二星蓋二帥之象二帥相背又分流南北之應鍾會既叛
三軍憤怒隆隆有聲兵將怒之徵也

晉武帝泰始四年七月星隕如雨皆西流占曰星隕為百姓叛
西流吳人歸晉之象也 太康九年八月壬子星隕如雨

惠帝太安二年十一月辛巳有星晝隕中天北下光變白有聲
如雷按占曰營首營首所在下有大兵流血明年劉石攻峽

并州多所殘滅王俊起燕代引鮮卑攻掠鄴中百姓塗地有
聲如雷怒之象也 永興元年七月己丑星隕有聲 二年

十月星又隕有聲

晉懷帝永嘉元年九月辛卯有大星如日自西南流于東北小
者如斗相隨天晝赤聲如雷占曰流星為貴使星大者使大
是年五月汲桑殺東燕王騰遂據河北十一月始遣和郁為

征北將軍鎮鄴西田甄等大破汲桑斬于樂陵于是以甄為汲郡太守弟蘭鉅鹿太守小星相隨者小將副帥之象也司馬越怒魏郡以東平原以南皆黨于桑以賞甄等于是侵掠桑地有聲如雷忿怒之象也

元帝永昌元年七月甲午有流星大如筥長百餘丈青赤色從西方來尾分為百餘岐或散時王敦亂百姓流亡之應也

成帝咸康三年六月辛未流星大如二斗魁色青赤光耀地出

奎中沒婁北按占為饑五穀不藏是月大旱饑 六年二月

庚午朔有流星大如缶光耀地出天市西北入太微占曰大人當之

穆帝永和八年六月辛巳日未入有流星大如三斗魁從辰已

上東南行晷度推之在箕斗之間蓋燕分也按占為營首營首之下流血滂沱是時慕容儁僭稱大燕攻伐無邑 十年

四月癸未流星大如斗色赤黃出織女沒道父有聲如雷占

曰燕齊有兵百姓流亡其年十二月慕容儁據臨漳盡有

幽并青冀之地綠河諸將奔散河津隔絕慕容恪攻齊

海西公太和四年十月壬申有大流星西下有聲如雷明年遣

使免袁真為庶人桓溫征壽春真病死息瑾代立求救于符

堅溫破符堅軍六月壽春城陷

孝武太元六年十月乙卯有奔星東南經翼軫聲如雷占曰楚

地有兵軍破百姓流亡十二月符堅荊州刺史梁成襄陽太

守關震率眾伐竟陵桓石虔擊大破之生擒震斬首七千獲

生口萬人聲如雷將帥怒之象也 十三年閏月戊辰天狗

東北下有聲占曰有大戰流血自是後慕容垂翟遼姚萇符

登慕容永並阻兵爭強 十四年正月彭城妖賊又稱偽號

于皇邱劉牢之破滅之三月張道破合鄉太山向欽之擊破

之

安帝隆安五年三月甲寅流星赤色眾多西行經牽牛虛尾天

津閣道貫太微紫宮占曰星庶人類眾多西行眾將西流之

象經天子庭主弱臣強諸侯兵不制其年五月孫恩侵吳郡

殺內史六月至京口于是內外戒嚴營陣屯守劉裕追破之

元興元年七月大飢人相食浙江以東流亡十六七吳郡

吳興戶口減半又流奔而西者萬計十月桓元遣將擊劉軌

破走之軌奔青州

宋文帝元嘉十年十二月有流星大如甕尾長二十餘丈

梁武帝天監十年九月丙申天西北隆隆有聲赤氣下至地占

曰天狗也所往之鄉有流血其君失地其年十二月馬仙琕

大破魏軍斬馘十餘萬克復照山城 中大通四年七月甲

辰星隕如雨占曰星隕陰失其位災害之象萌也星隕如雨

人民叛下有專討大入憂 太清三年有流星長三十丈

元帝承聖元年十二月星隕吳郡 三年十一月周人圍江陵
有流星墜城中

白光明照地聲若風吹幡旗七月壬子有流星大如斗出五
車東北流光明燭地

陳文帝天嘉六年三月丁卯日入後衆星未見有流星白色大

隋文帝開皇元年十一月己巳有流星聲如墮牆光燭地占曰

如斗從太微間南行尾長尺餘占曰有兵興喪

流星有光有聲名曰天保所墜國有喜其九年平陳天下一

後魏道武帝登國四年三月丁未有大流星東南行尾屬地六

統 五年八月戊申有流星數百四散而下占曰小星四面

七丈有聲 九年有星墜于河北聲如雷震光明燭天地

流行者唐人流移之象其九年平陳江南士人悉播遷京師

文成帝興安元年五月辛亥流星大如五斗許西南為六七段

煬帝大業十一年十二月戊寅大流星如斛墜賦廬明月營破

有聲

其衝輜壓殺十餘人占曰奔星所墜破軍殺將其年王克擊

獻文帝大安元年十一月乙酉有流星照地啾啾有聲

廬明月城破之 十二年五月癸巳大流星隕于吳郡為石

孝靜帝武定四年九月丁未高祖圍玉壁城有星墜于營衆驢

占曰有大戰破軍殺將其後大軍破逆賊劉元進於吳郡八

皆鳴占曰破軍殺將

月壬子有大流星如斗出王良間道聲如墮墻癸丑大流星

周武帝天和三年二月庚午有流星大如斗出在攝提流至天

如甕出羽林 十三年五月辛亥大流星如甕墜于江都

津滅有聲如雷 建德六年十二月癸丑流星大如月西流

唐高祖武德三年十月己未有星隕于東郡隱隱有聲

有聲蛇行屈曲光照地占曰兵大起下有戰場戊辰平旦有

太宗貞觀二年天狗隕于夏州城中 十四年八月有星隕于

流星大如三斗器色赤出紫宮窺着天乃北下

高昌城中 十六年六月甲辰西方有流星如月西南行三

宣帝大象元年六月丁卯有流星大如鷄子出氏中西北流有

文乃滅占曰星甚大者為人主 十八年五月流星出東壁

尾迹長一丈所入月中即滅己丑有流星一大如斗色青有

有聲如雷占曰聲雷者怒象 十九年四月己酉有流星向

光明照地出營室抵壁入濁 二年四月乙丑有星大如斗

北斗柄杓而滅

出天厨流入紫宮抵鈎陳乃滅占曰有大喪兵大起將軍戮

高宗永徽三年十月有流星貫北極 四年十月十日睦州女

五月甲辰有流星一大如三斗器出太微端門流入翼色青

于陳石真反婺州刺史崔義元討之有星隕于賊營 乾封

元年正月癸酉有星出太微東流有聲如雷、咸亨元年十一月、西方有流星聲如雷、調露元年十一月戊寅流星入北斗魁中、己巳流星燭地有光使星也

中宗神龍三年、三月丙辰有流星聲如頽牆、光燭天地、景龍二年、二月癸未有大星隕于西南、聲如雷、野雉皆雉

睿宗景雲元年、八月己未有流星出五車至上台滅、九月甲申有流星出中台至相滅、太極元年正月辛卯有流星出太微至相滅、延和元年六月、幽州都督孫佺討奚契丹出師之夕有大星隕于營中

明皇開元二年、五月乙卯晦有星西北流或如甕或如斗貫北極、小者不可勝數、天星盡搖至曙乃止、占曰星民象流者失其所也、漢書曰星搖者民勞、十二年十月壬辰流星大如桃色赤黃有光燭地、占曰色赤為將軍使、天寶三年閏二月辛亥有星如月墜于東南、墜後有聲

肅宗至德二年、賊將武令珣圍南陽、四月甲辰夜中有大星赤黃色長數十丈、光燭地、墜賊營中、十一月壬戌有流星大如斗、東北流長數丈、蛇行屈曲有碎光迸出、占曰是謂枉矢、代宗廣德二年六月丁卯有妖星隕于汾州、十二月丙寅自乙夜至曙、星流如雨、大曆二年九月乙丑晝有星如一斗器、色黃有尾長六丈餘、出南方沒於東北、東北於中國則幽州

分也、三年九月乙亥有星大如斗、北流有光燭地、占為貴使、六年九月甲辰有星西流、大如一斗器、光燭地有尾、迸光如珠、長五丈、出婺女入天市、南垣滅、八年六月戊辰有流星大如一升、十年三月戊戌有流星出于西方、如二升器、有尾長二丈、入濁、十二年二月辛亥有流星如桃尾、長十丈、出貌瓜入太微

德宗建中四年八月庚申有星隕于京師、興元元年六月戊午、星或什或伍而隕、貞元三年閏五月戊寅、柱矢墜于虛危、十四年閏五月辛亥、有星墜于東北、光燭如畫、聲如雷、憲宗元和二年十二月己巳、西北有流星、亘天尾、散如珠、占曰有貴使、四年八月丁丑、西北有大星、東南流、聲如雷、鼓

六年三月戊戌、日晡天陰寒、有流星大如一斛、器墜于宛、鄂間、聲震數百里、野雉皆雉、所墜之上有赤氣、如立蛇、長丈餘、至夕乃滅、時占者以為日在戌、魯分也、九年正月有大星如半席、自下而升、有光濁地、羣小星隨之、四月辛巳、有大流星尾迹長五丈餘、光燭地、至右攝提西滅、十二年九月己亥、甲夜有流星起中天、首如甕尾如二百斛、船長十餘丈、聲如羣鴨、飛明若火炬、過月下西流、須臾有聲、聲墜地有大聲、如壞屋者三、在陳蔡間、十四年五月己亥、有大流星出北斗魁、長二丈餘、南抵軒轅、而滅、占曰有赦、赦視星之大小

欽定天文正義 卷七四

十五年七月癸亥有大星出鉤陳南流至婁滅

穆宗長慶元年正月丙辰有大星出狼星北色赤有尾迹長三

丈餘光燭地東北流至七星南滅七月乙巳有大流星出參

西北色黃有尾迹長六七丈光燭地至羽林滅八月辛巳東

北方有大星自雲中出色白光燭地前銳後大長二丈餘西

北流入雲中滅二年四月辛亥有流星出天市光燭地隱

隱有聲至即位滅市者小人所聚即在天建中主宿衛閏十

月丙申有流星大如斗抵中台上星三年八月丁酉夜有

大流星如數斗器起西北經奎婁東南流去月甚近近光散

落墜地有聲四年七月乙卯有大流星出天船犯斗魁樞

星而滅占曰有舟楫事丙子有大流星出天將軍東北入濁

敬宗寶曆元年正月乙卯有流星出北斗樞星光燭地入濁占

曰有歎二年五月癸巳西北有流星長三丈餘光燭地入

天市中滅占為有誅七月丙戌日初入東南有流星向南滅

以尋度推之在其斗間八月丙申有大流星出王良長四丈

餘至北杓滅王良奉車御官也

文宗太和四年六月辛未自昏至戊夜流星或大或小觀者不

能數七年六月戊子自昏及曙四方流星大小縱橫百餘

八年六月辛巳夜中有流星出河鼓赤色有尾迹光燭地

迸如散珠北行近天棓滅有聲如雷河鼓為將軍天棓者帝

之武備九年六月丁酉自昏至丁夜流星二十餘縱橫出

沒多近天漢開成二年九月丁酉有星大如斗長五丈自

室壁西北流入大角下沒行類枉矢中天有聲小星數百隨

之十一月丁丑有大星隕于興元府署寢室之上光燭庭宇

三五年月乙丑有大星出於柳張尾長五丈餘再出再沒

四年二月乙亥丁夜至戊夜四方中天星流大小凡二百

餘並西流有尾迹長二丈至五丈八月辛未流星出羽林有

尾迹長八丈餘有聲如雷羽林天軍也

武宗會昌元年六月戊辰自昏至戊夜小星數十縱橫流散占

曰小星民象七月庚午北方有星光燭地東北流經王良有

聲如雷十一月壬寅有大星東北流光燭地有聲如雷四

年八月丙午有大星如炬火光燭天地自奎婁掃北方七宿

而隕六年二月辛亥夜中有流星赤色如桃光燭地有尾

迹貫紫微入濁

懿宗咸通六年七月乙酉甲夜有大流星長數丈光燭如電羣

小星隨之自南徂北十三年春有二星從天際而上相從

至中天狀如旌旗乃隕

僖宗乾符二年冬有二星一赤一白大如斗相隨東南流燭地

如月漸大光芒猛怒三年晝有星如炬火大如五升器出

東北徐行隕于西北四年七月有大流星如盂自虛危歷

天市入羽林滅占為外兵 光啟元年八月己丑夜星隕如雨或如杯如椀者文流如織庚寅夜亦如之至丁酉止 三年十一月夜星隕于西北如雨 光啟二年九月有大星隕于揚州府署延和閣前聲如雷炎光燭地十月壬戌有星出於西方色白長一丈五尺屈曲而隕占曰長庚也下則流血 三年五月秦宗權擁兵于汴州北郊晝有大星隕于其營聲如雷是謂營頭其下破軍殺將

昭宗乾寧元年夏有星隕于越州後有光長丈餘狀如蛇或曰枉矢也 三年六月天暴雨雷電有星大如椀起西南墜于東北色如鶴練聲如羣鴻飛占為姦謀 光化元年九月丙子有大星墜于北方 三年三月丙午有星如二十斛船色黃前銳後大西南行十一月中天有大星自東緩流如帶屈曲光凝著天食頃乃滅是謂枉矢 天復三年二月帝自鳳翔其明日有大星如月自東濁際西流有聲如雷尾迹橫貫中天三夕乃滅 天祐二年三月乙丑夜中有大星出中天如五斗器流至西北去十丈許而止上有星芒炎如火赤而黃長丈五許而蛇行小星皆動而東南其隕如雨少頃沒後有蒼白氣如竹叢上衝天中色蒼青占曰亦枉矢也

梁太祖乾化元年十一月甲辰夜東方有流星如數升器出畢宿口曳光三丈餘有聲如雷

後唐莊宗同化三年六月甲申眾星交流丙戌眾星交流庚寅夜一鼓西南有流星約七十餘皆有尾迹西南流其年七月辛卯眾小星流于西南九月丁未天狗墜有聲如雷野雉皆鳴

明宗天成元年六月乙未眾小星交流 二年三月庚申眾小星流于西北 長興元年九月辛酉眾小星交流而隕丙戌夜二鼓初東北方有小流星入北斗魁滅至五鼓初西北方次北有流星狀如半升器初小後大速流入奎滅尾迹凝天屈曲似雲而散光明燭地又東北有流星如大挑出下台星向西北速流至斗柄第三星旁滅五鼓後至明中天及四方有小流星百餘流注交橫六月庚午眾星交流七月乙亥朔眾星交流

閏帝應順元年二月丁酉眾星流于西北 末帝清泰元年九月辛丑夜五鼓初有大星如五斗器西南流尾迹長數丈色赤移時盤屈如龍形蹙縮如二鐸相聞而散 又一星稍小東流有尾迹凝成白氣食頃方散 晉高祖天福三年三月壬申夜四鼓後東方有大流星狀如三升器其色白尾迹長二丈餘屈曲流出河鼓星東三尺東流丈餘滅

周世宗顯德元年正月庚寅有大星墜有聲如雷牛馬皆逸京

城以為曉鼓皆代鼓應之 三年正月癸亥五鼓後有大星
出南斗東北流丈餘滅

宋太祖建隆元年正月戊午有星出東北方如半升器青赤色

北行初小後大尾迹斷續光燭地九月癸亥有星出昴大如

在十二月戊辰有星如半升器青赤色出參旗西南慢行而

沒蒼光燭地 三年五月乙丑天狗墮西南占曰其地有兵

王師討西蜀孟昶既降草寇連年方定 四年二月丙午有

星如桃色赤如弧矢東南沒有光明 乾德二年二月乙丑

有星如三升器黃白色出太微五帝南速行至外厨沒其體

散落光燭地 三年六月丁巳有星如桃色黃赤出北斗魁

經太微垣北過角西漸大行五尺餘沒尾迹澁天有光明十

二月丁巳有星天出河青白色南行至天倉沒初小後大如

半升器光燭地 四年正月乙未有星出社星青白色速行

尾迹三丈餘初小後大沒有光明四月甲寅有星出天乳青

赤色如升器東南行貫房沒光燭地閏八月己丑有星出天

船如升器青白色西北速行沒於文昌 五年七月戊子有

星出大角如升器青白色北行沒明燭地 六年六月己卯

有星出河鼓如升器慢行明燭地 開寶三年九月庚午廣

州民見衆星皆北流知星者言劉氏當舉國以歸中原明年

廣南平 四年八月辛卯有星出織女西北行尾迹三丈餘

沒久有聲 五年八月乙巳有星出王良西北行四丈有聲
而散占云有聲怒也主使出 七年九月甲午有星出室西
北行星體散落有聲明燭地

太宗太平興國二年三月丙午有大星出天棓光燭地 三年

十月甲寅有星出天船赤黃色如二升器至天棓星體散落

明燭地七月辛巳有星如稱權沒于婁八月壬寅有星出紫

微鉤陳東如盈大赤黃色向北速行近北極沒占曰外國有

使至是冬三佛齊吐蕃山後兩林蠻來貢 雍熙元年十月

丁酉有星出昴赤色東南蛇行二丈餘沒占曰外國使至又

為姦邪之象 二年正月壬戌有星出東井其大倍于金星

至輿鬼沒占云西表來貢是歲占城邛部川蠻西南蕃來貢

四年六月庚戌酉初有星出西北色青白入濁當戌地有

聲如雷占曰戌地兵飢流血是後李繼遷擾西鄙八月乙亥

有星出天關色赤黃尾貫月 端拱元年四月辛亥時有

星出天津大如醜赤黃色蛇行有聲明燭地犯天津東北星

占云枉矢見逆臣誅其年陳廷山謀叛磔于市閏五月辛亥

丑時有星出奎如半月北行而沒占云有溝瀆事乙卯有星

出紫微鉤陳西大如醜色青尾迹短赤光燭地北行而沒九

月癸丑有星出西南如太白有尾迹至中天旁出一小星行

丈餘又出一小星相隨至五車沒占王兵戰賊欺 二年四

月辛亥戌時有星出東南如升器色白墜于氏房間占云宰相出明年春趙普留守西京壬申有星出漸臺大如盤色赤東南急行掩左旗過河鼓沒 淳化元年九月辛巳有星出羽林色青南行光奪月占曰禁兵出十一月壬午流星出天闕如半月南行歷東井即位攝提至大角東北墜于地光芒四照聲如墮牆占曰秦燕分兵疫水旱 二年正月丙申有星出水府西大如杯色赤黃經參其分為三星相從至天苑東沒光燭地七月癸酉有星出雲雨側大如杯色青白緩行三尺餘沒占云為大風發屋折木 三年三月乙酉未時西北方有星西北速行大如杯色青白有尾迹占云有陰謀將不和刑傷兵疫之象屬燕分四月己卯有星出文昌西南速行至柳分為二星而沒六月己丑有星出天市垣屠肆東色青白西北慢行丈餘分為三星從而沒 四年五月乙未平明有星東南出南斗大如杯色青白西北行而沒占云眾星沒流星出者為警動眾庶之象色青白主兵急流事速 五年八月己酉常星未見有星出東方色青白東北慢行入澗沒約出奎婁間占為兵眾之象九月庚午有星出昴北大如杯緩行過卷舌至礪石沒占云星大事大緩行事緩為候兵討賊殺將之象 至道元年四月乙巳常星未見有星出心北大如杯色青赤急行而墜占云兵眾七月癸丑有星出危

大如杯色青白入羽林沒占云為兵大起將軍出 二年五月辛丑有星出紫微北尾迹丈餘彗而有聲墜于室壁間占云所墜之地破軍殺將今墜北方主北蕃君長災五月己未日未及地五尺間有星出天中大如杯色赤黃有尾迹東北速行三丈餘沒占云動眾之象荆楚有兵役六月己卯有星出牽牛西歷狗國光芒丈餘墜東南及地無聲又有星出翼貫天廟墜于稷星東光燭地占云兵起命將宜告廟九月丁酉平明有星出北方大如杯東行三丈餘分為三星從而沒占云皇王發使慰四方 三年九月丁丑有星二隕于西南一出南斗一出牽牛有光三丈許

真宗咸平五年三月丙午有星畫出心至南斗沒赤光丈餘八月辛巳有星出營室大如杯色白有光九月丙申有星出東方西南行大如斗有聲若牛吼小星數十隨之而墜戊戌又有星千數入輿鬼至中台凡一大星偕小星數十隨之其間兩星如升器犬一至狼星一至南斗沒占曰燕朔民流徙又曰有兵不戰踰年契丹擾河朔請盟而去壬子有星出中天如在尾迹數道如迸火西流至狼弧沒 六年五月乙未有星出於王良西又出北極稍東北至垣外沒有聲如雷占曰遠人有歸伏者其年高麗三佛齊大食蒲端國並朝貢七月壬辰有星出昴尾迹長丈餘色白隱隱有聲至狼沒占曰有

赦明年改元大赦十二月乙酉威虜軍有星大如斗歷城西
北尾迹長數里光焰地落藩帳有聲如雷者三占曰有敗兵
流血殺將伏尸明年春李繼遷却西涼府為潘羅友所敗中
流矢死 景德元年十月戊申天雄軍有星出北方大如斗
隕于西北赤光又餘 二年正月丙子日未沒有星速流西
南大如杯占曰外國大使至是冬契丹使來四月癸卯有星
北流入天市如升器尾迹又餘十二月壬子有星出胃南聲
如雷光燭地 三年五月乙卯有星出天津東北至紫微垣
北分為四星隨而沒色赤黃有尾迹丁酉有星出胃北入天
圍逆為數星光燭地七月庚申有星出虛旁有短彗聲如雷
至東北沒赤光照地占曰秦楚有暴兵明年宜賊叛荆楚發
兵十一月辛丑有星出中台東北速流有聲光燭地 四年
六月丙辰有星出北方慢流至八穀逆為數星沒光燭地七
月辛卯有星出敗瓜南大如杯慢流歷河鼓入天市至宗人
東北逆為二星沒色赤黃有尾迹十二月癸巳有星出弧矢
赤黃色尾迹又餘光燭地速流入濁占曰燕趙飢 大中祥
符元年二月戊申有星十餘急流入濁色赤黃有尾迹五月
辛未有星如太白出天市垣宗人東南尾迹又餘濶三寸向
北慢流至女林西分為數星沒九月乙丑有星出天倉急流
東南星體散落 二年三月己未有星如斗器出天津南至

離珠沒尾迹五尺餘照地明占曰后宮憂四月丙申有星出
八穀如升器有尾迹速流西至五車東逆為數星而沒八月
丙申有星出北斗杓西南急行至即將西分為數段占曰燕
分飢 三年三月丁未有星出天市宗人東北如升器尾迹
二丈至旗逆為數星沒光燭地五月丁亥有星出北斗魁如
桃色青白尾迹二丈餘乙丑有星出傳舍如桃色赤黃至紫
微沒壬申有星出建星如升器入南斗沒赤色有尾迹七月
庚辰有星出宗人西如升器北流入濁光照地八月丁未有
星出貫索如升器至帝席沒尾迹光明九月庚辰有星出軒
轅如半升器入太微垣沒十月甲戌有星出東方赤黃無尾
迹分為數星稍南沒 四年二月辛亥有星出東方尾迹赤
黃二丈餘占為天保星所見吉四月乙丑有星出柳如升器
色赤黃至翼沒六月壬戌有星出觜東北如升器流入濁占
曰東北蠻夷憂七月壬申有星出紫微宮如升器速流至天
皇沒十月戊午有星出東北如升器流入濁又星出七星南
大如杯至天授沒尾迹又餘 五年二月戊申有星出貫索
經庫樓逆為數星沒八月戊午有星大小二十餘皆有尾迹
北流又一星如升器光燭地出紫微垣外尾迹餘濶三寸許
東北流至傳舍沒占有大慶大赦是冬聖祖降故常所不原
者 六年十一月丁巳有星出太微即位東大如杯色赤黃

有尾迹至軫北進為數星没占曰大臣憂 七年三月丙戌
有星出南河大如杯至玉井没占曰秦齊飢四月辛酉其星
有出鉤陳大如杯尾迹赤黃占曰發大使宣急令是歲遣撫
巡江淮兩浙 八年二月丁卯有星出即將北進為三星四
月癸丑有星出亢西至右攝提進為數星隨而没五月乙酉
有星大如杯青白色出人星至騰蛇没光燭地八月己亥有
星出參大如杯南流入濁 天禧元年四月己巳有星出軫
大如杯至器府北没光燭地十二月癸巳有星出東北大如
杯尾迹赤黃急流西南没 二年八月乙卯有星二大如杯
尾迹赤黃一出五車一出狼北入濁九月戊子有星如二升
器出西南河色赤黃至柳没 三年六月己巳有星出昂大
如杯急流至天倉没十二月壬寅有星出軒轅大如杯尾迹
黃慢流至太微垣久之有聲如雷占曰女主之慶 四年正
月丁巳有星出王良大如杯明照地至騰蛇没占曰有大水
其年秋京師大雨河渠壅溢壞廬舍 五年四月己未有星
出南方如二升器北流入濁尾迹三文餘十月乙巳有星出
天津西大如杯

大臣出使土功起十月丁酉星出右旗如太白西南速行至
天井没明燭地占曰兵動將軍勝 天聖元年閏九月甲辰
常星未見星出營室至外屏没占曰主屋室修營事 四年
五月辛巳星出天市垣市樓東北流入濁占曰有街肆之事
五年九月丁未星出北辰没于天床側占曰宮中不安宜
審察之 六年四月甲申夜漏欲盡有星大如斗器自北方
至于西南光燭地有聲如雷曳尾迹長數丈久之散為蒼白
雲 八年二月丁酉星出軒轅大星側如杯速行至器府没
占曰憂火災 十年三月癸巳星出中台貫北河入東井没
炸烈有聲明燭地食頃又有星出天市垣宗人側東流入濁
八月癸亥星出天船近鉤陳没明燭地乙丑星出胃大如杯
有尾迹西北緩行進為六七小星相隨于大陵明燭地九月
丙子星出婁没于雲雨側尾迹久方散明燭地續又星出北
辰西北速行至內階没又有星出天苑没于天園明燭地
景祐元年八月己卯星出東井行至厠星没尾迹久方散明
燭地占曰井秦地主有水災没于厠為兵象九月己丑星出
東井如太白赤黃色有尾迹向東速行至柳没光燭地占曰
使出有火令其夜星出婁至奎没明燭地占曰有溝瀆之事
二年八月庚申星出大陵如太白赤黃色東南緩行没于
昂尾迹久方散明燭地占曰四夷有兵 四年六月壬申星

出王良如太白青白色有尾迹東南速行至婁沒明燭地占
曰兵出及倉庫官有憂七月戊申有星數百皆西南流其最
大者一星至東壁沒光燭地久之不散占曰衆庶流移之象
五年四月壬申有星出中台如太白青白色有尾迹向北
速行入濁明燭地占曰將相憂又星出天江如太白有尾迹
西南速行至房沒占曰有大水 寶元二年三月癸丑星出
右旗赤黃有尾迹向南速行沒于建星明燭地占曰兵為亂
下有謀 康定元年三月癸丑星出北斗北行入濁明燭地
占曰使出北方 二年九月己酉有星出奎如太白赤黃有
尾迹西行沒于東壁明燭地占曰天下文章之士用 慶曆
二年三月庚戌星出鉤陳側如太白赤黃有尾迹西北緩行
至天棓沒明燭地占曰天棓主忿爭刑罰藏兵禦難備非常
也今流星入之主爭地七月乙丑星出西北方大如酸西北
行文餘沒色赤黃有尾迹明燭地十二月庚申有星出弧天
南行入濁赤黃有尾迹明燭地占曰秦分兵動及土功事起
五年六月星出奎如太白西行至天倉沒有尾迹明燭地
占曰有溝瀆事及兵起壬戌星出營室如太白赤黃色東南
速行過危及虛有尾迹明燭地占曰北狄交兵齊分民有災
六年六月丁巳星出營室大如杯光燭地有聲北行至王
良沒占曰兵出 七年六月己巳星出天田赤黃色有尾迹

西南緩行至折威沒占曰邊將憂九月星出天苑如太白南
行至天園沒有尾迹明燭地占曰牛馬禽獸多死 八年六
月己卯星出北斗至即位沒有尾迹明燭地占曰兵出八月
乙亥星出東壁赤黃色東北速行至濁沒占曰天下文章之
士用 皇祐元年六月己巳星出弧瓠瓜赤黃有尾迹向南
速行至建星沒占曰吳分有謀 二年四月癸未星出氏赤
黃色東南速行至心沒有尾迹明燭地占曰內使出外使來
德令宣布國人有喜 四年九月星出紫宮北辰側赤黃色
西南速行至貫索沒尾迹天明燭地占曰有赦宥 五年
九月乙亥星出參如太白西北速行至昴沒有尾迹明燭地
占曰兵出以禦胡寇 至和元年七月壬戌星出王良色赤
黃向北速行至天船沒有尾迹明燭地占曰兵涉津梁 三
年九月壬戌星出東井如太白赤黃色向北速行至文昌沒
占曰秦晉分有水將兵者還 嘉祐二年七月丁丑星出王
良如太白赤黃色西南緩行至亢沒有尾迹明燭地占曰中
官有咎 三年七月乙酉星出北河如太白赤黃色東南緩
行散為數道至狼沒尾迹天占曰北河胡漢之界狼為盜
賊侵掠宜警邊河備兵革 四年五月癸丑星出營室大如
杯赤黃色西南速行至羽林軍沒炸烈有聲占曰軍行炸而
有聲者戍兵不安六月辛未星出胃沒于鉤陳又有星出天

星西北逆行至貫索西沒赤黃有尾迹主倉庫盈溢五穀豐
六月星出營室西南流至壘壁陣沒赤黃有尾迹主天子行
禮出賞國樂民安九月甲午星出紫微垣西牆東北速行入
濁沒赤黃有尾迹主兵或土功之事 五年七月己丑星出
七公南西南急行至天市垣西牆沒赤黃主五穀豐成倉庫
盈溢十月戊寅星出紫微垣內後宮東如杯北慢行入濁沒
主使出外夷主地動 六年四月丙子星出貫索如杯慢行
至紫微垣牆上寧沒青白照地明主外國有使入六月辛卯
星出營室北如杯東南急行至壘壁陣沒赤黃有尾迹照地
明主使出言兵八月壬辰星出羽林軍西如杯南緩行入濁
沒青白尾迹分進照地明主軍出邊鄙亦主軍中不和 七
年二月壬申星出天棓北東北緩行至造父沒青白有尾迹
照地明主兵出備邊鄙四月丙戌星出天市垣東北慢行至
候星沒青白有尾迹照地明主萬物貴八月癸未星出羽林
軍內如杯北慢行至大陵沒赤黃有尾迹主大軍出十月庚
子星出天倉西西南慢流至敗臼沒如杯赤黃尾迹分裂照
地明主藏五穀待邦用亦主歲飢粟出 八年三月丁酉星
出積水東如太白速行至五車東沒赤黃有尾迹主籍貴九
月丙寅星透雲出河鼓北如太白東南緩行至危沒赤黃主
天下之民安五穀熟土功興十月乙未星出弧矢西北如杯

東南緩行至濁沒青白有尾迹照地明主南夷來貢國有賢
臣 九年三月甲子星透雲出天市內宗正西北慢行至太
微垣五帝座沒赤黃有尾迹主執政憂人多死五月丁丑星
出尾北東南急行入濁赤黃有尾迹主後宮有子孫之喜六
月丙午星出東壁北如杯南急流至羽林軍沒赤黃有尾迹
主天子用故臣八月壬寅星出危北西南急流至濁赤黃有
尾迹照地明主天下不安十月丁未星出柳東速行入濁狀
如前主宗廟有喜賢臣任用亦主多雨 十年正月辛巳星
出參西南速行至天苑沒主殺賤牛馬多傷四月甲辰星出
即位北急流至下台南沒赤黃明燭地主大臣有咎六月乙
巳星出王良東西北急流至紫微垣內鈎陳沒赤黃有尾迹
主兵將出十月己亥星出霹靂北西南急行至濁沒赤黃有
尾迹主陽氣大盛擊辟萬物 元豐元年閏正月甲辰星出
柳北西急行至天廩沒赤黃有尾迹照地明主穀熟六月甲
辰東南方光燭地有星如盂出匏瓜至內階沒分裂有聲如
雷主兵喪八月甲子星隔雲照地明東北急行至濁沒主有
大使出東北方其方流血十一月丙寅星出北河北東南急
行至弧矢沒赤黃有尾迹照地明主使出 二年十月二壬
子星出與鬼東北速行至軒轅沒赤黃有尾迹照地明主后
有喜 三年二月辛丑星出弧矢南東南速行至濁沒青白

有尾迹主西戎有兵賊五月辛未星出中台北東南緩行至
天江沒赤黃主水泛溢民飢十一月丙辰星出厠星東南
慢流至濁沒青白主晉分民疾四年正月戊戌星出五車
北如杯西南急流至天因沒赤黃尾迹分裂主外國來貢六
月戊寅星出紫微垣內厨南如太白慢流至大角沒赤黃有
尾迹主將出九月己酉星出天街北急行穿五車沒赤黃有
尾迹照地明主粟麥貴十一月乙未星出鈞陳北東北慢行
至濁沒赤黃有尾迹照地明主後宮有喜五年四月庚申
星出角東南急行至濁沒赤黃主發使外國七月辛巳星出
天市垣內列肆西北急行至濁沒赤黃有尾迹照地明主人
主憂六年閏六月丙子星出貫索東北西南急行至濁沒
青白有尾迹照地明主貴女憂九月癸卯星出五車東北急
行至濁沒赤黃照地明主有兵車出七年四月辛未星出
平星東南西南慢行至濁沒赤黃有尾迹主臣黜期半年八
年二月庚辰星出太微垣左執法北東南急行至濁沒赤黃
有尾迹主大臣執法者憂七月庚申星出胃宿急流至天因
沒青白有尾迹照地明主外國來降倉庫盈實大臣及有優
恤事十月庚寅星出昴南急流至濁沒主有赦令恤民
哲宗元祐元年二月丙戌星出上台北向西北急流至王良南
沒赤黃有尾迹明燭地主遣使安撫四方搜揚草澤招賢集

德七月丁巳星出墳墓東慢流至壁南沒青白有尾迹明燭
地主大臣有喪十一月戊申星出紫微垣北西北急流至濁
沒青白有尾迹主使出二年正月辛巳星出軫南向南急
流至濁沒赤黃有尾迹照地明主大臣忠諫賢人來國昌萬
物賤九月甲寅星出天市垣中山北西急流至天紀西沒赤
黃有尾迹照地明主有赦令賞賜三年三月己酉星出亢
南向南慢行至濁沒赤黃有尾迹照地明主天子遣使清姦
獄頌赦令六月庚子星出壁南東南急流入羽林軍內沒赤
黃有尾迹照地明主文章士為用亦為兵起八月癸巳夕有
星自中天向東急流至濁沒青白有尾迹照地明主其下兵
戰四年三月戊戌星透雲出織女東速行至天津西沒赤
黃明燭地主布帛貴九月壬午星透雲出天棓北速行至濁
沒赤黃有尾迹主修兵備十一月己酉星出司恆西南如杯
慢流至參旗沒赤黃有尾迹主使出其方亦主兵起五年
七月辛未星出危如太白東南急流至濁沒青白有尾迹明
燭地主國安民豈及土功興十月己未星出車府西急流北
至天津西南沒青白有尾迹明燭地主兵軍動大眾行及主
河事六年二月辛丑星出翼東南急流至濁沒赤黃有尾
迹明燭地主國人皆受恩賜七月癸亥透雲星二皆如太白
一出天倉東南急流至亢東沒一出奎東西南急流至壘壁

陣東沒赤黃有尾迹主有兵起侯王受賜十月丁卯星出王
良南東南急流至濁沒赤黃有尾迹主多風雨亦主遣將
七年二月戊午星出敗瓜東南急流至虛東沒赤黃有尾迹
明燭地主遣使或冢宰憂四月甲子透雲星出天市垣燕星
南急流至濁沒赤黃有尾主倉庫盈溢五穀豐八月辛未星
出奎距星西南急流至濁沒青白有尾迹明燭地主天下安
寧遠人來貢 八年正月甲申星出天市垣內候南東南急
流至濁沒赤黃有尾迹明燭地主民流十月戊申星出天枵
東南北流至濁沒赤黃有尾迹明燭地主有赦及宥大臣罪
紹聖元年二月丙午透雲星出壁東慢流入濁青白有尾
迹主天下文章士登用賢臣在位遠國來賓六月星出人星
南急流至牛沒赤黃有尾迹明燭地主牛馬昌盛十月甲申
星出天倉南慢行至上台沒赤黃有尾迹明燭地主賑貸亦
主兵及大將憂 二年三月丙辰星出天津東北向東慢流
至室北沒青白有尾迹明燭地主使出及外國使至五月甲
寅星出閣道北東北急行至濁沒青白有尾迹明燭地主風
雨十月庚寅透雲星出張南東南急流至濁沒赤黃有尾迹
明燭地主天子社稷昌 三年二月丙子透雲星出太微垣
慢流至濁沒赤黃有尾迹主使出五月己未星出平星西如
杯大急流至濁沒青白有尾迹明燭地主臣有黜者 四年

六月中申星出亢西南向西急流至濁沒赤黃王使出清犴
獄頒恩赦九月乙卯星出天囷東之南急流入濁沒主帝王
布令德外國貢異寶及賞大臣市有火災十二月丁未星出
天倉北西南急流至壘壁陣北沒赤黃又星出天倉西北西
南急流至濁沒青白皆如太白有尾迹明燭地主大兵起斧
鉞用亦主賑貸及遠方賢人至 元符元年三月甲戌星出
天乳北急流至角而沒赤黃有尾迹明燭地主禮義教興遣
使及鄰國使入貢六月星出室如杯至壁東沒青白有尾迹
主軍糧豐五穀成文士入賢人用 二年三月癸卯星出靈
臺北向西慢行至軒轅沒赤黃有尾迹明燭地主賢臣在位
天子有子孫之喜十月辛丑星出女西北急流至牛西北沒
青白有尾迹明燭地主五穀貴有水災
徽宗建中靖國元年正月星出西北如孟東北急流入尾距星
沒青黑無尾迹明燭地主風雨時稼穡成 崇寧元年三月
星出張如金星西南急流至濁沒赤黃有尾迹明燭地主諸
侯受賜天子宗廟社稷昌十月壬子星出天船如孟急流至
五車沒青黑有尾迹聲隆隆然主大水或曰水旱不時 二
年正月戊申星出水位如金星急流至北河沒青白有尾迹
明燭地主大水六月戊午星出亢西南急流入濁沒赤黃有
尾迹明燭地主天子遣使清獄頒恩九月辛巳星出牛西南

慢流至狗國沒青白有尾迹明燭地主民流亡十二月丁未
星出大陵如金星至騰蛇沒赤黃有尾迹明燭地主其下有
積尺一曰水旱兵喪 三年四月戊申星出軫西北慢流入
太微垣內屏星沒赤黃有尾迹明燭地主外國有急使期不
出一年十二月甲子星出天大將軍西北急流入王良沒赤
黃無尾迹明燭地主大兵將出 四年正月甲申星出角如
孟西南慢流入濁沒青白無尾迹主天子發使外國五月庚
申星出河鼓西北急流入濁沒青白無尾迹主諸侯作亂一
曰兵起十二月甲午星出參如杯東南慢流入軍市沒赤黃
有尾迹明燭地主大將出一曰有赦又云飢 五年六月庚
午星出西咸東北急流入天市垣內沒青白有尾迹明燭地
乙酉星出庫樓向西急流入濁沒赤黃有尾迹明燭地主鄭
分受兵九月癸卯星出天船慢流至諸王沒青白有尾迹明
燭地主水旱不時十二月壬戌星出奎向南急流入天倉沒
青白有尾迹及三文明燭地聲散如裂帛主天子用文偃武
一曰歲熟 大觀元年二月丁卯星出參如杯西南急流入
濁沒赤黃無尾迹明燭地主天子遣使安邊一曰米賤有赦
二年十二月癸卯流星出奎如孟西北急流入造父沒青
白有尾迹照地明有聲主有溝瀆事 政和元年四月丙辰
星出亢如孟西北急流至右攝提沒赤黃有尾迹照地明主

兵來入計於王庭五月辛巳日未入星隕東南主下有兵流
血 二年九月乙卯星出斗如杯西南急流入濁沒赤黃有
尾迹照地明主大臣死 四年九月庚子星出危墳墓如孟
東南急流入羽林沒青白有尾迹照地明主人民安土功興
一曰有喪諸侯憂 七年十二月甲子星出胃東男南如孟
西北急流至天大將軍沒赤黃有尾迹照地明主天子以金
玉賞大臣外國有來降者一曰趙分五穀熟 八年九月庚
辰星出斗魁南如孟東南急流至天淵沒赤黃有尾迹照地
明主不出其年兵起一曰大臣死江河溢 宣和元年三月
丁卯星出柳如孟東北急流入太微垣赤黃有尾迹照地明
主多雨水一曰周公憂兵起外國或有急使十月戊子星出
雲雨如孟西南慢流入羽林軍內沒青白照地明主后憂疾
大風雨 二年十二月辛巳星出奎西南如杯西南慢流至
壁沒赤黃有尾迹明燭地明主其下破軍殺將一曰天子好
道用故臣 四年十一月丙寅星出王良北如杯急流至紫
微垣內上輔北沒赤黃有尾迹照地明 五年二月丙午星
出北河東北如杯東南慢流至軫沒赤黃有尾迹照地明主
天下有難 六年七月丁酉星出太陽守如孟東北急流入
濁沒赤黃有尾迹照地明主將相憂兵革興 七年十月戊
子星出王良北如杯急流入紫微垣上輔北赤黃有尾迹照

地明主大兵將起

欽宗靖康元年二月丙辰星出張如金星東南急流至濁沒青
白有尾迹照地明主有赦令三月壬辰星出紫微垣內鉤陳
東南如金星東北慢流至濁沒赤黃有尾迹照地明主兵動
起土功興六月癸丑星流大如五斗器衆光隨之明照地起
東南墜西北有聲如雷庚申星出紫微垣內華蓋東南如金
星向北急流至左樞沒主發使有赦 二年正月乙未大星
出建向西南急流至濁沒赤黃有尾迹照地明主吳秦有兵
高宗建炎四年十月辛未流星出壁占文章士用自是范冲等
召 紹興元年三月甲戌流星出東方畫隕占其下有急兵
破軍殺將其地流血七月乙未朔流星出河鼓占兵出十一
月丁巳流星出天槍北占兵大起谷鉞用于是命韓世忠提
兵入建州討范汝為平之明年岳飛大破曹成 二年三月
甲午流星出紫微垣華蓋西南占主內使出戊午流星出自
權星西南照地明占有使來論兵事未幾王倫自虜還乃遣
潘致堯等使虜金人遣李永壽等來議事四月乙巳流星出
太微垣西右執法星北占主大臣有外事出天庭之門天子
使也次月呂頤浩出師 六年十月流星出壁西北占天下
文章士與賢士並用于是胡安國尹焞召 七年八月有星
隕于汴京是年金人廢偽齊 八年十一月乙巳流星出天

園東北占有賑發事于是以米二萬石付岳飛賑京西湖北
飢民又以錢五十萬付吳玠犒軍 二十六年六月乙亥流
星出東北方照地明占流星畫隕其北大戰流血千里分屬
燕野在幽 二十八年六月癸巳有星從西北離地約高一
丈至西北沒 三十一年六月甲子飛星出氐宿入角宿赤
黃色初小後大有小星相隨占為兵八月壬午流星約長三
丈畫隕占營頭也若畫見橫天明者臣下圖議誅罰善良
孝宗隆興元年七月丙申流星出天市垣內向西北慢流至右
攝提西沒臨沒時炸散小星二十餘顆赤色有音聲有尾迹
占天子欲有赦賜事庫倉盈溢五穀豐君喜入右攝提星則
有外兵事來入計王庭炸散有聲皆為怒氣天下不安急使
馳驛色赤為兵旱火八月庚申流星出羽林軍向東南急流
至濁沒九月庚戌流星出紫微外垣座鉤星向西北急流抵
紫微垣內座尚書沒十一月丁未飛星出天船星急流向紫
微垣外座內厨西北沒炸出二小星青白色 二年二月辛
酉飛星出權星慢流至太微垣內五帝座大星西南沒微有
尾大如木星占兵起外國當有急使為大人憂十一月壬午
朔流星畫隕占臣下圖議誅罰忠良癸未夜流星出犯弧矢
急流至天廟東南沒大如金星十二月壬午亦如之占兵起
屠城殺將 乾道四年八月丙辰流星如蛇出自十二諸侯

國代災之側至師門之下沒占哭泣之象 五年九月丙辰
流星如蛇入天棓占流星如蛇行者姦事也大而光者其貴
人且眾也入天棓星為天子之先驅分爭及刑罰 六年九
月辛巳有星出狼星穿入弧矢星至濁沒如上星大赤黃色
有尾迹後化為紫細白雲九刻乃散占兵起當有屠城殺將
尾迹化為白雲其名大滑流血積骨縵縵如秦野在雍戎狄
將亡之兆 七年七月戊戌東北方蒼黑雲間有透雲流星
如拳大急向西北方至濁沒尾迹照地如電占大使也凡
流星暉然有光白長竟天曰人主之星相從三軍于是次年
春遣虞允文出蜀治兵事九月甲午西南方流星急流至濁
沒尾迹照地明主兵刑民飢 淳熙七年五月乙亥流星
出天市垣東海慢流炸作三小星青白色尾迹照地如蓋口
占青為憂飢白為兵 十一年四月乙丑流星透雲出自中
天慢流向東北方沒尾迹炸散作小星從青白色有音聲
大如金星是為流星夕墜者占下有兵疫炸散有聲怒之象
十三年九月辛亥流星大如金星其色先赤後黃白尾約
二尺委曲如蛇行有類枉矢占為以亂伐亂又云枉矢臣不
忠不良天下恐又云政暴虐枉矢如蛇行姦事也
寧宗慶元二年九月甲午流星晝隕四年六月甲午亦如之
四年七月壬寅流星如椀大出羽林軍之下青白色占為憂

欽定天文正義 卷七四

為兵 嘉泰二年四月辛巳流星晝隕占色赤為兵旱是歲
大旱 四年十一月庚午流星出天津急流天市垣占火災
民疾 開禧元年十二月庚子星出中天赤色大如太白向
濁沒占為兵旱火 二年六月癸丑流星出招搖入庫樓
嘉定六年五月癸亥流星晝隕占其地大戰覆軍流血千里
九月癸卯流星夕隕占其下兵疫色赤為兵旱丁巳流星晝
隕于是金國亂十月戊戌流星出自昴宿西南慢向天廩東
南沒占兵起他國使來有赦令入天廩色赤為旱火黃則大
熱 七年四月壬午流星出自軫宿距星東西慢流至濁沒
有使出辛卯流星出自天津西南慢向心宿西北沒是秋金
人使來索歲幣 十六年十一月壬戌流星怒聲如雷
理宗寶慶元年十一月癸巳有流星大如太白二年四月辛亥
亦如之 紹定元年六月己酉流星晝隕 二年正月庚辰
九月壬辰星出大如太白 三年十一月丁未流星晝隕
四年七月庚戌有流星大如太白九月甲辰流星晝隕 五
年閏九月己酉有流星大如太白 端平元年六月丙戌有
星西南行大如太白尾迹明照地 二年四月戊子有流星
大如太白六月庚辰流星晝隕七月丁酉有流星大如太白
辛丑流星晝隕十月辛卯有流星大如太白 三年五月己
卯有流星出心大如太白六月丁亥流星夕隕 嘉熙元年

正月壬午流星大如太白九月癸丑流星出七公西至濁沒
 十月戊戌有流星大如桃 三年閏四月甲子有流星大如
 太白六月甲辰朔流星畫隕七月辛卯有流星大如太白八
 月癸亥流星畫隕九月乙未流星大如太白 三年三月
 甲戌流星畫隕八月辛丑有流星大如太白四年正月辛巳
 亦如之 四年二月辛丑流星畫隕三月乙酉亦如之六月
 戊午有流星大如太白 淳祐元年六月癸酉有流星大如
 太白己卯流星畫隕 三年六月甲戌有流星大如太白出
 於氏八月乙卯流星畫隕 四年四月丁丑有流星大如太
 白出尾距星下六月乙未流星大如太白出於畢 六年
 七月癸酉有流星出自室大如太白九月朔大星隕于江陵
 府境內聲如雷甲子有流星出於斗大如太白 七年九月
 丙辰有流星出於室 八年六月甲辰流星出河鼓大如太
 白十月丙戌星出角宿距星 九年六月壬戌畫南方有星
 急流至濁沒大如太白十一月壬申有流星出自織女星
 十年三月丙申有流星夕隕 十一年七月丁丑有流星出
 於畢大如太白赤黃色八月己丑朔流星夕隕 十二年四
 月庚申有流星出自角亢大如太白八月癸丑星出角色赤
 照地 寶祐元年四月丁巳有流星大如太白二年七月庚
 戌三年七月辛酉亦如之十月丁丑有流星出自畢 五年

七月丁卯有流星大如桃 六年九月戊辰有流星透霞
 開慶元年六月己亥星出斗宿河鼓急流向東南至濁沒赤
 黃色有音聲尾迹照地明大如太白 景定元年七月壬申
 星出東南大如太白十月乙卯星出東北急流向太陰有音
 聲尾迹照地明大如桃 三年四月甲辰有流星大如桃六
 月己酉有流星大如熒惑九月丙子有流星大如太白閏九
 月丙戌流星透霞大如太白庚子有流星大如太白 四年
 五月戊戌流星出自角宿距星六月丁卯流星出河鼓八月
 乙卯流星出自天倉 五年二月壬戌流星出自畢五月甲
 午流星出自河鼓大如太白七月己卯流星出自右攝提
 度宗咸淳二年六月甲戌星出左攝提 三年七月庚寅星出
 昂宿東南急流至濁沒赤黃有尾迹照地明大如太白 四
 年七月戊午有星出氏宿西北急流入騎官星沒赤黃有尾
 迹照地明大如桃 五年五月庚申有星自斗宿距星東北
 急流向斗宿至濁沒六月庚寅星出斗宿七月壬戌東南有
 星自河鼓距星西北急流至濁沒
 恭帝德祐元年四月癸亥有大星自心東北流入濁沒
 帝昺祥興元年六月己巳有大星東南流墜海中星千餘隨
 之聲如雷數刻乃已八月有星墜廣州南初隕色紅大如箕
 中爆裂為五既墜地聲如鳴雷一食頃止

遼太祖天顯元年七月甲戌夕大星隕於幄前 九年五月癸

丑大星畫隕九月庚子西南星隕如雨

金太宗天會十一年七月己巳昏有大星隕於東南如散火

熙宗天眷十四年三月丁酉夜中星搖九月癸未有大星大如缶

起西南流於西正十一月己巳狼星搖

海陵貞元元年四月戊寅有星如杯自氏入於天市其光燭地

正隆三年正月丁亥有流星如杯長二丈餘其光燭地出

太微沒於梗河之北 六年五月夜有大星流入東京留守

第中

世宗大定二年十月戊辰有大星如太白起室壁間沒於羽林

軍尾迹長丈餘

章宗泰和六年八月癸丑夜半有流星如太白其色赤起於婁

宿八年十一月庚子未刻有流星如太白者二光芒如炬

幾一丈起東北沒東南

衛紹王大安元年正月辛丑有飛星如火起天市垣尾迹如赤

龍之狀移刻散 二年正月庚戌朔日中有流星出大如盆

其色碧西行漸如車輪尾長數丈沒於濁中至地復起光散

如火移刻乃滅

宣宗貞祐三年七月庚申有流星如太白其色青白有尾出紫

微垣北極之旁入貫索中 四年正月乙卯夜中天有流星

大如日色赤長丈餘墜於西南其聲如雷 興定元年十月

癸丑夜有流星大如杯尾長丈餘自軒轅起貫太微沒於角

宿之上 二年八月壬戌有流星大如杯尾長丈餘其光燭

地起建星後尾中一云自東北至西南而墜其光如塔狀先

有聲如風後若雷者三牕紙皆震 三年七月壬寅初昏有

星自西南來其光燭地狀如月而稍不圓色青白有小星千

百環之若迸火然墜於東北少頃有聲如雷

元世祖至元十七年十一月十九夜有大星隕於平章政事廉

希憲正寢之旁流光照地久之方滅是夕希憲卒 三十一

年十二月丙申有大星隕於東北庚子開府儀同三司太傅

伯顏卒

成宗大德二年五月己酉撫州崇仁縣星隕為石 三年九月

壬辰流星色赤尾長丈餘其光燭地起自河鼓沒於牽牛之

西有聲如雷 五年十月辛卯夜有流星大如杯色赤尾長

丈餘光燭地自北起近東徐徐而行分為二星前大後小相

離尺餘沒於危宿

武宗至大元年七月庚申流星起自鉤陳南至於大角傍尾迹

約三尺化為白氣聚於七公南行圓若車輪微有鏡經貫索

滅

泰定帝泰定四年十月乙巳晝有流星 致和元年五月庚辰

流星如缶大光明燭地

順帝元統二年七月己酉夜流星如酒杯大色赤尾迹約長五尺餘光明燭地起自天津之側沒於離宮之南 至元四年九月癸酉奔星如酒杯大色白起自右旗之下西南行沒於近濁 至正十年十一月冬至夜陝西耀州有星隕於西原光耀燭地聲如雷鳴者三化為石形如斧削之有屑擊之有聲 十一年正月丁卯蘭陽縣有紅星大如斗自東南墜西北其聲如雷 十六年十月丁未大名路大名縣有星如火從東南流芒尾如曳慧墜地有聲火焰蓬勃久之乃息化為石青黑光瑩形如狗頭其斷處如新割者有司以進太史驗視之天狗也命藏於庫十一月丁亥流星如酒杯大色青白尾迹約長五尺餘光明燭地起自西北東南行沒於近濁有聲如雷 十七年閏九月癸卯有飛星如盃色青光燭地尾約長尺餘起自王良沒於鉤陳之下十二月己亥申時流星如太白大尾迹約長三尺餘起自太陰近東往南行沒後化為青白氣 十九年正月癸丑流星如酒盃大色赤尾迹約長五尺餘起自南河沒於滕蛇其星將沒迸散隨落處有聲如雷四月己丑建寧路甌寧縣有星墜於營山前其聲如雷化為石十月辛巳流星如桃大色黃潤後離一尺又一小星相隨色赤尾迹通約長三尺餘起自危宿之東緩緩東行沒

於畢宿之西 二十年閏五月乙亥流星如桃大色赤尾迹約長丈餘起自房宿之側緩緩西行沒於近濁 二十二年九月己巳流星如酒杯大色青白光明燭地 二十三年六月庚戌星隕於濟南龍山入地五丈掘之得石如磚褐色上有星如銀破碎不完七月乙酉有星墜於慶元路西北聲如雷光芒數丈久之乃滅 二十四年六月甲辰河南府有大星夜見南方光如晝丁未大星隕照夜如晝及旦黑氣晦暗如夜 二十五年五月辛酉流星如酒杯大色青白光明燭地起自房宿之側緩緩西行沒於太微垣右執法之下 二十六年六月癸酉流星如酒杯大色青白尾迹約長尺餘起自心宿之側東南行光明燭地沒於近濁七月辛巳朔石州大星如斗自西南而落十一月己丑流星如酒杯大分為三星紫相隨前星色青明後二星色赤尾迹約長二丈餘起自東北緩緩往西南行沒於近濁 二十七年七月丁酉絳州星隕光耀如晝 二十八年三月有星流於東北衆小星隨之其聲如震

明太祖洪武三年十月庚辰有赤星如桃起天將至壘壁陳抵羽林軍爆散有聲五小星隨之至土司空旁發光燭天忽大如椀曳赤尾至天倉沒須臾東南有聲 七年十二月庚申夜四鼓有流星青赤色尾跡長五尺餘起紫微垣北斗魁上

約流五尺餘發光照地徐徐西南行至軒轅右角旁分作五星沒 十四年五月己酉有星黃白色自羽林軍西南委曲行復還至羽林軍沒 十五年十一月己巳有流星初出大如雞子青赤色有尾起天苑西南行文餘發光燭地大如椀至游氣中沒 二十一年八月乙巳赤星如杯自北斗杓東南行三文餘分為二又五文餘分為三經昴宿復為二經天康合為一沒於天苑 二十二年七月甲午夜有星自外屏西南流三文餘化為白雲 二十八年八月丁卯夜有星大如椀尾光燭地起河鼓入天市垣至候星旁沒後有二小星隨之 三十年五月庚申夜流星大如雞子尾跡有光自天厨入紫微垣後有二小星隨之至游氣中沒

成祖永樂元年閏十一月丁卯有星色蒼大如斗光燭地出中天雲中西南行隆隆有聲入雲中 二年五月丙午有赤星大如斗光燭地出中天西北行入雲中九月庚申赤星大如椀有尾光燭地出羽林軍西南行後二小星隨之 三年三月己未夜有星大如椀青赤色有尾光燭地出角宿有聲西北行至井宿炸散 六年五月丙辰赤星大如椀光燭地出狗國東南行入游氣後二小星隨之 十四年五月甲寅有星大如椀青赤色出天桴旁如遺火光東南行至雲中 十六年十二月辛巳有星大如斗色青赤光燭地自柳東行至

近濁 二十一年九月庚子夜有星大如月青白色光燭地尾迹黃色起壘壁陣西方星東南行至羽林軍 二十二年五月己亥有星如盞色青白光燭地起東南雲中西北行入雲中有聲如砲七月庚寅有星如椀色赤有光自奎入參炸散眾星搖動九月戊戌有星見斗宿大如椀色黃白光燭地有聲如撒沙石

宣宗宣德元年六月戊辰有赤星大如椀光燭地出紫微東蕃外入紫微垣十二月己巳有星大如椀光赤出卷舌東行過東井墜地有聲如雷 三年二月壬戌有流星大如斗色赤光燭地起右攝提有聲如雷後有五小星隨之至近濁炸散

七年正月戊寅有流星大如椀青白色光燭地起中天北行有聲如雷十二月乙未曉刻有流星大如椀色青白光燭地出軒轅西南行至雲中有聲如雷 九年二月己未有流星大如斗色赤有光西行入濁十月甲辰朔有流星大如杯色青白有光起正東游氣行文餘大如椀至東南濁有聲如雷

英宗正統元年八月乙酉昏刻至曉大小流星百餘 四年七月辛未朔夜北方有星大如雞子流三文餘發光大如椀有聲尾迹赤出紫微垣右樞旁東南行至天囷尾迹化為赤白雲徐徐南行八月癸卯自夜達旦流星大小六百六十餘

十二年六月戊寅夜西方有星如椀流又餘發光如斗色青
白光明燭地起天津東南行至羽林軍尾迹炸散後有十餘
小星隨之有聲如雷 十四年十月癸丑有星大如杯赤光
燭地自三師西北抵少弼尾迹化蒼白氣長五尺餘狀如蛇
徐徐西行十二月戊申有星大如杯色青白有聲光燭地自
太乙旁東南行又餘發光大如斗至天市西垣沒四小星隨
之

景帝景泰二年六月丙申大小流星八十有五八月壬午有赤
星二一如斗光燭地一出紫微西蕃北行至陰德三小星隨
之一出天津東南行至河南十餘小星隨之尾迹炸散聲如
雷

英宗天順三年四月癸丑有星大如椀赤光燭地自左旗東南
行抵女宿尾迹炸散九月乙酉赤星大如杯尾迹曲曲如蛇
西行至危宿 四年八月辛亥南方有赤星大如椀發光如
斗有聲如雷起昴宿西南行至近濁 五年九月庚子有流
星大如杯色青白光燭地出危宿東南行至北落師門化蒼
白雲長丈餘曲曲南行 八年二月壬子有星如椀光燭地
自天市至天津尾化蒼白氣如蛇形長丈餘良久散
憲宗成化元年正月己酉朔有流星光燭地自左攝提東南行
至天市西垣 四年七月己未北方有流星青白色光明燭

地自閣道旁西北行衝鈞陳尾迹後炸散 六年十月丙午
夜東方流星赤色光明燭地自昴宿東北行至井宿 十二
年十一月乙丑延綏波羅堡有星二形如鞭軸一墜樊家溝
一墜本堡紅光燭天 十六年九月癸卯有流星大如盞赤
色光芒燭地自婁宿西北行至霹靂旁尾迹散 二十年五
月丙申有大星墜番禹縣東南聲如雷散為小星十餘既而
天地皆晦良久乃復九月己亥山西澤州星隕聲如雷十二
月己卯廣東陽江縣有大星墜西方光燭燭天有聲如雷
二十一年正月甲申朔申刻有火光自中天少西下墜化白
氣復曲折上騰有聲踰時西方有赤星大如椀自中天西行
近濁尾迹化白氣曲曲如蛇行良久正西轟轟如雷震 二
十三年十月丙子有大星起西北亘東南光芒燭地蜿蜒如
龍

孝宗弘治元年八月戊申巳刻南方流星如盞自南行丈餘大
如椀西南至近濁尾化白雲曲曲蛇行而散 二年七月戊
辰夜遼東都司有大星光如電起東北墜西北有聲如雷十
月甲午遼東廣寧衛有星自西北往東南光如電聲如雷
四年十月丁巳有星赤光如電自西南往東北聲如鼓隕光
山縣化為石如斗光州之同城亦見大星飛空如光山所見
十一月甲戌星墜真定西北紅光燭天 五年九月丁亥河

南信陽州有大星紅光映天自西北流至東北而隕聲如鼓
七年三月丙辰山西解州有星大如杯散為五各長數尺
焰騰似火既而天鳴有聲如鼓河南陝州有星大如斗光芒
照地自東南流於西北凌散而隕聲如雷五月宣府山西河
南俱星晝隕 八年四月丁巳山東歷城縣有星自東北流
墜西南紅光燭天聲如雷辛未有星如輪流至西北隕於鉛
山縣其聲如雷 九年閏三月己未平涼東南有流星如月
紅光燭地至西北止既而天鼓鳴 十年正月壬子有星大
如斗色黃白光長三十餘丈一小星隨之隕於寧夏西北隅
天鳴如雷者數聲鄜州有星自西北流至東北天鼓鳴四月
辛丑大同陽和衛有星紅光如火自東南流至西南而隕聲
如雷九月己巳有星如斗光掩月流自西北隕於永平天鼓
鳴有聲十月壬申山東萊州星隕天鼓鳴 十一年正月癸
亥有流星隕於肅州大如房響如雷良久滅二月戊辰寧夏
有流星大如斗天鳴若雷十月壬申曉東方赤星如椀行文
餘發光如斗東南行小星數十隨之十一月丁巳遼東寧遠
星隕聲如雷 十二年九月癸亥永城有星如火天鼓響如
雷十月庚寅有流星隕於鳳翔光如火聲 十四年七月戊
申夜南城有火星如蛇紅光青燭自西流東約九丈餘閏七
月辛巳山東有星大如車輪赤光燭天自東南往西北隕於

壽光天鼓鳴八月丙辰廣西融縣有星大如箕尾長丈餘自
西南流至西北 十五年十月丙午濟寧有星起西南光如
電至東北隕天鼓鳴 十六年正月己酉南京有星晝流
十七年三月丁卯夜合浦有流星大如箕紅光燭地自西北
至東南而裂聲如鼓乙亥安邱有流星於西北天鼓鳴五月
辛丑南京有星晝流 十八年正月庚寅遼東星隕大如斗
癸巳登州等府有流星晝隕光丈餘已而天鳴者三九月庚
寅濟寧魚臺有流星隕於西北天鼓隨鳴

武宗正德元年三月壬午夜流星如椀青白色光燭地起天市
西垣內東北行至紫微垣東蕃內尾迹炸散聲如雷二小星
隨之天鼓隨鳴癸未具有星大如月光如電自東南流於西
北繼而天鼓鳴如雷六月丙寅戌刻山東沂州有星如斗色
赤自東南流於西北後一小星隨之十月癸亥慶陽有流星
聲如雷十二月庚午有星如椀隕寧夏中衛空中有紅光大
二畝肇昌有流星紅光如火自東北往西南聲如雷數小星
隨之 二年二月乙酉有星大如盤色赤自西北流往東南
八月戊寅夜流星如彈色青白光燭地起畢宿正南行至雲
中沉沉有聲如雷己亥寧夏有大星自正南流西南而墜後
有赤光一道濶三尺長五丈十一月丙辰兗州濟寧魚臺見
星紅如火而隕天鼓鳴 三年十一月己亥夜東方流星起

井宿東北行至軒轅青白色發光如蓋尾迹炸散 四年八月丙戌夜大星見山東益都臨淄樂安等縣紅光如虹起西南東向北而散 五年四月丁亥雷州有大星如月自東南流西北分為二尾如彗隨沒聲如雷辛亥四川通江縣有星晝隕大如斗芒青尾長丈餘 六年二月丁未夜寧夏有大星隕於西南天鼓鳴三月丙子山東曹州有流星見西南光燭天頃之天鼓鳴如雷五月庚戌朔山東泰安州有星流空中天鳴如雷六月壬午江西臨江府夜見火星交流頃之火大如車輪尾長數丈隕府城東北吉安府火星如斗赤光燭天自西北流東南墜聲如雷八月癸卯有流星如箕尾長四五丈紅光燭天自西北轉東南變三首一尾墜四川崇慶衛色化為白復起綠燭高二丈餘聲如雷震十二月丁亥有流星如斗隕於山西澤州西南天鼓隨鳴 七年三月丁未夜河南柘城流星如火自東北至西北天鼓響如雷六月壬子陝西漢中府火星如斗起西南隕於東北天鼓隨鳴八月丙午河南開封府夜有流星如月起東南至西北散天鼓隨鳴十月壬戌山東兗州府夜有流星如斗光赤聲震如雷 八年八月甲辰廣東雷州府有流星大如月起東南沒於西北聲如雷 九年正月戊辰揚州府通州有流星大如斗自西南至東北光耀如晝天鼓隨鳴二月丁未夜山東單縣有流星大如斗紅光如電自東北至西南沒天鼓隨鳴十月庚寅朔夜四川松潘衛有星大如斗尾長八尺自東流西聲如雷戊午大足縣有流星如火自東南往西北尾長數十丈光芒燭地少頃雷震南方竟刻而止十一月辛酉有流星如火墜於陝西鞏昌府正北聲如雷 十年四月南直隸通州有星如火自西北流東南聲如雷 十一年二月甲戌有星隕於薊州大如斗隨有白氣蜿蜒上升久之乃滅 十二年六月壬申江西建昌府有星自東南流至西北光焰燭天天鼓隨鳴癸酉寅時廣東增城有星如斗化為白氣而沒九月丙子夜南方流星如蓋甲午夜西南二方流星俱如蓋戊戌夜南方流星亦如蓋庚子昏刻北方流星如蓋發光如碗後有五小星隨之 十三年正月癸丑夜陝西莊浪衛有流星如電自西北隕於東南頃之天鼓鳴 十四年六月戊寅夕有大星隕於西北十月壬戌東方流星如蓋赤色光明照地起下台東北行至招搖尾迹化為白氣 十五年正月丁未酉刻有星隕於山西龍舟谷巡檢司廳事二月甲申山西平陽府及洪洞趙城縣有流星如火自東而西有聲如雷山東臨淄樂安縣亦如之四月丙戌陝西鞏昌府有星如日色赤自東方流西南而隕天鼓鳴 十六年四月戊子酉時陝西米脂縣西北方有星大如斗隨有紅光一道約三丈餘半空冉

再轉動向西北移時變白氣而沒滅五月癸酉遼東有星大如杯尾長丈餘光如月自東西流如箭而墜天鼓鳴者三九月丁巳瀋陽有星起西北光如火有聲往東方落天鼓鳴如雷十二月乙未甘肅行都司有星如火大如車輪墜地復上而散

世宗嘉靖元年十月壬午夜流星如盞大赤色尾迹有光起自鈎陳西北行至紫微西蕃外尾迹化為白氣曲如蛇行良久乃散 四年五月有星流於杭州尾長數十丈光明燭地自東至西火塊亂落有聲如雷 五年十月壬戌蔚州衛有星隕如升天鼓鳴 七年十月河間星隕如雨 十一年正月星隕於衛 十二年正月甲辰朔衛輝府星隕如斗聲如雷 鳴三月辛亥肅州衛星落有聲十月丙子流星如盞光照地自中台東北行近濁尾迹化為白氣四更至五更四方大小流星縱橫交行不計其數至明方息辛巳星隕如雨 十三年四月壬寅鳳陽星隕如斗火光燭地天鼓鳴如雷 十四年九月戊子開封白晝天鼓鳴有星如盞東南流眾小星從之如珠 十九年五月辛丑夜星隕棗強為石四 二十年六月癸未大同府有大星東南流光如炬天鼓鳴九月甲辰陝西淳化縣有星大如斗東南流聲如雷 二十一年十月壬寅四川建昌衛有火星如車輪從北方出流行帶有尾至

南方散聲如雷地微震 二十二年二月癸卯潞安府星隕聲如雷四月丁亥遼東鐵嶺衛有火星隕如斗 二十四年五月癸未夕有星大如斗首綠尾頰自北流入南熒然有聲 二十五年八月戊戌午時南方流星大如碗赤色光如斗起中天西南行至近濁 三十二年九月庚午高唐州有星如日起自東北飛向西北而隕光燭天 四十年六月己未朔昏中有星流斗女間墜地大如雞子光燭天 四十一年正月庚子流星畫隕有光

穆宗隆慶元年十二月丁亥西寧衛有星光從正北起隕於西南天鼓鳴從西南方起往東北止甲午辰刻有流星如盞大青白色自中天東行尾迹有光長二丈餘 二年正月初九日未時新城縣天鼓鳴者三迅響若雷星隕二三月碣石村有星畫隕化為黑石重千觔十一月丁未山西太原府有星隕如斗尾長二丈餘天鼓隨鳴是夜交城星隕火光自東北往西南落亦天鼓鳴 五年六月甲午萬全都司星隕大如斗 神宗萬曆三年五月癸亥畫景州天鼓鳴隕星二化為黑石十一月丁酉四川松潘有流星二各長丈餘起正東向西南流去天鼓隨鳴 四年十一月甲午有四星隕費縣火光照地天鼓鳴賈明落赤點於城西北色如硃砂長二里濶一二尺

欽定天文正義 卷七四

是月臨漳有星長尺許白晝北飛 十三年四月壬子萬全
都司星隕如火七月辛巳有星如盃隕於沈邱蓮花集天鼓
鳴 十五年三月戊午大星墜於平涼光如電天鼓鳴六月
丙寅平陽晝隕星丁卯辰刻有星如斗隕如於平陰震響如
雷 十六年九月奇嵐星隕有聲如雷化為石長三尺餘形
如枕 十七年正月庚申有星隕西寧衛大如月天鼓鳴癸
亥山西新開口星隕 十八年二月丁酉順德府星隕如火
隱隱如鼓聲三月乙卯山西代州夜初更星隕聲如雨光如
燭少頃天鼓鳴如雷庚申有火星流於西北聲如雨天鼓大
鳴 十九年五月己丑甘肅鎮城隕星二壬寅陽和星隕七
月中戌西寧已煖等處星隕天鼓鳴十一月丁丑夜火星隕
於永昌古城堡 二十年二月丙辰有三星隕閩縣東南五
月乙丑夜有星大如斗自西北流至東南而隕四小星隨之
皆紅綠色尾長三四丈丁亥酉刻有星自中天西流青白色
尾有光七月辛酉福建星隕如電 二十一年二月十九日
青山口永平臺東北有星飛來大如敵臺炯炯有聲餘光若
琴約長二十餘丈投西南崖下十月戊辰陝西星隕大如斗
天鼓鳴 二十二年八月壬戌東北方流星如盃赤色有聲
如雷三小星隨之十月己酉夜有星隕渤海所南門樓上燒
燬殆盡壬戌夜馬城堡星隕大如斗天鼓鳴 二十三年九

月癸己夜火星墜永寧堡大如房 二十五年八月乙酉天
鼓鳴有飛星帶火墜於河內 二十七年三月癸巳遵化縣
有星自西北流至東北光如皎月庚子蓋州衛天鳴連隕大
星三 二十八年正月河南有飛星大如升帶火光墜地
三十年八月甲寅五更有長星頭大紅色尾尖白色發響一
聲裂開中紅邊白自東飛向西南前直後曲能動紅色星團
圓一半徐散九月己未朔有大星見東南赤如血大如椀忽
化為五中星更明久之會為一大如麓辛巳有大小星數百
交錯行十月壬辰五更流星起中天光散七道有聲如雷
三十一年四月甲寅有流星大如椀赤白色尾迹有光 三
十二年三月戊辰大同陽和等處見流星大如斗先白後赤
光芒燭地 三十三年九月戊子有星如椀墜於南京龍江
後營光如火至地遊走如焚移時滅明日復有星如月從西
北流至閩兵臺分為三墜地有聲十一月有星隕南京教場
入地無迹 三十四年五月丁丑卯刻有流星如盃赤色尾
迹有光 三十五年六月庚戌當塗繁昌等縣見流星如月
光芒數丈十一月癸巳有星隕於涇陽淳化諸縣大如車輪
赤色尾長丈餘聲如轟雷 三十八年二月癸酉西南方流
星大如椀二小星隨之山西有流星大如斗墜陽曲西北碎
星不絕天鼓齊鳴 三十九年三月壬子東方流星如椀赤

續修四庫全書 子部 天文算法類

色照地七月丁卯流星如挽青白色光明燭地尾迹炸散起
織女西北行入貫索 四十一年正月庚子真定天鼓鳴流
星畫隕有光四月廣安州星隕聲如雷 四十三年三月戊
申畫星墜清豐東流村聲如雷 四十六年三月清明日夜
一鼓時東北有星大如斗赤色向南行有聲若雷雞犬皆驚
其光燭地纖毫畢見墜於西聲聞者三為石二重一百三十
觔十月辛酉有星如斗隕於南京安德門外聲如霹靂塵化
為石重二十一觔同日萬善縣星隕十一月乙巳有星如斗
自北隕南聲如雷炸裂分散 四十七年七月初四日戌時
有血光星長數十寸照地如晝自淮南流入西北墜地

熹宗天啟元年七月甲辰流星如練赤色後有小星數百隨之
起西北傍女宿十月甲戌流星如盞白色自北飛流女宿及
斗宿 二年九月甲寅固原州星隕如雨十月壬辰蔚州有
星如斗隕於西北隨時正北天鼓大鳴 三年三月乙巳有
星隕薊鎮大如車輪火光四燭九月壬子南方流星大如盞
赤色尾迹有光自虛宿東南行入壘壁陣後二小星隨之
五年六月甲申夜廣州見大星如毬光長數丈自東流入於
南忽震一聲散作十餘道照耀如日樞馬雞犬皆驚須臾滅
七月丙子流星如盞尾迹有光自室入危後二小星隨之
七年正月甲申雲南宣撫司有大星飛隕三月己巳有流星

大如挽色赤黃光照地起天梧西北行入紫微垣過少宰入
鈞陳尾迹炸散為白雲

愍帝崇禎六年九月丁未太康縣星隕為石十二月己卯星隕
有聲如雷光竟天 九年六月丙子有流星大如斗色赤芒
耀數十丈聲如雷 十二年四月有星隕於鳳翔不及地旋
轉如冶金良久漸高飛去照數十里 十五年夏星流如織
十七年三月己丑朔有星隕於御河營頭畫隕聲如雷

欽定天文正義卷七十五

風占考

風占考

春秋釐公十六年正月六鵠退蜚過宗都左氏傳曰風也

漢文帝二年六月淮南王都壽春大風毀民室殺人特淮南王

破南越後遂謀逆帝赦之遣蜀道死 五年吳暴風雨壞城

官府民室時吳王濞謀為逆亂後卒誅滅十月楚王都彭城

大風從東南來毀市門殺人時王戊初嗣位後坐淫削國與

吳王謀反誅

武帝元光五年秋七月大風拔木 征和二年夏四月大風發

屋折木

昭帝元鳳元年燕王都薊大風雨拔宮中樹七圍以上十六枚

壞城樓後燕王旦謀反發覺誅

元帝建始元年十二月大風拔甘泉時中大木十圍以上

王莽天鳳元年七月大風拔木飛北闕直城屋瓦 地皇元年

七月大風毀王路堂 更始元年六月光武破王尋王邑兵

於昆陽大雷風屋瓦皆飛

後漢和帝永元五年五月戊寅南陽大風拔樹木

安帝永初元年大風拔樹 二年六月京師及郡國四十大風

拔木 三年五月癸酉京都大風拔南郊道梓樹九十六枚

七年八月丙寅京都大風拔樹 元初二年二月癸亥京

都大風拔樹 六年夏四月沛國勃海大風拔樹三萬餘枚

延光二年三月丙申河東潁川大風拔樹六月壬午郡國
十一大風拔樹 三年京都及郡國三十六大風拔樹

靈帝建寧二年四月癸巳京都大風雨雹拔郊道樹十一園已
上百餘枚 中平五年六月丙寅大風拔樹

獻帝初平四年六月右扶風大風發屋拔木

魏齊王正始九年十一月大風數十日發屋折樹十二月戊午

晦尤甚 嘉平元年正月壬辰朔西北大風發屋折樹木昏

塵蔽天按管輅說此為時刑大風執政之憂也後踰旬而曹
爽誅滅

吳孫權太平元年八月朔大風江海涌溢平地水深八尺拔南

陵樹二千株石碑撼動吳城兩門飛落

孫亮建興元年十二月甲申大風震電是時魏遣大衆三道來

攻諸葛恪破其東興軍二軍亦退明年恪又攻新城喪衆大
半遂伏誅

孫休永安元年十一月甲午風四轉五復蒙霧連日是時孫綝

一門五侯權逼吳王風霧之災與漢五侯丁傅同應也十二

月丁卯夜有大風發木揚沙明日綝誅

晉武帝泰始五年五月辛卯朔廣平大風折木 咸寧元年五

月下邳廣陵大風壞千餘家折樹木其月甲申廣陵司吾下

邳大風拔木 二年八月河間大風折木 太康二年五月

濟南暴風折木傷麥六月高平大風折木發壞邸閣四十四
區七月上黨又大風傷秋稼 八年六月郡國八大風 九

年正月京都風雹發屋拔樹

惠帝元康四年六月大風雨拔樹 五年四月庚寅暴風城東

渠波浪殺人七月下邳大風壞廬舍九月鴈門新興太原上

黨災風傷稼明年氏羗反叛大兵西討 九年六月颶風吹

賈謐朝服飛數百丈明年謚誅十二月甲子朔京都連大風

發屋折木十二月愍懷太子廢幽於許昌 永康元年二月

大風拔木三月愍懷被害己卯喪柩發許昌還洛是日又大

風雷電幃蓋飛裂四月張華第舍颶風起折木飛繒折軸六

七是月華遇害十一月戊午朔大風從西北來折木飛沙石

六日止 永寧元年八月郡國三大風 永興元年正月乙

丑西北大風

元帝永昌元年七月丙寅大風拔木屋瓦皆飛八月暴風壞屋

拔御道柳樹百餘株其風縱橫無常若風自八方來者是時

王敦專權害尚書令刁協僕射周顛等故風縱橫若非一處

也

成帝咸康四年三月壬辰成都大風發屋折木四月李壽襲殺

李期自立

康帝建元元年七月庚寅晉陵吳郡災風

穆帝升平元年八月丁未策立皇后何氏是日疾風五年正月

戊午朔疾風

海西公太和六年二月大風迅急

孝武帝寧康元年三月京都大風火大起 三年三月戊申朔

暴風迅起從丑上來須臾送轉從子上來飛沙揚礫 太元

二年二月乙丑朔暴風折木閏三月甲子朔暴風疾雨俱至

發屋折木 三年六月長安大風拔符堅宮中樹其後堅再

南伐逆有肥水之敗 四年八月乙未暴風揚沙石 十二

年正月壬午夜暴風七月甲辰大風折木 十三年十二月

己未大風晝晦 十七年六月乙未大風折木

安帝元興二年二月夜大風雨大航門屋瓦飛落 三年正月

桓元出遊大航南風飄其輶輓蓋經三月而元敗歸江陵五

月江陵又大風折木是月桓元敗於崢嶸洲身亦屠裂十一

月丁酉大風江陵多死者 義熙四年十一月辛卯朔西北

疾風起 五年閏十一月丁亥大風發屋明年盧循至蔡州

六年五月壬申大風拔北郊樹并吹琅邪揚州二射堂倒

壞是日盧循大艦漂沒甲戌又風發屋折木是冬王師南討

九年正月大風白馬寺浮圖剎柱折壞 十年四月己丑

朔大風拔木六月辛亥大風拔木七月淮北大風壞屋舍明

年西討司馬休之應

宋文帝元嘉二十九年三月壬午大風拔木

齊武帝永明四年二月丙寅大風吳興偏甚樹葉皆赤 八年

六月乙酉都下大風發屋

梁武帝天監六年八月戊戌大風折木 承聖三年十一月癸

未帝閱武於南城北風大急普天昏闇

陳文帝天嘉六年七月癸未大風起西南吹倒靈臺候樓 太

建十二年六月壬戌大風吹壞皋門中閣 十二年九月夜

又風發屋拔樹始興王叔陵專恣之應

後主至德中大風吹倒朱雀門 禎明三年六月丁巳大風自

西北激濤水入石頭淮

後齊武成帝河清二年大風三旬乃止

後主天統三年五月大風晝晦發屋拔木 七年三月大風起

西北發屋拔木五日乃止時高阿那瓌駱提婆等專恣之應

隋文帝開皇二十年十一月京師大風發屋拔木秦隴壓死者

千餘 仁壽二年西河有人乘騾在道忽為迴風所飄并一

車上千餘尺乃墜皆碎焉

唐高祖武德二年十二月壬子大風易異為風重異以申命其

及物也象大君誥命其鼓動於天地間有時飛沙揚塵怒也

發屋拔木者怒甚也其占大臣專恣而氣盛眾逆同志君行

蒙暗施於事則皆傷害故常風又飄風入宮闕一日再三若

風聲如雷觸地而起為兵將興

太宗貞觀十四年六月乙酉大風拔木

高宗咸亨四年八月己酉大風落太廟鷓尾 永隆二年七月

雍州大風害稼 弘道元年十二月壬午晦宋州大風拔木

中宗嗣聖元年四月丁巳寧州大風拔木 五年十月辛亥大

風拔木 七年五月丁亥大風拔木 神龍元年三月乙酉

睦州大風拔木崔元暉封博陵郡王也大風折其輅蓋 二

年六月乙亥滑州大風拔木 景龍元年七月郴州大風發

屋折木八月宋州大風拔木壞屋舍 二年十月辛亥滑州

暴風發屋 三年三月辛未曹州大風拔木

明皇開元二年六月京師大風發屋大木拔者十七八 四年

六月辛未京師陝華大風拔木 九年七月丙辰揚州潤州

暴風雨發屋拔木 十四年六月戊午大風拔木發屋端門

鷓尾盡落 十九年六月乙酉大風拔木 二十二年五月

戊子大風拔木 天寶十一年五月甲子東京大風拔木

十三年三月辛酉大風拔木 代宗永泰元年三月辛亥大風拔木 大歷七年五月乙酉大

風拔木 十年五月甲寅大風拔木

德宗貞元元年七月庚子大風拔木 六年四月甲申大風雨

八年五月己未暴風發太廟屋瓦毀門闕官署廬舍不可

勝紀 十年六月辛未大風拔木 十四年八月癸未廣州
大風壞屋覆舟

憲宗元和元年六月丙申大發拔木 三年四月壬申大風毀

含元殿欄檻二十七間占為兵起 四年十月壬午天有氣

如煙臭如燔皮日暎大風而止 五年三月丙子大風毀崇

陵上宮衙殿鷓尾及神門戟竿六壞行垣四十間 八年六

月庚寅京師大風雨毀屋飄瓦人多壓死者丙申富平大風

拔棗木千餘株 十二年春青州一夕暴風自西北天地晦

冥空中有若旌旗狀屋瓦上如蹂躪聲有日者占之曰不及

五年茲地當大殺戮

穆宗長慶二年正月己酉大風霾十月夏州大風飛沙為堆高

及城堞 三年正月丁巳朔大風昏霾終日 四年六月庚

寅大風毀延喜門及景風門

文宗太和八年六月癸未暴風壞長安縣署及經行寺塔 九

年四月辛丑大風拔木萬株隋含元殿四鷓尾拔殿廷樹三

壞金吾伏舍發城門樓觀內外三十餘所光化門西城十數

雉壞 開成三年正月戊辰大風拔木 五年四月甲子大

風拔木五月壬寅亦如之七年戊寅亦如之

武宗會昌元年三月黔南大風飄瓦
懿宗咸通六年正月絳州大風拔木有十圍者十一月己卯晦

潼關夜中大風山如吼雷河噴石鳴羣鳥亂飛重關傾側十
二月大風拔木

僖宗乾符五年五月丁酉大風拔木 廣明元年四月甲申京
師及東都汝州雨雹大風拔木 四年六月乙巳太原大風

雨拔木千株害稼百里

昭宗光化三年七月乙丑洛州大風發屋拔木 天復二年昇

州大風發屋飛大木

後漢乾祐三年閏五月癸巳京師西北風暴雨至戴妻門外壞

營舍瓦木吹鄭門扉起十餘步落拔大樹數十震死者六
七人平地水深尺餘

宋太祖乾德二年五月揚州暴風壞軍營舍百區 三年六月

揚州暴風壞軍營及城上敵棚 開寶二年三月車駕駐太

原城下大風一夕而止 八年十月廣州颶風起一晝夜雨

水二丈餘海為之漲飄失舟 九年四月宋州大風壞甲仗

庫城樓軍營民舍凡四千五百九十六區

太宗太平興國二年六月曹州大風壞濟縣廨及軍營 四年

八月泗州大風浮梁竹竿鐵索斷華表石柱折 六年九月

高州大風壞廨宇民舍五百區 七年八月瓊州颶風壞城

門州署民舍殆盡 八年九月太平軍颶風拔木壞廨宇民

舍千八十七區十月雷州颶風壞廩庫民舍七百區 九年

八月白州颶風壞州廨民舍 端拱二年京師暴風起東北

塵沙眩日人不相辨 淳化二年五月通利軍大風害稼

三年六月丁丑黑風自西北起天地晦暝雷震有頃乃止先

是都下大熱疫死者眾及此風至疾疫遂止 至道二年八

月朔州颶風壞州廨營寨漂刀魚舟

真宗咸平元年八月洛州大風壞城舍 四年八月丙子京師

暴風 景德二年六月甲午大風吹沙折木八月福州海上

有颶風壞屋舍 三年七月丙寅京師大風 四年三月甲

寅夕京師大風黃塵蔽日自大名府歷京畿害桑稼唐州尤

甚 大中祥符二年四月乙未大風起京師西北連日不止

九月無為軍城北暴風雨晝晦不可辨拔木壞城門營壘民

舍壓死千餘人 五年八月京師大風 七年二月戊辰京

師大風揚沙礫是日百官習儀恭謝壇有隨仆者 六年六

月辛亥京師大風起已位吹沙揚塵 天禧二年正月永州

大風發屋拔木數日止 三年五月徐州利國監大風起西

南壞舍二百餘區壓死十二人 四年四月大風起西北飛

沙折木晝晦數刻止五月乙卯大風起西北有聲折木吹黃

塵蔽天按占主陰謀姦邪是秋內侍周懷政坐妖亂伏誅

仁宗天聖六年二月庚辰大風晝晦 九年十二月辛酉大風
三日 景祐元年九月甲寅夜漏上風自丑起有聲擺木鳴

除 二年六月戊寅平明風自未來占者以為百穀豐衍之
候 康定元年大風晝暝經刻乃復 皇祐四年七月丁巳
大風拔木

神宗熙寧四年二月辛巳京都自濮州至河北旁邊大風異常
百姓驚恐四月癸亥京師大風霾 六年四月北京館陶縣
里風 九年十一月潮州海陽潮陽二縣颶風海潮害民田
稼 十年六月恩州武城縣大風壞縣廨七月温州大風雨
漂城樓官舍 元豐四年六月邕州颶風壞城樓官舍七月
甲午夜泰州海風作繼以大雨浸州城壞公私廬舍數千間
又通州靜海縣大風雨毀官私廬舍二千七百六十三楹潤
州丹陽縣大風雨溺居民毀廬舍丹徒縣大風潮飄蕩沿江
廬舍損田家 五年八月朱崖軍颶風毀廬舍
哲宗元祐八年二月末京師風霾大寒是歲福建兩浙海風駕
潮害民田 紹聖元年秋蕪湖秀等州海風害民田
欽宗靖康元年正月望夜大風起西北有聲吹沙走石盡明日
乃止二月戊申大風起東北揚塵翳空三月己巳夜五更大
風乍慢乍急聲如叫怒十一月丁亥大風發屋折木閏十一
月甲寅大風起北方雪繼作積數尺連夜不停 二年正月
己亥天氣昏曠狂風迅發竟日夜西北陰雲中如有火光二
丈餘濶數尺時時見庚戌大風雨二月乙酉大風折木晚尤

甚三月丁酉風霾己亥大風四月庚申朔大風吹石折木辛
酉北風益甚苦寒

高宗建炎元年二月乙酉大風拔木 紹興二十八年七月壬
戌平江府大風雨駕潮漂溺數百里壞田廬 三十二年七
月戊申大風拔木温州大風壞屋覆舟
孝宗隆興元年浙東西郡國風水傷稼 二年八月大風雨飄
蕩田廬 乾道二年八月丁亥温州大風雨駕海潮殺人覆
舟壞廬舍 五年十月台州大風水壞田廬 八年六月丙
辰惠州颶風壞艦三十餘時樞密院調廣東經畧司水軍四
艦覆其三死者百三十餘人 淳熙三年六月大風連日
四年九月明州大風駕潮壞定海新縣海岸七千六百餘丈
及田廬軍壘六月乙巳夜福州福清縣興化軍大風雨壞官
舍民居倉庫及海口鎮人多死者 六年十一月鄂州大風
覆舟溺人甚衆 七年二月江陵府大風焚溺岸舟死者尤
衆 十年八月辛酉雷州颶風大作駕海潮飄溢殺人林木
田禾皆折
光宗紹熙二年二月癸酉温州瑞安縣大風仆屋拔木殺人
四年七月興化軍海風害稼 五年七月乙亥行都大風拔
木壞舟甚衆紹興府秀州大風駕海潮害稼秋明州颶風駕
海潮害稼十月甲戌行都大風拔木

寧宗慶元二年六月壬申台州暴風雨駕海潮壞屋田 六年

欽定天文正義卷七十六

夏常風當夏而寒 嘉定二年七月壬辰台州大風雨駕海

雲氣占考

潮壞屋殺人 三年八月癸酉大風連日大木皆拔折禾穗

墮果實上露禱至於丙子乃息後御史朝陵於紹興府歸奏

風壞陵殿宮牆六十餘所折陵木三千餘株 六年十二月

餘姚縣風潮壞海堤亘八鄉 七年正月庚辰江州燈夕黑

雲暴風暮作郡治游人相踐死於門者二十餘人十一月二

日甲寅大風 十六年秋大風拔木害稼 十七年秋福州

颶風大作壞田損稼冬鄂州暴風壞戰艦二百餘壽昌軍壞

戰艦六十餘江州興國軍亦知之

雲氣占考

漢昭帝元平元年正月庚子日出時有黑雲狀如焱風亂擊轉出西北東西行轉而西有頃亡占曰有雲如衆風是謂風師法有大兵其後兵起烏孫五將征匈奴二月乙酉祥雲如狗赤色長尾三枚夾漢西行

成帝永始二年二月癸未夜東方有赤色大三四圍長二三丈索索如樹南方有大四五圍下行十丈餘皆不至地滅占曰東方客之變氣狀如樹木以此知四方欲動者明年十二月己卯尉氏男子樊並等謀反賊殺太守劫略令丞自稱將軍皆誅死庚子山陽鎮官亡徒蘇令等殺傷吏民取庫兵聚黨數百人為大賊踰年經歷郡國四十餘一日有兩氣同時起並見而並令等同月俱發也

哀帝建平元年正月丁未日出時有著天白氣廣如一尺布長十餘丈西南行謹如雷西南行一刻而止名曰天狗傳曰言之不從則有大禍詩妖到其四年正月二月三月民相驚動謹譁奔走傳行詔籌祠西王母又曰從日人當來十二月白氣出西南從地上至天出參下貫天厠廣如一尺布長十餘丈十餘日去占曰天子有陰病其三年十一月壬子太皇太后詔曰皇帝寬仁孝順奉承聖緒靡有解怠而久病未瘳夙夜惟思殆繼體之君不宜改作春秋大復古其復甘泉泰畤

汾陽后土如故

王莽地皇四年漢兵起南陽至昆陽莽遣王尋王邑將諸郡兵號百萬圍昆陽城數重軍勢甚盛晝有雲氣如壞山墜軍上軍人皆厭所謂營頭之星也占曰營頭之所墜其下覆軍流血三千里時光武將兵救昆陽殺王尋莽軍敗散王邑還長安莽敗俱誅死營頭之變覆軍流血之應也

和帝永元十二年十一月癸酉夜有蒼白氣長三丈起天園東北指軍市見積十日占曰兵起十日期歲明年十一月遼東鮮卑二千餘騎寇右平北十六年四月丁未紫宮中生白氣如粉絮占為喪

順帝永建二年九月戊寅有白氣廣三尺長十丈餘從北落師門南至斗

靈帝熹平二年八月白氣如一匹練衝北斗第四星占白氣衝北斗為大戰明年冬揚州刺史臧旻等攻盜賊斬首數千級光和元年六月丁丑有黑氣隨北宮溫明殿東庭中黑如車蓋起奮迅身五色有頭體長十餘丈形貌似龍

晉惠帝永興元年十二月壬寅夜有赤氣亘天研隱有聲二年十月丁丑赤氣見北方東西竟天占曰并為大兵研有聲怒之象也是後四海雲擾九服交兵光熙元年十二月甲申有白氣若虹中中天北下至地夜見五日乃滅占曰大兵

起明年王彌起青徐汲桑亂河北毒流天下

懷帝永嘉三年十二月乙亥有白氣如帶出南北方各二起地

至天貫參伐中占曰天下大兵起四年三月司馬越收繆亂

等又三方雲擾攻戰不休五年三月司馬越死於寧平城石

勒攻破其衆死者十餘萬

愍帝建興元年十月己巳夜有赤氣曜於西北荊州刺史陶侃

討杜弢之黨於石城戰歟

宋文帝元嘉三十年正月乙亥朔會羣臣於太極前殿有青黑

氣從東南來覆映宮上

陳宣帝太建四年有白氣如虹自北方貫北斗紫宮

北齊後主天統三年五月戊寅夜西北有赤氣竟天夜中始滅

十月丙午天西北頻有赤氣占曰有大兵大戰後周武帝統

衆來伐

周武帝天和二年十月辛卯有黑氣一大如杯在日中甲午又

加一經六日乃滅占曰臣有蔽主之明者 六年二月己丑

夜有蒼雲廣三丈經天自戌加辰

靜帝大象二年六月甲戌有赤氣起西方漸東行徧天

唐太宗貞觀十一年七月一日黃氣竟天大雨穀水溢

中宗景龍元年九月十八日有赤氣竟天其光燭地三日乃止

肅宗寶應元年七月西北有赤光亘天貫紫微漸流於東彌

漫北方照耀數十里

德宗貞元二年正月大雨雪平地深尺餘雪上有黃黑色狀如

浮埃

敬宗寶曆元年十二月乙酉夜有霧起須臾遍天霧上有赤氣

或深或淺久而乃散

懿宗咸通元年十一月丁酉戌時妖星初出如匹練亘空化為

雲而沒在楚分

僖宗中和二年七月丙午夜西北有赤氣如絳竟天

昭宗光化二年春有白氣經天如練自西南徹東北而旋

後唐明宗天成二年十二月壬辰酉時西南方有赤氣如火燄

燄約二千里占者云不出二年其下當有大兵

晉高祖天福二年正月二日夜初北方有赤氣西至戌亥地東

北至丑地南北濶三丈狀如火光赤氣內見紫微宮及北斗

諸星至三點後內有白氣數條次西行至夜半于時方散

宋太祖乾德三年七月己卯夜西方起蒼白氣長五十尺貫天

船五車亘井宿占曰主兵動 六年十月己未亘西北起蒼

白氣三道長二十尺趨東散占曰游兵之象

太宗太平興國四年四月己未夜西北有白氣壓北斗 雍熙

三年正月己未夜赤氣如城占為兵 四年正月癸酉夜白

氣起角亢經太微垣歷軒轅大星至月旁散 端拱元年十

月壬申遲明翼上有雲氣過中天連地濃潤前赤黃後蒼黑
色先廣後大行勢如截占曰將領行陣有大克捷十一月戊
午夜西北方有赤氣如日脚高二丈 至道二年二月丙子
夜西北方有蒼白氣長短八道如彗掃稍經天漢參錯如交
蛇占曰所見之方主兵勝

真宗咸平三年十月辛亥黑氣貫北斗占曰兵起人疫十二月
庚午黑氣長三丈餘貫心宿入天市垣抵帝座久方散 四
年三月丙申白氣二亘天十月辛亥黑氣貫北斗 五年正
月白氣如虹貫日久而散七月戊戌白氣如陣貫東井 六
年四月己巳白氣東西亘天丁丑白氣貫日五月辛亥白氣
出鼎至東壁浹六月辛未赤氣出婁貫天庾占曰倉庫有火
災丙子白氣出河鼓左右旗分為數道沒七月癸卯白氣如
彗起西南方占曰有兵喪 景德元年三月白氣貫軒轅蒼
白氣十餘如布亘天七月辛亥黃氣出壁長五尺餘占曰兵
出十一月癸丑黑氣十餘道街日 二年正月丙寅黃白氣
貫月黑氣環之二月丁亥白氣五道貫北斗占為大風幸臣
憂十月丙子白氣出閣道西序序有光占曰宮中憂 三年
三月丙辰北方赤氣亘天白氣貫月十月甲午黑氣貫北斗
魁占曰夷兵起 四年三月己未白氣東西亘天庚申白氣
出南方長二丈許久而不散四月庚午白氣貫北斗長十丈

占為大風庚寅白氣如布襲月三丈許甲午南方有黑氣貫
心宿長五丈許占大水十一月己巳中天有赤氣如掃長七
尺在輿鬼南占曰秦兵疫 大中祥符元年正月癸亥朔黃
氣出於艮占曰主五穀熟丁丑白氣二東西亘天七月西北
方白雲氣如彗帚三十餘條占曰主兵戰 二年九月戊午
黃氣如柱起東南方長五丈許 三年四月丁巳中天有黑
氣東西亘天占為水十二月癸亥青赤氣貫太微 五年二
月壬寅白氣長五丈出東井貫北斗魁及軒轅占為兵為雷
雨 七年九月有氣出紫微為宮闕狀光燭地 天禧三年
四月黃氣如柱貫月占曰女后喜

仁宗天聖七年二月己卯夜蒼黑雲長三十尺貫弧矢翼軫占
曰荆楚水 明道元年十月庚子夜黃白氣五貫紫微垣十
二月壬戌西北有蒼白氣亘天 景祐元年八月壬戌夜有
黃白氣如彗長七尺餘出張翼之上凡三十三日不見 四
年七月戊申夜黑氣長丈餘出畢宿下 寶元二年正月壬
子夜蒼黑雲起西北長三十尺漸東南行歷婁胃昂畢及火
木相次中天而散占曰水災倉穀腐敗邊兵憂若七日有雨
則不占三月甲寅夜細黑雲起西北方長三十尺貫王良及
營室占曰衛分大人憂 康定元年三月丙子夜東南方近
濁黑氣橫亘數丈濶尺許良久散占曰東南有水憂六月壬

子黑氣起心宿西長五十尺首尾侵濁以之散占曰大雨水

二年八月庚辰夜東方有白氣長十尺許在星宿度中至

十日長丈餘衝天相居星宿大星南九十餘日沒壬午夜黑

氣起西南長七丈貫危宿羽林入濁至天津良久散癸卯夜

蒼白雲起西北濶二尺首尾至濁良久散占曰其下有兵

慶曆二年八月甲申白雲貫北斗十一月壬申黑氣貫北斗

柄 三年正月戊戌中天有白氣長二十尺向西南行貫日

占曰邊兵憂四月癸卯白氣二生西北隅上中天首尾至濁

東南行良久散占曰其下有兵寇七日有大風雨則不占七

月戊辰夜西南生黑氣長三文許經天而散占曰雨水八月

壬子夜白氣貫北斗魁 四年五月甲子夜黑氣起東北方

近濁長五丈許良久散占曰大雨水宜治津梁九月辛巳夜

中天有白氣長二丈許貫卷舌南河東北行少頃散占曰風

雨之候十一月甲子夜蒼白雲起南近濁久方散占曰南方

有兵寇七日有大風雨則散 八年正月丁酉夜黑氣生首

尾至濁漸東行久之不散占曰水災二月辛卯夜西方近濁

生黑氣長三文許良久散占曰水災 皇祐四年十一月壬

寅夜黑氣生東方南北至濁貫參宿軒轅占曰主邊境有火

憂辛酉夜白氣起北方近濁長五丈許歷北斗久之散占曰

多大風

英宗治平元年六月戊午夜蒼白雲起東北方長一文許貫畢

占云有兵禍 二年二月乙未夜蒼黑雲起西北方長五丈

許貫東井及北斗良久散占曰大水民疾病四月癸巳夜蒼

黑雲起西北方長三十尺西至軒轅太民北抵鈞陳占曰雨

水後宮有疾病之憂丙午夜西北方有白氣漸東南行首尾

至濁貫角宿移西北久方散占曰有兵戰疾疫事九月庚申

夜西北蒼黑雲長三文許貫營室壘壁陣及天河占曰土功

興及雨水 三年六月丁未夜東方有蒼白雲長一文許貫

畢占曰歲不收亦陰雨之候 四年二月癸巳夜蒼白雲起

南方長三文濶尺貫南門星主兵出閭三月辛巳蒼黑雲起

南方兩首至濁濶尺貫尾箕斗牛庫樓騎官主陰雨五月戊

寅夜蒼黑雲起北方長三文濶尺貫紫微垣王良主蕃國有

暴兵及奉車官憂壬寅夜蒼黑雲起北方長三文濶尺貫紫

微垣主暴兵六月癸亥夜白雲起東北方長五丈上濶下狹

貫天船閣道傳舍紫微垣天樞主畜夫過賊亦為雨候八月

乙亥夜黑雲起西北方長丈濶尺貫北斗主陰雨十月庚申

夜黃氣一上下貫月中主女王憂十二月庚戌夜蒼黑雲起

南方長三文濶二尺貫五車東井五諸侯

神宗熙寧元年正月乙酉夜蒼白雲起西南方長四丈濶尺貫

月及河南魁軒轅主秦分暴兵六月己酉夜蒼黑雲起北方

長二丈濶尺貫北斗魁東貫文昌主三公疾民憂十月庚申
夜蒼黑雲起北方東西兩首至濁貫織女天棊紫微垣北斗
魁主暴兵三日有雨則解 二年四月甲辰夜蒼白雲起東
南方長二丈濶尺貫天市垣主人多疾疫七月甲申日下有
五色雲十一月每夕有赤氣見西北隅如火至人定乃滅
三年二月庚辰夜蒼黑雲起西北方長三丈濶二尺貫王良
扶筐天廚 四年六月己未夜蒼黑雲起西北方長丈濶尺
貫五車又起西北方長丈餘貫北斗魁文昌王大臣憂 五
年七月丁亥夜白雲起南方長丈貫辰房心 六年五月庚
申夜蒼黑雲起東北方長五丈濶二尺貫雲雨閣道 七年
三月壬子蒼白雲起西南長二丈濶尺貫日經中天過白氣
如帶主兵四月壬申夜蒼白雲起北方長五丈濶二尺貫北
斗魁鉤陳王良閣道東至奎六月辛未夜蒼黑雲起天河中
長五丈南北兩首至濁貫尾箕又蒼黑雲起東方長五丈貫
羽林軍外屏丙戌夜蒼白雲起南方長二丈貫危室壁及八
魁主齊衛分憂或土功木壬辰夜蒼白雲起西北方長二丈
貫天棊紫微垣主分爭與刑罰藏兵崇雜備非常又主牛畜
多死七月庚戌夜蒼白雲起東方長丈餘貫參旗及參宜察
臣下 八年二月己巳夜蒼黑雲起東方長三丈貫心天市
垣列肆宗星主物貴五月癸亥夜蒼黑雲起西方長三丈貫

軒轅太微垣五帝座主諸侯憂十月庚子夜黑雲起西北方
長三丈貫畢大陵鉤星 九年四月庚寅夜白氣長丈起東
北方天市垣辛亥夜蒼黑雲起南方長二丈貫庫樓騎官積
卒心尾主憂六月乙未蒼白雲起東北方長四丈貫室壁閣
道主兵憂七月己卯夜蒼黑雲起南方長四丈貫軍市天園
主兵十月乙酉夜蒼黑雲起西北方長四丈貫北斗鉤車府
主雨 十年六月癸未夜蒼黑雲起南方長三丈濶尺貫龜
魁天淵主多雨水七月丙子夜蒼黑雲起北方長丈貫北斗
魁主民憂貴臣獄或多雨八月庚辰蒼黑雲起東北方長二
丈貫參井北河五諸侯主諸侯憂或大水九月庚申夜蒼黑
氣起北方由北斗魁鉤貫紫微垣至天棊 元豐二年四月
戊申夜白雲起南方長三丈貫庫樓積卒龍尾主將死或大
臣熱 五年四月壬申夜蒼白雲起北方長三丈出太微垣
貫五帝座陳常主人主大喜 八年七月庚申夜蒼黑雲生
北方長三丈濶尺貫北斗文昌天棊主三日內有雨及大臣
熱
哲宗元祐三年七月戊辰夜東北方近濁天明照地如月將出
漸偏西北有白氣經天主兵宜防西北二鄙 紹聖二年十
一月桂陽監慶雲見 元符二年九月戊辰夜赤氣起北方
紫微垣北斗星東南次有白氣十道各長五尺主兵及大臣

點

徽宗崇寧元年十一月己酉赤氣隨日沒主大旱外及有告急

二年五月戊子夜蒼白氣起東南方長三文貫尾箕斗主

紫微垣貫四輔主相凶 政和元年十一月甲戌夜蒼白氣起

中天漸成五色如華蓋 七年五月乙卯夜赤雲白氣起東

北方主大旱民飢饉 宣和元年六月辛巳夜赤氣起北方

半天如火 二年二月戊戌夜赤雲起東北漸向西北入紫

微垣 三年九月壬午夜蒼白氣長三文貫月主其下有亂

者 四年九月丁丑西方日下有赤氣 七年四月壬子夜

有赤雲入紫微垣主兵起

欽宗靖康元年正月丁丑夜赤白氣起西方主所向兵至九月

戊寅有赤氣隨日出十一月己丑日下有赤氣閏十一月丁

酉赤氣亘天 二年正月己亥夜西北陰雲中有火長二丈

餘濶數尺時時見二月壬午夜白雲如虹自南亘北漸移西

南至東北三月戊子夜白氣貫斗

高宗建炎元年八月壬申東北方有赤氣 四年五月壬子赤

雲亘天中有白氣十餘道貫之如練起於紫微垣犯北斗及

文昌由東南而散占兵大起又所向兵至宮中有喪 紹興

元年二月己巳白氣亘天占有暴兵 七年十一月癸卯有

赤雲如火隨日入 八年九月甲申正北方有赤氣如火影

二十七年二月乙酉赤氣出紫微垣 三十年二月壬申

西北方正北方東北方一帶約五處赤氣如火影十一月甲

午西南方白氣自尾宿歷壁宿婁宿昂宿止十二月戊申夜

白氣出尾宿歷心宿亢角宿入天市貫太微至部位止有

類天漢白氣主兵明年亮大入寇 三十一年十二月辛丑

白氣自斗歷牛女虛

孝宗隆興元年十二月壬午白氣自危宿歷室壁婁胃昂宿

二年正月甲寅白氣自壁宿歷奎婁昂宿參 乾道元年

正月庚午夜白氣出奎漸上經婁胃昂宿貫畢入參占主殺伐

主邊城三月戊辰夜白氣自參宿至角宿與天漢相接其白

氣約廣七丈四月丁酉夜蒼白氣自西北浙上東北入天市

垣辛丑入北斗魁中乙巳入紫微垣內至天極天樞中十一

月丙寅白氣出女歷虛危室壁上奎婁胃昂宿十二月庚午

白氣亘天 六年十月庚午赤氣隨日出占氣如火隨日出

者軍行有兵憂十一月丁丑赤氣隨日入占有告急者或檄

天下召兵不行 七年六月壬寅十月戊午赤氣隨日 八

年十一月乙巳赤氣隨日入丙午赤氣隨日出占君側有佞

臣 九年十月壬申日出前東方并日入後西方有雲氣若

烟非烟若雲非雲青赤黃三色光潤占凡氣有三色名曰商

雲見則國有慶乃人君修德而致 淳熙三年八月丁酉赤氣隨日沒戊戌赤氣隨日出 十年正月戊子西南有白氣如天漢而明南北廣六丈東西亘天占有兵起 十四年十一月甲寅赤氣隨日入

光宗紹熙四年十一月甲戌夜赤雲白雲見占赤雲如火影見者如足帛天下多兵 二年六月壬寅白氣如帶道亘天已酉亦然喪之象也

寧宗慶元四年八月庚辰赤氣如帶亘天占有暴兵 五年二月癸酉夜白氣如帶道亘天 嘉泰四年二月庚申赤氣亘天次月臨安大火十一月壬申白氣如帶道亘天占有暴兵

嘉定六年十月乙卯有赤氣隨日出十一月辛卯有赤氣隨日入

理宗端平元年正月辛丑鄂州江陵府副都統制孟珙攻蔡州見黑氣墜城上 嘉熙四年二月丙辰白氣亘天淳祐二年四月甲寅亦如之 景定元年三月白氣如匹練亘天 三年七月甲申夜白氣亘天如匹布

度宗咸淳三年襄陽城中白氣自西而出 十年正月乙卯朔永清有氣如虹橫貫一邑 帝昺祥興二年二月癸未黑氣出屋山西是日太傅樞密副使張世傑與元師戰兵潰

遼太祖神冊二年六月乙巳幽州城中有氣如烟火狀

景宗保寧五年四月丙申白氣晝見

道宗壽隆七年正月壬戌朔夜白氣如練自天而降黑雲起於

西北疾飛有聲北有青赤黑白氣相雜而落

金海天德二年十二月乙卯慶雲見狀如鸞鳳五彩 正隆六年十月丙午慶雲見

世宗大定七年潤七月己卯午刻慶雲環日八月辛亥午刻復

如之 二十三年十月己未慶雲見於日側

昌宗明昌三年十二月丙辰北方微有赤氣

章宗泰和五年九月戊子戌時西方北方間黑雲間有赤氣如

火次及西南正南東南方皆赤中有白氣貫徹乍隱乍見既

而為雨隨作風至二更初黑雲間赤氣復起於西北方及正

西正東東北往來遊曳內有白氣數道時復出沒其赤氣又

滿中天約四更皆散 六年正月北京中龍山縣西見有雲

結成車牛行帳之狀或如前後摧損之勢晦日乃散九月乙

酉夜將曙北方有赤白氣數道歷王良下徐州至北斗開陽

搖光而散

衛紹王大安元年四月壬申北方有黑氣如大道東西竟天至

五更散 三年三月辛酉辰刻北方有黑氣如堤內有白氣

似龍虎之狀 至寧元年紫雲覆彰德城上數日

宣宗貞祐元年十月丙午夜有白氣三衝紫微而不貫十二月
丙申白氣東西竟天移時散 三年六月戊申夜有黑氣廣
如大道自東南至於西北其長竟天 興定三年七月庚申
五色雲見十月乙丑平涼府慶雲見遣官驗實以告太廟詔
國中 五年正月山東行省蒙古綱奏慶雲見命圖以進六
月戊寅日將出有氣如大道經丑未歷虛危東西不見首尾
移時沒十二月己丑北方有白氣廣三尺餘東西亘天 元
光元年十月丁未東北有赤雲如火

哀宗正大二年二月甲寅有黃黑稜 三年三月庚午省前有
氣微黃自東北亘西南其狀如虹中有白物十餘往來飛翔
又有光倏見如二星移時方滅 四年六月丙辰有白氣經
天

元世祖中統二年正月辛未夜東北赤氣照人大如席
順帝至正十三年冬袁州路每日暮有黑氣環繞郡城 十四
年十二月辛卯絳州北方有紅氣如火蔽天 十八年三月
辛丑大同路夜黑氣蔽西方有聲如雷少頃東北方有雲如
火交射中天遍地俱見火空中有兵戈之聲 二十一年七
月己巳忻州西北有赤氣蔽天如血八月癸未彰德西北夜
有紅氣亘天至明方息乙酉大同路北方夜有赤氣蔽天移
時方散十月癸巳絳州有赤氣見北方如火 二十二年京

師有白氣如小索起危宿長五百丈掃太微二十三年三月
壬戌大同路夜有赤氣亘天中侵北斗六月丁巳絳州日暮
有紅光見於北方如火中有黑氣相雜庚申平陽路有白氣
三道一貫北極一貫北斗一貫天漢至夜分方滅八月丙辰
沂州有赤氣亘天中有白色如蛇形徐徐西行至夜分乃滅
十月丙申朔青齊一方赤氣千里 二十六年三月丁亥有
氣橫貫東南良久始滅 二十七年五月丙子朔大名路有
白氣二道亘天 二十八年七月癸酉京城紅氣滿空如火
照人自亘至辰方息乙亥京城黑氣起百步內不見人從寅
至巳方息

明太祖洪武四年四月辛丑五色雲見戊申己酉及十一月
壬戌并如之五年正月庚午丙子六月辛巳七月己酉壬子
八月己亥并如之 六年五月乙巳慶雲見六月丁丑五色
雲見七月癸卯亦如之七年四月丙午五月丙戌癸巳甲午
六月乙未乙卯七月己卯八月辛酉十月丙午并如之 七
年冬十月廣州黑氣亘天 八年正月壬申五色雲見四月
丁未五月庚午癸未六月壬辰己亥十月庚戌及九年八月
癸巳並如之 十四年正月黑氣亘天九月甲申五色雲見
十一月甲申黑氣亘天 十五年正月甲申五色雲見五月
庚申九月乙卯丙寅十一月辛酉十八年四月癸巳乙未五

月辛未甲申六月癸丑十九年九月壬午二十年十一月丁亥並如之二十一年二月己卯黑氣亘天三月壬午白雲貫暈及太陰五月乙酉五色雲見七月丙戌黑氣亘天二十七年六月己卯五色雲見

惠帝建文二年十月丙辰夜有白氣二道自東北指西南

成祖永樂元年六月甲寅日下五色雲見八月壬申日珥隨五色雲見

八年二月庚戌車駕次永安甸日下五色雲見

十一年六月戊申朔武當山頂五色雲見十七年九月丙辰慶雲見十二月癸未亦如之二十一年八月甲子泰嶽

太和山頂金殿現五色圓光紫雲周匝逾時不散二十二年十一月丙戌月下五色雲見

仁宗洪熙元年二月癸酉庚辰三月乙未俱五色雲見六月中天有白氣東西竟天

宣宗宣德元年二月戊子北方黑氣東西亘天六月癸未夜有蒼白氣東西竟天七月乙未夜中天生蒼白雲廣二尺餘東西竟天八月癸酉昏刻中天有青氣三道長如匹練東南行

甲戌東南有白氣一道如決堤戊寅昏刻中天有青雲狀如杵南有黑雲狀如覆船庚辰東南有白氣狀如羣羊驚走既滅有黑氣狀如死蛇頃之分為二辛巳駐蹕樂安城中有黑氣如死灰東南天有青氣狀如人叉手揖拜九月丁未日上

五色雲見十一月丙辰北方有蒼白雲東西竟天丁巳中天有黑雲一道貫北斗南北竟天二年三月辛卯昏刻南方有蒼白雲一道起天因東掃翼軫十月戊寅日未出有紅雲一道起正東濁西南行十一月乙未日下五色雲見三年十月癸巳曉月生五色雲四年六月戊子夜亦如之五年閏十二月戊午夜北方生蒼白雲長三文餘六年三月壬子昏西方有蒼白雲南北竟天七年六月壬辰日入後有青霞二道東西竟天十年三月丁亥月生五色雲

英宗正統元年八月丁卯夜有黑氣二道東西竟天九月辛亥未刻黑氣一道兩旁色蒼白濶二丈餘自西南屬東北亘天十月己丑日生五色雲十二月癸亥如之二年六月癸酉日入後東南有蒼白雲一道東西約長十丈餘七月庚子月生五色雲八月甲申北方黑氣東西亘天三年七月己亥夜中天有蒼白雲南北竟天貫南北斗十月癸丑夜北方有黑雲氣一道東西約長十餘丈濶三尺餘四年八月丙戌夜東北方有黑雲一道約長二丈濶五尺辛丑夜東方有黑雲濶二丈南北亘天十月戊戌夜有白雲一道東西約長十餘丈六年七月戊戌五色雲見於西方七年四月戊戌月生五色雲八年十月辛卯昏刻天中有黑氣南北亘天十一月戊辰夜東南方有蒼白雲東西亘天九年十月丙

欽定天文正義 卷七六

午夜五鼓北方有黑氣長十餘丈濶五尺餘離地逾三尺餘
 徐徐北行十一月甲午月生五色雲 十年八月癸亥日生
 五色雲九月丁酉亦如之 十一年二月辛酉有異氣現華
 蓋殿金頂及奉天殿鸛吻之上 十四年七月癸卯夜有黑
 雲一道濶二尺餘離地一丈餘南北亘天徐徐北行八月庚
 戌有黑雲如傘蓋十月庚申晝生蒼白雲復化為三東西南
 北竟天壬戌夜西南有黑氣如火烟須臾化蒼白氣六道徐
 徐北行壬申日初出東方有黑雲五道中高兩頭銳而卑日
 上黑雲如烟尋發紅光散焰如火

景帝景泰元年閏正月癸酉酉刻西方有氣上黃下黑非雲非
 霧蔽天掩日更盡方散甲戌南方生蒼白雲一道濶二尺餘
 離地十丈許徐徐西南行須臾漫如烟霧蔽天二月戊寅平
 旦日上有雲氣如烟火散漫已卯西方生黑氣如之壬午日
 上黑氣四道約長三丈離地丈許兩頭銳而貫日其狀如魚
 壬寅夜黑氣南北亘天三月戊辰正西有赤黃雲數十段須
 臾散漫如火有光照耀四月甲戌西北黑雲如堤南北亘天
 五月丁未東方赤雲如火西北黑雲長十丈餘濶一丈徐徐
 南行六月乙酉日出赤雲四道兩頭銳如耕墾狀徐徐東北
 行而散八月甲戌黑雲如山化作龍虎狀夜有雲氣形如麋
 鹿驚奔俱南行九月辛酉夜黑雲數丈橫貫北斗魁蒼白雲

三道東西亘天兩廂有蒼白雲氣南北亘天十月辛未西南
 黑氣如烟火南北亘天 二年四月庚辰有黑氣如烟摩地
 而上甲午西方有黑氣如烟霧摩地而生徐徐南行六月戊
 寅日上五色雲九月辛酉夜蒼白雲三東西竟天 三年正
 月癸亥東南有黑雲如人戴笠北向而揖 四年十一月丁
 卯月生五色雲

英宗天順元年六月甲辰北方有黑氣濶而且厚如山林烟火
 狀 二年十月己巳南京日入後西南有赤氣如火影壬申
 月生五色雲十二月甲子夜正北火影中見赤氣一道濶二
 尺餘直衝天中長五十餘丈其形上銳狀如立鏡 三年十
 二月甲戌夜南方火影中見赤氣濶二尺餘長十丈餘其形
 上銳如立 四年八月乙丑西北有黑氣摩地而生徐徐南
 行十月戊午月生五色雲 五年七月己亥朔夕東方有黑
 氣須臾蔽天十月乙亥昏刻正西有赤雲長三丈餘濶倍之
 去地三丈兩頭銳徐向西南行 七年三月己亥晝夜游氣
 不開天色慘白昏蒙十月戊申蒼白雲一道長二十餘丈東
 西橫貫天樞天廚星

憲宗成化二年三月辛未白雲起南方東西竟天 五年三月
 癸卯月生五色雲暈 八年三月庚子黑氣起西北臨清德
 州晝晦四月甲午西方有黑氣至邳漸散 十一年正月丙

寅月生五色雲。十二年十二月己卯夜西北方有赤氣衝天，長五丈許，狀如矛鋒。二十一年閏四月壬辰開濮二州。清豐金鄉未申時黑雲起西北化為五色須臾晦如夜。

孝宗弘治元年六月癸巳朔襄陽市有黑氣如霧恍如人形觸人，小兒中之立死。二年正月辛巳日生五色雲。八月甲辰西方有赤氣南北橫天。五年二月己巳北方黑氣東西亘天。十二月辛亥夜東方有白氣南北亘天，長十餘丈去地五丈。六年八月壬申南京有黑氣東西百餘丈。十年二月丙申修武黑氣入地化為石，狀如羊角。十四年三月己酉朔日生五色雲。十六年二月庚子宜良黑氣迷空咫尺莫辨人形。十八年五月庚寅雲籠三殿雲端若有人騎龍上升者，人多見之。十月庚午五色雲見。

武宗正德元年正月乙酉夜崇明空中有紅光曳尾如虹起東北至西南沒聲如雷。辛丑鳳陽紅光發與日同色聲如雷。三月戊申夜太原有火光如斗墜寧化王府空中見紅光如彎弓，長六七尺，旋變黃，又變白，漸長至二十餘丈，光芒亘天。十二月庚戌青州有氣如龍，色紅黃久之變青白而散。二年八月己亥赤光見寧夏，長五丈。六年正月壬子朔清河乾圻黑氣突起俄而雷雨大作，忽明忽晦，至巳刻氣如炎暑。九年十一月癸酉山西襄陵西南白氣如二帚，移時散。

十二年閏十二月丁丑夜瑞州東方有紅氣變白形如曲尺，中外二氣黑相闔者久之。

世宗嘉靖元年十二月武城縣西城樓角南有孔出白氣如烟七日乃止。七年四月河間有氣如火光龍形自空至地直立於西南，數刻方散。十月萬州白氣如虹自西直入天河，凡十九夜方滅。十二月望白氣亘天津。十七年九月戊子日生五色雲。十八年二月庚子朔當午日下有五色雲，見長徑二丈餘，形如龍鳳。

穆宗隆慶二年四月甲申萬全都司空中有赤黑二雲，聞六年正月庚申夜北方有赤氣如火光良久漸散。

神宗萬曆五年六月庚辰祥雲繞月。九年十月丙申慶雲見於宜陽，翹結如蓋，歷已盡午方散。十年二月癸卯甘肅赤白雲氣見。十九年二月丁丑甘肅涼州有白氣貫月。五月己丑天降白氣一道。二十四年七月丁丑白氣貫月。三十五年正月庚午黑氣蔽天。三十七年二月壬戌夜白雲氣一道，濶二丈餘，如匹練從巽至乾，穿氏宿入太微垣及北河井宿，良久乃散。八月甲戌點白氣亘天。

光宗泰昌元年九月戊戌有赤氣映天如赭。熹宗天啟四年六月癸巳午刻南方五色雲見。六年六月朔山陰東方五色雲見。閏六月己未夜北方有蒼白雲氣出紫。

微垣內經勾陳入螣蛇天津河鼓從坎至巽良久乃散

欽定天文正義卷七十七

愍帝崇禎元年三月太湖縣雲成五色有樓閣狀 七年正月

虹霓占考

遍天五色氣如環大小不一踰時方滅 十一年六月黑氣

冲天 十二年二月壬申濬縣有黑黃雲起旋分為二項之

四塞狂風大作黃埃漲天間以青白氣五步之外不辨人踪

至昏始定 十六年二月初五日大內諸殿脊及各門樓丹

丹若炊烟而微淡久乃息十月將祭宗廟鹵簿已設忽黑氣

自空而墜如有婦人衣白者疾飛入宮 十七年四月四日

都城內外黑氣蒙隱不散皇極殿作白色

虹霓占考

陳宣帝太建十二年二月壬寅白虹見西方占曰有喪

周武帝建德四年十月癸亥帝率眾攻晉州是日虹見晉州城

上首向南尾入紫宮長十丈餘庚午克之丁卯夜白虹見長

十餘丈頭在南尾入紫宮中占曰天下兵戰流血又曰若無

兵必有大喪至六年正月平齊

唐高祖武德初隋將堯君素守蒲州有白虹下城中

高宗永隆元年六月戊子虹蜺亘天

肅宗至德二年正月丙子南陽夜有白虹四上亘百餘丈

憲宗元和十三年十二月丙辰有白虹濶五尺東西亘天

武宗會昌四年正月己酉西方有白虹

懿宗咸通元年七月己酉朔白虹橫亘西方九年七月戊戌

白虹橫亘西方

昭宗光啟二年九月白虹見西方十月壬辰夜如之天復三

年三月庚申有曲虹在日西北

晉高祖天福九年正月乙未大霧中二白虹相偶四月庚戌大

霧中有蒼白二虹

末帝開運元年正月乙未大霧中有白虹相偶

周太祖廣順元年十一月甲子白虹竟天

宋高宗建炎四年三月辛亥白虹貫日京房易傳曰蜺者旁氣

也白蜺毀出日中茲謂擅陽紹興八年二月辛巳日中有

白虹亘天二十七年二月壬寅白虹貫日三十年十二

月辛酉曲虹見日之西占曰虹蜺陰陽交錯之氣曲虹冬見

異之尤甚也

孝宗乾道三年十月丙申虹出非時淳熙元年十月戊寅曲

虹見日之東二年十月庚辰虹生非時五年十月丁巳

曲虹見日之東

寧宗慶元元年正月丙辰白虹貫日嘉泰三年七月壬午亦

如之四年十一月虹生非時嘉定十一年二月丙辰白

虹貫日

理宗嘉熙三年十月乙丑虹見四年二月辛丑白虹貫日

淳祐十年十二月丁巳虹見寶祐五年十月甲午亦如之

遼聖宗統和二十年正月癸丑東方五色虹見

金海陵天德二年正月甲辰白虹貫日十一月丙戌及三年正

月丁酉亦如之

世宗大定二十九年正月乙卯白虹貫日亘天二月乙丑白虹

亘天

宣宗興定三年十一月癸丑白虹二夾月尋復貫之

哀宗正大四年十一月乙未日上有虹背而向外者二約長丈

餘兩旁俱有白虹貫之

元世祖至元二十四年七月癸丑白虹貫日武宗至大三年正月丁亥八月甲寅並如之

泰定帝泰定元年夏温州虹見九頭色如血 四年二月辛卯白虹貫日

文宗至順元年九月癸巳白虹貫日二年正月己酉亦如之

三年五月丁酉白虹並日出長竟天

順帝至元三年正月丁巳白虹貫日八月癸未亦如之 四年

八月丁丑京師白虹貫天 五年正月丙寅白虹貫日 至

正十九年九月丙午夜白虹貫天 二十三年六月丁巳絳

州有白虹二道衝斗牛間 二十五年三月壬戌白虹貫日

二十六年三月丁亥白虹五道亘天其第三道貫日又氣

橫貫東南良久乃滅 二十八年閏七月壬戌白虹貫日乙

丑冀寧汶水縣有白虹貫日自東北直繞西南雲影中似日

非日如鏡者三色青白踰時方沒

明太祖洪武九年六月丁酉白虹見 十年二月己巳白虹貫

日十二月甲子白虹貫月 十四年正月壬子白虹貫日十

五年正月丁未十六年正月戊申並如之 十九年三月己

巳夜白虹貫月 二十二年十二月戊午白虹貫日 二十

三年正月壬辰白虹貫日珥 二十八年十一月乙亥白虹

貫日珥已而彌天貫日 三十年二月辛亥白虹亘天貫日

成祖永樂十八年閏正月癸未白虹貫日珥

仁宗洪熙元年正月乙未白虹貫日珥四月丁未並如之

宣宗宣德元年二月己卯白虹貫月珥四月癸未夜西方有虹

一道蒼白鮮明 二年十二月甲戌白虹貫月珥 五年四

月庚辰白虹貫日珥 十年十二月辛亥白虹貫日珥

英宗正統元年二月己酉白虹貫月九月丁未十二月丙戌並

如之 二年七月壬寅夜北方生白虹一道兩頭至地 三

年四月庚辰白虹貫日珥十二月癸酉白虹貫月珥 七年

十二月辛丑白虹貫月暈 十一年正月乙未白虹彌天

十四年正月辛卯白虹貫月八月戊申東北生虹蜺形如杵

景帝景泰二年正月癸卯白虹貫日珥 三年正月丙辰日生

白虹 五年十一月壬戌白虹貫月右珥 七年九月丁丑

夜北方白虹見首尾指地

英宗天順元年二月庚戌白虹貫日辛亥白虹貫日彌天者竟

日 二年二月乙卯白虹貫日七月戊申白虹見東方直起

上銳長十餘丈

憲宗成化三年七月癸酉東北生白虹兩頭自地出良久散

二十年二月己未日生白虹東北亘天

孝宗弘治二年正月甲戌白虹彌天丙戌如之四年二月庚戌

復如之 八年七月甲午夜京師北方白虹見色蒼白 九

年三月乙酉白虹貫日彌天十一年十二月庚申亦如之

欽定天文正義卷七十八

十三年二月己亥白虹彌天十七年二月癸丑十八年二月

雷電占考

己巳夜及正德元年正月乙酉十二月辛酉甲子並如之

電占考

世宗嘉靖元年二月丙戌白虹彌天七年正月乙亥亦如之

雨占考

八年十月饒平白虹見於西南三夜象如刀十三年二月

壬辰白虹亘天十八年十二月壬午立春亦如之四十年

五月晦日將曉赤虹二自西北經東南亘天四十一年十

一月辛丑白虹彌天四十三年六月黑虹見北方

穆宗隆慶五年三月辛巳白虹亘天

神宗萬曆四十六年七月海州見白虹貫日四十八年二月

癸丑白虹彌天

熹宗天啟元年二月甲午白虹彌天三年三月白虹貫日

愍帝崇禎八年二月丙午白虹貫日十一月及十年二月並如

之十二年正月五日東南有白虹十七年八月義烏中

天虹見兩頭開了

雷電占考

成王時大熟未穫天大雷電以風禾盡偃大木斯拔

秦始皇五年冬十月雷

漢惠帝五年冬十月雷霖雨

景帝六年冬十二月雷霖雨

昭帝元鳳五年十一月大雷

後漢光武建武七年遼東冬雷草木實

和帝元興元年冬十一月壬午郡國四冬雷

殤帝延平元年九月乙亥陳留雷有石墮地四

安帝永初六年十月丙戌郡六冬雷 七年十月戊子郡國三冬

雷 元初元年十月癸巳郡國三冬雷 三年十月辛亥汝南

樂浪冬雷 四年十月辛酉郡國五冬雷 六年十月丙子郡

國五冬雷 永寧元年十月郡國七冬雷 建光元年十月郡

國七冬雷 延光四年郡國十九冬雷

桓帝建和三年六月乙卯雷震憲陵寢屋

靈帝熹平六年十月東萊冬雷 中平四年十二月晦雨水大雷

雷電

獻帝初平三年五月丙申無雲而雷 四年五月癸酉無雲而雷

魏明帝景初中洛陽城東橋城西洛水浮橋桓楹同日三處俱震

尋又震西域上候風木飛鳥時勞役大起

吳孫權赤烏八年夏震宮門柱又擊南津大橋桓楹

孫亮建興元年十二月朔大風震憲是月又雷雨

晉武帝太康六年十二月甲申朔淮南郡震憲 七年十二月己

亥毗陵雷電南沙司鹽都尉戴亮以聞 十年十二月癸卯廬

江建安雷電大雨

惠帝永康元年六月癸卯震崇陽陵標西南五百步標破為七十

片 永興二年十月丁丑雷震

懷帝永嘉四年十月震電

愍帝建興元年十一月戊午會稽大雨震憲己巳夜赤氣耀於西

北是夕大雨震電庚午大雪按劉向說雷以二月出八月入今

此月震電者陽不閉藏也既發泄而明日便大雪皆失節之異

也是時劉翽僭號平陽李雄稱制於蜀九州幅裂西京孤微為

君失時之象也赤氣赤祥也

元帝大興元年十一月乙卯暴雨雷電 永昌二年七月庚子朔

雷震太極殿柱十二月會稽吳郡雷震電

成帝咸和元年十月己巳會稽郡大雨震電 三年六月辛卯臨

海大雷破郡府內小屋柱十枚殺心九月二日壬午立冬會稽

雷電 四年十一月吳郡會稽又震電

穆帝永和七年十月壬午雷雨震電 升平元年十一月庚戌雷

乙丑又雷 五年十月庚午雷發東南亦

孝武帝太元五年六月甲寅雷震含章殿四柱并殺內侍二人
十年十二月雷聲在南方

安帝隆安二年九月壬辰雷雨 元興三年永安皇后至自己陵
將設儀導入宮天雷震人馬各一俱墮焉 義熙四年十一月

辛卯朔西北方疾風發癸丑雷六月庚寅雷震太廟破東鸞尾
徽柱又震太子西池合堂是時帝不親蒸嘗故天震之明簡宗

廟也西池是明帝為太子時所造故號太子池及安帝多病患
無嗣故天震之明無後也 六年正月庚寅雷又雷十二月壬

辰大雷 九年十一月甲戌雷乙亥又雷
梁武帝天監四年十一月天清朗西南有電光有雷聲二洪範五

行傳曰雷霆記於雲猶君記於人也君不恤天下故人怨叛是
歲交州刺史李凱反 十九年九月西北隱隱有聲如雷赤氣

下至地是歲盜殺東莞琅邪二郡守以胸山引魏軍
陳宣帝大建元帝年七月大雨震萬安陵華表又震慧日寺刹瓦

官寺重閣門下一女子震死京房易飛候曰雷雨霹靂邱陵者
逆先人令為火殺人者人君用讒言殺正人時蔡景歷以奸邪

任用右僕射陸績以讒毀獲譴發病而死 十年三月震武庫
六月又震太皇寺刹莊嚴寺露槃重陽閣東樓鴻臚府門

後齊後主武平元年夏震丞相段考先南門柱京房易傳曰震及
貴臣門及屋者不出三年佞臣被誅後歲和士開被戮

唐太宗貞觀十一年四月甲子震乾元殿前槐樹震耀天之威怒
所以象殺戮槐古者三公所樹也

武后證聖元年正月丁酉雷雷者陽聲出非其時臣竊君柄之象
長安四年五月丁亥震雷大風拔木人有震死者

睿宗延和元年六月淮南僞師縣李村有震電入民家地震裂澗
丈餘長十五里深不可測所裂處井廁相通或衝冢墓樞出平

地無損李國姓也震電威刑之象地陰類也
代宗永泰元年二月甲子夜震寔自是無雷至六月甲申乃雷

大曆十四年四月甲申雷電暴風拔木飛瓦人有震死者京畿
害稼者七縣

德宗建中元年九月己卯雷 四年四月丙子東都畿汝節度使
哥舒曜攻李希烈進軍至潁橋大雨震電人不能言者十三四

馬驢多死 貞元十四年五月己酉夏至始雷
憲宗元和十一年冬雷

穆宗長慶二年六月己丑大風雷電落太廟鸞尾破御史臺樹
文宗太和八年七月辛酉定陵臺大雨震廡下地裂二十有六步

占曰士庶分辭大臣專恣不救大眚
武宗會昌三年五月甲午始雷

懿宗咸通四年十二月震雷
僖宗乾符三年十二月震雷雨電

昭宗乾寧四年李茂貞遣將符道昭攻成都至廣漢震雷有石墮於帳前

宋太祖建隆四年四月癸巳宿州日無雨雷震暴作軍校傅韜震

死是夜半風雷起於京師開封縣署役夫劉延嗣萬進震死頃

之進復蕪言有烟焰自牖入室因駭廢徧體焦灼 乾德二年

正月辛巳雷聲起京師西南東行有電五月戊戌大名府大雨

雷震焚橐聚 四年七月海州雷震長吏廳土木多却傷刺史

梁晉起 開寶七年六月易州雷震死耀光軍士八人 八年

八月邛州延貴鎮震死氏貴貴及其子四人

太宗太平興國四年七月瀛州景城縣震震死牛商馮人 端

拱二年八月興化軍民劉政震死有文在骨中曰大不孝九月

丙子夜半雷聲起京師西北 淳化三年七月泗州大風雨震

僧伽塔柱 至道元年三月甲戌京師雷未發聲台司天承趙

昭並問之云按占雷不發聲寬政之應也七月泗州大風雨雷

震僧伽塔及壞鐘樓

真宗咸平元年正月戊寅京師西北有雷電十一月瀛州順安軍

並東北有雷 二年十月黃州西北雷聲如盛夏時十一月真

定府東南雷 四年十月乙巳京師西南雷電閏十二月大名

府電 五年九月辛亥京師雷 六年十一月甲午京師暴雷

震司天言國家發號布德未及黎民時議改元肆赦詔宰相增

廣條目采民病悉除之 景德三年九月丙寅夕京師大震電

大中祥符元年正月癸未京師西北雷 五年十二月己巳

京師西北雷電 九年五月殿侍張信奉南海祝版乘驛至唐

州震死

徽宗大觀三年十月戊子大雷電而雨

高宗紹興五年十月丁巳雷 六年十月丙午雷 九年十月丁卯

雷 十一月年十一月己酉雷 十五年十月辛卯雷十二月甲

寅雷 十六年温州大雷電龍翔寺震死者六人 十九年十

月甲寅雷 二十一年二月辛未南安軍大雷電大庾縣治

震死者四人十一月辛未夜震雷十二月癸酉雷 二十二年

十二月戊寅己卯雷 二十六年十二月甲子雷

孝宗乾道二年十一月戊辰日南至大震雷 七年正月丙戌雷自是迄夏無

雷 淳熙十二年十一月戊午雷十二月丁丑雷 十三年正月雷後三五

日有雷 十四年十一月冬雷 十六年七月大雷震太廟齋殿

光宗紹熙二年正月雷雪 三年正月庚戌朔雷 四年十一月

己卯日南至辛巳雷 五年十月大雷電

寧宗慶元元年春無雷 開禧三年十月辛未雷 嘉定二年十月

雷 三年十月雷 五年七月雷雨震太廟之鳴吻十月冬雷

六年閏九月雷電 十年正月朔雷 十一年九月辛巳明堂

禮成肆赦雷電 十四年十六年俱冬雷

雨占考

春秋魯隱公九年三月癸酉大雨震電庚辰大雨雪大雨雨水也

震雷也劉歆以為三月癸酉于歷數春分後一日始震電之時

也當雨而不當大雨大雨恒雨之罰也于始震雷八日之間而

大雨雪恒寒之罰也劉向以為周三月今正月也當雨水雪雜

雨雷電未可以發也既已發也則雷不當復降皆失節故謂之

異於易雷以二月出其卦曰豫言萬物隨雷出地皆逸豫以八

月入其卦曰歸妹言雷復歸入地則孕毓根核保藏蟄蟲避盛

陰之害出地則養長華實發陽隱伏宣陽之德入能除害出能

興利人君之象也

漢昭帝始元元年自七月大雨水至十月

成帝建始三年秋大雨三十餘日 四年九月大雨十餘日

王莽地皇元年九月大雨六十餘日

後漢光武建武六年九月大雨連月禾稼更生鼠巢樹上 十七

年洛陽暴雨壞民廬舍禾稼壓殺人

和帝永元十年十三年十四年十五年皆淫雨傷稼

安帝元初四年秋郡國十淫雨傷稼 永寧元年郡國三十三淫

傷稼 建光元年京都及郡國二十九淫雨傷稼是時羗反久

未平百姓屯戍不解愁苦 延光元年郡國二十七淫雨傷稼

二年郡國五連雨傷稼

順帝永建四年司隸荆豫兗冀部淫雨傷稼 六年冀州淫雨傷稼

桓帝延熹二年夏霖雨五十餘日是時大將軍梁冀秉政擅殺

其年冀伏誅

靈帝建寧元年夏霖雨六十餘日時大將軍竇武謀誅中官事泄

為曹節等所害 熹平元年夏霖雨七十餘日時宦官曹節等譖

殺勃海王悝 中平六年夏霖雨八十餘日靈帝初崩大將軍何

進等謀誅廢宦官中常侍張讓等共殺進兵戰京都死者數千

魏明帝太和元年秋數大雨多暴卒雷電非常至殺鳥雀時帝

居喪不哀出入弋獵無度奢侈繁興故恒雨為罰 四年

八月大霖雨三十餘日伊洛河漢皆溢

吳孫亮太平二年二月甲寅大雨震電乙卯雪大寒其後亮卒

見廢

晉武帝泰始元年六月大霖雨甲辰河洛伊沁水同時並溢流四

十九百餘家殺二百餘人沒秋稼三百餘頃 太康五年七月

任城梁國暴雨害豆麥九月南安郡霖雨暴雪樹木摧折害稼

是秋魏郡西平郡九縣淮南平原霖雨暴水傷秋稼

惠帝永寧元年十月義陽南陽東海霖雨淹害秋麥

元帝太興三年春雨至于夏是時王敦執權不恭之罰也 永昌

元年春四十餘日晝夜雷電震五十餘日是時王敦兵興王師

敗績之應也

成帝咸和四年春雨五十餘日恒雷電是時雖斬蘇峻其餘黨猶據守石頭至其滅後淫雨乃霽霽咸康元年八月乙丑荊州之長沙攸醴陵武陵之龍陽三縣雨水淫漂屋室殺人損秋稼是時帝幼權在於下

梁武帝天監七年七月雨至十月乃霽時頻年興師諸軍頗捷而士卒疲弊百姓怨望陰氣畜積之應也

陳宣帝太建十二年八月大雨霖霖時始興王叔陵驕恣陰氣強盛之應也

東魏靜帝武定五年秋大雨七十餘日元瑾劉思逸謀殺齊文襄之應也

後齊武成河清三年六月庚子大雨晝夜不息至甲辰山東大水人多餓死是歲突厥寇并州陰戎作梗之應

後主天統三年十月積陰大雨武平七年七月大霖雨水潑人戶流亡時駱提嬰韓長鸞等用事小人專政

後周武帝建德三年七月霖雨三旬時衛刺王直潛謀逆亂屬帝幸雲陽宮以其徒襲爾章門尉遲運逆拒破之其日雨霽

唐高祖武德六年關中久雨少陽曰曠少陰曰雨陽德哀則陰氣盛故常雨

太宗貞觀十五年春霖雨

高宗永徽六年八月京城大雨顯慶元年八月霖雨更九旬乃止

明皇開元二年五月壬子久雨禁京城門天寶五年秋大雨十二年八月久雨十三年秋大霖雨害稼六旬不止九月開坊市北門蓋并禁婦人入街市祭元冥太社崇明德門壞京城垣屋殆盡人亦乏食

肅宗至德二年三月癸亥大雨至甲戌乃止上元元年四月雨訖閏月乃止二年秋霖雨連月渠實生魚

代宗永泰元年九月丙午大雨至于丙寅大曆四年四月雨至于九月開坊市北門置土臺臺上置壇立黃幡以祈晴六年八月連雨害秋稼

德宗貞元二年五月乙巳雨至於丙申時大饑至是麥將登復大雨霖衆心恐懼十年春雨閏四月間止不過一二日十一年秋大雨十九年八月己未大霖雨

憲宗元和四年四月冊皇太子宗以雨霑服罷十月再擇日冊又以雨霑服罷近常雨也六年七月霖雨害稼十二年五月連雨八月壬申雨至于九月戊子十五年二月癸未大雨八月久雨開坊市北門宋滄景等州大雨自六月癸酉至于丁亥廬舍漂沒殆盡

敬宗寶曆元年六月雨至於八月

文宗大和四年夏鄆濮曹等州雨壞城郭廬舍殆盡開成五年七月霖雨

宣宗大中十年四月雨至於九月

懿宗咸通九年六月久雨禁明德門

僖宗乾符五年秋大霖雨汾增及河溢流害稼 廣明元年^秋八月

大霖雨

昭宗天復元年八月久雨

後唐莊宗同光三年六月至於九月大雨河決壞民田

末帝清泰元年九月連雨害稼

周太祖廣順二年七月暴風雨京師水深二尺諸州皆奏大雨

宋太祖乾德六年六月州府二十三大大雨水江河泛溢壞民廬舍

開寶二年二月車馬駐潞州積雨累日未止九月京師大雨

五年五月京師大雨連旬不止諸州皆言大雨霖八年

五月京師大雨水 九年三月京師大雨水秋又霖雨

太宗太平興國五年五月京師連旬雨不止 雍熙三年八月京師

大霖雨 淳化三年九月京師霖雨 四年七月京師大雨十

晝夜不止 五年秋開封府宋毫陳穎泗壽鄆州雨水害稼

至道元年四月甲辰京師大雨雷壺道上水數尺 二年廣南

諸州並大雨水

真宗咸平四年六月京師大雨漂壞廬舍積潦浸路 天禧四年

七月京師連雨彌月甲子夜大雨流潦泛溢民舍軍營自是頻

雨及冬方止 乾興元年二月蕪湖秀三州雨壞民田

仁宗天聖四年六月庚寅京師大雨震雷平地水數尺九月壬申

京都江淮閩浙諸州雨水 七年自春涉夏雨不止 嘉祐元年

五月丁未晝夜大雨乙亥雨壞太社太稷壇自五月大雨不止

水壞官私廬舍城中繫棧渡人 四年八月霖雨害稼 六年七

月河北京西淮南江浙四路淫雨為灾閏八月京師久雨

英宗治平元年京師自夏歷秋久雨不止 二年八月庚寅大

雨地上涌水壞官私廬舍漂殺人畜不可勝數

神宗熙寧七年六月熙州大雨洮河溢陝州大雨漂溺陝平陸二

縣 九年七月太原府汾河夏秋霖雨水大漲

哲宗元祐二年七月丁卯以雨罷集英殿宴 四年夏秋霖雨河

流泛漲 八年自四月常雨至八月晝夜淫霖畿內及諸路大

水詔開京師宮觀五日止所在令長史祈禱宰臣呂大防等待罪

紹聖元年七月京畿久雨諸路水害稼 二年六月久雨九

月以久雨罷秋宴 三年七月久雨

徽宗建中靖國元年二月久雨 崇寧元年七月久雨壞京城廬

舍民多壓死 三年六月久雨 四年五月京師久雨又有七

月至九月所在霖雨傷稼十月始霽 宣和元年五月大雨水

驟高十餘丈 六年秋京畿常雨河北兩浙水災民多流移

欽宗靖康元年四月京師大雨天氣清寒又自五月申申至六月

高宗建炎二年春霖雨 三年二月上至杭州久陰霖雨占曰陰
 盛下有陰謀時苗劉為逆後五十日伏誅五月霖雨夏寒 紹
 興元年行都雨壞城三百八十丈是歲婺州雨亦敗城郭 三
 年雨自正月元日至二月七月四川霖雨至于越歲正月
 四年六月霖雨害稼蘇湖二州為甚九月久雨時逆豫連金入
 寇十月戊戌上親征而霖 五年三月霖雨傷登麥行都雨甚
 九月雨至于明年正月 七年十月上如建鄴久雨 八年三
 月雨積至于四月傷蠶麥害稼 二十一年夏襄陽府大雨十
 餘日 二十三年六月大雨壞軍壘民田 三十年五月辛卯大
 風雨 三十一年四月久雨傷蠶麥害稼 三十二年六月浙西
 大雨霖

孝宗隆興元年三月霖雨行都壞城郭三百三十餘丈 二年六
 月霖雨沉陰七月浙西江東大雨霖傷稼八月風雨霖霖踰月
 乾道二年正月淫雨至于四月夏寒江浙郡國損稼蠶麥不
 登 三年八月霖雨妨穡江浙淮閩禾麻菽粟多腐 四年四
 月陰雨彌月 六年五月連雨六十餘日十一月連雨辛巳郊
 開雲于園邱百步外有霖雨 八年四月四川陰雨七十餘日
 六月壬寅大雨徹晝夜至于己酉為災 九年閏正月淫雨
 淳熙三年五月淮浙積雨損禾麥八月浙東西江東連雨癸未
 甲申行都大風雨九月久雨妨穡 六年九月連雨己巳將郊

而霽 八年四月雨腐禾麥五月久雨敗首種 十一年四月
 淫雨 十二年五月六月皆霖雨 十五年五月荆淮郡國連
 雨 十六年五月浙西湖北福建淮東利西諸道大雨霖
 光宗紹熙元年春久陰連雨至于三月 二年四月福建路霖雨
 至五月七月利路久雨傷種麥八月行都久雨 三年五月江
 東湖北路連雨七月淮西鎮江襄陽雨害禾麥 四年四月霖
 雨至于五月浙東西北湖北淮西郡縣壞圩田害蠶麥蔬種
 五年八月霖雨浙東西北皆害稼九月雨至于十月江東福建
 皆苦雨

寧宗慶元元年正月霖雨二月又雨至三月害麥五月霖雨七月
 雨至八月 二年八月行都霖雨五十餘日 三年七月雨連
 月 五年五月行都雨壞城夜壓附城民廬多死者六月浙東
 霖雨至于八月 嘉泰二年六月福建路連雨至于七月 三
 年八月久雨 開禧元年七月利路霖雨敗稼十月行都淫雨
 至明年春三月 嘉定三年三月陰雨六十餘日五月潦雨至
 於六月首種多敗蠶麥不登 四年八月霖雨至於九月 五
 年春淫雨至于三月傷蠶麥 六年五月零雨陰沉浙東西六
 月雨雨至于七月 七年九月陰雨至于十月害禾麥 九年四
 月霖雨六月大雨霖二十餘日浙東西郡縣為災 十年三月
 連雨至于四月十月霖雨敗稼 十一年六月浙西大霖雨

十二年六月霖雨彌月 十五年七月浙東西霖雨為災 十

六年五月霖雨浙西湖北江東淮東尤甚八月大風雨敗稼

十七年八月霖雨

電占考

春秋釐公二十九年秋大雨電

昭公三年大雨電

漢宣帝地節四年五月山陽濟陰雨電雞子深二尺五寸殺二十

餘人蜚鳥皆死

王莽天鳳元年七月雨電殺牛羊

後漢和帝永元五年六月郡國三雨電大如雞子是時和帝用酷

吏周紆為司隸校尉刑誅深刻

安帝永初元年雨電 二年雨電大如雞子 三年雨電大如鴈

子傷稼 元初四年六月戊辰郡國三雨電大如朽杯及雞子

殺六畜 延光元年四月郡國二十一雨電大如雞子傷稼

三年雨電大如雞子

桓帝延熹四年五月己卯京都雨電大如雞子 七年五月己丑

京都雨電

靈帝建寧二年四月雨電 四年五月河東南雨電 光和四年六

月雨電大如雞子 中平二年四月庚戌雨電傷稼

晉武帝咸寧五年五月丁亥鉅鹿魏郡雨電傷禾麥辛卯雁門雨

電傷秋稼六月庚戌汝郡廣平陳留滎陽雨電庚辰又雨電隕

霜傷秋麥千三百餘頃壞屋百三十餘間癸亥安定雨電七月

景申魏又雨電閏月壬子新興又雨電八月庚子河南河東弘

農又雨電兼傷秋稼三豆 太康元年三月河東高平霜電傷

桑麥四月河南河內河東魏郡弘農雨電傷麥豆是庚午畿內

縣二及東平范縣雨電癸酉畿內縣五又雨電五月東平陽上

黨鴈門濟南雨電傷禾麥三豆是時王濟有大功而權威互相

陷抑帝從容不斷陰贊陽之應也 二年五月庚寅河東樂安

東平濟陰弘農滎陽齊國頓邱魏郡河內汲郡上黨雨電傷禾

稼六月郡國十七雨電七月上黨雨電 五年七月己卯中山

東平雨電傷秋稼甲辰中山雨電 六年六月滎陽及郡鴈門

雨電 九年正月京都大風雨電發屋拔木

惠帝元康二年八月沛及湯陰雨電 三年四月滎陽雨電六月

弘農湖城華陰又雨電深三尺 五年六月東海雨電深五尺

十二月丹陽建鄴雨電 七年五月魯國雨電 九年五月雨

電 永寧元年七月襄城河南雨電十月襄城河南高平平陽

又雨電折木傷稼

元帝太興二年三月丁未成都風電殺人 三年三月海鹽雨電

明帝太寧二年四月京都大雨電燕雀死 三年四月大雨電

成帝咸和六年三月雨電 咸康三年正月皇后見於太廟其夕

雨雹

穆帝永和五年六月臨漳暴風震雷雨雹大如升 帝奕太和三年四月雨雹折木

孝武太元二年四月雨雹 十二年四月己丑雨雹 二十五年

五月上虞雨雹 二十一年四月雨雹

安帝隆安二年三月雹 三年四月江陵雨雹 義熙元年四月

雨雹 五年五月深陽雨雹九月廣陵雨雹 六年五月雨雹

八年四月六月皆雨雹 十年四月雨雹

宋文帝元嘉十八年三月雨雹

梁武帝中大通元年四月大雨雹

陳宣帝太建二年六月大雨雹 十年四月又大雨雹 十三年

九月大雨雹時始興王叔陵驕恣帝又寵過之後卒為亂

唐太宗貞觀四年秋丹延北永等州雹

高宗顯慶二年五月滄州大雨雹中人有死者 咸亨元年四月

庚午雍州大雨雹 二年四月戊子大雨雹震電大風折木落則

天門鷓尾三 永淳元年五月壬寅定州大雨雹害麥禾及桑

武后天授二年六月庚戌許州大雨雹 證聖元年二月癸卯滑

州大雨雹殺燕雀 神功元年媯緱二州雹 聖歷元年六月

甲午曹州大雨雹 久視元年六月丁亥曹州大雨雹 長安

三年八月京師大雨雹人畜有凍死者

中宗神龍元年四月壬子雍州同官縣大雨雹殺鳥獸 景龍元

年四月己巳曹州大雨雹 二年正月己卯滄州雨雹如雞子

明皇開元八年十二月丁未滑州大雨雹 二十二年五月戊辰

京畿渭南等六縣大風雹傷麥

代宗大歷七年五月乙酉雨雹

德宗貞元二年六月丙子大雨雹 十七年二月丁酉雨雹戊申

夜震雷雨雹庚戌大雨雹雪而雹五月戊寅好時縣風雹害麥

十八年七月癸酉大雨雹

憲帝元和元年鄜坊等州雹 十年秋鄜坊等州風雹害稼 十

二年夏河南雨雹中人有死者 十五年三月京畿興平醴泉

等縣雹傷麥

穆宗長慶四年六月庚寅京師雨雹如彈丸

文宗太和四年鄜坊等州雹 五年夏京畿奉先渭南等縣雨雹

開成二年秋河南雹害稼 四年七月鄭滑等州風雹 五

年六月濮州雨雹如拳殺人三十六牛馬甚眾

武宗會昌元年秋登州雨雹文登尤甚破瓦害稼 四年夏雨雹

如彈丸

僖宗乾符六年五月丁酉宣授宰臣豆盧瑑崔沆制殿庭氛霧四

塞及百官班賀于政事堂雨雹如鳧卵大風雷雨拔木 廣明

元年四月甲申朔汝州大風雨拔街衛樹十二三東都有雲起

西北大風隨之長夏門內表道古槐樹自拔者十五六宮殿鳩尾皆落雨雹大如杯鳥獸殪于川澤

宋太祖建隆元年十月大名府臨清縣雨雹傷稼二年七月丹

州義州雲巖二縣大雨雹三年七月潞州武鄉等四縣雨雹

四年七月海州風雹乾德二年四月開封府陽武縣雨雹

宋州寧陵縣風雨雹傷民田六月潞州風雹七月同州郃陽縣

雨雹並害稼八月延州膚施縣風雹隕霜三年四月開封府

尉氏扶溝二縣風雹害民田桑棗十損七八六月曹州濟陰宛

句二縣風雹損田六年八月河南府河清縣雨雹開寶三

年夏同州滑州大風雨雹害稼四年八月鄆州須城等三縣

風雹八年五月邢磁州風雹害桑麥

太宗太平興國二年六月瀛州景城縣雨雹七月相州永定縣大

風雹害稼五年四月大名府冠氏縣壽州安豐縣風雹七

年五月太平州蕪湖縣雨雹傷稼八年五月相州風雹傷民

田端拱元年五月霸州大雨雹殺麥苗閏五月鄆州雨雹傷

麥淳化元年六月許州大風雹壞軍營民舍千一百五十六

區單州魚臺縣風雹害稼至道二年十一月代州風雹傷田稼

真宗咸平元年九月定州北平等縣風雹傷稼三年四月丁巳京

師雨雹飛禽有損者六年四月甲申京師暴風雨雹如彈丸

大中祥符三年八月丙辰京師雨雹五年丙辰京師雨雹天

禧元年九月鎮戎軍彭城寨風雹害民田八百餘戶

仁宗天聖八年五月丙辰大雨雹慶曆元年七月壬午大雨雹

六年四月甲辰大雨雹嘉祐四年四月大震電雨雹

神宗熙寧元年秋鄆州雨雹三年七月七年四月五月京師雨

雹八年夏鄆州涇州雨雹九年二月京師雨雹十年夏

鄆州雨雹秦州大雨雹

哲宗紹聖三年十月辛未西南方有雷聲次大雨雹四年閏二

月癸卯京師雨雹自辰至申

徽宗建中靖國元年二月丙申京師雨雹五月辛酉京師大雨雹

崇寧三年十月辛丑大觀元年十月己巳三年五月戊申京

師大雨雹政和七年六月京師大雨雹皆如葵或如一升器

高宗建炎三年八月甲戌大雨雹紹興元年二月壬辰越州雨

雹二年二月丙子臨安大雨雹三年正月辛未雨雹震

雷四年三月乙未雨雹傷稼五年閏二月己巳朔雨雹震

十月丁未秀州華亭風雷雨雹激射疾于箭殛壞舟覆屋十二

月戊辰又雹七年二月癸卯先一夕雷後一日雪癸丑又雹

八年六月丙辰大雨雹九年二月甲戌雹傷麥十二月辛

未又雹十年二月辛亥大雨雹十二月庚辰又雹十一年正月

辛酉雨雹十三年二月甲子雨雹傷麥五月戊午夜雹七月壬

申雹害稼十一月乙未又雹十七年正月庚辰雨雹五月乙

丑又雹 二十一年三月己卯雹傷禾麥 二十八年四月辛亥雨雹 二十九年二月戊戌雹損麥

孝宗隆興元年三月丙申夜雨雹 二年二月丁丑雹與霰俱四

月庚午雹七月丁未雨雹十二月己亥雨雪雹 三年二月癸

未雹 四年正月癸未夜雹有霰二月丁酉又雹乙卯又雹而

雪 五年二月丙午雹損麥 六年二月壬午雹損麥 八

年七月壬辰雨雹 淳熙三年四月丁亥雨雹癸巳天台臨海

二縣大風雹傷麥 四年正月丙寅雨雹 六年正月丁丑雹

麥三月壬申夜大雨雹如彈丸 八年十二月甲寅雨雹 十

二年二月辛酉夜有雹 十三年閏七月丙申雨雹 十五年

二月丁亥雨雪而雹六月丁卯又雹 十六年二月乙卯雹與

雨俱

光宗紹熙元年二月丁酉雹 二年正月戊寅大雹震雷雹以雨

二月庚寅朔建寧府大風雨雹仆屋殺人三月癸酉又大風雨

雹大如桃李實平地盈尺壞城郭民舍七百餘家鄉落四千三

百餘家禾苗不殖桑麻種麥蔬果皆損温州瑞安縣亦如之壞

屋殺人尤眾秋西和州祐川縣大風雹壞粟麥種陸

寧宗慶元三年二月己巳雹 四年乙丑雨雹大如杯破瓦殺燕

雀 嘉泰元年三月丙寅丁卯戊辰連雨雹五月丁丑又雹七

月癸亥大雨雹 二年四月庚寅雨雹傷稼六月庚子大風雹

而寒 四年正月壬辰雪與雹俱 開祐二年正月乙酉雨雹而雷 嘉定元年閏四月壬申雨雹害稼 二年三月乙未雨雹 六年夏浙江郡國雨雹害稼 十五年九月癸丑大震雨雹 十六年秋又雹

欽定天文正義卷七十九

雪占考

雪占考

春秋桓公八年十月雨雪周十月今八月也未可以雪

周考王六年六月秦雨雪

威烈王四年四月晉大雨雪

漢文帝四年六月大雨雪後三年淮南王長謀反發覺遷道死

景帝中六年三月雨雪其六月匈奴入上郡取苑馬吏卒戰死者

二千餘人明年條侯周亞夫下獄死

武帝元狩元年十二月大雨雪民多凍死是歲淮南衛山王謀反

發覺皆自殺使者行郡國治黨與坐死者數萬人 元鼎二年

三月雪平地厚五尺是歲御史大夫張湯有罪自殺丞相嚴青

翟坐與三長史謀陷湯青翟自殺三長史皆棄市 三年四月

雨雪關東十餘郡人相食是歲民不占緡錢有告者以半界之

元帝永光元年三月雨雪 建昭二年十二月齊楚地大雪深五

尺是歲京房張博為石顯所譖死 四年二月雨雪燕多死是

日皇后親蠶疾風自西北大寒雨雪凍敗其功

成帝陽朔四年四月雨雪燕雀死

王莽天鳳二年一月大雨雪關東尤甚深者一丈竹柏皆枯

晉武帝太康五年九月南安大雪折木

惠帝光熙元年閏八月霰雪劉向曰盛陽雨水湯熱陰氣背之則

轉而為雹盛陰雨雪凝滯陽氣薄之則散而為霰今雪非其時

此聽不聽之應

明帝太寧三年三月丁丑雨雪

成帝咸和九年八月成都大雪是歲李雄死

康帝建元元年八月大雪時政在將相陰氣盛也劉向曰凡雨陰

也雪又雨之陰也出非其時迫近象也

穆帝永和三年八月冀方大雪人馬多凍死 十年五月涼州雪

明年張祚護軍張瓘廢祚更立元觀京房易傳曰夏雪戒臣為亂

安帝義熙五年三月己亥雪數尺

梁武帝普通三年三月大雪平地三尺雨陰也雪又陰婁不婁臣

不臣之意時義州刺史文僧朗以州叛於魏臣不臣之應也

大同三年七月青州雪害苗稼時交州刺史李賁舉兵反借號擊之不克 十年十二月大雪平地二尺

東魏靜帝興和二年五月大雪時神武作宰發卒十餘萬築鄴城

百姓怨忿 武定四年二月大雪人畜凍死相望於道時步落

稽舉兵反寇亂數州人多死亡又爾朱文暢等謀害神武事世

伏誅黨與伏誅多濫死

後齊武成帝河清二年二月大雪連月南北千餘里平地數尺繁

霜盡下時突厥可汗與周師入并州殺掠吏人不可勝紀

後主天統二年大雪三年正月又大雪平地二尺 武平三年正

月又大雪時馮淑妃陸令萱內制朝政陰氣積盛故天變屢見

唐高宗顯慶四年二月壬子大雨雪方春少陽用事而寒氣脅之

古占以為人君刑法暴濫之象近常寒也 咸亨元年十月癸

酉大雪平地三尺人多凍死

武后久視元年三月大雪

明皇開元二十九年九月丁卯大雨雪大木偃折

德宗貞元元年正月丙午大風雪寒民饑多凍死者 十二年十

二月大雪甚寒竹柏柿樹多死占曰有德遭險厥災暴寒 十

九年三月大雪 二十年二月庚戌始雷大雨雹震電大雨雪

既雷則不當雪陰脅陽也

憲宗元和十二年九月己丑雨雪人有凍死者 十五年八月己

卯同州雨雪害稼

文宗大和六年正月雨雪喻月寒甚

武宗會昌三年春寒大雪江左尤甚民有凍死者

懿宗咸通五年冬臘石汾等州大雨雪平地深五尺

昭宗景福二年二月辛巳曹州大雪平地二尺 天復三年三月

浙西大雪平地三尺餘甚氣如烟其味苦十二月又大雪江海

冰 天祐元年九月壬戌朔大風寒如仲冬浙東浙西大雪吳

越地氣常燠而積雪近常寒也

宋太祖建隆三年春延寧二州雪盈尺溝洫復冰草木不華丹州

雪二尺許

太宗雍熙七年冬南康軍大雨雪江水冰勝重載 端拱元年閏

五月鄆州風雪傷麥 淳化三年九月京兆府大雪殺苗稼

四年商州大雪民多凍死

真宗咸平四年三月丁丑京師及近畿諸州風雪損桑 天禧元

年十二月京師大雪苦寒人多凍死路有僵尸道中使瑾之四

郊 二年正月永州大雪六晝夜方止江溪魚皆凍死

仁宗至和元年正月京師大雪貧弱之民凍死者甚衆 嘉祐四

年正月自冬雨雪泥塗盡冰都民饑寒死於道路者甚衆

英宗治平四年冬無雪

神宗元豐八年冬無雪

哲宗元祐元年冬無雪 二年冬京師大雪連月至春不止久陰

常寒罷上元節游幸降德音諸道 四年冬無雪 五年冬無

冰雪 八年十一月京師大雪多流民 元符二年正月甲辰

朔御大慶殿受朝賀以雪罷

徽宗政和三年十一月大雨雪連十餘日不止平地八尺餘冰滑

人馬不能行詔許百官乘輜入朝飛鳥多死 七年十二月大

雪詔收養内外乞丐老幼

欽宗靖康元年閏十一月大雪盈三尺不止天地晦冥或雪未下

時陰雲中有雪絲數寸墮地 二年正月丁酉大雪大寒甚地

冰如鏡行者不能定立是月己卯車駕在青城大雪數尺人多

死

高宗紹興元年二月寒食日雪 十三年三月雪 二十八年三月

雨雪 三十一年正月戊子大雨雪至己亥逾旬不止禁旅壘

舍有壓者時久雪寒甚冬無雪

孝宗乾道三年冬溫少雪無冰 五年冬溫無雪 六年冬溫無

雪無冰 淳熙十二年十二月大雪至明年正月或雪或霰或

雨水或冰五尺餘連日不解台州雪深丈餘民凍死 十六年

四月戊子成州天水縣大雨雪麥皆凍死

光宗紹熙二年正月行都大雪積涇河水厚尺餘寒甚是春雷雪

相繼凍雨彌月

寧宗慶元年冬無雪 四年冬無雪 六年冬燠無雪桃李華

蟄蟲不藏管子曰臣乘君威則陰侵陽盛冬不冰時韓侂胄擅

朝陰脅陽之象 開禧三年冬少雪 嘉定九年冬無雪 十

三年冬無冰臘無雪

欽定天文正義卷八十

霧占考 蒙霧占考附

露占考

霜占考

冰占考

霧占考

陳後主禎明元年正月朔旦雲霧晦暝入鼻酸辛

東魏武定四年冬大霧六日晝夜不解

唐武后長壽元年九月戊戌黃霧四塞霧者百邪之氣為陰冒陽

本於地而應於天黃為土土為中宮

中宗神龍二年三月乙巳黃霧四塞 景龍二年八月甲戌黃霧

昏濁不雨 三年正月丁卯黃霧四塞十一月甲寅日入後昏

霧四塞經二日乃止占曰霧連日不解其國昏亂

明皇開元五年正月戊辰昏霧四塞 天寶十四年冬三月常霧

昏暗十步外不見人是謂晝昏占曰有破國

肅宗至德二年四月賊將武令珣圍南陽白霧四塞 上元元年

閏四月大霧占曰兵起

德宗貞元十年三月乙亥黃霧四塞日無光

懿宗咸通九年十一月龐勳圍徐州甲辰大霧昏塞至於丙午

僖宗乾符六年秋多雲霧晦冥日且及晷中乃解 光啟元年秋

河東大雲霧

昭宗景福二年夏連陰四十餘日霧 光化四年冬昭宗在東內

武德門煙霧四塞門外日色皎然

宋欽宗靖康二年正月丁未霧氣四塞人對面不相視

高宗建炎元年十一月甲子北京大霧四塞 三年二月上發溫

州航海乙丑御舟次松門海中白霧晝晦 紹興八年三月甲

寅晝晦日無光陰霧四塞

寧宗慶元三年二月丁卯晝晦昏霧四塞

蒙古考

宋高宗紹興八年三月乙卯晝蒙京房易傳曰霧上下合也蒙如

塵四月積雨方止

孝宗乾道五年正月甲申晝蒙 淳熙六年十一月乙丑晝蒙十

三年正月丁亥亦如之

寧宗慶元六年十二月辛卯晝蒙 嘉定三年正月丙午晝蒙

十年正月乙未晝蒙二月癸巳日蒙無光 十三年三月壬辰

晝蒙

霍占考

宋仁宗嘉祐八年十一月丙午大風霍

英宗治平四年正月庚辰朔大風霍

神宗熙寧四年四月京師大風霍

高宗建炎元年三月丁酉汴京風霍日無光

孝宗乾道五年正月甲申晝霍四塞 淳熙五年四月丁丑塵霍

晝晦日無光

寧宗嘉定十年正月乙未晝霍

露占考

漢宣帝甘露元年甘露降

光武建武十三年夏甘露降 中元元年郡國頻上言甘露降

明帝永平十七年正月甘露降於甘陵

章帝建初四年甘露降泉陵洮陽二縣

安帝延光三年四月壬戌沛國言甘露降豐縣七月馮翊言甘露

降潁陽街

桓帝延熹元年上郡言甘露降

魏高貴鄉公甘露元年正月鄴及上谷並言甘露降

陳留王咸熙二年四月南深澤縣言甘露降

吳孫權黃武二年曲阿言甘露降 嘉禾五年武昌言甘露降於

禮賓殿 赤烏二年零陵言甘露降九年武昌言甘露降

孫皓甘露元年四月蔣陵言甘露降遂改元

陳宣帝太建七年甘露頻降樂游苑立甘露亭

後魏太武大延元年甘露降於殿內

唐高祖武德九年四月甘露降於中華殿之桐樹泣如水雪以示

羣臣

德宗貞元十年正月西川奏當管甘露降松栢樹竹藁等二十四

百四十二處

宋太祖乾德四年二月長春節甘露降江陵府報恩院連十日靡

微如烟霧清栢葉皆甘

太宗太平興國三年正月甘露降壽州解邑如琥珀徧覆庭檜

端拱二年二月甘露降壽州解園栢及資聖寺檜狀若華藹色

如凝指

真宗咸平元年富順監有甘露降梅柳靡洒如珠 景德元年九

月甘露降桂州永寧縣桐樹如稻米色白

神宗熙寧元年距元豐八年天下言甘露降凡二十餘處

哲宗元祐元年距元符三年甘露降凡二十餘處

徽宗建中靖國元年距宣和七年中外言甘露降多不可紀其尤

著者大觀初降於九成宮帝昺室三年冬降於尚書省及曹御

製七言四韻詩賜執政以下其後內自禁中及宣和殿延福宮

神霄宮下三學開封府大理寺宰臣私第皆有之歲歲拜表稱

賀

霜占考

春秋定公元年十月隕霜殺菽劉向以為周十月今八月也陰氣

未至君位而殺誅罰不由君出在臣下之象

僖公二年十月隕霜不殺草為嗣君微失秉事之象

漢武帝元光四年四月隕霜殺草木先是二年遣五將軍二十萬

衆伏馬邑下欲襲單于單于覺之而去自是始征伐四夷師出

三十餘年天下戶口減半

元帝永光元年三月雨雪隕霜殺桑九月二日隕霜殺稼天下大

饑時中書令石顯用事專權

王莽天鳳元年四月隕霜殺草木 地皇二年秋隕霜殺菽

吳孫權嘉禾三年九月朔隕霜傷穀按劉向說誅罰不由君出在

臣下之象也時校事呂壹專作威福

晉武帝泰始九年四月隕霜時賈充親黨比周用事 咸寧三年

八月平原安平上黨泰山四郡霜害三豆是月河間暴風冰寒

郡國亦隕霜傷穀是後征吳及討涼州賊六月及郡廣平陳留

滎陽雨雹隕霜傷秋麥千三百餘頃 太康元年三月河東高

平霜雹傷桑麥 二年三月河東隕霜害桑 六年三月齊郡

臨淄等四縣樂安等八縣琅邪等八縣河間等六縣高陽等四

縣隕霜傷桑麥 八年四月齊國天水二郡隕霜 九年四月

隴西隕霜 十年四月郡國八隕霜

惠帝元康七年七月秦雍二州隕霜殺稼 九年四月河南滎陽

潁川隕霜傷禾

明帝太寧三年三月癸巳隕霜

梁武帝天監三年三月六年三月並隕霜殺草京房易傳曰興兵

妄誅謂亡法厥罰霜是時大發卒拒魏兵於鍾離連兵數歲

大同三年六月狗山隕霜

陳宣帝太建十年八月隕霜殺稻菽時大興師與周師相拒於

呂梁

唐太宗貞觀元年秋霜殺稼京房易傳曰人君刑罰妄行則天應

之以隕霜 三年北邊霜稼

高宗永徽二年綏延等州霜殺稼 調露元年八月邠慶寧澤原

五州霜

武后證聖元年六月睦州隕霜殺草吳越地燠而盛夏隕霜昔所

未有 四年四月延州霜殺草四月純陽用事象人君當布惠於

天下而反隕霜是無陽也

明皇開元十二年八月潞綏等州霜殺稼 十五年天下州十七

霜殺稼

憲宗元和二年七月邠寧等州霜殺稼 九年三月丁卯隕霜殺

桑 十四年四月淄青隕霜殺惡草及荆棘而不害嘉穀

敬宗寶曆元年八月邠州霜殺稼

文宗太和三年秋京畿奉先等八縣早霜殺稼

宣宗大中三年春隕霜殺桑

僖宗中和元年春霜秋河東早霜殺稼

宋太宗太平興國七年三月宣州霜雪害桑稼 淳化三年三月

商州霜花木皆死

真宗景德四年七月滑州瓦亭寨早霜傷稼 大中祥符九年十

一月大名府澶州相州並霜害稼

仁宗至和二年河東自春隕霜殺桑

高宗紹興七年二月霜殺桑稼

孝宗淳熙十六年七月階成鳳西和四州霜殺稼

光宗紹熙三年九月丁未和州隕霜連三日殺稼是月淮西郡國

稼皆肅於霜民大饑

冰占考

春秋桓公十五年春亡冰劉向以為周春今冬也

成公元年二月無冰 十六年正月雨木冰劉歆以為上陽施不

下通下陰施不上達故而木為之冰寒氣寒木不曲直也劉

向以為冰者陰之感而水滯也木者少陽貴臣卿大夫之象也

此人將有害則陰氣脅木木先寒故得雨而冰也時叔孫喬如

出奔公子偃誅死

襄公二十八年春無冰說曰水旱之災寒暑之變天下皆同故曰

無冰天下異也

漢武帝元狩六年冬亡冰先是比年遣大將軍衛青霍去病攻祁

連絕大幕窮追單于斬首數十萬級還大行慶賞遣博士褚大

等六人持節巡行天下存賜鰥寡假予困乏舉道逸獨行君子郡

國有以便宜上者丞相御史以聞天下咸喜

昭帝始元二年冬亡冰是時上年九歲大將軍霍光秉政始行寬

緩欲以說下

魏文帝黃初六年正月雨木冰是年利成郡兵蔡方等殺太守徐

質據郡反太守古之諸侯貴臣有害之應也一說以木冰為木

介介者甲兵之象又帝自將舟師征吳戊卒十餘萬連旌數百

里臨江觀兵是其應也

晉元帝太興三年二月辛未雨木冰後二年周顛等遇害是陽施

不下通也

穆帝永和八年正月己巳雨木冰是年殷浩北伐明年軍敗十年

廢點

孝武帝太元十四年十二月己巳雨木冰明年王恭庾楷殷仲堪

居外藩與王國寶等構怨終同夷滅

東魏孝靜武定四年冬大雨木冰時司徒侯景專制河南神武薨

景舉兵反慕容紹宗討平之

後齊後主天保元年雨水冰三日時清河王岳為高歸參所譖憂

死 武平元年冬雨水冰明年二月又雨水冰時錄尚書事和

士開專政琅邪王儼鳩詔殺之儼尋遇害 六年七月雨水冰

其年周師入晉陽

唐高宗麟德元年十二月甲戌雨水冰 儀鳳三年十一月雨水

冰

武后延載元年十月癸酉白霧木冰

中宗景龍四年三月雨水冰

明皇開元二十九年十一月雨水冰寒甚數日不解天寶元年冬

無冰先儒以為陰失節也

代宗永泰元年三月雨水冰 大歷二年十一月紛霧如雪草木

冰

德宗貞元元年十二月雨水冰 二十年冬雨水冰

周太祖廣順三年十一月雨木冰

宋太宗淳化二年冬京師無冰

真宗咸平元年十一月庚戌雨木冰 景德元年二月保順軍城

壕冰隱起大為桃李華雜人物之狀 大中祥符二年京師冬

溫無冰 五年正月戊寅京師雨木冰 九年正月霸州渠冰

有文如花葩狀

仁宗慶歷三年十二月大雨雪木冰占曰兵象 嘉祐六年冬京師無冰

英宗治平二年十月乙巳雨木冰

神宗熙寧三年十月八年正月京師雨木冰

穆宗長慶三年十一月雨木冰

敬宗寶歷元年十一月雨木冰

文宗太和七年十二月夜霧木冰 開成四年九月雨雪木冰

武宗會昌元年十二月雨木冰 四年正月木冰

昭宗景福中滄州城墜中冰有如畫大樹華葉芬敷者時人以為地當有兵難近華孽也

後晉開運二年正月東京封邱門外壕內冰上有文若大樹華芬

敷之狀相連數十株宛如圖畫

漢高祖天福十二年十一月旦日天大昏霧木冰至十一月霜

露著草木皆為冰

哲宗元祐八年二月京師大寒霰雪雨木冰

欽宗靖康元年十月乙卯雨木冰 二年正月丁酉雨木冰

孝宗乾道三年冬溫少雪無冰



乾隆二年二月奉

上諭在璣衡以齊七政視雲物以驗歲功所以審休咎備修省先王

深致謹焉今欽天監歷象考成一書於節序時刻固已推算精

明分厘不爽而星官之術占驗之方則闕焉未詳但天文家言

互有疎密非精習不能無差海內有精曉天文明於星象者直

省督撫確訪試驗術果精通着咨送東京該部

奏開請

旨

天象源委引用書目

聖祖仁皇帝御纂性理精義卷中引

御纂歷代三元甲子編年書中凡述七政推算之法皆本以後教書

御製欽若庶書

御製數理精蘊

御製萬年歷

御製大清一統皇輿山脈記分野卷中引

易經

書經

詩經

春秋左傳

禮記

周禮

四書

爾雅

埤雅

莊子

淮南子

論衡

潛夫論

續修四庫全書 子部 天文算法類

六韜

通書

皇極經世

律呂新書

小學紺珠

史記

漢書

隋書

唐書

宋史

文獻通考

續文獻通考

夢溪筆談

授時日法

象緯真筌

薛鳳祚天學會通

梅文鼎天算全書

李光地天學本要

西洋新法日書 以下皆
西曆書

泰西水法

天法西傳

天文實用

天文象宗西占

天步真源

天象源委總目

卷一

象理

卷二

象性

卷三

象度

卷四

恒星

卷五

占時風雨雷電霧露霜雪

卷六

占變人曾爻食福流

卷七

占國司家政治人事禍福

卷八

占歲五穀豐歉百物盛衰

卷九

占兵革汚疾疫兵戈盜賊

卷十

天象源委 總目

世運

卷十一

命法 同年法 流月日法

卷十二

求地平宮法

卷十三

月雜逐

卷十四

命理

卷十五

西法十五格

卷十六

選擇

卷十七

望氣

卷十八

審音

卷十九

軍占

卷二十

分野

天象源委卷一日

象理

論天地人物古今第一理

論觀象非徒誇輝異

論天象本於自然非造作私意所能窺見

論觀象之學失傳薛氏梅氏兩家繼起參訂其書學復大顯

論西人之學原本之春秋左傳

再論西人之學與中法相同

論天象曆錫宮之名宋時已見不定為西人所獨稱

論七曜有如此之參伍錯綜

論占天占人占事占物及選擇吉日立象安命之同

論東地平安命及十宮七宮宣審之理

論地平宮與赤道言不同之所以然

論占四海占天下占一方之不同

論事之發與發之地

論恒星左行七曜右行之理

論各因不同心及各緯偏倚之理

論觀天者不可以不觀地與雲氣并不可不知音律與

分野

論觀象亦古跡今密

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

論

有用

愚論

天象源委卷一

象理

浙江杭州府學生員 張永祚 輯

天地人物古今之成天地人物古今變化無窮不可端倪要必有所以然之故所以然之故謂非七政運行不齊之所致歟七政運行不齊而世道由之有升有降人君因以致隆平之治人臣因以成變理之功以天下至大而不能出於機械之外以古今至遠而不能離乎運轉之中故孟子曰仁之於父子也義之於君臣也禮之於賓主也智之於賢者也聖人之於天道也命也夫是

數者性^所自具且有命存而况於外物乎古君子自有立命之學不肯委之於天然不知命則命何由立不知天又何由知命天者理而已矣天垂象以示人而理存乎其間象顯而理微象可推測而得理非融會不能貫通自古以來觀象者但知觀其一端不能究其全體能究其全體者惟鄭裨菴之占陳將復封為近惜乎其術不傳聞晉之郭璞著有稱星經談理相合書在道藏無由得見而我朝薛鳳祚訂正西人諸書至為精微不惟觀象者應觀其全體而天地人物均用是象以觀天人一理于此可概宣城梅文鼎又發其義其論立象安命

也明如指掌洵能發古人所謂發矣儒者之學以格物窮理為先務天下之大萬物之衆有一物未格一理未窮即於性體之明有缺如之何天象之大天理之微而可付之于吾手理者理也物各有理何況天象理之為理必有其源必有其委誠能溯其源不遺其委而理可明矣理明而象可推夫予以知天以知命奉天以惟謹事天以不二君臣有君臣之修省士民亦有士民之修省各盡其職蓋亦何莫非人道之當然也固知象無不知為占無不驗極早常之事也倘不期修省但求燭照于未然即無所不知無一不驗亦何補于人心世道

謹取薛梅兩家之書重為折之先之以窮理也輯象理

論天地人物古今第一理

夫天地人物古今孰為第一理孰為第一事人君敬天勤民人臣無負天祿士人事天以修身庶民順時以耕鑿斯為第一事夫而第一理何在聖人因人立教民可使由不可使知故出入起居祇言人道之常而天道之微即聰穎如子貢亦至年久而始聞詩書執禮聖人之立教雖旨趣不同而皆本乎人倫日用為之訓迪惟易道陰陽天地人物古今第一理略備於易然易猶云書不盡言言不盡意易非此一畫為易也乃陰陽也陰陽之分流為五行在天之五行垂而為象則有土木火金水五緯

之別在地之五行凝而為質則有土木火金水五性之分人稟天地之靈氣而生居然並列為三才而五事之列為貌言視聽思天象著於上人事應於下人事成於下天象見於上天人一理呼吸相通乃為心而不心天之心猶為子而不心親之心天與人本自相通祇因一私相隔而遂明旦無見子與親本自相通亦祇因一私相參而遂聲形無覺若是則有為善事親者可為善承天者其理要無不相同矣故古大聖人必欽崇天道以永保天命及股肱之臣以變理陰陽為事者要無不洞察天道共修天也職此我

皇上所以與天合德純一不已猶志在修省而況在下之臣庶乎天

之道於何見日月天地之精也五緯五行之布也惟日月五星運行於案中參伍錯綜萬古不齊悉本之自然而天地之性情以見天地之變化以呈在易之後有洪範一書已畧陳其端而後之演洪範者猶可為垂戒之言其有論天象者不失于浮泛則近于一偏有非天道之本然矣微乎微乎非實從事于身心性命之學而精窮其蘊者其孰能窺於此乎

論觀象非徒誇耀靈異

象數之學雖本乎推算而非算術可並雖微於陰陽而非陰陽家可比上古聖人誠能盡人道者無有不明天道誠能知人者無不由於知天伏羲氏仰觀俯察于是始畫八卦即克之命舜

亦以歷數為憑則堯之言數要非恠無據之說也而吾夫子亦以北辰居所比為政以德至如孟子尚能生致千歲之日至周家卜世三十卜年八百漢代之興五星聚於東井宋太祖之立日光摩盪近世周顛於陳友諒之僭稱亦有上面無他的之言劉基於鄱陽之役且獻更舟之策若是乎罕上之可指也奈之何戴天而不知天之高履地而不知地之厚尚得為明理行義之儒者乎然則有志于忠君愛國者既明人道之後天象又斷不可不講也古聖王仰觀天象非徒取先知誇耀靈異蓋實欲有備且盡修省之職也有備維何如占歲而知歲之中有旱澇之事則或豫疏濬以通流先隄防以蓄水乃至積穀平糶蠲

租賑濟種上早為籌畫民雖遇兩暘之不若而無饑色占歲而知歲之中有不虞之事則或豫防微以杜漸先居安而思危乃至整部伍嚴保甲慎關津謹邊塞宵小無由竊發謂非豫備之小補乎若夫修省之道天示祥瑞而為君臣者固不可以不修省譬如父母愈歡悅而子道當愈加敬慎矧父母之不悅而天象之我警乎或者曰日月之交食五星之凌犯古人但能識其行度與時日而不能豫推其故今既能推其故而其為交食為凌犯也自有一定之數則於人何涉又何所用其修省不知父母有一定之喜怒人子亦有一定之敬慎天象有一定之凌犯人君亦有一定之修省慈有父母怒於上而為人子者可以世

上於下手此迭雷風烈夫子所以必變天戒先王所以克謹百官亦莫不修職也慈得以為一定之象而妄言無涉以致慢天乎斯為君若臣者欲豫備與修省則又凜上乎天象之當明也惟是天機之所在與人君萬機之所存即所謂宵密之地也宵密不可以不謹而不容人之覬覦天機亦不許人妄窺以為禱証之本是故天象人所當習而又非象人之所當習不特非象人所當習而尤非不忠君愛國之人所宜習在天象之不可不觀而天機之不得不密者以此

論天象本於自然非造作私意所能窺見

古歷周天三百六十五度四分度之一日法九百四十分月法二十九日日之四百九十九即二萬七千七百五十九分氣盈五日二百三十五分朔虛五日五百九十二分通閏十日八百二十七分即二萬二千七百五十九分二歲餘二萬四百五十四分三歲餘三萬六百八十一分除閏一月尚餘二千九百二十二分五歲再閏至十有九歲七閏已無餘分是謂一章至朔同日四章為都至朔同在甲子日二十都為紀至朔同在甲子時三紀為元至朔年月日時皆值甲子謂之歷元在古歷法甚簡即章都紀元之說亦不見於經書而歲差之法古未之立蓋以人壽不過百歲天行數大非小年所能盡也史記載漢改元封七年為太初元年歲名焉逢攝提格月名聚畢日得甲子夜半朔冬至朔與冬至俱無餘

分注言漢興至此百二歲前歷上元太初四年千六百一十七歲至元狩七年復得開逢攝提格之歲爾雅云歲在甲曰馬逢寅曰攝提格則是甲寅不疑也是甲寅年丙子月甲子日甲子時交冬至距上元太初算年不合考二十一史諸家歷元總無一同者其立法也既取上元之各殊而又後測之不應法安所用哉然太初日法猶是古法而復以建寅為正月史記載太初日法有紀數可考漢書律歷志乃謂太初歷法起於鍾律宋儒亦信之蓋未之深考也考三統歷實起于鍾律將九百四十分之日法改為八十一名吳而實同復又引古穿鑿頭上裝頭屋下架屋多其牽合既不如古法之簡而且算終不協於歷何補

唐大衍歷又將日法改為三千四十又故匿其名而號為通法其通法之所以定為三千四十者一六為爻位之統五十為大衍之母成數六來生數一為天中之積生數一乘成數六為地中之積合千有二百天地中積揲之以四為文率三百以十位乘之而二章之積三千以五材乘八象為二散之積四十兼章微之積為通法三千四十通法即日法也理三統之故智牽強附會如設數與易所教陳之數有不合都以乘除就之非出于天道之本然至於今凡律曆志俱成強鐘不可句讀徒紛人心目詎知七政運行之數與河圖洛書揲著之數及六律六呂三分損益隔八相生之數原各不同庖羲氏觀象于天觀法于地

近取諸身遠取諸物始作八卦以通神明之德以類萬物之情可見天象者又係作卦之張本考著策包天人萬物之數五音六律為人聲自相生之數而七政止為天行之數七實不同奈之何欲強而同之今三統與大衍必欲強之使同而日法仍不離於九百四十分之舊不過意在誇耀新奇以自附於作者之林卒致天下後世雖驚其奇而究不符於天亦何益之有哉如三統法果與天符則萬世遵行可也我朝亦取為張本可也胡為不多日而卒改為大衍大衍又不能與天符復經後世疊改而變為授時其術可知也有元授時歷出蓋革其弊將日法作萬分竟以實測為憑而截元於辛巳斯授時之卓見也在授時

法比太初為加詳授時歲實三百六十五萬二千四百二十五分其零數通太初得二百二十七九五以較四分之一為不足實欠七十五分一係大數一係小數太初日法九百四十分為相數其朔實為二十九萬五千三百零五分九十三秒通太初為二萬七千七百五十八分七五七四附算法故朔虛為五萬六千三百二十八分八十四秒其零數通太初五百九十二分為多於太初朔虛多而氣盈欠見上數四分是以通閏定為十萬八千七百五十三分八十四秒數既不同法亦難合固非十幾年七閏之所能盡餘分而章節紀元皆成虛言矣此授時之不同於太初遂不同於古法之大概也若夫

本朝時憲定法於太初三統大衍及授時都所不取祇因崇禎歷法將周天定為三百六十度一度定為六十分一分定為六十分一秒一日定為九十六刻一刻定為十五分日平行定為五十九分八秋月平行定為十三度十分三十五秒朔策定為二十九日一十二時二刻一十四分通閏定為十日二十一時舉氣盈之名無所用之崇禎以戊辰為歷元

本朝復以康熙甲子年為歷元月既有緯度而五星亦有緯度種種立法密於前代我

聖祖仁皇帝

世宗憲皇帝

御製數理精蘊高出百王垂法萬世有司遵行敬授民時毫髮無爽

今

皇上德參化育學貫天人猶宵旰不遑惟天道是研復欲旁求俊乂

以大昌明是理為朝夕修省之資

聖睿所照無微不燭無隱不彰纖芥小臣何足以仰承

欽命惟是生逢

盛世不敢自棄竊不自揣擬為芹曝之獻伏思往古之明天象者未有不明歷法者也乃有不明歷法而自以為明於天象者得其一端而失其全体其可乎推測陰陽漢之時以董子為宗董子所論固為儒者之格言而劉向之傳洪範五行班氏繼之歷

代遂各有五行志天官之志起于史遷而觀象玩占與乙巳占又為占驗家之著蔡在五行志祇空談物理無庸推步猶可仿佛前人至天文之占必待推步而後知有難泛論矣考太史一職自漢已後大都皆是文人主之文章雖足觀而天象間有未悉自漢唐已後不惟歷法都出於造作而占驗推測之術造作者更紛口不一俱託名上古以沽名釣譽夫造作附會益本于人心而非天心雖竭其心思不遺餘力人巧有限如一切讖緯太乙奇門六壬之類即能造至億萬數而終有盡時安能如天象之千變萬化無窮本於自然非造作私意所能窺見也在卜筮之學灼龜法略見於洪範周易一經出自四聖人由太極分

為陰陽加一倍以至六十四卦原本于天道之自然而無庸私意參雜于其間因焦氏之學傳已憑于支六神為卜而又象有所不必觀矣若夫占驗之術星官之學而又不本于推步則七政運行之不忒且未知又何以識天意之所在夫于支之始于于黃帝之命大撓所以紀歲月日時天道之大不盡限此而近世所用為選擇之術者猶本授時之舊法如正月丙午宜上官而凡為正月之丙午皆然天道不如是之執一近世所謂星官之學者原屬欽察之傳不出於五法六法而仍依附于文昌化曜渺茫影響之談如丙午既為吉日矣倘天象中火之與金實凌犯于天頂將如之何化曜既為貴格矣倘天象中土之與火

實會冲於命宮將如之何是則天象之當明求而小術之非天道也昭々矣何況一切星辰青龍吉慶紅鸞天喜之類無形之形無象之象有誰能指其顏色有誰能見其運行其足為典要乎夫星官之術占驗之方自古至今其書充棟我

皇上

聖明天縱謂天文家言互有疎密誠為萬古發微之言也

附太初三統授時推算通法

太初日法九百四十

太初月法二十九日日之四百九十九即二萬七千七百五十九分

三統日法八十一

三統月法二十九日日之四十三即九千二百九十三

三統求太初以一一六零乘

太初求三統以一一六零除

法以八十一除九百四十得一一六零 假如以三統月

法零數四十三求太初應若干置四十三以一一六零

仍得四百九十九

太初朔虛氣盈通閏

太初月法二萬七千七百五十九分以十二月乘之為三

百四十八日又五千九百八十八分扣日六日通共三百

五十四日三百四十八分

朔虛五日五百九十二分 氣盈五日二百三十五分
一歲通閏一萬零二百二十七分即十七日八百二十七分

三統朔虛氣盈通閏

三統月法二千三百九十二以十二月乘之為三百四十八日又五百一十六扣日六日通共三百五十四日三十分 朔虛五日五十一分 氣盈五日二十分零二五

一歲通閏八百八十一分二九三即十七日七十一分二九三零

假如三統十二月朔策之零數三十分求太初得若干以一一六零乘得三百四十八分合太初求三統置三百四十八分以一一六零除得三十分合三統通閏之零數七十

一分二九三零求太初以一一六零乘得八百二十七分合

太初求三統置八百七十二分以一一六零除得七十一分二九三零合

太初歲實三百六十五日四分日之一又二百三十五

授時歲實三百六十五萬二千四百二十五分

其零數通太初得二百二十七九五據授時法算四分之

一欠七十五分小數

太初月法二萬七千七百五十九分

授時朔實二十九萬五千三百零五分九十三秒

授時求太初以九四乘

太初求授時以九四除

假如授時朔實二十九萬五千三百零五分九十三秒求

太初應若干以九四乘得二萬七千七百五十八分七五

七四二數取小較太初月法惟分下稍小

授時朔虛氣盈通閏

以十二月乘朔實得三百五十四日三十六百七十一分

一六 朔虛五萬六千三百二十八分八十四秒其零數

六千三百二十八分八十四秒通太初五百九十二分為

多于太初二分九一零九六 氣盈在太初零數為二百

三十五四分日之一授時零數為二千四百二十五分四

分日之一不足在本法為欠七十五分通太初少七分零

五 通閏十萬八千七百五十三分八十四秒

論觀象之學夫傳薛氏梅氏兩家繼起參訂其書學復大顯

洪範言星有好風星有好雨日月之行則有冬有夏月之從星

則以風雨詩小雅漸之石篇云有豕白蹄烝涉波矣月離于

畢俾滂沱矣肆推云馬喜風豕喜雨夫月之從星即西法所謂

月逐星是月之離畢即西法所謂月離星是象本為中西所

同占而其理中土或失其傳夫曰入箕入畢月行一月一周天

則一月之中有不東北入箕西南入畢乎如是則月于一月之

內至此日將無不風雨者矣恐未必然也在畢雖為好雨箕雖

為好風而月之從離月性且有晦朔弦望之不同月緯亦有南

北大小之不等陰歷云月在若之何竟弗問也非弗問也必失其

傳故也又如古占太白經天主共榮惑入南斗亦主共夫太白

雖環日行其星體要無不經天之理意者星行已入限當伏而

光猶燦然為經天耳若夫榮惑二十三日零行一周天亦猶之

月二十三日中斷無不離斗之理如之何惟謂之主共也此間

自必有道矣中土失其傳致流入于西西人有天文象宗西占

一書在元世百餘年晦而勿顯至明洪武年高皇帝命大將入

元都因取以歸特召翰林李淵吳伯宗諭之曰天道幽微垂象

以示人人君體天行道乃成治功邇來西域陰陽家推測天象

至為精密有驗其經緯度數之法又中國之所未備其有闕于

天文甚大宜譯其書以時技閱庶幾觀象可以省躬修德思患

豫防順天心立民命焉遂勅翰林編修馬少亦里馬哈麻次第

譯之其事載續文獻通考其訣相傳又為劉基摘去迨至我

朝有北海薛鳳祚泰西穆尼閣其人相與參訂復數行之其理與

象宗西占不異而其書原名為天步真源已刻于歷學會通中

會通之書爰削太苛且刻成未經較對而鳳祚已逝至若象宗

西占及天步真源等書中土未能貫通西人又不習中土文法

一篇之中支離重複有難尋譯且其書一語又止有數分實理

難免巖頭露尾之病宣城梅文鼎亦極重薛氏學而病其難讀

因摘其述七政性情者特為之訂正臣亦病此二書難讀尤慮後世不知此原為我中土舊學晝夜研窮寢食俱忘十有餘年似略得其概重為融貫斟酌謹更編次其篇章疏通其句語曉暢其義理存其理而不必皆舊文存其文而亦可附新義其有關者又摘他書以補之其有畧者又引他書以足之其有秘者又援他書以証之其有晦者互為之彰明較著或特書于前或特書于後其有雜者更為之分門別類門之中又別為門類之中又自相類一覽之下可以得其剛領而不至遺其條目即其一端而不至忘其全體庶幾中土之秘或發于此而天道之微亦即此可以類推俾先事有備無患君臣士庶隨分所在

可以各盡人道之實在天道微妙其象如彼其理如此驗之果驗亦其理當然耳臣輯是書非好異也蓋因理在天地間無分乎中西胡西學之源又未始不本于中土也

論西人之學原本之春秋左傳

昭公九年夏四月陳火特楚靈王滅陳鄭裨竈曰五年陳將復封封五十二年而遂亡子產問其故對曰陳水屬火水妃也而楚所相也今火出而火陳逐楚而建陳也妃以五成故曰五年歲五及鷄大而後陳卒亡楚克有之天之道也說者曰顛頊以水王陳其族也今茲歲在星紀復五年在大梁昴也金為水宗得其宗而昌故曰陳將復封楚之先為大正故曰楚所相也水

以天一為火二牡故曰水火之牡也火水妃也自大梁四歲而及鷄火四周四十八歲凡五及鷄火而陳卒亡火盛水衰故曰天之道也考此占以歲星為主特陳火歲在星紀丑宮火在鷄火午宮歲至酉宮而陳復興以歲原與酉三合照是歲為第一吉星西人之語不謬也火在鷄火而陳火以火與酉原弦照是火為酉之然星西人之語亦不謬也至火五及而勢不可挽亦與西人流年之法相類此可見是理非出西人而我中土自失之西人乃偶得之耳至於歲星所在之國則不可攷此則中西無不知者哀公二十八年歲在星紀而淫于元枵是謂蛇乘龍梓慎以為宋鄭必微則言其所屬裨竈以為周楚所惡則言其

所冲其歲星年次之應昭公三十二年歲在星紀而吳伐越晉史墨曰越得歲而吳伐之必受其凶不及四十年越其有吳乎以歲十二年一周存亡之數不過三紀非歲星順次之應乎觀此歲在酉在丑不失次均為吉惟同經緯歲即與金合不得謂吉此明太祖征陳友諒劉基所以有期以金木相犯日決勝之言也

再論西人之學與中法相同

文獻通考載凡五星盈縮失位元精降於地為人歲星降為貴臣而西占亦有木星主官府之說熒惑降為童兒歌謠嬉戲而西占亦有火星主顛狂善言語之說填星降為老人婦女而西

占亦有土星主老人之說

論天象磨羯宮之名宋時已見不定為西人所獨稱

星紀係丑宮在中土名為星紀而西人則名曰磨羯然東坡詩亦有命在磨羯之語此可見磨羯之稱前固有之要非出於西人明矣及閱中土五星之法而取格亦有日過白羊之名夫白羊戌宮也在中土則名降婁此白羊之稱何為乎來哉是又知白羊之不定為西人所獨稱者矣

論七曜有如此之參伍錯綜

陰陽之消長世道之降升人物之盛衰紛紜錯雜萬有不齊者此皆造化之故不期然而然者也夫造化固出于無心而運行

則存于有象太極一而已分而為陰陽布而為五行陰陽之精聚為日月五行之精懸為五星日月之有盈有縮五星之有遲有疾已自參差不一而况乎十二宮之各異三百六十度之不同其間三合六合兩弦會冲高卑升降遲留伏逆或有時而成聯珠或有時而成合璧或有時而一星旋繞一星或有時而數星追逐一月或有時兩星欲合而中一星阻之或有時一星欲行而兩星守之加以天首之高天尾之下緯度之相懸小輪之不一三角相和相抵之分正角二體速下之別天頂地平之殊東西出入之異夫兩人同行已自不齊况此七政之各一其性并各一其行乎如此而欲于闡明以求求一刻之同者不可得

斯歷元所以成虛名而截元所以為定法也七曜有如此之參伍錯綜而其為風雨為雷電為寒暑為旱潦也又何能齊世運之升降悉由乎此而一人之身榮枯有定一物之細盛衰有時亦皆因此不特人物為然即一屋宇一舟車一器皿無不本此以為成毀此天地之所以為大造化之所以為造化也天地人物盈虛消息吉凶禍福俱因七政之不齊而然所謂天命是也朱子云天以陰陽五行化生萬物氣以成形而理亦賦焉非此之謂歟故本天而言謂之天道本人而言謂之天命命之理微於是乎在後世術士不知天人一理妄為窺測乃占天而不用推步之術占人而不知用天象以推占物亦不知仍應推步將

天人一貫之道零星割截不知以何為宗以何為憑是尚可以為推測之道乎孟子言性善乃本其大体而言在孔子有上知下愚之分其子亦有種弗反矣反沉潛高明之論周子亦有剛柔善惡中而已矣之說陰陽五行之性原自不齊而况于人身况于物乎此朱子所以又分為氣質之性也究之人無兩性特天性不可以言惡耳然則是書窺測天地人物皆歸一理信乎其為天地人物第一理不誣也

論占天占人占事占物及選擇吉日立象安命之同

占天之術以是年交春分與春分前朔望時之天象安一命宮占人之術以是年月日人生真時刻與四年之真時刻各安一

命宮占物之術如命格後月食占言祭此城時或日或月在亥宮是分明其城始基之時亦可安一命宮以占此城之休咎也至于占事而即于事之謀始時安一命宮用占凶吉其理相同而西占中不詳載恐在所秘然因可以類推也其在選擇必由逐日逐時為安一命宮而擇其吉者用之西占已詳言可不必贅論也

論東地平安命及十宮七宮十四宮宜審之理

十宮要看東地平亦要看西地平次之東地平郊宮也西法凡占以太陽經度加時而以地平郊宮之所值為安命蓋郊為物始生之方故立為命宮猶易所言帝出乎震也在中法不知此

理或以午時生人而竟置太陽于地平下之子宮其與天象大相違背則何以為窺天之本要知古人決不知是十宮為本地方之天頂且為最高之處故不可不審而西地平為成物之方四宮為物之根抵俱不可不察是皆有至理存焉

論地平宮與赤道宮不同之所以然

地平宮濶狹與赤道宮不同而各宮各耀之照亦然故人之生也同一時刻而日各所居處不同命遂不同猶之歷法各地方之北極度日出入刻分與各節氣之刻各不相同斯為西占之秘法而實與歷法相符者也其詳見宣城梅文鼎直十二宮術十二宮斜十二宮百游十二宮論

論占四海占天下占一方之不同

占四海看黃道占天下看三角占一方看地平宮一方移步換形故須看地平宮若論望氣不惟宜看地平宮亦宜看直十二宮則近天頂之雲氣將何以分東西南北三角之力最大故占天下者觀之若夫黃道者四海之所同瞻故占四海者觀之

論事之發與發之地

象緯真機云各星行至本宮及三合宮所主之事乃發此言發之時也又云所應地方由歲旋分星而定此言發之地也各星行至本宮有不同有以在天之本宮言有以地平宮言有以流年行法言三合之行亦然西占所極重者三合三合即三角其

實亦即中占之三合也中土凡占事之應論三合如課中支神見亥卯必待未日或未月為應之七時但中土止論月建日辰

西人論七政實在宮度耳月建即行與日建相合所謂子與丑合寅與亥合者是古時月建取乎斗柄之指今因歲差在建寅

之月斗柄已不指寅故造歷者並不論及所應地方由歲旋分星而定此論分野也分野憑宮而論固無庸辨其歲差以宮度

論則宮有歲差而是宮有改其分野矣徐發之論止憑乎宮不論宮度與此不同詳見分野見二卷

論恒星左行七政右行之理

恒星天左行日月五星右行此是何理蓋天一大形也天形圖

圓之為物必有所包裹以成表裡西法言天有九重是也日月五星右行而恒星天左行右者右左者左左環右抱而形愈堅固氣愈糾結千枝萬歲運行不息無有懈特斯天之所以大且久也天之氣內運自子至午而仍復于子人之氣為天所付不能內運而有聚有散故形不能長久道家蓋天地之道輪轆內轉亦可長生久視但為形有限為氣亦微終不如天之無極也

論各圈不同心及各緯偏倚之理

各曜何以有小輪各輪又何以每偏于各方而不正居其中其必有所以然之故存焉夫太極居中一分陰陽便落形氣才落形氣便不能無偏矣故太陽亦有小輪其為偏也無幾太陰之

偏漸多各星之偏偏之多莫過于火星其義理可想然此之偏以目輪言也若夫次輪與歲輪亦自有偏則又何也不知是乃從日之偏也從日之義宣城梅文鼎已為發明星以從日偏之外又復加偏要亦非無義理也不惟偏且有倚黃倚于赤白倚于黃各星之經又各倚于黃又倚之外復加倚前緯後緯之分因是以立知此象者已詳其人况能明此理乎西法但能發明此象而不能發明此理然實有至理存乎其間似不可不辨也

論觀天者不可以不觀地與雲氣并不可不知音律與分野善言天者不可以不知人益人道格天也尤不可以不知地蓋地道承天也地有南北之殊東西之異天象合兩而應乎某方

則多雨之處雨增少雨之處雖有雨而雨少又如雲氣有致雨者江南見之驗江北不驗豈不以地有不同之故也乃至閩廣邊海之地大抵海風一起便天涼而雨非海風起即有應雨之風不雨也不惟風雲亦然如野豬渡河為雨象而江海川峽之處雲氣常騰又非可以概論也中土觀天象大抵止觀其一端而不論其全體止觀其大略而不察其細微止觀其大略觀其一端則月之犯五星一月之內必周星之自相犯也一歲之中不免如據占書而言則人事有不勝其繁矣能論其全體論其細微者若禪龜之占陳大庶幾為近之而後之得禪龜之傳者又秘而不宣此所以其書充棟莫之驗也至望氣之術與風角

之占其為一端也無疑即一端而忘其全體按大畧而忽其細微如之何則可苟能權衡乎其間揆度于此際得其本而不遺其末取其精而不棄其粗一端與全體同條細微與大畧共貫如有不驗乎此望氣風角于推步之後又不可不繼謀也推步之占如風鑑家之相骨格望氣風角之占則如風鑑家之辨聲音氣色氣色者一時之占也象之小者也骨格佳而氣色又明斯為福澤即至矣時云風雲之竟可不察乎若止惟風雲是占而天星不問是猶止辨氣色之小而遺乎骨格之大矣故西占于慧字之起仍必推步為安一命宮與占歲占人無異蓋有白也既能推步以占其大還宜審察以占其小况地氣有不同

風雨之小者無關於星象之故又不可不知也西人望氣自有成書而中土于此術得其訣固不讓于西占在兩軍相當之時勝敗在于呼吸則望氣為特重隋天文志已言之詳而朱子所撰之天元玉歷及青霞散人之歌訣亦頗可參看若夫聲音之道孔子吹律而知已為較之苗裔師曠吹律知南風不競而決楚之必敗其道亦甚微矣我後之人何勿察也豈非失傳之故乎因于卷末更附以望氣審音及分野之概

論觀象亦古跡今察

推步之法在古為跡在今為審而天文之學亦何獨不然故推步之法至我

朝垂有定法而無以復加而天文之學亦至我

朝薛鳳祚訂其書梅文鼎詳其義而其法誠為至精至密觀其書

自見

論學貴有體有用

歷法西傳中言西庠之學其大者有五科一道科二治科三理科四醫科五文科而理科中傍出一支為度數之學其言似涉于太誇然我中土胡安定原有經學治事之分以經學而兼治事志道據德依仁游藝非判然為兩截事矣出而報効國家有體有用豈西庠之所能望見也

推昇天時人事總論

象宗西占云凡書中緊要之理備言之有二等第一等要知天輪行度之法必用渾天儀并測星之器以算法推詳其理已撰二書在前步之書若人能於此二書精通則知此為至高至實之文矣第二等論天輪七曜有吉有凶則應世上之吉凶其吉凶云何必用上文所云渾天儀及算法體驗而後知之無非一定之理然當深明其源不可因或效而止也如太陽性熱且燥太陰性濕且潤又如四時不等寒暑不同或多雨或少雨因各星與太陽相遇或太陽與各星相遇在何宮分或各星自相遇以此故也此是顯然之理自古相傳至今人能悉透各星性情衰旺及各星相遇之性情與夫相遇宮度之變性則致知四時

寒暑旱涝疾疫并人事吉凶禍福不難矣既能先知凡事可以豫備盡人道以事天可也

凡論天文形象陰陽吉凶之理備載于此至矣盡矣所應禍福依此書逐一推斷可也一切決斷人事吉凶看星象強弱旺衰但過一吉星不可便作吉斷過一凶星不可便作凶斷須再看有吉凶星助然後可以斷其為吉為凶

天步真源云歷數所以統天而人之命與運亦天也故言天而不及人則理不備言人而不本于天則術不真凡人不可知此學者有三

日月星辰運速常變皆非不可知者惟人稟賦天地之全能不

明其理是負天地之生也

世有水旱饑疫人若不知知之則凡事可以豫備誠持世者之急務

昔聖賢先務以前民用如授時戒農此其大者至于物理可推

歷法皆能旁通及之誠便民之大者但言命亦有其要

命之時與星有不真則吉凶大異必漸入細微方能準

變度之法或轉禍為福或移急就緩如凶照變為吉照萬有不一非息

心入密不易得真

前人之於天道不愚不知及知又虞洩漏况人事動多關係若

能者察以代著蔡固善不則甚不可也

天象源委卷二

象性

象星最也性星之性情也星有本性有全性有合性有

兼性有雜性有變性有增減有強弱有盛衰倘執一

而論無怪乎所占之不驗矣曰本性者如土有土之本

性木有不之本性是也又如土值火而變熱究為土之

熱不得謂火之熱火值土而變冷究為火之冷不得謂

土之冷蓋其本性猶存也曰全性者土純乎其為土木

純乎其為木無偏倚駁雜之謂也曰合性者如木與金

合木力與金力又相等兩性合為一性也亦有數性合

為一性者曰兼性者如土與木合力不相等而土與木

或性光合或吉照或凶照或冲土星則兼有木星之性

亦有一性而兼數性者若日月合璧五星連珠此謂七

曜之大合吉何可言他若有吉星與吉星合或與吉星

吉照而倍成其為吉者比之有之又如凶星與凶星合

或與凶星凶照如木與水合為風加之土則雷雨且

電其在人也水與火合而加以金則為善于詭譎而且

多兇惡曰雜性者性不一也星不一星性不一性順逆

不一善惡各殊謂之雜曰變性者同是此星同是此性

或與太陽會雷冲而性遠異或遇黃道之宮不同而性

遠遷至于增減強弱盛衰又各移步換形如此之類未
易悉數其秘在此其妙亦在此前人未及詳言所貴得
心會意觸類旁通則天下之名理正自無窮耳邵子皇
極亦論至此謂物有飛之飛之走飛之木飛之草等
其理相符但皇極本卦體而言此本天道而言又有不
同也輯象性其論官度
羊見三卷

七曜本性

象宗云太陽性熱且燥能熱所照之物太陰性濕潤所照之物
亦皆濕潤土星性寒微燥木星性溫和又熱而潤熱多潤少火
星性極燥極熱金星性亦溫和又熱而潤多熱少水星性不

定過熱則熱過寒則寒過潤則潤過燥則燥又說水星屬氣而

生風故木水合為風 史記天
官書云水星出入燥疾

七曜性情所主

會通云天下萬物之性有冷有熱有乾有濕天上星曜之性亦
然天下萬物之性有善有不善天上星曜之性亦然
第一不善者土星性冷性乾其冷更甚于乾離太陽遠不能受
太陽之熱離人遠熱不能到人行遲不能作熱光小又散亦不
能熱故冷凡物熱則乾土不熱何以乾因太冷故中乾稱為大
禍主草木性冷無蟲故主草木 觀下文火亦主草木 主人命六十
八歲外主為人性冷性慢不爽快心貪多謀 以土主難信 土弱
思慮也 主難

信主細民主人肝主土中鉛

不善者第二火星性熱性乾其乾更甚于熱離太陽近故熱其
光散如火受地之濕氣皆散故乾稱為小禍主人四十一歲外
十五年主人胆大顯狂善言語喜反覆 起火性怒爭鬪主兵猛也
主黃疾 痰有在土中主鐵主禽獸草木之有毒者

第一善者木星性熱性濕其熱甚于濕在土星火星之中離水
陽不遠不近故熱為少和光大多收地氣其熱不足以散之故
濕稱為大福主人血中以下却言主肺 主人命五十六歲外
十二年主人聰俊穩重性寬宏不慳吝主官府主師長主客商
一云木主商在水之主經商 主人肺主土中主錫
必為行商木之主必為富貴

第二善者金星性熱性濕其濕過於熱去太陽近去人近光大故
熱光大多收地氣故濕主人命十四歲外稱為小福主好色喜
歡樂歌唱不耐勞苦 勞苦 主人腎主土中主銅

中等第一水星性不熱不濕同太陽火星則極乾同土星則極
冷稱為禍星同木星金星為熱為濕稱為福星主人四歲至十
四歲主人不穩重多浮好謀詐主水至弱 主賊 亦水星 主肺 宜主
土中主水銀

中等第二太陰性冷性濕月無光借日光故冷離人近 性理云
為多收地氣其熱不足以散之故濕滿特稱為福星空時稱為
禍星主小兒一歲到四歲為人不穩性浮好弄為塘撥為水手

以其行最疾也曰水手
主人目睛主日主腦主髓主白痰主婦
人月事地中主銀

淮南子云月虛而魚腦減月死而蠶蚌照又云蛤蟹珠龜與
月盛衰泰西水法云月為陰精與水同物既為同物勢當相
就月既下濟水亦上行故就于月故月輪所至水為之長而
成潮汐也當潮長時長則氣入水為之輕潮降氣出水復故
重以餅盛水每日權之輕重不等則潮升時輕潮降時重耳
草木百苟資濕潤無不應月虧盈月滿氣滋月虛氣燥故
上弦以後下弦以前不宜伐竹與木以為材用易生瘧氣在
中也釋此言則知月主腦之說非誣而并可以通于潮汐物

類竹木與月相應之理

太陽性熱性乾光大體大故熱故乾主人命二十二歲外一十
九年主君王主人長命有福主賢良聰明性寬宏主得君寵主
人心主人狀地中主金與寶石

以上二書所言七政之性并七政之所主其大略也在一星
之性與所主亦宜觸類旁通如易以乾為天此統論也為圓
以形言為君本國言為文本本人言為玉本物言為金本貨言
為寒本時言為水本行言為大赤本色言為良馬為老馬為
春馬為馭馬以馬言為木果本木言七政之所主亦如是八
卦以八七政以七八卦之德方七政之德圓七與八名雖異

而理無不同如八卦坎為水又為盜七政水星亦主賊八卦
離為火為戈兵七政火星亦主兵餘可類推八卦之重亦必
更有所主而聖人不盡言俟後學之自會茲七政之性二書
之言已不如易之詳其相遇也所主之不同則散見于各卷
中言均未詳祇可意會况七政之過又復參錯不齊其象見
于策中其理最耐玩味至為精微至為變化占驗之要正在
此處當于各卷中取而合參之

天文實用云木金皆熱而濕性最和其效與惠有不同者木熱
主其濕也金熱和其濕則木最惠而金次之太陰生明之初
濕勝于熱施惠為少賴其幾望也熱甚等于濕以補之土火皆
惡性及下物土甚冷為最害火甚熱害次之日與水性適中為
惠為害未決也俟與他曜會而次之水會日或火所顯愈乾會
土即最冷為惠不能無偏于冷會木或金熱濕維均日光盛
甚所會善則曲己性而本效減所會惡則借彼力而惡效增日
有害原此也然固有太惠為凡曜與之距而遠也獲借適中之
照即于善者加其善而惡者減其惡以較諸曜惠更廣大莫及
也

七曜分吉凶

兼宗云木星金星吉性溫和故吉土星火星凶土星性極寒火
星性極熱故凶太陽太陰吉太陽與太陰或與五星三合六合

照則吉相冲相會并二弦照則凶蓋山水星遇吉則吉遇凶則凶若水星獨在一宮與各星不遇則取所在宮分并主星為吉
凶宮主也

七曜分陰陽

象宗云太陽土星木星火星屬陽土本陰却屬陽補下文也言太陰金星屬陰水星遇陽星則為陽遇陰星則為陰又一說水在太陽前出為陽在太陽後入為陰又一說水在人安命宮至十宮為陽對宮至第四宮亦為陽其餘六宮為陰
會通云凡星日出時在地平上為陽在地平下為陰
天文實用云七政力大者為陽男力小者為陰女要皆準于四

情為四情其情有熱勝其濕者日也居日上者為火為木為二故並屬陽為男類土性冷乃熱微之所致然絕無濕故其熱尚勝濕而屬陽其性有濕勝其熱者居日之下為月與金故並屬陰為女類維水則異是得其本然為女偶有所感即又為男

七曜分晝夜

會通云太陽木星土星屬晝日光大木星熱故為晝土甚冷以剋日木之熱使不傷物故皆屬之子晝太陰金星火星屬夜月全濕大故屬夜火甚熱以剋月金之濕使不傷物故亦為夜火星夜不傷物固有月金之性水星晨見屬晝夕見屬夜象宗云水星過晝星則屬晝過夜星則屬夜出太陽之先屬晝入太

陽之後屬夜土火二星比他星異常土性寒却屬晝火性熱却屬夜故曰異常七曜中陽星屬晝陰星屬夜而火乃陽星却屬夜

天文實用云時分晝夜為效各異諸曜適值其時與其性合施力必強欣如有喜焉有喜晝者其性隨日木與土是也木熱勝濕二情和平晝合其性因之施力甚強厥功懋焉土則性冷藉晝熱補之雖無善勢惡效亦鮮有喜夜者其性隨月金與火是也金濕勝熱夜屬陰正合其性因之施力亦強火效為要甚強于晝俾出夜中補其偏乾足以殺之水無專向適受變于晝夜大約東出做晝之熱自增其乾西入做夜之冷且更為濕也

太陽分盈縮

考日平行五十九分零八秒日高冲一點盈之始高行一點縮之初春分至秋分半同歷時多秋分至春分半同歷時少

太陽分有光無光及上升下降

考月有光即各事大第一望前到上弦其次十五到下弦又次初一到上弦又次下弦到初一
月升以朔日所離宮度定于十五至酉十五為正升酉十五至未初度為斜升未初度至寅十五為橫升寅十五至子十五為斜升見七政經緯度時憲書三卷見
月上升有五言止一小輪最高一不同心圓最高即日子到午

上行午到子下行午時冬至到夏至為上夏至到冬至為下
月自行起於最高左旋次輪以循自輪至旋而月在次輪之上
右旋司距日一周次輪行二周凡對望必在本輪之內最近

太陰任自行輪高卑力分強弱附考行

考月有自行輪次輪並但論自行輪日平行一十三度一十分
零三十五秒自行一十三度零三分五十三秒兩行相較差六
分四十一秒即月季行故平行歷二十七日三十刻一十三分
零五秒而復於原度自行必歷二十七日五十二刻一十一分
五十四秒而始復於最高日與日會在最高與日冲在最早上
下弦在中距二分其詳見日指

會通云月在最高力強在最卑力弱高左卑右與對望
光小光大却相反

五星在不同同心因高卑受性

會通云土星木星火星在不同同心最高為濕為冷在不同心最
卑為乾為熱以三星本輪在太陽上
金星水星在不同同心最高為熱為乾在不同心最早為冷為濕
以二星本輪在太陽下

土木火在歲輪金水在伏見輪分高卑

考土木亦有自行輪并小均輪及歲輪茲但論歲輪火星
金星金水
亦有自行輪及伏見輪茲但求伏見輪 土木平行一日土二
分木四分五十九秒火三十一分 金水平行與日同金伏見

平行一日三十七分水伏見平行一日三度零六分

太陰朔望兩弦及五星與太陽會留冲變性

象宗云太陰與太陽相會後至上弦性潤上弦至望性熱望至
下弦性燥下弦再會性寒 土木火三星與太陽相會後至第
一位留處性多潤自第一位留至與太陽相冲時性多熱自相冲
處至第二位留處性多燥自第二位留至與太陽再相會時性多
寒 金水二星與太陽相會後至第一位留處性多潤自第一位
逆行後復與太陽相會時性多熱自相會後至第二位留處性多
燥自第二位順行後復與太陽相會時性多寒 星有性潤性熱
性燥性寒各星或三合六合相冲相會改變性情或四正角等處

相遇并有力無力所以天之氣候有不同也推算者宜細詳之

各曜順逆遲疾力分大小

考月自行從高左旋為逆行九十度留順行至半周最卑又九
十度留復逆行至原界行最高極遲行最卑極疾 土木次輪
即歲輪凡星與日會在輪最高行順而疾與日冲在輪最卑行
逆而遲起于最高右行每歲與日會冲一通而滿輪一周火同

金水自行輪以日為心環日行伏見輪又環自輪行其星平

行亦有最高起右行金星凡歷五百八十三日八十八刻行一
周水星凡歷一百一十五日八十五刻行一周水星之輪却在
金輪內金行伏見一周在上右行與日相合為合伏；而疾；

而見：而遲：而留則在日之前留而退：而疾復與日合伏于下仍復退而遲：而留則在日之後留而疾又復與日合于上水行伏見一歲三周餘木天行一周伏見輪之上則有六伏六見六留六遲三疾并三退惟其伏時多所以不恒見當見不得見又因緯度之不遠金緯遠十一度有奇水緯遠十六度南北全緯此遠查水無

會通云五星之行有速有遲：者熱冷乾濕俱重速則輕減五星有不動時有退時退而往返旋繞其力加重不動時亦重各星行有遲疾其實行大于平行者為疾平行大于實行者為遲平行與實行同者不遲不疾星疾行力大

五星兩留限

宣城李光地本要云前留土近合後百一十四度木百二十六度火百六十三度金百六十七度水百四十四度後留土二百四十六度木二百三十四度火百九十七度金百九十三度水二百一十六度兩留之間則俱退行又前留距合在本天最高則少最卑則多後留在本天最高則多最卑則少與前論留限濶狹異原同歸乾坤正切中亦有圖

日月五星正會冲三合六合兩弦照分吉凶

象宗云凡七曜相照在經度上有八等一相會一相冲二：弦離九二六合十度二二三合一百共八等

會通云離九十度與冲皆凶而况尤凶離六十度與合皆吉而合尤吉

會冲等有二其一曰正相遇一秒不異其一不正相遇論本星光之半數

象宗云太陽前後光十五度大陰光十二度土木火三星各九度金水二星光各七度

既如火星追逐土星相離七度則二星沾光號為初會凡星光度數均者初會則各星度數減半同沾光不均者初會特度數多者先沾光少者光未及沾 凡二星同度為相會但過一分即為相離難相離力尚在為二星後光未盡也若二星相會後

或相離一二分却又有一星在後追及體雖未到光已相沾即與後星又為初會各星相會並同此例此是論各星經度若各星在緯度相會或黃道南黃道北緯度亦同則下星掩却上星故相會為尤緊 再論二星相遇若二星同出度數對黃道的赤道度數相同如雙魚宮二十五度與白羊宮五度同或二星在兩處日長短同如一星在陰陽宮二十五度一星在巨蟹宮五度似此之類亦呼為相遇 若二星相會後一星前去追及一星即將先會星光移會之星如火在白羊宮木星在雙女宮金星在陰陽宮金星離火追及木星即將火星之光移向木星似此火星與木星亦為相遇為金星先與火星六合照後與木

星相弦照也又火星在白羊宮木星在雙女宮土星在陰陽宮
土星與火星六合照與木星相弦照土星將木火二星光聚於
一處似此亦為相遇 若一星在本宮或旺宮或在分定度數
上却有一星來與相會或三合照則主星受客星之喜吉之分
是也 若一星在本宮又在分定度數上與一星或三合或六合
或對沖二弦相照主星喜受相照星之力比上文所言之星其
力稍輕可類 若金水在白羊宮或在獅子宮與太陽雖無相
照太陽亦喜二星在其宮也白羊乃日三角 言喜受之理者不問大
小一切事皆成就順快 若一星與一星同宮同度一星逆行
或在太陽光下主星無力則阻客星亦有客星無力 若主星在四正宮

及分定度數上雖阻不甚阻者凡事不能成就有損傷敗壞之
理不吉

會通云太陽光十七度太陰光十二度三十秒土星光十度木星
光十二度火星光七度三十秒金星光八度水星光七度不正
相會有二一為來者一為去者若二星來者性速去者性遲速者
過遲者前行亦有二一為逐一為離月離逐 又一等二星俱順
行一等二星俱退行一等順行者追退行者一等順行者離退行者
七曜照分左右論強弱附十
會通云五星在前者名右如白羊從金牛順推在後者名左如
白羊從雙魚逆推論日月五星在右者比左者強論十二象在

左者比右者強

五星上下升降

會通云各曜自最早至最高皆為上升自最高至最早皆為下
降

土木火與日會定在其小輪最高與日沖定在其小輪最早金
水與日合伏于上定在其小輪最高與日合伏于下定在其小
輪最早最 早至相會為升相會至最早為降月在自行輪高早
見日指

五星在太陽光下

會通云五星在太陽光下不能主事凡事皆太陽代之星善則

善星惡則惡如土星在日光下土不能傷人太陽固有土星之
性反能傷人星在太陽光下離八度三十秒在太陽心離十七
秒在太陽心不吉

月五星在太陽東西權分大小

會通云月自朔至望屬太陽東自望至晦屬太陽西又上弦至
望望至下弦屬東

土星木星火星同太陽相會至相沖屬太陽東在小輪前半相

沖至相會屬太陽西在小輪後半以黃

金星水星相會至相沖屬太陽東相沖至相會屬太陽西以代

考土木火會日日起星金水會日星起日東權大西權小

真源云五星在日東西有七一星在東日未出星在西日已出

二日未出星在十宮或日在地平星在十宮亦是但少弱四日

入星在四宮五日出星在四宮六日在十宮星或出地平或入

地平七日游出星落地平或少在日前後亦少弱

兩星行之不同論

會通云日月自相近或自相離皆有能

一一星與一星相近皆順行少遲者在前少疾者在後如土星

在六度木星在十二度木前土後以百行言則十二度為前六度為後疾前遲後

二一星與一星相近皆順行少疾者在前少遲者在後

三有二星相近一星在前順行一星相近留

四有二星相離一星在前順行一星在後留日相近者必後星原行速日相離者

必前星原行速

五兩星相近一星疾行在前留待後遲行者行到為和

六兩星相離疾行者在後乃退離而去為慙

七兩星相近疾行者在後留遲行者在前順行而來不能及

八兩星相離疾行者在後遲行者在前順行在後留

三星行之不同論

會通云一三星相近中有一星疾行能使後星之光移於前星

二後兩星光俱移於前星

三一星疾前行離二星光

四一星疾前行近二星光

五前後二星行疾中一星行遲隔前後二星之光使不能及

六有三星同在一節或一氣內遲行者在前疾行者在後中一

星能加光力於前之遲行者

七二星相近將合有在前一星退行來二星之中令不得合

八二星相近將合有在後一星行疾來二星之中令不得合

外八權

會通云一星在本舍 二星在他星之舍 三星在喜樂宮

四星在他星喜樂宮俱見三卷 五本星性軟別星性強 六兩星

性皆強 七一星軟第二星強此必本處言 八二星皆軟

又九權

會通云一二星圍一星無他星來救

二星得他星之權如在他星之舍或在他星之升或離他星一

百二十度一百八十度九十度六十度能分他星之權

三星所在之方與別星不相會照為賤者軟者野者

四星疾行者與遲行者將會未會而先與他星相會為虛費其

行

五星與他星將相沖或將相會留不能沖會亦為虛費其行

六星離此星前去並無他星會照稱為空虛此項第一大用在

月

七有星居其方其方全無本星之大小能力為至弱之星

八星屬陽又屬晝又在地平上其宮分又為陽或星屬陰在地平下其宮分又為陰亦為一權

九二星相會之方于二星皆有大能有彼此相借之權

十或上等星得下等星之權或下等星得上等星之權為彼此相接 上下等有四一小輪在最高者為上卑者為下二緯在北為上在南為下或同在北則以離黃道遠者為上同在南以離黃道近者為上三以在西行遲者為上此尚四以近天頂者為上

考月在正交之六宮緯北中交之六宮緯南
土木距正交如在初宮至五宮緯北六宮至十一宮緯南火星

月五星南北緯

同

金水以次實引即得距交數來查本星緯前表得前中分又以

伏見實行去查前緯限中分緯限兩相乘得秒進分為前緯次

實引在初一二三四五宮伏見實行如在三四五六七八緯南

初一二九十一緯北次實引在六七八九十一宮伏見實行

行如在三四五六七八緯北初一二九十一緯南水星但有

實非無次實引南北反是更以次實引來查後緯表即得後中

分又以伏見實行去查後緯限次實引在初一二九十一宮

伏見實行如在初一二三四五緯北六七八九十一緯南次

實引在三四五六七八宮伏見實行如在初一二三四五緯南

六七八九十一緯北水南北反是後中分與後緯限相乘得

秒為後緯更以前緯後緯之所向同類為加異類減得視緯不

拘前與後總以大為決便是定緯南北術列有圖

黃赤緯二十三度三十分
月朔望四度五十八分三十分秒兩弦五度一十七分三十分半

弦五度零八分
土星小二度一十六分大二度四十九分木小一度零六分大

一度四十分火小一度零四分大六度四十七分金水緯見各

曜順逆遲疾力分大小節
宣城季光地本要土星南緯三度四分北緯三度二分歲輪一

周輪心平行十二度奇
木星南北緯俱二度四分歲輪一周輪心平行三十三度奇

火星南緯六度四十七分北緯四度一十一分歲輪一周輪心

平行四百餘度
金星南緯九度弱北緯八度半強歲輪一周輪心平行五百七

考緯北強緯南弱上下見九推

天象源委卷三

象度

度者天之度數有黃有赤割為十二宮截為三百六十度定為舍并廟莊分界位等其在天則有二十四節氣之分其在人則有命財等十二宮之別其界限之所在有如刑名家之法律不容游移遷徙最為謹且嚴者然星有星之性情此固因陰陽分為五行之所致矣而度何為亦有度之性情不觀之人乎人有人之性情而五臟六腑亦各有其性莊子所謂肝膽楚越是也不寧性是頭目手足皮膚毛髮寸寸性各不同此醫家所以治

法亦各不同也在物亦然同一物也而皮一其性殼一其性實一其性首一其性身一其性尾一其性或熟食而性與生食不同或鹹製而性與蜜製各異此七曜所以至其度而性變宮度所以有其星而性亦異也惟其異故有宜于此者有宜于彼者有應求之此者有應求之彼者如占晴雨則當論五星亦當論日月占功名則當論星之舍又當論星之升裡裡妙理各有其故惟在乎權度之精切衡量之不爽也輯象度

十二宮名

子 丑 寅 卯 辰 巳 午 未 申 酉 戌 亥

元枵星紀折木大火壽星鶉尾鶉火鶉首寶沈大梁降婁娥管
寶瓶磨羯人馬天蠋天秤雙女獅子巨蟹陰陽金牛白羊雙魚

立象安命十二宮天人公用

卯 寅 丑 子 亥 戌 酉 申 未 午 巳 辰

一宮二宮三宮四宮五宮六宮七宮八宮九宮十宮十一宮十二宮

直十二宮衡十二宮斜十二宮百游十二宮辨

宣城梅文鼎云渾圓之體析之則為周天經緯之度周天之度
合之成一渾圓而十二分之則十二宮矣然有直十二宮為有
衡十二宮為有斜十二宮為又有百游之十二宮為以天項為
極依地平經度而分者直十二宮也其位自子至卯左旋周十

二辰辨方正位于是為用之以子午之在地平者為極而以地
平于午二規為界界各三宮者衡十二宮也其位自東地平為
第一宮起右旋至地心又至西地平而歷午規以復于東立象
安命于是乎取之赤道十二宮從赤極而分極出地有高下而
成斜立是斜十二宮也加時之法于是乎取之則其定也西行
之度于是乎紀之則其符也黃道十二宮從黃道極而分黃道
極繞赤道之極而左旋而黃道之在天上者從之轉側不惟日
異而且時移晷刻之間周流遷轉正斜升降之度于是乎取之
故曰百游十二宮也然亦有定有游定者分至之限游者恒星
歲差之行也知此數種十二宮而俯仰之間縷如掌紋矣然猶

言經度未及其緯故曰經緯中之一法也經緯二法中之一法

七曜本宮天人公用中西同法

象宗云獅子宮屬太陽巨蟹宮屬太陰與二宮相對者寶瓶宮
磨羯宮屬土星因土星性情與太陽太陰相拗土星輪下是木
星因此人馬宮繫依磨羯宮雙魚宮繫依寶瓶宮此二宮屬木
星白羊宮與天蠋宮屬火星天蠋宮繫依人馬宮白羊宮繫依
雙魚宮金牛宮與天秤宮屬金星金牛宮繫依白羊宮天秤宮
繫依天蠋宮陰陽宮與雙女宮屬水星陰陽宮繫依金牛宮雙
女宮繫依天秤宮 木星二宮與太陽太陰宮分三合照金星
二宮與太陽太陰宮分六合照土星二宮與太陽太陰宮分相

冲照此則土得木火星二宮與太陽太陰宮分二弦照各
太陰之位不為其惟水與太陽
星在本宮有力在對照無力太陰本無照

此七曜分宮中西同法無參差不齊至于命學財帛等宮其
大段亦同惟論照中土止有三方吊照而西占之照不惟三
方且有六合二弦又將七曜光分別大小不等斯為入密矣
至于二星相冲亦原屬中土所忌中西語言不同文字各異
而于天象立體占驗之大處無不相同是可見理之所在放
乎四海無不準者

黃道十二宮名之德黃道十二宮性情所主書未詳載因
象每象三分主天時者見占時又
有黃道性分四方主血等見命理

天文實用云渾儀說分黃道為十二宮引太陰會日十有二次
 諸所以然合以形物生存之故計得十二數因以分界黃道也
 蓋物之質為火為氣為水為土而物必先有其生次有其存後
 有其毀凡三界三四相乘其數十二各行各依物界得三宮火
 得降妻鶉火析木性熱而乾庚午氣得寶沈壽星元枵性熱而
 濕甲辰水得鶉首大火癸酉性濕而冷未卯土得大梁鶉尾星
 紀性冷而乾酉巳以四元情乾濕歸四元行各于其類無相雜
 據準古宗動列宿各天宮度適合今則元行之配宮次稍有遷
 移矣而指稱猶同于古也蓋星之故以上係論三十一宮名
 西國像以人物從其德也太陽躔一宮起大顯熱效名白羊

羊性熱也躔二宮照物益增光力名金牛牛之大力勝于羊矣
 抑表時宜耕牛耕役也躔三宮會春夏之際春近陰夏近陽名
 陰陽宮又名雙兄日力勝于往時為強而其長物之熱循然順
 之一強一順陰陽之義也蓋雙得之躔四宮名巨蟹日至此并
 諸遊星悉退行而南有類蟹行躔五宮名獅子獅子百獸王力
 強而性猛太陽至此乾熱極矣性相似故名躔六宮名室女日
 之于物也至此但令成熟不復發生耕勞而向逸如未字之女
 然躔七宮去赤道之中而南則象名天秤間無所事獨分晝夜
 令平耳次名天鳩鳩小蟲能暗中人不及防也躔八宮其熱歛
 矣冷氣徐使人覺之又次名人馬是時風狂雨驟有躍馬發

天之象蓋日躔九宮矣躔十宮名磨羯仍自南而北其行緩後
 山羊之上木近之躔十一宮名寶瓶十二宮名雙魚時多雨澤
 瓶汲水魚遊水皆濕勝之象也凡此十二宮各像各效皆緣黃
 道斜倚天體乃致時變不等如此設令黃赤以正相合即七政
 之距各地平宮之天項經度恒等又何異效之有

黃道十二象主人性

天步真源云十二象論人性白羊主人根慤大膽暗謀害人之
 故金牛主人快樂好色奢華陰陽主人聰明故有主意
 應無喜天文不淳良巨蟹作客故有家業性浮婦人生
 此宮命宮善持家之故獅子為善人老成穩當喜天文日之

雙女生人大聰明善讀書在地平東地生人無不讀書者大文
 人能明深微之理雙女係水宮水天秤主快樂能生利好色不
 甚朴實故之天鳩大胆爭鬪不怕死故之失信反喜作亂故
 多勞力火屬人馬性寬愛人忠誠善作事故之磨羯生人醜大
 土之難交土弱喜利土主寶瓶心野性固執土不喜同人土性
 不喜笑語土主不雙魚為人心明明白性寬有主意善作客木
 主多才技

黃道十二宮分陰陽晝夜

象宗云白羊陰陽獅子天秤人馬寶瓶屬陽屬晝金牛巨蟹雙
 女天鳩磨羯雙魚屬陰屬夜

黃道十二宮分動靜

會通云白羊天秤磨羯巨蠍主動辰戌金牛獅子天蝎寶瓶主靜卯酉

黃道十二宮分為轉定二休及春夏秋冬并分

象宗云白羊與天秤二宮太陽到此晝夜均停自白羊至雙女

為北六宮天秤至雙魚為南六宮太陽入白羊轉北入天秤轉

南太陽至巨蠍宮初度後漸轉于南至磨羯宮初度後漸轉於

北此四宮號為轉宮辰戌未申金牛獅子天蝎寶瓶此四宮號為定

宮卯酉子午陰陽雙女人馬雙魚此四宮號為二體宮寅申巳亥白羊

金牛陰陽屬春巨蠍獅子雙女屬夏天秤天蝎人馬屬秋磨羯

寶瓶雙魚屬冬俱以太陽所到而為春夏秋冬四時正令耳

合無推附

會通云日舍獅子月舍巨蠍土舍磨羯寶瓶木舍人馬雙魚火

舍白羊天蝎金舍金牛天秤水舍陰陽雙女乃第一有權即本宮

日寶瓶月磨羯土巨蠍獅子木陰陽雙女火天秤金牛金天蝎

白羊水人馬雙魚為無權相天

并陰附

會通云日并白羊月并金牛土并天秤木并巨蠍火并磨羯金

并雙魚水并雙女共廟

日降天秤月降天蝎土降白羊木降磨羯火降巨蠍金降雙女

水降雙魚并之

分及三角三角形每相去一百二十度

會通云白羊獅子人馬火分屬熱屬乾皆為陽其官太陽木星

亦為陽星太陽木星主天下地方從西至北寅午戌日

金牛雙女磨羯土分屬冷屬乾皆為陰其官太陰金星亦為陰

夜太陰金星主天下地方從東至南卯辰巳午

陰陽天秤寶瓶氣分屬熱屬濕皆為陽其官土星水星亦為陽

畫水星土星主天下地方從東至北辰巳午未土星在此有大權因

此方土星上升申子辰土

巨蠍天蝎雙魚水分屬濕屬冷皆為陰其官火星金星太陰

各星至其宮各皆有權

象宗云白羊人馬獅子宮屬火屬東北方與會通所言不同主星畫木

陽木星夜木星太陽晝夜相助者土星太陽性燥熱木星性熱

潤在土星性寒燥故以解太陽木星之性寒以解熱燥以解潤

故平和土助

金牛雙女磨羯宮屬土屬東南方主星畫金星太陰夜太陰金

星晝夜相助者火星金星性熱潤潤多于熱太陰性潤在火星

性極燥燥以解潤故平和火助

陰陽天秤寶瓶宮屬風即屬西南方主星畫水星土星夜土星

陰陽天秤寶瓶宮屬風即屬西南方主星畫水星土星夜土星

水星晝夜相助者木星土星性寒燥木星性熱而潤水星性隨
土木之性木星性熱潤解土星寒燥以此平和土木助

巨蟹天蝎雙魚宮屬水屬西北方主星蓋金星火星夜火星金
星晝夜相助者太陰火星性極燥金星性熱而潤潤多於熱在
太陰性極潤以解金火之燥熱故平和火月助

既曰助則須有相助之實助有不同此章所言是其一端如
以命宮言則星在命宮度最有權者為主次為助凡星在四
正角為主二宮五宮八宮十一宮為助其夾拱亦為助

界

象宗云每宮分度數皆分屬於五星但多寡不同大抵星至此
有力則度潤

- 白羊初度至六度屬木星 七至十二金 十三至二十水
- 二十一至二十五火 二十六至三十土
- 金牛初至八金 九至十四水 十五至二十二木 二十三
至二十七土 二十八至三十火
- 陰陽初至六水 七至十二木 十三至十七金 十八至二
十四火 二十五至三十土
- 巨蟹初至七火 八至十三金 十四至十九水 二十至二
十六木 二十七至三十土
- 獅子初至六木 七至十一金 十二至十八土 十九至二
十七水 二十八至三十火

- 雙女初至七水 八至十六金 十七至二十一木 二十至
二十八火 二十九至三十土
- 天秤初至六土 七至十四水 十五至二十一木 二十二
至二十八金 二十九至三十火
- 天蝎初至七火 八至十一金 十二至十九水 二十至二
十五木 二十六至三十土
- 人馬初至十二木 十三至十七金 十八至二十二水 二
十三至二十四土 二十五至三十火
- 磨羯初至七水 八至十四木 十五至二十二金 二十三
至二十七土 二十八至三十火

寶瓶初至七水 八至十三金 十四至二十木 二十一至
二十五火 二十六至三十土

雙魚初至十二金 十三至十六木 十七至十九水 二十
至二十八火 二十九至三十土

若本星行至所屬度上則有力不言太陽太陰者木星行到所
屬度上則有太陽之力金星行到所屬度上則有太陰之力每
宮度數分屬五星有六家今特選此一家

會通云各星在界內言星過又吉星起為大福過者已過無吉
起者將來

星過又無吉星起為禍 又云界主禍福之來時

大福

白羊七度 陰陽十五度 獅子二十度 雙女十四度 天
秤十二度 天蠍十五度 人馬九度 寶瓶二十一度 雙
魚九度

大禍

白羊二十六度 金牛二十六度 陰陽二十五度 雙女二
十四度 雙女三十度 人馬二十五度 磨羯二十五度
雙魚三十度

位

會通云如日在獅子木星在人馬離日一百二十度今二星相
距亦一百二十度為有位水星在陰陽離日三十度今二星相

距亦三十度為有位星在下宮

太陽 土離一百八十度 木離一百二十度 火離九十度
木陰 土離六十度 水三十度

日要在前星在後 月要在後星在前 位主吉星加吉凶星

減凶

以上五項合併分或過二或過三則主大權一不為權

大權表

| | | | | | | | | |
|----|----|----|----|----|----|----|----|----|
| 太陽 | 大暑 | 獅子 | 太陰 | 夏至 | 巨蟹 | 土星 | 大寒 | 寶瓶 |
| 木星 | 立秋 | 人馬 | 金星 | 小暑 | 天蠍 | 木星 | 立春 | 寶瓶 |
| 水星 | 大雪 | 雙女 | 金星 | 立冬 | 天蠍 | 金星 | 立夏 | 金牛 |

七曜廟旺宮

即并論度其分向背見命法取主星法內

象宗云自古論七曜廟旺度數並無不同

太陽在白羊宮十九度至二十五度

大陰在金牛宮三度至二十三度

土星在天秤宮二十一度

木星在巨蟹宮十五度至二十六度

火星在磨羯宮二十八度至三十度

金星在雙魚宮二十七度至白羊十二度

水星在雙女十五度至二十一度

羅喉人馬三度 計都陰陽三度

已上各星在廟旺宮分同旺在本度上為極旺各星離旺度則
無力何謂旺宮旺度言各星到本位上高貴有力與旺宮旺度
對照者是各星無力弱處即廟者對

黃道十二宮分度數相照

象宗云九宮分相照隔一百八十度為相冲一百二十度為三
合九十度為二弦六十度為六合 相冲照係相離仇恨宮凶
相離仇恨也 二弦照比相冲減半凶三合照主和厚親睦吉六
合照比三合減半吉

若一星在白羊二度與雙魚二十八度同一星在人馬二十八
度與磨羯二度同一星在陰陽二十八度與巨蟹二度同一星

在雙女二十八度與天秤二度同

黃道十二宮每宮分為三分即分定度

象宗云凡十二宮每宮分為三分每十度分與一星

白羊起一度至十度分與火星依本宮主星故為始其後十度

一度至二十度分與太陽二十一度至三十度分與金星

白羊前十度火中十度太陽後十度金

金牛前十度水中十度太陽後十度土

陰陽前十度木中十度火後十度太陽

巨蟹前十度金中十度水後十度太陽

獅子前十度土中十度木後十度火

雙女前十度太陽中十度金後十度水

天秤前十度太陽中十度土後十度木

天蠍前十度火中十度太陽後十度金

人馬前十度水中十度太陽後十度土

磨羯前十度木中十度火後十度太陽

寶瓶前十度金中十度水後十度太陽

雙魚前十度土中十度木後十度火推以火星太陽金水太陽土木為序

黃道宮分性狼有毒

會通云獅子人馬十五度後生人性狼本命宮言其天蠍有毒

黃道宮分人獸性

會通云黃道宮有人性者陰陽雙女寶瓶人馬前半有禽獸性者金牛獅子天蠍雙魚人馬後半

黃道宮分南北高早上升下降

會通云白羊宮初度至雙女宮末度屬北道高係升上

天秤宮初度至雙魚宮末度屬南道早係降下

黃道上離二至度數相同

象宗云黃道上離冬夏二至度數相同或前或後俱三十度或六十度其力相等

黃道分四象限及四時四年四疾四方

天文實用云其一為降婁大梁實沈其性如春為熱而濕以得

和平故類紅疾與童年合紀其方則為東

其二為鶉首鶉火鶉尾其性如夏為甚熱而乾故類黃疾其德

長生與年富力強合紀其方則南

其三為壽星大火折木其性如秋為冷而乾德衰物悴故類黑

疾與中年合紀其方則西

其四為星紀元枵訛訾其性如冬為冷而濕故類白疾與衰老

合紀其方則北

羅計

羅計

天文實用云太陽在正交性同木金在中交性同土火

月朧胸

考晦而月見西方曰朏朔而月見東方曰朏因自行

五星晨夕伏見

考土木火與日合伏後日在前星在後為晨見東合前亦有夕不見西必同星行已入限與日對冲後為夕見東以日速星遲故日入地平星體却在地平上冲前亦有晨不見西必同星在歲輪右 金水與日合伏後夕見西則以星起日之前合前亦有晨不見東必同星行已入限逆行與日冲伏在日下冲伏後晨見東則以星繞日之後冲前亦有夕不見西必同星行已入限

度三十分

五星先後太陽出入

象宗云五星先太陽出謂東出後太陽入謂西入各有度數土木火離太陽六十度金四十五度水二十五度速者不在東出西入之數一云金四十八度水一十四度土木火先太陽東出有力金水後太陽西入有力

地平宮分正輔降

考一宮十宮七宮四宮為四正前二宮五宮八宮十一宮為四輔宮三宮六宮九宮十二宮為降下前
地平宮分陰陽上下升降及東西南北

考一宮到十宮七宮到四宮為陽餘六宮為陰
子到午上行午到子下行
十二門到十門為東門即九門到七門為南六門到四門為西三門到一門為北

十二舍性情又名十二門即地平宮

天文實用云先據子午圓東西平分各半天一升一降次據地平直角以交前圓復平分各半天一上一下是四象限也與四時四方四疾四年應此亦約與黃道同前乃每象限分有三舍起東地平右行一周而復一舍二舍三舍一限在上居天之東內為十一十二三宮屬陽主紅疾其性乾綠東風之噓拂及太陽之初照皆能散去夜濕故二限亦在上而居西內為七八九

三舍屬陰主黃疾其性乾熱綠太陽因風增力故三限下地平亦居西內為四五六三舍屬陽主黑疾其性濕綠太陽方退引發同性之風并濕氣故四限自下天正中至東地平為界內為一二三三舍屬陰主白疾其性濕冷其風北緣距太陽遠甚故象限之一與三謂之至至天中也二與四謂之離離天中也又各象限內凡起自地平及子午圓者為樞舍又為角舍着效大于他舍次得中效者為隨舍又次得微效者為側舍是舍而每舍初度又名為頂一云中七政自第十二舍行至十舍頂天中之項力盛而效速至第一舍頂次之至第七舍頂又次之而行至

第四舍頂天頂之冲極力莫之與比如十一如九如二如五如
十二如三舍皆約有力惟六八二舍最劣

喜樂宮

象宗云水星在一宮即一門東月三宮金五宮火六宮日九宮
木十一宮土十二宮

天象源委卷四
恒星

天步真源言赤道春分與黃道春分相合三萬六千年
一次而天文實用言就今經度而論白羊宮起降委二
十八度止大梁十八度必應前星之故當時黃道春分
八度其初星委宿主風雨然古多而今少本星級距赤
道北較古為遠過日加熱能散風雨故也考新西法選
要恒星經緯未委宿在降委宮黃經度二十八度四十
六分黃緯度八度二十九分赤經度二十三度三十二
分赤緯度一十八度四十九分以委宿在今較古為遠

則是古為近矣古近於赤亦未始能遠于黃意者近字
為為遠字之誤近亦則近黃所以能過日也今姑存其
說見本第勿深考以現測為據至于赤道春分與黃
道春分三萬六千年相合一次之說其所謂黃道春分
者蓋就恒星之春分度言耳恒星有歲差七十二年差
一度零一十二秒照此推算亦不必滿三萬六千年而
始相合意者歲差有不同耳然西法之歲差實多于今
今亦姑存其說見第勿深考所應深考者宮分之性
情與恒星之性情耳以言宮度之性情不本恒星而生
則何以天文實用言此謂天有性情皆兼星而言如宗

動天之黃道設無下星隨行其情莫驗其效難成矣乃
列宿天之黃道既有恒星布列其下又有遊星力增致
著所必然也味此言則恒星之性情即宮度之性情矣
以言宮度之性情必本恒星而顯則何以象宗西占又
言今將雜星內選出光顯有力者三十星各星屬何宮
係何等第是何性情屬何方緯度味此言則既知宮分
尚須辨其星之性情宮度自有宮度之性情而恒星亦
自有恒星之性情又明矣平情以論與其強為合觀不
如順以分觀之為得也且如白羊為火緯本宮而雜星
不皆火性也白羊一度至六度為木星界而雜星亦不

皆本性也白羊前十度為火分而雜星亦不皆火性也
象緯真機云用清黑油照天輪行度之色與光油本可詳
識度數逐時之五行又云觀雲氣之初生可以驗天度
之五行雲氣初生天氣下降之初也夫天輪逐時且有
五行天度亦隨時有其五行矧天之本度無有一定之
性情乎但從來觀象者惟知觀五星中之一星而不能
兼觀四星且惟知觀五星中之一星而不能兼觀恒星
即能兼觀五星與恒星亦不能為之立象安命更觀其
在天頂在命宮與東出西入之星此西法之所以為密
也惟知觀五星而不及恒星是得其本而遺其末矣惟

知觀恒星而不及五星據其末而忘其本可乎西法於
恒星之性情又俱為此例于五星之性以為觀其理似
尤屬有據觀象者欲操其本不失其末其先觀日月次
觀五星又次觀恒星此例于五星之性而再兼論其所
主如中法紫微垣三公主太尉司徒司空闕道主筆路
宮掖之類又次觀雲氣仍証之以四時憑之以人事庶
幾無負其觀矣象宗西占所言三十星如人生椅子等
象與中土所定恒星之形象名色不可通故不載入新
西法有恒星受凌犯表取黃道左右每至八度內四等
之星列為此表新西法選要恒星經緯表并載性情凡

在天經星一等二等三等皆載四等離黃道八度以內
者載五六等小星在八度以內關係星座者另有成書
又求各星在各地方天頂知北極出地度即知天頂距
赤道以星緯與距天頂相加減即知某恒星距天頂經
加九十度即知赤道東出減九十度即知赤道西入再
檢恒星經緯表即知恒星同五星東出西入如欲求恒
星之應入某宮用赤道在天頂變赤道不在天頂見求
地平宮法詳恒星月北恒星酒算高早差

歲星

天文實用云開闢初時適當春分中西皆以是日特中星為徵

註云中西皆以角初為首宿即因開闢首日昏時角當天中故也今依恒星本行逆推設角退九十六度計年則七十矣與聖經紀年正合據此說在開闢時春分角為昏星至堯時而星為昏星已差有四五六度是相距已三千餘年矣華湘曰堯之冬至日初昏昂中今之冬至初昏室中計今去堯未四千年而差五十度矣按至元十八年冬至在箕十度至康熙辛未歷四百一十年而冬至在箕三度半按時法每年歲差約七十年差一度本朝定一年差五十一秒康熙甲子年七政特憲列宿距度限分依黃道每年每位加五十一秒

恒星大小分為六等與四十八象

會通云論各星大小一等十五星二等四十五星三等二百八十星四等四百七十四星五等二百一十六星六等五十五星共一千二十九星 天星共四十八象十二象在黃道十五象在黃道以南二十一象在黃道以北在南者十有二象中國不見

但星性情

天文實用云中虛分垣分宿計二百八十座見界諸星盡矣西國於此見界諸星約以四十八像與會別加近南諸星都為六十像驗時依像推致各異古歷家詳察星之形星之性與某物合因以某物像之是像具有所以然矣安得其無效乎其效最著者如參井心尾等宿因內有五車大星柱星故主風參箭大

用貫索主暴風昂畢同日月出地平主雨軒轅南河狼星主熱是也更詳十二宮次各像就今躔度而論白羊宮起降委二十八度前見止大梁十八度其初星委宿主風而然古多而今少緣距赤道北較古為遠地過日加熱能散風雨故中星左更性約和平稍偏乾熱末星天陰等較古稍熱而為害少其向北星胃宿天阿等多屬土大水諸星甚熱多害其向南星性冷易生水緣有天因屬土故金牛宮起大梁十九度止寶沈二十五度內有昂宿主風雨及霧皆較古為少次有天街月等星古濕而熱今較和平末為卑宿主多雷與與霹靂其北礪石和平其南天終天節並屬火土金月諸曜無定情雙凡宮起寶沈二十六度止總首二十四度內有井宿積薪天驕五諸星北河等星前者在西稍濕而熱次者微過于乾後者在東情雜亦稍偏乾在北者主風行地動在南者主天暑地燥巨蟹宮起鶉首二十四度止鶉火十二度首得鬼宿及水位之東星主霧多地動中有無名數星古和今熱末為酒旂甚熱又稍主風南之無名星並蠶毒熱獅子宮起鶉火十三度止鶉尾十六度內有軒轅御女少微長垣以及五帝座其前星罔毒居中者稍濕而溫平後星古惡今約和平迤北屬大而無恒效迤南者恒濕室女宮起鶉尾十六度止大火六度其星日內屏而右以及亢宿多星前者稍熱為害次者和平後者主多雨北者主風南者和平天秤

宮起大火六度止大火二十六度內星為火為陣車為西成為日為天福前者多和平而稍乾次者和平後者主雨北者主風南者乾毒天蝎宮起大火二十七度止析木二十六度內為房心尾東成從官等星前者主雪次者約濕而多和平又次者主天變北者熱而者濕人馬宮起析木二十六度止星紀二十八度內為箕斗建星天淵諸星又狗國天鷄等前者濕且冷次者溫和而稍冷後者屬火北者主風南者無恒效而多濕磨羯宮起星紀二十八度止元枵二十二度內為牛女二宿壘壁陣虛西字^字等星前者性熱為害次者和平後者主雨南北並濕而忠寶瓶宮起元枵二十三度止^字等星前者性熱為害次者和平後者主雨南北並濕而

及羽林軍前濕次和後主風北熱南主雪雙魚宮起^字等星前者性熱為害次者和平後者主雨南北並濕而度止降婁二十七度內為雲為雨為霹靂為外屏為奎前者稍偏冷次者濕後者熱北者主風南者主水^{其各宮度大小不齊必因黃赤相較之故}

恒星有五性所主天時人事會通云各星有土星之性皆屬冷屬乾下雷電壞人命

有木星之性生風有福能救人

有火星之性大熱雷電風暴瘟疫

有金星之性屬濕屬冷有雨

有水星之性無定性同土即冷同木生風火亂天氣

恒星做他星變性

天文實用云恒星雖同一天同一行而其著效于下物則時有異緣會合他星所做情性不同故或與日與諸遊星會^{遊星指}或受其照或出入地平及至天中皆與之偕則做之其做之也或做一星或並做二三星以其本性更合他性其力安得不增其效安得不倍如做土其效冷時變雲雨為電以損下物做木雖主風而益下物却又主雷亦順時而緩聲緣木性善故做火主猛雷雨主酷熱若並做土則益燭與毒矣緣二星皆惡故做太陽主多風或加熱做金主濕而冷做水無定情所忌者并做他星而合雙性如併做金^{必做火}為最惡毒物甚併做木^{或做水}

做主甚風併做火或土效各做之^{所謂併做者必已做一星又兼做一星又不明言必秘之}故其^星下^星有^星觀^星色^星以^星辨^星之^星做^星木^星陰^星主^星陰^星起^星霧^星海^星水^星揚^星波^星

天文實用云恒星所做是何遊星以色別之最白者而大光者做木最明而光大稍紅者做日最亮而色類黃木者做金色如月白而光鈍^{不尖}且微做月甚紅者做火青如鉛者做土灰其色而大光者做水雲氣濛濛者做月并做火昏昏約無光者做月併做土也又即光之多寡以測效之強弱光大明其效大顯光多閃主荒亂光密力強至若星稀則力少似明似黯如雲如霧其效必惡提于其色辨之

距黃緯及距赤緯并居四角等處

天文實用云天固有定有移赤道居二極之中黃道出入赤道

內外度分各等終古常然命為定圈地平與十二舍圈皆從地

平分不論天極何居命為移圈今論恒星于定圈祇就黃道經

而論凡星入此一宮或彼一宮即從而得其力若論強弱須論

黃緯凡在黃道緯南北七八度內者必得其力然亦不等當躔

道線上者俱得與諸遊星會合其力廣南北距緯二度與月與

土火金水會合者次之距緯四度與月火金合五度與金火合

又次之蓋由七政凌犯以體相掩或以光相照因而得其性情

足以補其地遠也行遲也之缺就赤道經而論前後俱

無受方之端就緯論則力有損益蓋星距赤道北者正照力增

距南者斜照力少也如論星于移圈也平星居四角則其效大

顯居各舍之項也而又當地平也或當天頂為力必倍若

但居舍頂或效或至未可必也

依七政八因

天文實用云抵論恒星依七政而生占驗其因有八一因黃經

距緯多少無論一因凌犯二體同度分者是一因光照以二強

四一度二六三合諸距為準一因同出沒依各地地平而分一同至

天中或上或下正午正子皆有本效一因距七政出沒或遊出

恒沒或恒出遊沒一因中與側之異處遊與恒一星居天上下

之正而一星居其左右以當地地平一因遊恒首居十二舍頂或

同居或別居凡此皆為增損本力著效不同之故

恒星之權

會通云第一星大者權大

第二色精光者權大作事物明白不暗昧

第三色不甚光明者作事物昏暗不明白 光密：不散者作

事物穩當長久 光動搖者如狼星喜作亂做人不平心

第四星正在黃道內太陽經過極有大權

第五離黃道三度在黃道南其權在南在黃道北其權在北

第六離黃道三度至五度太陰火星常到

第七黃道七度至八度金星能到其權小

恒星之權論十二所在

會通云一在黃道 二在黃道三度至八度因與五星相會

三離黃道在北：有能 四離赤道在北 五在本國頭上與

頂近者其力更大 六各星之經同五星之經 七離冬至夏

至同五星一體 八出地平或入地平同五星能加五星之力

九有五星同各星午時因其力大 十各星自出地平 十一

自入地平 十二五星照其光其力為軟

恒星性情軟

降婁戌宮

日月且喜五星吉

照恒星何為不同

降婁戌宮

天象源委卷五

占時風雨雪雹霧露霜雪

易曰天地定位山澤通氣雷風相薄水火不相射八卦相錯又曰雷以動之風以散之雨以潤之日以暉之艮以止之兌以說之乾以君之坤以藏之在書之洪範曰八庶徵曰雨曰暘曰燠曰寒曰風曰時五者未備各以其叙庶草蕃蕪一極備凶一極無凶莊子曰木與木相摩則然金與火相守則沕陰陽錯行則天地大絀於是乎有雷有霆水中有火乃焚大槐故陰陽之精為日月五行之布為五星而五行之情不止於相生相尅兩端

又有相濟之情如水火之相濟人所共知者而金木之相濟人所未察如木為生氣主生長百物而無金氣以為收則生而不能成有如果實然陽舒為華陰斂為實陽以發生陰以凝結晝氣屬陽夜氣屬陰：陽循環物乃成形又有相薄之情或火與金薄金與火薄火走則奮而為雷金走則結而為電或水與火薄火與水薄火走則流而為電水走則散而為霖又有相迫之情以水迫火而火反見于上以陰迫陽而陽反著于外或迫之甚如日食以陰掩陽而反成旱乾或迫之未甚陽雖暫露而陰終密布火雖上見而雨即下施又有相抑之情

以土抑火而火之發必毒以陰抑陽而陽之性不和火
木不扶水則風不長水不扶火則雨不大火不扶
土則雷不壞物木火不扶土則風不傷人情狀既繁難
以枚舉效驗自別理可類推又星之冲會仍復辨其宮
度雖不論干支而干支已寓於其中仍復占以四時維
不論月建而月建已存乎其內只此風雷雨電露霜
雪得其常則百工叙失其常則百事幸矣然風雨之來
其大者為天象之徵其小者為地氣之召惟考天象而
不考地氣但知陽而不知陰之學也如江南芒種後逢
壬入梅為梅雨江北並無梅雨而惟長伏水蓋水至伏

而每漲猶水得火而勢浩大也史記天官書云自華以
南氣下黑上赤嵩高三河之氣正赤恒山之北氣下黑
上青勃碣海岱之間氣皆黑江淮之間氣皆白地氣有
南北東西之不同則其為風雨也其不關乎天象而小
者但觀雲氣可以得之其有關於天象而大者應之多
寡要亦有南北東西之懸殊審幾者其靜體之可耳輯
占時

星宮性情

七曜在舍占天時

會通云土星在舍冬至天寒夏至天溫木星在舍天晴氣爽小

風木主火星在舍或熱或乾太陽在舍大熱有小雨熱能致而
星有干則熱金星在舍有小雨天不冷為冷不熱水星在舍
極亦能生風金星在舍有三日不變月在舍有雨有雲常變是陰之氣
天氣善變動水性
月行疾
改善變

亥卯未子午宮并月金水所主

象宗云凡雙魚巨蟹天蠟三宮係水局獅子寶鏡并太陰皆主
大雨水金星亦主雨并霧露水星主風雲微雨土主若當年
安命主星并四季安命主星并朔望安命主星是太陰或金星
又在亥卯未子午宮分內一宮月金水三星內一星為命主星
而二星與之相照主依舊雨多命官主星或月在亥卯未子午
宮而金水與之相照主雨或金

為命官主星在亥卯未子午宮而水月與之相照亦然水能此
在水局應而不必言在子亦雨者熱能蒸為雨也在子能雨
同性相
同也

太陰近朔望

象宗云太陰近朔望主雨水相合與相衝之故

太陰行疾與倍離圈

象宗云太陰行疾度數漸增主雨水之氣盛

太陰升高

象宗云太陰在小輪上自下往上升高時主雨水從上弦至望
日是升高之時亦可以此為
定宜檢自行

水星交宮并行運

凡水星每交一宮則天色更改晴則陰陰則晴凡星交宮則改
若水星行遲不問在何宮分亦致天色更改并陰霧力重

水行遲月金在亥卯未常行遲之時與金星未相照

象宗云水星行遲或太陰或金星在亥卯未宮主雨連陰

金冬至順行

金星冬至順行在東冬至兩少冬至將盡而大

金星退行月在丑子金性潤退行更甚在東方大而
在戌宮日旺而少若在未宮日不旺而多矣

金星退行又在東月在磨羯寶瓶雙魚春分兩少夏至兩多

黃道十二象每象三分主天時分南北未驗過與黃道
宮每宮分為三

分不

會通云白羊第一分作風作雨二分不熱不冷亦有熱乾三分

熱北方有火星之性屬熱南方有土星之性屬冷

金牛第一分有昴星不吉昴星在第三分而此有風雨亂

天氣其二分溫濕多三分屬熱大雷電北方濕南方多不同性

之星其性不冷

陰陽第一分濕其二分溫其三分乾性不定北方主風南方生

燥

巨蟹第一分大乾大燥二分三分大熱大乾北方乾熱南方燥

人物

獅子第一分熱乾二分三分溫北方熱乾南方濕
雙女第一分熱燥物二分溫有雨三分溫北方生風南方氣沖

和
天秤第一分乾二分溫三分溫有兩北方生風南方壞人命

天蠟第一分雪二分溫三分天氣亂有風兩北方熱南方濕如

象性溫五星之性亦溫相遇又有權即雨餘皆同也此訣

人馬第一分冷濕二分冷三分熱乾北方生風南方不定亦濕

磨羯第一分少熱燥物二分溫三分有兩北方溫燥物南方濕

壞人

寶瓶第一分濕二分溫三分生風北方熱南方溫飛雪

雙魚第一分冷二分溫三分熱北方生風南方生水

立象安命法

二分二至及相近朔望占天時

會通云論天氣看春分及春分相近朔望秋分冬至夏至皆然見

春分即知春分三月見春分朔望即定春分三月四季皆同亦

定宮轉宮二體宮一

第一要者命宮分至朔望次即日宮其強者次送朔望之

宮日月二曜中取強者論如日強論如日在午己為送宮其

宮要取五星有權者為主星論其燥濕及順行逆行望轉日月

星亦照此
取強者論

朔望占天時法

會通云看朔望主星是日月及主星所在宮寒熱燥濕命宮主星及命宮主星所在宮寒熱燥濕及五星此五主星所在黃道宮之性如宮為白羊即火星之性此者局又看十二宮之四角內先命宮次四宮及上來者二六八下去者之性以探其息十二又看朔望及上下弦後月離五星六十九十一百二十九六三又看朔望及上下弦後月離五星六十九十一百二十九六三又看朔望及上下弦後月離五星六十九十一百二十九六三

再各主星同相近之經星相助何等之力假令主星是濕各星性亦濕即雨多俱乾即旱多各性如不同為天氣多變

各地方旱澇不同看各處天頂經星同五星之性其地方不遠

半陽相反者以此凡在本地方觀晴雨日日觀東方出地平東出地平及天頂上星不過一年陰晴可以盡知占此

凡月內美朔望亦要美上下弦則有美去消息

月內占晴雨四法

會通云朔時月與日月相會宮之主星或會或沖或弦照其日天氣必變要者主星及主星之宮之性乾則晴濕則雨望宮主星會沖弦此單看月日可也

二法月到朔日命宮如安命在白羊一度月到白羊一度天氣必變如上占

三法月命宮列主星天氣必變取命宮時到主星以命宮赤

道度減主星所在赤道度如主星赤道度少加一圍減之餘數十三度一十一分作一日現法如餘三十九度即是月之初三日天氣有變以上三法極真即命

第四法五星入其最高冲之宮長亦主天氣有變如土星至白羊之類

黃道宮

太陽交巨蟹視火星即最

象宗云太陽交巨蟹宮初度至此時火星先太陽出主天色極熱

太陽交磨羯視金星即最

太陽交磨羯宮初度至此時金星先太陽出主天氣極寒

太陽交巨蟹月與火沖復離火即最

太陽交巨蟹宮初度若太陽與火星相後此沖月性性冷者先離了火星又在寅午戌宮分內此主夏季極熱

太陽交磨羯月與土合復離土即最

太陽交磨羯宮初度若太陽與土合後復離土星在己酉丑宮分內此主冬季天色極寒有雪

日在申月在寅觀風小滿後也

象宗云太陽在陰陽宮太陰在人馬宮者此時有和風則一年之風皆善風惡則一年之風皆惡陰陽係申宮為風局之首故云然

象宗云太陽在陰陽宮太陰在人馬宮者此時有和風則一年之風皆善風惡則一年之風皆惡陰陽係申宮為風局之首故云然

日在白羊金牛金退行

會通云日在白羊或金牛其時金星退行其年春分三月雨多
金星必同在
白羊金牛

日在火界

會通云日在火星界上夏至熱多冬至春分乾多

太陰金水交卯未宮

象宗云太陰金星水星初交卯未三宮主及時雨若不當雨
時則天昏暗風起揚塵太陰必同金水交

土在中子辰亥卯未及火木金水在

土星在申子辰亥卯未宮分主天寒雨雪霧暗若火星在內

主天熱并熱風又主天旱并泉少若木星在內則有和風若

金星在內則和風不急若水星在內則清風頻轉方位同中子

辰戌分中卯未分中辰戌分中亥卯未分中
以內為兩露火木金水在內畢竟單指氣分言為驗

月金水在亥宮或亥三合

象宗云太陰金星水星皆在亥宮或亥宮之三合則雨多有水

災甚廣亥三合亥卯未也

火在本宮及土星宮

二至二分大星在本宮內三月之中雨甚多以熱能生水熱則不

乾 火星在土星本宮三月之中雨少在他星本宮亦雨少雨從

活看火在土宮一熱一冷雨情相競火勝則晴土勝則雨
向天氣燥潤有之何為無雨在他星宮亦不得為雨少

地平宮

命主星為月金水凡命主星按當年四季朔望

象宗云命主星是太陰主大雨水多且廣是金星則有風雨陰
晴雨水是水星則風雲多雨少 若已上星在主星位分不係

雨時則陰晴風起微雨

命主星月金水在亥卯未子午宮

象宗云當年安命主星四季安命主星并朔望安命主星是太
陰或金星或水星又在亥卯未子午宮分內一宮主兩或三星

內一星為命主星二星與相照主依舊多雨此節與前 若已

上星在主星位分不係雨時則陰晴風起微雨文畧同

命宮主星或金或水木或月與月金水交相照

象宗云命宮主星或金或水或月過太陰金水在亥卯未宮與

金木月交相照月土與金或木交相照或在命宮或十宮又是亥卯未宮亦

主雨水頻；比土稍減不為災命宮主星金過月水在亥卯未

宮或十宮有權測象重
重焉得不雨木月賦此

命宮主星土與月金水照又又降下

象宗云安年命宮主星是土星過太陰金水在亥卯未宮與土

相照或在命宮或十宮又是亥卯未宮土星又當降下之時亦

主大水命宮主星土過月金水在亥卯未宮土與月金水照又降下以冷魚測失得不雨

冷陰象所以熱能致雨熱時而冷陰勝陽故春夏

土星太陽會冲方為大門開大雨雷電春分冷雨夏至雷電減
熱秋分冷雨冬至冰雪雲

土月

土星太陰會冲方濕宮冷雲小雨與土同性月滿天竭人馬
加冷應加月空乾黑雲小雨乾則雨春分天氣變夏至濕減熱
秋分雲冬至雪冷

土木

土星木星相會及冲方各減冷木可減濕宮加水春分在濕宮
冷熱多變夏至雷有電雷者木之升電者土秋分大風大水風
日木水全看上下如土星在上天氣風雨大雷飢疫土權大木星

在土相又

土火

土星火星相會及冲方前後數日大雨電火而火之力天氣燥
燥則昏暗春分大雨電夏至大雨電秋分大水冬至減冷土之
冷乾隆二年十一月二十四日火土正冲火在寅
上在中逆行冲前後頗雪冷本日之夜大雷雨

土金

土星金星會冲方濕宮雨水春秋分冷雨夏至倏忽雨夏至土
故止倏忽雨金力減冬至雪冷

土水火

土星水星火星會冲方乾宮旱在乾宮則火不濕宮大水在濕

火能發土之性而或為大水熱宮風水與火冷宮冷乾水火俱春分風雨夏
至同熱因春夏秋分風雲冬風雪因秋涼冬

木日

木星太陽會冲方天氣和天晴小風細雨細雨和凡物皆冲和
春分秋分風夏至小雷冬至小冷

木月

木星太陰會冲方有風天晴冲和濕熱冷乾隨所在宮之性俱
不大不小木主風月性疾故相合為
風濕熱冷乾指宮氣而言

木火

木星火星會冲方熱宮乾宮大熱有濕宮大雨所致雷電雷為

什實為春分風春氣天氣不安夏至熱大雷秋分風故為

木金

木星金星會冲方天晴和生物皆養人濕宮雨濕助金別宮天
晴風熱宮則熱性助木而生風

木水

木星水星會冲方有風熱宮內大旱熱風亦為門閉

火日

火星太陽會冲方熱宮大乾大熱濕宮有電官性濕或為火日
大雷電冷宮風極大官性冷則熱性春分秋分風乾夏至大熱

雷電冬至感冷

火月

火星太陰會冲方温宮有雨濕勝熱宮乾宮有大熱紅雲熱勝故

火金

火星金星會冲方亦為大門開春分秋分水極大夏至雨冬至減冷定有兵起見開門有三條註

火水

火星水星會冲方春分風冬至雪夏至雷電秋分大風熱宮乾宮大熱大乾春多風之時火與水兩性合為風火行水亦行故也秋當氣衰之時故為風且大夏當熱之時火與

水內情使而為雷電火性猛烈以水抑之氣必衝撞所以或雷尤以四射所以成雷冬當凝結之時非火則水氣不上行何以多雷之本故水火會冲水與火氣上行凝而成雷

金日

金星太陽會濕氣宮有雨四季皆有雨夏至雷同火

金月

金星太陰會冲方小雨春分濕氣雲夏至小熱秋分雲冬至雪天氣亂金潤月濕故雨日小者較之土日之開水門為小在春且多濕氣并久雲陰在夏則可以成夏之暑熱秋分濕少而雲多冬至并凝而為雪皆因特以成之理也

金水

金星水星會温宮風雲以潤而合濕且乎而炎惟主風雲者水性使之然也

水日

水星太陽會温宮濕氣有雨以風熱乘乾宮熱乾有熱風傷人熱之故乘大抵有風所致

水月

水星太陰會冲方乾温冷熱隨十二宮之性水行疾月行亦疾以為

雜會冲

月在子與日弦冲

會通云月離日一百八十度或九十度月在寶瓶雨寶瓶多雨來之性相近而且又與日弦冲當弦望之時烏得不雨

日與土相冲照

二至二分前後望日月相會冲處土星若在一百八十及九十及一百二十及六十度必有雷電冬至前土必合冲火方雷電之始雷若止與土冲主雪冷

月離日或金冲在辰戌卯亥

月離日或金星冲是月初離日金在白羊天枰天蝎雙魚內有雷電雨電天枰雙魚而

月與土冲照水金離木

春分前朔望月離土星六十九一百二十一八十八度土月皆在温宮黑雲常有小雨或水星金星離木星六十九一百

二十一一百八十度雨大且久再加水金雜木則雨大且久者以潤乘熱之故

月與火冲視日

月與火冲火在天蝎日在寶瓶或雙魚雨月與火冲火在水分多雨之宮 故應雨

月與火會金水冲照火及日土木冲照火

月與火星會濕宮內其時金星水星離火星六十九一百一十一度大雷電水電不能雨若火星離日與土星木星六十九一百二十一一百八十度即日雨以日土木力大于金水也

月與金水合

月與金水相合有雨二星皆合必雨濕性相合之故

水金同月在濕宮

二至二分水星金星同月在濕宮大雨

月入子亥與水冲照

月入寶瓶雙魚天多變離水六十及九十及一百二十及一百

八十度雨月入寶瓶雙魚而與水三六合弦冲

日月金水相會

日月金水相合必雨

金月冲照及水金冲照

冬夏二至金星離月六十九一百二十一一百八十度金星在

濕宮雨甚多

冬夏二至水星在天蝎離金星六十九一百二十一一百八十度大雨水天分

月在陰宮與退行星冲照

月在陰宮離退行之星六十九一百二十一一百八十度必雨亦宜論星之性

金火冲照

金星離火星六十九一百二十一一百八十度在天蝎雨水天分

雜照

太陰與五星照

象宗云太陰與金星火星相照主雨與木星水星相照則風與

土星相照則極寒風雪

太陰在水宮與金照

太陰在水星宮內與金星相照主雨多陰重

太陰在水宮分水又與金照

太陰在水星宮內水星又與金星相照則陰雨多且大

太陰離一星又與一星冲照

太陰先與一星相照及相離後又另與一星相冲照後相照之星却是太陰所在宮主星主潤澤并風月與宮主星冲照主風而然亦宜論星之性

附

五星在最高冲七政行最高早推步所重而占驗書惟載于此卷目此本可以類推見

五星在最高衝天氣必有變

全後太陽西入

金星後太陽西入在天卯未三宮內一宮主當時有雨水卯未若又有太陰水星相照主有雨尤多但止一件不全則雨稍減

附冬至用時日占一年及用秋分占明年法

會通云冬至子時看天氣于至卯主七日半卯至午七日半午

至酉七日本酉至子七日半共一月

冬至後第一日主十二月二日主正月用十二日知一年大概

不真

大抵明年雨多雨少占秋分以秋分本性濕故

天象源委卷六

占變 大會交會掃流

象緯考載一瑞星一曰景星二曰周伯三曰含譽四曰格澤一流星一妖星一曰彗星二曰孛星三曰天棊四曰天槍五曰天機雲六曰蚩尤旂七曰天衝八曰國皇九曰昭明十曰司危十一曰天機彗十二曰五殘十三曰六賊十四曰獄漢十五曰旬始十六曰天鋒十七曰燭星十八曰蓬星十九曰長庚二十曰四鎮二十一曰地維藏光一客星一曰老子二曰國星三曰溫星老子一星休咎半之國星溫星皆為休徵至宋天文志而其

名更增其占更詳然所謂詳者不過詳其形狀而已而推測之詳孰有詳于薛氏之所定者一七政之會也而有大小會之不同且有年月日之可考會于某宮之有權無權一交食也而有命宮主星及交食宮主星之分且食時有經星之占又有五星相合經星與五星相合之占又有在各人命宮四柱內等占一掃帚也亦作十二宮占其占之詳且密更有百倍于古者故曰古疎今密不特推步為然觀象亦何獨不然輯占變

總論

會通云天下之變有闕一國者有闕一城者變有大小之分其

小者見于二分二至應於地下不過人事之常其大者應于地下為洪水為地震為瘟疫為大兵事非尋常則天象之見亦非尋常如大會日月食掃流等是

在天大小會

會通云一赤道春分與黃道春分相會三萬六千年一次

二土星木星相會白羊初度七百九十五年

象宗云土木二星同宮同度時十九年三百十四日十四時

零一刻半相遇一處為一次相會是不足二十年會一次此

言七百九十五年約可會四十次然象宗又云前後共相會

四十九次之後方交火局似此則相會四十次之時尚在水

局不知何以此土木相會白羊却定為七百九十五年也其詳

見世運中

三土星木星相會一百九十九年會金牛方為大權如會白羊再會人馬不為大權惟過一百九十九年會陰陽又

年會金牛在別三合宮內方為大權一百九十九年會陰陽又

一百九十九年會巨蠶又二百九十九年再會白羊其權更大四

項共七百九十五年

據象宗云會一次過八宮又二度二十五分則一百九十九

年之後尚未能交別局詳見世運

四土星到白羊初度三十年行周十二宮又到白羊初度不拘

何時摠為大權

五土木星相會不拘何宮二十年一次不及二十年舊西法之約數下月

六木星到白羊初度十二年一次

七火星木星相會不論宮二十七月一次

八太陽火星相會不論宮二十六日一次

九土星火星相會不論宮二十五日一次

十火星到白羊初度二十三日一次

十一太陽木星相會不論宮十四日一次

十二太陽土星相會不論宮十三日一次

十三太陽到白羊初度十二月一次

十四金星太陽相會二百九十二日一次

十五水星太陽相會五十八日一次

十六太陽太陰相會二十九日十小時

十七太陰滿自行圓二十七小時

十八或經星或緯星行至地平并午時圓凡星至白羊初度有

大權若在地平及午圓其權同各星相會若在地平上其權亦

大

十九火星水星相會五月三日一次

二十五星自最高一宮移一宮有大權高指巨蠶獅子如火星自巨蠶

入獅子即有大權即有大亂待木星到天秤秋分之權甚大必

有大入升

各星到有權之時吉凶皆如其性如水到天秤則天下多出才人當論各宮之性及各星之性

日月交食

交食總論

交食歷指叙云日月薄蝕宜論其時論其地論時則正照者災深論地則食少者災減然月食天下皆同宜專記時日食九服各異并記地迨于五緯恒星其與二曜各有順逆乖違之性尤害承制之理方隅衝合之勢

會通云太陽太陰光能利物其失光自有所害要見其害之所主要見其害之所在又當究其為害之時害之作不但在日月

更當論五星與太陽太陰相會相冲相方也強照大會掃孛不

常有日月食常有極當留心

中會天地大故論中會而其意難仍論視會世運等物同此理

會通云日月食吉凶事從中會算起不用實會從中會作十二宮

按歷指則五論實會與視會

地平圈午時圈

會通云日食所在宮地平圈午時圈用赤道宮界不用黃道宮界

送宮

會通云日食有送宮如日食在東送宮為命宮日食在西送宮

為十宮於二項宮中取宮主星有權者為主星

交食分重輕

凡日月交食其應不同太陽所應之事重太陰所應之事稍輕

何星主虧食

五星中是何星主虧食之災虧食在何宮分看此宮主星又看虧食安命宮并宮主星二星何星力強若二星力同以虧食宮主星為主安命宮主星為助若安命宮主星力大即以安命宮主星為主彼為助

又雜星內有一星在虧食宮分度数上或在安命宮分度数上或在安命星盤第十宮并五星中有一星先太陽出地平環微

高或土木火三星在順行時將已上有力之星或一星或二星

或取雜星內一星亦可作虧食主星

照星所在

會通云若日月食照星在東地平至午時當壞有氣之物如少年人草木花之類在午時圈壞壯盛穩當之物如君王第一穩當者之憂在午時至西地平壞氣衰之物如老年人草木實之類

主星

會通云日食宮主星或送日食角內主星其性善又是本地方星其他惡星無大權能壞日食主善星即日食不為本地方之

害且仍有吉事若善星無權為主星而無權及善星不主本地方或患星有權亦有害但輕減

日食主星或送食角內主星是惡星又為本地方主星有善星有大權對惡星地方害亦輕

若各星俱不善又主本地方又無善星為之對即為大害

應在何人物上

看所取主星在何宮分又看宮分是何體象其禍應在其象上在陰陽雙女天秤人馬寶瓶五宮應在人事上在白羊金牛磨羯三宮應在六畜上在巨蟹雙魚應在水中之物在天蝎應在蛇蝎蜈蚣等物若在獅子應在猛獸上

若其宮分中有一雜星此星是何等象即應在其象上其象在黃道南則有大風雨水火在黃道北則主地震地裂地陷

若虧食主星在土局內應在土中所產之物在風局應在人馬并六畜在水局應在水中之物在火局應在全銀銅鐵等鍊并寶貝等物

若虧食主星在白羊應在春季所產之物有損傷在巨蟹應在夏季所產之物有損傷在天秤應在秋季在磨羯應在冬季

若虧食主星在白羊或天秤其災禍應在寺院庵觀在巨蟹或磨羯則人之性情多改移不定 在定宮應在人間房屋多損壞在二體宮應在人事上在轉宮應在庶民并小人輩

日食關係君王月食關係后妃并臣宰

若太陽虧食主星在西入時太陰虧食主星在東出時已上所陳災禍輕減反此則災禍增重

應何等災禍

看虧食主星是何星依其星之性斷之若有二星三星者星值二會時將各星之性相合斷之

若虧食主星是土星主極寒傷百物論人事則人多患冷症纏綿日久并愁悶恐懼論六畜則有災禍損傷論天色則極寒結凍天昏雲暗天氣不正人多災亡地下主傷人之物如龍蟲之類論水類則主江河湖泊泛漲傷物海中惡風損船

若虧食主星是木星萬物滋長人事高貴安寧諸物價賤食用豐足六畜蕃息天氣和平江河不溢

若虧食主星是火星則燥熱傷物人事中有爭鬪爭戰人患卒症暴死瘟疫熱病吐血強竊賊人生發天氣極熱起熱風雨少井泉水缺乾旱有火災天色紅流星多海中有狂風傷船五穀果木之類亦有損傷

若虧食主星是金星其應如木星之應又人事中得陰人濟人之所好亦多偏于陰人多成婚姻之事增子嗣天色清朗明潤江河水增

若虧食主星是水星看與何一星相照隨所照之星論性情若

不過星照比別星起多事論人事性急有機變能知未來之事
又強竊盜發謀起意人身乾燥病症時常發熱噴軟怯弱吐血
論天色因本星性燥輕動必有狂風雷震霹靂地動一應孽畜
有損

日食所主

會通云日食在白羊獅子人馬主大乾大燥火災凶年設土星
火星又在凶惡之方為災更甚燒山林
在巨蟹天蠍雙魚洪水江河溢如火星在金牛或他凶地更甚
以三宮水地火星性又害人
在陰陽金牛雙女大亂大兵

在天秤磨羯寶瓶大瘟疫以三宮能壞人命
天上四宮獅子大乾天蠍大狼雙魚大濕金牛濕
月食同日食其害減小

食時五星之權

食時五星之權行速者最高者五星緯在北者 或星在日月
宮如日在地平上在日宮指星月在地平上在月宮指星
大抵日與土星主寒熱木星水星主風火星主雷電雨金星主
雨月全主無解
有五星在日光內及留者事大

經星

在天經星在日月食有大能力食在西從西經星在西者力大
食在東從東經星在東者力大皆與主星忝者土性多飢饉疾
疫不甚主兵火性多有兵革又經星所居之宮亦當論其性
經星離赤道南水災赤道北地震如主星是土在北同經星主
地震

五星相合及經星與五星相合

會通云五星相合有六十九一百二十一一百八十
經星與五星相合有三
一同在一小圈內去極遠近等或俱在南或俱在北如陰陽巨
蟹同一小圈金牛獅子同一个小圈稱為相見者 或一在南一

在北如白羊天秤陰陽人馬相對在北為有權者在南為聽使
後者

二經星在午特圓或一在天頂一在地下相對或二俱在天頂
俱在地下相對

三或同出地平或同入地平或一出地平或一入地平此四者
看五星中何星同經星之性

假如日月食白羊命宮在陰陽一主火星一主水星如水星在
金牛火星在雙女即算為第一日食宮主火星第二雙女第三
命主水星第四金牛火星主爭鬪反亂事并雙女方可有經星
同火星之性相關何如以知其事次看水星水星同凶星則凶

在金牛之方有經星同水星之性相闕何如以知其事又看白羊是何地方便知其所在之方

禍應多寡

日食時者日月相會是何宮分月食時者日月相望是何宮分相會與相望時是何命宮又看虧食主星在何宮分若虧食主星吉又與上所言宮分吉照者已上所言災禍稍輕若虧食主星凶又與上所言宮分惡照者已上所言禍應凶重 又一說若虧食主星與上文所言宮分相照先太陽東出或留者災禍增重若虧食主星與上文所言宮分相照先太陽西入或逆行或與太陽相冲災禍輕減逆行又與太陽冲未必輕減

應在各處城池

象宗云凡各處城池創立之時定一命宮以安命為主看日月虧食在何宮分是何局其局屬何方其禍應在彼處上古人多體驗采如一城池命宮屬白羊宮是年日月虧食在白羊宮分則災禍應在白羊所屬城池其餘可以例推

害所在地方此原應叙入分野今先載此奉以聽體驗

會通云以天下分四分 從西至北屬西地方大西洋回國為主者火星木星宮分白羊獅子人馬 從西至南屬南地方黑人國為主者火星金星宮分巨蟹天蠍雙魚 從東至北屬東地方 日本中華為主者土星木星宮分天秤寶瓶陰陽 從

東至南屬東地方小西洋佛國為主者土星金星宮分金牛雙女磨羯無北屬何也

日月食在其宮害在其國

日月食要看所食宮在本國所分之宮否又看日月食所安命宮在本國所分之宮否又看日月食在本地主人之十宮否若無此三者其食與本國無害

應日期多少

象宗云凡日月虧食者初食時至生光時準時刻多少太陽虧食每一時準一年其禍應在一年之內太陰虧食每一時準一月其禍應在一年之內會通云日食各凶事嘗在朔月食

各凶事嘗在望

害起之時

會通云害起之時日食從東地平至午其害在弟一月至弟四月弟一月尤甚在午其害在弟五月至八月弟五月為尤甚從午至西地平其害在九月至十二月弟九月為尤甚地平下不占

最重處在何時

災禍最重處在何時看日月虧食分數至極處是正食者初食時至食盡時共成幾個時辰至食甚時應究何時刻最重處照上法推應在其時

色

會通云日月食色不同天首離日一度色密黑二度色稍疎三
度黑紫四度紫黃五度紫光亮六度紫紅七度紫黃八度黃九
度黃少綠十度紅黃少綠十一度金黃色十二度黃白

月食緯十分離離最高一百八十度其色密黑三百十度一百
五十度其色黑如常緯二十分離最高二百四十度黑色少綠
緯三十分離最高三百七十度或九十度黑色少紅緯四十分
離最高三百度或六十度綠色有白緯六十分離最高三百三
十度綠白有光緯九十分色黃

本地方有不吉應其地之色多見即地方之害大色青黑如死

人色者土星色白者木星紅者火星各色變者水星其為災如

五星之性

交食在各人命宮四柱內以見命
理推論

交食在各人命宮四柱內則所臨之處有災假如在人命宮則
本身有災在十宮則官祿事不階在七宮妻妾有禍在四宮則
田宅耕種有傷損

交食在各人命宮四柱內則所臨之處有災假如在人命宮則

象宗云各人命宮四柱內則所臨之處有災假如在人命宮則
太陽所在宮分相冲處日食則其人必有災傷太陰同

掃流掃字亦作十二
宮占見占歲

掃星

會通云掃星有水星火星之性火言其烈水言其速一四方有
芒一芒指下如鬚一芒傍出如鬚多自天河邊出

掃星之出天下定有事或亂或飢或乾或水要知其所主之事
與其采之時

一看其所出黃道之方向何方行如出自白羊漸與獅子近是
往東行必主東方有變

論掃出宮分出自羊東方有亂金牛北方西方有亂陰陽人多
好色好殺好鬪豈以陰與陽
為不同性故巨蟹大瘟普天下東西南北朝代

當換獅子壞草木五穀大飢雙女大臣亡讀書者殃天秤盜多

天蝎謀反者衆人多懷私相殺人馬學術壞如焚書等事磨羯

南方生惡人多淫者寶瓶多亂天下瘟人暴死雙魚天下兄弟

朋友爭鬪禍起家庭

象宗云凡彗星有四等第一等尾向上指二等尾向下垂三等
其象似鎗竿四等其象似威儀身細頭大其星之性與水火二
星同若此等彗星見特世上所應之事有刀兵征戰火災地震

等事然其事亦有輕重按宮分論所應方位在寅午戌宮分上
應在東北方已酉丑宮分上應在東南方申子辰宮分上應在
西南方亥卯未宮分上應在西北方若此星東出地平環上微

升高所應之事止在東方災禍微極驗在近勢疾苦西方見者

應亦如此但愈遲耳若此星升高到午位前後其應驗則廣大
會通云論善天下地方在本處東地平西地平或正午或正子
君憂在上采宮大臣死下去宮災病傷人

芒指東大瘧病人多死甚凶指西減凶指南南方大水指北北
方大乾芒在四方論其色與所在之宮

掃星性皆屬水火亦有五星之性觀其色知其所主稍黑者有
土星之性爭鬪瘟疫地震下雪光大者木星之性學術亂有道
之人憂紅者火星之性強盜相殺火災乾燥大熱光明似日者
太陽之性大人憂芒長色白金星之性疫病國法變凡色不定
者水星之性雷電暴風邪教出掃星見最少如出定有變

此等星出有十二三年大變其息也有三或其力到十分散或
別有掃星采後當退或有日食在五星冲位極當退

流火

會通云流火或東西過或南北過或自上而下或不是火是星
或星有尾長大亦與掃星畧同但其災差小不甚遠

流火主天氣長乾無雨魚多死大飢多風風從流星方來

日月食時有流星其災更的大旱日月食外少緩
畫見且多占同日月食

彗起之由及天暗地震火災發錄

象宗云若火星在安年命第十宮或四季命宮并朔望命第十

宮主天上有紅氣如火并起彗星若十宮是風局主已上所應
之事愈重又兼水星與火星相會或相冲則已上所應之事尤
重若此時火星與太陰惡照則已上所應之事亦重若火星在
小輪上升時則彗必顯大論十

若土星在安年命宮或四季命宮或朔望命第四宮主天色黑
暗并地震若第四宮是土局比前事愈重若土星與水星同度
或相冲則已上所應之事亦重若太陰與土星惡照則已上所
應之事亦甚重若土星在小輪上升時則天暗地震甚重四
若火星在安年命宮或四季命宮或朔望命宮內第四宮又是
土局無吉星與之相照却有水星相照則主地上有火災并地

震地裂發錄四

若安年命宮或四季命宮或朔望命宮內第十宮是風局或火
土二星在此宮或太陰至此與惡星惡照則天暗地震宮

第二等吉星主疆宇開拓為福甚大係凶星則主心神不寧又
多憂慮諸事不如意也

此推法與後文論日推法不同雜星在命前者可照恒星行

推若雜星在命後者似竟置勿論矣

大聖人大賢人出世

凡一大聖人出世或一大賢人出世即將本年年命為主斷其

吉凶

一歲之事

國家

若要知國家一歲之事其安年命在畫者看太陽并第十宮主

星安年命在夜者看太陰及第十宮主星

民間

若要知民間一歲之事看安命宮取最旺有力之星并太陰為

主

臣宰吏人

若論臣宰并吏人及公使人等看水星

賢人君子

若論賢人君子之人看木星

故家老人農人

若論有名望故家及老人農人看土星

軍官軍人

若論軍官軍人及軍器并一切軍務看火星

陰人樂人

若論陰人及樂人看金星

行人使臣

若論快行人并使臣者太陰 已上看各星辰衰旺斷其吉凶

論人身體

論人身體安寧者本星得本體之力

官貴與旺

論官貴與旺者本星得相助之力

經商財利

論經商財利者第二宮主星 已上看各星與命宮或命宮主星

相照者各得順受之力

人多出外

若年命在第九邊極宮有一二星係廟旺或三合或在分定度

主其人多出外

太陽入白羊戶蟹天秤磨羯星過廟旺

若太陽入白羊宮或巨蟹宮或天秤宮或磨羯宮初度此特各

星除相冲外得過廟旺度數此季必照高貴與旺

五星分管事

會通云金星水星在太陽下管日用尋常事土星木星火星在太陽上管軍國朝代等事

月主百姓

會通云月主百姓春分前或朔或望與木星會冲方則一年百姓平安無飢饉疾疫若與火土會冲反此衝亦取

看太陰定作事

會通云太陰在定宮宜為速用事轉宮降下宮是在定宮宜為久遠

事一云要剛市宜于太陰在轉宮

安命度論日算到雜星法亦西法

凡當年安命在何宮度者命前宮分有何吉凶雜星從安命度

上數起依太陽每日所行中道每日五十九分八秒算數日到

前項雜星上星吉則諸事皆吉凶則諸事皆凶應在其時候如

安命在獅子宮第十度有一吉雜星在雙女宮第十二度相離

安命處三十二度從命度起三十二日有零至其處當有吉應

此係雜星在餘同此例 又者當年七曜在命前後何宮何度

命宮後者 七曜石行恒星左亦從安命處數起該幾日到其星處即應其

行前後應亦準此 星之吉凶如木星則應賢人君子土星應農人老人之類論日

各不相

小限見命法後亦西法

若安命宮數至小限在何宮分者此宮分有何星候如此宮分

內有土星則年尊位高者有災若有木星則臣宰有學之人災若有火星則軍官軍人災若有金星則陰人災若有水星則吏人災若有太陰則陰貴人主有災

地理分為七界此原應叙入分野今此舉以體體驗

象宗云凡地理分為七界每一界分一主星從南起第一界是土星第二界是太陽第三界是水星第四界是木星第五界是金星第六界是太陰第七界是火星者其年安命宮是何處各星中何星有力強旺則其界人諸事吉若其星無力衰敗則其界人諸事皆不利也本文言第一界從南起土星此決是前人所起觀象緯真機自知

天象源委卷八

占歲五穀豐歉百物盛衰

詩云民之質矣日用飲食大禹謨云德惟善政政在養
民水火金木土穀惟修然則日用飲食之中具水火
全不土之用裁成輔相匪細故矣天官書候歲美惡謹
候歲始決八風八風各與其衝對旦至食為麥食至日
狀為稷狀至舖為黍舖至下舖為菽下舖至日入為麻
欲終日有雨有雲有風有日風起有雲其稼復起各以
其時用雲色占種其所宜或從正月旦比數兩日直其
月占水旱為其環城十里內占則其為天下候竟正月

月所離列宿日風雲占其國又云冬至短極縣土岸安
決若景歲星所在五穀逢昌其對為衝敵乃有殃此天
象之著于上者也若夫人事之當盡所貴于因時制宜
周制司馬法六尺為步步百為畝一畝三畦百畝三百
畦成畦平則易則俱各有法後世溝洫不講而畦畝之
法亦廢所謂南東其畝者不知何為宜得委于生齒之
繁田不足耕而民故衣食不給乎禹貢辨土性周官有
草人掌土化之法問嘗問農政略擬知原野澤國山畝
糞壤法各不同并知土性之有淡者則宜于鹹故糞田
有用鹹洎者土性之有燥者則宜于潤故糞田有用麻

餅者土性之有冷者則宜于熱故糞田有用石灰者土
性之有齋者則宜于肥故糞田有用豬鷄毛及牛羊骨
者曾見有土隴數百畝之長堅不能耕乃依體築用黃
之法教以先種麻俟麻熟焚棄及黃以為糞壤化剛為
柔而遂成良田此舉其一方之大畧而言要亦人事之
所當盡也一土也而性有如是之不等則夫天象之變
化無窮非一端之所能盡固可知矣輯占歲

五星為今年主星分吉凶取今年主星法見下

會通云土星為今年主星天氣寒雲冬至尤甚有非常之雪多
晦風水湧水中盜起不利舟行人多冷病老年之人若畜物捐
傷多生毒蟲五穀寒傷

木星為今年主星年中平吉謀事易成人心平善諸事與土星
相反

火星為今年主星天氣炎熱火災多熱風雷電舟楫傷損河乾
井涸人多熱痛傷寒血症百姓變亂異國不和人多強死訟獄
繁盜賊起用物五穀五果損傷

金星為今年主星大槩同木星之性所主人物皆善以金星濕
性冲和風氣善水路易行五穀皆吉

水星為今年主星者同何星相合相冲相方方必同善則善同
惡則惡水作主星世上法度風俗多變天氣變在倏忽多地震

雷電在地平上水多河溢在地平下水涸河乾其行遠為人多
急性魁盜與海中不安人多病乾

占歲法

取命宮主

會通云取本年春分真時刻算十二宮先認東地平初分何星
為宮主如白羊在地平即火星之類

取日月所在宮主星為一年主星

會通云次認春分初分日月論日月所在宮主星畫取日夜取
月日月所在宮主星取第一有權者為一年之主 若遇退行
遇合伏及在下去宮即不取下去宮三宮六宮九宮十二宮是

下三宮六宮九
宮十二宮是

若日月五星中不見一年主星

言日月所在宮
主星不可取

即看五星在角

宮第一十宮第二七宮四宮內何星有權便取為一年之主設

宮內有二三星但取一有大權者為主 倘四角全無五星便

取命宮內有大權之星為之如辰宮為火星之舍之升即取為

主星 以日月五星較其為日
月命宮宮主者更重

先取日月五星最強而為命宮日月宮主者次取日月五星

最強不為命宮日月宮主者其宮分先取在一十七宮次取

在十一八九宮地平下不取倘地平上無星可取只下去宮

不取天人同此占時參中言第一要者命宮次日月宮

日進天端二十度作十二宮

會通云占年如不作大算但用日進天端二十度作十二宮同
上推亦可知一年

春分前朔望作十二宮

會通云占年又看春分前或朔或望作十二宮同上對看何星
有大權者為主星善者更善惡者更惡

春分前朔望月離日同五星

會通云太陰主百姓看春分前或朔或望月初離日若同火或
合或冲或方現等照年中百姓多災五穀不登諸事不吉土同
火性若同金木則百姓安諸事與火土反冲合亦有美惡之分
同下

日月食掃孛亦作十二宮占

會通云年中看日食月食亦依十二宮以五星有大權者為主
星 見卷
六

有掃星亦作十二宮此上占更凶惡占掃星論初起之時

以上占年第一是掃星次交食又次春分又次春分前朔望可
參用之

占朔望

會通云以合朔時作十二宮一占地平上主星 命宮主一占日
星是也
月同度時所在宮主星以五星有權者為主 志凶隨各星之性
第一主星之性命宮主星有

第二主星所在宮之性

第三命宮之性

第四三角宮五星之性如主星在戌為日木三角

第五朔後月初會五星之性或會或冲或方俱論

第六主星同經星相近之性若濕多雨多乾多旱多性各不

反覆不定

朔望有金星在四角

會通云朔望有金星在四角內其日有雨朔望太陰在四正柱亦主水

朔望主星到溫宮

會通云朔望主星到溫宮之時有雨

水星在各宮及日光內并退行占

會通云水星在白羊巨蟹獅子雙女已加熱有木相合

更甚在寶瓶在西亦同在巨蟹在北有熱風

水在白羊在日光內在東天氣爽快養人若水在此退行即多

病

水在金牛在日光內大黑亂風在西養人在東有濕退行天好

養人

水在陰陽在日光內海中地內皆大風在西大風在東天晴若

退行人心悶

水在雙女在日光內有熱風在西乾在東濕養人退行多妖言

水在天秤在日光內有大風在西養人在東濕退行百姓亂

水在天蝎在日光內在西晴在東雨退行兵馬作亂

水在人馬在日光內雨多在西甚濕在東養人退行山內多險

已多有險

水在磨羯大抵雨多退行為人好深海

水在寶瓶在日光內下雪在西熱天黑在東雨退行人有病

水在雙魚天黑有雨在西天氣好在東天晴養人退行大臣有

險厄

文中一行依一宮 占東西又言北必指地平宮南北東西

物價貴賤

占法

象宗云凡物價貴賤者各月朔望安命宮

最要者是當年安命之前朔望命宮當年者

并四季安命之前朔望命宮

又看命宮主星

又看太陰

七曜所主

象宗云凡七曜土星主烏香澄青但藥材墨色者

木星主五穀并一切味甜之物

金星與木星同又主銀并婦人首飾香貨及奴僕

火星主一切辣物并兵器

水星主金并一切花樣及淺色之物

太陽與水星同

太陰與金星同

土木主物價分貴賤

象宗云凡木星主物價賤物盛土星主物價貴物衰之故

宮分所主

象宗云若宮分是土局主一切五穀之類若宮分是水局主一切水中所產之物若宮分是火局主一切鑛中所產之物若宮分是風局則干條奴僕六畜之類

各星力強弱在本輪上升下降及在地平上上升下降

各星若力強又在命輪上升及出地平環上升主所屬之物賤原係貴字

各星若力弱又在命輪下降及西落時主所屬之物貴原係賤字

細者此篇論物之貴賤與盛衰不同物盛則價賤衰則價貴

安有星力強在上升而反價貴為物衰之理亦安有星力弱

在下降而反價賤為物盛之理故不揣因循揆之以理將貴

賤字互易庶與物理相符下同

木在命宮與宮主相照及金照命再看四二兩宮主星

若木星在當月朔望命宮內又有力又與朔望命宮主星相照

或金星來照命宮第四位宮主星又有力無凶照無凶照星第二

位主星與命宮主又相吉照則主百物豐阜價賤當年當季要兼者

土惡照月及五星在下降而水與土又相惡照再視土

在何局

若太陰當朔望時與土惡照及五星在小輪下降時原係上升主百

物貴若又有水與土照照應忌則百物騰貴再視土在何局土在

土局主五穀之類貴土在水局主魚蟹之類貴土在火局主鑛中一切物貴土在風局主奴僕六畜之類貴

命主星在四柱行疾

若安年命宮主星在四柱內一柱上又行疾行比平則物盛在命

宮更美

命主所在宮分四季占

春分至夏至若第十宮物盛原係貴字

夏至至秋分若第七宮物盛原係貴字

秋分至冬至若第四宮物盛原係貴字

冬至至春分若第一宮物盛原係貴字

太陰與朔望命主星分有力無力在何宮及界分廟旺

或在十一宮或在五宮又在分定度上界或在三面度上行疾

又在廟旺宮度與吉星吉照主物盛

二星中間有一星力強

此二星指太陰與朔在四宮七宮或四宮七宮中間有一星力

強則物價不增之故而人買者却多無力則物價增之物乘而人買者少

一星在四宮一星在七宮中間一星各吉照或二星俱在四

宮俱在七宮而一星在兩星之中間

二星中有力之星在下去宮

若有力之星太陰朔望命在三宮或九宮下去則物價減而賣

疾物盛若其星無力則物價增之物乘且賣速

四柱上主星有力上升又在界占

安年命宮四柱上并四季命宮四柱上看是何星所管其星有

力又在命輪上升又在分定度界則其星所管之物盛行疾易

賣行運物少

天象源委卷九

占異 旱澇疾疫兵戈盜賊

且夫陰陽之所係大矣無微不至乎陰陽陰陽貴于和而不貴於毗毗於陰毗於陽皆足以致災異人君為天

地百神之主和氣積于宥密則休徵充于宇宙洪範言

五皇極皇建其有極欽時五福用敷錫厥庶民惟時厥

庶民於汝極錫汝保極而其道端在有猷有守有守之

念不愆不懼之受而康而色改好德之錫由是四海仰

風共保太和猗歟休哉何其治之盛也然所謂保合太

和者苟一物不得其所亦足以違天地之和旱澇之召

有所不免智者洞其機而豫為之修是或一道也輯占

異

旱澇詳見占載

會通云土星為今年主星風水湧詳見

火星為今年主星天氣炎熱火災多熱風雷電河乾井涸詳見

水星為今年主星者用何星相合相沖相方在地平上水多河

溢在地平下水涸河乾詳見占載

疾疫

看二命宮二命主二太陰

象宗云先定當年安命宮又定年前朔望命宮看此二命宮并

命主星又俱要看太陰若二命宮并命主星二命主并太陰六件皆居吉位又無凶星相照主其年人民安樂無病若此六件為吉多凶少亦主安樂若此六件不得地又有惡星相照其年必有天災又多疾病每季亦依此例

命主與六宮主會照并太陰不得地

若年命主星與第六宮主星相遇相照太陰又不得地其年必有天災人禍期望及四季安命宮亦同此例

命主與八宮主會照并太陰不得地

若年命主星與第八宮主星相遇相照太陰又不得地其年人多死亡

各星與太陰惡照

凡入福因各星與太陰惡照而然

土星與太陰惡照則有久病淹連歲月肌肉羸瘦痞滿及婦人

小腹氣痛症一切冷濕症候

木星與太陰惡照有肺病喉疾中風昏暈頭疼心痛一切風症

火星與太陰惡照則發熱并脾胃症候及吐血及婦人墮胎一切熱症

金星與太陰惡照則心氣痛腎經病虛腫浮游不定又痔瘡及

一切溫症服藥難效之病

水星與太陰惡照則有心瘋史智恍惚驚恐從高墜下暗風喉

痛吐血一切乾燥之症

太陽與太陰惡照與火星性同

太陰自不得地別無各星惡照則同金星之性

兵戈盜賊

火土冲照

先看交年命宮并四季命宮生何宮分若火土二星相冲或二弦照則有災禍征戰之事

火土冲照在四柱

火土二星在四柱宮弦冲則其事尤大且急

火星在太陽光下

若安年命之時火星在太陽光下則其年有災禍征戰之事

每季安命宮之時火星在太陽光下則其季有災禍征戰之事

太陰與太陽相會或相冲時取一命宮此時火星在太陽光下

則其月有災禍征戰之事相會應上半月相冲應下半月

火星在太陽光下又在四柱或轉宮

火星在太陽光下又在四柱或在轉宮則災禍征戰之事更急

且大

安年命在畫大星與太陽冲弦又在轉宮

若安年命在畫火星與太陽相冲或二弦照又在轉宮則小人

反叛

火星與當年主星會又逆行

火星若遇當年主星又逆行到不得力地至弱宮度又無吉星相照則必有姦人詭計亂國政因此兵起

火星離四柱星到柱柱到星推法此法

火土弦冲若不在四柱上者離四柱內一柱上幾度或二星內

一星行到四柱內一柱上或四柱內一柱度數挑到二星內一

星上則其禍應驗每排度數一日該五十九分八秒即太陽平行度數

三合在何處

若火星與太陽相冲或二弦照或與太陽所到宮分主星相冲

二弦照者看其三合在何處則其處地方有聲息

從小限數至第十宮

又小限數至第十宮或入城與登位時安命宮看小限到何宮

從小限數至第十宮若火星在四柱應照者則有刀兵征戰

天象源委卷十

世運

孔子言雖百世可知是言其理孟子言五百年必有王者興是言其數凡一切讖緯術數之書要皆本于私意造作其偶驗者遂傳于史冊其不驗者無算後世乾鑿度及太乙等書都欲強與歷合而究不能合且前之歷法尚未能如

本朝之精密即合亦不能無弊况不合乎故讖緯之學儒者所不欲道而可道者即子皇極經世一書皇極之書以復臨泰大壯夬乾姤遯否觀剝坤配十二支一卦管

一百八十甲子上中下三元六十週一爻管三十甲子上中下三元十週子坤卦第四爻始復卦第三爻終計一萬八百年乾五之一上元甲子額項五十八年是乾五一爻管一千八百年在乾之五爻卦文之吉無有過于此者而且堯桀並生其間其何以占世道之升降象數論謂其為書亦不能實與歷合夫皇極已自如此他術可知若夫天象之實可憑者莫如歲差一端歲差之法

本朝定七十二年而差一度有零則二萬五千九百二十餘年算為天運一大周數既有憑理亦相近至於土木

二星同度為十九年三百十四日十四時零一刻半相
過一處為一次相會十二次或十三次始交他局至四
十九次又從火局起第一次此術全憑推算而得誠非
私意之所能造作者他如四十六百二十三年之說與
實年不相符不知著書者欲有所秘而出於此否姑存
之以俟參考輯世運

土木二星同度原書所誌同度歲月日時度分秒微猶是舊西法但其立法甚善取而通之無星不數可指也

二星行中道交四局前後共四十九次

象宗云土星行中道近三十年一周天木星行中道近十二年

一周天似此二星行二十年一次同宮同度何則土星二十年
行八宮木星二十年行一周天又八宮第九宮二星同度相
又行二十年又同度相離先從火局起次至土局次至風局次
至水局每一局十二次或十三次同度然後交別局
土星行中道二十九年一百十五日十五個時辰零三十四分
行一周天木星行中道十一年三百一十三日六個時辰零十
八分行一周天土木二星同宮同度時十九年三百十四日十
四個時辰零一刻半相遇一處為一次相會十二次計二百三
十八年一百十四日零十四分若十三次計二百五十八年六
十四日零三個時辰假如二星初與同度時是火局從白羊宮

初度起第二次又是火局在人馬宮第二度二十五分第三次
又是火局在獅子宮第四度五十一分第四次又在白羊宮第
五次又在人馬宮第六次又在獅子宮以此相會十二次或十
三次然後交土局土局第一次在金牛宮第二次在磨羯宮第
三次在雙女宮似此相會十二次或十三次然後交風局風局
第一次在陰陽宮第二次在寶瓶宮第三次在天秤宮似此相
會十二次或十三次然後交水局水局第一次在巨蟹宮第二
次在雙魚宮第三次在天蝎宮似此相會十二次或十三次前
後共四十九次相會第四十九次是雙魚宮二十八度四十一
分相會皆遍然後又從火局起第一次却在人馬宮第一度七

分餘依前例推之此是陰陽緊要之理自古以來一切禍福皆
從此出

命宮

凡斷禍福必取一命宮將土木二星同宮同度時取一命緣二
星行遲恐不準只將二星同宮同度之年安年命宮為主

小輪正相對照心相對也

土星小輪與木星小輪正相對照謂之同度會通云交食論中
二星內何星為主若木星為主天下安寧年歲豐稔有

二星內何星在小輪最高處或近小輪高處論中會亦以其
星辰強旺為主若木星為主天下安寧年歲豐稔有

福祿善事土星為主則歲歉事務不成人多憂愁上言土木行
中言然日食論凡
張點論規會可知

當年安命宮內何星最強

看當年安命宮內何星最強旺力大

是木星主年歲豐稔人皆安寧事務順快

是土星則年歲災傷人多愁悶事務不順

是火星則盜賊生發刀兵征戰及國政枉民有火災

是金星則陰人事盛人間多喜樂婚姻音樂等事

是水星則吏人經商技藝等吉

是太陽則國家興旺一切事務皆吉及大小貴人皆利于仕

是太陰則人民安樂凡事皆吉各處有好音至

已上所言一星強旺有力者如此

若二星強旺有力者將二星合斷之

如太陽與土星皆有力則與火星有力同斷

太陽與木星皆有力主有美政四海安寧

太陽與火星皆有力則國家失政民多受害

太陽與金星皆有力則國家荒淫酒色音樂極樂之事太陽強
未必然

又陰人所事吉

太陽與水星皆有力則君王明聖識見遠大文學進用

太陽與太陰皆有力則各國來朝萬民感戴

若太陰與土星皆有力則謠言驚恐人多憂懼諸物湧貴

太陰與木星皆有力則人間安寧利出外四方有好音人多行

善事

太陰與火星皆有力則有爭鬪詞訟妄言多生疾病

太陰與太陽或金星水星皆有力各與上文同斷

土與火皆有力則有征戰創生一切惡事

若木與土或火皆有力則善人改常為惡

若金與土星皆有力則陰人淫亂小口有損

金與土木皆有力主安樂豐足貴人吉又陰人吉人間行善事

金與火皆有力則陰人淫亂

金與水皆有力則多好音樂詩詞等事

金與太陰皆有力則多子嗣有喜信

若水與土皆有力則多生姦詐妄誕是非

水與木皆有力則多行善事好學問明理性又利經商

水與火皆有力與水與土同

水與金皆有力與金與水同

水與太陽皆有力與太陽與水同

已上將土木二星同宮度并當年命宮為主斷其禍福

若論人品已見占國隨各星所關係之人應驗但此應驗比前

所論年歲遠大

各年吉凶

若論禍福先從土木二星同宮同度分并同年安命宮分起第二
年論第二宮第三年論第三宮至十二宮畢第十三年又從
兩命宮起從前挑去又看二命宮主星并逐年流年安命宮主
星與吉星照或凶星照于此詳其各星強弱以強旺者為主斷
其各年吉凶

旺星

又看土木二星同宮同度并安年命宮主星何星有力廟旺又
有吉星相照則尤有力如此主王者出世其性依旺星之性
若旺星在四正柱上此下必少一或四輔柱上則後代子孫中

不當得位者出而奪之若在第三宮或第六宮或第九宮或第
十二宮則應外人起而奪之

若強旺之星是土星主出世之人年老見識老成遠大亦主故
家

若是木星主其人有學有德

若是火星主其人性剛好殺

若是金星主其人性善修德

若是水星主其人能言語善機謀

若是太陰主其人家富且貴又有才能

若是太陽主帝王與旺諸國來朝

何時

凡土木二星同宮同度所應之事已詳于上

要知其入何時應出者當年安命宮度數至二星同度處或者

當年安命宮度數至強旺星所在度數計幾宮幾度每一宮該

一年每一度該十二日餘六分之一謂二却是其人出應之年

將本年命宮為主又將土木二星同宮度之年安年命宮小限

參看一切吉凶依此二宮推之謂今年命宮凡土木二星二十

年一次同度禍福應驗其最驗處在二百四十年交局時見上

世運推算取用共九法一世運主星法一世運小限法

逐年交星法一世運四季交星法一世運及四季及當年

安命法一世運每一年挑一度法一世運命宮一年行一

度法一世運
命宮小限法

論太陽起地心外輪所行度數

象宗云上古智人曾推究一切天下大事斷決精詳名曰世運

凡一運該三百六十年每年分四季春季數起處依歷法所定

太陽在雙魚宮二十度一十四分太陽正行在磨羯宮初度即

太陽極增之數太陽中行在雙魚宮一十八度將極增數二度

一十四分添入中行度數內合前歷法之數共二十度一十四

分自此太陽上升此春季之數也夏季初起處太陽到陰陽宮

一十八度太陽正行在白羊宮初秒此處無增以此太陽中行

即是歷法一十八度之數此為太陽在最高處秋季初起處太

陽到雙女宮十五度四十六分太陽正行在巨蟹宮初秒到此
 為至增太陽中行在雙女宮十八度將極增數二度十四分於
 中行數內減去合前數十五度四十六分至此後太陽漸漸下
 降冬季初起處太陽至人馬宮十八度太陽正行在天秤初秒
 至此數亦無增此數合前數一十八度此為太陽最低處自春
 起度數至夏起度數計八十七度四十五分自夏起度數至秋
 起度數亦八十七度四十五分自秋起度數至冬起度數計九
 十二度十五分自冬起度數至春起度數亦九十二度十五分
 總計三百六十度此是太陽起地心外輪所行度數依上古歷
 法一年分四季將一運亦分四季凡行一日准運一年

考日行黃道與天元黃道不同心故其行必距地球遠近不
 等新法測地極遠之點謂為最高極近之點謂為最高冲
 此二點者乃盈縮二行之界一年行六十一秒乾隆二年丁
 巳七政經緯宿度定太陽最高過夏至八度二十二分最早
 過冬至八度二十三分太陽至過冬至八度二十三分為加
 至過夏至八度二十三分為減有太陽加減表可查準此算
 則太陽到白羊宮初秒距最早八十一度三十七分查表應
 加二度二分零太陽到白羊宮八度二十二分為極增之數
 為二度三分一十秒過此加漸減至最高過夏至八度二十
 二分為減之始茲云太陽在雙魚宮一十八度將極增數二

度一十四分添入中行度數內共二十度一十四分是天元
 黃道加二度一十四分共二十度一十四分為太陽實在雙
 魚一十八度也考今春分在白羊初秒今表加平日亦在
 白羊八度二十二分所謂雙魚一十八度者蓋古法最高冲
 在冬至前故即最高冲在冬至前而推算應以春分為憑
 雙魚十八度之說究不可解又云自春起度數至夏起度數
 計八十七度四十五分自夏起度數至秋起度數亦八十七
 度四十五分此必指天元黃道而言

世運初起之首初起是土星
 象宗云上古智人先於洪水滔天時二百七十六年前將土木

二星同宮同度之年作世運初起之首其世運主星是土星宮
 分是巨蟹宮此一將土木二星正在巨蟹宮洪水滔天正在此
 一運中前土木司度法從白
 羊初度起此起巨蟹

其行限每年交一宮從巨蟹宮起次年列獅子又次年到雙女
 宮後以次挑之是年行限亦至巨蟹宮

推世運以宮度分分管年法
 每一宮三十度均作三百六十年每一年該度數五分

世運遂運交一星
 土星運滿前云世運初起之首其交木星主運宮分是獅子宮

次火星主運宮雙女次太陽宮天秤次金星宮天蠟次水星宮
人馬次太陰宮磨羯休上每運各三百六十年又交土星主運
以次挑去於土木火日金
水月輪流推之

一運初起時
每一運初起時以太陽至雙魚宮二十度十四分為首蓋是時
星在巨蟹宮同度以此
宮度分為首見上說

四千六百二十三年之世運
當依着西域紀年六百一十五年間說從世運初起時至此年
該四千六百二十三年除十二運該四千三百二十年餘三百
零三年係水星主運錯初起時是巨蟹初度至六百一十五年間

如三百零是二十五是一十五分以每年行五
三年也分推得之

推行限法
小限即上文所每年交一宮

四千六百二十三年之小限
上文言水星主運初起時在巨蟹至六百一十五年間即三百
零三年小

限至天秤三百年到天秤
小限逐年交一星初起是

七曜逐年交一星每年亦輸初起時是水星以土木會巨蟹
也從水起首次
次土至六百一十五年間即三百是土星

每一運分四季

每一運分四季每一季有一主星不問何運第一季是火二季
是太陽三季是水四季是土並與運主星同伴
其世運四季命宮第一季春并第二季夏每季該八十七年零
二百七十日第三季秋并第四季冬每季該九十二年零九十
日

安命宮

凡世運并世運四季并當年各有安命宮若取世運命宮待太
陽到雙魚宮二十度十四分上見者東方是何宮度出地平環上
就將此宮為世運命宮其世運四季命宮第一季并第二季每
季該八十七年零二百七十日第三季并第四季每季該九十

二年零九十日已見取命宮之法與上同

若依着上古取世運安命宮并四季并當年安命宮之法并看
太陽至雙魚宮二十度十四分上見此時東方是何宮度出地平

環上即此是安命宮度數
又世運每一年挑一度法

凡世運每逢初起時雙魚宮二十度十四分起每一年挑一度
三百六十年挑滿三百六十度又係交運又從頭挑起凡挑至
一宮數度處看其度是何分定是何星分定度數以其星為主
斷其吉凶

又安世運命宮一年行一度法

又者安世運命宮是何宮度出地平環上將對黃道的赤道度數為則數去每一度該一年只數赤道度數看行至何宮度上邊着何星以其星之吉凶斷其吉凶

世運命宮小限與上世運小限不同
若論小限從命宮起一年交一宮

象宗云西域紀年六百一十五年間說世運初起時至此年該四十六百二十三年

御纂歷代三元甲子編年第一甲子起黃帝六十一年至明天啟四年為七十二甲子得四十二百六十年本每年加一年

新西法交食永年表起一甲子至明天啟四年為六十六甲子

得三千九百年本每年再加一年校編年少六甲子共

月離歷指崇禎戊辰為推期之六千三百四十一年

天地儀書開闢至洪水云一千六百五十餘年

洪水至漢哀帝元壽二年庚申天主降生天地儀書云二千

三百四十餘年聖經直解云二千九百五十四年遺詮云二

千九百四十六年

考堯十八年至漢哀帝二年庚申實二千三百四十年與天

地儀書合庚申至天啟四年甲子又一千六百二十三年加

甲子本年為一千六百二十四年并共三千九百六十四年

天啓四年至本年乾隆二年丁巳又一百一十四年通共四

千零七十八年加洪水前二百七十六年共四千三百五十四年較上文所云世運初起時至此年該四十六百二十三年之語不合今據實年推以四千三百五十四年除去十二運四千三百二十年餘三十四年準逐運交一星法亦係水星主運準小限法行到金牛準小限逐年交一星法為金星準一運分四季是火星在四十六百二十三年之說與實年不相符而實年于交運之時土木二星又必定會姑存其說以待考訂若欲推測境本運壽查土木相會之真時刻安命推之為捷且理足

世運斷決之理

世運及季運主星強弱分吉凶

凡交世運或季運必有更改之事若世運并季運主星皆強旺又有吉星相助主出世之人與旺福隆大吉若世運主星已強旺為吉又有吉星相助從季運內雖有凶星相遇終不能作凶依舊與旺若一季過後又交一季季運主星又旺吉并有吉星相助主國家福隆疆宇開廣四海來朝設又交一季季運之主星凶弱則國家不寧有外人相侵緣世運主星吉旺終不為凶若世運主星凶弱又有凶星相照則主國家力小事外人相侵擾攘不寧若遇交季運主星又凶弱并有凶星相照則必有革命之事

世運主星是五星內何星分外姓本枝

若運主有力之星是土木火三星內一星主外姓興起其事業
制度一切所為並與前代不同若世運主星是金水木陰三星
內一星則更改只在本枝不屬外姓却有刀兵爭競

世運主星是何星在何宮并在太陽光下或遇凶星

若世運主星是土木火三星內一星在本宮或在廟旺宮主國
祚綿遠一運之內人壽長一切事務皆堅久

世運主星是金水木陰三星內一星又弱無力并在陷宮或在
太陽光下或遇凶星則國祚年促凡事不久人壽短所作事不
顯

世運主星是何星在本宮廟旺有二星兼在宮分內

若世運主星是土木火三星內一星或在本宮或在廟旺有二
星兼在世運主星宮分內或與世運主星吉照主國家強盛四
海一統假如世運主星是火星宮分是磨羯宮外火星又在磨
羯內世運年命是白羊宮木星土星又在天蠍宮與火星吉照
火星順受土木二星吉應則如上所云

世運主星強旺又為季主星

若世運主星強旺又為季主星主世運一季內國家大興旺

世運及四季主星同是土星

若世運主星是土星主國家興旺之福後勝于前為第四季主

星是土星而世運主星亦是土星所以後勝于前也

主

世運及四季主星行小限到火與火冲照火又為年命
若世運主星并四季主星強旺行小限到火星或與火星相冲
四正照然又火為當年命主星其年必有反叛刀兵起十年方
定國家依舊依舊不改也以世運并四季主星強旺耳

世運四季行小限到火與火冲照火又為命主同在風局

若二運世運四季小限與火星相冲或四正照火且在風局又為年
命主星而世運主星亦在風局主其年天上見妖象有虹氣流
星地上亦有大火災

世運四季行限到土星土又為命主在水局及土局與
風局

若二運行限到土星土星又為年命主星在水局主其年大水
在土局則其年地震地陷若在風局主天色極寒風雪大

世運主星土與火在本宮小限遇凶星

若世運主星是土星或火星其宮分又屬本星宮分如小限遇
凶星則四方有橫事起

年命主星行至弱宮而太陰在命宮又與凶星照

又其年命主星此言年命主星定即小限行至弱宮而太陰在
命宮又與凶星照則已上所言災禍愈重且大

應在何城池

天象源委卷十一

其橫事最重處在何城池假如有日食者日食宮分是何城池

命法

安年命宮或四宮七宮十宮現交食類推亦

論土木同度應事重大

凡一應大事有更變但看土木二星同宮同度時為主若交運

之際土木二星若同宮同度更為重大所論世運季運原屬西法

中庸云天命之謂性朱子註云命猶令也天以陰陽五行化生萬物氣以成形而理亦賦焉猶命令也為天地立極為生民立命為萬世開太平者人君也一人有慶兆民賴之此人君所以不言命也至于相臣者亦必存若己推而內諸溝中之心而後可以輔太平而肯委之于命乎其餘若而人要當以知命為先君子固自有立命之學然不知命亦無以為君子況乎後之人以形氣之軀遇外物之交欲念重而妄念生能知命者有幾不

知惟天陰陽下民命之為命造化之巧出于無心而上下四旁無不配合使閭房星卷之中有愚夫愚婦能轉相告曰富貴利達寔有命存將見一言之省悟一念之轉移消却幾許雄心淡却幾許論念不亦足以助化于下乎夫至于抱余與祠者而亦知寔命不同周家閔雅鵲巢之化如是如是是命之當知豈非為士人效法君子之基王者化民成俗之本歟輯命法

推人命十二宮法推算地度見後

象宗西占云凡者各星在何宮分一命宮者何言人初生時看東方是何宮分出地平環上即為命宮命宮係人性壽數一

切創生之事

第二宮係人生財帛衣祿生理相濟助并未來之事

第三宮係親近相助之人及兄弟姊妹親戚近出搬移之事

第四宮主父并田宅一切結末之事亦人之根柢

第五宮主男女喜樂使客信息慶賀并收成五穀果木之事

第六宮主疾病奴僕并小畜孳生

第七宮主祖并妻妾婚姻夥伴及仇隙

第八宮係死亡凶險并妻財

第九宮係遷移遠方更改諸事并才學識見夢寐之事

第十宮主官祿高貴并母

第十一宮主福祿并想望及朋友之事

第十二宮係仇人爭競并牢獄及六畜頭匹等事

若一星在命宮前離安命度數五度以下屬命宮五度以上不

屬命宮屬十二宮其餘宮分例此取用之法前賢都曾體驗

如此

真源云第一宮稱命宮關人命吉凶二宮財帛三宮兄弟姊妹

戚及近路四宮父祖及家事五宮男女六宮疾病家人七宮妻

妾仇人合則為配不合則為仇八宮死亡九宮移徙道路十宮功名十一

宮福祿朋友十二宮禍門監獄

考定真時安命法

象宗云子生下取時用時辰牌畫取太陽高度夜取經星高度

依法即知本時時辰既真然後安命宮度有準若無定時辰牌

及銅壺滴漏別有法取用

若人口說個時未為準的或前或後不過差二刻且將此時安

一命宮又依此命宮取個四柱將七曜宮分度數排定却看當

生人與朔近取朔與望近取望朔取日月相會之宮望取日月

相望之宮日在地平上取日在地平上取月在地平上取月看此宮分度數

屬何星強壯比四柱內一柱度數相同則安命度數真矣若此

強壯星度與四柱度數前後多少不同時却將四柱內一柱度

數與強壯星度數最近者取用如強壯星二十度四柱內一柱

二十五度將五度減去與強壯星度數同就此度數再安一命

宮為真時刻

真源云假如人生日一宮陰陽二度十宮磨羯二十七度十宮

實瓶實瓶字誤恐時不真生日前離望近日在地平上寶瓶宮二十

度土為寶瓶主星寶瓶亦為土三角土在天蝎三度比二度近二

十七度遠即將一宮陰陽二度改為陰陽三度所改者于時

假如一宮有二強星何以取如生日前朔日月會天秤十度生

人一宮天秤十四度十宮巨蟹十八度四宮磨羯十八度茲日

月會天秤十度是土星升亦是土三角亦是土三合照而土在

磨羯十五度金星在天秤十度金星為天秤宮主星又係金界

無力取福德箭福德箭又無力取命宮度數主星夜生人取太陰太陰無力取太陽若太陽無力取福德箭福德箭又無力取命宮度數主星如前

重生人取太陽夜生人取太陰若在十宮或命宮或十一宮或七宮或九宮可取在五度以下如上論

若太陽是壽星又在廟旺宮度上壽主星即是太陽太陰是壽星又在廟旺宮度數上壽主星即是太陰若命宮與壽星皆有力又自吉照主其人一世身安聰明有機變又有壽據此所謂即壽星宮之主星

取命照星法比取命主星法為詳

其源云人命照星有五一大陽二太陰三命宮四十宮五星見人命不止一星為主必有幾星主人命準止一星命不悠久取照星之宮有五十一宮二命宮三十一宮四七宮五九宮此比上四五度皆起五度前與五度上有星皆可取取照星之法畫取太陽為命照星若太陽不可取不在取照星之宮即取太陰畫本取若太陰亦不可取如上即取福星或一宮或以上四位宮主星最強者舍升三角界位性見象五者之中有三為最強取為照星亦要在取照星之宮夜取太陰為命照星若太陰不可取即取太陽夜亦取若太陽亦不可取即取福星或一宮及日月福星一宮之主星中最強者為照星

凡不取日月取五星要五星比日月在強宮有權或在日月相會宮相望宮人命宮福宮

凡星在降宮即全無力不能作照星

取日月五星在兩宮相連者亦可取如九宮十宮

畫生人日在九宮月在十宮自當取月若月在十宮日在十一

宮二宮則論日月強弱夜生人月在九宮或七宮日在命宮

自當取日若有難準即看日月所在宮之主星與日月吉照

者取之為照星

取各照星法

真星云科目并遷功名官祿日作照星

人性善惡知愚及妻妾司作照星

身體強弱及性情及父母及遠行近出一宮作照星分首皆

財帛福祿福祿照星

男女兄弟朋友仇讐仗藝十宮作照星分首者

取許星法

其源云凡定許星其照星所在有五星合或五星照即是許星

看其是何照星管即何照星之許星如福離土一百八十度福

照星土至其年月日福到土宮失財帛照星到許

為許星設無照星與照之處取相近者如一宮在金牛七度照星與許

星俱不在內惟木在金牛四度以其相近即取許星取為一宮

相近兩至比兩分更甚 土比火更甚土是自生病火自外來
病若兩星俱為煞星應苦後方死

取解星法論理處見命理

真源云一吉星在煞星界上 一吉星在煞星傍吉星在後或煞星在前
煞星在吉星吉照內 一煞星與照星緯度不同一北一南
若煞星已強更有經緯忌星相助不能解 或煞星在位內在
界上在東在陽宮不在日光下不在地平下皆不能解

人命一生大運

象宗云凡人命自始生至四歲太陰主養之為初生下特嫩小
濕潤自四歲以後至十四歲十年水星主養之漸通世事智慧

日增知句學十五歲至二十二歲八年金星主養之精氣漸盛
陰陽配合能生子二十三歲至三十一歲八年太陽主養之
立志成爲初年戲謔之事皆棄去四十二歲至五十六歲十五
年火星主養之增人怒氣常想事業經營謀幹不自安寧五十
七歲至六十八歲十二年木星主養之肯為善事欲留名于後
不肯輕動六十九歲至壽終土星主養之身體困倦精神衰減
凡人命內先看何星強旺行限至其星所主養之時則其事亦
興旺若星弱則其事亦弱其大略也
又人命宮有忌星主少年艱難是命宮主少年七宮有吉星主
老年尊榮是七宮主老年

四年

據薛氏法以日躔黃道度查赤道升度每年加八十八度四十
九分餘即次年本日午時同升度如生日日在天秤十六度十
分未升度一百九十四度四十三分減去八十八度四十九分
得一百零五度五十四分爲次年日到天秤度如十六年求日
進天秤十六度十分以是一百零五度五十四分爲根加上十
六年每年應加八十八度四十九分之數除全周得八十六度
五十九分爲本日午時圍于根數及十六年加數兩數內除去
原未升度數得二百五十二度十六分對時爲午後十六小時
四十八分五十六秒日進天秤原躔度照此法求頗多不合因

竟用戴實推時戴實三百六十五日二十三刻三分四十八秒
此項和足三百六十五日加上二十三刻三分四十八秒爲二
大時七刻零三分四十八秒但年速者亦未易推今融會其數
立一簡便之法將戴實之小數二十三刻三分四十八秒依午
時圍變度得八十七度一十二分假如申初初刻初分日躔黃
道降委初度赤道升度得五十五分申初初刻初分在午時圍
距午後三十度以此距午三十度爲根若求明年日進原躔度
則加一個八十七度一十二分共一百一十七度一十二分對
時爲午後三大時七刻零三分四十八秒即七小時三刻零三
分四十八秒又如已初初刻初分日躔黃道星紀初度得赤道

火星在雙魚七度十六分相距四十三度四十六分以三十度除一年外尚有十三度四十六分每一度十二日今十三度得一百五十六日每五分得一日今四十五分得九日一分得日之二百八十八分一百九十六刻為一十四歸為刻為一十五分得十九刻零三分共應得一年又一百六十五日十九刻零三分為月到火星表不立是為流年之月日時

流月 係西法流月有時

流月起流年宮一月一宮一日一度零四分零四秒如第一年流年在白羊六度其年流月亦起白羊六度第二年流年金牛六度其年流月亦起金牛六度第三月陰陽六度第三月巨蟹

六度 係何日故和月法見真太陽年表其表

流月一日一度零四分零四秒三百六十五日行一周過三十度表表止二十九日無三百六十五日表
如日在金牛二度十六分木在獅子十六度二十七分相距一百零四度一十一分

用三率算法 一率一度零四分零四秒 二率一日 三率一百零四度一十一分

用表 本卷上載二得九十七日一十四小時零二十九日表後時無六十表每開六十時者是為流月之日時以便對分也
流日 亦西法流日有時

流日一日行十三度五十二分第一流日接流月度分起如流年在金牛六度流月亦起金牛六度流日亦起金牛六度倘日多即扣起月數月數用真太陽年表二十八日零二小時一扣一餘日接算始用一十七分三十七秒為一月而一月於天周止如九月初二日卯時生日在天秤十六度十分二十年後十一月初三日子時三十分求流日二十年除十二宮餘八從天秤命宮加八宮到金牛十六度十分為流年與上流完二十年起九月初二日卯時至十一月初三日子時三十分得六十一日十八時三十分大值月對真太陽年表二月除去五十六日四小時三十五分一十四秒一月扣一宮二月扣兩宮到巨蟹十六

度十分尚餘四日一十三時五十四分四十六秒
用三率算法 取日時法
用流月表 用流月法中日行一得四度五十分零為到巨蟹二十一度零是為流月之日時與行度
用本表 即一日行十三得六十二度二十八分二十五秒零為到雙女十八度二十八分零是為本流日之日時與行度

真太陽年表

此表以歲實三百六十五日二十三刻三分四十八秒作三百六十五日零五時四十九分一秒分為三月造成此表與推步之表俱不合

續修四庫全書 子部 天文算法類

流月日數表及時分表
 流月日數表一日行一度零四分零四秒與太陽周歲平行
 表亦不合

流日日數表及時分表
 流日日數表一日行十三度五十二分五十二秒與月平行
 及自行表亦不合

真太陽年表

| | | |
|----|----|----|
| 時 | 日 | 〇 |
| 二〇 | 八二 | 一 |
| 四〇 | 六五 | 二 |
| 六〇 | 四八 | 三 |
| 九〇 | 二一 | 四 |
| 一一 | 〇四 | 五 |
| 三一 | 八六 | 六 |
| 六一 | 六九 | 七 |
| 八一 | 五二 | 八 |
| 〇二 | 三五 | 九 |
| 二二 | 一八 | 十 |
| 一〇 | 〇一 | 十一 |
| 三〇 | 七三 | 十二 |
| 五〇 | 五六 | 十三 |

| | |
|----|----|
| 分 | 秒 |
| 七三 | 七三 |
| 四一 | 五三 |
| 一五 | 二五 |
| 八二 | 〇一 |
| 五〇 | 八二 |
| 二〇 | 五四 |
| 九一 | 三〇 |
| 六五 | 〇二 |
| 三三 | 八三 |
| 一〇 | 六五 |
| 七四 | 三一 |
| 四二 | 一三 |
| 一〇 | 九四 |

流月日數表

| | | | | | | |
|----|----|----|----|----|----|----|
| 分 | 度 | 數 | 秒 | 分 | 度 | 數 |
| 一四 | 六二 | 五二 | 四〇 | 四〇 | 一〇 | 一 |
| 五四 | 七二 | 六二 | 八〇 | 八〇 | 二 | 二 |
| 九四 | 八二 | 七二 | 二一 | 二一 | 三 | 三 |
| 三五 | 九二 | 八二 | 六一 | 六一 | 四 | 四 |
| 七五 | 〇三 | 九二 | 〇二 | 〇二 | 五 | 五 |
| | | | 四二 | 四二 | 六 | 六 |
| | | | 八二 | 八二 | 七 | 七 |
| | | | 二二 | 二二 | 八 | 八 |
| | | | 六三 | 六三 | 九 | 九 |
| | | | 〇四 | 〇四 | 一〇 | 一〇 |
| | | | 四四 | 四四 | 一一 | 一一 |
| | | | 八四 | 八四 | 一二 | 一二 |
| | | | 二五 | 二五 | 一三 | 一三 |
| | | | 六五 | 六五 | 一四 | 一四 |
| | | | 〇〇 | 一〇 | 一五 | 一五 |
| | | | 四〇 | 五〇 | 一六 | 一六 |
| | | | 八〇 | 九〇 | 一七 | 一七 |
| | | | 二一 | 三一 | 一八 | 一八 |
| | | | 六一 | 七一 | 一九 | 一九 |
| | | | 〇二 | 一二 | 二〇 | 二〇 |
| | | | 四二 | 五二 | 二一 | 二一 |
| | | | 八二 | 九二 | 二二 | 二二 |
| | | | 二三 | 三三 | 二三 | 二三 |
| | | | 六三 | 七三 | 二四 | 二四 |

流日日數表

| | | | | | |
|----|----|----|----|---|---|
| 數 | 秒 | 分 | 度 | 宮 | 數 |
| 五二 | 二五 | 二五 | 三一 | 〇 | 一 |
| 六二 | 五四 | 五四 | 七二 | 〇 | 二 |
| 七二 | 七三 | 八三 | 一一 | 一 | 三 |
| 八二 | 九二 | 一三 | 五二 | 一 | 四 |
| 九二 | 一一 | 四二 | 九〇 | 二 | 五 |
| | 四一 | 七一 | 三二 | 二 | 六 |
| | 六〇 | 〇一 | 七〇 | 三 | 七 |
| | 八五 | 二〇 | 一二 | 三 | 八 |
| | 〇五 | 五五 | 四〇 | 四 | 九 |
| | 二四 | 七四 | 八一 | 四 | 〇 |
| | 五三 | 〇四 | 二〇 | 五 | 一 |
| | 七二 | 三三 | 六一 | 五 | 二 |
| | 九一 | 六二 | 〇〇 | 六 | 三 |
| | 二一 | 九一 | 四一 | 六 | 四 |
| | 四〇 | 二一 | 八二 | 六 | 五 |
| | 七五 | 四〇 | 二一 | 七 | 六 |
| | 九四 | 七五 | 五二 | 七 | 七 |
| | 一四 | 〇五 | 九〇 | 八 | 八 |
| | 四三 | 三三 | 三七 | 八 | 九 |
| | 六二 | 六三 | 七〇 | 九 | 〇 |
| | 八一 | 九二 | 一一 | 九 | 一 |
| | 一一 | 二二 | 五〇 | 〇 | 二 |
| | 三〇 | 五一 | 九一 | 〇 | 三 |
| | 五五 | 七〇 | 三〇 | 一 | 四 |

| | | | | | | | | |
|---|----|---|---|----|---|---|----|---|
| 度 | 分 | 秒 | 度 | 分 | 秒 | 度 | 分 | 秒 |
| 一 | 〇 | 四 | 一 | 〇 | 四 | 一 | 〇 | 四 |
| 一 | 二 | 五 | 一 | 二 | 五 | 一 | 二 | 五 |
| 一 | 三 | 八 | 一 | 三 | 八 | 一 | 三 | 八 |
| 一 | 四 | 〇 | 一 | 四 | 〇 | 一 | 四 | 〇 |
| 一 | 五 | 一 | 一 | 五 | 一 | 一 | 五 | 一 |
| 一 | 六 | 二 | 一 | 六 | 二 | 一 | 六 | 二 |
| 一 | 七 | 三 | 一 | 七 | 三 | 一 | 七 | 三 |
| 一 | 八 | 四 | 一 | 八 | 四 | 一 | 八 | 四 |
| 一 | 九 | 五 | 一 | 九 | 五 | 一 | 九 | 五 |
| 一 | 一〇 | 六 | 一 | 一〇 | 六 | 一 | 一〇 | 六 |
| 一 | 一一 | 七 | 一 | 一一 | 七 | 一 | 一一 | 七 |
| 一 | 一二 | 八 | 一 | 一二 | 八 | 一 | 一二 | 八 |
| 一 | 一三 | 九 | 一 | 一三 | 九 | 一 | 一三 | 九 |
| 一 | 一四 | 〇 | 一 | 一四 | 〇 | 一 | 一四 | 〇 |
| 一 | 一五 | 一 | 一 | 一五 | 一 | 一 | 一五 | 一 |
| 一 | 一六 | 二 | 一 | 一六 | 二 | 一 | 一六 | 二 |
| 一 | 一七 | 三 | 一 | 一七 | 三 | 一 | 一七 | 三 |
| 一 | 一八 | 四 | 一 | 一八 | 四 | 一 | 一八 | 四 |
| 一 | 一九 | 五 | 一 | 一九 | 五 | 一 | 一九 | 五 |
| 一 | 二〇 | 六 | 一 | 二〇 | 六 | 一 | 二〇 | 六 |
| 一 | 二一 | 七 | 一 | 二一 | 七 | 一 | 二一 | 七 |
| 一 | 二二 | 八 | 一 | 二二 | 八 | 一 | 二二 | 八 |
| 一 | 二三 | 九 | 一 | 二三 | 九 | 一 | 二三 | 九 |
| 一 | 二四 | 〇 | 一 | 二四 | 〇 | 一 | 二四 | 〇 |
| 一 | 二五 | 一 | 一 | 二五 | 一 | 一 | 二五 | 一 |
| 一 | 二六 | 二 | 一 | 二六 | 二 | 一 | 二六 | 二 |
| 一 | 二七 | 三 | 一 | 二七 | 三 | 一 | 二七 | 三 |
| 一 | 二八 | 四 | 一 | 二八 | 四 | 一 | 二八 | 四 |
| 一 | 二九 | 五 | 一 | 二九 | 五 | 一 | 二九 | 五 |
| 一 | 三〇 | 六 | 一 | 三〇 | 六 | 一 | 三〇 | 六 |
| 一 | 三一 | 七 | 一 | 三一 | 七 | 一 | 三一 | 七 |
| 一 | 三二 | 八 | 一 | 三二 | 八 | 一 | 三二 | 八 |
| 一 | 三三 | 九 | 一 | 三三 | 九 | 一 | 三三 | 九 |
| 一 | 三四 | 〇 | 一 | 三四 | 〇 | 一 | 三四 | 〇 |
| 一 | 三五 | 一 | 一 | 三五 | 一 | 一 | 三五 | 一 |
| 一 | 三六 | 二 | 一 | 三六 | 二 | 一 | 三六 | 二 |
| 一 | 三七 | 三 | 一 | 三七 | 三 | 一 | 三七 | 三 |
| 一 | 三八 | 四 | 一 | 三八 | 四 | 一 | 三八 | 四 |
| 一 | 三九 | 五 | 一 | 三九 | 五 | 一 | 三九 | 五 |
| 一 | 四〇 | 六 | 一 | 四〇 | 六 | 一 | 四〇 | 六 |
| 一 | 四一 | 七 | 一 | 四一 | 七 | 一 | 四一 | 七 |
| 一 | 四二 | 八 | 一 | 四二 | 八 | 一 | 四二 | 八 |
| 一 | 四三 | 九 | 一 | 四三 | 九 | 一 | 四三 | 九 |
| 一 | 四四 | 〇 | 一 | 四四 | 〇 | 一 | 四四 | 〇 |
| 一 | 四五 | 一 | 一 | 四五 | 一 | 一 | 四五 | 一 |
| 一 | 四六 | 二 | 一 | 四六 | 二 | 一 | 四六 | 二 |
| 一 | 四七 | 三 | 一 | 四七 | 三 | 一 | 四七 | 三 |
| 一 | 四八 | 四 | 一 | 四八 | 四 | 一 | 四八 | 四 |
| 一 | 四九 | 五 | 一 | 四九 | 五 | 一 | 四九 | 五 |
| 一 | 五〇 | 六 | 一 | 五〇 | 六 | 一 | 五〇 | 六 |
| 一 | 五一 | 七 | 一 | 五一 | 七 | 一 | 五一 | 七 |
| 一 | 五二 | 八 | 一 | 五二 | 八 | 一 | 五二 | 八 |
| 一 | 五三 | 九 | 一 | 五三 | 九 | 一 | 五三 | 九 |
| 一 | 五四 | 〇 | 一 | 五四 | 〇 | 一 | 五四 | 〇 |
| 一 | 五五 | 一 | 一 | 五五 | 一 | 一 | 五五 | 一 |
| 一 | 五六 | 二 | 一 | 五六 | 二 | 一 | 五六 | 二 |
| 一 | 五七 | 三 | 一 | 五七 | 三 | 一 | 五七 | 三 |
| 一 | 五八 | 四 | 一 | 五八 | 四 | 一 | 五八 | 四 |
| 一 | 五九 | 五 | 一 | 五九 | 五 | 一 | 五九 | 五 |
| 一 | 六〇 | 六 | 一 | 六〇 | 六 | 一 | 六〇 | 六 |

度

黃變赤定十二宮

用第二法黃道變為赤道度得一百一十一度五十分為十宮

赤道度法見下

加三十度得一百四十一度五十分為十一宮

加三十度得一百七十一度五十分為十二宮

加三十度得二百零一度五十分為一宮

加三十度得二百三十一度五十分為二宮

加三十度得二百六十一度五十分為三宮

加三十度得二百九十一度五十分為四宮

加三十度得三百二十一度五十分為五宮

加三十度得三百五十一度五十分為六宮

加三十度得三十一度五十分為七宮

加三十度得五十一度五十分為八宮

加三十度得八十一度五十分為九宮以上俱赤道度

黃變赤用表算

如用表太陽在黃道金牛二十四度一十三分變赤道 查黃

赤道正球升度表又推步金牛二十四度一十三分得五十一

度五十分無緯從白羊算起表上止具黃道二十四度及二十

得日在黃道無緯度

據用表所求黃道變為赤道係求日躔而非十宮然上文不

云加六十度乎加六十度共一百一十一度五十分算為十

宮赤道度應先求

赤在天頂變赤不在天頂用表算

查宮緯度表即黃赤以黃道金牛二十四度一十三分對查得

距赤道十八度五十分未二十四度一十四度一十八度四十九

十三分此間又查北極出地表即斜球升度表見新西法直

緯三十二度下保舊定江寧出距度十八度橫行對十一度四

十三分距度十九度橫行對十二度二十六分其較為四十三

分六十分之全得四十三分令五十分指距比例為三十五分

此例其以加于十一度四十三分為十二度一十九分即赤道

道不在天頂差度白羊後宜減以減赤道五十一度五十分得

三十九度三十一分入金牛九度三十一分為斜球升度

據用表而求赤道在天頂變赤道不在天頂度亦係求日躔

而非求十宮求十宮見後後立法仍用赤道求

又如北極一條係太陽在黃道獅子二十三度北

又如太陽在黃道獅子二十三度查黃赤正球升度表獅子二

十三度對一百四十五度二十一從白羊算起無緯

再查宮緯度表得距赤道一十三度五十四分表上開五又

查北極出地表即斜球升度表北極出地三十七度下距度一

分即如北極出地三十度所推之黃變赤度于表取赤道一百四十一度二十六分得黃道獅子十九度赤道尚餘二十四分其下格表下一百四十二度二十三度得黃道二十度而赤道度數相較差五十七分為黃十九度二十度比赤之距度以赤道尚餘之二十四分與五十七分比例得二十二分四十八秒以加黃道獅子十九度為獅子十九度二十二分四十八秒即為一百三十九度二十二分四十八秒此係正球升度

前用黃變赤此用赤變黃故于表俱反用

赤道一百四十一度五十分查距度為十四度一十六分即黃緯北極出地十七度二十一分說見北極緯十七度對距度十

四度查表得四度二十二分北極出地十七度對距度十五度得四度四十二分其差二十分與距度小餘一十六分比例得五分二十秒并之為四度二十七分二十秒北極出地十八度對距度十四度得四度三十九分北極出地十八度對距度十五度得五度其差二十一分與距度小餘十六分比例得五分三十六秒并之為四度四十四分三十六秒先四度二十七分二十秒較後四度四十四分三十六秒差十七分十六秒與北極小餘二十一分比例得五分五十七秒以并先數得四度三十三分一十七秒為赤黃差度以此差數加于黃道一百三十九度二十二分四十八秒即前正球

升度之以得一百四十三度五十五分四十八秒入獅子二十三度五十五分為十一宮斜球升度差度前第四法黃道變赤加用減此赤道變黃道故

此反用第四法得斜球黃道之八十一宮

表算十二宮

用表算十二宮 十二宮赤道一百七十一度五十分赤一百七十一度四十五分得黃道雙女二十一度尚餘五分赤一百七十二度四十分得黃道雙女二十二度其差五十五分以小餘五分比例得四分三十五秒并之為黃道雙女二十一度五分即一百七十一度零五分為正球升度

赤道一百七十一度五十分查距度三度一十五分北極出地二十八度二十五分說見上文二十八度對距度三度得一度三十六分二十八度對距度四度得二度零八分其差三十二分與距度小餘一十五分比例得八分加之一度四十分三北極出地二十九度對距度三度得一度四十分二十九度對距度四度得二度一十三分其差三十三分與距度小餘一十五分比例得八分一十五秒加之為一度四十八分一十五秒先一度四十四分較後一度四十八分差四分與北極小餘二十五分比例得一分四十秒以加先數得一度四十五分四十秒為赤黃差度

以此差數加于黃道一百七十一度零五分得一百七十二度五十分入復女二十二度五十分為十二宮斜球升度

用前法算安十二宮

十宮巨蠍二十度三十六分

十一宮獅子二十三度五十五分

十二宮復女二十二度四十九分

一宮天秤十八度四十分

二宮天蝎十五度零九分

三宮人馬十五度三十四分

四宮磨羯二十度三十六分

五宮寶瓶二十三度五十三分

六宮雙魚二十二度四十九分

七宮白羊十八度四十分

八宮金牛十五度零九分

九宮陰陽十五度三十四分

用表美安七政

日金牛二十四度一十三分係黃道

月獅子十五度五十八分緯南三度三十四分降

土巨蠍二十三度四十八分緯南二十六分升

木磨羯十二度十一分緯北四十六分降

火金牛二十九度五十分緯北一分升

金巨蠍一度四十一分緯北二度十分升

水陰陽十一度十八分緯北一度四十分升

天首白羊八度六分

天尾天秤八度六分

算福星所在

五星排法

五星如無緯或緯小止論經如緯大兼論緯度

太陽金牛二十四度一十三分入八宮按前算斜球升度太陽

又據美安十二宮金牛十五度零九分入八宮比美安八宮斜

日入某宮者亦不在天頂之宮分也

土星緯小巨蠍二十三度四十八分入十宮

木星緯小磨羯十二度十一分至磨羯二十度三十六分方到

四宮當入三宮

大星緯小金牛二十九度五十分入八宮

天首白羊八度六分白羊十九度方入七宮當安六宮

天尾天秤八度六分天秤十九度方到地平當安十二宮

月緯大再算月入何宮

用表美月在獅子十五度五十六分黃赤距緯度為十六度零

四分月緯南三度三十四分減之得十二度三十分以緯

金緯大再算金入何宮

查表金星在巨蟹一度四十分黃赤距度二十三度二十九分
金緯北二度一十一分加之得二十五度四十分

水緯大再算水入何宮

查表水在陰陽十一度一十八分黃赤距緯二十二度一十一
分水緯北一度四十分加之得二十三度五十一分

天象源委卷十三

月離逐

月離逐者離後星逐前星不獨本體各照俱然月有魄
主體故西人最重之要不惟月有離逐也而各曜在地
平十二宮之為吉為凶地平宮之消息于此可驗至于
水星會各星之在各宮亦不獨一水星為然乃西占特
書水星其義可想故輯月離逐并及各曜在地平宮與
水星會各星之在各宮

月離逐各星

真源云離一宮內三十度皆為離不在一宮十度為離不但星

照亦然離亦為

有虛離有虛逐有離逐皆虛五星皆然惟月為要今論月
月離土星逐木星月加光時為福作大官得親人財土內得銀
失光但多管閑事耳 離土逐火加光時心患于患失光母有
大病且窮苦或父母不和或破家強死 離土逐金加光時大
富貴有能恐好色有傷失光極好色 離土逐水加光能知深
微之理或知醫道失光啞聾身體壞性不爽快 離土逐日大
苦難風疾盡病 離土無逐有痔病膽小不爽快貧懶奸詐老
尤甚

以上諸項有經星性吉者相遇及月在升光時其害畧輕應

失家出外月若失光當更增脾胃冷弱之病

月離木星逐土星加光時得外人喜悅管外人事作水上生理

多出外失光貧苦事人 離木逐木加光時有權有官有福失

光時管兵為人心險當生四年合有方有此象 離木逐火加

光時夜生有大權大官多險苦終能忍耐火在角更甚若在降

角其人作火內生涯日生貧苦乞丐多病強死失光時夜生火

在角有名有官在降角為兵日生父母家事失早孤貧苦役於

人 離木逐金 離木逐水加光時人與快有名聲管錢糧

閑塞詳其福長久失光讀書為客管閒事得親人財 離木逐

日父母家事皆失為徒流或逃亡 火抵月與日在土星或火

星宮內離木加光時父母尊貴自己亦然福自婦女未

為人文雅火言亦少年喪父母火土 離木無逐失光時外遊

月離火星逐土星加光時殺人盜賊無所不為多死於法 離

火逐木 離火逐金加光時夜生其人有福福多自婦人未

失光時日生性惡強死夜生主監獄事 離火逐水加光時夜

生作兵卒心狠日生以罪死 離火逐日身弱命不永苦惱外

死 離火無逐加光時少年妨父母命多險危或死于獸或死

於罪失光家事壞生涯苦惱或燒鐵

月離金逐土加光時夜生娶不正婦人或老年者日生好色多

遠遊勞苦在女命均為性不正失光時夜生無子日生軟弱貧

賤水上生涯 離金逐木加光時亦有火權大福大抵來自婦

人失光時亦有福少年得他人財物 離金逐火加光時為婦

人有火苦夜生有權心狠領兵火與月在一宮或五宮力大別

宮作兵卒失光家事失苦且病 離金逐水加光時作婦人事

失光有病 離金逐日少年有福 離金無逐 缺

月離水星逐土星加光時日生啞聲夜生平常生理受苦失光

時日生窮乞獄死或大病苦死 離水逐木加光時為大人顯

官福自讀書未失光時亦有福但官小耳 離水逐火加光時

夜生作大將必狠毒在角內力更大在降角不孝弟多強死失

光日生作光棍與賊合死於法夜生為兵大膽若月與火在一

宮或五宮強死別宮病苦 離水逐金加光時喜生利人與快

夜生尊貴為官月在第一宮更力大 離水逐日風疾啞聲貧

苦無定居年老稍減 離水無逐加光時有學問能醫卜有福

失光不喜學問多水厄與耳不便利 月離日逐土星日生家

事多失父母傷終有大福夜生貧病強死 離日逐木日生福

自父母未有大名富貴夜生福未逢喜遠遊 離日逐火日生

父母早死壞日身體有傷或少年死夜生心狠作兵卒在角內

有力在降角早賤早孤火內作生計 離日逐金日生無子或

娶老婦財富自艱苦未夜生妻有福富貴為人好但貴無土星

照 離日逐水畫生心不善夜生作差役若有木星照為官吏

亦主有學問 離日無逐其為人無福外走或役於人

無離逐土加光時母寡且病家事常得常失失光時父母有傷

人軟弱 無離逐木加光時富且知未來事不宜火弦冲弦冲

主大險危失光時少年苦惱寄養于人遲久方有小福亦忌火

凶照凶照更苦 無離逐火加光時夜生多險危被脫騙喜爭

戰日生壞目壞身體月在一宮或六宮十二宮與火合其人

不婚娶父母早喪防跌死月在五宮十一宮二宮八宮逐火日生

命短夜生有大權作官逐火在奉宮為將官在土宮心惡作

皂僧 無離逐金加光時父母貴其人易富易貧失光年少亦

有福大抵月逐金多好色取禍若日生日在四角火星在七宮

或十宮多為色死於非命婦人有此主淫 無離逐水加光時

聰明大才學有木三合照因學問得大權失光多疑忌性惡多

病 無離逐日故

月空走無離無逐角亦無吉星人生窮苦倚他人度日身弱常

有病生時若為第一有權者身體好心好畢竟喜走水路喜出

外反此難為室家兒女且難為眼睛子不孝外無好名

五星在地平各宮吉凶

土星在一宮不吉嫉妬為首生子 七宮強死為人亦惡 十

宮福未遲 四宮家事壞夜生尤甚 二宮八宮多苦惱被人

妬 八宮同火或同木得別人財 三宮壞兄弟照更凶 九

宮多學問 十宮十一宮壞子 七宮六宮有不治之疾 十

二宮為人難交死於獄

木星在一宮有大權夜生為首生子 二宮富 四宮得大人

愛有大權 三宮常小出行有好兄弟朋友 五宮十一宮亦

有福 在四角其性隨各宮之性如在獅子性即喜在十一宮

六宮 七宮亦有福老年方末 七宮又在陰陽內生相大

八宮與二宮但多為財爭訟本陰陽言夜生更甚 九宮福自教學

未若在十宮四宮更大

火星在一宮日生大膽風疾好浪費說謊四宮同且不生子而

有病多在牢獄 七宮好殺人 在一宮有權強死早死 十

宮軍流死其宮屬陰其事差減若在天蝎更甚 夜生人一宮

或十宮火在木或金水有權宮內主有大權在木權自帝王未

在金自百姓未水自才幹未 在八宮大抵死於兵

金星為一宮主星為人爽快易交親美好色好歌唱肯憐人若

有水吉照為卸命文臣同木日火皆主大權管兵亦多子女若

有火凶照為兵刃傷手足或失血同土生瘡同水水泡疾金火

金火 喜五宮七宮全在西與土星相對為人極壞金德在七

宮老年有福 十宮東邊有大名亦為候王有日照福自朝廷

未日照自兵馬未照自功德 四宮有財福 八宮妻有缺陷

或不生子 十宮一宮與月水木同處為功德教化有大福兼

以土為功德教化受勞苦 九宮信邪教與火土同處為邪教
女色惡死同木土水合或吉照知未來事有福 在六宮內人
賤且貌惡十二宮妻不吉

凡日月相合在地平下無權在四宮水在一宮或七宮代日月
管事是大聰明人若與昴星近或聰明有風氣 喜在一宮得
在東和大吉 二宮不喜學問 八宮瘋痴 六宮為醫有名
外遊吉 日在一宮宮分屬陽在本宮或升內或有吉星照大
富貴若有凶星相近壞目 在一宮同土星光相及晝生有大
權位尊有地星照為阻官小 在一宮有火星照或光相及有
大權從艱難未 在一宮晝生宮分如上說指第一木星在四正

角有火星在十宮屬陽月光滿亦在角內非帝王即有天下大
權或月與火同在十宮內或同在八宮亦有天權但終至強死
或土在十宮火在二宮或八宮月滿時有大權終死獄中 在
一宮別角有木金水為大人福自父母來若有土吉照福更
長久 在一宮木火水在別角有土吉照或火吉照亦主大
權但膽大奸謀害人貪財終壞己身 在一宮夜生亦貴出地
平做人亦好若有土火吉照或同在一宮內主兄長供死家事
俱失在別宮亦然 日在二宮人爽快財帛艱難多爭競與二
和那不有金星或木星吉照或相合有福亦從艱難未從之凡日
在二宮難求大事 日在三宮父不吉主人軟弱良善作錢糧

官其妻子俱遲 三宮是日本宮或在升或在木金水本宮并
其升內均管教誨事若有火或土照合為人心惡奸貪 日在

四宮有火土照要殺父壞家害身 日在五宮尊貴有好友
若有金會或六合照還有大貴之望大抵來自百姓前日縱有
凶星合不能壞事因宮分好之故不通害子女耳如止有一日
在內福小子女多損 日在六宮大艱苦有痲疾如火在一宮
有權有官終要早死不死壞家如十宮內有吉星則有福 日
在七宮若月在一宮或十宮有大權在本宮或木星宮權更大
在七宮同月同福木又在別角有主為福德帝王如火或土在
二宮或八宮要失權失權時更有凶禍 在七宮或別宮水月

在一宮內有大學問兼以土學問不善用 夜生日與土同在
七宮金木在日生或在十二宮夜生 或六宮金水土亦在
俱主不生子女如內監 日在八宮父早亡若有火土在內或
相吉照人有風疾 在八宮月在街又有火土照多病從頭上
未如木與火吉照或相合病可醫同土 日在九宮多出外作佛
匠有凶星照出外苦惱 日在十宮晝生在本宮或木星舍升
為帝王或為大臣自父母來若火在別角有從苦惱得有火在
七宮月光滿照火或在一宮或十宮主有大權但應死于獄有
火在二宮或九宮與月凶照或同月火在一宮內同同上
在十宮如上說本言與無火照合木在別角有月亦在南有且

光滿同木照普天下有名日同水在正角 日在十一宮有福
尊貴父母俱貴有木吉照更吉或金星合日在日東福自朋友
未 在十一宮與凶星會或惡照惟傷子女別無不吉 日在
十二宮為賤役父早亡家事多失有病且有獄災縱會吉星終
不成吉不吉星在內病且心狠

水星會各星在各宮吉凶

水同各星合不甚吉獨同土吉為二星同一三角如在陰陽天
秤寶疑中子人有主意 水同土在一宮日生管閒事夜生役
於人若宮分屬陰不生子女如內監 在二宮為醫有名發財
但無福又主管墳墓事 四宮明深微之理但有獄厄 五宮

常在外管錢糧詳 六宮十二宮夜生心思貧苦有火凶照死
於法 七宮得別人家財夜生窮苦心惡死于獄 八宮日生
有病亦有福夜生貧苦 月加光時逐土或火而水在九宮與
土合主教化事 水同土在十宮得他人大財以計取 十一
宮同五宮十二宮同六宮

水與木在一宮日生有大權夜生次之 在二宮得他人財夜
生無主意 三宮管教化事 四宮好覓土中財物 五宮同
四宮 六宮有才能有福 七宮大福自婦人未大權次之
九宮同三宮 十宮大權大福 十一宮同五宮 十二宮若
水在東和作書辨有權老年壞事在西不善終

水與火在一宮日生無福為婦人事死於法夜生有大權如有
土惡照危險且多被騙詐 二宮主外遊或寄養夜生心思瘋
疾 三宮知未禾事有福 四宮懶惰早賤與親人不好好訟
夜生管兵馬強死 五宮大膽有力有權 六宮十二宮同五
宮然日生畢竟心惡有獄危死特極苦月加光照更甚夜生欠
人債多爭訟被早下人傷 七宮日生為妻受大苦心惡不免
於死 八宮日生失家業有瘋痴疾夜生心思強死 九宮心
惡 十宮常行水路 大抵水同火亦有權不久即壞但當分
別在何星宮在水星宮主聰明爽快在火星宮好兵在木星宮
為官在土星宮行惡在日月宮做火內生意 在十一宮死於

戰爭 十二宮被官責罰餘見上

水與金在一宮日生近君有權夜生聰明諸事易成逢逆有大
權管朝廷事 二宮日生管閒事爽快在東和能文尊貴夜生
在西和大福大權 三宮管教化事如禮 四宮有學問在東
先賤後貴 五宮大福逢未來自婦人 六宮日生難于娶作
生理吉夜生在東和出外管船水行生意在西和才能寶石生
理 七宮病苦難成家夜生有福未逢來自婦人但忌火土凶
照 八宮在西日生為無用人妻子難得大抵瘋痴夜生得地
人財無病死在東作事易成福逢未有才能 九宮善天文算
數 十宮有大名大權好色 十一宮管婦女事多苦難 十

二宮日生好色多死于兵福未易壞有婦人致險危
水與日在一宮貴為候王大聰明 二宮有財有權 三宮善
醫卜 四宮不甚貴有學問在土星宮多險危 五宮事易成
富貴不久 六宮怠惰不能成大事若十宮有吉星猶可 七
宮日生大權大官但不善終夜生貧賤 八宮軟弱無才有痴
瘋疾 九宮作邪法 十宮日生有天下大權木照更大 十
十宮福逢末 十二宮貧窮服役出外

天象源委卷十四

命理

命之為命世人每欲以小術推測不知本與天象相合
或言人生天地間如太倉之一粟亦何關於天象夫道
之所在不遺巨細即一物之細無不與天象相應何況
于人：第不思耳薛鳳祚之序天步真源人命部云談
命者多家除煩雜不歸正道者不論近理者有子平五
星二種子平專言干支其法傳于李虛中近世精于其
道者談理微中可以十得七八至于五星何茫然也五
星舊法出自欽察而所傳之說甚畧如論日格不過有

日出扶桑卯日朝北戶巳日帝居陽午日過白羊戌日
帝朝天亥五法論午宮格不過有日帝居陽日太陰升
殿月南枝向暖木水名榮顯水字騎獅子車木蔽陽光
木六法外顧粲：也他如天官文昌化曜諸說然驗與
否皆居其半予于諸書多曾講求終不能自信于心也
嘗讀洪武癸亥儒臣吳伯宗譯西法天文似稱稍備竊
思其法傳之西域而十二宮分度有參差不等者乃獨
秘之予久求其說不得而不知其元奧正在于此壬辰
予來自白下暨西儒穆先生詳志忝求益以愚見其理
為舊法所未及者有數種焉一為生時不真如子至丑

一時而論人生則非刻漏之時而過午時圈之時一子時有三十度過午圈則子有三十時矣子時過午圈一也南北極出地又有無窮之異則子時且不可以數計矣財帛等十二宮赤道皆三十度然不當用赤道而變為黃道其宮分多寡有差五六十度者日月等七政星歷皆本星黃道然不當用黃道而變為赤道其出入宮分有差至三四十度者至于吉凶之遲速全不關黃赤道而論升度而正球升度亦止午圈之一點外此斜升斜降隨極高下並不可齊以上數大法舊傳皆畧得其似遂認為而况各宮與七政性情相離相逐得力不得

數不言數而專言理者聖人也理數兼言者君子也不言理而專言數者細人也觀此二說則命之理微于是可見而由知命為君子以希聖人是所兼望于天下後世者也輯命理人命看七件各曜所主真源云一定各曜所主如妻妾視月財帛視福聰明視水月之類各曜能力大小一定各曜能力大小第一日能力大二月三木四土五火六金

力如舊日格午官格者萬未及一安敢以為天地之情即在是也此書幽渺元奧非人思力可及他如回年行年流月流日條分縷晰皆指諸掌豈非為此道特開生面乎象宗後跋云夫天命歷數誠當講求矣有當言命者有不當言命者又不可不知也富貴貧賤之間有命存焉不可幸而致者當言命者也綱常倫理之際乃吾性分之所當然不可諉之于命者此不當言命者也所以孟子云耳目口鼻四肢之欲謂命不謂性仁義禮智天道謂性不謂命可謂發前聖所未發大有功于天下萬世者吾故推孟子之意而正告天下後世曰深明乎

七水

七曜性及一宮十宮性

一七曜之性及一宮十宮之性稱為生人之星

各曜何星能力大

一各曜何星能力大在一宮十宮或在一宮十宮相近之二宮

九宮

五星在日月東西及在本宮與外與冲并本圈高卑

一五星能力大者在日東在日西在月東在月西或在其宮或

在其冲或在外或在本圈高卑

七曜吉照惡照